

四庫未收書輯刊編纂委員會編

四庫未收書輯刊


北京出版社

玖輯·拾玖冊

四庫未收書輯刊

四庫未收書輯刊編纂委員會編

北京出版社



玖輯·拾玖冊目錄

香樹齋詩集十八卷詩續集三十六卷

文集二十八卷文集續鈔五卷·之二
〔清〕錢陳羣撰

存硯樓二集二十五卷
〔清〕儲大文撰

一

四二七

〔清〕錢陳羣撰

香樹齋詩集十八卷詩續
集三十六卷文集二十八
卷文集續鈔五卷·之二

清乾隆刻本

序

進有功於時退有傳於後士君子之所願也然而
有得有不得焉輔世濟民由乎高位艱於遇合者
未能也鴻文麗藻輝映後來闕於經術者未能也
故劉卯無傳於事也妙見於文章前人憾之

有定而人之

得四人

人曰

氏

百

耳氏舊染視學畿

輔甄選名流管陟司憲司罰咸中取士春闈珪璋
林立蒞事之暇於朝章國政之鉅郊廟禮樂之詳
無不隨在討論援古據今上下千百年瞭如指掌
今所載奏疏考辨論說之類是也而又出其緒餘
活丐字內如贈送詩文之弁序名山大川之題名

原缺第二葉

慈寧萬壽予亦許隨先生後得繪像賦詩今又序
先生文集挂名卷中何其幸與至於先生功績陳
謨颺言具在史冊中先生韻語樂府古今體並可
上追古人藝林共識之皆不待予言之贅述也
乾隆甲申春仲長洲後學沈德潛謹題時年九十
有二

香樹齋文集

序

三

香樹齋文集目錄

卷一 賦一

河清賦 有序

天上種白榆賦

秋郊大獵賦 有序

冰嬉賦 有序

卷二 奏疏一

遵例進 起居注疏

代母恭謝疏

謝補翰林院侍讀學士疏

香樹齋文集 目錄

謝 賜 聖祖仁皇帝御製文集

疏

遵 旨回奏疏

謝 賜經典二部疏

請選拔貢生卽歸皿字號鄉試疏

請分別已受封典之節婦仍得旌表疏

懇請瞻仰 大行皇帝梓宮疏

懇請馳封疏

請且字號舉子一體分別官民疏

卷三 奏疏二

請廣種植以厚民生疏

請改歸冒籍生員疏

請嚴匿名揭帖疏

條陳學政事宜疏

條陳學政事疏

學政事宜疏

請假省母疏

陳謝 天恩疏

卷四 奏疏三

進呈遺書疏

學政事宜疏

恭聞 山陵大禮升祔大典俱已擇

吉慶成據情陳奏疏

請整飭尼山洙泗兩書院疏

請偏灾蠲免分數分別貧富劄子

謝 賜康濟錄疏

謝 賜栢梁體詩墨刻劄子

條陳耗羨奏疏

卷五 奏疏四

請改正律例疏
常平事宜疏
請修思陵饗殿疏
謝 賜御題夜紡授經圖劄子
謝 賜紗葛劄子
謝 賜三希堂法帖劄子
進呈唐書合鈔劄子
恭賀 聖德遠孚平定徇部捷報武成
普天同慶表
謝 賜墨妙軒法帖劄子
香樹齋文集 目錄
卷六 奏疏 五
覆奏 廷寄字內頒到 恩諭劄子
恭謝 天恩疏
謝 御書賜和詩劄子
謝 賜免罰鄉俸劄子
謝 恩特加刑部尙書疏
謝 御賜橋梓圖疏
兒子女誠蒙 恩賞假省視恭謝劄子
謝 賜御畫竹如意劄子
謝 賜和詩劄子

謝 御賜書香山耆碩匾額劄子
謝 賜福字劄子
謝 賜鹿肉劄子
謝 賜 御畫石芝并 御題長
律卷子
恭謝 頒賜 御製繙譯書經
御纂春秋直解劄子
恭謝 恩賜紫光閣墨刻摺子
卷七 尺牘 一
與弟界
香樹齋文集 目錄
示姪汝鼎 二十三則
與弟界
與從孫載
上溧陽大司馬
與嵇拙修少宰
卷八 尺牘 二
與從孫埰
與溧陽師相
與董東山宗伯
與孫懿齋尙書

又 又

與許中丞

上李臨川師

寄副憲尹元符

答傅玉筍師

與某

與邵北崖

卷九 尺牘三

與族人公札

與鄂虛亭宮詹

香樹齋文集 目錄

與姚範治

與俞磁州

與李宮保

與完卓菴

與馬墨林

與吳眉菴前輩

與曹榕齋明府

與沈似笠

與陸念劬

與沈固廬同年

五

與陳子方

與黃生建中

與汪松泉尙書

又

答葉超宗

卷十 尺牘四

示端孫

與黃建中文中兄弟四十三則 跋附

與陳榕門宮傳

與宮怡雲方伯

香樹齋文集 目錄

謝顧少司馬惠筆硯紙墨匣小啓

答盧雅雨同年婚啓

答黃與員外

與尹望山節相

與黃簡齋司訓

與俞是齋

卷十一 序一

近思錄序

渭南縣志序

湖南鄉試錄序

六

直隸試牘二編序

松桂堂文集序

董孝廉文集序

汪舜陶范湖詩集序

戴生窗藝序

李奕夫吏部詩文合集序

衍聖公孔裕齋停軒集序

小蘭陔詩集序

入蜀紀行合編序

卷十二 序二

香樹齋文集 目錄

東溟先生又存詩稿序

沈隱士萸菴集序

李孝廉哀鳴集序

滄溟女子詩序

榜亭詩序

祖席送馮樹臣少司寇歸長水序

宋雅伯視學蜀中序

曹翁壽序

田贈公乞言小序

夏柳倡和詩序

卷十三 序三

送羅生還江右序

座主臨川師五十壽序

黃文玉卿七十壽序

罔卿范君壽序

監司曹介岩壽序

宋鴻臚六十壽序

徐太孺人七十壽序

麓村五十壽序

田師母潘太夫人六十壽序

香樹齋文集 目錄

同年沈固廬夫婦七十雙壽序

卷十四 序四

懷永堂詩序

制府太保方問亭述本堂詩集序

梁薌林太宰矢音集序

宮怡雲方伯南溟集序

節母徐孺人四十壽序

雷母李太夫人八十壽序

高東軒相公詩文合集序

賦彙錄要序

江西鄉試錄序

家稼軒少司寇詩集序

三禮駢類序

卷十五 跋一

記注後序

恭跋 御製平定準噶爾勒銘太學碑

文

恭錄 御製祈雨文敬跋

恭跋 御製平定徇部告成太學碑文

恭跋 御製開感論後

香樹齋文集 目錄

九

卷十六 跋二

恭跋 御製行幸木蘭古今體詩冊後

恭跋 御製罇鐘特磬三銘

恭跋 御製補小雅笙詩

恭跋 御製登烟雨樓與莊有恭聯句

用石鼎體原韻

恭跋 經進烟雨樓屏風後

恭跋 經進烟雨樓屏風後

恭跋 經進冊子後

恭跋 經進冊子後

恭跋 經進文徵明畫朱子四時讀書樂圖

恭跋 御批孫樵大明宮賦

恭跋 御製萬壽山昆明湖記

恭跋 御製麥莊橋記

恭跋 御製湖心亭詩

恭跋 御製放鶴亭詩

恭跋 御製花門行後

恭跋 御製飛來峯二歌

恭跋 御製攝山栖霞寺用尹繼善沈

德潛倡和韻

香樹齋文集 目錄

十

恭跋 御製題林逋詩帖真蹟用卷中

蘇軾書和靖林處士詩後韻

恭跋 御製觀採茶歌

恭跋 御製鄧尉香雪海歌疊舊作韻

敬跋 恭書立春日雪 重華宮與詞臣聯

句詩後

卷十七 跋三

跋 孚于公感劉朝萊道丈命書道德經第

六十三章詩後 附公詩

題朱觀察小照

跋宋孝廉品金醒世格言卷尾

題淮海集後

題味經窩圖

跋從姪益翁自述行狀

跋趙文山太守詩後

張瓜圃墓誌後跋

跋徐在川公代草請蠲南漕疏稿後

跋田京傳後

跋同年何淵若詩稿後

自跋所錄忠孝故實冊子後

香樹齋文集目錄

士

跋張大中墨蹟

跋沈恭靖公玉陽山居

又

汪松泉尙書所書學記卷跋

跋昌黎石鼓歌後

跋趙松雪衛生歌後

松泉香樹合書手卷跋

跋尹望山節相紀

恩詩

卷十八 跋

題汪松泉尙書仿松雪題耕織詩卷

跋汪松泉楷書千字文

題趙生登明所藏拙書卷子

題元配俞淑人幀首

華亭大司農王公手錄經進詩冊副本跋

題齊雙瀾廣文述先志碑後

跋曉巢憶小園詩後

跋曹奕汪畫冊後

跋李龍眠畫卷

跋先侍御公遺疏

跋宋貞女詩集

香樹齋文集目錄

士

集思齋跋

族孫載請貽贈其祖父母及父母例贈封

典屬子書之并識於尾

敬書國俗輯紀跋

跋王氏所藏松雪手札後

跋黃簡齋廣文所藏予手書尺牘後

又

自跋所書詞卷後

恭跋 御製用庚信詠畫屏風二十四

首原韻

恭跋 御製反白居易陰山道樂府

敬跋恭和 御製詩冊子

卷十九 記一

大關恭記

先武肅祠堂記

朝邑縣重修儒學記

重修博野縣儒學記

重遊雷餘山居記

天寧寺重建鎮海寶塔及千佛閣記略

張東侯郡守屏風記

香樹齋文集 目錄

吉

卷二十 記二

何氏捨田守墓碑記

四川第三會館碑記

鹽邑育嬰堂碑記

金明寺禪堂添捨齋田碑記

嘉興縣學新建尊經閣記

嘉興邑侯張君見思碑記

族兄芝臺司馬墓記

卷二十一 傳一

金指揮傳

烈婦余氏傳

義婦趙氏傳

藍明府傳

胡文學傳

盛高士傳

許悅成傳

沈隱士傳

朱節婦傳

奉宸苑卿汪君廷璋傳

陶先生傳

香樹齋文集 目錄

吉

烈婦五妹傳

莊孺人傳

卷二十二 祭文一

祭范大夫文

祭陽城相公文

祭虞山相公文

祭遂寧相公文

祭勵宮傳文 代

祭馮樹臣少司寇文

祭吳眉巷少司馬文

祭唐序皇文
祭陸奉常文
祭史慕劬文
祭查雲在前輩文
祭陳明府文
卷二十三 祭文二
祭監司武練湖文
祭王儀曾秀才文
祭文學張生文
祭族叔恭恪公文
香樹齋文集 目錄
祭嵇太夫人文
祭蔣母杜太夫人文
告祭故友浙江方伯前福建巡撫蜀安居
樓山王君文
祭王恭人文
祭馬母莊孺人文
祭沈恭人文
卷二十四 墓誌銘一
方伯唐公暨夫人吳氏合葬墓誌銘
族長從祖文學偶莊公墓表

沈贈君墓誌銘
贈中大夫兩淮鹽運使太學生吳君洎元
配錢太淑人合葬墓誌銘
趙景汾庶常墓誌銘
卷二十五 墓誌銘二
范母諸孺人墓誌銘
吳恭人墓誌銘
同年柯石菴墓誌銘
中憲大夫慎齋曾君洎元配陳恭人合葬
墓誌銘
香樹齋文集 目錄
光祿大夫太子太傅吏部尚書贈太子太
師諡文端汪公墓誌銘
誥授文林郎翰林院編修迪甫蔣君墓誌
銘
直隸開州牧嚴君墓誌銘
卷二十六 行狀一
待贈文林郎顯考廉江府君行述
誥封太淑人顯妣陳太君行述
卷二十七 雜著一
雍正七年湖南鄉試策問五首

湖南科場事宜告示

古今名將用兵異同辨

春秋兵法異同辨

詩經兵法辨 跋附

卷二十八 雜著二

治河略

乾隆十五年江西鄉試策問五首

十八里橋募疏引

廣濟寺募修禪堂引

行解劄記

香樹齋文集 目錄

葬會跋後

張節母詩題詞

永定河說

七

香樹齋文集卷一

賦

河清賦 以黃河清天下平為韻并序

雍正四年冬十有二月河臣及近河所在守

土大吏各奏言由豫之陝虞等州邑至江南

邳徐等州及淮上綿亘二千餘里黃河清至

今湛然澄澈 臣 讀京房易傳云河水清天下

平易坤靈圖曰聖人受命瑞應于河眾所共

稱咸推上瑞蓋由我

香樹齋文集 卷一

皇上德備生安治登隆邳萬善蒼萃諸福駢臻恩

膏同于雨露照臨並乎日月用是天不愛道

地不愛寶

御極以來凡三見卿雲聯珠合璧禾九穗麥雙岐

蓮駢莖休徵叠至普天率土人人歡喜自幸

生逢

聖世得觀太平之有象即重洋遠島遐陬極域職

方所未授版圖所未陳者莫不重譯梯航接

踵恐後 臣 伏思三才一理有感必通平成者

參贊之實功也嘉祥者位育之徵驗也百谷



之王四瀆之長同時效順有開必先實由

皇上至誠感格

聖心謙抑復申命自

天告成于

祖垂履泰持盈之戒廣斂時敷錫之仁堯之允恭

禹之祗承何以加茲臣遭際昌期觀茲徵應

敢咏歌 盛德以明符瑞之由乃拜手稽首

而作賦曰

鴻濛既啓濇源孔長路折于陽紆之麓派分于陵
門之岡出崑崙而蹄泐露白二允積石而土色同黃

香樹齋文集

卷一

二

三門迴兮浩浩九曲繚兮浪浪檢映芝泥投圖應

籙文成蘭采協氣流光洵嘉祥于以徵應實瑰異

之所窟藏也爾其綿綿亘亘透透迤迤冒石門而

箭激包砥柱而風過抱秦絡晉襟豫帶魯南會乎

淮泗北入乎滹沱潤物長族振槁起枯既廣濟于

舟楫還分液于田禾受明禋于

聖世爰後海而先河其爲流也直者不止伏者不

停羣鱗之類栖托而出沒萬年之沙糅雜而包并

笑寸膠之餘技曾何足窺其一萍惟

聖德之感召乃湛然而澄清似明鏡之鑒物非滄

浪而濯纓扶杖而慶者萬衆應期而至者千齡則

見夫迅而不駭徐而不遷波恬恬兮湜湜流緩緩

兮涓涓河伯受命于蒼昊令百神之我先大盧折

溜而隱見黃龍甕水而潔濁冰彛握帝兮騰騫于

後琴高乘扇兮盪滌于前折則明玉潤回則孕珠

圓洵亘古之罕觀昭

聖治于中天維時澤腹方堅吹幽飲社際茲嘉平

降此福嘏涇渭一色納濟水而同清日星朗照映

銀漢而如瀉觀漣漪之可愛悟晝夜之不舍維黃

輿之獻瑞布大喜于天下做元會之盛事乃升歌

香樹齋文集

卷一

三

而進雅歌曰

聖人在上敘五行兮懷柔允翕感至誠兮河水湛

然應文明兮家用平康百穀用成兮五風十雨泰

階平兮

德可歌兮不能名兮

天上種白榆賦

效唐人律體以垂陰
天上歷代不彫爲韻

逸彼晴顛白榆交垂布高空而奕奕擢柯葉以離
離榦自倚天迥拂星辰之上根能拔地低臨河漢
之湄想闔闢於混茫紐芽奚自緬春秋於榮落移
植何時爾其敷廣蔭聳喬林台階相輔閣道斜臨
運玉衡而共轉結華蓋以成陰三百六十五度有
奇遍栽歷歷九萬一千餘里而外遠望森森種或
近於柳躔帶疎星而共麗影若交於桂窟連素月
以徐侵龍葱耀彩蒼蔚凝烟孕育於太虛之表胚
胎於象帝之先輝綺旭而如周燧火霏細雨而不

香樹齋文集

卷一

四

墮春錢豈是玉關千行映日應同雁塞萬樹泰天
徒觀其超越寰中扶疎雲上竦碧落以交橫排闥
闔而相向霜雪自葆夫堅貞雨露深滋乎浩蕩不
藉木公之長養笑人間之種樹徒勞詎因土德之
滋培覺造化之神奇無量蔭大火於南離分清輝
於東壁質寧粉社之堪儕名豈山樞之共錫午隨
建木以亭亭晨倚扶桑而的的縱大椿之萬六未
足比其敷榮卽度索之三千又奚方其閱歷豈不
以稟德陽精植基天載任二氣之互根總一元之
推代傍樞極則承麗中央交天柱而岷然作對薇

垣高映聯跗萼以葳蕤貝闕遙瞻疊枝柯而霏霽
故能與乾坤爲始終無冬夏而茂鬱非自託於散
材竟長伸於造物遠斤斧之追尋謝巧匠之顧拂
有用豈如無用古亦云然小年未及大年其誰曰
不際

薰弦之普暢正嘉卉之含韶槐堦朗曙藜閣凝宵
紀瑞而莫方舒葉占時而風不鳴條仰
健行之廣被樂芳樹之後彫五色雲中早見輝流
若木萬年枝上頻看彩煥重霄

香樹齋文集

卷一

五

秋郊大獵賦

以天人同澤上下交歡為韻并序

是歲八月十日己酉

上閱武至準烏拉代地方道右之圍既合 車駕

詣行宮有

旨明日駐蹕于此脩道左圍及晨

上乘馬出和門從官之執事圍中者咸先期儲備

臣與大學士臣查郎阿等侍立門右仰瞻

雲日霽色順時魚須之旂既導雕王之輿既隨行

未數里遣侍郎臣傳恒傳

諭臣等綴筆為賦以紀斯典臣惟大閱載于春秋

香樹齋文集

卷一

六

教田垂于月令周宣內脩政事外攘夷狄復

文武之境土會諸侯于東都以講武事其時

詩人為之賦車攻賦吉日以書其美弧矢以

來茲為近古後世子虛上林羽獵諸篇鋪陳

過實君子譏之他若華林之舉非其時元武

之局于其地庾信張說摛摛揚厲亦無取焉

我

皇上法

祖勤民興仁興孝恩澤所覃沾漑庶類乃以安不

忘危有備無患四年冬舉大閱禮六年秋脩

大獵事八年

幸盛京恭謁

祖陵蠲租賜赦進從官階一級中外震疊歌咏明

盛今年七月下浣恭奉

慈闈復脩田事凡行圍所過之地皆

聖祖當日三至五至之區塞農野老林立道旁得

睹

天顏無異為兒童時仰覲

神堯也而番部名王之率眾來迎者亦相望于途

維時山川效靈風雨和會臣陳羣備員 禁

香樹齋文集

卷一

七

近得隨 輦路末行旃帳濡毫不文是惡謹

拜手稽首而作賦曰

蓐收乘令少皞司天禱申房伯道指燕然選車徒

者數萬號賁育者三千揚

祖烈于龍沙平移華蓋奉

慈顏于黃屋廣列細旃肅馬政以訓五戎既閑既

好遵秋原以瞻百穀實粟實堅下令師中禁蹂躪

于長路沛恩畿近賜田租之半年夜雨知時潤庶

草而征衣不濕秋山如畫卷眾卉而鈴旆自妍于

時鎖鑰元戎屏息凜節穹廬君長抗手獻珍負弓

弩者備東樓之裔通膏沐者列西離之賓拖絺之
矛非假淬而後利射熊之館不待移而自陳規延
袤以星羅路方千有餘里備爽塏以枰列圍設一
十五巡肅慎悉暈重圍聖乎又縱烏號自呈滿月
天也非人于是八部分行視前旌以爲導兩翼競
進拱大纛而居中人影環山揮袂雲連駿健馬蹄
踏草風來香染芎藭迎鷹窠之千嶺審虎蹟于三
夔洵無幽而不入亦靡輿之弗通凡茲經鳥道而
用命者莫不因田事而抒忠則見驚羣影獸窟不
能營挂燧文禽木不能擇鹿麋麋而緣崗兔爰爰

香樹齋文集 卷一

八

而越陌黃羊之起殷殷斑雉之飛才狐失冰聽
豹迷霧澤狼雖顧而離披熊欲申而狼藉虬虎迎
天弧以就殲大兕嬰地羅以自搯或逆石而墜崖
或獲雙于射隻縱突圍其延喘終鬼禡而神虬爾
其角力既敵于羣材獻絕復及于衆養髡官遞喉
天狗猙獰奚奴指頤海青迅往隼脫鞫而奮擊犬
帶令而直上小試則似石壓卵大受則如獅搏象
中必要害來必恟恟乍颺發于雲間仍馴伏于
御仗况復德稱乎馴力優于馬獸多若陵亘禽墮
如雨下實既登籍矢猶盈把按轡于巖嶮之峯馳

驟于廣莫之野于以見軍旅之止齊而餘勇之可
賈也衆志懾矣

皇情寫矣召墨卿而灑翰何揚風而挖雅爰整七
校爰建長旂序涉涼候歷徧秋郊解湯網之恢廓
筮顯比之象爰簡左牒之上等進

慈寧之嘉肴貴胄公孤頒以肥脆羽林鷓鷯逮以
燔炮豈惟示雨露之均亦以定上下之交是役也
發軔流火迴軫初寒深谷長松迢遞盡乎遠土鐵
漿芹菜館舍覽夫契丹應氣而行鉅典撫景而得
大觀示禦攘課繕完威武耀磐石安惟 德車之

香樹齋文集 卷一

九

遠馭占玉衡之長端賦成紀實歌以志歡歌曰於
鑠
皇旅則時邁兮仁育義正敷天對兮
祖烈重光威無外兮日未靡旃無已太兮又歌曰
率左右兮從羣醜還
宸居兮薦嘉卣
天祿申兮昭受式下武兮萬壽

冰嬉賦 并序

歲赤奮若日行北陸水澤腹堅

天子臨太液池召羽林軍呈藝角材行賚有差

諭曰是冰嬉也是國俗也乃援筆爲賦以記斯典

洋洋千有餘言既曲盡其致復申之以式舊

施惠而終戒其逾則一訓練之舉以其近於

遊觀也而箴警寓焉穆乎煥乎賦體之極則

矣賦既成

命內廷諸臣各製一篇呈

覽誠不遺管蒯不棄蕉萃之深思也臣才識淺陋

香樹齋文集

卷一

十

抱簷簷於

聖人之門猶擊瓦缶而答黃鐘悚仄屏息而作賦

曰

懿夫我皇之馭物也因地呈能順時布澤巡方而

沙漠揚威練衆而巧捷奏力歲功既成汜可休息

乃行健之法天自朝至於日中昃不遑暇食恩必

遍逮寓賞於責斯受之者不誣而收之者可覈昨

者分命諸王陪以列卿閱射郊外以厲府兵犒以

第而施技以賚而精鑄感激以騰躍披衆志而成

城乃稽

國俗爰有冰嬉玉虹之灣太液之池風栗冽兮瑟

瑟波凝滯兮澄澄展積素於蓬島琢千頃之琉璃

召期門飲飛之侶角躡虛軼足之奇衣短後飾以

緯取堅緻牢以韋行分林立如屏如帷咸抱能而

欲試受節制於一麾

天子於是建雲罕移左纛斲方床以當舟設重茵

以爲屋亦纜亦篙不楫不轂蠲蛭効順以前驅馮

夷應蟄而潛伏瞻五雲之鑿鑿識

六龍之清穆於斯時也獻捷者爭先恐後超羣者

汎駕騰空網屨以鐵其形則巧趨趨儂佻疾若驚

香樹齋文集

卷一

士

鴻少劬而機以停駭迅往而氣以任恂翔如奮翼

輕如御風彷彿乎帆檣之齊發而舵振箭激突出

乎其中先登者賞書某某也賞不隣濫格以九也

前遮後要孰蔽其好也澶漫不進又誰之咎也賞

亦及之以作其赴也夫何隊合伍開變換餘技樹

以兩旂踏以雙齒執事屏立珠毬中起心注手揮

目不他視驪龍之睡何時夸父之逐徒爾遠之則

忽恍近之則遷徙獲雋者曾不盈於一掬力窮者

笑虛張乎十指若抗若墜似合似離騰騰沓沓盱

盱睢睢或先迷而後得或欲迅而反稽或黏天而

不下或及地而更飛瞥依禱而傍袂菴欲挽而成
推任舉趾其防蹶乃長跪而赴之觀夫燕石燕珍
楚弓楚得割乎分疆而立限犁然引繩而削墨奮
翮者圖南垂翅者返北幟旣拔而奏功郢方羸而
定局叶邀一貺以自榮敢云我戰其必克彼踟躕
爲軍中之戲拔河博耀武之名繩伎近藪都盧身
輕吞刀吐火競渡胡旋叶或詭而異或駭以驚孰
若此之循舊章以鳴豫鼓衆士而化爭也哉資旣
行權趨躍六出霏鋪洛澤講武事求民莫八蜡通
鬼神索繫斯典之匪今念先民之有作是故先時
香樹齋文集卷一
不舉後時不陳戒臨深與履薄

三

香樹齋文集卷二

嘉興錢陳羣集齋

奏疏

遵例進 起居注疏

奏爲雍正十一年 起居注書成遵例奏 聞事

欽惟我

皇上德協中和功兼位育紹無疆之泰運庶績咸

熙體不息之乾行九功惟敘 躬承

郊廟迓純嘏於明禋祗謁

山陵普 恩施於錫類治心治身治世性宗闡三

香樹齋文集卷二

二

教之源曰誠曰敬曰仁宰制握萬幾之要念念以

天心爲鑒時時以民食爲先加賑蕪近海之窮黎

發粟逮河濱之葦屋全給運艘之月米澤國流膏

免追兵弁之月糧軍中挾纊蠲億萬之正額被恩

波於克豫三秦寬現年之條銀布愷澤於普沅六

詔下減賦緩征之令於屢豐大有之年益欽

睿慮之周詳仰見仁心之浩蕩網羅俊乂宏博與

理學同徵眷念勳勞耆舊與賢良倍渥量才廣額

邊方悉荷洪鈞適館授餐詞苑傳爲盛事重磨工

則興脩石壩海不揚波振士氣則簡閱軍營兵皆

按籍頒

諭旨以垂楷則永著臣規納條奏以

採芻蕘廣開言路辟以止辟審輕重之權衡刑期

無刑務聽斷之明允布德行惠無非稱物以平施

因事制宜莫不斟酌古勞來輔翼番藏歡呼

體恤撫綏外藩悅服既揆文而奮武自遠至而邇

安洪流之引河自開功能防險交廣之靈泉自湧

甘可溉田麒麟表瑞於潼川卿雲絢彩於閩嶠嘉

祥叠至徵百福之來同協氣霧流彰

一人之有慶臣等身依日月職在纂編紀雲物之

光華書成柱史佩絲綸之昭示學愧臯謨懼忝實

香樹齋文集

卷二

二

深賡揚莫罄伏查舊例 起居注館記注於次年

之冬具奏 勅令內閣收貯今值雍正十一年書

竣謹遵成例奏 聞恭候

命下臣等欽奉遵行謹奏請

旨

代母恭謝疏

雍正十三年

奏為代母恭謝

天恩事本年二月十一日跪聆

聖訓蒙

皇上垂念臣母年近八旬

恩賜硯一方人參二觔內府緞紬各四疋臣祇領

後卽差家人恭齋到浙臣母恭設香案跪領訖今

於本月內接臣母寄臣信內云汝自幼孤苦寒素

食貧遭際

聖明久叨侍從清班屢畀衡文重任每接邸報見

香樹齋文集

卷二

三

汝蒙

恩遷轉我感激惶悚清夜思之輒至涕下但願汝

恪守官箴力圖報稱我卽布衣蔬食實為榮幸乃

仰荷

恩賞下賁蓬門被命服之五章光逾翟芴拜靈苗

之三秀澤潤衰顏感切餘生舉家頂戴但我係婦

道所有感激下忱無由上達汝現在視學直隸密

邇禁籟其敬謹繕摺代申蟻悃等語伏念臣一介

微賤少承母訓長沐

皇恩自通籍以來一絲一粟得盡子職皆出自

皇上生成所賜今臣母復膺

錫類洪仁實臣世世子孫泱髓淪肌矢報靡涯之

厚典所有臣母感激下忱理合繕摺恭謝

天恩臣可勝感激惶悚之至謹奏

香樹齋文集

卷十一

四

謝補翰林院侍讀學士疏

奏為恭謝

天恩仰祈

睿鑒事雍正十三年閏四月二十五日奉

旨錢陳羣補授翰林院侍讀學士欽此臣隨恭設

香案望闕叩頭祇謝訖竊臣一介庸愚學識淺

陋荷蒙

皇上生成教育忝列侍從之班勉効文章之任自

奉

命視學畿輔以來實心體察夙夜冰兢惟恐才力

香樹齋文集

卷二

五

難周時虞隕越今復仰荷

隆恩補授翰林院侍讀學士聞

命之下彌切悚惶伏念學臣為化導專司學士為

清華要職

聖慈策勵刻骨銘心惟有持躬益謹課士益勤敦

實學以振文風勵實行以端士習庶幾仰報

高厚洪恩於萬一耳所有微臣感激愚忱理合繕

疏具奏謹奏

謝

賜

聖祖仁皇帝御製文集疏

洪惟

聖祖仁皇帝德備生安道隆作述直聰明以照臨
四表本天縱而多能錫勇知以丕冒羣生集大成
而首出冲齡踐祚時敏而允懷於茲晚歲傳經好
學而從心所欲廣因心之孝色養備極於
重闈凜昭事之誠欽若上孚於

香樹齋文集

卷二

六

之赫濯授方畧而兩河底定沛恩施而六合清寧
仁敬孝慈永貽君極都俞告誡用立臣規重道崇
儒心性啓圖書之秘厚生務本農桑垂婦子之經
慶賞刑威法制詳而推行盡善方名象數考據備
而纖悉靡遺洪開萬代之文明共仰
一人之著作可大可久既易知而簡能巍乎煥乎
自日新而富有箴銘記序論列標藻鑑之公詩賦
歌詞吟咏得性情之正集分四帙如四時之順布
以流行卷必萬言擬萬彙之昭融而敷布藹藹太
和之氣煌煌元始之音蓋敷典陳謨洵足昭垂於

久遠而紹聞衣德端賴繼述之

聖人恭遇我

皇上中和建極誠敬緞猷奉

寶訓以牖民四海咸遵王路秉

韶音以覺世萬國共識周行以心傳心見天人之

一貫以

聖紹

聖彰先後之同符當問

安視膳之年夙親承夫指示逮繼序守文之日更

默契夫精微先天下而是訓是行祖述與憲章並

香樹齋文集

卷二

七

懋率臣庶以世法世則觀光與揚烈借隆午夜研
思拱天球於虎觀深宮頒示耀金鏡於鷓行臣備
員禁近視學郊畿仰日月之經天管窺有志觀江
河之行地蠡測終慚惟有身體力行永書紳以佩
服珍藏什襲鏤心版以率由所有微臣感激下忱
理合恭疏題謝伏乞
皇上睿鑒施行謹奏

遵

旨回奏疏 雍正十二年

奏為遵

旨回奏事 臣於本年二月十一日跪聆

聖訓時蒙

皇上洪恩以 臣母年老在籍 臣邇年以來奉差楚

南三秦等處事竣回京奉職翰林未得省視今復

視學畿輔准 臣於科試將竣時酌量請假回籍數

月得侍 臣母顏色

高厚隆恩亘古罕遇 臣跪聆之下感激涕零無可

香樹齋文集 卷二

八

言喻伏思周詳盡善纖悉靡遺者乃

皇上體恤 臣下之深仁而身膺重任勢難兼舉者

實臣下奉公之大義學政一官衡文取士校閱務

必精詳與讓型仁化導尤須實踐矧直隸首善之

區道路周廻七八千里統率士類一二十萬中人

之性往往視學臣表率之疎密以為勤惰 臣即時

加約束朝夕提撕猶恐識見未到才力有未周之

慮惴惴焉隕越是懼至於三年之內歲科兩試自

應按期報滿比年以來因接任稍遲永平一府曾

經兩次展限 臣愚見欲於來歲春初即行歲試則

時日寬餘庶免以歲作科之請再四思維實無餘

暇可以回籍省母隨於家人恭賚

恩賞到家寄候 臣母稟帖內稟知面奉

恩旨俯憐 臣下烏鳥之情准 臣於試竣奏請給假

省母再赴學政之任 臣母歡欣鼓舞感悚交集昨

寄家信勉策報効並云汝受

皇上深恩畀以畿輔學政重任須實心實力訓迪

多士我身子比前更覺強健尙可來京就養等語

是 臣母所見與 臣無異將來仰賴

洪恩 臣職守可以不離母子可以常聚皆出自

香樹齋文集 卷二

九

皇上溫給體恤格外矜全之賜矣為此具摺覆奏

臣可勝歡忭感激之至謹奏

謝

恩賜經典二部疏 雍正十三年

奏為恭謝

天恩事雍正十三年六月十一日據 臣 六月初七日所差進摺家人王梅恭賚

欽賜御錄宗鏡大綱一部御錄經海一滴一部到

臣 按考通州地方 臣 隨出郊跪迎至署恭設香案

望 闕叩頭祇謝訖伏惟

皇上心涵萬善道濟羣生集千聖之大成性天一

貫彙諸經之至教純粹以精固已最上最尊千百

香樹齋文集

卷二

十

國仰

慈雲之布護正知正見億萬年觀覺路之澄清矣

乃以至德難名自無藉於言思讚嘆上乘可企要

不滯於文字語言酌彼菁華心可維而口可誦撮

其旨要美斯愛而愛斯傳爰錫嘉名兼題

御筆一曰經海一滴一曰宗鏡大綱百法名門於

茲總備開鏡光於鷲嶺羣瞻日照中天納海潤於

龍門共慶澤流大地 臣 備員翰苑久沐

恩榮奉職郊圻宣揚化導

琅函頒示身依衆寶林中盥手仰瞻心企諸天法

界伏思主一可以神應而致一尤貴於存誠執簡

可以該繁而行簡必先於居敬惟有凜遵祇守以

自利者利人體立用行以奉心者奉職冀稍開於

頑鈍庶仰報乎

高深 臣 可勝感激歡忭之至

香樹齋文集

卷二

十一

請選拔貢生卽歸皿字號鄉試疏

奏為直屬已經選拔各生仰懇

聖恩俯准入於皿字號內應試以宏作育事竊查順天鄉試與外省不同生員貢監各分字號取中生員應試入於貝字號內恩拔歲貢及副榜監生應試俱入於皿字號內此例由來已久但拔貢一項從前俱係學臣選拔造冊報部卽准作為拔貢於雍正五年欽奉

上諭六年舉行一次令各省學臣秉公選拔具題送部引

香樹齋文集

卷二

三

見嗣於雍正六年前任學臣楊超曾科試直隸各府州縣生員於雍正七年鄉試以前選拔事竣旋卽具題送部禮部將選拔各生劄行順天府入於皿字號內鄉試自雍正六年選拔之後至雍正十二年正屆六年之期前任學臣吳應棻遵奉部劄科試宣化保定正定順德廣平五府及直隸趙定易三州已照例選拔

荷蒙

聖恩簡畀順天學政接任以來科考八旗滿州漢軍順天河間大名天津四府及直隸冀深二州亦遵例選拔在案

因接任日淺鄉闈期近科試難

週將永平一府題請以歲作科俟諸生出闈後卽星赴永平補行科試業蒙

俞允是永平所屬鄉試以前不獲選拔其各府州縣已經選拔諸生緣永平未經選拔鄉試以前亦不獲具題送部引

見今諸生現俱有志觀光因具題送部尙在有待既不獲邀禮部劄入皿字號之例應試又以名列選拔該學臣員科舉冊內不復造入送試紛紛環籲欲將伊等以選拔咨送鄉試但伊等雖經選拔現在尙未具題不便冒昧遽行咨送理合奏

香樹齋文集

卷二

三

明仰懇

皇上俯念鄉闈期近

特沛殊恩准卽將各府州縣已經選拔諸生咨

送順天府一體入於皿字號內鄉試則諸生感戴

皇仁於無既矣為此繕摺具奏伏乞

皇上睿鑒施行謹奏

請分別已受封典之節婦仍得旌表疏 雍正

十三年

奏為已受封典之節婦仰懇

聖恩分別旌表事伏查定例婦人三十以內夫死守節至五十歲以上准其旌表若已受封典之命婦一概不准竊思命婦之中有受封典在先而夫死在後者彼既身為命婦自宜守節例不旌表洵為允當其有三十歲以內夫死守節在先迨撫孤成立之後因子顯達始獲受封者似應准其旌表以彰潛德蓋母因子貴若其子顯達即尋常偕老

香樹齋文集

卷二

西

之婦人未嘗不可受封是封典非為節婦而設彼守節之婦既能教子成名尤宜急為表揚若以其既受封典不准仰邀旌表則前此之苦節竟因子貴以致湮沒而不彰殊非聖朝顯微闡幽之至意所當仰懇皇上天恩將守節在先受封在後之合例節婦准予旌表庶潛德幽光無復湮沒之憾矣

懇請瞻仰

大行皇帝梓宮疏 雍正十三年

奏為微臣哀感實深仰懇

聖恩俯准叩謝

梓宮以申思慕悃忱事竊臣一介寒素才識庸愚

叨列翰苑十有五年荷蒙

大行皇帝教誨生成由編脩拔置學士屢以文字

進呈輒蒙

獎賞至於差遣任使乃下奉職之常臣惟祇凜

訓誨敬謹遵行而

香樹齋文集

卷二

五

溫綸議敘遷擢頻膺凡

褒嘉之下逮實夢想所未經本年正月內昇臣畿

輔學政重任恭請

聖訓時垂念臣母年近八旬

特賜人參端硯貂鼠宮綉緞疋等物並許臣於辦

公之餘請假回籍省視臣以學政事繁實無餘暇

覆奏復荷

殊批優答准臣迎養臣母又於七月內奉

旨着在南書房行走八月初八日大學士張廷玉

傳

旨嘉獎十五日隨諸大臣進見十六日奏明往永平府補行科考又蒙

召見賞賚獨優屬望勉勵刻骨銘心乃未及浹旬竟成萬古驚聞

龍馭上賓五內摧裂神志昏迷晝夜考試席地披閱事竣後匍匐奔至京師恭請

聖安伏思

大行皇帝深仁厚澤沾被九有凡在臣民莫不哀

思感泣而臣受

恩更渥悲號嗚咽口不能宣仰懇

香樹齋文集

卷二

夫

聖恩俯鑒微臣思慕忱悃准臣叩謁

梓宮庶得少伸哀感從此整攝精神益加勉翼

効犬馬於

聖明之世以仰報

大行皇帝知遇之恩於萬一皆出自

皇上高厚之賜矣為此瀝血哀懇臣不勝呼籲激

切之至

懇請馳封疏 雍正十三年

奏為仰懇

聖慈恩准馳封以全微臣烏鳥之情以廣

天家錫類之仁事竊臣幼嬰疢疾孤露無依外祖

母陳實憐憫之見臣失乳恐旦夕不保遂從襁褓

中抱與俱歸延醫調治百計生全筆難罄述自一

歲至八歲無日不在提攜之內臣年七八歲時以

臣為錢氏宗子割愛遣歸居無何陳亦即世臣以

撫育之恩分難遺棄日夜號泣幾不欲生時臣祖

年八十餘病卧床第間鑒臣斯志命臣於名字內

香樹齋文集

卷二

七

得存陳字以誌不忘此臣陳羣所由名也幸際昌

期旋通仕版十有五年矣茲恭遇

覃恩凡官員現任者俱依品級彙請封典並得榮

及所生臣於九月廿三日蒙

恩轉補右通政例得封及臣祖父母其翰林院侍

讀學士任內應得本身職銜仰懇

恩准馳封臣外祖父母微軀存活義不忘於所天

烏鳥私情實有求於

恩主伏惟

聖慈憐察俾臣得稍展酬報撫育之隱願皆出自

皇上錫類之深仁矣謹奏

香樹齋文集 卷二

六

請旦字號舉子一體分別官民疏 乾隆元年
奏為仰懇

聖恩將宜屬鄉試分別官民以廣

皇仁事竊惟鄉試分別官民字樣照額取中此乃
國家體恤孤寒士子加惠官員子弟之至意似此
曠典自應率土均沾不宜更有互異今直隸一省
所屬十府五州其順保九府五州生員鄉試俱分
別官民卷取中惟宣化一府同隸畿輔因編旦字
號遂不行分別官民字樣使不得與九府五州官
員子弟共沐

香樹齋文集 卷二

九

聖朝雨露殊非所以昭畫一者也伏查雍正二年
禮部議覆加增五經中額准將旦字號併入貝字
號比校文章優劣取錄是五經中額並不以旦字
號而有岐視乃官卷一項竟以旦字號獨不得與
宜其喁喁向風在所不免再陝省之寧夏亦另編
丁字號甘肅亦另編聿字號而寧夏甘肅之官卷
則與通省之官字號比校取中今宣化另編旦字
號與陝省寧夏甘肅另編丁聿字號無異况直隸
順保九府五州之官卷甚少每逢鄉試幾至缺額
而宣化所屬現有官卷又格於成例不獲與選豐

茲嗇彼所宜急爲通融且宣化所屬之蔚州素稱
文獻地向隸山西得邀官卷之典今改屬宣化則
俱抑入民卷卽就蔚州而言先後互異尤屬未爲
妥協所當仰懇

聖恩一視同仁將且字號之官卷照五經中額及
丁聿官卷之例准其併入直隸通省具字號內校
文章優劣取錄如此則

皇仁普徧而近畿士子益加鼓舞矣爲此繕摺具
奏伏乞

皇上睿鑒施行

香樹齋文集

卷二

干

香樹齋文集卷三

嘉興錢陳羣集齋

奏疏二

請廣種植以厚民生疏 雍正十三年十二月

奏爲請廣種植以因地利以厚民生事 臣聞周禮
地官司徒以土會辨五地之物生植物凡五曰阜
物曰膏物曰藪物曰萊物曰叢物所植不同其利
於民一也 國家久道化成凡康功田功無不經
畫盡制惟種植樹木小民以爲非目前利益之事
多忽而不講地方有司官亦視爲具文卽勤於職
業者亦不過於官路之傍種植成行補其闕畧聊
以塞責耳不知地道敏樹卽至瘠之地非斥鹵不
毛者皆可種植誠各視其土之所宜勤爲栽植數
年之後暢茂條達落其材可爲薪爇取其實可充
穀核至河濱水窟旣可保護堤根復可採爲捍禦
之備 臣曾于役秦楚晉豫諸省見民間隙地甚多
畸零者不種五穀閒曠者不便開墾誠依地官之
法廣樹五植則官足於用而民資其利試就京師
郊外百里之內度可以種植者不可勝數况天下
之大隙地之多乎從前怡賢親王曾奏請行於直

縣近水州縣數年以來現有成效但未通行亦未曾設立勸相之法其利未溥臣請

勅下天下郡邑務將隙地悉皆種植如係官地則令官種地方官有能資種至千本以上者准其紀錄務須核實造在交盤冊內以備地方公事需用民地應令民種富民有捐資種至五六百本者給匾獎賞成材之後聽其取用不許阻撓上司官仍不時稽查如此則因民之所利而利之用力省而成功多者莫若此也如果臣言可採伏乞

皇上睿鑒施行謹奏

香樹齋文集 卷三

二

請改歸冒籍生員疏 乾隆元年
奏為敬獻芻蕘仰祈

睿鑒事竊惟士子之考試難容任意兩岐國家之名器豈可聽其冒濫臣荷蒙

聖恩昇以衡文重任學政事宜倘有應行斟酌者敢不勉竭愚忱敬抒末議查大興宛平二縣每逢歲科考試童生之是否合例係順天府丞審音錄送至於學臣惟有憑文錄取而已但大興宛平二縣地居輦轂之下為賢才聚集之所是以大興宛平入學率多外省入籍之人緣本童之祖父

香樹齋文集 卷三

三

或因經商而寄籍或係仕宦而卜居因而子侄得以援例考試若此項入學之人果係童生原可毋庸置議然其中竟有原係貢監生員或因實在不能回籍或係希圖兩地鄉試重考入學者以一人而佔兩處學額已屬冒濫倘原係食餼之生重考入學又復補廩是以一人而食兩處廩餼豈不大干功令臣之管見以為應照雍正八年三月內兵部議覆順天府丞王潯條奏順天府京衛武生改歸原籍之例定限文到兩個月內許令各生具呈自首准其存留一處衣頂如願以順天府學生

員考試將原籍貢監生員之處移咨除名如願以原籍貢監生員考試將順天府學生員之處行學除名倘敢容隱過期不首一經發覺兩處衣頂盡皆斥革如此則士子之考試悉歸一轍國家之名器不致濫膺而學政益加肅清矣爲此繕摺具奏伏乞
皇上睿鑒施行謹奏

香樹齋文集

卷三

四

請嚴匿名揭帖疏

雍正十三年

奏爲請
旨事竊惟朝廷設官分爵原爲士庶伸理如果事有冤抑自可據實首告倘不過懷挾私嫌豈可任意捏詞污蟻以圖傾陷洩忿每有一種奸險之徒稍不遂意本無証據實難顯然首告又欲避誣告反坐之重罪遂逞其如鬼如蜮之伎倆或編歌謠或作詩詞徧行粘貼污人名節以快己私此種習氣有關世道人心非小查匿名揭帖久有例禁但此種條例最易玩愒而此種刁風亦最易復熾况京師爲五方雲集之所賢愚更爲不一若不再行嚴禁恐若輩將益無顧忌應請
皇上勅下九門提督五城御史並順天府府尹嚴加稽查嗣後無論事之鉅細若非據實首告敢有編造歌謠詩詞匿名揭帖粘貼問巷街衢者立即拿送刑部專治其編造揭貼之罪庶奸惡知所儆懼善良不致爲其傾陷而於世道人心大有裨益爲此繕摺具奏伏乞
皇上睿鑒施行謹奏

香樹齋文集

卷三

五

條陳學政事宜疏 雍正十三年

奏爲請停科考舉報優劣以收勸懲實效以廣
皇仁事竊查雍正六年四月內禮部等衙門議覆
山西學政勵宗萬條奏請定學臣舉黜優劣隨棚
造冊達部以杜奉行不力一疏內開學政每考一
棚將文武生員優劣姓名造冊達部於三年任滿
時具疏彙題優者升入太學劣者照例褫革其先
經達部之劣生果有改悔向善者於彙題聲明除
去原冊劣生之名等因具題奉

旨依議本內議稱劣生果能改悔卽除去原冊劣

六

香樹齋文集 卷三
生之名等語夫分別優劣以昭勸懲原以望其自
新但人之遷善亦有勉強於一時而不能始終如
一者倘既除劣生之名將來又復開報不但紛擾
亦且非體嗣後凡有劣生改過自新者卽於冊內
開注不必除名欽此欽遵在案此誠激揚之盛典
勸懲之良法但舉優報劣祇應行於歲考之時不
應行於科試之日蓋學臣歲考文武生員人人畢
集優劣不難而行獎戒以昭勸懲至科試則武生
不與卽文生之應試者亦只有三四此直省皆
然舉報之優劣半非現在與考之生欲行獎戒必

須傳喚往返需時優者尙恐不能依期而赴劣者
勢必遷延不至學臣按試孔亟焉能久待旣不能
久待則科試之優劣俱於本府本州面行獎戒又
何足以昭勸懲且 臣恭摺

諭旨雖令分別優劣原以期望人之自新夫人之
遷善改過固在一念之猛省然必少需時日而後
見信於比閭族黨而後見許於師長而後州縣長
官得以查核具詳而後學臣得以據詳開注誠非
浹旬數月之所能辦也乃部劄但就隨棚二字上
立說行令歲科並舉夫歲考所報之劣生卽學臣

香樹齋文集 卷三

七

按試最後之處其去彙題尙有一年之期可以從
容改悔若科考所報之劣生卽學臣首按之地其
去彙題之日僅有一年倘按試最後則甫經報劣
旋入彙題褫革卽如 臣自今年二月接任科試三
月內所報之劣生現在與雍正十一年歲考所報
之劣生一體褫革矣卽一省以例各省莫不皆然
煌煌

聖諭實爲望人改過自新而設乃朝報劣而夕行
褫革終身含恥至欲自新而無路則歲科兩次舉
行之故也蓋生員之有犯法者原許該學教官及

州縣官不時詳報學臣按律懲治初不必定俟學
臣按考始行舉報猶之內外文武各官其有貪婪
不法種種溺職原許各該管上司不時叅劾初不
必定俟京察大計軍政之年始行分別然而明黜
陟示勸懲則三載考績之典唐虞三代以來未之
或易伏思文武官員身膺民社職任韜鈴其甄別
賢否內而京察外而計典軍政猶係三載一舉五
年一行而文武諸生身列子衿尙屬草茅下士獨
於三年之內行令歲科舉報優劣二次行之過數
則劣者始而救過不遑繼而遷善無期終必頽然
自棄至於優者必力行善事積久而後有成若年
分太驟則易於掩飾難徵實行從前部議實屬未
爲平允不可不稍爲變通臣請將文武生員照京
察計典之例三年之內惟於學臣歲試隨棚優劣
舉報一次仍先造冊達部俟三年任滿後彙題至
科考舉報優劣之處應請通行停止卽或生員中
有抗糧唆訟行止不端等弊仍許各地方官不時
詳報大者請革小者按所犯之輕重分別戒飭俟
其仍不悛改則轉盼歲考仍可報劣行褫如此則
舉報優劣易於核實而微青小過得以改悔自新

不致卽罹褫革庶於勸懲之典大有裨益而普天
士子咸沐
皇仁於無旣矣爲此繕摺具奏伏乞
皇上睿鑒施行謹奏

條陳學政事疏 乾隆元年

奏為敬陳管見仰祈

睿鑒事竊惟士為四民之首欲使民俗敦於古處
必須士習歸於醇謹然士習之端固在學臣之表
率而各學教官分司訓迪約束諸生其為士習關
係實非淺鮮然約束貴嚴訓迪貴勤是又非年力
就衰勉強供職者所能奏效也 臣自任事以來深
見首善之地必得加意整飭悉心化導庶幾仰報
皇上簡畀之至意凡按試所到之處化導士子諄
切告誡之後又隨時訓迪各學教職多方示以實

香樹齋文集

卷三

十

心課士之法間有年富學優無忝師儒之任者亦
能領會而年力就衰勉強供職者亦復不少非不
即欲令其休致乃部選教職類皆年力就衰之員
若因其老也而去之正恐來者之未必不如今也
雖日令其休致徒使曠官闕職於學校仍無補益
倘目擊其勉強而仍任其悠忽此又 臣夙夜所不
能自安者也 臣再四思維有必宜稍為變通於應
選各項教職毫無遲滯而學校實有裨益者二條
敬為我

皇上陳之一教官六年俸滿保題所遺之缺不宜

仍歸部選蓋教官之得以保題原因歷任六年之
內所屬士子並無抗糧健訟蕩檢踰閑故其俸滿
以示獎勵但此方之士習甫經幹員振刷必須繼
起得人方可始終如一若將此缺仍歸月選則引
年拘格大概年力就衰不能勝任是 國家鼓勵
人材之盛典本為整飭士子著有成效起見倘接
任不得其人勢必至前功盡棄 臣仰體

皇上加意訓迪士子之盛心請嗣後遇有六年俸
滿之教職缺出將改授教職之進士舉人及候選
教職之副榜拔貢內揀選年富學優才堪訓士者
香樹齋文集

卷三

十

令其補授如此則六年俸滿遺缺可望繼起得人
而甫經振刷之士習不復致有頹壞之虞矣
一凡一學僅設有教職一員者應甄別去留所遺
之缺亦不宜仍歸部選蓋教職有一學設立二員
者有一學僅設一員者如府學之設有教授州學
之設有學正縣學之設有訓導此乃一學設有教
職二員俱得人固可毋庸置議即或僅有一員年
富學優才堪董率一員雖年力就衰尚無過失則
襄贊有人猶可令其勉強供職姑畱佐理惟宣化
府屬各學及正定屬阜平之有教授學正而無訓

導順天府屬順義懷柔平谷之有訓導而無教諭
此乃一學僅設教職一員是一學之士習全賴該
員之整飭應於將來歲試時詳加甄別若該員年
齒富強文理可觀應令照舊供職倘年力就衰訓
導無術萬難姑畱貽悞學校應令其休致臣以爲
此甄別所遺之缺亦請將改授教職之進士舉人
及候選教職之副榜拔貢內揀選年富學優才堪
訓士者令其補授如此則各學教職皆得其人而
士習在在振刷矣以上二條倘蒙

香樹齋文集

卷三

七

副榜拔貢令督臣行文各屬將部選尚須時日情
願揀選者由地方官申送於臣歲試保定時會同
督臣詳加考驗其堪膺司鐸者每項揀選數員行
司註冊俟有缺出督臣會同學臣再於揀選各員
內酌量人地相宜者一面令其任事一面咨明吏
部仍於年終督臣會同學臣將揀補過各員姓名
具疏彙題可也

學政事宜疏

奏爲童生覆試論題仰懇

聖恩兼出小學以端蒙養事竊惟小學一書分內
外二篇自立教明倫敬身稽古以至嘉言懿行大
而尊親敬上祇父恭兄小而灑掃應對洪纖畢具
所以涵養性天陶融氣質與性理相爲表裏欲窮
性理必先植基於小學方無躐等之弊伏查康熙
五十四年

聖祖仁皇帝諭令童生覆試論題復用小學誠欲
士子謹小慎微漸探理要也嗣後於雍正元年

香樹齋文集

卷三

七

世宗憲皇帝以孝經爲聖言悉備應與五經並重
鄉會論題專出孝經此誠
世宗憲皇帝孝治天下敷教明倫之至意鄉會兩
試既專以孝經命題此國子監司業那爾布於雍
正十二年復有童生覆試作論專用孝經之請今
鄉會論題業已兼用性理則行遠自邇登高自卑
童生覆試論題所當仰懇

皇上恩准孝經與小學兼出使士子束髮讀書先
習小學則覺世牖民已先啓其知能而主靜存誠
得徐探其奧庶理學昌明於天下而於國家興

賢育才之典實有裨益矣爲此繕摺具奏伏祈
皇上睿鑒施行謹奏

香樹齋文集

卷三

古

學政事宜疏

乾隆元年

奏爲備陳生員對讀之苦仰冀

皇仁垂憫事查鄉會兩試俱須對讀以校硃墨各
卷之訛例取學_臣歲試考居四五等生員爲之會
試則取近京之生如人數不敷兼用新進生員皆
先期傳喚申送順天府轉送入場應用在各生偶
因一日文字荒疎所致不惟不許鄉試且當對讀
之差所以因媿示懲因懲作勸洵屬允當惟是考
居四五等之生大半皆貧寒下士每逢鄉會試期
近者往返約四十餘日遠者約五六十日不等裹

香樹齋文集

卷三

五

糧露宿百舍重趼各學教官猶恐其擅自歸家致
悞公事每生派役一人押送所派之役盤費皆取
資於該生每對讀一次館職盡荒農業皆廢甚至
有賣男鬻女以爲盤費者_臣自幼目擊此種艱苦
然再四思維對讀需人萬無可以設法另派別項
更換之處伏思鄉會大典三年舉行一次動用帑
金不下十餘萬原爲掄才起見此項對讀生員仰
懇

聖恩憐其窮苦每人賞盤費三四兩令各府州縣
按實在對讀生員名數給與不得中飽直省鄉試

對讀通計約需二千人計三年一次動支七八千兩則天下貧寒之士不致有賠累之苦得以悉心對讀於舉子實屬有益至直隸一省對讀比各省不同各省專辦鄉試直隸則兼辦會試卽以示懲而論亦屬偏枯今年恭遇

皇上誕膺寶祚特開恩科需用對讀仍循舊例提取並無別項可以另派充當若已經歲試之生既現辦

恩科對讀之事其乾隆三年正科又應對讀若係未經歲試之生既當上年正科之差現在又應辦

香樹齋文集

卷三

六

理

恩科對讀之事合之鄉會連舉二次在貧寒士子

四次往返對讀尤宜加意體恤臣昨於正月十一

日出京見近畿新生及順天府屬四五等生員踏

雪衝寒忍飢受餒目擊情形實堪憫惻所當仰懇

皇上特頒恩旨酌量賞給並飭鄉會提調官嚴禁

吏胥需索勒捐等弊則普天寒峻均沐

皇仁而於公務益加鼓舞舞矣爲此具摺請

旨伏祈

皇上睿鑒施行謹奏

請假省母疏 乾隆元年

奏爲仰懇

聖恩暫假數日省視臣母以展烏私事臣於雍正

十三年二月蒙

世宗憲皇帝憫臣自幼孤苦服官翰苑十四五年

屢奉差使未得侍母

命臣迎養臣母於順天學政之任臣去年九月間

科試事竣回京蒙

恩仍令趨值內廷公餘得侍顏色舉家感戴嗚咽

難名今年正月臣出京按試因學臣職在周循刻

香樹齋文集

卷三

七

無寧晷居無定處不能迎奉行署臣母留養京寓

昨晚接臣子稟稱臣母忽感寒疾飲食罔進臣接

閱之下驚惶莫措臣按試保定及直隸易州文武

生童二萬餘人五十餘日焚膏繼晷現在俱已事

竣正定府生童尙未傳集正值兩不相妨之時臣

輾轉思維仰懇

天恩賞臣暫假星馳省母一展烏鳥之私到京後

停畱三日卽可星赴正定不悞考校臣幸遇

皇上孝治天下體恤臣工無微不至倘蒙

聖慈准假臣輕騎兼程往返不出十日之外子職

稍盡臣職不悞皆出自
高厚生成之賜矣謹奏

香樹齋文集 卷三

六

陳謝

天恩疏乾隆元年

奏為恭謝

天恩事臣於三月初在保定試院臣聞母訃音即

日奔歸京寓呼號苦塊中接督臣李衛字內恭錄

為奏

聞事一摺欽奉

硃批覽錢陳羣前次奏請回京稱伊母偶感寒疾

朕以其本屬微恙且伊離京未久故未俞允誰知

伊母乃大病不起之症也是則伊措詞之失非朕

香樹齋文集 卷三

七

不使伊親視含殮之咎也將此批令錢陳羣知之

仰見

皇上至仁惻怛體恤下情無微不至跪讀之下感

激靡寧謹將

恩綸捧宣臣母柩前重壤之下永深啣結隨懇督

臣李衛轉奏陳達伏念臣本一介寒微依母存活

自奉職以來久闕定省蒙

世宗憲皇帝憫念臣母年近八旬

命臣迎養京寓嗣蒙

皇上天恩命臣仍在內廷行走并留學政之任去

冬十月至今年正月得於趨面之暇侍奉臣母一
展烏哺之私且奉職畿輔離京寓不遠聞計奔歸
含殮諸事猶及親身料理是微臣子職之稍盡皆
出自

世宗憲皇帝高厚隆恩及我

皇上再造生成之所賜乃荷蒙

聖慈垂憫肫懇批示卽旁觀者猶爲感動矧身受
如臣者能不汗流淚下刻骨銘心以圖報稱今已
過百日現在料理扶輓俟秋涼起程所有微臣感
悚下情敬謹繕摺陳奏恭謝

香樹齋文集

卷三

三

天恩謹奏

香樹齋文集卷四

嘉興錢陳羣集齋

奏疏三

進呈遺書疏

奏爲欽奉

上諭事乾隆六年二月十九日准禮部劄開乾隆
六年正月初四日內閣奉

上諭從古右文之治務訪遺編目今內府藏書已
稱大備但近世以來著述日繁如元明諸賢以及
國朝儒學研究六經闡明性理潛心正學醇粹無

香樹齋文集

卷四

一

疵者當不乏人雖業在名山而未登天府著直省
督撫學政畱心採訪不拘刻本鈔本隨時進呈以
廣石渠天祿之儲欽此爲合劄前去遵奉施行等
因劄行到臣准此仰見

皇上敦崇理學羽翼經書顯微闡幽表彰潛德之
至意臣奉

命視學數年以來所有元明以及國朝儒臣撰
著約二十種理合另摺繕寫書目並書進呈

御覽惟是臣職司衡校周歷靡寧行篋擔簦披風
曝日現在恭進之書籍或得之先儒後裔或得之

廟肆村坊或因慕其人而訪其遺書或因讀其文而考其懿行無關正學者雖才華雅贍未敢贗陳有裨經書者雖片義單詞不敢墜棄鐫板紙色新舊既不能齊字畫簡篇滲漏或所不免又臣學識淺陋于六經理學自問實未能窺見津梁據所採訪之書其有萬一裨補經傳發明理學之處未敢臆測仰祈
聖慈垂察臣曷任戰慄恐懼之至謹奏

學政事宜疏 乾隆六年

奏為請

頒從祀先賢儒哲姓氏位數遵照設立神牌以昭畫一以重祀典事竊惟文廟從祀兩廡之先賢先儒皆經歷代釐定考正載于祀典秩宗掌之本朝列聖相承尊儒重道自京師以至天下各府州縣春秋祀事禮隆物具依古以來至為明備惟是日久易弛所設兩廡神牌或因墻垣傾圯致為風雨所侵剝落朽壤者或因脩理廟廡教官不能躬自督辦竟至遺失者或接任之員祇憑村究鄉生任意書設者或有先賢已躋十哲而原設之位尙未撤去者卽有一二勤職之員有志釐正見由來已久未敢更改商之有司亦以事關祀典未便輕易置喙聽其因陋就簡以訛承訛卽如直隸通省府州縣之學宮兩廡神牌臣按試所至詢及教官或東或西或先或後或多或少或書子或書氏現有不能畫一之處以此類推各省之僻邑遠州似此互異者亦所不免臣思廟庭祀典關係重大府州縣學自應遵照京師文廟兩廡列序按次原不容少有參差况恭遇

皇上道宗洙泗學貫天人膺作君作師之任承見
知聞知之統正先賢儒哲昌明際會之時郡州縣
學從祀神牌尙有未曾畫一者臣職司學政理合
仰請

皇上勅下禮部查明諸賢諸儒姓氏應在東廡者
若干位應在西廡者若干位按照先後次序臚列
詳晰開載明白通行直省俾各遵照畫一設立神
牌庶祀典孔昭而妥侑永安矣臣愚昧之見是否
可採伏祈

皇上睿鑒施行謹奏

香樹齋文集

卷四

四

恭聞

山陵大禮升祔大典俱已擇吉慶成據情陳奏疏
竊臣持服里居接閱邸鈔恭聞

山陵大禮升祔大典俱已擇吉慶成仰見
皇上全體孝經盡禮盡制所謂愛敬盡于事親而
德教加于百姓刑于四海者于今日見之矣至于
孺慕根乎天性哀痛本乎至情凡極誠展敬之事
卽慕義之士秉禮之儒有不能致于其親者昔滕
文公以小國之君側身而行大禮猶令四方觀者
欣慕悅服感乎中心而勿能去今我

香樹齋文集

卷四

五

皇上盛德中禮孝思維則信乎聖人爲人倫之至
中外臣民實所共仰獨是臣身受

世宗憲皇帝造就深恩山編修拔置學士荷蒙

皇上袞養生成之德簡畀納言仍畱視學正圖竭
力報稱乃于去年三月猝遭私艱旬旬回籍

山陵大事臣內不獲與侍從諸臣同効扈衛之勞
外不獲與畿輔大吏共効趨躄之職撫膺悲悚食
息難安輾轉思維惟有及時辦理臣母卜塋之事
使身無私顧方可宣力奉公少備犬馬驅策于

聖明之世所有微臣惶悚依戀忱悃因馳摺家人

之便據實陳奏伏惟

聖慈憐察謹奏

香樹齋文集

卷四

六

請整飭尼山洙泗兩書院疏 乾隆二年

竊惟尊師重道莫先于佑啓後人講學明經莫重

于滋培根本 臣 伏見孔氏聖裔世守宗祊綿延東

魯秉禮傳家爲世楷則諸賢後裔亦聚族而居環

拱朝宗各尊七鬯我朝

列聖相承尊崇正學凡推恩錫類之舉史冊所陳

罕能媲美我

皇上心契淵微學宗洙泗御極之初于衍聖公孔

廣榮陛見之日面加訓誨勉勵再三懇切周詳溢

于言表凡在士類莫不歡欣鼓舞仰見

香樹齋文集

卷四

七

皇上重道崇儒至意惟是氏族愈繁人才日盛教

導之法誠不可不亟講也蓋天能陰隲聖賢之有

後而不能不憑藉于啓迪之有人聖賢能默相子

孫于有成而不能不資助于他山之切劘子思孔

子孫也師曾子而後得明道統一再傳而已然况

二千餘年之久七十餘世之後哉

皇上膺作君作師之任接見知聞知之統握化本

而端教源至道心傳炳乎若揭矣衍聖公孔廣榮

年富力強賦性穎敏以聖人之裔生

聖人之世友善親仁畜德正業端在此時仰請

皇上特頒諭旨整飭尼山洙泗兩書院擇翰林院諸臣中言行醇謹湛深經術年未就衰者二員酌與養廉以董其事使衍聖公孔廣榮率領族子弟及四氏子弟之秀長者肄業其中其餘如周公裔東野氏及他省諸賢嫡裔現承襲五經博士者如果年力姿稟可以就學准地方官酌與盤費來就觀摩一二年後仍給盤費令回本籍至教導之法無欲速無怠荒量材而授之立課以程之務使德行文章兼優並進裕後卽所以承前端木亦所以風世其派往之員三年更替之內仍論俸照常陞

香樹齋文集

卷四

八

轉年滿回京酌與議敘以示鼓勵一應膏火之費及需用內府書籍許衍聖公孔廣榮會同派往之員具摺奏請仰候 頒給數年之後自有成效或令輪班引

見以觀治化之隆則聖澤儒風昭于永永矣

請偏災蠲免分數分別貧富劄子

請將偏災蠲免分數分別貧富以廣

皇仁以恤窮黎事伏查定例凡各省州縣遇有水旱偏災其被災十分者蠲免錢糧七分九分者免六分八分者免四分七分者免二分六分者免一分 國家愛養元元之意已爲優渥近蒙

皇上軫念民瘼

特頒諭旨將被災五分者亦准查勘明確蠲免錢糧十分之一又于八月內奉

旨將被災地方按其輕重分年緩征以紓民力此

香樹齋文集

卷四

九

種深仁厚澤體恤周詳盡善盡美實且古所未有也惟是同爲受災之人其中貧富之異實有大相徑庭者最富者家計本屬豐盈蓋藏亦復充裕雖偶值偏災收穫無多既邀蠲免分數其應完之項屆期自可踴躍輸將卽中富之家力能設措亦不至于竭蹶若貧者不過數畝餬口薄產終歲所獲豐年或可支持度日一遇歉收其自行耕種者既以全力備辦籽粒早潦之後工本盡去生計無資其租與佃戶耕種者既已成災佃戶照所報分數完租且恐不足甚者逃去拋荒地畝此等貧戶早

澇之後遇有豐收稍復元氣完納本年額征外豈能積欠俱清積而久之拖欠日益繁多追呼在所不免每見偏災處所小民輕去其鄉攜男挈女流離顛沛職是故耳臣再四思維仰懇

皇上勅部嗣後直省凡有偏災富者仍照所定分數蠲免貧者按其被災幾分亦蠲免幾分蠲免與被災分數相等不復浮多則貧寒士庶可無剝肉醫瘡之隱痛至欲查其貧富又最易于辦理非有挨門逐戶之瑣屑經年累月之需時蓋民間完糧每家各有戶名每戶每年應完錢糧幾何皆載在

香樹齋文集

卷四

十

州縣糧冊按籍而稽貧富瞭如指掌其分別如何則為貧民如何則為富戶查雍正九年有分別士子貧富定限完糧之例因地制宜至為明晰今應照此區定第定限完糧之例惟指生監而言未及于細民今此分別蠲免之請當合士庶而統計赴此時被災地方正在緩征尤易辦理臣仰見皇上詳求民隱無微不至而于各省偏災地方尤加意撫恤或未雨綢繆或因時利濟

恩綸所及萬姓歡騰伏思文王發政施仁必先無告詩言舒矣富人哀此焚獨蓋至可憐者貧民而

尤可憫者被災之貧民倘臣愚見

上蒙採擇則稱物平施之政即寓于恤災濟困之時于國計所損無多而于貧民所沾獨厚矣

香樹齋文集

卷四

十一

謝

賜康濟錄疏 乾隆四年

奏為恭謝

天恩事本年九月十七日據 臣 家人齋送

欽賜康濟錄一部到 臣 考署隨恭設香案望 闕

叩頭謝 恩祇領訖欽惟

皇上道被羣生德含萬彙仁體事而各足有感斯

通心普物而常周無遠弗屆體天地之位育裁成

與輔相兼施致府事之脩和旰食與宵衣並懋以

治益求治安愈求安之念推民饑我饑民寒我寒

香樹齋文集 卷四 七

之心發政施仁必先無告禦灾捍患時厘其咨薄

稅斂易田疇既開其源用天時因地利復詳其制

凡前代之有成效皆

睿慮之所必周猶念布化承流或有心而乏術遂

使愚夫愚婦望援手而無由蓋牧民無異牧馬之

情未盡以書為御而醫國可通醫人之理要在用

藥傳方爰採廷臣獻納之書復加詮次用昭

聖世治平之畧廣為訓行集千百世之經營拯偶

逢之疾苦無非思艱以圖寧分千百職之智慮通

數卷之訂謨庶幾有備而無患如鏡在握遇物斯

呈若網在綱有條不紊 臣 生際平康心存利濟師

平古弗泥乎今當局良難經知宜而變知權稱職

非易隨事體察務絕瞻顧之私悉心講求稍裕安

全之策惟兢惕乎夙夜期仰報夫

高深為此繕摺恭謝

天恩 臣 曷勝惶悚感激之至謹奏

香樹齋文集 卷四 七

七

謝

恩賜栢梁體詩墨刻劄子 乾隆四年
奏為恭謝

天恩事本年八月二十八日據 臣 家人劉榮齋到

內閣交出 乾清宮做栢梁體詩墨刻一卷到 臣

隨恭設香案望 闕叩頭謝 恩祇領訖欽惟我

皇上學本生安功兼作述遜志時敏備道德仁藝

之全熙績亮工廣明聽翼為之寄當歲功之方始

鳴豫順于泰交稽令典之重新俾肆筵而授几

元音布護欣瑞雪之春融眾籟和平應青陽之候

香樹齋文集 卷四 古

轉惟幾交傲明良遠紹夫虞廷述職敷言體製近

做乎漢代午鐘初響百韻具成弁以 御書壽茲

玉版蓼蕭湛露載持盈保泰之盛心颺拜賡歌寓

觀光揚烈之至意 臣 備員 禁籟得與追趨祇役

郊畿恭承 恩賜觀珠璣之璀璨質愧珣玞仰鸞

鳳之迴翔心依鷓鴣黃封乍展共欽入座天香紫

閣新頒永襲傳家鴻寶為此繕摺恭謝

天恩 臣 不勝惶悚感激之至謹奏

條陳耗羨奏疏 乾隆七年

本月初七日奉

旨辦理耗羨一事乃當今之急務將此一條發于

九卿翰林科道閱看悉心籌畫各抒所見具摺陳

奏欽此伏查正供之外有耗羨一項昉于唐之中

葉立羨餘賞格于是天下競以無藝之求為進階

之計五代相沿滋甚宋太祖乾德四年從張全操

之請罷羨餘賞格宋史羨之然入于公者雖罷而

出于民者未必盡除明代徵收正賦之外有領銷

耗銀即耗羨也有解費有部費有雜費有免役費

香樹齋文集 卷四 五

種種名色不可悉數大率取之鄉宦者少取之編

戶齊民者居多不特私派繁興亦且偏枯太甚

本朝定鼎後耗羨一項尙存其舊康熙六十餘年

州縣官額徵錢糧大州上縣每正賦一兩收耗羨

銀一錢及一錢五分二錢不等其或偏州僻邑賦

額少至一二百兩者稅輕耗重數倍于正額者有

之不特州縣官資為日用自府廳以上若道若司

若督撫按季收受節禮所入視今之養廉倍之其

收受節禮之外別無需索者上司即為清官其止

徵耗羨不致苛派者州縣即為廉吏間有操守清

廉如陸隴其之知嘉定每兩止收耗羨銀四分並不餽送節禮上司亦或容之者以通省所餽節禮儘足敷用是清如陸隴其亦未聞全去耗羨也其貪得無厭橫徵斂者時于糾忝自節禮之說行而操守多不可問其勢然也議者以康熙年間無耗羨非無耗羨也特自官取之官主之不入于司農之會計無耗羨之名耳

世宗憲皇帝御極之初見吏治日就侈靡侵牟之習驟難掃除爰是

宸衷獨斷通計外吏大小員數酌定養廉而以所

香樹齋文集

卷四

六

入耗羨按季支領當時初定耗羨視從前聽州縣自徵之數有減無增奉行以來吏治肅清民亦安業特以有徵報支收之令典不知者或以爲加賦其實治于人者食人治人者食于人乃古今之通義非唐之羨餘立賞格以致之使歸諸左藏比也皇上卽位以來蠲租賜賑免浮糧以紓民力興水利捍海患以奠民居加京官之俸周兵弁之窮天下臣民無一不滴濡沾被而猶以耗羨一事爲當今之切務謀及多士詢及盈廷咨及岳牧大舜執兩用中之意無以加茲

臣恭繹

聖諭實有以洞燭夫取民之制必如何而盡合于

古百官之費用必如何而後使之寬裕度支之出入必如何而後可以常盈而不絀斯三者勢若相

岐而理歸一致偏于一必致絀其二偏于爲民者

則曰耗羨宜裁此迂儒之見不知自雍正年間至

今農民安業者其盈寧大勝于從前以耗羨所入

散之民間不見其增而日出正項以養廉則國用

易絀國用稍絀必致仍復耗羨以養廉不幾多此

一舉乎此耗羨之未便輕議裁也謂宜仍照康熙

年間聽其自取必至私相餽遺導欲長貪不可止

香樹齋文集

卷四

七

抑以

世宗憲皇帝十餘載之勤勞

皇上之繼志述事躬行節儉整飭多方而始得此

吏治澄清之一日豈可輕議紛更至于浮議之興

亦察其說之有當與否

皇上試飭各省督撫細查今之耗羨可有浮于康

熙年間之耗羨者乎如其有之自應議裁此最易

辦理者以臣聞之康熙年間之耗羨州縣私徵往

往鄉愚多輸而縉紳士大夫以及胥吏豪強聽其

自便輸納之數較少于齊民則今之一體輸納至

爲公道浮言亦何足計乎臣請就現在之情形稍爲變通凡耗羨所入仍歸藩庫各官養廉及各州縣公項銀兩照舊支給外查康熙年間公用之欸有應動正項者有地方官捐賠者捐賠之欸自雍正二年各官分給養廉後既無餘力可以捐賠俱于耗羨內支應臣思續添之公用名色不能盡一多寡亦有不同應令直省督撫查明酌量某件應動正項某件應入公用銀兩內支給分別報銷計每省約改撥正項一二千兩三四千兩不等爲費無多于經制似屬妥協再各省州縣自酌定養廉

香樹齋文集

卷四

大

之後榮悴不能畫一卽一府之中有儘足支應者有左支右絀稱貸無門者令督撫于通省中確查此等州縣不論事繁事簡每處酌添一二百兩俾得稍寬裕其耗羨有餘之省分如辦理足用外尙有所餘畱貯藩庫倘遇蠲免正項之處耗羨無着卽將所餘銀兩添補仍嚴飭州縣勿得耗外加耗以致累民則既無加賦之名並無全用耗羨辦公之事而州縣各有贏餘益知鼓勵矣至于施從其厚斂從其薄古之制也罷羨餘一事豈有宋太祖能行之以我

皇上之至仁大知事事法古而未見及于此者同一薄斂之事行于三代建封之時易行于一統之朝難行于開創之日易行于承平既久之時難以今日幅員之廣生齒之衆供億之繁有數倍于前代者趨此倉庾充裕民安物阜之時內而公卿大夫外而督撫大吏仰體

皇上宵旰勤勞之盛心裁成輔相之至意悉心調劑使養廉之入不爲素餐蓋官箴所揭惟有清慎勤三字清可貴也清而不流于苛刻者尤可貴慎足取也慎而不隣于畏蕙者尤足取勤足尙也勤

香樹齋文集

卷四

尤

而不至于瑣屑者尤足尙如古之大臣爲上爲德爲下爲民將見明作自能有功惇大自然成裕元氣予以培扶天休于以滋至歲書大有戶慶豐亨則帑藏自益長盈然後以三十年之通制國用或量撥公用以資養廉便可量減耗羨以紓民力臣固知聖恩寬大不必廷臣建白如張全操其人者而德音自下也夫亦少俟焉可矣臣謹將愚見所及繕摺陳奏伏祈皇上睿鑒施行謹奏

香樹齋文集卷五

奏疏

請改正律例疏

奏為推原律意敬陳一得仰祈

聖鑒事

皇上天恩擢補刑部侍郎兩載以來夙夜兢惕惟恐隕越每遇一事必詳悉體察務求平允以期無枉無縱現在律例館應加編輯事務奏歸刑部辦理臣逐一討論有兩事相比而輕重未得其平者

香樹齋文集卷五

有宜詳情推類維持體統方與

諭旨恩意恰合者臣愚見所及約舉二條為我

皇上陳之一名例內弟毆胞兄致死父母已故家

無承祀之人得聲明奏請承祀將該犯枷號三個月

責四十板乾隆四年以後已將前項人犯改擬

斬候于秋審時入于緩決另冊進呈然蒙

聖恩寬減仍得照舊例枷責完結惟是兄毆胞弟

致死罪祇擬流此等人犯內非無父母已故家無

承祀者臣例內並未准其承祀豈兄毆胞弟致死

其情罪反重于弟毆胞兄致死者而獨未許其承

嘉興錢陳羣

香樹齋文集

祀乎實以兄既不念鞠子哀不友于弟即使其家

果無承祀之人使之棄鄉井移寄棘仍有家室之

聚苟存性命以延一綫已為厚幸乃于弟毆胞兄

致死之犯既免其應斬之重罪復寬至僅以枷責

完結不特應輕者反重應重者反輕于法未為平

允且乃如之人存畱本籍使井里父老兒童日覩

此勿念天顯者宴然出入閭巷非所以懲克惡而

移易風俗也請嗣後弟毆胞兄致死之犯即或情

稍可原得邀承祀之例者免其應斬之罪仍按道

里僉妻改流庶與兄毆胞弟致死不添設承祀之

香樹齋文集卷五

例意義相合而輕重亦得其平矣一官吏犯笞杖

輕罪應的決者宜量予納贖以全國體也查笞

杖以上情罪以次而重自應按律問擬官吏軍民

同凜王章未便輕議寬宥竊惟五刑之中惟笞

杖為最輕而辱體損膚亦惟笞杖為尤甚唐開元

中廣州都督裴仙先下獄宰相議其罪張嘉貞請

杖之張說力爭曰刑不上大夫奈何輕加笞辱又

曰此言非為仙先乃為天下士君子也卒從說言

伏讀雍正十三年十一月二十九日

上諭有曰古者刑不至大夫蓋以維國體而厲臣

節國體不維則無尊卑上下之辨臣節不厲則大臣擁高爵大官而有徒隸無恥之心此賈誼所以諄切辨論也朕欲風厲天下使人各自愛共敦節行尤宜自大臣始大臣有不自愛者朕仍設廉恥以養之庶幾動其天良激勵鼓舞嗣後三品以上大員身罹罪譴卽奉旨革職拿問者法司亦不得遽加三木如有不得不夾訊者亦必請旨將此永著爲例大哉

皇言寓激勵之意于優恤之中所以養其廉恥使知自愛者至矣竊思革職拿問之大臣必係身罹香樹齋文集卷五 三

重譴正當嚴訊之時而皇恩體恤至于如此若夫案情已明定擬笞杖其爲輕罪已無疑義特以笞杖的決條下未曾分別大臣應予收贖之例遂使方面專城鄉僚三事下與竊賊逃奴同受箠楚同損肌膚實與

論旨未能符合况笞杖應的決而收贖者款項甚多如老年未及歲皆是也老老幼幼貴貴國典自有常經未便岐視請嗣後審定笞杖的決之案視其原職應得大夫誥身者均予收贖于古者刑不上大夫之義庶乎允協如是則納臣下于禮

義廉恥之中而臣下猶不思感激奮發以自砥礪者未之有也以上二條臣謹就現辦律例條規深維本意似有不得不釐正分晰者是否有當伏祈皇上睿鑒施行謹奏

香樹齋文集卷五

四

常平事宜疏 乾隆八年

奏為敬陳管見仰祈

睿鑒事伏查常平之制因穀有甚貴甚賤之時貴則病民故減價以糶使民不病賤則傷農故增價以糶使農不傷價增則耗國帑價減則耗倉穀二者皆損上益下之事然行之久而四民受益國亦無貧寡之患者以米價無甚貴甚賤雖有灾稔民情相安苟非偏灾大歉發粟賑濟之舉亦可勿事此常平之設所為上下攸賴者也 國家承平日久生齒日繁米價無甚賤之時自可無議增價以

香樹齋文集

卷五

五

糶矣為今日計惟當詳求減價而糶以平米價使無甚貴誠急務也乾隆七年

上諭內開若遇荒歉之歲穀價高昂務將實在情形必須減價若干之處確切奏聞請旨欽此此誠酌古準今達權通變久遠無弊之良規也今自兩月以來御史趙青藜奏請于米貴之年多減價值尙書張照奏請顧名思義以本價為權衡少詹事李清植奏請脩復本法立論雖不一而為歉歲計便民使米不騰貴其意則同現在奉

旨詳議是穀貴減價之法廷臣必集思廣益以仰

承

德意者矣臣愚以為酌減于歉歲米貴之時所以濟民食之艱者固屬緊要酌減于尋常出陳易新之日所以從小民之便者亦宜詳求則張渠請成熟年分每米一石酌減五分之奏雖現在議覆准行在案實多未便之處不得不再為陳請酌改者也蓋通天下年歲計之順成者多尋常出陳易新之際米價尙平原可無須大減但陳穀所碾成色自不及市中行舖所售之米而交官之銀成色及平又非市中交易之銀可比又經胥吏之手稍為

香樹齋文集

卷五

六

高下又米局離鄉寫遠小民往返需時守候需時權衡總計如米每石市價一兩官價九錢五分以官價所得之米即入市轉售原價必虧民亦何所利而買之乎糶倉米本以便民張渠之見防囤戶則有餘便小民則不足也地方有司每當出陳易新之時開設米局買者寥寥於是紳士便家仰承意旨分領穀石照數交價者有之行戶抑勒分買者有之蠹胥黠吏因緣借領者有之其畏苾牧令明知民不願買僅守筭鑰坐視紅腐者亦有之是豈設立常平便民之遺意哉請于成熟之年每米

一石酌減一錢二分使小民核算比市價稍賤仍不拘城市開設米局使小民得沾實惠而米價自無騰貴之慮矣如蒙

俞允則比從前加減七分之數即于官碾一米二穀稍有贏餘項內_臣更有請者食爲民天小民終歲所仰全在及時播種每見歲功方興窮黎因籽粒無措縱有田可耕坐失東作者所在多有查種穀一石可收新穀一二十石不等是以民間借種籽粒往往加倍償還借者帖服今若于糶三數內令州縣酌量借給粒種不收利息春借秋還每借一石還倉時仍收一石每交一石酌收穀四五升以爲鼠雀出入諸耗之費則農本既培民力普賴較減價以糶更爲有益現在被災州縣及邊徼苗疆新墾之地有行之者然未著爲令典有司恐干叅處不敢擅便_臣讀月令季春之月命有司發倉廩賜貧窮振乏絕疏長無謂之貧窮暫無謂之乏絕及春闕種始爲暫無既而荒棄卽爲乏絕量借籽粒一轉移間農有餘粟及秋還本倉仍充裕于山陳易新之義似更詳備_臣愚見所及是否有當伏乞

香樹齋文集

卷五

七

膚鑒施行謹奏

香樹齋文集

卷五

八

請脩思陵饗殿疏 乾隆十年

奏為據實奏

聞仰祈

睿鑒事昨九月二十日奉

旨告祭明代諸陵臣派往思陵思陵者明莊烈愍

皇帝陵也伏查愍帝當國運既替人心既去之時

流寇蔓延兵荒四告在位十七年中未曾營及陵

寢逮李自成猝犯京城引國君殉社稷之義慷慨

自裁就葬妃園坏土僅掩至為憐憫遭際我

世祖章皇帝應天順人撫有寰宇登極之後躬幸

香樹齋文集

卷五

九

思陵憫其荒涼庠監敕令脩葺祇期質樸無事增

華並勒豐碑鑒其苦心極為剖白謂自古亡國之

君孜孜求治未可厚非者莫明愍帝若煌煌

天語公道聿昭越今八十餘年風雨剝落傾圮特

臣甚 奉差將事陵次見饗殿三間已傾其二惟東

偏一間數椽僅存配屋數間瓦毀椽折牆垣倒塌

不數年後盡為瓦礫勢所必至伏思

皇上仁心為質念舊存亡天下臣民實所共仰明

史一書經

聖祖仁皇帝

世宗憲皇帝兩朝編輯垂成恭遇

皇上誕膺寶籙重加校定傳信折衷至為詳備今

讀愍帝本紀贊稱其憂勤惕厲殫心治理而非

其人致罹禍變惋惜之意溢于楮表茲當閱武

駕過昌平遣員告祭與

世祖章皇帝加謚建陵諸典禮深仁厚澤先後同

揆臣恭奉牲醪身履其地目擊陵宇坍塌殆盡幸

生闡幽舉廢昌明無忌之朝若不據實奏

聞于心實有未安仰請

皇上據情垂察諭令督臣轉飭有司重為修葺並

香樹齋文集

卷五

十

請欽遵

世祖章皇帝奢靡不尚之諭旨則盛德既被于明

代善述復光于

前烈矣臣曷勝惶悚屏營之至謹奏

謝

賜御題夜紡授經圖劄子 乾隆十六年

奏為恭謝

天恩事昨 臣 奉

敕將 臣 所刊詩稿恭呈

御覽第五卷內有 臣 題識 臣 母夜紡授經圖一詩

敘 臣 弟兄幼時深受母訓篝火紡讀寒苦相依景

象乃蒙

睿鑒及之憫幼穉之單寒感慈母之鞠育形諸吟

詠用慰劬勞拜琬琰之

香樹齋文集 卷五

士

天章榮生蓬草仰鸞龍之

御筆寵溢縹緗教孝卽以作忠

錫褒于以示勸 臣 生生世世子子孫孫感戴

聖慈于無既矣為此具摺恭謝

天恩謹奏

謝

賜紗葛劄子 乾隆十九年

奏為恭謝

天恩事竊 臣 荷蒙

皇上再造鴻慈凡一絲一縷何莫非

高厚所賜清夜思之實深悚惕自抱疴旋里以來

兩易裘葛每見做笥故衣皆從參養 內廷扈衛

行幄所拜領之物雖禴袷襪猶風浣日暄珍同

拱璧何期

天賚仍錫生衣服織絺之無斃當暑增涼裁純素

香樹齋文集 卷五

士

之有章稱身惟適茲有微 臣 感激下悃理合繕摺

恭謝

天恩謹奏

謝

賜三希堂法帖劄子

奏伏見我

皇上義闡軒圖學宗義畫依仁游藝會道德之大
成舞鳳翔鸞極臨摹之能事幾餘染翰自中矩而
履繩鑑古求真必去璞而存玉溯源流于八法上
自鍾王備體勢于諸家下及趙董其間顏歐虞褚
米蔡蘊黃代有菁華兼收並錄幅多題識博訪遐
誦辨別不爽毫釐籤歸甲觀珍重有逾鼎鉉時接
宸披美斯愛而愛斯傳貞珉永勒壽于石者公于

香樹齋文集

卷五

三

世至寶常留直槩橫戈識萬毫之齊力骨豐肉潤
必四面以傳神統魏晉元明千有餘年有奇必錄
合大觀淳化三十二冊無美勿收洵足彪炳乎藝
林亦可表章夫芳躅即數行可得已堪專學以成
名倘全璧拜登能勿娛神而悅目臣備員禁禦
幸與窺石渠天祿之藏解組江鄉猶得親玉躡錦
暉之秘譬迷子之涉水寶筏斯航比饑者之求漿
珍肴驟飮

恭進唐書合鈔劄子

奏為進呈書籍事竊惟歷代史書自史記至元史
列為二十一史皆以專書行世惟唐史有新舊二
書舊書成于劉昫昫去唐未遠本紀列傳至為詳
備諸志多所闕畧新書成于宋祁歐陽修議者以
為事增于前文減于舊自新書盛行而舊書寢廢
然司馬光修通鑑獨據舊史而于新書無取焉二
書瑕瑜互見無所折衷蓋千有餘年矣有浙江已
故歸安縣貢生臣沈炳震訂記補闕考据精詳編
為新舊唐書合鈔其書分為綱目如本紀列傳以
香樹齋文集

卷五

四

舊書為綱仍分註新書為目他如天文五行地理
諸志舊書殊多滲漏即以新書為綱仍分註舊書
為目一為展卷兩書燦然計卷二百六十計帙六
十未經刊刻僅有手錄清本一部乾隆元年炳震
應博學鴻詞之舉曾攜是書來京師未第旋里適
臣在籍就其家得之恭遇
皇上修明經史釐定典章正名山著作表見發越
之時用敢繕摺恭進謹奏

恭賀

聖德遠孚平定徇部捷報武成普天同慶表

欽惟

皇上道協三才澤涵萬彙仁濡義鬯用兵正以消

兵德普威加服遠初非圖遠自伊犁歸順既慰

兩朝耆定之心乃逆醜披猖復勞萬里持籌之算

阿睦爾撒納狂悖負恩遠颺肆惡和卓木兄弟凶

謀背德轉面內訌

皇上運獨斷之神定萬全之策收聚米之形于徼

外握破竹之勢于禁中既攻其心俾親離而眾叛

香樹齋文集

卷五

五

復窮其穴遂鼠跳而麋奔乃汗血來自大宛孤魄

冥誅于羅刹繼總稊輸于鉄勒游魂早奪于伊西

示以包容而荒陬負版曉以順逆而前途倒戈樹

亘古之奇勲欽

九重之神策荷鴻佑于

天

祖布大喜于臣民迴思我戎再出逆首潛逃

國憲在所必申軍令豈能中止賊以竄而愈深師

以躡而彌進闢疆拓土

天若遣逃孽以導我師革面稱臣

聖實借鋤凶以安徇眾事機湊集福祿來同臣曝

日茅檐瞻

天雲際既作頌以輸忱復據詞以志喜曷勝歡欣

踴躍之至謹奏

香樹齋文集

卷五

六

謝

賞墨妙軒法帖劄子

奏為恭謝

天恩事本年十二月初二日臣子臣錢汝誠遣家

人回家齋到

恩賞墨妙軒法帖四冊臣恭設香案叩頭祇領訖

欽惟我

皇上道高義盡心契周情耽柔翰于

幾餘神通八法集大成于墨寶體備名家鑒賞而

去贗存真臨仿而傳神如志鍾王庾蔡邕矣難名

香樹齋文集

卷五

七

虞褚蘓黃信乎足法示藝林之津後啓寶笈之陸

離爰勅詞臣詳加編校再宣劄氏敬泐鈎摩豈惟

壓倒大觀直可趨軼淳化卽象會意由八法以裁

成因愛斯傳萃兩間之靈秀昔賢之信紙而躊躇

滿志者至是皆壽石而照耀垂永焉臣幼慚鈍拙

老更無成雖鹿解臨池僅守蹄筌于俗本亦自安

畫柿敢希指授于金科昨者初息菲檐卽拜祕閣

新刊之

賜繼而端坐虛室屢荷

九天親灑之書仰藉

清華稍祛塵土茲復特頒

鴻寶敬識

殊榮惟指畫神追銘心鐫慮以仰副

聖天子眷念衰朽之至意所有感激下悃理合繕

摺恭謝

天恩謹奏

香樹齋文集

卷五

六

香樹齋文集卷六

嘉興錢陳羣集齋

奏疏五

覆奏 廷寄字內頒到

恩諭劄子

臣以菲材備員禁近久荷

皇上教養深恩淪肌浹髓自十七年秋奉

恩旨回籍調治體氣漸愈心戀 闕廷寢興莫釋

二十二年正月恭遇

聖主再舉南巡臣于蹕路仰觀

香樹齋文集

卷六

一

天顏晨夕趨侍 行幄屢蒙 召見溫霽慰諭賞

賚便蕃筆難殫述是年三月

法駕還京以來微臣依戀之心又積三年之久明

歲恭逢

皇上五十萬壽臣于前歲三月初間蒙 召見御

舟曾奏明二十五年春在家起程來京恭祝當蒙

聖慈俯允茲于十月二十一日接到臣子臣錢汝

誠家信有大學士臣蔣溥尙書臣梁詩正寄字內

開面奉 上諭念臣與尙書沈德潛年過耄耄宜

在籍頤養天和不宜遠道跋涉不必預備起程仰

見

聖主優待至意恩施格外凡屬臣僚俱爲感激身

受者更何如耶惟祇遵

諭旨至期在家望 闕敬效嵩呼至辛巳年恭值

皇太后七十萬壽臣當于

聖主恭奉 鑾輅南巡時欣覲

天顏再行陳請以申犬馬依戀之心於萬一謹奏

香樹齋文集

卷六

二

恭謝

天恩疏

奏為恭謝

天恩事本年三月初二日荷蒙

皇上殊恩遣員至先臣錢鏐祠宇拈香臣陳羣率

族人之在省城者跪迎禮畢即望闕九叩訖伏

念先臣當五季時著有保護東南勞績厥後江海

漲溢復奏捍禦之功宋臣趙抃奏建祠宇以表功

德迄今七百餘年雖代膺祀典未有如我本朝

褒錫之隆者康熙朝

香樹齋文集

卷六

三

聖祖賜保障江山四字匾額雍正年間蒙

世宗憲皇帝勅加誠應之謚遭際

皇上兩次南巡親視廟貌賜額賜詩增輝組

豆茲當

聖主三幸我浙復頒恩命焚帛奠醪榮施叠被

臣等竊惟先臣一生忠順但知為民捍患不敢自

利自私

聖天子念切民生躬親相度正先臣効靈矢報之

日臣等分屬孫枝用深默禱以冀仰酬高厚于

萬一理合繕摺恭謝

天恩謹奏

香樹齋文集

卷六

四

謝

御書賜和詩劄子

奏為恭謝

天恩事本月二十四日 頒到

御書賜和詩一卷 臣恭設香案叩頭跪領訖竊 臣

叨沐

聖恩旋里養病始得痊可恭遇

皇上再舉南巡盛典 臣依戀情切自浙趨赴山左

境內幸得仰見

天顏以申感激涕悃乃蒙 賜和前歲進呈田園

香樹齋文集 卷六

五

雜興詩十首復蒙

御書以賜 臣捧讀之下感激涕零伏念 臣犬馬餘

生菽蒲弱植堂庶義重既邀鄉祿以榮身雨露恩

深復賁

天聲以眷舊敲金戛玉三百顆光燦驪珠鳳鸞

翔億萬年珍同和璧所有微 臣銘勒下忱理合繕

摺恭謝

天恩謹奏

謝

賜免罰鄉俸劄子

奏為恭謝

天恩事本年三月二十四日接到 臣錢汝誠

家稟內開本年二月二十八日內閣進吏部議處

彙題遲延未經查覈之歷任刑部堂司各官一本

奉

上諭錢陳羣在家食俸原係出自特恩與供職受

精者不同其罰俸六個月之處著加恩寬免欽此

臣自奉

香樹齋文集 卷六

六

旨回籍調治七八年來叨沐

聖主再造鴻慈得以存活乾隆二十二年春

皇上再幸南邦念 臣從前供職尙屬勤慎奉 旨

在家食俸眷舊 殊榮舉家感戴昨以舊案議處

例應罰俸疎忽之咎實所難辭乃蒙

聖恩特加寬免捫心自問方深覆餗之譏閉閣以

思忽拜蠲瑕之 賜同得過而過中宥過 臣畏竊

不自安既沾恩而恩上加恩

主德益難報稱佩 宸章而被服春來無事典朝

衣資 內鏗以從容老去仍堪供藥裹用申銘刻

曷任悚慚所有微臣感激下悃理合繕摺恭謝
天恩謹奏

香樹齋文集

卷六

七

謝

恩特加刑部尙書疏

奏爲恭謝

天恩事本年十一月十五日內閣奉

上諭原任侍郎錢陳羣久歷卿貳兼直內廷年逾

七旬學問優裕前以養病回籍有旨在家食俸用

資頤養今來京

慶祝召對之次見其神明不衰而居鄉素稱恪謹

著加恩賞給尙書銜以昭優眷欽此竊臣浙右寒

士學識愚陋忝入詞苑四十餘載行走 內廷叨

香樹齋文集

卷六

八

蒙養歷任卿貳雖黽勉供職實無寸長足錄夙

夜悚惕自壬申旋里仰荷

聖主恩加體恤靡所弗周并令在家食俸以資調

養年來體氣漸愈犬馬依戀之心無時或釋恭遇

聖母七旬大慶來京叩祝蒙

恩召見溫霽有加茲復

特頒恩旨賞尙書銜以示寵錫聞

命之下慚感交深伏思尙書班列首行何期遲暮

餘生仰邀異數 恩暉所及草木爲之向榮華衮

有加林泉因而增色所有微臣感激下悃理合繕

摺恭謝

天恩謹奏

香樹齋文集 卷六

九

謝

御賜橋梓圖疏

奏為恭謝

天恩事本年六月初八日臣子臣錢汝誠差家人

恭齋

恩賜御畫橋梓圖臣當設香案叩頭祇領訖敬瞻

寶墨字畫詩識俱臻神妙臣欣感交集惶悚實深

欽惟

皇上天縱多能道兼游藝 萬幾餘暇時或陶情

琢句寄意揮毫莫不韻叶韶英法傳義獻若夫繪

香樹齋文集 卷六

十

畫一道昔人謂化工在乎手者眼前活潑無非生

機故其人往往多壽米友仁八十餘神明不衰黃

一峯九十而貌如童顏沈石田文衡山皆臻大耋

皇上筆端造化吐納萬彙間亦舒寫性靈烟雲供

養一經著紙乾坤清氣自露端倪寶笈所珍神物

呵護者即近侍諸臣偶一瞻仰實為榮幸昨冬大

學士內廷翰林等十三人各拜

御筆一種臣子臣錢汝誠與焉拜 賜仿文徵明

疎林茅屋圖幀首臨寫徵明詩復

御題次韻一首汝誠感悚雀躍于家書中述及鈔

寄

御題及徵明原韻臣歡忭無已恭和一首亦深知
數千里外臣子未便以

御墨遠寄臣恭閱也然私心健羨以未獲仰瞻為
悵今年夏敬書和詩附貢篋中恭進以表寸芹
非敢有望外冀倖乃

天心優渥眷臣衰老俾林栖樗散與禁籞近臣同
沾殊數何脩而得此也橋南梓北咫尺賓連墨藩
流光神完氣足

聖心屬望訓示高深有非賤奏所能陳其萬一者
香樹齋文集卷六

士

惟有瞻橋自勵敬承雨露以養頤和亦復策梓共
遵益矢勤勞以培根本傳有之韓宣子宴于武子
有嘉樹焉宣子譽之武子曰宿敢不封殖此樹以
無忘角弓春秋稱焉夫朋友贈答猶且流連往復
比于甘棠矧義重

天親恩加犬馬銜結之私與生俱永戴高履厚思
答報而何從鐫腎銘心實形容而莫罄所有臣
感激下忱理合繕摺恭謝

天恩又臣敬和元韻四首另製一卷陳謝仰祈
訓示緣地居鄉僻衰潢羸劣不勝惶悚統惟

聖慈垂鑒謹奏

香樹齋文集卷六

士

兒子汝誠蒙

恩賞假省視恭謝劄子

奏為恭謝

天恩事竊臣子臣錢汝誠于本年七月蒙

恩差江南鄉試正考官將起程時具摺乞假省親

奉旨知道了欽此伏念臣八載林栖仰荷

聖慈憐憫幸得存活臣子汝誠趨走 禁禦叨沐

皇上教養洪慈時加 訓誨臣舉家頂戴未能仰

報涓埃清夜自思時深感悚欽惟

皇上孝治天下錫類深仁浹洽寰宇臣子汝誠于

香樹齋文集卷六

二十二年春扈從南來蒙

恩令其到家兩次得展情話今復 賜假言旋仰

見

聖主體恤臣下至意

恩承北闕輝光頓耀蓬門歡接南陔拜舞喜瞻綵

服沐

天家之恩澤展烏鳥之私情所有微臣感激下悃

理合繕摺恭謝

天恩謹奏

謝

賜御畫竹如意摺子

奏為恭謝

天恩事臣于本年八月遣家人恭進天然竹如意

一枝是從嶺南得來藏之篋笥有年矣詳勘其徑

尺之中包含全勢肌理溫潤不煩雕琢元氣渾然

用敢藉為芹獻乃蒙

聖慈批答示褒時際秋彌行圍

特賜木蘭所獲鹿以資服食隨恭製紀

恩詩六首付臣子臣錢汝誠豐達茲于十一月初

香樹齋文集卷六

八日接臣子家信齋到

恩賜御筆畫竹如意橫卷上有

御題詩一律後有題跋臣望 闕叩頭祇領訖欽

惟我

皇上學由天縱餘事多能眷舊情深既薄來而厚

往摠詞揆藻復誼美而恩明臣所進如意一枝本

非由折而成亦非因工而就

皇上賞其真率鑒其悃忱美斯愛而愛斯傳托深

心于毫素俾之形而形之咏標能事于藝林昔也

節錯根蟠受幽叢之雨露今茲孽筴擗續冠祕笈

之璆琳貢自中秋適當華祝嵩呼之會頒來至日
恰值飛葭添線之辰臣何人斯當茲異數惟有祝
年年如意歌松茂載咏竹苞願事事從心慶昇平
還書大有以稍展犬馬矢報之愚衷于萬一爲此
繕摺恭謝

天恩謹奏

香樹齋文集

卷六

五

謝

賜和詩劄子

奏爲恭謝

天恩事三月廿三日臣子臣錢汝誠奉差過嘉興

齋到

恩賞御書賜和詩十首臣恭設香案九叩祇領訖

竊臣自養疴歸里荷蒙

聖主再造深仁得以存活偶于課雨量晴之暇寓

情吟詠一寫昇平景物曾以拙著錄呈

御覽內有田園雜興十首于二十二年得拜 賜

香樹齋文集

卷六

六

和長卷珍襲簡篋傳爲世寶茲三舉 巡典復荷

聖恩賜和且于下

萬幾駢集之餘

御書頒賜敬展晚讀感激難名前此鑒臣依戀喜

踴路之來迎今也憐臣衰頹戒前途之遠接許直

陳夫民隱戒勿飾辭令快聚于庭幃曲加體恤香

山仙境期步履之如飛煙雨樓頭賞揮毫之尙健

凡此敦勉周詳之至意實臣夢想思慮所未曾矢

酬報于全家永銘鑄于五內所有感激下悃理合

繕摺恭謝謹奏

謝

御賜書香山耆碩匾額劄子

奏為恭謝

天恩事本月二十六日臣子臣錢汝誠遣家人恭

齋 賞賜

御書香山耆碩四字匾額并

御製長律一幅到臣祇領訖伏念臣行走內廷屢

叨

御筆書法畫幅璀璨神奇照耀笥篋至為榮幸昨

迎 戀常境喜觀

香樹齋文集

卷六

七

天顏隨蒙 召見霽色回春臣復 疊頒藻翰感

激難名仰鳳翥之廻翔輝生蓬牖沐龍光之覆幬

健起衰齡荷叨耆碩之寵褒

殊榮獨被 命許期頤之佳約晚節同珍所有感

激下悃理合繕摺恭謝

天恩謹奏

奏為恭謝

天恩事

正月十五日奉到

恩賞御書福字一方內府緞二疋臣恭設香案叩

頭祇領訖竊臣孤賤寒陋棲息蓬衡仰荷

皇上眷舊深恩時加存問感悚難名茲當歲晏復

沛恩輝拜錫福於雲端墨光璀璨頒賜縑於天上

花樣斑斕旋馬高懸依戀長瞻日月稱身永被剪

裁自耀鄉閭膺百福以騰權拜五章而驚喜所有

微臣感激下悃理合繕摺恭謝

香樹齋文集

卷六

六

天恩謹奏

謝

恩賞行圍所獲鹿劄子

奏為恭謝

天恩事乾隆二十八年十月十九日臣齋摺家人

歸蒙

頒賜行圍所獲鹿臣跪領之下曷勝惶感伏念臣

林居竊祿久蒙麥養鴻慈尙食邀榮屢獲拜嘉珍

賚茲際梁騶行獮旌門正數獲之期乃叨帳殿均

禽梓里有割鮮之錫十二年未隨豹尾神每企于

三驅四千里遠賁龍光澤更深于七校

香樹齋文集

卷六

九

頌來紫塞松巖之雪色猶存分自大庖萃野之幽

香宛在不獵而居然縣特愧凜素餐無勞而仰沐

賜腥感銘熟薦所有微臣下悃理合繕摺恭謝

天恩謹奏

乾隆二十九年二月十六日頒到

御畫石芝并御題長律一首卷子恭謝劄子

竊臣於上年嘉平下泮恭進石芝一匱因見結芽

海底托生意於重洋賦質雲根孕清滋於華月斐

然白賁宛爾天成藉瀝寸忱肅將葵敬乃蒙

皇上憐此遠致考所從來遊

睿賞以稽名識垂成之碧樹萃琅函而核實辨佐

食之雞蘇旋

召墨卿發揚盤碗寵之瓊盜冠冕藝林

禁籟頒來恍披拂於綠水茅簷拜受永鐫鏤於丹

香樹齋文集

卷六

十

衷吟

詩而仰止

軒圖如登太室讀

畫而神依芝蓋長映瑤光前此玉筍壽貞珉自詡

拍肩僧紹今茲瑞莖傳素楮居然接踵東坡珍比

百朋榮垂奕世所有感激下悃理合繕摺恭謝

天恩謹奏

恭謝

頒賜 御製繙譯書經 御纂春秋直解劄子

本年六月十六日浙江撫臣熊學鵬差提塘齋到

頒賜

御製繙譯書經

御纂春秋直解二部 臣 恭設香案叩頭祇領訖伏

惟

皇上德備生安道隆精一奉

天出治既凝命以救幾法

祖攸行復光

香樹齋文集

卷六

圭

前而裕後以尚書為體國之典要研味宜深春秋

乃垂世之權衡支鑿宜去詳加由繹務傳古聖之

心源慎予褒誅庶合宣尼之書法

幾餘批閱恍見羹墻

特製序言永昭弁冕壽之梨棗俾彝訓之常新廣

貯縹緗幸師承之有自 臣 鄉曲鄙儒僅依窠臼衰

齡末學愧乏指歸拜讀琅函仰經天之日月用珍

鴻寶見行地之江河所有感激下悃理合繕摺恭

謝

天恩謹奏

恭謝

恩賜紫光閣墨刻三十三卷摺子

臣 數載林泉叨

恩至渥 九重翰藻荷 賚尤偏茲蒙寶刻之頒

仰誦 奎文之麗伏見我

皇上神武布昭聖謨廣運式廓則程逾二萬底績

則期止五年惟斷乃成集 奇勲於指掌如響斯

應宣 勝算於心聲自命將興師綏遠備稽乎絕

漠迨酬庸頒爵告成疊誌乎嘉符示重寄於龍翰

先幾早洞紀湛恩於蟻慕頤化偕來以至寶玉名

香樹齋文集

卷六

圭

駒騰書土物筠冲蒲海遠列方輿舉凡流露於

吟箋具見運周於

黼座蓋威稜之赫濯迤聽環乎而 鴻製之昭垂

祥徵允協 臣 摩挲翠墨什襲牙裝閃上英姿憶颯

爽風雲之氣庶邊寶繪想縱橫魚鳥之圖昔維誦

乎 瑤編仰決勝獨神於 魁柄茲集珍乎珉石

知紀勲遠邁夫雲臺

洪慈銘琬琰之垂奕世重縹緗之寶所有微臣感

激下悃理合繕摺恭謝

天恩謹奏

香樹齋文集卷七

嘉興錢陳羣集齋

尺牘一

與弟界

自筮仕以來寸絲粒粟總屬

君恩如賞賜出自

九重奉祿給自

帑庾盡人皆知感激羣所晝夜

惶悚舉家銘勒者更不止此念家本寒素行年四

十有餘未能時奉甘旨雖常俸所入必分獻老母

然食口甚繁豈能足用每至拮据無從之時忽接

香樹齋文集卷七

老母手諭云數月來頗至匱乏賴汝友某官于某

念汝貧不能顧我遣我數金便可存活且可稍紓

汝憂也因思與粟分金以慰將母此友誼之古處

所不待言亦或以羣靡祿

聖朝幸無罪戾庶幾不以是棄予且羣實因通籍

後得與一二士夫相識向使托跡衡門則啼飢焉

號寒焉彼名公卿間縱不乏樂善好施者亦何能

徧白屋茆簷而盡澤之哉而謂此周急者非出自

君恩可乎故受祿于朝寒士與素封皆當感激皆

當報効而隱微幽獨之地有感激獨深而不能明

言所以者非親歷焉不知未可以與素封者同日

語也汝自幼食貧數年來依母與兄存活今行將

仕矣羣能不以親歷之境永矢之懷首相告誠乎

時存是心則出力報効之處自不得不任以實心

濟以實力而一切苟且營私之念不惟不敢為且

不忍為矣若以大本大原而論則君臣之義無所

逃于天地之間子曰事君敬其事而後其食

皇上天地生成之德盡人共戴亦何分于貧富耶

此尤不可不知

香樹齋文集卷七

二

示姪汝鼎

讀書須字字體認實處虛處全要理會貫穿有疑必問四書小註必要熟讀細玩

先生每日講書後將所講之書尋味明白然後再習他業每夜讀

聖諭廣訓一篇始而成誦終而孰背事事體貼到自已身上小學一書不可不讀

精神須要十分愛惜汝自幼孤苦汝父未遂之志全在于汝成立擔當從前我迎養祖母汝隨侍來

京原要嚴加督課見孩穉多病不甚深求今聞身香樹齋文集卷七

子健旺學業可望有成又恐汝少涉游戲致悞讀書且廢正業我自幼資性較勝于汝然畢竟多一

番務外問學不能專精悔之已晚汝精神不能及我而境遇差勝于我我自幼出門固多端人正士

之觀型而依人餬口習俗所移如博奕擲蒲之事往往耗費精神幸而不廢攻苦文藝一道猶能苦

心焦思而得若汝又曰吾伯父少時爲之吾亦爾爾則學業必荒後必不能如我矣

博古之後又要通今汝每事須要留心訪問况祖母身子康健老人支持苦寒門戶垂五十年于事

理無不通曉此卽汝之嚴父慈母明師也

從幼須認得人好人自當親近不認得則覲面失之矣惡人自當疎遠不認得則比之匪人矣戒之

哉慎之哉凡與人交切不可一見便成水乳固結而不可解語曰君子之交澹如水戒輕合也如明

知其人不可與交亦不可面斥之面斥之則爲怨府恰又不可依違將就日久便能沾染此最難處

古人有一見莫逆終身遂成知己者此學識大成者能之後生小子學之恐有後悔

凡有銀錢處必非事事不可對人言者子曰見利思義以害卽在利中思義則不爲利所動而害亦

遠矣香樹齋文集卷七

做人之道須看接物以獨處未見過失接物便過失立見接物之中尤重交財鄙吝者主不與之說

慷慨矜言氣節者主必與之說兩者皆非也總之要看自家地位斟酌情勢當理合宜與之非尙氣

節不與亦非鄙吝貪夫罔利喪厥身家固所深戒侈言博施終于傷惠者亦君子所不取也汝一寒

素孤露安有力量言博施耶存此以自省耳書房中須將祖先忌辰一一書寫至是日縱汝力

不能辦齋致祭必焚香叩頭况致祭隨力全在心
虔語云澗溪沼沚之毛可羞于鬼神也差進此之謂
也

凡遇祭祀必平時將祖先昭穆位次考得明白至
期不致失次

自南方來京師者皆言衣服甚易致每至廟市攜
十數金便得輕裘一襲至錦緞故衣衾裯等物價
與布疋埒夫京師爲萬國輻輳之地人民殷阜自
然物價不至昂貴若一介寒士利其易致而輕棄
布素相習成風必致井里族鄰之間以衣服相耀

香樹齋文集

卷七

五

且子弟漸染久之必致見緼袍而生厭心厭緼袍
必不甘藜藿皆一念貪賤啟之也其失便宜處不
更多乎我官翰林將十年家雖貧然易致之物何
難勉力得之汝見汝誠諸弟妹曾製一完衣否此
時極寒大兒惟前歲出門時一敝袍阿安阿舡阿
梅則僅擁布絮袄子我深憐其冷亦不甚惜也還
恐汝伯母不能深體我意使其識見淺陋貽害終
身汝年稍長尤要知之日後好教汝弟輩也
汝母勤儉篤實謹言行侍祖母來京師四載與伯
母和協如親手足至今臧獲輩傳爲美談可見多

言及氣性一毫也用不得汝當善學汝母

孝順父母榮耀祖先全不在華衣服美飲食上此
乃爲家道素豐者言之耳若家本寒而貪汙狼藉
比匪營私而得多金以奉其親而稱孝則顏氏屢
空原子甕牖將不得爲孝乎設存一華美耀榮之
想則宗族鄉黨必健羨以爲孝而此時又不知若
何矣况幸際

聖明在上安分潔己者自有好處妄營實屬無益
汝須自幼立定腳根不可錯了

言爲心聲須要明白高不可抗低不可隱汝四叔

香樹齋文集

卷七

六

言語間少一種清剛之氣我甚憂之至于措詞之
善婉轉有婉轉之妙簡要有簡要之妙全要體會
人情物理論語侍于君子有三愆一章尤宜三復
吾每見家鄉人出言便得罪人其鹵莽造次依違
支節類繁不可枚舉嚮福人皆不若是也
我遠離祖母在京汝叔又要進京汝少不得也要
學習應酬然也要擇人而見恐妨功課
凡有小病須要與高明醫家商量不可逢藥便服
醫不三世不服其藥古人之慎疾若此言三世慎
之至也

若隨汝母到外家須敬禮外祖母及諸舅父母畱
一二日卽歸不可多住致荒讀書

汝資性魯鈍我始而憂之然終不若憂汝身體孱
弱之甚也今聞汝眼病已愈身子漸旺則工夫做
得縝密雖愚必明雖柔必強只怕人自不學好若
肯學則魯鈍更妙較之浮泛者加數等矣不足憂
也

我十歲時祖父于課餘教我讀四書備攷全部此
書却能啓發顛蒙且與四書貫穿雖與經文多重
見亦不妨汝亦可讀之斷不可急于考試汝試看
香樹齋文集

卷七

七

此時老而無成學問愈退者何嘗非少時自號神
童者耶若自幼神童而又能力學則與年俱進自
然更佳今旣不能學他只有用困勉之功切不可
躐等而進終于無成也

躐等不可蓋謂不必急于考試以揜飾自欺非
謂作文一道可稍緩也讀古與作文本是一道若
一面作文一面窮經力古則相得益彰若不潛心
體認字字索解而能成誦六經與付應僧念佛經
何異

凡獨子與弟兄多者不同如技勇膂力俱要磨練

方出弟兄多者父母亦不甚愛惜或乘危走險固
有損傷處然出衆之才往往從此而得獨子則自
愛之念益宜深切寧懦弱母多才寧落後母爭先
至于不登高不臨深則凡爲人子皆然寧論孤獨
耶

吾每每寫信寄汝及汝叔父并族人等雖極忙冗
中必連篇累幅無非欲見者想吾期望汝等勉爲
端人正士在家則有益于鄉井出仕則効力于國
家不致負祖先詒謀之意汝俱宜細細尋覽茲又
論汝數千言文理雖淺近易知而隨時行之終身

香樹齋文集

卷七

八

不窮汝有未解處可求先生叔父及諸尊長講明
吾儔直之餘編校之外刻無寧暑呵凍爲之汝其
深體之母忽

與弟界

自春徂夏得吾弟信喜懼相半從西安來者皆言汝勤苦是甘則潔清之本已立然聞汝每事過寬未免沾滯不能決斷因畧條示于左

記云大臣法小臣廉此童而誦之豈備官而未之聞耶不知法者

聖天子握之以為憲天出治之本何獨與大臣是勉蓋身為大臣所入俸祿不惟能贍其家且可及戚族黨里則暮夜之金浚民之生雖中人之資吾知其不為矣惟權乘勢厚恐其犯法偶一不謹身

香樹齋文集

卷七

九

陷不義不敬之罪故曰大臣法非謂大臣可不必廉也至于廉者君子守身之常度何獨于小臣是勵蓋小臣初登仕籍從田間來家室妻子既累其經營服食起居復苦于拮据有守之士必不為境遇所移而內念不力外誘入之境遇復乘之則易于傷廉若夫承乏奉公小臣唯守法之不暇而奚暇犯法乎故曰小臣廉非謂小臣廉而置法于稍後也每見秀才們不通典故不習世務輒見人行奉法之事即議其過刻曰他日吾處此必不為也要之過刻非法也既曰執法安得為過刻耶此理

不明必至于獲累而招尤矣試問今諸生厚自期

許有人曰汝長厚似柴子羔必欣然喜猶恐未能

也然子羔則入一事則奉法之中將以惻怛之心

未嘗廢法也曾子謂陽膚曰如得其情則哀矜而

勿喜三代以來刑賞忠厚正謂此耳至于今日飲

酒明日按事亦未為盡善也亦顧其所按之事何

如耳吾每見人言勸人存厚道長者之心自五六

歲至今未嘗須臾離此獨于汝戒勿過寬者蓋深

知汝有子羔之行而經生習氣未能掃除不重自

繩治或流于袒護偏私之蔽而不自知矣隨事體

香樹齋文集

卷七

十

察方得之右論小臣以先奉法為要並發明廉法不可偏廢之理

讀聖賢經傳確有分別如四海之內皆兄弟也愚

人讀之則為交結為慷慨因而受累者豈卜子之

過耶當玩其上文敬而無失恭而有禮八字敬以

持已恭以接人而一準之于禮則並無苟合之心

四海皆兄弟論其此心此理之同然者耳能敬能

恭則獨居一室一物不交其大公之懷無損于兄

弟之好不然則多識一人即受一友之損日見其

閱墻矣兄弟以天合者故古人遭此每多不得已

之苦衷若朋友則擇人而交不必多費此籌度矣

右戒不擇交惟在守禮以致敬恭之實

受 朝廷之祿只期無負便是稱職能稱職便是榮耀陞遷遲早自有定分若一味以遷擢為榮則必至于謁求人而後已我為翰林十年從不曾于遷轉時萌一妄想汝所深知豈我之才力遠不及人耶縱不及人豈不及汝耶汝去委署尉事時吾寄言老母云若久任尉事則吏治自練日後作令可無憂矣舉一事汝須善體此意要使才餘于職毋使職餘于才致左支右絀也右戒躁進不可妄求凡人有私求斷不可違義從之我居官以來日以

香樹齋文集

卷七

七

此自勵每見人有善必極口稱之不必其人之知之也間有後生輒以世俗相於引執贄之禮必峻拒之若其人果以學問講習來則古人未嘗廢束脩之義因見來者此意絕少曾有人見余貧乏曰數日內當遣弟從學余應之遲數日其人輟車致白金四百兩曰日用之需先奉此耳若引致吾弟得有少進則再報吾頓首惶恐辭之遂不答拜前年奉有

特旨保舉所知因適有鄉人素諳吏治即錄其名將移知遷人矣其人忽詣余適言及之且致懇詞

其人去即焚其牋誠不欲一語之間致傷薦舉大

典汝為吾弟若此心稍不可問汝能信之乎且同寓親友不下數十輩交往豈能信之正欲以禮處人也推此而論何事不當如是耶故人以非禮于應之則自待薄且待人亦薄矣况必致後悔者耶此不可不知也若夫嚴氣正性使人自不敢以無禮相于則功夫更大吾實未能願與汝共勉者也仕途最易遇此更有一種人明知此事不能彼若處此必不肯為因欲市恩于人偵汝過于忠厚以此相加者應之則汝悞彼無傷也不應則汝無累

香樹齋文集

卷七

七

彼仍見德于是人也酌量婉辭以處小事則可若大事違禮則默然恐不足懲一警百矣常存此心則汝自不敢以非禮于人矣右論絕非禮之求弱者視汝為不足與懷不仁者諒汝無能為行見向之偷瓜攘雞者無何皆食人之禾牽隣之牛矣惡聲倨箕者無何而終兄之臂踰東家墻矣必多為條約以訓之嚴聲厲色以正之犯者依法以處之其三令五申而不悛者重以繩之總不失父母斯民之心已耳右戒弱儒

汝既潔清自愛則貪黷之行吾知免矣又恐平時一味勉強及至公事卒辦則周章莫措甚至重耗之事派理之事致于重譴往往胥吏必進說曰爲公事非私也而彈劾已隨之矣此時問胥吏何補耶故廉不必矯又貴始終如一古人云有人來云貧乏不能存此是好消息至哉斯言右論廉有學問方免矯強及改節之病

吾念汝日夜不置故復就汝居官大概致此數條至于文移往復徵發期會豈能于數千里外懸揣及之惟在刻刻警省庶免罪戾耳雍正八年

香樹齋文集

卷七

三

年五月廿九日兄羣手稿

與從孫載

前接汝來札述及學業頗能潛心至于訓課殊不作輟一載玩味幾爲朶頤僕期望族子弟心甚注切善則不啻已有惡則若痼癥乃身區區此心早爲披示五載以前曾于戚族中獨許汝與採孫江郎三人未及二載皆入補弟子員差足小喜然數年來見汝學業未能大進心切耿耿江郎數千里來或可冀其少進採孫僻居古落從未以文字筆墨就正于僕僕始責其疎繼而憐其境不甚責也汝資性過于江郎而詩文書法未能成章者總坐

香樹齋文集

卷七

十四

不能玩味熟背臨摩碑版耳僕幼時見先輩猶有午夜跪讀四書大全者彼時自恃強記謂經學性理子史諸書當過目即咀吮其華頭白讀大全豈眞怕秀才不穩耶今看後生輩于四書章旨全不體會方知苦記大全默識心通終是立得穩也蓋諸傳全集豈能盡看其說散見于大全及或問中日日尋味道理自有融會處此舉業要道也並須立一看法教阿鼎也跟着看至詩賦則必要從熟精文選老杜青蓮及漢魏三唐諸家但學問須由前以及後則經學須急急也即如讀七月東山蒸

民諸大篇方知退之少陵不過僅入其堂未許入室也總之怕窮躁進是學人大病汝看古來大學問立定脚跟豎起脊梁做好人有幾箇是少年發達的都是從食茶之後進以蔗味也卽或有之必其資稟遠過于汝輩當思名位非榮身之具必以仰報君父爲重然學問不深閱歷不廣經濟不諳而驟然得祿雖有仰報之心猶去柘撇楫而欲舟之濟也不亦難乎汝年過二十尙未娶且父母貧苦日甚宜思學問長進人品端方爲救貧上策僕自幼至今但見不讀書不習上者歷嚴冬無完褲

香樹齋文集

卷七

五

度夏日不再食矣未見學人行乞于路也就其大概論之不爽耳况幸際昌期脩于家者必獻于廷特恐脩未至耳每見後生輒矢口云無寸進奈何等語全不理會到自脩上去故切言之一以慰汝之志且以此意宣示兩尊人使知僕言之不謬也知其不謬宜何以處之則有簡便法在曰耐衣食隨分有五劬棉花便可過冬人日進粥二甌便可撐腸解得此意怡然自樂僕十五歲至十九歲鄉居日進菽飯夜則朗誦構思先大人及老母憐僕兄弟乏食諭令少息僕置燈帳中默誦不使

聞然貌日肥學亦從此進矣第一要胸襟洒落讀書固要苦心然須會尋樂處忽而寒梅窗外忽而春柳堤邊偶沽村釀或買江魚卽過回溪與二親取樂所謂進到鳶飛魚躍處方知隨柳傍花時是又耐字中一團趣味也汝與採孫江郎及諸族人更有極討便宜處亦宜知之凡讀書做人須要就正有道那有道便是曾閱歷過的人僕誠不敢以有道自居然汝輩今之地步僕都閱歷過來至于看文論學僕雖遠隔數千里不惜精神于趨走三館編摩秘籍之暇詳爲寄示多至數千言甚至忘

香樹齋文集

卷七

六

食忘寢至于寄言醴泉弟處則每至達旦凡與僚友接待有一言一動或可取法必錄寄也汝輩雖盲僕爲相者宜其不墮于溝中矣汝經歲不寄一首文一句詩來請教豈以僕爲不識耶抑以爲吝教耶至于阿鼎年紀長成務望汝循循善誘教他看講章之法自家去點去圈點差圈差卽爲改正此是第一法也四書備考必妄叫他讀須將紅硃圈圈點點或尖圈或夾圈使其高興解釋引而進之且有益于小考如孟之反不伐章則知清之役顛末之類蓋其姿性必不能熟讀五經而備考所

載皆孔子門人事實及周禮考工之書作小題所必需也見字之次日卽讀可也萬不可緩且與汝不無小益飯餘課其作札牋之類因見其筆下不富麗甚可憂也僕十一二歲老母諭代作家信呈外王母一洒數百言使讀者喜悅至今思之不知文法從幾時學來也至于十五歲夜讀書忽見月華卽成長歌六百言雖有孩稚氣然絕似毛西河尤展成兩公時長者多許可後至廿三四歲則知已落小家數痛責自悔乃取漢魏百餘家全集讀之方知文選中所不載者甚多又取諸子讀之方

香樹齋文集

卷七

七

知聲牙詰屈非助乎退之也再聞汝侍大人先生前語言不能明亮恐此時不習將來入于寒酸一路當以侍于君子有三愆章治之聞汝于友朋中輒多諧語滑稽雖非大病亦不可任當以益者三友章君子不重則不威章治之總之弟子入則孝章道理全備以上四章時存諸心可也京中人口浩繁日用甚不支僅得數金奉寄汝粗備冬衣外可買斗米斗酒致尊人聊致洗腆不盡

僕每作家信必隨筆揮洒文理都不計意之所觸卽錄奉告此札或言境遇或言作文或言讀

書或言做人涉世或論家庭之樂或言課訓弟子或言詩賦源流或自述平昔字句多有重複者叮嚀也詞語偶有矜詡處道閱歷也汝可細細詳味並鈔錄數紙再囑阿鼎錄出數紙吳忠亦囑其寫數紙寄一紙于我處意欲存稿此本卽付裱人裝成紙冊置案頭以去人匆匆未及付裝池也近日眼花不能燈下作札字不足珍但可醫汝等浮嫩之病僕非甚愛汝何至勞勞若是讀者思之雍正八年十月十八日子刻跋時雞再鳴矣

香樹齋文集

卷七

七

上溧陽大司馬

去夏隨侍西行晨夕受教者多矣或因事示範或略迹原情或以莊敬垂型或以諧笑見性大槩以誠實立體以明通致用羣雖中材凡質尙能奉以終身自屢次奉委公幹少或經旬多或浹月必聚語一堂與諸子陪侍昨攝衣叩辭鞭且東指喜

魏闕之重瞻念師範之誓隔依依楊柳不自知其心之何可任也然忍而言別者暫制于目前自可久承顏色行見八騶入 覲碧紗幔裡白玉隄邊羣得與館閣諸子叨陪末席爲日正長耳人生聚

香樹齋文集

卷七

九

散本自無常况一通仕版便難預期然義合情深境成身歷不覺言之縷絮也三輔民情實有革面洗心之效卽如羣廿四日晨起忽見行館外父老數百輩聞將遠行遮道繫維揮之不去及出城後自會城至臨潼四十餘里士庶環集數十人皆手攜盃酒洒淚不忍別行路之人非士著者皆爲之涕下羣自揣奉差來此初無見長之處惟所過地方實心開示亦循分事也而民情至此足徵皇上深仁厚澤沐浴淪浹欣愛戴有出于不自已者

聖天子勞來輔翼之盛心使八耳提面命稍有成勞都在桑柘影斜時天然繪出想閣下聞之亦應爲之解頤耳二十七日宿華陰道上好雨竟夕土人目爲金也明日渡河河北麥苗俱茂微不及關內麥秋可望大有特述所見餘再報

香樹齋文集

卷七

十

與嵇拙脩少宰

元宵前遣奴請安以騶從尙未至止遂爾回家奉
有數行想入台覽矣渴欲趨晤而家中諸事紛如
未能脫身總之百口之累遇此大歉即目睹井里
啼飢一事便難排遣矣繩菴司農以公事來浙夜
中經過未得恭請

聖安擬於其旋也一為趨請聞尹公會鞠後飛呈
勘讞候 批回方可還制府也

法駕恭詣 闕里何日啓行弟處竟未得信祈示
知并懇寄扈從名單一看蓋老懷砥憤兩月來未

香樹齋文集

卷七

三

得家問殊懸懸耳前聞老先生已還子舍暫違齋
禁得展烏私天倫樂事惟大有福人能嚮用耳羨
極羨極廿載前曾有吾兩人共舫遊龍山登眺既
倦圍棋把酒如少年時遊謔閣下以爲此固佳祇
可供談資耳今則當見諸實事遭際
天恩坐享昇平弟雖衰白尙詠加餐以踐夙諾如
何如何

香樹齋文集卷八

嘉興錢陳羣集齋

尺牘

與從孫琛

僕于雍正三年奉太夫人南歸時見族子弟中年
幼而姿稟可造者唯足下與坤一兩人因與族衆
曰遺直老人傳家清白子孫當有賢者吾觀載琛
殆其人矣應者環于聽事亦不知予之知言也後
司衡交河王公下車首試禾郡即同補弟子員功
名未耳予言不謬藉以少慰繼而坤一得乙科復

香樹齋文集

卷八

一

舉博學鴻詞科文筆詞賦亦日益有名足下屢遭
私艱贅于潯水之上聞婦翁頗推烏愛不致顛狼
吾甚感之但問學須及時自勵閱歷必出門有功
不必遠引即如吾與汝伯父朝采俱未弱冠飢驅
出門艱苦備嘗或三十年或二十年然後名掛通
人之口聲綴清吏之編幼弟主恒亦自幼攜之北
上今名聲亦亞于兄姪此其驗也每念叨竊若斯
豈由才致仰藉先代所貽固不待言而得力四方
賢士錫以訓言其有妬嫉才士進以美疚借以警
惕悚然猛省美疚之功同于藥石閉門獨坐人未

易聞此語也昨者足下過吾適在治行便訂同遊
我家本貧宦况清苦產業之事尚不如編戶齊民
此番行李茫然未措獨亟亟于勸駕者實爲祖先
成就子弟起見非有他意來札推獎逾分所不敢
當既以吾言爲然不應游移至有與犬子同行之
訂足下所謂高明可師資者爲僕耶抑犬子耶爲
足下計則應同僕行爲僕計則應同犬子行惟足
下裁度焉古來贅壻中成名立勲者最多僕亦兩
爲之獨愛姜氏懷與安實敗名一言因風况示并
與潯水知交共訂斯義也寒峻遠行第一慮無衣
香樹齋文集卷八 二

食第二慮無益友嚴師第三慮書籍不富儉陋貽
譏若來同塗北上三者俱無慮來价或可隨行不
無小助指臂東臯書屋齋額已繕出付去拙書雖
無大佳處却無一點俗氣餘俟旬日後過茗水當
紆道走訪作深夜談也不盡

與深陽師相

每觀昔賢致政歸田後往往以筆墨陶泳性情東
坡罷官時遇紙作書書盡乃已常出笥中紙墨拂
拭之有足供三十年之語蓋佳書名句實可移情
寄暢雖園林山水花木不足方比况珠玉錦繡之
炫耀絲絃箏琶之聒耳耶余於二十五年前曾追
陪先生于役隴右見公餘讀書不倦亦間愛作字
筆力秀拔雖筍輿勞頓中未嘗廢也昨蒙

恩還里溧陽去吾郡不六百里羣以家累未獲馳
詣左右爲錄養病以來詩數首葢詩之感人最深
香樹齋文集卷八 三

拙詩固未能超軼前賢然幸際

堯舜在上世登熙皞年未古稀得栖息蒨萌寄興
吟詠詩不在多時有見道語亦不墮禪悟不入理
障庶幾溫柔敦厚不失言志永言之義閣下得無
有意於其間耶

與董東山宗伯

每從小兒家稟中詳述老先生念舊情深不以聚散稍渝夙契且視豚子極加體恤感勒五中惟是弟藥裹生涯自安散漫不敢以巷曲鄙狀屢瀆雲霄知己疎候之愆正坐此耳今夏古稀初度承遠惠清俸用資藥餌受之益加慚悚江鄉遇歉歲日用難支弟無米之炊樂歲且以百口爲累况當珠桂之時七十衰翁與幼兒稚女竈下臧獲同啖糗米惟日以線裘殘卷古硯長箋閉門自遣而鼠輩憑依退之寄虛全詩隔牆惡少惡難似每騎屋山

香樹齋文集

卷八

四

下窺闕鏡奩衾禱來必拊擋而去官吏莫可如何此年來所更甚也至於吟咏之事則里中後生未足鼓興久爲閣筆數年前曾拜惠朱竹一筴爲懷袖珍玩昨爲好事者乞去倘能再寄小幅一紙爲娛老清供庾征西云煥若神明頓還舊觀何幸如之歲暮懷人率泐走謝並道鄙狀同人前祈轉致不盡

與孫懿齋尙書

校閱靡寧月餘疎候違侍以來將六十日僅考竣定州正定趙州日內開考順德所到之地托庇粗安惟是諸生中少傑出者卽有數人不過舉業功夫實無超軼之品時深悶悶羣數年于茲清身苦體諄切告戒者無非要諸生植品端方窮經勵行不以弋獲功名爲念然自設立制科以來流風日久昨恭讀

諭旨字字切中近代士習而極重難返羣每平心思之以之訓諸子姪且不能必其信從况環而集

香樹齋文集

卷八

五

者之諸生耶推原其本皆由自家功夫淺薄見地畢竟還有出入處惟洗心滌慮觀我生之進退以驗多士之從違不覺慙汗流背也至于御纂四經現在選拔貢生以此命題令作經解乃諸生中見此書者百不得一近到南府詢問教官急取所存

御纂四經令諸生分經彙集與之講解乃傳論各學已頒到者令其開明其尙未頒到者亦令開明彙呈閣下轉與藩伯商酌大約最要緊者每學各有一部且可供諸生領取講讀至于家家全備實

萬萬不能驟期者窮鄉士子一部四書且有父子兄弟輪直温看况是書之浩博乎但各學給發一部之功令行之已數年而仍未徧殊不可解萬惟閣下公餘一爲籌畫或藩伯行文一查更覺妥協畿南數處惟正定張太守現在延師督課經書已備餘俟再達臨啓虔切

與孫懿齋尙書

陳羣載拜啓自入館後卽承教益繼而地分懸隔職業或殊焉臯比側聽編集數頌藉以澡浴者十餘年來良非淺鮮節麾移鎮畿輔之日羣重膺視學之

命私心竊喜謂同館相於且同地親炙賴以訂頑知閣下所樂爲指示也日來披閱事忙且肩輿方始未敢趨請俟試案分撥後當專誠握謁耳書院急需振作之昨恰值福星炳耀于此三月政成諸庸具舉卽爲慎選明師設勸經之壇布治事之席

不以羣爲不才而以擯秀舉芳之任諄諄面委分所宜擔自應以誠心求之或者膏黍梁父之陰擊車可載敢不勉旃至于稽勩惰定章程在大鈞鼓舞萬彙自非小知所能淺測然悅安強教兼施互濟謹以此間士習之所宜痛改者陳之一曰去僥倖讀書所以明道經學治事皆道中條目若以藉名肄業妄希大人先生之顧盼無論必不得之數此心一萌書篋琴几一團躁妄矣一曰戒小成古者自離經辨志至知類通方分年責效由一而九各有時敘今諸生僅守時下制義數十篇責以經

學聽而思厭其弊在弋獲功名安于小就耳羣嘗謂做秀才時不熟習經史及入宦宦成後便無書可看但以坊間演義消其歲月比比皆是也以上二條責在弟子至于授經之法全在先生罕譬曲喻如啓聾扶危誠使分經各治一經通晰中有所得其餘四經及諸子百家雖禁之不習不可得也羣三歲前每循行郡邑得一可教者准送肄業必叮嚀告誡于其成行時下堂提命如男子之冠女子之嫁父母之訓其所生者誠重視師道不敢毛髮苟安亦藉以自勵耳昨校閱諸生問訊以經學香樹齋文集卷八 八

牛思疑姿學甘白次亦有數人容徐及之總之生徒集至三四十人外必就中舉出學長一二人引掖之其功必倍稍遲奉謁時備陳不一

香樹齋文集卷八

九

與孫懿齋尚書

二十七日專泐數行並有奉商會稿想蒙照入昨聞半月前閣下有令子世兄因讀書功課過嚴一時年幼不知所措失足井中驚慘實甚此雖彭殤有數然課子弟之法羣體察最久言之稍稍親切恃在愛下因既往之失而略及之從來父與師不可並嚴也記曰愷以強教又曰悌以悅安明寬猛之相濟也父道與師道分相屬皆有董戒之責言用威必曰用休者義可知矣且寒素之家父子同居一室並無童僕父督之則母勸之師責之則父

香樹齋文集

卷八

十

母勸之甚至父母與師同有厲色至于榎楚擊蒙而鮮所失者相處習則父子天性無論賢智顛愚皆知吾父之怒吾爲出于暫也故受而不驚公卿大夫之家則不然日以公事殫其心力偶一督課其子其子之能任與否不暇察也且位尊則一出諸口卽有無知之戚獲拘愚之保抱故聲大之以使之警心未有不過甚者羣幼時貧乏不能自存先府君督課甚嚴然受之自若間亦驚悸成病者數四亦無大害至筮仕後偶一施之于諸子遂大悔于厥心自後豚犬有讀書怠惰處欲示之杖以

香樹齋文集

卷八

十

收其威必先密示意于其師並及于其母使其解勸以安之間用萬石君相對不食之法治之然惟成童以後則可亦惟官翰林可爲若奉差時則見面且不得寧論教乎凡此情形前後以身歷之始能傳之楮墨間顏氏童蒙訓朱子讀書法呂氏童蒙訓皆就規矩言神而明之存乎其人諸集中亦未載及也今所聞公子事由于督課過嚴羣與閣下爲同館後進居友之末行同事茲土每事受教指示叨益良厚昔習之于退之好譽一事致書辨論至于言張文昌以退之不保攝精神時以樗蒲荒業動色相戒至再三此二人者皆從退之游當在弟子列而切切惻惻言無不盡羣雖不敏慕其爲人愚不諫賢非所計也閣下公餘一爲採納會其意以課諸公子知交遊中猶有習之文昌其人焉則幸甚幸甚至令郎生入大賢之門其來必有所自昔有才子入水後爲神以司其祀而利子人載籍所傳如任安丁芊之神于溫泉者不可勝述天鑒先生忠誠勤勞民事濬河疏澮百泉清潤井之用爲養其神則童子神一井而萬井得所養子以默相先生惠民澤物公子有知當亦含笑居

才子之後塵以無忝所生此又羣以理揆之有必然者並以相慰臨啟馳溯之至

與許中丞

朔方起程前一日附數行馳復想已入典籤矣弟自奉總憲公咨委來寧祇稟

聖訓凡循行之處詳切宣講周歷靡遺此間百姓皆知

聖天子除暴安良全爲近邊諸郡貽久遠安寧至計其感戴踴躍之忱倍切于東郡此弟所目覩而愉快者也總之軍興旁午之際因地制宜全賴地方當事悉心體察弟于公所會集必再四諄囑引朱子詮解日省章有則改之無則加勉二句爲贈

幸所過州縣類能仰稟章程承辦支給有則改之一語似可不必相勸然無則加勉四字則固居官者所宜時刻提撕以爲報稱之地者故屢屢言及以之自勉並欲長民者共敦此意老先生公忠體國民生至計旣撫綏于平時吏治官箴復告戒于臨事必能鑒弟懇懇之誠而不鄙其瑣屑耳啓者弟于前月廿一日宿涇州次日晨發行至十數里有小价潘姓者遺去盤費銀二十餘兩並所帶囊中物件倉卒尋覓見塗次有人云項有行路人云拾得遺金守候道傍良久不見失金人來快怏而

去還當再來汝候之可耳小价問云汝與之熟識否答云不識也小价見弟騎已遠不敢久稽以致落後乃急赴州衙門告知行至二更始到旅舍據以情稟弟以爲大道之旁行人如織遺去物件豈能復還次日遂策馬西去行至瓦亭驛次忽接陳牧稟云昨尊价告知後未及移時有居民文進義隨卽來稟驗其錠件及餘物俱如尊价所開俟回至敝治再將原物呈還等語弟思進義一鄉曲窮民得此遺金爲數不多以之買十斛麥田舍翁得此亦厚幸矣若以之薄操奇贏則居然中人之產矣乃義形于色單衣呵凍鵠立道旁俟本人擲還貧而不苟一至于此此風何其淳也實由我皇上深仁厚澤教養兼隆致里閭鄙人山谷野老居然有士君子之行雖史策所垂道不拾遺戶不夜閉者何以加茲行路者聞之猶肅然起敬欣然愛慕低徊其人而不能去矧弟目覩其清身被其風者乎擬回涇之日召與之語探篋中餘金贈之並給以額大旌其門以示獎者輶軒使人之事也老先生職任封疆總持風紀仰體
聖天子鼓舞愚賤之盛心旌一夫而萬夫勸者其

香樹齋文集

卷八

古

在斯乎聞陳牧已具詳轅下此係地方公事用敢
遠寄奉聞臨啓馳溯

香樹齋文集

卷八

五

與李臨川師

清和應律繼長增高伏惟大人福履駢集似之有
之可勝額慶羣自受知後善耐條冰每依暖座在
弟子中無經歲逾時動違函丈即如于役畿近又
得六叔共事陪歡接情如親師範迺卒遭私艱銜
恤歸里自分草土餘生不敢寄雲間一紙而以十
七年依戀之久恩遇之深不寐寒宵能勿耿耿宮
相一席望並揆鈞

特晉老成宮府增色更嘉館務之餘以翰林風月
添吏部文章

香樹齋文集

卷八

六

天心

宸注豈無意于其間乎正月之杪為先慈治喪羸
病不可言日內正謀舉襄日月易逝不敢蹉跎致
終身悔恨守寧戚之訓惟稱家之為藉以奉揚母
德貽榮竊壤惟鴻裁一篇少報劬勞于萬一銘感
當不獨及身已也聞去秋世兄輩報捷者四人乞
詳示知此番大世兄自當冠冕南宮先正源頭羣
知之頗確所不及世兄者彼能守之力耳此外恐
知其道者或寡矣六叔仍館于西林相國家否念
甚如此生徒不可多得教之專而久方可養成令

器尤貴親仁取友情話中或一及之萬老前輩近
狀定佳不及崑啓諸位世兄榜後得失殊軼侍奉
邸第尙有幾人均乞示知臨稟依切之至

香樹齋文集

卷八

七

寄副憲尹元符

盛夏握手西郊後即策馬乘峽間老先生以待奉

陳情蒙

恩命允朝野共羨弟忝交末額慶益深昨保陽試
竣迺迎而南未得紆道走訪此心如結筆所難宣
邑學久經頹圯一手仔肩頓還輪奐風有位而勵
多士不獨博陵增色已也自慚淺陋未足鋪敘盛
舉不敢違邑侯李君及司鐸諸生之請撰成六百
餘言敬爲繕本並呈副本一冊校閱事繁筆墨疎
澁諒邀垂鑒耳每接十五州郡士子于試文之餘
香樹齋文集 卷八 六

香樹齋文集

卷八

六

必勸講經學又于討索之時必舉鄉里賢公卿如
先生者使其師法知信而有叙或可啓其思齊之
念至附近新進後生惟望明公以時獎掖要言與
法語交致非敢謂人人改而且繹十得一二亦蛾
子時術之效也昔温公居洛十有餘年里中士子
多師其行而勉于學于先生有厚望矣鄭生往復
二百里勞頓實所不安藉以通懷想道起居使行
者居者若對面然生之功也外附奉懷一箋詩雖
不工亦存風人之致惟進而教之不一

答傅玉笥師

僕人沈隆回自會城捧讀老夫子手諭知歲前爲
師母大人發喪心力勞瘁獨恨羣銜恤里居方營
先母葬事不獲奔走門下少効尺寸罪歎何似昨
粵中人來得中安手信並承遠致奠醑同患相拯
古處猶存其令姪口述近狀視白下更覺淡泊然
莅任未久即能念及吾師清况急與藩伯薩年兄
商酌書院一席殷然敢請重師道而樹化本意真
誼篤溢于言表在老夫子以新遭潘悼未遑他顧
迺以行止下訊于羣羣亦豈敢自外遂于忙冗中
香樹齋文集 卷八 九

香樹齋文集

卷八

九

幾爲躊躇至竟夜不寐設身處地幸而得之披衣
而起作稟奉前條列如左唯吾師裁之自去夏被
薦後遭部議不准凡有薦劄之事自應少待時日
非宋庶常前輩竟自北上者可比且吾師久任編
摩豈不深悉解職諸公行走之苦乎平生關切雖
首屈彭城然其見地高明早知事宜責成鈞軸分
脩既有人矣又豈肯作此不甚緊要之請使故人
再悞耶以二十餘年三館兼攝之老翰林復與後
進同効趨走之勞又非奉
特召恩旨而尙肯經營入手乎至于海塘効力一

說固是縉紳士夫家居所宜留意古人處廟堂則
憂其民處江湖則思其君借安瀾爲陳力庇民之
策良非妄圖然現在分工諸當塗以槩用地方有
司爲易于責成靈于吸應持論甚確師諒有所聞
也今粵東一席出自薩王兩先生之意其和衷共
濟于此可見若力任其事一二年間粵人士文行
交脩藉以宣德意而育人才師道立則善人多于
是乎在矣至于化成之後自有上聞之日人之好
善誰不如我一二上游主持于前薩王兩公推挽
于後

香樹齋文集

卷八

十

聖天子明目達聰無遠勿届若從此受知視審木
石于海濱懷鉛槧于館局其勞逸必有能辨之者
况彼則未來此則現在彼則稱貸賠累恐未得當
此則冊書相訂堂壇相招致不一矣晦菴白鹿洞
賦云曰明誠其兩進抑敬義其偕立允莘摯之所
懷謹巷顏之攸執仿其意而樹之則修韓公趙德
故事計無有便于此者惟是裹糧涉遠非十餘金
可辦羣拮据奉到數金稍備江中舟楫之需陳羣
頓首頓首

與某

二十年中所得襪材強半爲諸女繡工費去平生
嗜古紙抱病出京爲足支十年近又不足用每有
人求書者見其紙麓劣置之請者再四乃以敗簾
中已退筆信手塗抹付去觀者填屋主人方朶頤
自詡謂吾力能致香樹手跡筆精墨良展古紙作
書固是快事今以不堪使令之卒命李廣將之奈
何昨劄來索紙僅得新牋數十幅昔人以萬番酬
博物今寒乞至此其不見笑于壯武者幾希矣代
面不備

香樹齋文集

卷八

十一

與邵北崖

弟棲息衡茅寡所聞見惟二三老友時往來胸次以不得握手為悵歲暮小力從金閭歸得知尊體偶爾違和旋又得樂均手劄云是火症近亦差可是以復遣小力持柬叩前及接手書雖隨手信筆而顛挫波磔煥若神明正如韋蘇州作吳郡太守時聞張協律病欲往訊之忽得協律書狂喜乃作詩貽之中有觀文心未衰之語後協律果大愈又復屢致存問今足下精采露於指端其效更速不日當強飭健步如常時也惟是年逾耳順乘此偶

香樹齋文集

卷八

五

感加意珍攝以小懲為大戒受用不淺矣弟固素不善攝生以致顛狽乃爾即以為前車何如百里睽隔數行代面祈鑒而頷之幸甚幸甚不宣

香樹齋文集卷九

尺牘三

與族人公札

前月接來械言及先奉常祠堂及彭城祖塋所有祭產賃房年來司事者擅賣致祭品日減祠宇日就傾圮僕作宦京師不能遠顧因思祖先艱難締構遺命長房世守勿替惟是相沿日久子孫之分尊而有行者察之使不得妄動其說固是殊不知長房據守日久竟視為世業旁人不得越俎而問所以日廢日削莫可救藥耳據愚見應急為清理以現在所存之產按房次序擇兩人輪管三年更替此後諒無捍綱者別生事端矣其已費之產姑且緩追并寬毀積之罪勿傷先人之心范忠宣云攻人之過毋過嚴要使其堪受即此意也善後之策無出此矣倘先人有靈誘其衷俾後來任事者於年歲豐收辦祭之外以所餘積為脩理祠堂之費幸甚幸甚族眾昆弟酌行之可也

香樹齋文集

卷九

一

嘉興錢陳羣



與鄂虛亭宮詹

昨奉訪因得握手顏色雖清減而心神定靜又喜詞氣間但有恐懼修省之意絕無患失消阻之情此是平時見地流露非強而飾之者也

聖天子日月照臨隨材器使必無終置閑散之理全要善體

天心不自暴棄耳雨露人皆知為能生物也然弱植小草間有得雨過多不能受者雷電人無不驚怖然振滯發蒙功有甚于雨澤者我后之生成一蒼穹之不測也窮經格物守孔門之一言嚴曾

香樹齋文集

卷九

二

氏之三省持之以慎密養之以從容又以餘力涵泳乎詩文討源于漢魏集益于唐宋並取名家法帖晤對臨仿午餘稍習弓矢以固其精神凡與朋友相見皆有益學問之語餘則守瓶以志不磨願與好友共矢此志弟通籍將三十餘年惟不敢妄想發無益語差可自信吾兩人同業翰林同趨禁近又蒙恩同長宮官效古人贈言之誼略陳數行知我者鑒而采之幸甚幸甚

與姚範治

人日小力從京回天雄接讀手示數拳諄懇極慰調飢並聞歲前請假侍奉孳眷而南成行有日際聖明之世遂烏養之私伯氏觀察南州寧親路近仲氏歸來嶺表色養身先季則十年館閣醇謹守身比于處子今復蒙恩肩隨舞綵束長生訓南陔之養則曰昂增爾虔以介丕祉其言孝子潔白則曰鮮侔晨葩莫之點辱維賢兄弟其殆庶幾此寶太夫人令善所積義方所詒而益以微天道福善之理如操左券者弟自締交以來辱愛最深知香樹齋文集

卷九

三

之最切回憶二十年前襍被奚囊千里負笈今則後先輝映中外著美若非履信思順有默佑之者未易臻此也弟自筮仕後時時以少年納履踵決景况銘勒心目間所以驅除妄念屏去浮慕久之漸近自然老先生鑒其鄙直每于天倫行樂時一思故人身親之苦見地將益開裕四詩雖不工而情意真切無一字膚泛可自信也

與俞磁州

去秋往復滄陽雖未獲親緒論而尺一紛披聊當對面自昨冬入都後至小除始出貢院適野堂姪相聚數夕煨糟拙煮凍笋未嘗不數及道腴昆季也元宵之次日即循行京東南諸郡折而北訪孤竹度居庸幾于刻無寧晷遂至疎侯每從南來者致詢近狀道善政頗悉藉以少慰管見士夫于交遊戚邨通籍者必祝其遷擢于聖賢道理相去甚遠古循良之最著者如杜詩召信臣輩皆久于其職以盡父母之實來父母之呼朱邑于桐鄉則逾

香樹齋文集

卷九

四

二紀卓茂為密亦十五年而後教化大行擢封褒德侯足下屢被最徵遊于遷轉庶幾前哲往躅不致廢墜不亦善乎日內順德試竣即來廣平公餘當圖良覲話十年來積愆把酒燈前數別後新添華髮當在嘉平上浣矣

與李宮保

趣夫言旋展讀台示佈悃開誠推心置腹三復之下如對明鏡如接春風良由老公祖先生和衷念切舊雨情深為人謀而必忠日惟曾省見懿德而篤嗜永矢仲懷俾弟得時資教益幸也何如朱邸復

命往復保陽觀士庶之歡騰見軍容之壯盛其為愉快所不待言然自迎送晉接以至洒掃庭除皆由匠心擘畫未免有費精神矣傅阿兩公攜酋長來歸足徵小醜懷德畏威天下蒼生聞者莫不稱

香樹齋文集

卷九

五

慶弟日來衡校甚憊心志頗煩昨得好雨露霖滂沱正在公堂坐雨時一聞此信五內欣悅筆所難宣謝

恩奏入雖經通政司駁揭以愚見揣之老公祖才年節鉞兩長卿台事事上合

天心殊恩特獎迥非尋常指摘所能增損萬一耳昨聞自陳鴻製字字從至性流出才冠代而無功至大而若虛畿輔數千里營制民情官方士習以及刑法倉庾墾田弭盜三載以來眾緒就理而謙退之心不自滿假記從前駐浙時曾遇茲典敷

陳督撫所應辦之事洒洒洋洋有倫有要一再捧
讀心志不忘此番體格迥不相同而前後並美制
勝爭奇宜乎 恩綸褒獎永著臣規爲後進之楷
則也弟素切服膺松栢悅與有榮施兩月以來
惟有勤慎自矢冀免隕越而翰教所及賞許逾分
益滋不安至先生進館一語尤當銘佩率泐走謝
並賀崇禧臨啓依切

與完卓菴

老公祖先生厚誼疊加清風緩播被服之餘勿讓
永矢又復贈我名言銘諸座右詩人百朋之錫殆
謂過之至于解佩雲囊笑指更羸之賜借乘玉勒
用寄繞朝之鞭結分契情于今猶及章身比德依
古爲徒別後爲春暉學士前輩攜至郊墅秉燭夜
遊乃在溽暑火雲中覺田家况味勝河朔遠矣廿
二日薄暮抵會城及旦以次走詣諸公俱申握手
之情以弟遠行欲以蔬果敘談猶覺俛仰皆寬元
老職在調燮愚見以培扶元氣爲先羣公忝竊相
香樹齋文集

信頗然芻蕘惟眼穿渴雨白躡未逢悶坐寓齋攢
眉鎮日也廿七日必歸攜李七夕前後方得長行
藉使馳復不盡儀封世兄札自常手致舟抵淮南
後再寄尺一道途次鄙狀耳

與馬墨林

棧雲燕樹相憶經年雙鯉何因時為於邑足下宜
蹟所至輒有賢聲井里故人長依日下每為耳及
私心竊喜亦自艷也近企福履日增為慰陳羣自
兄分袂以來僅守條冰寒暑日坐薄笨車入金
門循分編摩申刻歸寓閉門課子不覺年歲之
惟思吾輩受

朝廷厚恩年垂耳順既列通顯惟以成就人才使
實有裨于政事者多得一人則心上便添一分快
活不賢者教之教之不改則咨嗟良久而棄之弟
香樹齋文集 卷九 八

惟持此以期白首耳記舞象勺時同隊之魚不下
十數輩今中外食祿僅我與老長兄二人白香山
云猶有誇張年少處頻呼張丈與殷兄此裁柬奉
寄而洋洋得意不覺襲白傅故事相嘲也便中仍
望示眠食及諸近舉措以慰鄙懷至弟之悚惕匪
勉則知我當想象于六千里外無容多及

與吳眉菴前輩

新秋薦爽溽暑旋回先生于樞府餘閑情殷舊雨
剪時蔬以博情話且以侍憂戚向隅再三招喚使
于接言通問間整撥憂滯仁人用心至深極厚煎
蔬敘舊非讌會比也侍非拘腐輒敢固辭乃數日
來腹洩頭暈胃氣殊惡坐久必不能刻下又有親
串自遠來唁尙屬小兒陪之若輶車奉詣心亦不
安俟行期有日尙當易衣求教並乞轉致諸同好
不備高安世兄年富學勤識見超卓昨曾一見語
及先人則潸然涕下及諸弟孤露則慨然以成就
香樹齋文集 卷九 九

自期詢及麟遊清苦則曰此是好消息及挑選則
以奉
旨仍許應試為殊榮從此堅持此志立定脚跟吾
師未竟之業庶可似續略言大概知同人聞之必
有大慰大快者矣身阻文席心戀良朋寸箋代面
只尺依依

與曹榕齋明府

俞少君苦節通都共白獨不亮于豪胥昨見貴友復函幾為髮指擬即鼓武林之棹以俗冗暫羈計詣錫山相國走別時當在天中節後縣詳宜于此時馳上太早則又批駁蓋相國海疆重任經國神勞通行事件豈能親目若輩伎倆弟自當痛切言之受益當不獨俞少君也附去紙筆之費此為第三次弟雖綿力而懿德所在不敢後也惟老先生酌與之

與沈似笠

香樹齋文集 卷九 十
日前以俗冗之海昌數日即從彼處上塚泥濘不可言刻下甫歸首問家季得先生強飯狀甚慰初冬乍寒且莫出門襟懷瀟灑固是長溪本色尙左餘哀尤須排散餓則少進不必拘時晚來把握知先生綽有定力岐問上士之對自能佩服無俟故人覩縷也街石雨乾當緩步清話

與陸念劬

去冬舟泥邗江適見高鴻南下僕也窮子匍匐迷歸君是故人蕭騷獨往僕慰君以珍重好俟後期君憫僕之顛連許申前晤勅奚童而掃徑命稚子以授經雖下乘駑駘未勝鞭策而良工辛苦畢示方圓自秋徂冬旋往而復以婚姻之重大致鼓篋之睽違凡足下近日襟懷皆老夫昔年閱歷臯比未暖實非本心華札見畱頗明斯志昨已買楫櫓數隻乘此冬夜率子若姪稍親簡編城南燈火事實師于退之硯北追呼義有乖于君子倘畫眉餘暇博議成書乞乘風便惠寄一二俾開茅塞幸甚幸甚

香樹齋文集 卷九 十一

幸甚

與沈固廬同年

扁舟奉訪紆道梧桐鄉里廼蒙注念枉用相存忽
于雙林橋畔喜接清音遂爾執袂連帆並進指點
溪山使旅人不至迷于所往事有相阻而若相成
非夫分契情洽心會緣深者未易造此者矣信宿
高齋醉酒飽風流餘韻沾溉良多歸舟惠以盤
餐分誼之厚下若味深未足比並諸小阮遇我特
厚當之悚然先師圖卷諸前輩名篇林立侍又何
能復綴敘情述德敬題四章奉報使他日雲仍讀
之知老輩交照耳又兩卷付舟子攜去玉陽山藏

香樹齋文集

卷九

三

與陳子方

尊處攜來諸紙早為揮就久畱案頭不取今竟不
可得容覓紙奉償若云欺識後他人不得取則大
不然乞米帖新婦箋何曾預識後來珍藏家名氏
耶拙書雖不工而廿年以來天下好事者頗知筆
法在茲爭相寶貴乞而不得則已得而不取殊不
解也此後惟願錄就即取無使執筆人多費紙耳
言此亦足見予落落不自收拾也

與黃生建中

渭南揮手情依依僕嘗言道義中有真莫不信
然耶足下兄弟天性篤摯自相從半載以來無間
晨夕忽爾言別攀轅淚下固其宜耳獨怪三輔諸
父老與僕相接為時至蹙而會送都亭甚至山谷
野人生未入城市者且充闕與巷舉袂如雲洒泪
如雨僕何能致此此皆

香樹齋文集

卷九

三

于飢寒而稍挫勿狃于習俗而不知勿小喜而有
矜心勿躡等而思驟獲大抵經生受病處只是怕
貧賤耳必豐于財厚其位以去貧賤天也非人所
能為也僕所為去貧賤有操之自我者矣曰儉則
不貧勤則不賤足下心味之身體之必以僕言為
然也文章乃學問之餘事而聲韻又為文章之一
端僕每為諸子言輒以考訂四聲為急務誠見秦
俗爭習兔園冊子其視經書如苦口之藥明知其
可以療病而肄業不及之者皆由于聲韻不講耳
誠使讀一爻諷一什而依韻和聲抑揚反覆咀玩

而得其味吾見其寢食于此恐後矣欲荒得乎欲
獲得乎使今之秦人果如西京風物則僕之爲此
言者不亦輕量諸子耶昔有人詣村學中問教授
生徒者曰都都平丈我就其室取書看之則上論
語也急正之曰郁郁乎文哉其人不信學問之道
未可與捫籥者言類如此也舉業以純正典切爲
主後場時務亦須留心僕所望于汝兄弟者文行
兼優爲三輔表率以承先賢以啓後學場後便當
專函致汝北來便示數行聊寄欲言不盡

與汪松泉尙書

三月十二日接讀手復獎許逾分益深慚悚更服
老先生于扈從勤勞時三接之餘歸至行帳夜中
燈施猶復拳拳故人周匝慰勞至于如此非親厚
之至何能若斯昨冬見尊書凡四種今又跋其二
柏梁體一詩綽有信筆所之得如志者每見古人
于晚年所作多不能精深僕自過耳順後亦以此
自懼暇時輒取唐宋名家按其年譜所作潛心察
之誠有先物卽李杜亦如是也王新城歸田後但
多絕句惟朱竹垞查他山尙不露衰窘之狀皆年

登八十韋蘇州酬張協律則云觀文心未衰如閣
下來教所云或可少緩須臾得見
聖世昇平固大幸也惟是幼而長長而壯壯而老
無日不在辛勤憔悴中今體氣粗安而百口難支
日僅進粥碗許飯一碗皆粗糲與竈下養同牢亦
安之若素卽每日割肉二觔老妻西席婆媳及甫
離乳之稚子僅一波及餘皆如未受戒之窮僧耳
幸嗜好本不在此每燈下讀書猶聲出金石偶有
會心偶一怡悅精神時衰時長任之而已四五兩
令郎頗知猛省而攻苦得力兄勝于弟則年爲之

也擬清和之杪往會城一看聞先生甚好兩尊人
可以放心來教之不能爲百草憂春雨良是而樹
德務滋天相吉人洞酌之義自不爽耳茲因齋摺
家人之便附以代面萬不可勞答示也

香樹齋文集

卷九

去

與汪謹堂尙書

前者小力齋摺回家接閣下復前中及浙西民莫
情形如繪并吾郡獨苦向隅無不遠照幸際

聖主念切痼瘼而司牧者未免粉飾動稱豈敢以
天家之雨露妄費邀譽此語固是殊不知實無災
而濫報則爲干譽虛靡有災而不祭則窮黎無所
托命豈

皇上已溺已饑之盛心卽如江浙兩省同被風潮
同受蟲傷卽使浙灾稍輕于江南亦不過十分中
稍輕一二分耳江南之請截漕者百餘萬而浙省

香樹齋文集

卷九

七

止請五萬不及二十分之一微漕之後十室九空
且遠買楚米添入還漕及兌漕纔足民食大艱幸
荷

聖心預爲籌及發楚米十萬濟糶若使司牧先期
報明多請截漕地方存米充足米價未必遽爾騰
貴豈非失計之甚者耶此雖成事不說然浙西受
病之由實職是耳十月以來從會城分撥二萬兩
施賑又紳士便家量力捐助七邑計得銀五六萬
兩昨蒙

聖慈慮及播種爲日前第一要務窮佃得有資補

現在春收菜子蠶豆大麥小麥俱可有收其在浙東如寧紹等府已經成熟再遊半月浙西三郡亦俱可收成矣則五六七三月可以接濟所關非小蓋當塗欲回護前失總云嘉郡勘不成災徵漕米則曰踴躍輸將誠如是也則嘉興一縣現在與賑施者十五萬七百餘丁口卽就二邑爲數已至三十萬衆矣此皆有施冊可憑試思納漕後未及一月此饑民又從何而來乎天災流行何地蔑有一隅偶款自有定數道際

香樹齋文集

卷九

六

大聖人在上而司牧者未能仰體有負 盛心耳春收可以接濟亦是大幸事也將來七八九月間青黃未接之時須得豫籌平糶之米方好此雖爲期尙緩然有不得不籌及者揀荒本無善策揀荒而曰不荒之荒更寡善策也老先生以國計民生爲念且受

恩至重居心至公陳羣蒿目民艱分應備述公餘詳覽畱意不盡

答葉超宗

修門僑寓衡宇昆連澤國里居水雲可接迺老先生養志承歡靜修子舍弟則卧病守拙踵息首邱每于筍里人來得近履佳勝藉以快慰昨從太倉王世兄處寄到手函循誦之餘旣佩勤拳復喜翰札飛動直闖唐賢之室猶念舊情深記及當年同巷時擘牋分韻燈施酒闌情致真令弟流連不已惟是稱許逾涯爲勿敢當耳表弟敬宜之便數行代面並錄詩一卷拙字一幅奉寄昔東坡好作書見紙輒低頭信手塗之弟亦有此致貴郡名牋佳者爲致數十紙作消夏生活此箋亦可壽三五百年世以其脆爲不及古紙信然殊不知紙法近失傳竟以宣城紙爲宣德紙者中郎虎賁殆類是耳趙松雪書多有松陵箋者至今完善已四百年物其目爲脆不能耐久恐自位置太高矣呵呵

香樹齋文集

卷九

九

與子厚姪

足下到京後愚意謂今春倘有考試教習之信自可獲售稍為寸進地步孰意大兒奉

旨派由閱卷足下與我父子以服制論之例不應迴避乃下榻清齋則又在同龔之嫌長安人海恐未得與選者藉為口實尊見極是往往一歲之內各種教習尚有請考之處萬無重派閱文之事至千秋風得意一日三千里願足下勉之安命待時尤屬讀書人本色但愚注望足下之心則無時少釋也不一

香樹齋文集

卷九

辛

香樹齋文集卷十

嘉興錢陳羣集齋

尺牘

示端孫

昨接汝手稟知汝父派出閱卷命汝寄為我恭謝天恩摺底詞亦得體至我受

聖慈憐惜格外施恩實夢想所不到我自慚年老識短恐難圖報惟願汝父子時時祇凜讀書立品存厚道行正事耐性執謙敦勉孝弟以為資事根本使我晚年心上寬裕或可少緩須臾毋死是即

香樹齋文集

卷十

一

汝父子盡孝道于我矣我半年中精力日衰獨此摺感激實深據事敘情尚有唐宋人遺意汝可另錄一稿時為諷誦題寫謝 賜免罰鄉俸劄子以補古大臣未備之作我之作詩文進呈必依古昔名臣格律全無一點時派所仗
皇上聖學高深未有不洞見底裏汝父恭繕時無俟增減也

興黃建中文中兄弟 四十三則

年兄兄弟俱以誠實勤學致生起敬自去夏至今每共晨夕生雖冗次病餘而講論經傳達旦不倦昨匆匆分手此情何可任也惟願兩年兄始終肄業相為師友今秋得與鹿鳴之燕生當平鋪笛簞遲我嘉賓也昨馬首東瞻士民遮道扶送皆其感戴

皇恩之實效生何德之有焉桑枝柘影邊繪出太平景象那得不樂倘如父老約使車重渡灞滄再話疇昔此樂更何如也舍弟處時通音問為佳令香樹齋文集 卷十 二 親均乞候候

又 途間數行曾收覽耶僕于四月廿日入都日內近狀俱悉舍弟信中年兄晤間可得聞也僕之存心兩年兄早已洞燭大概惟誠謹二字庶幾時時勉勵耳所欲奉寄筆詩韻文章等項當覓便寄上也家中托庇粗安闔潭俱迺吉為慰日內有恩旨嘉獎三秦士庶可知眾心歡忭便可仰邀聖心悅豫 天心民心感應至捷理固然也順羽奉候並望時

惠遠音以慰我懷切屬

又 入都後附有數行于漂陽公家報轉致曾收入未僕一載循行幸免隕越以臣下供職之常分邀國家優敘之

殊恩益深慚悚矣更喜

聖心悅豫嘉我士庶日內接讀

恩諭想父老益為鼓舞不倦矣正在懷思忽獲魚遠賁展讀之下且慰且感兩年兄天性醇謹孝友無間于學問一途可謂誠心向慕者矣僕固愧為香樹齋文集 卷十 三 人師而相成之念夙有微尚所以通籍以來將十餘載自接待名公卿而僚友而親屬下及輿臺行路每有通言論事之處輒布誠以與以為如是吾心始安耳非謂必人知之也然諒者固多厭倦者亦復不少僕觀世俗受正言者往往不可多得名公鉅卿多以智位自高不能虛己以受餘子又以識見鋼蔽自安于不如聞人正言見人正行曰彼固應爾吾何為此也又曰庸詎知彼之所云非其所安也坐是自棄者不少如兩年兄者可謂求之誠而行之力矣顯然絕無二者之病愧僕非洪鐘

不足以應叩者之願耳秋風振翻把袂非遙承惠
藥物卽專人寄奉家慈翁屈兩令親遠貺愧無報
瓊少輝再寄不盡

又

前者楊令友回去附數行想覽及耶鄒榮來接年
兄翰示詞氣通暢覺得筆下掃去塵障甚爲可喜
學問之道原非頃刻間事今日通一理明日會一
事久之自成學者今日行一善明日習一禮積之
便成儒者凡旦夕剽竊之爲皆非真心學好者僕
之所望于昆玉不若此也僕自春夏來刻無寧晷

香樹齋文集

卷十

四

惟存心愈求其厚律已愈進了嚴朱傳云不以一
毫私意自蔽不以一毫私欲自累緊緊做去尙覺
未能然不敢自恕千里相質惟此而已兩年兄姿
性雖未爲上等而信道旣篤不可因貧苦稍有游
移不怕不到君子地位舍弟界立心要做好官只
恐耳目有未周知識見有未廣處年兄知無不言
言無不盡方是愛人以德也讀書箴一帖乃將還
朝時倉卒所辦然置之學官爲是近聞鐫家攜至
其家此大可笑所爲曉之

又

兩月未獲便寄數行亦未接手示殊懷想也閱題
名深以兩年兄未與爲悶科名前後自有定數切
不可因此介意甚至廢學尤爲淺陋矣蓋立身行
已親師好學原不爲博取科名而設況積而久之
自然通達耳僕自回京後心緒煩雜眷屬多病至
有不起者然館務之餘猶親簡編惟求好學如年
兄者百不得一甚至中夜自思偶有所得無可論
說輒擁衾而坐懷人况味性分中較勝尋常十倍
也前訂冬初卽來奉邀其所以少遲者或僕以他
事出京則恐成相左俟仲冬前後當寄信于家弟

香樹齋文集

卷十

五

處爲謀策蹇也久不得家弟問爲念曾有實授信
否種種應留意者便問時爲指陳松鶴五經文字
兩種已收到見時乞爲致及三冬最宜蓄畚經學
每見應科舉士子于下第後多玩愒束典籍歲餘
至歲試始解時文包裹此陋習也切勿效之便羽
附候其未遑詳述種種者一因去人匆迫一因冬
末春初定當把晤俟暢敘以悉

又

令兄入都得知尊大人而下俱安好爲慰愚此番
雖未得差然條冰冷况久而安焉且令兄來意原

爲請業請益愚雖無所知識自當竭誠相與以期有成飲食起居與在家時一樣並屬尊大人不必遠念遊子也本意欲延令兄爲小兒師奈數日前適請金壇李先生課大小兒矣今擬擇日課第二小兒及大小女至于束修已于會城從四舍弟酌定便可按季從醴邑支取總之愚之清况賢昆玉所深悉而令兄寒苦又愚所洞悉彼此體諒事無不濟令甥輩向從汝兄今聞年兄設帳此最美之事據愚見教授生徒宜省去附學多人專心教道屈氏弟兄務以成就爲主其應讀何等文何等書

香樹齋文集

卷十

六

愚當就便寄來也教學全要時刻善誘以弟子之心爲已之心使之有疑必問問則詳悉以示日計不足月計有餘寬嚴並濟而得其中使弟子皆有歡欣鼓舞勇于從令之心則庶幾矣因風便寄不盡

又

令兄來接年兄手教嗣又兩枉牋示並闕家言覺近來學力稍進字畫亦有把握數千里外如對面談矣每便羽去輒在冗次不獲裁答時用歉如學問之道不待外求孟子云必有事焉而勿正心勿

忘勿助長三語守之足矣一暴十寒無益也近奉上諭士子宜留心性理立體致用年兄年富力強七年之病畜艾三年言備之豫也附去近思錄策學二部可時時體味並以課徒最爲有益家中薪水隨分量力倘舍弟來省每事不妨商之

又

歲試之事自然遞一遊學呈要看大例若必要呈明在某處遊學則不妨竟說在京中贊善錢宅教徒或求廣文師于學臺前稟亦可學臺王公大君子也實在遊學必無慮耳

香樹齋文集

卷十

七

又

小力西去附有數行想達鄰架其屢次見年兄寄令兄信詳悉近來問學頗有進境字學雖未能驟見脫胎然握筆平正勻淨做去亦便是長進處也至于詩學全要放開心眼大胆做去若拘拘然惟恐失拈以求成章者未之有成也蓋詩兼賦比興三義隨處觸發皆有之不必贈當道則云百姓歡呼與人遊春則云花嬌柳嫩謝人畱飲則云松釀不辭也能于源頭上討生活以大氣舉之則歡呼花柳松釀皆爲妙語矣是在好問學者深思之耳

有齋令親遠念京邸故人清况其意良厚所寄恰買米二石相與甚長且不作俗套謝語年兄見時致鄙意可耳外膏藥五張奉上

又

年兄旋里後僕每公餘無事一室攤書至有體會古人處未嘗不以黃生歸去爲悶也自去冬及今公務忙冗大倍于前昨初夏蒙

皇恩頻加趨擢實出望外曾口占誌感詩中有惟有文章爲薦主更無干牘到師門之句愚半生心跡惟年兄相依日久實所深知也舍弟署中諸事

香樹齋文集

卷十

八

何如焉有四月不通音問之理鄒榮何至不安其身乃爾惟在善處之或命其亦京亦可

又

接年兄手信及諸年兄候信一種惓惓之意令愚懷想無已也自令兄回秦後一則忙冗更甚一則每乏便致疎修候非善忘也碑扇俱收到久未得四弟信懸念不可言昨蒙

皇恩連擢實出望外惟有益加感愧耳承關切至形諸夢寐足見交道之真總之報稱二字平生抱歉刻不可釋未知何日能再晤暢譚也便紙不盡

又

每見手示喜問學稍進足下姿稟遲鈍進難退易須知之僕屢寄家言皆從極忙中發去遂無暇另啓奉候年兄接待日久當亦諒其懶慢耳制藝總以切實警策爲佳閉門造車全在未雨時也舍弟處未及札候大約鄒榮到陳倉在重九前數日矣並致舍弟可耳

又

屢接手函况示縷觀如對面譚也別後問學稍進差可慰耳昨徐時元來京頗得賢昆近問殊快聞年兄偶一至寶雞得毋荒館課耶立身行已進德修業工夫平時諄諄處甚多鱗鴻往復忽忽未及也

香樹齋文集

卷十

九

又

日前接年兄信知首膺選拔且有通省書法第一之賞僕亦與有榮耀益信孝弟忠信身體力行不求人知自然表著從此益加淬厲虛以受人勤以集己更未能測汝所到矣勉之勉之僕奉

命視學畿輔日內受事賤眷俱畱京師家鄉親友接踵而至者誓不相畱其清苦之况不減夙昔而

焦心勞思刻無寧辱則更甚于趨走頭廳時矣出京時曾諭小兒云年兄到時不妨下榻寒齋並有藉爲指臂之處須卽日起程爲妙清和前後掃榻以待到後便可接至行署至囑至囑

又

久不通問念甚昨得舍弟信知年兄仍留陳倉歲內務望來京以慰愚懸念幸甚愚于正月初十內必至保陽須俟五十餘日始得竣事卽考真定台旌必經之路到則竟投尊刺巡捕各屬立卽回明便可相見也年兄從前依僕讀書未及經年匆匆

香樹齋文集

卷十

十

別去彼此繾綣殊難爲情今足下應選入貢僕又駐節畿輔正宜速圖良會何遲遲至此尙未來也舍弟須屬其愈加謹慎愈加電勉除無益之應酬凡一切職內之事井井有條吾母年邁精神恍惚愚日夜憂懼辦公之暇熟思有處縱有餘力必不能傍及尋常浮泛之人矣舍弟亦有至性但欠遠慮耳至于愚之清苦筆難盡述今冬日用又甚浩繁自春間迎接家母以及途間諸費收拾房屋鋪陳約費八百餘金皆取給豫支養廉遠近之人無不知使人心事目下蒙

恩仍留學政之任惟終始不渝以報命也會期不遠臨啓依依

又

驪山握別放泪失聲昨者廣渠門外又復相抱痛哭一則傷離一則含戚其爲黯然消魂者未嘗不同而境地自殊矣人生能得幾遍哭耶從此宦塗聚散抑又何期各自珍重可耳頃聞有江蘓之行似晤期不遠足下志行純篤一事不苟將來政績必然有成平心靜氣合天理而當人心不任情以矯俗不卑靡而詭隨仰體

香樹齋文集

卷十

十一

聖天子誠求保赤之盛心勤補拙而儉養廉殆其庶乎繞道省親未爲不可但須卽日叱馭或偕令弟以往同歌陟岵致足樂也此刻從張灣解纜計足下抵吳當在仲冬望前以早爲貴或先過舍下一譚再去吳門或到吳撥令弟一過亦可見當事後卽交執照萬不可他往也小心小心

又

接信後知雙鳧已來吳下慰甚所見甚合我意如此立志自然有成就之日但還須刻刻提撕耳牧民原非易事况繁劇耶幕友已斟定一二人束修

尙未言明總之年兄之事與生自己一樣自當盡心也書啟等類已定朱傲親名源者乃王開學之舊友也曾在陝中閱文此刻又有傲親姓趙乃孝廉曾爲粵東令現在籍居住他于刑名書啓掛號兼任之總之一有地方卽刻飛力來此當買舟而來也愚于擇日舉襄後若宇下甚近亦當買舟一看

又

昨吳門人來知年兄委署震澤欣慰何可言署中諸事聞從郡城延致數友想粗能料理初試卽得

香樹齋文集

卷十

三

劇地全賴精神管攝豎起脊梁立住脚跟竭忠盡

孝正在此處着力幸際

皇上至孝至仁恩膏浹洽無一夫不被而東南物

力民風尤爲

宸衷注意簡任大吏類皆公正明達之才分猷布化責在有司錢糧何以清理而催科務在不擾獄訟何以不繁而案件不可混攔去訟師之刁習培良善于平時善善惡惡長長幼幼繩鄉里之武健表節孝之芳型塾師郇正公餘則課督之崇文學而端實行仁讓可興大異乎俗吏之爲方不負生

平所學至地接太湖必摘伏如神勢必訓練捕役

然此輩善伺長吏之意貌爲趨承陰爲養奸不可

不察也漕務若未曾辦完最爲切要署中需才固

急亦須擇謹慎小心能自愛者方可僕與年兄從

萍水相遇竟成知己僕之取于足下者在誠實忠

信足下之依依于僕者見僕內外如一絲不苟

是以愈久愈深今里門接壤宇下倘有不能體諒

者以足下爲僕所知希冀推愛或稍稍隨力相飲

升斗則可若有人在外招搖足下不察出重治則

僕亦終身不復與足下相見矣人之相知貴相知

香樹齋文集

卷十

三

心僕不得不先言之也王梅旣用在門上尤要十

分小心若有一毫錯失足下管斃馬市用雁門太守故事

夫復何疑張清人亦安靜但須論以利害以其去

家不遠也餘再報不備

又

到任後諸事蝟集所不待言而可知矣須從要處着想刑名錢穀既有人矣我處所訂似乎可緩再過一二月如必須再商亦可朱源長兄此時議定八十金一年連節儀在內一應書札膳清草稿俱其所長也恂如我意原要俟年兄接家眷後延伊

課令郎最好今日一想此時幕中令弟尙未來必須切已細心可托之人爲妙恂如與生相處最久我奉差秦中一應大小事俱托伊料理伊總無悞且知道利害不肯負心一毫不苟此時可畱在署中不論要緊事托他如管銀錢亦可如要作書札暫時亦可如雜用諸事亦可我算來此人必不悞事也震澤大邑若能有好聲名將來便不可限量若上臺看來不能勝任便難上進恂如若畱伊料理每年或三十金訓令郎亦可或稍添至四十金畱在署中辦雜項亦可相知弟兄不必斤斤較量也

香樹齋文集

卷十

酉

又

張清來接手信知年兄委署嘉定此邑繁劇號稱難治吾鄉賢陸稼書先生曾任數年士民被化至不事敲朴催科竟不費白紙至今德之先生從享廟庭實發跡于此年兄躬逢

聖世師法先賢純用德化安在古今人不相及耶余日望之矣虞田既承相委卽束裝來其人正氣必不有悞也愚日內心緒甚不寧其詳悉之虞田至于辦事固貴小心亦不可每事過于遲徊務使

在署諸人或親或友或南或北齊心相助必要清名惠政甲于南州方于愚數年屬望之意適愜耳

又

久未得音問念甚想年兄闔署平安也今年雨雪綿密江浙相同目下辦漕項自然忙冗之至年兄清身苦體百姓自有公道彼蒼自有公道但種種須合天理當人心以善于體察爲主生之近狀總在賢昆意料之中筆不盡述耳

又

別後想交代事宜俱已辦理清楚恂如以母病辭歸諸凡可有得力者否坤一閱卷將告竣耶郡大中承竟爾不起同朝少一狷介之大臣愚忝同譜殊爲快惻虞田歸自得年兄近狀餘不一

又

接手翰知近狀之清苦公務之殷繁惟在養精神以驅策之可耳所拔兩童已見得人王生年少英華觀其舉筆雅贍自是大器自勸其學字讀古文讀古詩使羽毛豐滿而後高飛則冲天無疑矣尤要勸其立定脚跟做好人崇德以培享用之原此草土病夫之所切屬也范生亦是老手無疑

香樹齋文集

卷十

五

又

使來接手翰况示詳盡足見年兄實心辦事使此邦之人動于至性牽留不能去也治道須因地制宜要歸合天理而當人心此後雖未知稅駕何所然靜以待之自有大展驥足時耳生之行期擇七月廿日八月初三兩日年兄不必因圖晤而至吳門苟適當其時則把晤亦快也紀綱口述之言生之鄙性足下豈不知之若分外事萬不能置喙非惟無益又且害之大凡人一言一動若無十分操持必不能處世持身與其悔于後無寧慎于前生

香樹齋文集

卷十

去

又

第二泉邊停舟夜話將五閱月矣未得年兄手信生亦無由通問昨得兒子汝誠手稟云孀婦嘉興時正足下下車之日進署相見後又得南信云年兄視事數日聲名大振總之清而不刻和不流無入而不自得矣吳中極有公道前此急功近名操切自喜之輩水落石出何嘗得些子便宜年兄借鑒當不遠也

又

春初適有舊僕潘姓者南去曾附數行奉候近想足下政事賢勞公餘色養尊大人精神強健甚為欣慰僕此差之忙而平生清苦久在年兄洞照之中去年春屬北來大費苦心拮据更甚惟有苦心訓迪殫力靡暇年兄近狀時復如何茲因舍姪回南順候晤時望真率相待知古道無俟諄囑也

又

徑啓久未得年兄手問懷企殊深每從南方來者極道足下清勤藉以欣慰生之勞瘁莫可言述惟前後七年冰淵自凜未嘗一念稍寬知年兄亦為生共信也諸事總以小心為主從前相聚時朝夕討論惟此而已數千里彼此共勉亦惟此而已茲因風便附此奉候不一

又

自劉瑛南去曾附數行閱今將半載總未得回闊悶來翰中種種僕俱悉之總之居官無行所悔四字要刻刻把持此四字包括甚大當靜以體之至年兄一種謹慎清勤愛民如子諸善政僕素深信無俟諄屬也僕久奉 差使只求問心無愧官之

香樹齋文集

卷十

七

遷轉實置之度外賢昆季相處最久自然知之今年夏秋之間試事將竣

聖恩兩次遷除實出非分惟有益加勉勵耳日內佇望年兄實授好音來也餘再悉

又

經時未得通候想年兄闔署清吉爲慰五月望間適在閣中辦事見年兄奉

旨實授之本不覺感如身受回憶十年前晨夕相聚迺自花幢南指以來歷任皆有清聲從此始終不渝際茲

香樹齋文集

卷十

六

聖明之世凡循良久著者必有不次之擢道在求諸已而已生于六月之初荷蒙

皇恩由閣學補佐秋卿益深惶悚知我愛我未有如年兄者爲生喜幸又爲生惕厲不知如何始可

幾于明允也尊大人七十壽序因忙極未得奉寄今製一冊字雖不多字字真切外 賜箋一幅敬

繕壽詩聊致鄙忱

又

久未修尺一南去知年兄闔署清吉也數載以來任繁劇大邑俱克稱職昨見吏議殊爲扼腕托

聖明在上大吏俱有公道下民各有良心引見之日定邀

恩卽用至第二案情形本因同城同事自當同報蓋吳城三縣與他處不同而後令旣來勢難獨報

今旣准免議想不日便可北來面悉種種也長途須保攝令尊便不必回里令弟均此候候承惠紗袍套謝謝畫絹硃砂箋多帶些來囑囑不一

又

令兄來備述年兄近狀甚慰甚慰年來相助令兄辦理繁劇事事勞心不獨令兄藉以稱職且年兄

香樹齋文集

卷十

七

于大江風俗民情一番閱歷日後出身加民舉而措之裕如也至于當家料理陸象山所謂學問之道必從此立基蓋一舉動而仁義禮智躍然自露

惟在留心體察者自爲考驗耳若夫功名遲早本有定數生與賢昆玉相交十餘年來有如一日從

不作一妄念然年來遷轉愈自悚惶愛我者何以畀之耶年兄才具旣裕凡有所聞見處自當指示

備採也餘令兄口述不一

又

年兄南去後竟未得一信念念近想有稅駕之地

福星所莅士庶生春此亦有定分無可強也今年相聚殊出意外惟是炎歎中汗雨相對未能暢敘耳別來又復鹿鹿曰爲改歲諸事忙冗頗少佳况此復

又

去年春間生因奉

差總裁禮闈及出場後始聞年兄遭此大故嗣生又因扈從出口竟未得遣人奉慰總之先因關防繼因遠役以致失禮及冬底舍弟來始知年兄將歸咸寧昨陳大中丞來京生亦問及亦云將歸秦

香樹齋文集

卷十

辛

後當卽來蘇並託其轉致想曾稟見否生今春正之六日忽得大病幾至不起近日略覺稍愈然力疾視事日無寧晷近想賢昆孝履清適數千里扶柩大是難事生苦于力不能少助歉然之至茲因趙僕回秦附挽額以見薄忱並望年兄覓便寄示近况以慰懸念

又

前接手信如對面談生此番蒙

恩給假得瞻掃先人邱隴實爲榮幸乃久客未歸諸親族之告助者實不諒惟有傾筐以應舟抵災

門猶相依而不能去者五六船坐是精力大傷身子大不好在吳門逗留一日知足下歷任清惠各當事如出一口聞之榮甚生于初七日出游墅關矣餘候生到京後再寄信奉聞可耳

又

前月接年兄從關中所寄一信知闔宅平安也姜趙兩年兄從南來得年兄復來江左之信甚慰鄙懷自丙辰年至今十餘年中歷任劇地俱有賢聲上游無不賞識百姓無不帖服且南中風土久所熟悉仍留南地至爲近便姜年兄臨去時生亦言

香樹齋文集

卷十

壬

及此面晤時當細述也生年來近狀精神大減于前今夏又遭三小兒之變悲痛之餘更加兩部事務幾于日無寧晷六載秋官幸免隕越東麓學業亦覺日進小孫頗能讀書此衰年之樂也惟是人日浩繁左支右絀爲難繼耳舍弟量移歸州聞交盤甚難昨寄詩云且當浮家去歸州不算歸蓋諷之也年兄凡有所聞祈示知不一令弟同到吳中否念念

又

每從南人來得年兄種種善政僕不勝喜近聞尊

體過勞且患瘧心甚不寧惟望時加珍攝養其身以報國况年近知非非少壯時可比僕平時多不自惜今始知悔則已晚矣足下當思之且重思之江左視明府若慈父母各上游非不知之當必有達之

天聽者靜以待之可耳令弟頗能代兄出力令郎亦成立凡可相助爲理之事當加意任之小兒習國書無異諸生時氣象惟日給更浩煩爲累耳因趙年兄之便附候不盡

又

香樹齋文集

卷十

三

方喜令兄久任縣令得遷州守從此益著循良且北上有期便得相敘忽接凶問痛不可言不知身後種種作何料理年兄友于甚篤惟善自珍攝撫孤成立實惟足下是望生于公務殷繁中作哭黃海州詩一首不獨展廿年情誼亦以風世也匆匆草付令兄靈次一挂他日拙稿發雕時必當存錄也不一

前輩錢香樹先生筆墨精妙手書往還不作寒暄套語亦不作性命空談片楮短札必有意義其萬物一體與人同善之意常流露于字裏行

間予每接讀玩味不忍釋手者三十年于茲矣閱寄黃君建中昆弟手書前後凡五十紙爲諸生則勉以潛心實學臨民則勗其勤政愛民凡遇人接物悉本乎天理合乎人情近裏者已布帛菽粟真可坐言起行黃君兄弟彙爲三冊珍藏勿失殆所謂好學深思心知其意者歟黃君作令江左著有循聲其弟文中亦讀書孝友得力于先生之垂訓者不淺予望其奉爲家傳也遂題數語而歸之榕門陳弘謀跋

予與先生先後同館寓居隣並風雨論文燈火

香樹齋文集

卷十

三

無間先生多聞直諒樂與人善雍正間曾奉使宜諭關中遍歷兩河勤宣德意遠近聞者莫不感激流涕公餘集諸生中好問勤學者就公解講經明習吏治夜分不輟歲餘多所成就黃君建中歷任江左著有惠政旣沒部民祀之其弟文中彙先生往復手牋成三冊予索讀之喟然歎曰善教之入人深故如是夫因記先生于俚關中予所作寄懷詩二首有傾心早慰三秦望側耳爭看萬口傳句蓋先生使秦實錄也讀斯冊者知予非妄譽矣松泉汪由敦識

歲庚申懋德黃明府出宰元和時予乞假歸見其爲循吏不爲能員予心重之是冬予入都自後南方人士來每相遇俱道明府賢謂屢任劇邑而和風清節猶元和時也予益重之及予予告歸懋德任海州牧已辭世矣予爲惻然今讀錢司寇香樹先生札共四十八通皆致於懋德及令弟煥章者以二君皆香樹先生使秦時受業者也始勉以進德修業繼勗以居官蒞民而一歸于忠孝誠敬奉師訓者果一一體諸中心見諸躬行達諸政治雖相距數千里而如聞

香樹齋文集

卷十

誥

提命於函丈几席之間是師是弟當於古人中求之矣今煥章彙二十餘年往還之札裝成三冊如拱璧然每一披閱念師長並傷同懷也世之薄于倫常者往往視師友如路人甚至唯競家貲不顧同父聞黃氏之風其慙然自慚于清夜也夫乾隆辛巳秋分日長洲沈德潛題時年八十有九

大司寇香樹前輩名德高重行楷妙一時人得其尺緘寸楮不啻吉光片羽煥章兄弟游門下最久前後得手札若干紙彙而輯之金薤琳琅

盈三巨冊千腋之裘不是過也煥章之昆懋德往在吳下歷任劇邑所至有聲余撫吳時此君已卒于官然三吳紳士逮與同官者猶能舉似其治行今觀司寇所與札愛重之意藹然流溢至連章累牘而猶未盡益信其爲良司牧無疑也煥章追隨官署力任贊襄迨其昆謝世公私支拄歷險阻艱難以求濟友于至性見聞者皆感動今邈期已屆猶懃懃懇懇不欲留毫髮遺憾此亦可以風世厲俗矣而司寇之知人能得士煥章兄弟之能不負所知不卽此相得而

香樹齋文集

卷十

誥

益彰耶後學禹麓莊有恭題

浩弱冠之年餽口吳郡知有黃明府建中爲吾鄉香樹先生使秦時拔之寒苦之中教以儒修經術俾克有成而明府恪承師訓蔚著循良因歎古人之重得知己以成其德者洵不虛也越二十餘年浩持服里居時謁先生清齋見有明府之弟彙集先生前後寄示手牘裝成三冊浩請而展閱之備識先生愛士誠心視之如一家且如一身大小顯微導以先路久而弗倦黃氏亦能舉家尊爲矩矱寸紙不遺師弟子至情相

浹若此誠無負朋友之交列在五倫矣且格言
名論充滿行間而其要在合天理而當人情爲
學爲政胥不易此中正之道是皆足使天下後
世聞風景仰又豈僅尺牘之富超越古昔書家
所流傳者爲可寶哉親師取友進德修業浩雖
不才觀於斯而滋慕焉後學馮浩敬識

海州守黃君懋德官江左有循吏名歷任煩劇
邑莫不以廉明著予嘗聞而慕之以爲文翁黃
霸之流旣謁香樹先生知爲先生奉使秦中時
從遊之士然後知其學有源本而益以歎先生

香樹齋文集

卷十

五

之能造就後學觀先生與海州兄弟書論學問
勵官箴大都本於誠敬忠信以求實得而勿以
營競悠忽隳其守可爲學者砥礪廉隅之助至
書法之神化抑餘事也昔吾鄉王司農藏董文
敏簡札十二通但賞其墨妙新城尙書載沈文
端家書於池北偶談以爲可訓子孫顧不傳其
筆跡先生書廼兼而有之信可寶也詩曰惟其
有之是以似之先生有焉海州旣歿其弟煥章
彙先生書成三冊好學深思久而不倦亦可以
風矣後學葉抱崧拜手敬跋

吾師香樹先生文章詩字海內宗工其啓迪門
弟子勤勤懇懇不厭不倦殆無閒終始焉書鈿
魯幸附門墻自諸生以至服官無不秉承師訓
嘗褻集先生手劄敬謹裝池以當提命今年春
復寄先生題跋且矜且喜以爲富有頃讀先生
與懋德煥章兩同門手劄或長篇累牘或匆劇
數言舉凡立身治民存心接物皆有惓惓不已
之意覺書平時所藏猶什一耳因憶懋德歷官
江南進階州牧聲望卓卓吳中人士至今猶稱
其賢治行學術良有所自也煥章同門篤於友

香樹齋文集

卷十

五

于懋德歿後公私悉爲一清不遺絲毫身後累
今將歸里出此冊屬爲題識其於師友昆弟之
誼爲何如耶因識數語他日香樹先生見之應
亦許是言也受業河間李永書謹跋

予甫成童應邑令黃夫子試蒙首拔而加獎譽
後知夫子與喆昆簡齋世叔實出錢太夫子之
門予試文嘗轉呈太夫子荷嘉許焉夫子歷任
劇邑循聲茂著而予小子自受知以後卽承招
致吳門官署給之膏油與令似素堂世兄同席
肄業不意夫子盡瘁職守積勞成疾甫擢州牧

遽赴玉樓師母與世兄復相繼辭世天道真不可問耶夫人之情朝施而夕望報此乃小夫庸子淺鄙之見則爾天道遠而微其與人潛相感應或遲之百年累世蓋別有一大算局在冥冥中驟而計之豈似有偶然打錯一子之時若高著眼孔則此等殊不足多怪也豈可以天道之大而擬之世俗之人情程效促數汲汲不能旦夕稍待者哉譬富人貸錢與人其責償也愈遲則子錢之利愈厚又何患乎吾夫子清廉慈惠遺愛在民天之所以厚施其子孫者必當有在

香樹齋文集

卷十

无

獨以予之謏劣未獲稍酬師恩於萬一爲可愧耳錢太夫子雅好接引後進曩所以勗勵我夫子暨簡齋世叔者甚至簡齋彙次手札若干通裝成三巨冊屬予題其冊尾回環雜誦皆禔身行已泄官字人之格言寶訓一字一句堪以韋佩紳書而獎及予小子語亦在冊中讀之尤不勝知己之感太夫子鉅人長德躬膺多福其生平積累培植之實蓋卽于此冊乎可徵而昔吾夫子與簡齋於太夫子之訓靡不允踐而身體之故能入則爲愿慤之儒出則爲悃悞之吏倘

所謂厚貸于人而不遽責其償者非歟謹書其後而歸之東吳門下晚生王鳴盛敬跋

香樹齋文集

卷十

无

與陳榕門宮傅書

吳門奉撥官齋之次日即回長水又數日接閱邸鈔知大人有移駐星沙之

旨從來宦跡所至古人比之雪泥鴻爪蓋有默為之主者一飲啄之微造物若寓意焉矧宣揚

德意整飭紀綱之事動關國計民情者耶如弟欠攝山一登眺而

聖心猶念及之俾六朝山色採入行勝然則開石廩之雲遲昌黎之駕更有一定者矣本欲趨晤吳

門以罄積愆昨見莊中丞云台駕取道吾浙自應香樹齋文集卷十

靜候鷓首南飛擬泛扁舟一晤也茲先遣小力踵叩台座幸示以成行之日即遣之歸餘俟而悉不

既

與官方伯怡雲

前日談數語即別去殊悵然于懷陳羣士著里居姻鄰中求一把蓋論文不可得蓋高年者操奇贏

計升斗少年新進則又才分濶絕與之談唯唯而已令人不能不思我輩方伯也庭中手植海棠一

株蓋四十年物去春曾取令郎過飲王壻兄弟四五兩小兒團坐分韻今各以功名散去我兩人眠

食尚好少陵詩云雖無少年日猶有故人盃午間幸一過我海棠已放十分矣爛熳紅花况予白髮

怡雲獨無意乎至期即至不再速也尊酒二盃亦香樹齋文集卷十

無多設不一

謝顧少司馬惠筆硯紙墨匣啓

盈尺裁身徑寸納量胸羅四友卷之密以退藏富
比百城出其善而遠應採老坑于端渚龍尾一絲
研新樣于錦江螺紋甘疊畫疆食采封卽墨于芥
中分野名湯居管城于圻內又復懷鉛待試注水
斯盛按部就班司契爲匠開來馬上抽妙思于湧
泉畱伴枕函寄清吟于題壁儼衣裳之在笥慎爾
話言規忠信于倚衡守茲筭鑰西洋客至驚秘製
之精微東觀人歸便輕馱之携挈花塲月夕雖一
奚而可將蘭佩蕙紉敢再拜而敬受

香樹齋文集

卷十

五

答盧雅雨同年婚啓

伏以

朝陽翺羽人間卜兩姓之昌秋月升輝天上應雙
星之會舞鸞峯之玉屑香飄德水隄邊承霄漢之
金莖露裏秀州城曲記陳荀于聯璧訂秦晉于齊
年瓊玖有加葭莩是忝恭惟老年親家大人君子
名邦尙書華閥弱不好弄咸稱學步成人長而工
詩多號讀書種子日十行而並下手三合而卽成
柳汁染衣曉啖紅綾之餅杏林過馬春回綠草之
茵上注而通籍選人花迎墨綬報最而歷階刺史
香樹齋文集

卷十

五

姻弟才謝珪璋質同蒲柳憶昔追陪雁塔早慚名
在盧前偶亦共醉旗亭自分詩居王後聲名同日
交情絕似蘓黃心事一言時論多推元白敬歷偶
分夫中外幸際

良時晤言不隔于星霜頻來佳會凡我友下車之
地皆雪泥鴻爪所經過而賤子彌楫之方亦駟馬
高軒所戾止昨者辭歸疏廣篋拜

賜金自憐示疾維摩厨雷香飯我挂帆其南下兄
奉 救而北來廬陵重莅蜀岡梅劉赴約漁洋再
臨禊水陳宋尋詩羨家兒世講殷勤遂有絲蘿之

香樹齋文集

卷十

書

好嗤老友者年行輩復敦婚嫁之情弱女嬌癡竟
金魚而工啼笑季兒岐嶷授銀管而畫之無姻上
求姻信朱陳之謂矣雨惟舊雨指日月以申之伏
願俯諒條冰茹涵寸縷訓子孫以長厚退遜庶幾
萬石之風祝遲暮以強健康寧常保青氈之舊看
童穉永諧琴瑟一百歲共話昇平擬衰白契結松
喬二千里猶尋杖履雙魚傲附百福攸同謹啓

答黃與員外

屢接手言于趨走衙署辦理案牘之餘必莊書婉
語以將之此念舊不忘卽日後嚮用之本僕愈衰
而忙愈甚累愈多卽欲羅之尺一徒罨一漏萬耳
自足下出館後官職聲名更有進境惟有勉用心
力不少懈怠僕嘗謂卽此便是公道惟願識見日
擴心思日密修持日謹充養日純十年之內境日
遂于飢寒志仍不在溫飽將見作爲文章發于詩
歌自有古人氣味僕老矣卽不獲親見不啻如親
見也

香樹齋文集

卷十

書

與尹望山節相

客歲胥江舟次雨中小敘情話後僅通尺一者再暮春擬遣人齋設詞為祝旋聞

恩命召入繼有總揆之慶天下公論無不額手相賀矧陳羣者交分既深且久松茂栢悅更非泛然者可比其為榮藉更何如耶清和前後每閱邸抄聖主優眷重臣極心膂之奇超軼唐宋後讀相公紀 恩詩十六章寫昇平榮遇合韓范為一身宜詩情詩境溫厚藹吉若是也陳羣遂不別裁體格奉和元韻且以拙集中借光大作者甚多此十六章樹齋文集卷十

美

章尤不能割愛但必得依韻作詩方與體例相合耳和成後朗吟數過不覺自喜蓋字字從性情流露自然真切可知作詩之難以五十年之交契地分固不同而受主恩則一亦惟際茲太平全盛之日始有此種詩境持此以律前賢太白少陵且相去千里矣求之尋常能乎否乎高明必默契予言也詩中有誦不忘規處純臣事上且然况友道耶偶得古紙製一冊手錄拙詩并大作同付梓人且跋以識尾而奉公餘諷詠及之

其為怡情釋躁更何如也秋深尙當書一長卷付栖霞主僧收藏之效香山以詩本付匡廬老僧故事何如

香樹齋文集

卷十

七

與黃簡齋司訓

與足下兄弟交分三十餘年跡洽情親不啻家人
父子僕自示疾歸田既痛伯氏年壽不永未竟所
施猶喜年兄攜姪客居吳中僕每訪臧舟刺胥江
必往復過從共話晨夕乃小阮脆促旅櫬未歸飄
零異地種種流離之苦一身仔肩今聞將別我入
秦悼往思來時爲哽咽因讀退之文人欲久不死
而觀居斯世何也近日吳門諸子扶危濟困者固
不少而力不從心者多僕雖奮臂鼓唇外諾之而
已於事何濟據愚見當趁此冬暖晴和歷舍重趺

香樹齋文集

卷十

三

早還井里與二三至戚復敘情話守苜蓿盤殮與
學官子弟脩行教化僕雖耄矣兒輩宦蹟或鴻爪
一畱雁塢之下再續世好何如尺牘四冊當永保
之勿使有力者攫去切屬切屬貧囊勉致數金爲
塗次禦雪酒資殊可憐耳近日衰甚心神散漫一
概應酬之文及敘情之作皆不能辦幸致諸子諒
之

與俞是齋

足下天分識見均在中人以上惟作詩作書不可
落小家數以最上爲師而馴擾不已使行年四十
必深知三十八九時所爲詩文書法未合古人者
甚多思之思之鬼神通之便有進境然益不敢自
恃養之使充持之使定又時就高明者引翼之然
後思慮之來不爲浮氣所攸拙脩宗伯曾爲予言
香樹信手所作若盡存之則東坡居士孫尙書尺
牘應拜下堂曹倦圃陳陽羨不足道矣此雖偏愛
之詞然此時刊拙集什散六七如追逃籍兵深恨

香樹齋文集

卷十

三

壯年懶慢拙脩之言真藥石也五古一卷香樹拙
脩家居叙情道舊之言既付雕工望多付幾番至
囑至囑押信一函殊可笑也不一

香樹齋文集卷十一

嘉興錢陳羣集齋

序

近思錄序

朱子既編定小學以訓童蒙復取濂溪明道伊川
橫渠四子集中精義于學問思辨最切者訂為近
思錄十四卷當時學者類能博覽羣書或有病其
簡約者此朱子自序以為窮鄉晚進有志于學而
無明師以此為入門之始蓋謙言也原本流傳日
久刊刻者眾有刪至十卷八卷六卷者條目少則

香樹齋文集

卷十一

一

服習易乃周循所至進諸生問之通其義者上
不得二三問其故則曰僻處村壤無從購處至有終
身不得一見者朱子編緝本意原為後進入學初
級是在司教者廣布遍示勸令誦習庶不負昔賢
啓牖苦心予刊孝經小學告竣急取聊城鄧氏藏
本付梓以行之曩予奉使關中時偕行者有國子
監肄業選拔貢生數人鞭鐙之餘偶論及是編諸
生則應曰奉先生教已誦習年餘矣且有出諸袖
中者閱之則今制府宮保尚書孫公兼攝祭酒時
所授也諸生于軍需勞悴中猶不忘先生之教固

為善學亦由宮保以身示範實有以啓迪之致其
信從也越今未十年而向之誦習是編者皆通仕
版有循聲此又是編之有功于學人其最著者因
并及之以勸諸生之讀是編者

香樹齋文集

卷十一

二

湖南縣志序

皇上御極以來諸政具舉六年冬 詔天下纂脩通志所以重文獻示褒揚紀因革典至鉅也顧通志體例曰簡曰該挈領振衣非卽領以爲衣也綱舉目張非廢目以爲綱也故言志者必自州邑始余幼時見老儒宿學每從書肆購得州縣舊志雖鼠侵蠹蝕殘缺失次者輒展閱不忍釋手先河後海彼誠有取焉爾矣渭南邑侯岳子子賓與余遇于萬年客邸出所纂縣志稿示余且請爲序子賓之言曰冠華承乏茲土已三年矣適大兵西討軍香樹齋文集卷十一 三

興旁午期會織絡日且不給又何暇弄柔翰爲乃翻閱舊志自順治丙申至今七十餘載其間政治人物皆缺焉未備冠華惴惴焉惟文獻失傳之是懼爰採輯舊聞詢于衆勿敢以臆見忝也稽于冊籍勿敢以無據入也討論于邑之縉紳賢士勿敢以私智自矜也夫邑當三輔孔道包下邳并蓮勺延袤二百餘里此七十餘年中世際文明休養生聚寬征薄賦添戶闢田者幾何事忠孝節義吏治文學維持風俗者幾何人積之愈久傳之愈難非令之責而誰之責耶烏可當吾世而勿亟亟于此

也憶若子賓者可謂知先務之爲急者矣余繙閱志稿服其考據詳贍不滲不支不冗不鑿誠徵信之書也且余祇役關中數往來境內見城郭完固府庫充滿田野修治民氣和樂則知子賓之爲政務實而不務名其爲是志也又非循蹈故事以博淹雅通方之目者所可同日語矣

湖南鄉試錄序

欽惟我

皇上仁風翔洽文治光昭普天士子莫不奮興鼓舞以仰副

聖天子樂育人材之至意卽至重洋遠島版籍未隸之區朝貢僅通之地聲教所敷梯航重譯而至者喁喁然以觀德橋門授經請業得近

天子之光爲厚幸焉洵乎菁莪棫樸之化歌詠所傳史冊所載無以方斯盛也茲值己酉鄉試屆期

禮臣臚考官名以請

香樹齋文集卷十一 五

皇上命閣臣于考取諸臣中掣籤臣陳羣與焉次

日召見勤政殿跪聆

天語訓諭周詳蒙

皇上欽定臣陳羣借刑部候補主事臣世往典湖

南試事伏念臣一介微賤九載詞垣愧無報効恭

遇

龍飛之初臣以撰擬文字進呈

御覽頻奉

恩旨褒嘉

特賜內府緞疋叨沐異數感切學家今復界以衡

文重任苟不精白乃心尙得齒于人類乎用是冰

兢自凜星馳載道比入闈監臨則巡撫湖南等處

地方提督軍務兼理糧餉都察院右副都御史臣

國棟整飭綱紀內外肅清提調則督理湖廣湖南

驛鹽糧儲道按察使司副使臣秘經畫精詳庶務

釐舉監試則護理湖南布政使司分守岳常駐劄

澧州道長沙府知府臣元防範謹嚴恪勤襄事臣

陳羣臣世率同考官舉人候選知縣臣尙才臣望

魯臣懋官臣瞻林臣彩臣翺臣象山臣待緯臣朝

朝臣祚綸臣祺共矢公慎昭告神明務洗心滌慮

香樹齋文集卷十一 六

敬慎精詳俾雪案芸窻敦品勵行之士悉登賢書

以圖報稱並語臣尙才等曰

皇上以本省知縣一經入闈地方政務勢難兼顧

且平日料理簿書錢穀文藝未免荒疎

特用爾等在家候選人員以備衡文之任既使政

務鮮遲悞之虞復使科場有得人之效

睿慮周詳斟酌盡善今令典伊始務加意詳慎以

稱

明旨臣尙才等皆感激惶悚惟恐隕越于是進督

學臣雋所遴士五千七百餘人肩闈而三試之焚

膏繼晷殫力蒐羅所得士四十七人五經三人貢
成均者十一人謹錄其文之尤雅者二十篇以獻
臣例得颺言于簡端竊惟爲治莫先于得賢養士
必本于復性復性者復其所固有非強其所本無
也古者自小學而入大學其所講求而服習者皆
以復性爲孜孜焉性復則明體適用大而展經綸
之具小而釐庶職之司焉往而不得其當哉我
國家設立制科以來仁漸義摩禮陶樂淑所以涵
濡而長養之者至深且厚恭遇我

皇上德並生成恩隆教育至于整飭士風砥礪士
香樹齋文集卷十一 七

行視三代盛時尤加詳明而愷切惟天生民厥有
恒性

皇上以天亶聰明綏猷建極深見夫輕薄誕妄之
習奔競袒護之私皆生民所本無洗滌不可以不
盡孝悌忠信之事禮義廉恥之防皆人心所固有
培植不可以不深且去其所本無正以存其所固
有俾旋復其秉彝之性以歸于蕩平之路而已是
役也臣于楚南士子首策之以存誠去僞務本重
農所以明其體也次策之以治民之道知人之識
所以適其用也五倫者德行之原士必明倫而後

可以安身六經者文章之祖士必窮經而後可以
華國理學所以明道而理學必本于實踐虛談心
性不流于僞卽入于誕經濟所以幹事而經濟必
驗于民物侈言事功不失之迂卽失之雜凡若此
者皆不能格致誠正以復其性之所致也蓋士子
之大端不外文行二事

聖天子殷勤告誡委曲詳明無非欲多士之文行
兼優爲 國家有用之才而又以化導之事分任
諸臣蓋先其行而後其文者大吏之表率有司之
勸諭是也試其文而并勵其行者學臣之去取司
香樹齋文集卷十一 八

鐸之教授是也至于卽其文而徵其行則主考官
有專責焉詩曰鶴鳴于九臯聲聞于天又曰他山
之石可以攻玉顧臣才識淺陋謬膺衡文之任惟
是珥筆侍從以來親承

訓誨至再至三

聖人之道幸得入乎耳敢不存乎心而蘊之爲德
行行之爲事業臣所夙夜自勉者于斯所策勵諸
生者亦于斯更期諸生于家人父子之際友朋講
習之時所相勗而相勸者亦于斯他日者通籍筮
仕內而獻納論思外而宣猷亮采亦無不于斯是

則臣之志也臣既以語多士因卽以載之于篇翰
林院編修加一級臣錢陳羣謹序

香樹齋文集

卷十一

九

直隸試牘二編序

文所以載道也道不列于經則不明文不稟于經則亦不正攷漢初郡國未有學校然諸儒以經教于其鄉從之者約數百人燕趙間如毛萇董仲舒韓嬰輩各以易詩書三禮春秋名其家爲弟子者皆世守師說不敢變多以經明至大官國家有大議必令傳經義以對其業專故其說足述也我皇上崇儒重道頒賜諸經貯之學校俾學者研味精蘊發爲文章麟麟炳炳意誠渥矣羣奉簡命視學畿輔所至廣宣

香樹齋文集

卷十一

十

德意日以經明行脩砥礪多士先是曾遴所錄文付剞劂多士亦漸知祈嚮弗蹈故常亦弗務纖巧卓然一軌于正夫文以明道道具于經經學醇則文必可觀乃直隸士子讀書作文之弊約有二端所急欲揭示者其一少事咕嗶不從源頭上用工夫輒襲取坊刻時藝機調稍得師承亦取高等至叩以經業終無實獲其一窮鄉僻聚間有能自樹立守一經而終誦者至握管爲文則又詞累句礙不能入目作文與讀書歧而二之甚至荒經者得以藉口曰吾未嘗治經而博取科名易易耳此予

所日夜憂思而不能釋者也。以故使車所指凡離經而炫異者，黜勿進本經以立義者，錄必先童子中有能熟諸經者，亦必多方獎勵，甄拔之，復反覆開導，示以作文之法，至屑焦吻燥而不敢倦，蓋欲使諸生知六經之外無文章，志壹專向，然後以其餘力旁搜諸子百家，以博其趣，譬之草木，其本既茂，其枝自繁，其葉自沃，未有離本而能立者。諸生誠遵而行之，毋以積習自錮，毋以小成自囿，不數年間，經學湛深，文風日盛，使採風者稱西京人物，復見于今，用以副。

香樹齋文集

卷十一

十一

聖天子稽古右文之至意，使者願與多士共勉之。

松桂堂文集序

康熙己未

詔舉博學鴻詞是時，國家治化，翔洽文教，覃敷海宇，人文彬彬，日盛。老宿名士雲集，輦轂月給，司農錢以膳凡試入高等者，授爲翰林及期，御賜體仁閣下傳餐給札。

恩遇隆渥，實唐宋制科所未有也。于是海鹽羨門彭先生哀然舉首。

命下之日，自王公九列及庠序諸生，思先睹試帖，以爲快流，播鈔謄長安爲之紙貴。

香樹齋文集

卷十一

十一

聖祖仁皇帝孝養

重闡豫順之氣，洋溢海內，兵革旣休，獄訟平息，敕詞臣釐定樂章，象功昭德，先生夙有撰著，繕錄進呈，屢邀獎賞，嗣是眷注日隆，不十年間，由編修而至少宰，未幾抱疾歸里，時羣方鬆齟，粗解四聲，隨先王父詣先生，因得親先生議論，風旨請學爲詩，則曰：讀萬卷書，行萬里路，下筆便有奇氣。蓋先生自道閱歷也。與先生同舉諸公，其年陳君有檢討集，次耕潘君有遂初堂集，大可毛君有西河全集，鈍翁汪君有堯峯集，竹垞朱先生有曝書亭

集他如施愚山龐雪崖王華亭湯睢州諸君子以專集行世者數十家亦既馳天下幾幾乎人懷盈尺矣獨先生手訂松桂堂全集授令子承祚承祚胚胎前徽能讀父書思鏡木以垂久遠居無何家日益貧方拾橡糲松以自給厥後出宰三晉擬儲俸錢謀付劖劖忽遭師門波累流離瑣尾幾瀕于危承祚處之夷然去官日家事一切不問獨抱遺集詣京師已而事白擢任別駕屢有遷轉皆在畿輔所至以清白稱陳羣與承祚中表弟兄生同里長同仕又先後同事畿輔者六年承祚刻先生

香樹齋文集

卷十一

三

遺集既竣索陳羣弁言昔東坡生平以不得見范文正爲憾及與其季子德孺同僚因序其集况陳羣得見先生于里第請業請益在少時已切嚮往者乎先生學問該洽于書無不讀所著詩賦莊雅典麗又復春容流動而于館閣諸體尤爲瓌瑋絕特一時奉爲圭臬在唐則如張燕公蘇許公在宋則如晏元獻周必大樓攻媿諸公先生沒後垂五十年而是集始出向使承祚于顛狽中稍弛寶護則吉光懸黎方湮没于荒烟白草世又烏睹所爲珍貴者耶新城王尙書于明季諸詩人獨愛徐昌

穀高燕門二家曾爲評次手定而傳之後之君子讀先生之集者或亦有斯趣焉

香樹齋文集

卷六

古

董孝廉文集序

余于役三輔既集父老于會城之明倫堂敦勉孝悌力田急公奉上諸大義復循行鄉曲遍歷周諮三輔村連堡接凡余所經處父老子弟雲集霧簇環立而聽聽畢相率而送者多不忍舍去至馬不得前秦民奉

上德意樂聞訓誨大率如是一日盛暑過薦福寺旁舍聞讀書聲音節瀏亮至則下馬小憩酌泉老樹下董子安若卽出寺門相見其色盎然其氣冲然殆有養之士也問之曰吾自庚子舉于鄉至京

香樹齋文集

卷十一

五

師得與一二人先生遊示以讀書之法遂謝絕酬應下帷于此者十年矣因閱其所著制義一帙理明詞達不支不雜不詭不諛知其爲肆力于古者既而事竣請

旨恭候進止畱會城月餘則又知安若居家孝友里閭以醇謹稱焉今春安若公車來京師榜發後下第歸里詣余寓齋告別辭色雍和若無得失之意介然于中者蓋恬退士也因問余制義必何如方可余曰自度可以載道焉止矣道之所寄大而天地萬物微而身心性命古聖賢立言簡要道無

不該後之學者非精思沉慮焉嗜深契豈能有所發明須知制義與漢唐之注疏宋之訓詁同一指趣若徒事繁縟綺麗雖博取功名于聖賢道理毫無裨補吾不取也制義豈易言哉安若其務窮理以致其知涵泳以養其氣篤行以厚其本無安于小成亦無望其速成焉可矣安若然予言命綴其文于後云

香樹齋文集

卷十一

六

汪舜陶范湖詩集序

昔者吾友鶴桴先生既得曹侍郎范湖別業以其地爲鄉先進釣遊之所風流餘韻猶有存者乃購書數千卷弄其中延致諸名下唫賞無虛日令子舜陶子堅方弱冠追陪几席每擘箋分題詩成輒見許老蒼輩時論方軾轍焉余官翰林時曾奉母假旋鶴桴出令子詩讀之曰仲也平澹清遠幽澗泉也叔也排宕奔注江河水也詩道性情而性之所近固各有所成就不能強之使同座客數輩多然余言者昨歲冬余銜恤里居感舊嘆逝馬策叩

香樹齋文集

卷十一

七

門時子堅以公車北上舜陶以余先友之末且衡宇相望凡所撰著率錄見遺彙爲一帙題曰范湖詩集蓋不忘先人之訓亦以志親仁取友其所得于耳濡目染者有自來也舜陶將遊京師日與當代名公卿往復資其識見師其格律余向所謂幽澗泉者方濺落雲表噴珠激雪他日讀舜陶詩如觀廬山瀑矣

戴生憲藝序

己酉秋余奉

命典楚南試事戴子中程詣余于星沙客舍接其貌閭然也挹其言藹如也殆所稱樸誠者耶既而戴子來京師復攜其憲藝就余余以修纂事繁未得竟讀隨手披閱數首則能芟去支辭浮響其同舍吳子序云大司農趙恭毅公性介而寡合撫楚南時雖達官名士少所接見而獨契吾友之文因思趙公不妄許可人者戴子之受知豈獨以文哉夫文以載道制舉之業其所以去取天下士者誠

香樹齋文集

卷十一

六

以道爲鵠焉必有羽翼經傳之功發明忠孝之旨而後其人傳其文亦傳是故其皆醇矣猶懼其行之不能掩也而不敢肆焉况敢敷衍輒自塗抹以貽譏當世哉雖然難言之顧余不能文自成童至三十事咕嗶未售所爲文不下數百首踰數歲或從破甕中檢出或從坊刻選本中閱之必涔涔汗下蓋深見載道之難而陳言未能悉去也戴子其知之乎載道之言其言必艱所謂吉人之詞寡也矜才之言其言必易所謂躁人之詞多也文豈在多哉惟由多以至于不能多而後其所爲多者庶

可免于躁人之誚矣趙公所與士人皆信之以其
不苟合也積學之士所爲文世共傳之以其不妄
言也戴子勉乎哉

李奕夫吏部詩文集序

余同年中以詩名者江右梁子仙來鄧子乃夢南
海關子凌雲平湖陸子聚緜華亭黃子石牧武原
馬子墨林德州盧子抱孫安居王子中安山陰胡
子鏡舫長洲沈子子大蔣子迪夫商邱宋子西狂
或世其業或得師承因自名其家其以制義名者
難更僕數而宜興儲子六雅江右馮子夔颺兄弟
晏子虞際謝子古梅孝感夏子觀川其尤也兼是
二者時論所許亦有數家以予觀之未有出奕夫
右者奕夫之詩渾厚深雄不可方物于唐賢中在
陳拾遺張曲江之間故初見之則不甚愛再見之
得其到古人處三見之則神味與古爲徒矣奕夫
之文簡貴高華殆荆川石簣之亞也往予與奕夫
同館分肄清漢書多不得同課後各散去歲辛酉
予校士瀛郡令子敬亭從平鄉調任于此奕夫就
養官署數歲常不出戶牖手自訂其詩文若干卷
示予因爲之序隨筆記同年諸子之善詩文者十
數人或存或沒或顯或晦蓋不能無聚散之感焉

衍聖公孔裕齋停軒集序

停軒集者上公裕齋先生赴闕謝

恩自發軔迄乎成禮言情紀事寫景懷人之所作也其音和其體正其節舒以安蓋不失溫柔敦厚之旨焉夫詩以言志志猶水也詩猶舟也試取三百篇讀之駕萬斛之舟衝萬里之波驚濤颶風千態萬狀莫能測其津涯者變風變雅是也至若二南諸詩小雅鹿鳴以下大雅卷阿以上諸什依永和聲音諧倫理何异澄川如練風正揚帆時景象水與舟豈有二哉其平險殊致者時為之也今先

香樹齋文集

卷十一

五

生遠紹家學遭際

聖明以唵嘯為鼓吹以聲詩為被服吉甫奚斯後先同軌集中如舉子志喜有秩斯千之流韻也大

捷鏡歌六月吉日之餘響也紀
恩入觀湛露彤弓之遺音也他日編次成帙以備
輶軒之採方且與韓碑魯鼓同列職方此集其初
波矣

小蘭陔詩集序

詩本性情學者出其性情以為詩即以詩自治其性情而凡讀其詩者引伸觸類莫不以其性情受治于詩焉此詩之所由以作也余同年友古梅謝君孝友沉摯幼奉母太夫人教惟謹成進士官翰林數歲移疾歸里溫清之餘益肆力于古考鏡古來名帖金石諸刻流連研辨終日不倦若將終老焉

皇上御極以來文治日隆天下俊乂師師在位古梅應召詣京師由翰編洊登台輔官祭酒歲餘多

香樹齋文集

卷十一

五

士蒸蒸向化黜浮華崇樸實居南學之西偏數椽僅蔽不為鏑鎗與六堂諸生講經說詩宵分乃寢蓋其性然也今年七月古梅抱病將革之日屬其子孝廉璈曰吾所為詩雖不多吾之志也知其志者為吾序之其吾友香樹乎又數日而沒璈扶櫬歸里行有日矣出小蘭陔集二卷問序于余余受而讀之真懇渾厚其白華華黍之遺乎他若碑版題識若干卷獨想遠契詰屈帆律皆從性情流出未嘗步趨古人而音節自中往余與古梅同官友善見其為詩喜道人忠義憑弔遺蹟輒命筆千言

躊躇滿志其或同遊接席氣類稍不合者雖促之
爲詩終日不得一字性固有不可強者耶夫性情
之事貴其深也尤貴其正也古梅惟不輕用其性
情故發爲詩歌類能得性情之深且正者如此讀
古梅之詩者知見性之地不假強爲當其深時雖
鏤肝琢髓不得以雕刻病之如其靈府無程競爭
藻豔以求工未有不流于風雲月露繡綺靡者
也昔唐虞命官獨于典樂教胄三致意焉必曰直
而溫寬而栗剛而無虐簡而無傲然後命之曰詩
言志歌永言聲依永律和聲夫亦謂出其直溫寬
香樹齋文集 卷十一 三
栗無虐無傲之性情而卽詩以見志俾人自易其
惡以自至于中者教胄之職也今之司成昧此矣
使以古梅之志操風化之柄與多士教忠教孝多
士亦自出其性情以受治于古梅如是者數年其
所成就必更有可觀者余所爲序其詩而三歎不
置也

入蜀紀行合編序

余與瓜田張兄幼侍先大夫講席課餘命題作詩
不下數千餘首多不自愛惜輒散去後余官京師
瓜田亦負米四方舉鴻博不第四川學使蔣公蔚
延至蜀中凡所經處一一紀行得五古詩若干首
蔣公序而梓焉胡子書巢瓜田高第弟子也壬申
成進士卽試宰蜀中亦得紀行五古詩若干首瓜
田遊蜀在癸亥歲與胡子相距十載先後畱詠詩
體若合一轍彙而梓之眞棧閣一段韻事也嗟乎
瓜田旣歿憶幼時所作百不得一余歸田後瓜田
香樹齋文集 卷十一 三
倦遊里居間有倡和之作不能專刻香樹齋集強
恕詩鈔僅各附數篇耳觀此合編不禁老淚潄潄
而歎胡子之能繼音繼志也時敏姪請序於余聊
綴數語志感云



序二

東溟先生又存詩稿序

東溟所著玉紅草堂詩若干卷太史陳君子翹未第時爲之序好事者請以千金付梓梓成東溟亦不復作詩其明年余適遊木門欲一識東溟聞其善懶不堪未敢一詣木門距京二百里冠裳紛馳相望于道貴客某某耳其名叩之則辭以疾輒懷刺而返其他落落不偶能以酒自豪者東溟亦召

香樹齋文集卷十二

之飲羣以是知不見絕于先生也飲必醉醉餘作詩多見性語然皆不存從遊弟子讀其詩有所得退而錄之東溟知之猶正色相戒一日余遊香林道院見一人白袷朱履與道人欹坐庭樹間作吟聲者余亦遂入就坐因識東溟與語相得明日東溟邀飲畱數日歡甚東溟亦偕其同志詣予後遊香林東溟每設餽餽寒具相餉焉歲餘無間其所得詩百餘首亦不存則知東溟非不作詩也不存也因問其故東溟曰人之于詩猶蟲鳥之有聲音也蟬鳴午風鶯曉高柳要皆自適已耳必欲執管

而傳之操縵而調之是豈蟲鳥之性哉其與刻舟以求劍也何異余笑謂東溟曰先生達則達矣然世所稱達者莫如莊周其言崇虛無齊得喪一死生豈尋常爭尺寸之名者哉而內外諸篇必假孔顏之徒以自伸其意誠懼其說之不傳也且余聞之太人先生往往輕其少年時所作至垂老著書多不忍棄去閱世久則見理真讀書多則造詞淡彼誠有所得于中也東溟默然良久曰子言是也遂從弟子請于所遊歷處得詩若干首彙爲帙後作詩亦不廢稿曰又存稿其自題詩有人壽不如香樹齋文集卷十二

香樹齋文集卷十二

紙之句則東溟亦自知其言之可以傳且久也昔老氏不能却關吏之請卒以五千言見于世他日讀東溟詩者其亦無忘余今日之一言乎

沈隱士荑菴集序

吾郡土地平衍無崇山峻嶺之勝素號澤國長水源出天目徑峽石練浦會滌湖又北東徑月里分二支由松江黃浦入海無驚湍巨壑之奇然百餘里清流窈窕林木蒼蔚恬鱗泳沫潛禽息暎往往幽人廉夫窟宅于此樂天知命以養天和蓋川澤之氣毓秀含華發為人物其致率相肖也晉韓氏績宋顧氏謙元路氏清吳氏鎮明初氏啓隆錢氏鈞周氏履靖邵氏貞四其尤也荑菴先生丁明季末造決意肥遯以道繩己陶然自得時殷氏仲春

香樹齋文集

卷十二

三

吳氏麟玉包氏麟趾屠氏熿項氏元汴皆以同里志節相尚華亭陳氏繼儒以隱逸負重望折節來訪先生畱數日遣去諸貴游聞之爭致羔雁輒不省錄曰吾處約奉母寤言邱樊非欲以此致聲譽也先生詩筆冲澹如其為人尤工于詞所著有籟閣詞箋琴嘯軒樂府遊天台武彘羅浮詩名山詩等集郡文藝志內載弔古紀遊數詩

本朝

御選詩餘載長短調凡十餘闕餘皆散逸郡中士大夫家多藏鈔本小長蘆竹垞朱先生每自道所

長則曰吾八分行草不如詩詩不如筆筆不如詞然評隲鄉里先民曰荑菴吾師也先生文孫良思叅藩關中政事之餘手錄家集一帙將付剞劂適余于役三輔屬為之序夫懸蔡青萍世皆知其可以珍也當其沉重淵蔽泥土何嘗汲汲焉求自見耶先生修志意重道義蟬蛻鴻冥以自謝于旌帛蒲車之會者幾于隱身無文絕塵疵物者矣卒之其人傳其文亦傳彼執裾而強觀者亦何為耶獨是殷吳諸君子與先生同時耽隱各有論著可以傳世如殷氏仲春有棲老堂集吳氏麟玉有醉月軒草包氏麟趾有浮峯閣倡和稿屠氏熿有郊居集項氏元汴有助雲堂集今皆不傳豈川澤之秀鍾于先生者視諸人為獨多與抑先生純孝隱德至行過人而天欲大其報乃昌其後以永其傳與固不可得而知也

香樹齋文集

卷十二

四

李孝廉哀鳴集序

客有問于余曰詩何爲而起乎曰起于情之不能已也曰情有七皆可以爲詩乎曰可曰詩以何爲工曰情之長者是曰情以何爲長曰哀曰哀可以長矣哀可以工乎曰不可方其哀也不知其哀也不知其哀又安能計其工乎凡見爲工者非作者之旨也曰哀不可極任之乎抑止之乎曰不可任亦不可止曰若之何曰以詩鳴之可也任其哀而傳于詩詩傳而哀可止矣曰詩可以止哀乎曰不可古孝子悌弟登高臨水望雲撫樹悲號涕泣以香樹齋文集卷十二五

鳴其不能自己之情曰吾以是止吾哀乎亦何忍而出此也推其心則曰吾哀可任也任而不已則止止不可也庶乎以詩傳之夫人終日哭則無泪三日號則無聲無泪無聲是滅性也當是時也使有人焉以大義責之曰爾甘食爾安寢庶幾爲孝子悌弟矣其誰從之則必曰某水某邱爾先人釣遊處也盍一省之則愴然起愴然思此詩之所以作也故有今日之詩異時讀之潛然出涕者矣有一人之詩千萬人讀之悲不自勝者矣不止而止而不止此詩之所以教也適取向臯李君所寄

哀鳴集讀之客亦在坐讀至首章曰薦几筵兮不御承顏色兮何依客爲泪下余亦不知涕之何從也客起而謝曰善夫子之言哀也因爲識其後云

滄溟女子詩序

女子不知何許人也美容色寡言語少學女經窮師氏術好讀書博獵經史尤喜弄柔翰無粉黛習氣里媒奇之一日謁女子若私有所請者女子不答輒白眼相視如是者有年里媒請絕遂終身不嫁云所居瀕海之北自號曰滄溟女子滄溟爲瀛洲津涯神人之所遊化霧仙之所窟宅女子以時登樓遐睇風雨出沒晨夕異景翩然有遺世絕粒之思讀列仙傳慕毛女之仙也而作詩以况之因略序名媛俯仰悲歌凡得詩三十首其詩未嘗示

香樹齋文集

卷十二

七

人人亦無從見其詩者楚曉巢子女子之侄余年輩友也就選人需于吏局徜徉郊畿間與余往來甚密余嘗詣曉巢座間得讀女子詩并得女子狀甚悉其詩似諷似嘲似怨似慕大旨守孤芳之獨賞而悲以色事人者之不可長久也余讀而感焉謂曉巢曰女子不嫁于禮未適然而詩曰不從易曰不字當踰牆窺穴時得一女子可以風矣使其詩傳于世將見怨如棄妾讀而思之蛾眉能讓人矣老女少嫠讀而思之遲暮其何傷矣曉巢然余言請于女子女子曰是細行也是拘方也是所謂

天之刑人也彼節如巢由而談濟時者外之隱如荷蓀而遊聖門者譏焉是區區者曾何足挂士林之餘頰而隸風人之末議乎願謝爾友毋汙我耳明日曉巢復以告余余諒其志之無他而竊笑里媒之請爲唐突也遂爲序以傳之

香樹齋文集

卷十二

八

樗亭詩集序

楊子雲曰高文典冊用相如戎馬之間用枚臯蓋馬遲枚疾賦于天者各殊而學之所詣亦緣此而判兩者不相兼亦不相下也又子雲工賦王君太習兵桓譚欲從二子學子雲曰能讀千賦則善賦君太曰能觀千劍則曉劍習伏衆神巧者不過習者之門精能之至變化生焉業固未有不精于專者惟詩亦然予向官翰林卽耳薩君名每當刻燭擘牋出句輒驚壇坫一時號稱能詩者多宗之洎予入直 內廷復得同趨一禁籟昕夕晤對偶于

香樹齋文集

卷十二

九

公餘與之揚挖風雅知君之萃力于斯已非一日固有篤嗜深契而不能自己者矣君以郎官進納封事日近

天子之光退食之暇汲古研鍊愈益淬礪作爲詩歌大雅春容宮商協應所謂和其聲以鳴 國家之盛卽古卷阿矢音梧萃鳳喙不是過也乾隆辛酉冬十月君出詩示余余受而卒業知君忠孝之思流于至性次及兄弟夫婦朋友感遇述懷纏綿悱惻蓋于倫紀之間其情有深焉者矣他如卽景賦物才思雄渾絕類岑王韋孟諸家特其餘事耳

書曰詩言志歌永言詩曰言甫作頌穆如清風惟君有焉夫百爾臣工幸逢

聖天子天亶聰明右文稽古又得入承明著作之庭恭聆 謨訓肄業雅南可不謂極盛者歟君抱負瓌璋大用可期建樹勳業又不僅以文章比美馬枚也卽以詩文言之君之萃精肆力于斯者雖出入 楓宸扈侍 法駕幾于不遑寧處而數年之間奚囊所積多至若干卷且所師所友半屬大江名宿宜其久而儻上若是也巧不愈習殆謂是歟

香樹齋文集

卷十二

十

祖席送馮樹臣少司寇歸長水序

少司寇樹臣馮先生奉職數月適秋審屆期先生詳慎精密以求明允勞動特甚偶感寒疾請去職調治奉

旨俞允凡三閱月病少差于是先生年七十有二矣上章陳衰老狀

上鑒其意命回籍調治次日詣宮門叩謝出治裝從水路歸里其鄉人錢陳羣置酒取別舉觴正席而祝曰先生是行也有二美焉不慕祿以曠官讓也念

香樹齋文集

卷十二

十一

主恩深厚未忍引年去以疾請假視精力強弱爲去就忠之屬也先生再拜受觴羣答拜又進爵而言曰二美具矣復陳五樂可乎先生曰何如曰先生服官二十餘年如督蘄松四郡糧儲總上江藩皆俗所稱爲肥膩者先生歷居數載鄉人故舊或使劄闢田園或勸興立邸店或欲舳舻運致先生距而不納官府闐然如僧舍囊無餘貲有子賢不以多財損其志一樂也先生曾令關中矣羣于役三輔父老爲羣言先生宰長安時寬仁正獄外猛內慈擁護百姓無異慈母又嘗牧膠州矣先生去

膠十餘年膠民每間歲輒徒跣詣先生他任所存

問率以爲常被徵後亦如之羣以是知先生之入

人者深矣詩云樂只君子民之父母先生有焉二

樂也先生恬澹寡營衛攝甚固雖衰疾之餘談笑

講論引日亘時未嘗有倦容今以暇日登臨佳勝

如溫公居洛時同范景仁輩登嵩嶺凡所經從多

乘馬路險策杖以行士大夫爭傳爲盛事先生精

力殆不減于是三樂也先生雅好柔翰愛畫山水

彷彿丹邱倪迂無時下習氣澹遠疎落如其爲人

昔人爲繪畫之道與造化同功煙雲供養曾次自

香樹齋文集

卷十二

十二

別先生自公車至爲卿貳篋中惟古硯數方船唇車尾輒載與俱凡世俗嗜好之端無毫末可以撓其天者四樂也吾郡地介吳會俗儉而朴然縉紳大夫政成引退懸車視履者代不乏人我皇上尊崇碩德惠養老臣視前古爲加隆焉時則礪巖陸先生省齋范先生皞田張先生輩皆先後歸里先生到日杖履相接續耆英盛事歌詠昇平五樂也先生欣然舉觴屬羣序之乃敷列如右

宋雅伯視學蜀中序

教化之權操于上而習尚之移應于下則士習民風其大者矣二者各有專司于是以賦役戶口獄訟盜賊之事自州縣及藩臬分司之而總其責于中丞以崇文興行之舉設教授學正教諭訓導俾分理焉而受其成于視學使者夫士為四民之首則士又為民之表率士習端而民風亦正視學之官厥任亦殊重矣任既重則其責不得不專責既專則其體統不得不尊舊例且隸江南浙江用詞臣中贊以上為之其餘以編修給事中侍御史當香樹齋文集卷十二 三

是役者與三省埒以部院郎中于進士出身中較奉擢用以僉事道告身為之位次藩臬下夫學者正已率物即一邑之長推而至于一族之師一黨之正安在不可以移易風俗然而勢之所在文移限之體統隔絕一切舉劾或有不能自主者矣我皇上右文重道

御極之初即分別教官流品俾明經術者為之又命督撫舉所在賢良方正

召見而即任之以官凡所以振興文教者至詳且悉而遴選學臣尤加慎重今雍正四年冬宋君雅

伯膺

簡命視學蜀中于是雅伯以提學僉事道入謝恩

上諭閣臣等曰董學之官凡所以考課士子及所舉行事宜從便宜其毋使制于大吏且天下士子一也其許宋在詩以吏部郎中視學蜀中後部院郎中膺視學之選者皆以原銜去著為令余同年中為吏部者不下十餘人其以翰林去者則安居王君恕大埔楊君續緒貴陽程君仁圻諸城王君斂福濟寧喬君世臣吳下沈君起元泊雅伯凡七香樹齋文集卷十二 十四

人時遂寧張公陽城田公高安朱公相繼為總宰吏治稱極盛雅伯年少于諸君而首膺衡文之擢其所以舉賢才教不能黜無良者當必有道矣夫史稱蜀自文黨起學官造士每行縣勅明經修行者與俱聲教追跡齊魯是以後代有名人余嘗論次蜀才以內行稱者莫若姜士游杜孝寒宜之以政事顯者莫若范景仁張德遠理學則數濩允南張敬夫文章則數陳承祚陳伯玉蘓氏父子虞氏陳氏兄弟其他以愷直名者又不可勝指而司馬相如楊雄之徒余皆未深取李文忠云古今人不

相及信然如其有之雖古人不及也雅伯存此意以造就人才移風易俗爲 國家收得人之慶其于德行文章理學政事各有所樹立安見後起者之不遠過乎昔賢余聞雅伯奉

命後悉出奉錢又稱貸數十金入書肆購全史經解及諸性理書以致于蜀曰吾所以教蜀人者在是矣昔人謂蜀人爲學之病有二一曰無師二曰無書無師則道不能傳無書則業不能廣豈特蜀爲然哉蜀爲尤甚耳今

上方擇雅伯爲蜀人師而雅伯又致藏書千百卷

香樹齋文集

卷十二

十五

與蜀士子講明而力行之吾知二者之病不足憂者矣抑余更有艷于雅伯者雅伯銜

命入蜀道經珂里錦衣謁省兩高堂鮮腆致酒爲二親壽甚歡于是帶星而往此又人子極愉快之事是有天焉又不可強也而雅伯之荷聖恩益深且重矣

曹翁壽序

史稱三皇之時如春人多百歲蓋運際邳隆萬物昌遂其于人也爲仁厚爲永年洪範載五福曰壽曰攸好德集注曰人有壽而後能享諸福又曰攸好德者樂其道也二者固有若感應者我

皇上御極以來仁風翔洽善氣萃聚太和在宇宙間自畿輔以逮山陬海澨人之登百歲者所在多有蓋

聖天子斂福于上備嚮用之全于是敷錫于下亦隨其善之量以爲施所謂而康而色曰予攸好德

香樹齋文集

卷十二

十六

汝則錫之福是也如我近翁老年伯者其無愧于書所云攸好德者矣翁少穎悟讀書不事章句每尋味貫穿義理有會通處乃已年十五卽工制義折節下帷然以攻苦體爲之瘠事親極孝年二十居太先生憂哀毀逾節里人稱之先是太先生寢疾輒召翁諭曰汝兄蚤世奉先人祀者惟汝汝體弱吾甚念汝汝當以守身爲孝事咕啍取科名非吾期于汝也後遂罷制義壹志奉母不敢有進取志督家中人服農力穡以供甘旨稍有餘卽以周宗黨之貧乏無養者又有餘卽以濟道路之孤遺

者自奉惟蔬食而已尤不樂與人較量曲直人有
悔之者每自解曰若答他便與他等吾始忍于色
終忍于心久乃曠然矣間以暇時寄情吟咏或進
一觴以自怡悅喜作書不爲美觀秦碑漢碣雖蟲
餘土蝕猶珍玩臨摹不能去手其于古人名筆不
惟辨其源流亦且契其神理又好畫筆力深厚有
夏圭馬遠之風至于畫竹則烟雲動宕與會標舉
直追吳仲圭所謂寸縑尺幅人皆什襲者也翁所
居武清縣之王慶坨里素號水鄉

聖祖仁皇帝以水圍駐蹕于此先後幸翁家翁以

香樹齋文集

卷十二

七

鄉善士得
召見寵賚優渥有所獻亦蒙嘉納

召翁子涵入御園讀書存問備至又翁進呈手書
復蒙嘉納旋被

命供奉內廷翁以體疾固辭更蒙

俞允歲辛丑翁子涵成進士爲翰林有聲邑之人
無不以翁之樂善不倦爲可法又以翁之遭際隆
遇爲獨厚而益信爲善之無不報也向也矻矻孜
孜不求聞達惟期孝于親睦于族鄰以冀爲一鄉
之善士而已而實至者名必彰積厚者流亦光則

天之福善人而使之享遐齡其理固有可信者歟
抑余聞之繪畫之道所謂宇宙在乎手者眼前無
非生機故其人往往多壽米友仁八十餘神明不
衰黃一峯九十而貌如童顏沈石田文衡山皆臻
大耋蓋筆端造化吐納萬象烟雲供養曾次自別
也則翁之壽又于筆墨間遇之矣翁子涵余同館
友也今春二月下浣爲翁六十誕辰同譜諸子製
錦稱觴屬余爲之序云

香樹齋文集

卷十二

六

田贈公乞言小序

贈公陽城田先生諱雨時字霖商明末諸生也性剛辨于學無所不通尤精于易素以德行推重里閭闖逆之變邑中人見賊勢披猖欲迎之以免禍問計于公公曰死生命也迎賊失節非正命也盍避諸邑人從之賴以全節時贈公攜幼子及兄之遺孤以行至城外賊黨猝至遂棄幼子而負其兄之孤入風神嶺窺身崖谷無何賊去見幼子匍匐草間亦免于難乃攜之俱歸邑人多其義贈公曰吾非學鄧伯道也子與姪均耳方吾棄吾子時非

香樹齋文集

卷十二

五

薄于吾子也念伯氏早世遺此孤露事起倉卒勢無兩全棄姪存子吾何以見伯氏于地下乎今幸幼子無恙所獲多矣願諸公勿復言終贈公之世未嘗言及此事嗚呼仁之至義之盡矣天下豈有外仁以求義者哉贈公之存孤姪義也棄幼子聽其自全仁也卒之孤姪存而幼子亦免于難天也闖賊既平後又數年生吾師相國文端公遭際聖明位至宰輔立朝清節終始不渝田氏之族于是乎大此又天之所以福善最彰明較著者矣憶先師在日每退食燕見諸生道述先德引口百時

未嘗有倦容曾出小宰仇滄柱先生所撰贈公墓表洎澤州相國所撰陽城三鄉賢祠記授諸生讀之語至棄幼子存孤姪遺事爲之泣然流涕曰此先公之隱行也懼其無傳或傳之失其實後之人以疑伯道者疑先公則又滋懼羣等謹識之不敢忘今年春文端公子懋應京兆試來京師欲丐當代大人一言以表祖德以成先志乃屬羣爲之序云

香樹齋文集

卷十二

五

夏柳倡和詩序

人之發乎情者春士能歌秋女能怨感時觸緒往往而然而時之相感每因乎物而動焉當其淑景暄和朱朱白白繁葩競秀則有向榮之觀若夫天宇蕭森霜寒木脫又不勝搖落之傷矣至如夏雲多奇炎暉未却雖桐陰覆戶竹翠當牕不過追新涼消溽暑臨流莎坐其所謂感於物而後動也雖然不物於物而能物物則亦何物不可托興何物不可寄懷耶同里金子際和雅材也偶詠夏柳一章清詞麗藻一時和者響應蓋不減王漁洋秋香樹齋文集卷十二

主

柳風致也昔稱王孝伯姿容濯濯如春月柳茲之露葉繁條依依可愛不可髣髴其人耶金子具此與會築室深柳讀書其中收稽古取友之益是詩其筌蹄矣

香樹齋文集卷十三

嘉興錢陳羣集齋

序三

送羅生還江右

退之詩云嗟哉今之人食君之祿而令父母愁旨哉斯言教忠勸孝盡于是矣羅子奉母命復游橋門歲餘以教職旋里從此祿養以菽水當甘旨愉色婉容方潔白華樂何如也彼日用三牲之養稍不職則愁且無已時矣何去何從必有能辨之者抑余更有為羅生進者教官職雖卑而所操甚大香樹齋文集卷十三

一

一不職則士習終不可淳也每見秉鐸者自安卑下不克樹立遂使大吏目為冗閑諸生視為具文是誰之過歟雖然羅子勿亟亟焉曰吾以教繩諸生吾稱吾職矣優而游之漸漬而俟之故凡勞來匡直輔翼振德之事必盡施之方可言教也昔司馬溫公致政歸里日與諸父老講庶人孝章今羅子仿而行之以士孝章身體而力行之朝而稽夕而考師道立則善人多成已成物于是乎在矣羅子勉乎哉

座主臨川師五十壽序

李克之論相曰貧視其所不取富視其所與窮視其所不爲達視其所舉美哉斯言吾師臨川先生足以當之矣先生少穎悟九歲能屬文十二工詩賦目數行下于書無所不覽嘗手鈔五經史記及諸書之力不能購者先生爲文必躬行實體可以見施爲然後下筆故其言闕博深厚而無窮大失居之疵居貧敝衣布襪嘗爲親負米百里外當塗者聞先生名致祿米相飲擇其人而受之苟非其人雖數請不受也戊子以五經首薦于鄉已丑成

香樹齋文集

卷十三

二

進士爲翰林閉門著述及爲諸館纂修官館中同事每遇與旨難義皆就先生折衷焉後十餘年羣入史館館中前輩每論本朝翰林學問淵博輒稱先生第一

先帝時遷擢皆不由常格衡文所至盡錄其尤先生論取士之法必重後場蓋時藝猶可襲取而古學非可貌飾三代以來言取人舍是其何執乎今天子卽位益信任先生命攝小宰一時有山公之目尋遷副憲時雨水偶愆會通河水淺運艘多阻命先生督運聞命之日齋戒沐浴不宿而行數日

雨至百川灌河艘并日抵潞

天子嘉之晉秩小司馬先生又建言行唐宋轉運法議者以費煩欲寢不行先生力言于

上不支正項賦帑卽以倉胥雜費贏羨爲轉運之需官民便之河無滯艘野無滯粟先生理劇如細大率類此夫國家用拘方步趨之人輒以謹守繩墨自文其短一旦有事非明體達用之儒其何以濟是役也人咸頌先生之德而先生不自多其功謂茲非

皇上至明獨斷排羣議而獨任亦未易有此也今

香樹齋文集

卷十三

三

年春三月爲先生五十誕辰先生素不喜人賀生日適太夫人綵輿北來用敢爲太夫人壽先生誼不可辭因敘先生行年五十以前出處事業于不爲不取見其守至于所舉則前席奏對如王旦薦人終身不言固非門弟子所得知而取士得人則其所可見者也若夫以裕與國以足與民以道德學問與朋友及門弟子又非區區待而舉火資鄰里鄉黨以博慷慨好施者之所及也是爲序

黃丈玉卿七十壽序

余于雍正九年奉

命秦中理公之暇輒進諸生講討經義黃子懋德率其弟請見問之則曰生奉家嚴論來受教乃執經偕諸生過從無虛日懋德家故貧授徒以供菽水至是各謂其徒曰吾今欲為弟子不得為爾等師矣居歲餘役滿駐會城候進止一日晨詣官府出門見有人布衣草履粹然其容者即翁也揖余而言曰吾世居閩市兩子為諸生從俗師受帖噀業懼其無成前過講堂見諸生環立聽使人講士香樹齋文集卷十三四庶人孝章伐木常棣小弁諸什有流涕者故遣奉教今見兩子識見稍開闊氣質漸變化今聞當還朝棄諸生去故自來謝耳余笑曰奉使宣化職也吾學淺近何能及人耶與語竟日見翁質樸醇謹有長者風益信懋德兄弟之心能有成也尋余得回京供職之旨翁命二子隨行至華山下余攜懋德渡河而東遣其弟歸侍又二年懋德以選拔貢于禮部遭際皇上即位之元年王大臣遴選天下貢士堪膺民社者以聞適江蘓需才懋德承

命發往五六年以來五任劇邑皆有賢聲每斷一獄兩造勝負一準于理黜偽崇信部民稱為神君遠近聞風感化者數百里實翁之教也今年八月七日為翁七十誕辰因敘予與懋德兄弟相遇之由及懋德居官後治績之所自使吳越人士關中諸生知教子弟者當以翁為法世俗祝嘏之詞不復綴云

香樹齋文集

卷十三

五

問卿范君壽序

試之以事而肆應不窮者才也事既集而自視若
欲然者德也非才無以集事非德無以養才是二
者天實鄭重寶愛而不輕畀人畀之則榮于而身
啓于而家功于而國被生民以垂無窮勒之金石
譜之聲詩其理必有致者問卿范君爲汾河右族
自其祖父受

世祖章皇帝特達之知寵遇優渥君性敏悟讀書
不事章句年十六承幹內務府凡所區畫雖老成
人無以過也當西陲用兵先生運駝羊以足軍實

香樹齋文集

卷十三

六

歲數萬計孳大蕃息軍士使之

聖祖仁皇帝嘉其幹濟君曰非獨駝羊也飛芻挽
粟亦猶是矣遂建言願減運費經理其事從之歲
餘糗糧山峙度支不細節省無算

皇上御極以來薄海內外無不休養生息物皆忻
忻嚮化唯準噶爾一部落狂悖狡詐自棄于
德教之外

皇上恭行天討分路進勦以君減價運糧著有成
績乃命總理北路糧儲公肇畫精詳野無滯粟軍
有餘糧凡所經過不名一錢公私便之皆國帑數

百萬于是沿途商賈慕義恐後爭効輸挽者相望
于道

上嘉予之于是各路運糧大臣以范君爲法未幾
晉秩問卿賚予殷渥寵遇備至同朝羨之昔史稱
蕭何功以轉漕關中給食不乏爲第一而卜式亦
以輸財助邊賜爵關內侯

王師西指誅滅小醜計功論賞君之勞視此矣君
之才旣足以幹事而公忠誠懇又足以濟之故其
視國事如家事而功無不集彼硜硜焉計盈縮董
出納以自殖其身家者聞范君之風其亦可稍愧

香樹齋文集

卷十三

七

矣君生有至性事親以孝聞奉繼母任太夫人色
養周至弟培君以武科通籍位至開府然奉先人
教惟謹與人交不設城府自王公以下至布衣一
以真誠相接待少所軒輊鄉黨姻戚以急告者樂
爲周卹未嘗有倦容雖御臺隸僕從無不撫之以
恩勉之以義人亦樂爲之用口范君推心置腹吾
輩忍負之耶故所委任公事計日課程事稱功倍
甚矣才與德誠不可偏廢也余讀書洪範曰曰予
有好德汝則錫之福言福之歸于德也又曰人之
有能有爲使羞其行而弇其昌言天之生才必進

而用之于邦國也今

天子建極于上而君遭際

聖明急公任事展其才培其德以永膺多福壽身
壽世于是乎在矣

香樹齋文集

卷十三

八

監司曹介巖壽序

浙西大郡三分轄州縣二十而三周環二千餘里
鯨劇冠東南監司者非知足以燭仁足以照未易
稱是職也

今上御極之元年新建曹介巖先生以侍御簡任
茲土揚清激濁無所引避每舉措必體悉民隱無
不曲當見善如己有見不善若痼瘵之在乃身間
有懲治者必使罪浮于法以吾郡士子去會城書
院稍遠延致名師于鴛湖書院中與郡守郭公同
心訓迪課文飭行雖盛夏嚴寒講習勿輟歲餘政

香樹齋文集

卷十三

九

成士心嚮慕胥吏各斂迹無侵牟者民甚便之茲
六月三日為先生懸弧之辰各屬請率父老效躋
堂之舉峻拒不許總戎裴公移節東浙瀕行詣余
曰承乏以來兵民柔輯盜賊稀少實惟監司公和
衷共濟所致今年春

詔發嘉興歲供漕米航海濟閩若干石又濟東甌
若干石監司公總理其事余亦襄贊監司公擘畫
盡善旬日之間如期運致丁無怨色役無悴容兵
弁之受恩者製錦為監司公壽請為文以序之余
邦人也沐浴于先生之政有年且重裴公之命其

敢以不文辭方屬草先生適公餘來訪見之矍然曰介壽末耳裴公長者義不可卻倘藉君筆存先人陰德一二以傳于家自今以後每當初度羣季會集展讀一再以無忘先人益用自勉勉可乎因爲余言贈公居鄉里力修任卹官于闕知龍溪縣縣濱海柵民遷徙靡常流亡者先後收養無筭俗多不葬者歲久暴露積骸彌岡蔽野悉爲埋瘞以數千計中丞鄭魚門贈公所得士也後典江右試戒諸子勿與試曰功名兒輩自有三年淹何害噫觀贈公所貽謀而益信先生之處已信友化民香樹齋文集卷十三

香樹齋文集卷十三

十

型俗者固有所自矣昔三代盛時紀功酬庸介壽或以鼎以爵鼎以饋食爵以進酒皆有識識必稱其先人之德以篤不忘今之稱觴本此東海于公治獄有陰德後定國以廷尉封列侯先生年未強仕所成就者若此遭際

聖明方且霖雨萬彙如定國之在漢滙衍沛滂又豈止浙西數百萬戶已哉使天下知贈公之德其推暨于先生者實可壽人壽世以垂休于無窮是則先生之志也夫

宋鴻臚六十壽序

少鴻臚安邑宋君雅伯與余同登聊城鄧君東長少宗伯榜入翰林同肄國書晨夕無間粥粥若無能者每于儔輩講貫經史衆皆爭執所見不相下雅伯最後持數語詞氣春容一座默然爲之屈伏間論政事亦然自是咸歸其度已而改銓曹有聲時陽城田文端公高安朱文端公先後爲冢宰而少宰則吾鄉沈端恪公三先生理學名臣爲世宗仰器重雅伯雅伯掌選人數年稽察胥吏甚嚴而以和平處之無訛法者尋奉

香樹齋文集卷十三

十一

命視學蜀中校文之餘訓飭士子以敦行明經爲先務至今蜀紳士之仕于朝聲望蔚然爲衆所推重如大京兆顧君輩皆所賞拔者也任滿膺上考內擢少鴻臚居無何以內艱奔歸服闋後以太先生春秋高不忍遠離陳請終養一室怡怡又以暇日著書凡十數種皆載道之文門人或勸付梓行世先生笑而不許曰皆吾未定稿也先生課子甚嚴子鑒與余子汝誠汝恭年齒相若自總角時卽以世講往返無間旣鑒隨先生家居業益醇乙丑之役余奉

命爲總裁官鑒卷已入數是歲晉省中額稍減鑒遂列明通榜中又肆力于古者三年與汝誠同登進士尋分發浙省鑒卽奉先生來浙初任常山有賢聲旋調鄞鄞爲浙東巖邑鑒當官勤慎處事和平大吏皆知之昨以公事被吏議例請咨引見而原缺另委鑒奉

旨仍用鄞邑此

特恩也鑒回鄞過余爲余言先生起居甚悉且曰鑒自入塾至今皆受吾父訓迪今一行作吏旣得奉養凡有當官事稍繁難者猶得咨稟承命而行

香樹齋文集

卷十三

三

幸無隕越今年某月爲吾父六十初度鄞父老咸願躋堂上壽請余一言以介蓋謂余知先生深不欲以世俗諛美之詞相溷也記曰六十曰耆指使呂氏疏者爲稽久之稱疏指使爲不自用力惟以意指使令人余以爲使令人之義極難言之其窮而獨者不足言卽如席豐履厚僚屬胥吏承于前美婢令僕給于後導欲增侈何如先生之賢子婦奉訓遵循孝弟忠信以身先之不令而行舉凡愛民治人之理就行之旣效者使令厥子厥子又善體親志而甬東之被澤者如戴大父母焉其爲慶

幸當何如也他日老而傳而耄而期頤其視今日之指使可知余每思訪四明山色便當詣官署話舊以足軟未能姑因令子之語而爲之序云

香樹齋文集

卷十三

三

徐太孺人七十壽序

余自象勺之年卽與徐子原寅爲文字交時同會者數十人原寅其選也余鄉居距原寅家數十里每入郡必詣原寅見太孺人躬操作原寅設几于紡織間讀書聲相和奉侍誠謹無怠容原寅每載筆赴學舍會課雖大風雨主人劇畱原寅必辭歸同舍問其故對曰適來時未奉母命不敢也主人惶悚請原寅歸如是者數歲人皆知原寅之能事其母而益敬太孺人之能教原寅也原寅數困于鄉太孺人遣原寅應京兆帖丁酉以乙科舉焉明香樹齋文集卷十三

十四

之實權輿于榮也余愧無榮之識然親見太孺人之賢且與原寅厚則于榮又何多讓焉是爲序

香樹齋文集

卷十三

十五

麓村五十壽序

麓村性嗜古居津水三十年凡名人翰墨見輒別其真贗不爽絲黍近代所稱賞鑒家如斐東繡水不是過也津水為畿近都會百貨輻輳吳中人多仿古名蹟雙鉤裝潢屏象現異居奇走其門日不下數輩至則廢然返予自乙未下第後僑寓津水或有以予詩筆示麓村者一見嘆曰觀其神氣絕類古香齋中所藏讀予詩曰右丞復生矣古香齋者麓村羅列名蹟焚香吟誦地也或遂介麓村詣予見則訪予作詩法予應之曰溫柔敦厚言忠言

香樹齋文集

卷十三

七

孝可矣麓村慷慨樂周人急見予旅貧思出篋中金聽予取利入供菽水予固辭曰若爾非予願見意矣惟歲時致酒醴勿拒焉麓村平居每念遭際昇平衣食豐足未能為公家效尺寸力鬱鬱嘗不樂遭際

皇上御極之三年陞天津為州尋改為府城濱海斥鹵土疏易壤願以家財修城凡陶冶工作麓村必躬自督視擘畫盡善經六寒暑工竣費白鏹數十萬存活失業窮民數千人制度視大郡加壯麗焉記云貨惡其棄于地也不必藏于己力惡其不

出于身也不必為己若麓村者急公趨事如恐不及可不謂賢乎今年九月麓村五十初度津水舊遊囑予文侑觴予不能文惟稱道人善直筆鋪敘則猶有三代之遺意焉麓村嗜古其亦以余言為然否

香樹齋文集

卷十三

七

田師母潘太夫人六十壽序

雍正十年夏陽城相國先師文端公子德符奉母潘太夫人命自陽城來應京兆試未售以廕爲郎補吏部次日卽趣車乘迎養太夫人于京師又二年冬十一月十有三日爲太夫人六十設悅之辰諸門下士之仕于朝者期以是日詣子舍上壽而屬羣製序焉夫介壽有觴奉觴有祝祝嘏有詞士夫家往往取達尊之言列之屏障以侑觴爲其可以見重于世也羣無一焉其何以爲之顧或以羣官翰林有年詞命固其職也抑又聞之古者獻贈香樹齋文集卷十三 六

必有物以先之今諸子既各爲詩歌以紀其盛則乘韋之義又少者賤者所不敢辭也于時德符乃言于羣曰懋生之日先大夫年六十矣方蒙聖祖仁皇帝柄用毘倚部務不少休息家事鉅細悉委太夫人經理矧若鞠養懋自保抱至于成立至于有家室惟太夫人是依懋今二十有四矣其在怙者十有八年太夫人實督率之凡先大夫之所期于懋者太夫人必先意導之先大夫偶于退食有所提命于懋懋有未達者太夫人必罕譬而曲喻之至于再至于三他日又命亦如之先大夫

每自慰曰吾嘗憂得子晚今觀此可無憂矣懋生長邸第未嘗跬步離二人膝下自戊申奉先大夫喪還陽城經營窀穸外稍治門戶太夫人示之準繩不少尺寸失自奉儉約蔬食布衣安之若素樂成就人之孤遺者嘗諭懋曰汝父受

皇上深恩致政之日拜

賜金治裝旋里顧以衰疾未獲遂初汝義在報稱行且通籍不于此時親近族黨力行嫻睦鄉井中亦何賴有此人耶以故懋家居數年遠近疎戚無不適者懋實蠢冥寡所知識然自承乏銓曹以來

香樹齋文集卷十三 九

幸免隕越每遇陪奏屢蒙

天語褒嘉昨聞懋以宰府薦當遷太夫人憂懼不自任曰

國恩可常恃耶惟在汝自勉之耳及聞先大夫被特旨入祀賢良則感激涕下曰今日始完汝父一生情節我奉汝父巾櫛垂四十年每量移一階未嘗有喜色也羣所聞于德符者如此昔柳仲郢母相國休之曾孫家法嚴整爲縉紳楷範嘗粉苦參賜諸子以資勤苦博陵崔元暉母盧氏述辛元馭之言以勉元暉元暉遵奉教誡爲唐賢相呂中國

夫人性嚴有法雖甚愛原明然教之事事循蹈規矩晉故多賢母今觀太夫人之所以訓德符者戒盈滿勵初終親賢取友樂善不倦與史冊所載有相發明者焉先是太夫人五十初度今相國高安朱公爲文序家世及賢明諸蹟最著朱公與吾師友善同登政府知太夫人懿行甚悉言可徵信更無俟羣之撫拾已詩不云乎令妻壽母朱公之言婦道也令妻以之羣之言母道也壽母以之更願德符勉承母訓濟美清時如仲郢諸人卓卓可表見者使天下稱道母德勿衰福壽貽親莫有大于

香樹齋文集

卷十三

子

此者德符勉之

同年沈固廬夫婦七十雙壽序

余官翰林庚戌間有年家子沈榮昌來謁乃同年固廬先生子也詢其年甫十七字永之與之語先儒文義已窺奧竅讀書甚富時余次子汝恭與先生第三女締姻永之與予子輩皆總角成童課文邸寓予爲口講指畫日成就之暨固廬挈永之南歸不數年永之以選拔來都舉孝廉乙丑春九卿奉

命舉國子學正予以永之充其選蒙 恩授縣令

尙未行而禮闈初撤掇巍科 殿試列第六卷成

香樹齋文集

卷十三

三

進士時予與充總裁官或謂永之宜畱都乃請于

予曰榮昌世受 國恩祖父兄輩官翰林五人今

昌已奉 綸命詎敢薄外吏戀清華遂奉檄而去

初涖文水迎養先生暨恭人就子舍遷鳳臺令除

朔州牧其間十餘年常以公事來都就訓于予每

以昔年所語勗之永之曰榮昌家世我師知之熟

矣而父母承先志鞠育兒子成立有戶以外不能

知者念昌之祖閣學公一生清德以貧而逋帑昌

父一身任之竭家業不能完蒙

世宗憲皇帝殊恩洞鑒逾格豁免已酉庚戌父坐

事株及于患昌被褐走京師見我師時家惟昌母支持無寸椽尺土內外數十口上有祖母八旬供甘旨無缺幸父得歸故里尤拮据無聊而宗鄰之周恤訓子之師塾自若也昌伯父爲壬午孝廉僅中壽遺伯母及兄昌父母當極困時未嘗不兼顧也祖父母窶宓事父于臘月脫羊裘質金措辦立風雪中擘畫竣事至今松楸鬱如也居家恒忍人所不能忍本原之地數十年如一日每卓午無炊烟宴然自得今昌受國恩師訓一官祿養而父母致此亦極難矣余曰根之茂者其實遂膏之沃

香樹齋文集

卷十三

三

者其光遠聞子所述者孝悌之心可以油然而生矣是以永之宦跡所至百姓親若家人每去任後建祠樹碣禁不能止其自治治人嚴衾影凜冰淵蓋稟于家訓也永之刺朔方爲邊徼地寒不敢奉親偕行居三載擢守懷慶郡感激

主知益勵夙志緣中州近南于庚辰夏復迎美兩老四世一堂蓋永之自官牧令以後已兩次奉

榮封而子若孫皆明經力學接武鶴起二親顧而喜焉永之詩有云歷官十六年仍得奉親樂

聖朝孝治恩微軀更奚若又云政治出肺腑蒼黔

關骨肉敢忘家訓貽清白常諄囑又云

君親恩無極空言報稱難樹人先種德家珍勝琅玕其感激之忱有不能自己者辛巳四月爲恭人七旬誕辰永之以在朔方時部民思欲製屏寄祝乃嚴遏之僅書其文扶老幼躋堂以獻今在單懷恐百姓知之密其事緘札請余言爲二親歡余愛其質慤不改幼年肫摯之性爲略序梗概以當親戚之情話云

香樹齋文集

卷十三

三

香樹齋文集卷十四

嘉興錢陳羣集齋

序四

懷永堂詩序

少陵摩詰達夫同為天寶大家而境遇不同詩之
 谿徑亦小異少陵窮愁飄蕩豪邁感激摩詰簡澹
 平易天然自去珣飾達夫倔強蒼老與岑嘉州相
 似世稱高岑體舉此以况後代詩人波瀾莫二張
 君怡亭為當湖望族羣季俊秀各以能詩名怡亭
 于花晨月夕招尋韻人歌詠昇平其所為詩蕭閑
 香樹齋文集 卷十四 一
 中具有雋永之致其別業在東湖之傍曰十杉亭
 軒楹厂牖庖瀹茶竈儉而適用潔而不華啓閣焚
 香逍遙遂性坐攬全湖之勝四方名士登弄珠樓
 者莫不尋梁契集用相娛慰以有十杉亭也來是
 亭者或霽景澄明落紅滿徑至于信信猶流連不
 能已者以亭之有賢主人也擬之唐賢摩詰與裴
 迪張諶之徒酌酒茱萸灣閑吟閑咏乘醉題壁殆
 庶幾乎而詩之臭味亦略相近予得假後復患病
 足頗艱步履他日當湖人士傳陽羨書生籠鵝剡
 小舟于亭外扶攜登岸索飲花下與主人分曹對

墨數夕乃得辭去非他人必僕也既敘其集且訂
 後期為斯亭作曹邱矣

香樹齋文集 卷十四

二

制府太保方問亭述本堂詩集序

天之成就人才與天之成就詩人其理有相同者
版築魚鹽海濱市販極人世流離困頓之境而帝
師王佐勃然興焉所謂動心忍性增益其所不能
者也孤兒羈客絕域塞垣當上下無交之日而白
石河梁發于音聲令人讀之流連往復而不能去
所謂窮而後工者也制府太保問亭先生實兼之
矣先生本名家子祖父皆以詩文名于時以族人
累徙居塞外先生未弱冠卽偕其兄捆書擔簦重
趺徒步歎然相從誅茅結廬引架種瓜帚馬通爲
香樹齋文集卷十四 三
薪點漣乳爲餌手瘃坼而不知勞瘁中心安焉奉
侍重闈怡怡色養暇輒讀書窮討經籍所爲歌詞
道窮苦而記風土孺慕之誠溢于言表有白華華
黍之遺音焉爾時先生惟以事親守己爲安身立
命之學初不計寓內功名事業有何梯級可階而
先生益不欲自棄凡險阻扼塞畜牧防守攻戰備
儲罔勿周知間亦往來故里涉洞庭游大梁登秦
岱泛秦淮歷吳會其間民情土俗亦體閱殆備往
往形之篇章如看蠶詞之足補風謠所未及者是
也居無何 平郡王奉

命統師北路夙知先生才奏請書記蒙

世宗憲皇帝授中書舍人以行軍中鉅細事莫不
商榷而先生亦悉出謀發慮無隱遭際

皇上誕膺寶籙遠夷效順奉 詔撤兵于是先生

由銓曹擢用監司躋方伯其撫吾浙也值婺州苦

旱民食不給先生設法以賑全活無算其總制直

隸也酌盈劑虛釐奸剔弊畿輔爲首善重地旗民

雜處河梁關隘

變輿歲時恭謁

山陵巡幸所指實爲首塗先生經理盡善隣省咸

香樹齋文集卷十四

四

取則焉少時跨驢背坐船唇席帽經過所周咨而

得者至是悉見諸施設無有阻闕向使先生席祖

父之盛振翼文壇俯拾魏科如操左耳然不能讀

萬卷書行萬里路其詩學必不能蒼老俊拔若是

卽其才亦必不能肆應通達若是且使先生沉抑

患難之餘氣委靡不克自興又何能宏此遠謨以

仰副

九重特達之知至于斯耶是則天之所以成就先

生有獨厚者矣先生鐫祖父詩集旣竣乃檢未遇

時所爲詩凡八卷卷自爲識以予少時貧賤遊學

都下其艱苦之狀有略似者因屬序于予予受而讀之一二名彥評先生詩者見其學問淹博筆格雄渾比之少陵固宜予以為先生之遇亦有與少陵相類者唐以詩賦取士而少陵以布衣拜官先生亦以布衣通籍唐史稱少陵為審言孫審言故善詩少陵詩派之正所自來歟先生克紹家學又與少陵同至于生逢

堯舜柄用岳牧直可以少陵許身稷契之願見諸實事則又少陵所萬萬不及先生者也先生勉乎哉

香樹齋文集

卷十四

五

梁薌林太宰矢音集序

賡歌之盛肇自唐虞其時明良喜起一堂之上和氣醞釀四方咸風動焉厥後成周繼治君臣濟美卷阿矢音之什至今讀之猶有餘慕我

皇上遜志時敏學綜百氏萬幾之暇寄興吟詠大而發揚前光色養

慈闈紀載典禮小而怡情山水以及草木禽魚莫不引伸觸緒抒寫性天輒

命廷臣賡和非特鳴豫亦以覘所學也錢唐相公薌林先生自幼稟承家學與伯氏葭林太史歲時

香樹齋文集

卷十四

六

倡和愉愉怡怡邦人士多艷之尊甫谿父先生之論詩曰詩有正變時為之也運為之也當關睢麟趾之世忽動繁霜正月之感是無病而呻吟不為詩人所擯斥者鮮矣先生耳濡目染所作詩必恪守三唐集獲弗事詭異庚戌成進士授職翰林即趨直

禁籞親近

龍光職屢遷而業亦日進自

皇上御極至今二十年中

天章布濩不下萬有餘篇成稿後先生必恭繹彊

記每遇

宣示同直諸臣屬和則先生已成誦矣顧元韻
渾若天成諸臣學步如神駿追風駑馬躡後立見
顛蹶而先生必謹奉繩墨不敢輕下一字往往同
賡一詩先生詩後出其穩稱爾雅同輩歎不如也
先生猶雅不自詡如羣之謏陋荒殖或商摧一二
字先生多采擇焉其謙受如此

上每巡幸所指先生必扈從屬車故所得詩獨多
記鍊漿館畔崧岱峯邊西北之清涼醫巫閭諸山
東南之江淮明聖湖諸水羣與先生聯轡並楫羣
香樹齋文集卷十四 七

得于談諧間收切劘之益者亦復不少歲壬申羣
以抱疴蒙

聖慈予假回籍調治而先生亦以太先生春秋高
乞假侍養還武林

上賜詩以光子舍先生于定省之暇檢篋中詩若
千卷題曰矢音集屬羣為之序蓋以吮毫濡墨甘
苦略同自不得以不文辭夫詩本性情有尊君親
上之旨溫柔敦厚之遺卽詰曲聲牙亦足以載道
而維俗否則風雲月露終屬描頭畫角于風雅正
則不啻河漢也生唐虞成周之盛氣運和會自有

臯拜召從之樂豈若唐宋諸臣陪輦侍獵賞花釣
魚僅傳一二什以紀遭遇已哉先生年來杜門養
志定有新篇以續白華華黍者忠孝本無殊軌其
咀宮嚳羽形雅成頌亦自有同趣焉羣或未卽填
溝壑尙當蘸筆循誦以附束哲之末云

香樹齋文集

卷十四

八

宮怡雲方伯南溟集序

西林相公評騰吏局盛稱總制滇黔時有怡雲宮君任事廉幹遇事持大體後數年怡雲擢方伯來京師遇諸朝見其人爽朗冲和論議雅飭心竊儀之顧未通一刺等以吏議解組故鄉田廬悉以公歛輸官貧不能歸其中子去吝吾郡事迎養官署去吝官歲餘政聲卓然頗聞其謹稟嚴訓整飭風紀不名一錢郡人士皆知怡雲先生能教其子署去郡治六十里不獲相見歲丁丑秋予病初起同年都轉盧君雅雨邀予遊蜀岡則怡雲先生在

香樹齋文集

卷十四

九

焉出新詩數篇讀之風格高老無時下習氣因與論詩者竟曰怡雲之言曰詩道廣博終身學之有不能至者矣予惟嚴守法律不敢放逸以步趨古人其有所得而後肆焉亦任其自至不敢強也予因記山薑田先生有言可與作詩者多可與論詩者絕少若怡雲先生者可與論詩矣雅雨然予言本朝詩家輩出山左自新城山薑秋谷諸先生力持正派後進奉為圭臬新城領袖壇坫者數十年而論詩源流每心折徐給諫崑叔其蒼崑叔詩有昨見端州書一紙說詩真欲到河源徐故北海人

也可知詩派傳于東齊辛次膺而後未嘗無人矣怡雲與余往復三日別去已卯冬大吏察先生中子有治狀報最

特擢漢嘉守將入都無家可歸假吾郡公廨為子舍屬其兄去矜奉侍去矜能詩多藝以親老未仕廨與予居僅里許間一過從出南溟集五卷示予真率古澹與論詩本旨若合左券抑予更喜先生安貧自得嘗曰吾本寒素遭際

香樹齋文集

卷十四

十

聖明官至行省年過古稀得依兩子存活足矣家事一切不問其習次恬退知足宜其詩境乃爾夫詩本性情行與事亦性情所流露惜西林未得一讀怡雲之詩而益信西林之亟稱怡雲者為有徵也

節母徐孺人四十壽序

表弟訓導麟脩朱君元配趙孺人甚賢有淑行舉三子僅存第三子鏞昌爲朱君長子趙孺人自以孱弱慮不能廣延後嗣力勸朱君擇有德性者佐理家政親姆徐孺人之歸朱君也年甫十六三日後趙孺人委以中饋事井井有條理然不敢自專鉅細必請于趙孺人以行趙孺人甚愛之待之如妹鏞昌生三歲而母趙孺人沒朱君方銳志力學家事悉倚重孺人孺人之撫鏞昌也恩義兼至凡結襪繫衣晨則就傅暮則同幃帳時其飲食寒暖

香樹齋文集

卷十四

七

繼而孺人舉二子鑑昌鏞昌孺人畜之如視鏞昌也朱君績學沉思爲文必苦心結構至廢寢食若槁木者家事一切不問孺人一身任之朱君之沒也方易簣時指鏞昌兄弟謂曰汝善撫之吾卽不起可瞑目矣孺人守節時纔二十三歲痛不欲生又重違朱君命曰吾卽死無以對夫子也時鏞昌纔九歲鑑昌三歲鏞昌二歲孺人隻手支持延名師課子凡承祭祀操井日睦宗鄰量出入敬而無失寬而有制膳服疎戚各得其宜躬自紡績夜必篝燈課子紡績聲嘗相答和居數歲家計較贏而

周急扶困勇于爲善雖鄉黨之好行其惠者弗是過也鏞昌世父浣桐方伯官州牧屢爲予言孺人苦節撫孤狀予心儀之尋爲鑑昌擇予第四女遂委禽焉歲壬申予抱疾京邸蒙

聖恩體恤備至遣 御醫日診視所需參苓悉從

內府 賜出少差 命兒汝誠奉侍歸里其明年

又患疽毒孺人念鑑昌幼失怙思及早取婦予亦

以衰病思得見子女成立合悉願見後嬪相導子

婦叩見尊姑孺人涕泗交流不忍受子婦拜曰汝

但拜汝父汝母于家廟可耳其持論得體類如此

香樹齋文集

卷十四

七

吾女生長京邸年幼操家諸節目頗未諳習孺人愛之如女循循訓之不加聲色予閒居無事每探女必畱數日見孺人治家有法待趙孺人弟姪儼然趙孺人在也鏞昌兄弟怡愉和氣萃聚盜然冲然良可欽佩今年五月下浣爲孺人設輓之辰鑑昌予婿也丐予言爲母介壽孺人固辭曰未亡人何壽之有司寇文筆爲當代推重氏夫在日曾讀書郡南城之金明寺時公子閣學方十四歲亦借禪房靜攝公嘗過焉氏夫以近作就正得公點竄數篇每爲心折倘邀一言俾氏遵夫子遺命

延息撫孤梗概數年後鄉黨或有諒之者感且不
朽予不得以不文辭遂爲之序如右云

香樹齋文集

卷十四

七

雷母李太夫人八十壽序

我

皇上孝治天下奉養

慈闈竭誠盡敬凡所以親色笑仰意旨者以聖人
之德居天子之位而躬曾閔之行視史冊所書尊
養之至者爲加隆焉于時

天錫純嘏鈞鈐朗照光于四海自王公百爾達于
委巷莫不祇領天經感孚

聖化而我

皇上欽福集慶錫類推恩每當燕見廷紳聞有幼

香樹齋文集

卷十四

四

承母訓承志奉職往往嘉美賚予以示寵褒其有
親老乞養者率從所請俾遂烏私今年五月吾浙
學使副都御史貫一雷先生以太夫人春秋高任
滿上章懇

恩予假回籍侍養許之先是己巳歲先生乞假省

觀尋來吾浙視學奉

旨就近迎養明年恭遇

法駕南巡每蒙

召見天語垂問賜予便蕃先生有詩恭紀予時適

扈從南來目覩

恩榮感如身被至是復承

恩命行將待太夫人歸寧化學官子弟之受知先生者咸詣師傅請予文爲太夫人壽予不能文顧予與先生締交久稔太夫人懿行苦節殊悉是不得以不文辭太夫人本名家女歸贈公公家故貧授徒于外奉祖姑事尊章一身力作爨飪浣滌口不言勞訓先生兄弟嚴不假顏色先生既長太夫人爲擇名師時儀封張清端公撫閩講明正學遊訪郡縣之有志術者肄業鰲峯書院漳浦蔡文勤公以編修在籍敦請主院見先生奉母孝兄弟無

香樹齋文集

卷十四

五

間學有根柢獎激逾格太夫人聞之喜曰人非學無以爲人學無師無以爲學有師如此可無憂廢墜矣蓋關心在學問醇雜而功名之遲速境遇之通塞有不足以嬰其慮者以故先生得壹志力學底蘊日深志趣日遠予得交于文勤公且二十年矣雍正初文勤應

召來京偶論及鰲峯人才之盛文勤首舉先生名及先生以公車北上並示先生著述數種讀之粹然儒者言也後入翰林爲修後進禮相見如平生歡則文勤早爲介紹矣後同直

內廷數歲益服先生識力堅定恪守師訓見蔡元定如見紫陽也江浙爲人文淵藪先生秉節所至惟明經飭行敦厚風俗尊崇正學爲汲汲焉昔伊川嘗言其母侯夫人治家有法不嚴而整每食置明道兄弟于坐側食絮羹卽叱之曰幼求稱願長當何如與人爭忿雖直必責之曰患汝不能屈不患汝不能信觀太夫人所以訓其子者殆有符合者歟先生以養母歸里于其行也書此以應諸生之請焉是爲序

香樹齋文集

卷十四

六

高東軒相公詩文集序

仁者之言謫如也予于節相東軒高先生見之矣予自通籍後十餘年未識先生而癸丑甲寅間與西林相公同直禁籟每評隘時賢詩格稱先生得溫柔敦厚之旨又以他日論時賢人品復推先生曰高君器度吾輩不及也顧先生奉職南邦予官京師未嘗不心儀其人戊午秋予服闋還朝舟經淮陰時黃水漫溢先生率屬防險舍于河干予舟不得渡心甚悻見波濤洶湧中有乘小舟與波上下日將夕矣問兵弁乘舟溯洄者爲誰曰河香樹齋文集卷十四 七

帥高公也身率屬員奮力搶防者四十晝夜矣予爲斂容欽之須臾先生小舟傍予舟次訪予于舟中談移時不去予問水勢若何先生曰仰賴主上鴻釐日來漸平過此風信當無大患願少留待之因得窺見先生底蘊蓋得于天者厚而克養有道者耶先生亦鑿予曾次洒落不設城府謂相見恨晚將別先生北指執予手曰河干之會實天假之緣也自後問訊歲時勿絕先生每歲晏入朝公餘接席談諧同直諸公皆知我兩人以坦白相於非勢利交也令子立齋世講推山海關稅予

按事遼水相見卽勤拳如戚黨曰家嚴平日器重公故如是爾其略詳于予經進拙集中予視學畿輔先生總制直隸共事未數月予任滿還朝十六年予扈從

法駕南巡與先生同隨豹尾後月餘時召試兩江諸生命先生及予與總宰文端汪公閱卷同宿金山古利小樓下夜分剪燭校文且請予作詩紀其事先生甲乙試卷不爽絲黍所得士今爲名翰林者數人文端與予益服先生衡鑒之精壬申秋予違疾假歸先生聞予買舟南下遣弁來迎適香樹齋文集卷十四 六

先生被召飛帆北上遇予于瀛海天將明先生掖雙童立船唇過予舟慰問良久若不忍釋者又歲餘先生解組閑居閉閣思迥無異温潞兩公退居林下時也先生一生忠正勤慎上受

主知殊榮異數同朝健羨而先生退然若不勝衣接待僚友親睦宗族忠恕二字未嘗須臾離也說至有人忘恩及欲傾已者如道尋常事不畱芥蒂嗚呼宜其言之謫如也昨秋予以祝

釐入京過邦江立齋使刊先生集工竣以予與先生舊屬爲之序予不得辭因羅次訂交二十餘

年心跡綴于卷尾以復離使之請云

香樹齋文集

卷十四

十九

賦彙錄要序

揚雄曰能讀千賦即曉賦賦者古詩之餘也顧詩有六義後世以其名單行者惟賦權輿于屈宋兩漢繼音踵事大放厥辭至有十年始就一賦者唐以賦設科漸歸格律譬之詩屈宋為三百篇兩漢之賦即兩漢之詩也賦之有律即唐之五七言也千餘年間專門名家不可方物子雲去古未遠即有千賦之論况後來者耶詩有賦比興賦得其一而比事屬詞寫懷寄感則何嘗無比興焉

香樹齋文集

卷十四

二十

羣玉之府著述之大觀也我

皇上稽古右文經義詞章一時並重近奉

明旨制科命賦詩則賦亦宜急曉矣賦彙一書集

千百才人之心思以樹學人之標準舍是誠奚適

矣第卷帙繁多非有力者不能購亦非強記者不

能讀同里吳子翼心績學士也與其及門陳子應

雷考稽有素見十餘年來

皇上召試詞臣間以是書命題因于每賦之下箋

其旨要又于所錄篇中節其警妙或與題有發明

者詳為箋釋名曰賦彙錄要箋略梓行以公同好

吾鄉前輩中稱華隱竹垞兩先生爲博予束髮時請于華隱學何以博耶先生曰讀古人文就其篇中最勝處記之久乃會通後述于竹垞則笑曰華隱言是也世安有過目不遺一字者耶學賦者得是書而詳說之庶于子雲之論有券契者矣故樂爲之序以行

江西鄉試錄序

乾隆十有五年秋

皇上巡幸中州至于嵩山先期奏派扈從諸臣名臣陳羣與焉將治行禮臣以浙江江西湖北三省考官請旨復奉

命遣臣陳羣偕編修臣史貽謨典江西試事

陛辭之日

召見勤政殿

訓諭周詳體卹備至伏念臣學殖荒陋江右素稱

人文地十二年秋忝爲正考官方以精力未到懼有遺珠用深惴惴今又膺茲重任敢弗益加惕厲仰副

聖天子任使至意竊惟士之所以自致者文章其先資也而他日之功業學術亦于此見焉古之人讀書養氣作爲文章以明道爲主非有隨人附和趨風氣以冀幸一知者不獨平日爲文如是也卽應科目亦然唐韓愈應試陸贄爲考官以不貳過發題愈被放又三年贄仍爲考官題如舊愈錄前文不易一字竟入殼使當日者有一毫不敢自信

一毫趨風氣之念未必若是其確乎不可拔也今之爲文者其病有二一曰無定識一曰不善變二者若相反而受病處實相因也夫欲至于古人之地必當中有把握使自束髮受書研窮義理灼見聖賢精蘊而又博通經史一切淺近浮囂習氣不稍存于筆端制義則力追先正一切游移之見悉爲掃除必如是方有定識顧姿有高下之殊功有深淺之異于善之中又取其尤善者以爲觀型虛以受之謙以益之蓋學無止境也夫子以雄雉之詩美子路矣至終身誦之則曰何足以臧陳良楚香樹齋文集卷十四 五

產而北學中國此可爲善變者也無定識者庸也不善變者妄也妄則未有不庸臣故曰二者相反而實相因也不寧惟是今日之病文章受之他日之病政事受之學術又受之以無定識之人出而任事不問事之循理與否居下位則迎合大吏列通顯則迎合

上意究之大吏豈盡受其迎合者歟至我皇上之聰明睿知早已洞燭而輕其人矣人性之有剛柔剛柔復有善惡克之所以化其性之偏也不善變者任之果敢者將流于猛烈慈遜者將積

爲懦弱然則何以治之曰能自得師可矣或問周敦頤曰曷爲天下善曰師師也者俾人自易其惡自至于中者也自易其惡非善變者能之乎自至于中非有定識者能之乎士生今日當立賢無方之世科目一途尤士子進身一大關鍵得人實所係焉

皇上纘俊迪知求賢若渴臣前後兩典豫章試事俱于瀕行蒙

恩召見諄諄以此邦人才下詢歷數前賢雖其人已往而

香樹齋文集卷十四 五

聖心睠焉若有恨不同時之慕士生今日其有不發憤樹立以仰副

聖天子作人之盛心者必非人情臣資質魯鈍通籍三十餘年受

主恩深重思欲得士如史冊所稱者藉以塞責乃于諸生受病處愷切指陳書曰若藥勿瞋眩厥疾勿瘳臣願與諸生共勉之

家稼軒少司寇詩集序

詩以言志志之所在自然呈露如形聲之於影響不能自己者春秋列國名卿各賦詩見志唐節度使崔鉉年十五父執韓晉公滉命賦架上鷹雀應聲呈一絕滉大喜曰他日位當與我埒李公垂諸生時識者見其閔農詩驚歎曰此人後來必為宰相稼軒於乙丑登第後口占一律云深居拚乞過春殘墨漬青衫尙未乾曉日忽開三里霧輕舟竟上九重灘平生溫飽何求足他日聲名欲稱難更有舊交司戶在十分春色厚顏看後數日同諸生

香樹齋文集

卷十四

五

來謁問就中孰能詩稼軒退即取詩本就正予讀至是作即批云孝廉登上第無一毫自滿意他日享盛名都卿相詩其左券矣既奉

旨內廷行走稼軒與予同直觚稜每

御製詩成得手錄恭讀予愧衰鈍未能成誦稼軒

心手靈敏已默識神會矣自是詩境愈上而詩亦

日富予抱疾旋里兒子汝誠亦同直禁藥嘉辰勝

地隨

輦矢音與稼軒師資切劘無虛日辛巳冬予以祝

釐入 朝蒙 恩仍許 內直同事諸老宿頗稱

稼軒詩學精進予笑語諸老曰篠簜竹箭成材充貢見者皆曰是東南之美也予於其初萌時若蘗若蘆芽即指之曰是可為矢為幹也予固自知子言之不妄許人也抑予又觀於水源之深者流必長河源發崑崙凡九折而歸於海不知歷幾千里而後潤物至莫可以涯涘計今稼軒未五十遭際明盛出則皇華四牡名山巨浸供登涉而益神智者正不可測識入則濡染

天藻接鈞韶之響矚星斗之光視昔人所云讀萬

卷書行萬里路者殆又進焉甲申夏五稼軒督學

香樹齋文集

卷十四

五

吾浙周歷既遍少休息於武林學署予適至出二十年來所為詩二三冊愛其詩境清越奇拔固得江山之助居多亦真繹夙具乃致此耶因憶疇昔初遇時批答之語弁其卷為詩家公案云

三禮駢類序

峭雪屈子熟精三禮讀書之暇復取而分之釐爲十卷四十類依類屬對按律就班隨舉一二聯有文人學士經營慘憺而未得如志峭雪若先得其心所同然者萃其英華自成杼軸句各爲註依類組織使觀者燎若列眉復自爲例言將以行世客有問予曰峭雪之於三禮可謂勤矣如珠琲然累而貫也如製錦然華而章也大而朝廟倫敘小而人官物曲該而不煩典而不支其用亦廣矣如例言似專爲舉子業供採取者設也予曰不然凡人讀書有得發爲撰述期于有用用之所在必切近而易曉方可取益今

香樹齋文集

卷十四

序

聖天子文治日隆正經學昌明之會三禮一書集虎觀鴻儒遐稽博考呈請


睿覽指示然後成編顧身繁義蹟茅檐下士購閱良難邇年功令鄉會榜發特派大臣磨勘釋史僻書例有明禁經生爭捷所爲人懷盈尺者類從坊販時義選本採用以譌傳譌風行相尙叩厥由來茫無以應正如無根之水決滂汨沒卽欲望洋而歸其道無由得是編而證訂之其益爲何如耶峭

雪之意蓋有取爾也客領之曰先生言是也遂爲之序

香樹齋文集

卷十四

美



香樹齋文集卷十五

跋一

記注後序 雍正十一年



臣聞易曰財成天地之道輔相天地之宜以左右民書曰撫于五辰庶績其凝又曰天工人其代之帝王奉天出治舉凡一言一動莫不順時布德以盡財成輔相之能綿景運于無疆致昇平于有永者易書所稱其理有同揆者焉欽惟

皇上御極之十有一年德洋恩溥物阜民康海宇

又安雨暘時若嘉祥疊至而我

皇上治益求治安愈求安以善繼善述之心隆不顯丕承之業自敬

天尊

祖重道崇

師以至用人行政無不以一誠相感孚于以上通帝載下愜輿情臣等備員珥筆就一歲之中謹舉政事之大者言之

皇上孝思不匱齋居時享每申愾聞優見之忱復舉謁

陵典禮以展誠敬而于行幄之次頒

賜扈從年老大臣束帛有差沿途官吏有酒道清塵者恐勞民力戒勿踵行推錫類重農功也冬春雨雪稀少諭刑法衙門益加詳慎以志修省復命廷臣切實指陳直言無隱越數日而甘霖立沛此天人感應之明驗也

皇上軫念民瘼無微不燭江南被水州縣既施大賑三月復加大賑四十日又復緩征以紓物力而常熟等二十二縣華亭等六縣之貧民以及鹽場竈戶悉登祗席矣直隸之豐潤薊州寶坻圍田偶

香樹齋文集卷十五

二

因山漲被淹山東武城一邑運河開口即

飭督撫加意撫綏河南山東各免本年額徵四十萬甘肅年歲豐收仍全免正供以厚民生

諭直隸督臣急發社倉以濟民食浙江杭嘉湖三府收成稍歉既發帑賑恤復截留漕米且准其改折雲南之沅江普洱兩府條銀公件銀兩悉行蠲免南漕既經緩截其運丁應支月糧悉行賞給若此者或藏富于民或以公完公恩無弗遍慮無弗周也

皇上觀光揚烈無遠弗屆時則各省設書院于會

城歲發帑金以資膏火賞庶吉士教習優給廩餼以專肄業崇實學則取通曉性理之士羅俊又則開博學宏詞之科敷文德以廣旁求有如此者命大學士鄂爾泰經略北路軍營以振士氣土司之歸順者安插之外藩之歉收者賑濟之北路綠旗官兵則免追月餉以慰勞之番藏之急公趨事者厚加賞賚以獎勵之振武功而加綏輯有如此者至于慎重海塘及湖河諸務則石壩與引河並舉築范公堤以培鹽場之保障豫揀學習河務之員以備任使誠萬全之策也欽恤祥刑則有審定香樹齋文集卷十五 三

姦殺重輕之條分別監犯重輕之禁惟恐非齊有倫有要也戒各省致祭文廟不得因除荒減省重祀典也賜祭賢良祠大臣于其家眷頌德也憫世職之無嗣者命承襲之人移近坟墓以守宗祏念勲舊也殊批諭旨一書乃臣工密奏蒙皇上睿謨聖鑒指示周詳行之具有明效者彙集而刊刻之頒賜大臣以爲楷則著臣規所以廣訓迪也皆由我

皇上學懋淵衷緝熙宥密明道法合一之原發性宗一貫之旨日新盛德丕煥鴻猷維時萬善萃而協氣周三光敘而百昌遂瑞泉涌出于粵西引河自闢于江南蜀有麒麟之產閩呈慶雲之祥天下臣民歡呼鼓舞曰凡茲上瑞千百年而一覲者乃于今身親見之上天眷德申休命而集純禧固有不期然而然者也臣等謹拜手稽首颺言簡末以竊附抃舞之義云

香樹齋文集卷十五 四

御製平定準噶爾勒銘太學碑文恭跋

樹亘古未有之奇勲必當有亘古獨詣之鴻筆以紀盛昭美如周宣六月江漢諸詩漢之燕然勒銘唐之中興淮西諸碑皆一時文學之臣鋪敘功德猶令考古者奉為楷則有餘艷焉今者準夷平定之績溯其由來詳其顯末其向化之誠奏凱之速道里之遼遠運會之符合洵非周宣以來所可方駕捷書屢報朝紳詞客耆宿老究莫不抃舞踴躍含毫抽秘思欲雕績膚功以揚挖

聖天子馭遠德威幾于人懷盈尺及恭讀

香樹齋文集 卷十五 五

御製碑文禱皇醇古氣厚神超非斯文不足以紀斯績亦非斯績不足以當斯文良由我

皇上仁孝勇智醲郁漸被發為文章自然流露惟無窮遠之心故不溢無喜功之心故不伐因物以付適當其可千古謀臣敢士和親征伐各守方隅以逮羈縻防禦自謂調停無敵者至此靡勿屈伏若夫勵當官以有識毋明事後而闡幾先憫窮子之無知許滌昔非以保今是以

天地之量為量以

祖宗之心為心字裏行間肫然至教屬詞命意藹

若春和則又非思議讚歎所能罄其萬一者已臣陳羣養疴里居曾敬獻四言詩粗仿吉甫退之遺範今則足企崧岱自慚培塿目探星宿俯惡溝渠憶數載前曾敬繕

御製平定金川碑文一冊跋識以進茲復敬繕一通并効數言以志踴躍依戀之私謹拜手以跋

香樹齋文集 卷十五 六

恭錄

御製祈雨文敬跋

人君代天養民以誠格天偶遇水旱為民請命默契昭格古今同揆史稱桑林之禱立致大雨禎殷道尙質成湯自責僅列六事祀典備于成周春秋傳龍見而雩鄭康成謂旱亦修雩雩有二義一曰雩遠也遠為百穀求雨為常雩一曰雩音近吁吁嗟以求雨是為旱雩湯之禱以實不以文後世禮隆物備或專事祈禱精意未達則又無取焉周宣側身修行遇災而懼詩人美之孔子刪詩以憂旱香樹齋文集卷十五 七

皇上敬

八章列于大雅之正而又以六月之詩列于小雅之正其義深矣我

天勤民二十四年中無時或釋見于政事形于詩文時凜乾惕近而畿輔遠而薄海間遇水旱偏災外則多方賑恤內則恐懼修省所謂不聞亦式不諫亦入用能感召

天和躋斯民于仁壽今年夏京師旱上減膳步禱

親裁祈雨文二篇本蔡傳所謂稷以親言帝以尊

言集說所云自郊徂宮上下奠瘞莫不禋祀是也臣讀而恭繹之仰見

聖主視民疾苦若已推而納之虔恭惻怛不能自已之誠字裏行間自然流露吁嗟之義溢于音節之中視雲漢之詩更為懇摯宜乎

上帝百神鑒觀歆格旋沛甘霖以蘓民困 臣謹案

呂祖謙曰六月言功雲漢言心無是心安得有是功哉與孔子存詩之義自合是心也推而放之四海而準無遠邇之殊無今古之異西師告捷其不遠矣 臣又案雲漢八章維時 臣仍叔所作即後

香樹齋文集卷十五 八

世恭代之文也宣王之心仍叔能傳之耳

御製二篇共三百五十餘言非近臣史臣能贊一詞者 臣固舊史官讀而書之敬識如右庶幾竊附

仍叔之末云乾隆二十四年八月四日 臣錢陳羣

恭跋

恭跋

御製平定徇部告成太學碑文

臣謹案孔子稱舜禹也曰巍巍乎有天下而不與焉朱子釋之謂舜禹直是高所謂首出庶物故夫子稱其巍巍又舜之嘉禹曰汝惟不矜天下莫與汝爭能汝惟不伐天下莫與以爭功程子曰不矜不伐天地同量也恭讀

御製平定徇部告成太學碑文而歎先聖

後聖有同揆者矣二十年六月準噶爾平伊犁遂入版圖伊犁為四衛拉特會宗地定伊犁而準噶

爾全部皆在我宥

兩朝未竟之緒一舉而告成功其詳具見于

御製平準夷碑文恭繹詞後幅云昔時準夷日戰

夜征今也偃卧知樂人生曰匪準夷曰我臣僕自

今伊始安爾游牧爾耕爾長孫子數語

聖心仁愛其尙德止戈不勤遠略昭然若揭矣乃

上蒼眷顧默佑奇功突有阿逆借德肆狂二酋負

恩遠竄之事

一人奉若

天道簡將發兵名正言順討其罪而執之逆渠莫

知所措方逞其兇頑狐跳麋伏以冀倖免當是時

也竄者若天奪其魄愈窮愈遠討者若神導之前

愈躡愈深所至之地皆往代風教所未訖粵稽漢

武遣張騫持金馬至大宛求善馬宛王以漢絕遠

兵不能至卻之遣貳師攻郁城不下引還彼三孽

者師其隣境積習故智以抗師顏耳曉以順逆風

動響應二十三年秋布魯特哈薩克先後納款稱

臣阿逆顛仆遂伏冥誅明年下葉爾奇木哈什哈爾

諸大城庫車沙雅爾阿克蘇烏什和闐拔達山皆

三酋所持以息影稽誅者至是皆願為臣子効命

香樹齋文集卷十五

會擒二酋既伏其辜徇部悉平雖不曰為我朝

民者阿賊及大小兩和卓木也其可得乎臣於西

師 禡旗命將之始以迄今日蕩平偃武之日總

而論之仰見

聖度汪涵遠過于史冊所書者嚮使準夷部落不

率眾欵關無亟望

天朝持危戡亂之請則伊犁何由來歸伊犁歸矣

若非諸逆負恩速死及三氏之自取淪亡我

皇上方同仁一視何由至安耕牧者僅存守臣節

之都爾伯特也又何由使依古以來自安幽滯之

狗部得遂瞻雲就日之心耶故曰天也非人之所能爲也莫之爲而爲者也茲之謂矣惟是五載之中

皇上運獨斷炳先幾民無徵發之勞士有挾纊之感資糗芻于新附推心腹于初降策應援則遇危而安倡勇敢則勝衆以寡師承將令將稟

睿謨傳檄而定者數十城慕化而歸者萬餘里用能敬迓

天庥光揚

前烈慶周寰寓澤流無窮功至大而不有業極盛

香樹齋文集

卷十五

士

而不居于書傳所稱若合符節臣備員詞苑四十年矣生逢

聖世目覩

鴻猷敬綴數行于末非敢謂發明

至德于萬一聊以志拜手颺言之義云

恭跋

御製開惑論後

茫茫堪輿生民之數號萬由萬而億由億萬而至千萬萬億民依土以立八索九邱亦億萬里計天乃簡畀有德以爲之主故小德爲小君大德爲大君德至于聖聖至于至則凡有血氣者莫不尊親初無畛域遐邇之間隔也虞帝以之格苗周之方輿諸侯以國歸者八百以小國地方五十里度之得數萬里民之歸仁猶水就下天之眷德如市斯歸秦漢以還不務修德而勤遠略得不償失于是

香樹齋文集

卷十五

士

守在四夷之論出三代盛時未之前聞沿襲二千餘年儒生著書立說朝士鄭重決謀幾于各有師承矣世主有志闢土邊將有意圖功間亦視爲迂濶其後輒悔于是持論愈力牢不可破噫嘻是何足以知至聖之受命于天者哉

皇上下承

祖志仰契

天心申獨斷之謀振先幾之哲盈廷僉議守其稟
曰自謂老成屢經訓示如撥雲霧而見青天自
軍興以來五載之中機似危而就安事以變而獲
吉天實厭亂若假于大兵以殲此眾逆天實助
順又若潛驅此孽魄遊魂道我師以躡之然後納
降徇部凡此風行草偃之奇功皆漢室唐家所未
曾夢見者彼寬衣博帶之儒何足以與于斯臣恭
讀而繹思之粵稽史冊所載徵大宛之名駒致于
聞之良玉黷武損威迄無成緒以有欲故也我
皇上智勇天錫物來順應有三隙而不乘非利其
香樹齋文集卷十五 三
人民而歸者愈多非利其土田而附者益廣惟無
欲耳以
至聖之德居
共主之尊而又遇其時焉澤流寰宇慶溢生靈
生際昇平願與父老須臾無死仰見德化之成何
多幸焉

香樹齋文集卷十六

嘉興錢陳羣集齋

跋二

恭跋

御製行幸木蘭古今體詩冊後

臣自里門栖息七載寢興無日不依戀

闕廷每恭讀

御製詩文輒私心竊喜謂

皇上宵旰勤勞萬幾餘暇藻翰吟詠卽景以舒天

趣養志以樂天倫詩境愈高造詣愈上間嘗恭錄

香樹齋文集卷十六 一

呈覽不獨稍展欽服之忱亦藉以廣識見益

心志也今年秋

上幸木蘭臣日夜揣度西師將帥之臣屢稟

廟謨所向披靡逆酋授首應趁此期日夜禱祝于

邸報中偶見傳鈔

御製詩十數篇字句多有訛悞朗讀且不能安敢

謄繕進呈至孟冬之杪子汝誠扈從回京于

家音中寄

行在所錄元韻方可依義敬書至富德等追及兩

和卓木大勝徇軍捷音至作歌紀事詩云慶霄對

月方開筵將軍捷報驛騎傳璧囊展書歷歷閱額
手慶慰衷心憐捷報詩云除蔓斯之未底定可辭
畫策旰宵聞九日詩云近臣那易知有喜劇待佳
音正不聊驛章云迢迢萬里外機務親籌裁寧辭
午夜勞所期七德諧仰見

聖主敬

天恤士決機深宮萬里情形洞若觀火顧時不可
失雖狗衆全部歸化而逆酋一日未獻于

皇上遠奮天戈之本意未慰微臣犬馬依戀之心

願望日切至十一月望日恭錄冊子甫竣得聞大

香樹齋文集

卷十六

二

捷確音不覺狂喜既拜手濡毫爲頌復恭跋于敬

書

御製詩冊尾以誌白髮詞臣于家居之日得見

聖朝大業奇勳爲普天同慶志幸且致喜云

御製鈔鐘特磬二銘後跋

臣謹案聲音之道惟鐘與磬厥用爲大鐘器屬金

所以動物磬則主成條理始終合九成以言樂也

皇上德致中和功超前古奏地平天成之績于禮

明樂備之時謙冲益懋文德誕敷用是感天地通

鬼神敦和別宜各從其類蓋自和闐入我版圖夷

則之氣既通且順其明年鐘浮西江乃命磬師考

音中擊以鳴大成復

製銘二篇以識殊瑞其文嚴其義密所以敬

天尊

香樹齋文集

卷十六

三

祖保泰持盈不矜不伐之虛衷與虞廷干羽之舞

前後契合臣陳羣于上年十月奉

命仍直內廷因得盥讀今敬書屏幅與恭跋補雅

六篇同呈

睿覽且爲士大夫登斯樓者共瞻仰焉

御製補小雅笙詩後跋

皇上孝治天下本身徵民凡絲綸宣播示孝作忠雖遐陬委巷靡勿家喻戶曉又以詩本性情婉而善入其感人為最深小雅笙詩六篇毛氏謂有其義而遺其辭橫渠張氏非之曰既無詩安得有篇束皙所補音義淺薄豈足續雅列于學官

皇上因篇釋義即義垂勸首次兩篇相戒養親旨歸潔白三篇明時和歲豐惟勤乃殖末又致閔旱以自惕此與

睿製早勞吁嗟以祈之義相同由庚以下三篇音節自然苞含元氣在二南二雅中惟姬相吉甫庶

可方比誠能恭繹而率由之正人心敦倫紀厚風俗召天和其裨補于詩教豈淺鮮哉

香樹齋文集

卷十六

四

讀

跋

皇上登州雨樓與莊有恭聯句用石鼎體元韻并自漢栢梁賦詩一時食舉嘉會各陳所職聯句所由助也唐臣裴度白居易輩人製一聯成裘集腋至韓愈孟郊則互為屬對標奇引勝遂名其體愈又序石鼎聯句載于集間其詩詰曲奇弄不可方物世稱石鼎體未或有仿之者我

皇上學集大成知周萬物時巡所至僻郡偏州凡可供登眺者往往紆步小留覽民物之殷庶課時

香樹齋文集

卷十六

五

候之陰晴視古巡狩無非事者有默契焉郡治東南湖名鴛鴦樓署烟雨

上巡浙至杭必經之地前次登樓賦詩俱壽貞珉永為觀仰昨二月下浣來登茲樓淪茗之頃

御題新詩數首復 賜御書聯對湖光增煜乃

睿藻泉湧特召撫臣莊有恭聯句帆未移晷得詩二百餘言撫景寄懷即使軒轅道人侍側亦應屈伏豈韓孟劉侯所能比擬萬一有恭歷任封疆猶不以案牘遮眼露窘澀于口吻由其及第後即直內廷耳濡目染者久乃能是耶章成有恭既敬書

鐫石臣陳羣才藝窳拙忝爲舊供奉扈從有年奉
勅廣和詩什幾五六百首今
御製篇中賞及臣書恭繹之下慚感交集敬依元
韻以紀千載一時之遇云

香樹齋文集

卷十六

六

恭跋經進烟雨樓屏風後

嘉禾郡在蘇杭之間地勢平衍百川四會環繞襟
縈耕桑沃壤接引茗霽郡境惟平湖海鹽二邑濱
海枕山近治周遭殊少名迹可供眺聽茲樓在宋
室爲臣先世別墅峙南湖中央征帆經涉往往停
橈戾止用相娛慰十六年春

翠華幸浙臣忝扈從之末是日登樓賦詩一紀風
土斯樓何幸仰邀

天藻今者 盛典再舉父老額手欣瞻

雲日一人作觀萬類蒙麻真千載一時也

香樹齋文集

卷十六

七

恭跋經進烟雨樓屏風後

東南為財賦重地我

皇上敦本勸農恪守

家法稼穡艱難夙深宵

旰時巡所至絲毫不擾民間而問俗採風求民之

莫纖悉備至凡田家作苦水耨火耕以及採桑經

織纴繭焙茶諸載在婦子之經者莫不式法呈材

按圖課業元臣趙孟頫所製耕織圖二十四首狀

農事女紅庶為雅瞻敬錄一通以備乙覽或亦屏

書無逸幽風之義云爾

恭跋經進冊子後

臣素以東長生補笙詩未合古詩本義思欲補之

才薄未遑憶直內廷時得讀

御製古音深致從至性流出洵足扶輪正雅近見

功令以詩命題伏思詩教敦厚觀水必觀其瀾學

詩者誠能口誦心維久之可問途雅頌不落風雲

月露又久之即風雲月露亦見性情既敬書方幅

懸于烟雨樓中以備

乙覽復錄一通仰祈

訓示并誌欽服云

恭跋經進冊子後

右趙孟頫耕織圖詩乾隆二十二年

上第二次南巡臣恭跋書屏呈

覽者陳羣趨直臣禁禦有年凡遇臣巡典如臣盛

京臺麓多倫木蘭嵩岱凡

翠華所指臣輒隨豹尾之末親見

主上體恤民力敦本重農嘉禾實農桑沃郡樓為

諸省水路總會斯屏經

睿覽後遠近帆檣經過仰瞻者日不知凡幾臣供

奉舊臣栖息鄉曲宣揚

香樹齋文集卷十六

聖德實有本志乃蒙

皇上兩次示褒不勝感悚云

十

恭跋經 進文徵明畫朱子四時讀書樂圖

朱子四時讀書樂詩乃自寫其好學不倦深造自

得之致即孔子樂以忘憂境地讀此詩者皆謂引

掖後進俾知讀書中自有隨時取樂處臣竊以為

讀書之樂無貴賤一也說命曰惟學遜志又曰終

始典學厥修罔覺即樂也詩曰日就月將學有緝

熙於光明雖不專指讀書然稽古有獲未嘗不事

頌讀也伏見

皇上道備皇王學宗周孔好古敏求每

萬幾餘暇典學研思引經酌古隨事用中所謂樂

香樹齋文集卷十六

以天下非經生抱一束書得一知片解之為樂也

臣所藏文徵明畫朱子讀書詩意春夏秋冬各一

幅又手書朱子詩于後布景設色清雅絕塵在徵

明畫中尤不多得書亦瀟灑可愛又細玩朱子詩

中有援琴一奏來薰風句隱隱若見舜于絃誦間

者臣今敬以此卷上陳

睿覽豈紫陽當日亦夙有會于心歟

御批孫樵大明宮賦後跋

古今文章至唐而備蓋才人詮理垂誠詞不詭不足動目義不與不足傳久此篇全體莊騷托爲問答以見幽明一理究其鼻祖不外孔子積善之家必有餘慶數語而離奇變幻令讀者魄動膽寒所謂言者無罪聞者足戒者也我

皇上遜學時敏讀至斯賦卽心契唐虞成周之盛蓋既有都俞必有吁咈樵以一吁字結此篇千載後得邀

聖天子激賞孫樵知已亦萬世君道之極則也

香樹齋文集

卷十六

七

御製萬壽山昆明湖記恭跋

洪範曰聽曰聰聰作謀所謂謀者該成事而言惟聰乃斷耳昆明湖之濬滙諸泉而緒之使導我

皇上攷据精詳知泉脈深遠綽約微達出入就鮮萬折必束審其勢順其性俾其不縮不濫而功成之日徧與利濟視前制爲益備若非斷自

宸衷則因循觀望坐失事機夫豈少哉

皇上樂其成而轉憂出謀之難所以示訓者深矣

香樹齋文集

卷十六

七

御製麥莊橋記恭跋

玉泉山諸泉環護京師綿延分注通漕灌田土膏
脈潤誠扶輿靈長所毓我朝景運益昌而熾泉
派益盛而裕理固然也惟濬之使達引之使暢豬
之使浮源源混混各盈其科日進而不已者實我
皇上睿謨指示所致記中直溯泉之發源遠從太
行恒嶽由伏而見證之濟黃更爲相印而分合通
會條理脈絡燎如指掌

聖主軫念民生至計于南北兩河工程

親臨相度洞悉形勢告誡河臣不惜數百萬帑藏

香樹齋文集

卷十六

十四

鳩工集事年來漸致底定豈止首善之地言水利

者永奉

宸篇爲南車津筏云

御製湖心亭詩恭跋

昔人謂王右丞詩中有畫今讀

宸章五六一聯則詩中見易矣易之爲道洪纖悉
備鳶魚無心自呈至理隨意拈出自極其妙者也
御製放鶴亭詩恭跋

皇上鑑空衡平每作詩以一語爲千古定論者不
少頑仙未必及潛儒句能使呼吸喬松退居程朱
末席彼求仙佞佛者自然汗下如雨卽儒家開闢
錄千言萬語殊覺詞費

香樹齋文集

卷十六

十五

御製花門行後跋

臣謹案花門近回紇綿延數千里種類甚繁逆夷準噶爾恃強侵占積有歲年自我師討逆渠魁授首雜種効順如解倒懸

御製花門行蓋紀實也

聖心軫恤遠夷包含遍覆萬里番回皆我蒼赤矣臣又案杜甫畱花門云中原有驅除隱忍用此物蓋借其聲援以安唐室也國家

天庥滋至將使萬里回人全不版籍彼逆夷之殘暴若有導之為驅除地者同為詩史而甫處其衰

香樹齋文集

卷十六

六

今履其盛不啻霄壤云

御製飛來峯二歌後跋

乘志圖經法珠貝葉融作醍醐無漏義亦無止觀詩境廣大固若是爾

御製攝山栖霞寺用尹繼善沈德潛倡和韻恭跋
恭釋

睿製格律高老秀拔天成六章各具旨趣而蟬聯櫛比自然相承兼陶謝韋杜之勝至軫念南疆詳求民莫於登眺間猶咨傲若是庸作南熏古今一揆臣不作小楷已二十餘年矣近復稍稍為之藉以展依戀之忱於萬一耳

香樹齋文集

卷十六

七

御製題林逋詩帖真蹟用卷中蘇軾書和靖林處

士詩後韻恭跋

蘇軾曾讀韓退之山石詩至數十過不覺達旦亦無倦容曰自此詩境大進臣於風清月朗時讀御製題林逋詩帖詩其獲心怡情處殆勝於蘇之吟山石也至良史無三字下忽得峯色湖光皆實錄句愈奇愈妙至矣

御製觀采茶歌恭跋

臣按書曰先知稼穡之艱難乃逸則知小人之依以稼穡推之凡采茶刈麥拾棉剝棗事為小人所

依卽君子所悉

皇上巡方所至靡勿周知一經所司備貢真意頓減婦子勤劬作苦之狀未能畢獻此歌之所由作近奉

上諭吉亥籍田罷綵棚之飾藻火山龍與老農簑笠同此播種

聖天子勤民至意實亘古罕觀云

御製鄧尉香雪海歌疊舊作韻後跋

吾字韻詩臣曾奉 勅恭和者三

元韻各極其妙翠雲山房杏花盛開作歌志賞方

香樹齋文集

卷十六

六

之春雪爲杏花增價也兩度 巡吳一記江國花

神遲開待 幸一考訂志乘互異義不同而趣則

一和靖對此尙慚寒儉 內廷詞臣能無慙伏

敬跋恭書立春日雪 重華宮與詞臣聯句

詩

乾隆丙子正月五日未刻立春先春五刻得雪甚

廣考齊民要術言在春前者爲六出其驗爲有年

秋果大熟直省訖邊塞遠徼俱報有秋江浙數千

里豐稔尤盛

上是日對雪占年作詩紀瑞爰召閣臣泊內廷詞

臣集 重華宮聯句時應召者凡十六人人得句

四韻二

上層藻迅發珠璣盈手每更臣工二韻者再卽信筆成章按律諧聲以整以暇其始也如金聲之先衆音笙絲迭奏其成也如玉振之收萬籟律呂咸調臣工數用二臣道也

御製數九君道也如範之陳如丹之轉乘陽氣也

臣以樛材叨列侍從有年遇曲宴廢廳親炙

聖人之言久矣今以調理歸籍復見臣子汝誠得

列於矢音之末實爲幸事往時聯句詩成會

香樹齋文集

卷十六

十九

命詞臣恭錄鐫石臣手顛腕弱固不足以輝光令

典顧依戀情切遂不自揣敬繕一册恭呈

睿覽臣曷勝榮幸戰慄之至

香樹齋文集卷十七

嘉興錢陳羣集齋

跋三

跋孚于公感劉朝萊道丈命書道德經第六

十三章詩後

季弟界從秦中歸出先伯祖侍御公手蹟云得之華陰道士王某家朝萊其高曾輩也適公元孫載蒐採先集典玉有人遺章亦先後畢集公之靈也更屬後世孫曾其敬承之母爲道士所笑則幸甚幸甚

香樹齋文集卷十七

附公詩

德怨難易何以云規中一寸有二分冥心上下欣所托繇藁不剪尋斧斤世人慮患苦不早馳驅逐未嘗殷殷黃金散去寡俠士羊羹不來亡將軍少年結客豪氣許君不負人人負君所以猶龍尙元旨煇煇獨揭五千文五千文尙元旨能令闕里忝其髓華陰道士劉朝萊期余蹇筆爲傳此因言洞口多蒼蘚五丁開下傳河家織腰時抱玉女峯素懷欲結驚人理悲予形眈何深堅落落塵塵譽復毀行與道士歸休乎大小多寡渾無是

題朱觀察小照

乙卯初春余與先生同日拜

命自陳謝以至請

訓趨走楓宸者凡十餘日無不連車接軫遂于公餘得聆警欬每叩以所難輒應聲答與論治水築防備險河渠源流則津津如老農說田家事蓋經濟素裕不獨閱歷然已已而別去逮錫山相國移駐我浙以海昌爲海塘工程總會要地非老成諳練者未易董率諸務請先生來備斯職數月之內隄岸虹巨力齊事集浙西數百萬庶莫不感激

香樹齋文集卷十七

二

皇仁而深服相國爲能知人善任也余銜恤里居當塗諸君子非以暗問到門不敢接待而先生亦猝造外艱歸里都人士攀卧無由矧余舊好能無依戀昨先生屬吏沈君攜先生小影來展開之下如對面談循陔草木觸目興感杖杜由庚同時下淚更期先生爲國保攝他日重荷
恩眷花發春明當于尊齋拂拭笛簾剪燭話舊圖
中景物又爲故我而非今我矣

跋宋孝廉品金醒世格言卷後

宋子命錄此數語錄畢錢子復讀一過曰謂佛言與儒言理有相通者可也四施中論無畏施一則道理勘得極細卽涅槃以供養爲第二義之旨也無畏二字推廣言之勞來匡輔翼振德不外是矣心施是上三事之體尙須量力推暨功夫有實際若未與物接時心所存者如是一至臨事便生恹心或恹于財或恹于力猶得曰我心已施乎至必獲富貴之報一語止可爲下等人說法耳不特吾儒無此學問卽佛老家數亦不應有此着想

香樹齋文集

卷十七

三

語也孟子修其天爵而人爵從之從字中有俟之任之二義質之宋子以爲何如也

題淮海集後

淮海先生直聲介節義不苟容讀其詩文潔淨秀拔殆如其人熙寧元豐間舒王高自期許不妄心折時賢一見東坡薦先生書口誦心摹恨相見晚後王燕而稱先生詩文者則有文潛張氏居節呂氏和叔邢氏晦菴朱子魯直黃氏陳后山論其歌詞當在東坡上方其遭僉王詬厲至遠竄遐荒首罹黨禍既而其文已逸浮議雲散皎月朗然其同輩後進交相推重如出一口豈非先生之文與行有不可澌滅者耶淮海集雕本先後凡四家儀真

香樹齋文集

卷十七

四

黃中丞刻于山東高郵張牧刻于鄂州胡君民表刻于高郵尋燬于火最後李君之藻蒼萃諸本編次成書至今流傳坊間而卷帙互異篇數多不詮

整此本爲先生手訂書自敘云十卷本傳云四十卷今分爲四十六卷蓋北宋官本卽雪洲黃氏所稱監本最善惜歲久漫漶者也是書墨痕紙色晶瑩奪目其爲初搨無疑先生二十六世孫味經侍郎與余同事西曹因得拜讀自宋閔今七百年來名臣學士子孫式微者不可屈指乃先生垂裕後昆卽九龍一支儒林蔚起代有傳人正直是與何

獨厚耶

香樹齋文集 卷十七

五

題味經窩圖

同官樹峯秦先生出味經軒圖索題蓋其未遇時讀書處也秦氏自淮海公子處度公倅常州沒而葬公子無錫十二世祖修敬公建碧山吟社一時耆英碩彥裙屐相萃邑人慕而師之風詩稱盛厥後有以孝行著者有以顯職敷歷中外者至先生祖若父為名翰林先生之于經術可謂世其家者矣曾訂同志四五人治經于家園之側而顏之曰味經軒以屬予題予嘗謂經學自漢唐來箋注紛拏日增日夥觀者盱眙而不得涯涘往往耳備目

香樹齋文集 卷十七

六

儻墨守以自銅汨其少知自異者又或私小智過矜其一得以與前人牴牾究其蔽在于但知說經而不知味經味則能取其精說弗第紛紜膠轕于傳注而已語曰六經之文布帛菽粟布帛言其質也菽粟言其味也其味之正味之醇五味之所劑而百味之所由以出固非鹵莽滅裂之可望而大嚼而又嗜奇甘異者之所漫嘗焉而不能取饜者也善治經者平志易慮時與澹泊相邁若疑若怯日浸月灌稍與意會飴醲咀嚼彈據精脉蘊藏大陳左挹右酌于是陶焉泳焉淫焉泆焉縱飮而猶

未已迨乎背盜體胖油油吐納萬族喁喁以望哺
飼灑其餘瀝醉飽一世味之時義大矣哉覽斯圖
者可以得治經之方矣與樹峯同學者惟龔君燦
早世蔡君德晉吳君魏洎先生同受江陰楊公知
薦爲國子助教龔弟鼎又以經學應詔授司業同
被

恩命者四人而無錫居其二味經之食報抑何偉
也宋中葉間孫復石介李遵讀書泰山後皆以經
術行誼名世史冊艷之今味經軒中人物炳燦與
孫石諸君前後映耀則秦氏之園卽今日之徂徠

香樹齋文集 卷十七

七

峯投書澗矣

跋從姪益翁自述行狀

從姪益翁觀察幼承庭訓家貧力學未弱冠遊京
師諸老蒼咸奇其才尤愛其詩比之杜牧之李玉
溪屢困場屋以乙科出仕歷官中外所至多善政
方苗疆用兵軍需旁午益翁時以監司親簡軍實
招攜撫順一切善後事宜制府經略咨商未決者
益翁皆豫爲擘畫每一論出衆皆歎服行之亦輒
效尋以老乞休里居將十年閉門課子家事一切
不問每朔望嘗自誦曰親志未酬

香樹齋文集 卷十七

八

呼號牀第間益翁來郡畱信宿見其精力日衰屬
令善自調攝答曰吾亦知之故來相別耳吾一生
文章事業無可垂世惟不欺二字持之終身今年
秋自換行狀一卷付璫見存之恐後人不知踵事
溢美則失姪真面目矣予與益翁誼分至厚知益
翁最深其事吾兄嫂至孝嫂俞太恭人寢疾凡二
百餘日日需參苓益翁取辦奉入不給則謀諸質
庫至通負日積終不使母知之部務殷繁至夜分
未寢見家人侍疾勞瘁益翁衣不解帶未嘗有倦
容其居官不名一錢每遇公事嘗身任不辭其訓

迺屬吏愷切詳明爲所成就甚衆去官之日囊無餘財而其自誦若此殆深見忠孝道理至大非口舌鳴謙者比也與益翁別未三月而訃音至因力疾詣之篋中惟古圖章數十親知尺牘佳者數卷質券數十紙及自敘行狀稿一卷而已司馬長卿作自敘傳則雖史遷之才不能易一字也淵明有自祭文古來達者類如是耳孤子璲昏憤骨立請遵治命付梓余爲跋之如左

跋趙文山太守詩後

往余與文山太守于役關中公餘論詩文山每以尋章摘句爲失古詩人本旨謂詩言志心之所之有不能已于言者而山川草木目之所接耳之所遇適有會于吾心自然呈露爲聲詩所會不同而要歸于溫柔敦厚則一也別文山還京師聞取李杜諸家詩讀之未嘗不取文山之言流連往復若有默契焉者誠有味乎其言之也昨遊吳門文山出近著十數首示予詩雖不多而觸境明志若有意若無意一開吟閒詠間其矚然不滓與物無忤皆從閱歷體認得來一讀之偏強聲牙不可以音節繩墨求之者再讀之得其命意之所存未嘗不中矩矧也

張瓜圃墓誌後跋

邑有善士樂道之以風示末俗故善不在大人
行人人善也漢昭烈帝有云勿以善小而不爲勿
以惡小而爲之彼不爲小善者始于疎成于吝終
于忍以善小爲不足爲卽以惡小爲不妨爲之人
也吾友瓜田逸史張君與予綽有同志其所取于
人者往往從根本上看人于所易忽處或矚然不
滓或惕然動心以孤行其仁義者伯夷由之以爲
清柳下惠由之以爲和苟非聖人亟稱之亦烏觀
所謂百世師耶瓜田弟子張燕昌因瓜田得見于
香樹齋文集卷十七 七

予出其所爲思親詩九章蓼莪遺響也一日袖瓜
田爲其父瓜圃張子墓誌銘述瓜圃一二事蓋闡
然自修士也瓜田不妄許可人遂題其後以示燕
昌且使瓜田于地下聞之必輒然一笑喜鄉曲間
彰善之尙有人在也

跋徐在川公代草請蜀南漕疏稿後

曩余讀嚴文靖傳見其直陳南省被倭情形力請
蠲免以甦民命一事心甚韙之以未見全疏爲恨
今年春都轉徐君示其七世祖在川公代艸請蜀
南漕疏手跡并諸名公題識始知此疏爲在川公
所艸始言國恩之稠疊中言被寇郡縣之瘡痍末
言調兵善後之便宜委曲詳盡悱惻動人宜乎朝
投匭而夕報可起東南溝中之瘠數千百萬功何
偉也嚴文靖之流芳史冊在川公之慶詒奕世此
福善之理必有然者揆之當日兩公朋友交契實
香樹齋文集卷十七 七

主相對蒿日時艱初無見德桑梓之念又安計及
于食報之若是耶余每觀正人君子身處局外其
言有可以格君澤民者不能自達必藉身行其事
者始能起而行之然其中有遇不遇焉程正叔爲
富鄭公艸山陵制度一疏愆患再四終不得上致
正叔請絕以歸以鄭公之賢猶臨事不果至于如
此在川公之疏稿得行于當日抑何幸耶聞其方
屬稿時在川公代爲卜之曰吉文靖意遂決噫是
說也謂在川公待友之誠可也謂文靖未免猶豫
假卜以堅其志則不可也退之詩云當食不能下

有如魚中鈎文靖未必無是心也余是以跋疏稿而及正叔遺事使嚴徐兩姓子孫讀之知先人交契之誠不可漸滅且使當局建言者知爲民請命亦顧其情之實與不實耳毋以利害榮辱介于當幾則得矣

跋田京傳後

陳羣曰盡信書則不如無書田氏分居荆樹憔悴復合益加友愛荆樹重榮此可信者也乃始以一株斫而爲三之語則傳者之過每見近代多有弟兄不睦者亦未聞有斫樹之事田眞賢者而出此

香樹齋文集

卷十七

三

耶總之弟兄本屬一體無分爾我明乎此同居可也分居可也荆樹榮不明乎此不惟分居之家閨墻致侮卽同處一室之中而戾氣招尤荆雖微物能無感乎物理人情古今可驗因錄其事而跋之以告力行孝弟者

跋同年何淵若詩稿後

淵若西曹旣成進士益肆力于古其詩宗漢魏得其神余同年中以詩自豪者不少骨體峯立與會霞舉未有如淵若也此冊乃其仲氏廣菴吏部所錄和退之秋懷詩其八章云太平身未老如何山中眠九章云十年學一劍拂月霜花明爾亦徒區區君子抱素誠想見慷慨從戎本志至四章西望太華峯鷹隼沒高稜此又不得生入玉門之先物矣余嘗過湯陰讀葉忠節之官武昌時謁武穆祠詩有碧血淬芙蓉之句已兆數年後城守捐軀事蓋風人深致可以前知不獨淵若然也淵若性恬淡吟咏而外無他嗜好軍行時攜所著詩數卷與身俱沒于陣白骨黃沙自有神物呵護當不在區區後世名也東坡懷子由詩云歸來寫遺音猶勝人間曲其吏部錄詩而屬余跋之意乎拭泪讀之並綴數語以當楚些

香樹齋文集

卷十七

四

自跋所錄忠孝故實冊子後

陳羣自幼輒愛執筆多錄古忠孝友弟事至廢寢食客有問余曰君書何如松雪華亭余曰不及也曰然則流傳修短何如余曰過之請聞焉曰兩公所書多風雲月露及內典諸經余惟以樂道人善自勗且以勉人世有感者雖數世子孫守之矣不亦遠乎

跋張大中墨蹟

南渡後以善書聞者張樛寮字伯嘉兩家樛寮名更顯金人特重之每貢使至輒付金餅數百枚曰香樹齋文集卷十七 五 但得張卽之書與之後來富商大賈家多藏其書謂能辟火其書多內典誥身此卷爲伯嘉書墓誌及銘正如中郎爲郭有道陳文範作碑以全力赴之也

跋沈恭靖公玉陽山居

余素慕茗溪山水戊午夏訪殿學孝廉于竹墩擬訂同遊會雨甚未果釋旃明經出其六世祖恭靖公玉陽山居圖示余圖爲包山陸治所作香光眉公皆有跋記香光與恭靖叔子大司空襄敏公同年友善歸田後襄敏弟姪復續舊盟白蘋紅蓼烟艇茶鑪家令風流于茲繼響百年以來物換星移求所謂山雨開樽沙沉畱榻者雖不能至庶幾于斯圖遇之宜沈氏珍爲世寶也沈氏自恭靖公後名臣輩出或起家詞苑或有聲黃散海內目竹墩香樹齋文集卷十七 六 爲烏衣巷淳于有云求柴胡桔梗于菹澤累世不得一焉問之膏黍梁甫之陰則揭車以載此固積累所至或亦山水靈奇有默爲扶助者耶

又

此冊爲董宗伯晚年書蒼老秀潔直入顏平原之室余借觀數日不忍釋去遂畱篋中每公餘展玩稍悟筆法收攝處沈明經以祖澤所存寓書來索數四復跋其尾歐陽通觀索靖碑至布席數日始得去名蹟移情古今同調也

汪松泉尙書所書學記卷跋

松泉宮傳書法擅名當代各體俱有師授而楷則尤精雖侍直扈從猶不廢臨仿每出所書示同官觀者咸驚歎不已先生若未滿志者然學然後知不足先生殆深於學者已一日謂余曰余於書可謂勤矣顧自弱冠至今骨骼結撰自覺無大異曩昔處學問與年俱進藝道一耳余書輒否奈何余曰不然先生初書卽能規摩唐法前後本無殊軌所謂千古不易者是也至其精神愈老愈足愈深愈秀則有目者共睹也此卷乃先生執事棘闈試香樹齋文集卷十七 七

卷未呈時聚奎堂中所書勒之貞珉與虞褚諸人應詔書十三經同列石渠真堪於伯仲之間見伊呂矣

跋昌黎石鼓歌後

客有問余曰昌黎此詩爲唐以後才人所師法其最勝處可得聞歟予應之曰孔子西行二句一篇喫緊處也若無此二句則石鼓出落處未明且後人疑上陋儒二句安知孔子非其人耶作詩人不具此節制作不得詩客大喜當下似有領會又曰如此大篇末句似少意味則應之曰予自二十歲至今每孤燈獨坐或與諸子談論古詩至此必跪誦數十過至有笑予入魔障者汝能如予便得之矣客嘿然去遂跋於卷尾云

香樹齋文集卷十七

六

跋趙松雪衛生歌後

前輩言松雪書小楷以汲黯傳爲第一行楷以衛生歌爲第一文衡山年將八十以百金購得汲長孺傳內缺十一行衡山素慕趙字乃閉戶臨仿數日覓宋牋爲補之其後跋云下筆時汗下如雨末云因書以識吾愧予先得汲黯傳汪松泉尙書聞之請借一月至期手奉以還則已臨撫三過矣昨年冬又見此冊以田五晦易之老妻聞之大笑謂曰吾家百餘口所倚以供饋粥者僅倍于顏氏郭內外田耳趙書固佳其何以繼予曰是值不及汲香樹齋文集卷十七 九

黯傳三之一也何曉曉爲耶雨臆偶仿殊不如志藉以消遣長夏

松泉香樹合書手卷跋

宗盛甥從松泉官傳次子受時得官傳手書李太白詩乃仿松雪筆法天矯飛動不可方物乞余題識昔元微之白樂天齊名長慶間互相推引不特吟詠倚聲倡和卽文字題識亦往往連署姓氏宋文同畫竹招提屬主僧曰倘得東坡題之不虛此畫矣鮮于伯機作書輒虛左以待松雪至今收藏家多有兩公合作卷子予與松泉同學友善雍正間館中以元白方比復同直 內廷共事班聯又非與可東坡偶然會合同日語也爲錄東坡長詩香樹齋文集卷十七 十

續之李蘇兩仙得無許我耶

跋尹望山節相紀

恩詩

官保天資敏達濟以問學與人寬厚而律已甚嚴服官四十餘年秉節鉞轄文武者不下萬里先生和光善氣設誠以待無遐邇疎戚久而彌亮今年清和七十初度先期聞僚屬有製錦稱觴之舉先生固辭寓書於大中丞托公曰同官相知切近而氣分相洽者無出公右拜受一言如古人祝嘏之意所獲多矣勤拳婉轉約數百言並另鈔付所屬知之陳羣從次兒汝恭處寄稿讀之曰是可為久

香樹齋文集

卷十七

三

任封疆身都將相者法也又月餘得讀先生紀

恩詩十六章載遭際書感激雖房杜韓范不是過也陳羣與先生同館相交五十年如一日拙詩固不足傳世然不能作諛詞前後兩集至五六千首懶慢輒多遺失付梓者四千餘首中惟先生再任兩江制軍時贈詩二首而已年來

予告歸里里近先生字下得數相見又迎

鑾扈從奉命賡歌共事吟咏先生於理公之暇投贈詩篇連章累牘了無倦色甚者促迫能事曾容我吳江道

中又兒子汝誠差竣北上先生敦執友之誼贈以詩以識引掖遣弁馳至奔牛界上適和牛字韻汝誠方推敲未就即綴筆成詩云喜報詩筒看走馬恰傳官驛過奔牛句先生得詩甚喜曰是可為犁牛增色矣苟非親厚之至何嘲謔談諧乃爾耶昨先生既奉

旨入都叠受

殊恩尤為史冊罕覩陳羣方作詩相慶即用紀

恩詩韻敘舊言情有非尋常交照所能方比者中間規勉屬望蒸民詩有云仲山甫永懷以慰其心

香樹齋文集

卷十七

三

庶幾附雅人之致云

香樹齋文集卷十八

嘉興錢陳羣集齋

跋四

題汪松泉尚書仿松雪題耕織詩卷

松泉太宰楷法師承黃庭麻姑壇記二十年來承校秘殿墨寶輒為摹仿至廢寢食無倦意嘗謂予曰趙文敏端書直接二王其于顏平原蘓玉局黃涪翁米襄陽蔡忠惠及董華亭晚年書若臨濟雲門仰山同是曹源一滴水耳聞者以為知言此卷仿松雪題耕織圖詩端莊韶秀出于自然洵當香樹齋文集卷十八 一

代第一家數先生次子承需屬予題識卷尾有道

園虞氏跋道園去松雪最近而推重若此松雪真蹟世人不得見見先生書如見奎章鴻寶予又何多幸焉

跋汪松泉楷書千字文卷

松泉先生手書千字文十餘年來京師粵中皆有石刻後進能講求筆法者每得一本奉為枕秘余南歸時先生長君承沆餉余數本攜歸輒從族黨丐去最後存一本則曰是當畱置几硯或一展玩好事者屢求不與乃踞請數四憐其意而與之謂曰余昔見米敷文自題橫卷云圖成有人求之不得長跼者再許之兼贈以詞有折腰原為米句今殆類是耶因承沆弟承需篋中所藏一本遒勁而不孤和適而能厲殆如其人余欲畱之需有難色

香樹齋文集卷十八 二

遂跋以付

題趙生登明所藏拙書卷尾

予于壬申八月出都凡敗笥中所存皆予平時隨意臨仿遣興者門生故吏多乞得一二志別笑曰是不足珍或存以見意其任取之瀕行時亦不自收拾昨見晒書籍尚畱數種此卷為登明所有既付裝池遂不忍棄擲徹帚千金之謂可當一噓也

題元配俞淑人幀首

淑人以康熙甲午年十一月十一日卒于京師時
兩大人在籍念淑人逮事數載克盡婦道悲悼不
已而黨戚姑嫜輩每歲時過從亦思念淑人不衰
太夫人憫婦之脆促恐音容失傳迺援筆圖之見
者咸垂涕謂再見淑人矣憶羣自結禱以至歎逝
八九年中飢驅顛狼更何暇日延致畫師爲淑人
圖像耶荷一慈母之德俾後世子孫有所瞻仰今
閱二十餘年神色清明如初者筆淑人其式憑之
矣通籍後屢沐

香樹齋文集

卷十八

三

覃恩而象服由舊重 母澤志初衣也至淑人孝
行令德詳家傳墓誌中茲不具綴云

華亭大司農王公手錄經進詩冊副本跋

華亭人司農儼齋先生在康熙朝以文章著作推
重當代 朝廷有大典故先生文出衆望翕然我
聖祖初視南河指授方畧俯允輿情巡省江浙先
生時官司歌咏 盛典經 進之作此冊乃副
本也令子光麓觀察藏箝篋中歲久蟲蝕漫漶而
筆力端楷內含婀娜一種精神姿態不失絲黍間
有一二字缺失處屬羣依義補出先生大書行草
絕類襄陽人多得而珍之獨小楷流傳人間甚少
此光麓劖石發鐫本旨昔文待詔爲趙承旨補所
香樹齋文集

卷十八

四

書汲黯傳數行跋云漫以己意足之深自慚慙羣
于此冊亦然至頌序所鋪述諸善政皆古盛帝明
王繼天立極之大本後五十餘年恭遇我

皇上親奉

慈寧周巡河嶽詣闕里至于岱至于嵩幸江浙渡
錢塘瞻禹穴德施普被視史冊所垂爲加隆焉陳
羣年逾七十生逢光天化日之中日睹善繼善述
之盛憶爲諸生時祖父攜手仰見 雲日服官四
十年得隨豹尾後親見羣黎飫德歡怵其幸爲何
如耶光麓讀予跋爲之額手

題齊雙瀾廣文述先志碑後

雙瀾同年既奉尊甫弱翁先生遺命述其母太夫
人生前淑範而樹碑于家廟復懼父蹟湮墜又作
先德傳以志不忘於戲可謂孝矣夫孝者天之經
地之義不可紀極而愛敬足以盡之王偉元痛父
之沒攀樹悲號樹爲之枯愛之至也柳子厚撰先
友碑以記父執敬之屬也兼之者廬陵瀧岡阡表
是已其實愛敬無二理也雙瀾成進士後作令南
國有惠政尋改補撫寧教諭余以視學巡行東輔
者數矣撫人士澆淳不一雙瀾身體力行集諸生
香樹齋文集卷十八 五

講經會課無虛日數年士習爲之一變而文風亦
變乎日上余用是深爲嘉許今讀先傳知家訓
有自也東廣微補白華之末章云堂堂處子無營
無欲鮮侔晨葩莫之點辱言孝子潔白未有不本
于守身者親存親沒終始惟一然後可言潔白可
言愛敬余願與雙瀾共勉之

跋曉巢憶小園詩後

紫鳳天吳少陵有北征之什孤松藜藿淵明有歸
去之詞况夫樊重之在南陽王根之盛西漢無不
綠墀青瑣居然連闔洞房陸機則兄弟同居韓康
則甥舅不別才誇連璧羣稱覽舉之名里號鳴珂
盡是封胡之選自一行而作吏輒千里其相違方
心跡于黃門閑居未賦續風騷于開府小園可懷
如夢如癡雜家人之言笑某邱某水記童子之釣
游悟一龍與一蛇詩傳曼倩比刻鵠與畫虎書似
伏波僕本恨人感南音于一日君真放士類越客
香樹齋文集卷十八 六

之三年結歸思于空簾今日滹沱河畔期幽珍于
毫素他時書畫船邊意不盡言歌以見志對鄜州
之新月七步初成托洞庭之始波雙魚將去

跋曹奕汪畫冊後

曹子奕汪居翰林十餘年淡泊寡營不干世譽每
倨直之暇焚香讀書垂簾靜坐聲韻清遠一日閱
至司空表聖詩茶具添詩句天清營道心只留鶴
一隻此外是空林愛其寫境閑曠無一點塵俗氣
因屬善繪者即詩成圖置身其間以寓本志夫宇
宙之大化機流動活潑潑地水流花開鳶飛魚躍
在在與人以至足之趣味此者當境猶河漢也然
有意迎之境相牽焉未免拘執凝滯其能即于憺
忘乎昔人評王右丞詩中有畫謂其恬適自然會
香樹齋文集 卷十八 七

跋李龍眠畫卷

同年徐君咸一讀書稽古雅好翰墨于名蹟賞鑒
尤有深契昨來京師于市中得白描人物畫一卷
脫落破壞中無款識後亦無跋惟題簽則有李龍
眠白描晉二十四友圖真蹟十三字質之賞鑒家
謂晉代衣冠奕奕皆有生致真舊物也曾見王百
谷題龍眠維摩演教圖云白描畫易纖弱柔媚最
難道勁高逸今觀此卷如屈鐵絲又江村銷夏錄
載龍眠洛神賦卷白描作廿五段今觀此圖亦寫
七段又龍眠蓮社圖赤壁圖番王禮佛圖俱不書
香樹齋文集 卷十八 八

心不遠也司空氏此詩未嘗規撫右丞而流韻傳
意若相脗合曹子取之蓋深于詩者矣又司空氏
詩品有云過之匪深即之愈稀脫有形似握手已
違是又未可于詩中得之亦未可于詩外求之也

歎識與此正相脗合至名人題識流傳既久定為
人所攫去而畫以淳古淡泊獨存徐君欲得舊跋
以綴于後余以為惟無款識題跋故信為非後人
贗作特書數語以正之

跋先侍御公遺疏

羣幼時每日課畢先王父中議公輒召講論傳紀中事一日論逆璫魏忠賢勢焰楊左諸君子先後被戮至茶棚酒肆皆其私人道路以目無敢言時事者因問曰先侍御公又何以獨免且旣劾忠賢又劾圖南若行所無事耶先王父曰善哉問也予于昆弟中最幼侍御公長予三十餘歲抗疏時予尙孩穉不及記憶蒼頭徐某者事公最久知上疏始末言公屬草時初列二十餘罪後芟至十大罪大指株連多人及詞涉椒房掖庭者悉汰去嘗獨

香樹齋文集

卷十八

九

處一室室中掘地數尺甃以瓦藏疏稿其中置榻于上每夜分取出改竄如是者歲餘始成先是有舊館人以急難告公傾篋中金救之又以五喪未葬告公復飲之館人感焉乃令變姓名爲某傭賃居京城鑿地營室可容一榻疏入卽入隧室忠賢大索不得後見思陵旨則曰竊儒何能爲耶怒稍解數日忠賢被逮羣所聞于先王父者若此公爲先奉常海石公曾孫先王父同祖兄也公元孫載屬羣手錄遺疏因識于尾使後之讀者知士君子側目權奸非操心危而慮患深若此當必無所成

就而弄權罔上樹黨援私如忠賢者幾于舉袂如雲散唾如雨矣一書生奮厲忠憤立見瓦解駢首無詞者邪不勝正理固然也文丞相正氣歌有云皇路當清夷舍和吐明庭時窮節乃見一一垂丹青由前之言則爲臯謨爲伊訓由後之言則爲楊左爲侍御氣有常變守正則同幸而身際昌時值不竭忠抒誠以裨補國是者亦獨何哉亦獨何哉

宋貞女詩集跋

香樹齋文集

卷十八

十

舟泊吳門以秋暑畏煩一二舊游未能趨晤程明經訥菴與余有中表之誼乃延至舟中一晤訊及貞女宋景術守貞事訥菴念其亡兒樹潛然泪下復自家取篋出貞女撰著數種相示且請爲文以傳之余雖不能文而著苦節闢奇行必依實蹟紀之以風世勵俗使余文賴以不朽又何辭焉李習之高懸女碑云天下女子聞之莫不欲妹妹之行在其身也請以此本付梓人敬諸闈內激勸盡倫不獨在一女子也

集思齋跋

雍正七年六月羣奉

命衡文楚南星言載道于役者將浹月抵長沙館于斯齋者復旬餘始得入闈時火流薦爽金風初動雖無鬪史花木羅列之勝而外喧不擾內念常清長晝則惟聞魚鑰風傳靜夜則惟聽蛩吟階際一物不交之際時所自省者惟思而已凜聖諭之諄切則肅然思如何之遵循始免隕越也膺衡鑒之重大則矍然思如何之盡職始能報稱也記庭訓于疇昔恐勿克負荷則思睽 慈顏于香樹齋文集卷十八 士

族孫載請地贈其祖父母及父母例贈封典

屬子書之并識於尾

禎初五世祖明給事中贈太常卿薇高祖與映明萬歷孝廉博學通經著有詩書諸解康熙間采入御纂傳說曾祖周明內閣辦事中書祖嘉微明崇禎初以貢生首劾魏忠賢十大罪直聲動天下除知松溪縣事父泮崇禎丙子舉人陳羣與禎初為從兄弟明諸生應科目數次不售遂棄去肆力于古畱意經濟嘉興秀水嘉善三縣互嵌田自明萬歷中以糧額不均糾紛不已兄推原始卒由攤派

香樹齋文集卷十八

士

未均所致著萬言推勘詞旨明晰當塗頗採之詳竹垞朱氏彙尊狀兄不應科目猶時撰經義組織典實文幅有長至二千餘字者每積至十數篇則買舟訪陳羣于家塾謂曰吾郡中無識吾文者度汝好學當解之時陳羣年十四為之節分句解凡所使諸子百家略為指釋兄狂喜剪燭譚說至夜分或達旦乃辭去作詩見遺有連蜷雌霓多勞績歸去應酬滿架書之句次子國學生炘性倜儻不羈從竹垞朱氏遊有年曝書亭集成炘為編次載生甫週嫡母朱實撫育之如已出稍長訓勉有方

先太夫人陳最愛之命受業于羣間以課餘復親教以繪事數歲學將成命授誠兒經誠官編修數年載始成翰林歷遷庶子恭遇聖母七旬萬壽覃恩例贈其父母復以本身及妻室馳贈其祖父母感激榮幸乞陳羣手書副本一并識其後

香樹齋文集

卷十八

七

室
聖母
平
以餘事

敬書國俗輯紀恭跋

臣陳羣謹按

御製盛京賦追溯

列祖創業垂統原發跡之隆述詒謀之遠山川之深厚風俗之敦龐數千餘言考据精博氣體喬皇其於風也爲七月其於雅也爲生民眞書契以來第一文字乙丑之冬又賦冰嬉以紀國俗繪景傳聲古茂典則寓農隙講武之義於由章遵古之中洵非班楊枚馬諸臣所能彷彿萬一臣僂直禁籟仰見

香樹齋文集

卷十八

西

幾餘信紙不加點竄移晷而成既壽梨棗永煥日星今歲首春二日錫宴廷臣復以冰嬉命題聯句臣既恭錄新篇讀至

御製有瞥眼東風十九年之句因憶十年冬奉

勅廷臣同作者數人臣陳羣與焉今雖衰老栖息

里門猶屢荷

殊恩臣父子得與賡颺之列不揣拙俗敬書

御製賦并舊作彙爲一冊恭呈黼座白髮詞

臣得以著作綴於盛典之末不勝欣幸云

跋王氏所藏松雪手札後

華亭大司農儼齋先生博學好古凡名人手跡經
審定者絲黍不爽此卷乃松雪與石氏手札十紙
於秀麗中寓圓勁之勢洵得右軍正脉先生平時
尤見寶愛既跋而藏之後三十餘年令子光麓太
守奉以進呈

上為拈趙法源流於其弁題成仍還王氏命世守
之松雪與石氏交契數十年而彙此十帖經戴氏
藏弃二世始歸張氏凡五世又更收藏家數四而
歸華亭王氏乃得仰邀

香樹齋文集

卷十八

五

天筆永為世寶翰墨精靈夫固有默相之者耶光
麓又言其王父農山侍御曾得唐僧義道所書法
華經一册及儼齋先生時又得松雪所書七卷供
於齋中因顏其室曰二蓮居趙書已先歸 內府
義道所書與十札同進
上手書心經全卷留秘珠林光麓幼承家學凡所
什襲名跡每經進御多蒙
睿賞亦可稱負荷者矣

跋黃簡齋廣文所藏予手書尺牘後

雍正九年予奉

命入秦宣諭化導關中父老無不懽欣歌舞思見
德化之成公餘每進諸生之好學者執經問字無
虛日就中有黃生建中願隨使人遍歷兩河庶得
以公餘請業請益予諾焉明日攜其弟文中來追
隨者月餘愛其誠實謹愿終是役嘗朝夕與處差
竣還 朝關中父老子弟來送者多至數十萬填
塗塞巷至予馬不得前蓋 國家深仁厚澤入人
者深以致此也建中兄弟送至華陰猶不忍去予

香樹齋文集

卷十八

六

謂曰予非惜行李之費不孥汝到都下也汝諸生
也學臣按臨在卽未便輕去其鄉耳明年當來取
汝遂別不數月而學使者交河王君按試得建中
卷歎賞不置曰吾周循關中三年未見文氣清雅
如此卷者且書法整秀必有當代大書家指示乃
爾耶建中對曰曾侍星使錢公歲餘稍得筆法耳
越五六日發選拔榜置第一一郡皆服其明年
皇上嗣登寶籙生以應 廷試入都禮臣帶領引
見建中以知縣用發往江蘓予從直隸學政任遵
私艱歸里建中歷任江左五六劇邑有聲其為政

必以身先善體民情寬嚴得中先後辦灾黎七八縣至今人人德之崇明海水溢于令猝莫從措手大中丞安公素賞識建中檄令協同辦賑恤事宜所全活甚多時諸上游所心賞者二人衛君哲治及建中也所莅之地其弟文中能左右之由是官聲益著乾隆十四年

特擢海州牧未及之任而歿予集中有哭黃海州詩建中兄弟與予交二十年中所寄牋劄文中守之不遺一字予抱疴還里文中彙而裝成三冊一日攜以付予予閱之歎曰此一奇也其間相勉勵

香樹齋文集

卷十八

七

慰勞待人接物居家治民纖悉具備予一生勸勉後進藉以自勉者多矣欲汝兄弟之力行勿怠者甚少至珍重之若此抑又少矣昔朱子與門人書松雪與進之書多至數十首惜當時無篤嗜深契如黃生者其流傳不多見也抑予又自幸者易曰出其言善則千里之外應之出其言不善則千里之外違之今以予信手隨事指示之言爲當世賢人君子所許益自懼矣至以平生往復手跡集五十件年近八旬得再入吾目又手識之噫是難得也予始擬留篋中因文中之請還甚力識而付之

又

簡齋彙予前後尺牘付裝池珍諸篋筭行住坐臥船唇車尾未嘗須臾離也每求當代大人先生學士名宿題識見者多鑒其意且嘉其恪守芻蕘往往留數日乃得還之而簡齋輒寢食不忘坐是跋識者尙少癸未秋七月旣望簡齋以司訓選期不遠將歸關中謂予言別別固人所重也矧子衰齡耶談間問此冊則曰在行李中命奚童取呈復覽又識數行於副頁云

香樹齋文集

卷十八

八

自跋所書詞卷後

余初識之無卽曉四聲年十四五作近體詩先大父頗賞之遂命作古詩爲彭羨門先生所知曰吾邑詩家未見有是胷次竹垞先生亦云他日當讓出一頭地自是遂肆力爲之五七近體漸多疎硬長短句更不暇問也同硯友張兄瓜田長予一歲篋中貯宋人詞本甚富間復技癢爲之或有謂詞與詩兩塗工於詞恐妨五古業師磐夫陶先生持論尤堅遂棄去又有謂子資性近漢魏若併棄近體便可入古詩與窻遂專守陶謝旁及王孟韋柳

香樹齋文集

卷十八

九

旣而讀太白子美退之集愛不能捨後遊京師見諸名下競守西崑體都推重西齋吳先生西崖湯先生所著復問津於元白蘇陸沈浸者數年非惟不作詞且懶讀前人所作後瓜田與予皆年近五十偶於花天月夕遣興爲之存一二十調歸田後檢拾剩稿多不省錄昨藉石從孫適見此作錄藁寄予燈下與王倩鎮之孝廉讀之謂有白石風味亟請存之因識予詩境學力顛末且使學人知試院有此種眞意非欲與楓冷吳江並論也附錄舊詞於後

秋夜豫章試院閱卷不寐調寄倦尋芳和曹

秋岳侍郎韻

地規爽塏秋滿江城戰場高踞玉尺重提瑣院目
迷深處恍忽朱衣簾外立但聽唧唧蛩蟹語夢難
成惹輕寒單被又應添絮念舉子裹頭叉手把
酒論文歡笑如故別浦晴江各各買舟歸去誰是
臯盧誰塞白幾人開眼西風曙更無聊老盧陵獨
彈蘭炷

香樹齋文集

卷十八

十

恭跋

御製用庾信詠畫屏風二十四首原韻

自虞典有作繪觀象之文後世人主仿而為之則有屏宸之製士夫家亦多效此取其易於流覽也皇上幾餘染翰無逸幽風皆親自繕書陳於黼座以資觀省茲用庾信詠畫屏風二十四首韻寄情閑賞風雅扶輪擷秀心怡清新振響臣披吟由繹仰見

聖學高深無體不備苞六代之菁華洗諸家之綺麗篇中寓情寄托比興遙深如持此太康心答彼香樹齋文集卷十八

卷十八

主

方韶年見寶齋精神致久安之本窮邊寄淒涼芳年孤冷姚念成卒之苦賢才非鴻雁致之亦待羅見求賢之若渴千里共相見惟應明月光則魚水聯屬不以方隅限矣居第雖不問賜賚胥從豐知錄勲之宜厚矣具此眾善形諸歌詠言近指遠目擊道存斯之謂矣

臣幼作小楷日可作治安策一通過四十目眇手顛遂止不書自養疴里居十餘年來偶一為之雖不能工尙不甚困以年政八十之犬馬衰齡受洪慈再造目增光而腕添健歡喜感激楮墨難宣

恭跋

御製反白居易陰山道樂府

臣按居易陰山道樂府蓋疾虜人貪恣居奇時當途議者咸以疋短絲輕為節費益失回鶻心亦就其時勢言之本朝設誠懷遠迥異於史冊所載自西師奏捷以還大漠以北隸版圖者萬有餘里又西北之三汗四比輪鞞貢權奇相望於道不但居易未曾夢見即漢代衛霍輩威振沙漠者相去奚啻霄壤

上即居易之詞反而曉之俾拘愚耳食之流揆理香樹齋文集卷十八

卷十八

主

按時其大旨具開惑論中此又其緒餘矣至章法密麗結構高古即杜甫元結手筆未可比擬諷諭體中最上乘也臣才識莽陋年垂八十忝為舊史官數載前曾敬跋

御製開惑論並用韓愈石鼓歌韻以疏其義癸未嘉平既恭和樂府一篇以獻伏思嘉湖為蠶桑要區絲帛所出供向衣織局及頒賚所需近而直省遠而重洋絕島咸仰衣被皆由我皇上量度用中計贏絀平價值諸夷自效其忱收市馬之益無累民之苦爰敬書屏幅懸於斯樓

聖主省方登眺一流覽焉誠史氏之職也且爲士
夫觀者知治道污隆今昔殊致遭際昇平涵濡
德化實有厚幸

香樹齋文集 卷十八

三

香樹齋文集

敬跋

御製詩冊子

甲申仲冬中浣臣子臣錢汝誠所寄家報內接到
今年

皇上恭奉

聖母行幸山莊古今體詩一本

幾暇餘閑游歌寫意臣循誦恭繹仰見

天趣清怡無意遇之自臻神妙愧衰齡荒落才思

短拙而數千里外依戀情深矢音遙和得詩二十

六首敬書

香樹齋文集 卷十八

詩

原韻於前附錄里句恭呈

黼座冀欲仰承

訓示以禪補知識大雅抑十二章云民之靡盈誰

夙知而莫成臣雖少不努力夙知無分今者亦聿

旣耄益恐恐然不敢自棄幸遇

文思聖主誨爾諄諄莫成或有日矣曷任感激欣

幸之至



香樹齋文集卷十九

嘉興錢氏

南文公

香樹齋

卷十九

記一

大閱恭記

臣聞帝王撫馭萬方曰德曰威二者兼施互用如水火之相乘寬猛之相濟以措天下于磐石之安者是道得也周禮仲冬大閱所以簡軍實而修戰法鄭氏注曰空辟實其制視春蒐夏苗秋獮典加重焉穀梁氏曰修教明諭國道也春秋書曰不專以失時畏強隣二義致譏魯不得行天子之事其

香樹齋文集卷十九

微旨也周禮大司馬掌之訓民禦暴其備宜豫惟天子得行之虞人萊所田之野為表識正行列積二百五十步為四表抑何隘也古無一定之地每歲汚萊可陳之處責之虞人而已自漢以後陣法不講上林羽獵則又矜詡近誕均非王者教坐作進退疾徐疏數之道徵實者不取焉我

太祖

太宗誕膺圖籙建邦啓土創兵法之制立二十四旗旗分以八按旗立號分之則各有統帥合之則首尾相應如四時日月之錯行代明而不失其序

蓋合孫吳司馬管子諸葛之成書而集其大成

世祖正位凝命祇遵

成制相度神臯于國門之南周繚規四十里近郊

平衍土泉滋殖曰南苑為講武地建元靈宮栖神

護國逮我

聖祖智勇天錫克迪

前光文德武功燦燦史冊

世宗繼序守文中外寧謐以時幸其地振旅麥舍

于以彌于以符凡以震戎懾狄宣播聲靈蓋有不

用之兵無不講之武我

香樹齋文集卷十九

皇上御極之四年己未大閱于南苑覲揚隆典載

在起居為萬國稟程二十年來直省督撫提鎮以

至邊防裨將水陸戎行莫不凜

睿謨惟謹以時訓練周循所隸罔敢少弛十三年

冬金川髡髮遺種恃險仇鄰

命將討之首誅偵謀者羌首袒伏即日班師至若

龍沙以北旃裘毳幕馮陸阻穴如布魯特哈薩克

諸徇部分安幽滯莫由自通準噶爾厄魯特部落

較彼稍近我界實障蔽之癸酉甲戌之歲四衛拉

特部內都爾伯特台吉等先後悉眾來歸且懇達

瓦齊罪狀

皇上撫其來遣兵速平其難師出未逾時達瓦齊勢窮歸命宥其辜而錫以爵伊犁遂入版圖

聖度如天彼負罪如達瓦齊者且予蠲滌矧茲歸附者耶迺夷性貪狡狂悖凱旋時阿逆內不自安

亡命逃竄

上赫然震怒命速追捕則狼狽鼠伏旋受冥誅而黨惡之小和卓木奔入狽部我師躡之凡經過之

狽部歡喜雀躍以得見

天兵為幸願助順効力以跡逆黨並言托生絕域

香樹齋文集卷十九

三

無由仰見

天顏昔也鬱沒今也昭晰莫不回首面內各獻牲畜于麾下將臣飛章達之

上允其請至期

駕自木蘭將歸熱河布魯特使臣先至

賜宴于山莊又數日迴

鑾西哈薩克亦至仰覲後

賜宴南海子明日大閱典禮如初鈺鐸錫鏡之數步伐止齊之則按號列陣風飛雲集

上躬擐寶甲犒軍勞士歡聲若雷得

旨未數日羽林禁旅用命如響以教之豫也臣謹

案周制大閱備戰法以示威所懾者僅在畿內諸侯因朝而來列國侯伯有入為卿士者王以賓禮

待之乃在執事之列非若

今日之絕徼遠夷望

闕馳萬里獲覩斯

大典也噫盛矣伏思夷情叵測飢附飽颺狙詐反覆大略相類今者笙簧酒醴柔之以德豨豨軍旅

震之以威于神武不殺之仁寓止戈為武之義經傳所書有未可同日而語者矣

香樹齋文集卷十九

四

聖天子宅中馭遠之精意所謂神而明之存乎其人默而成之不言而信又豈珥筆史臣所能揚挖

萬一也哉是歲十月之吉既頒來歲之朔于天下則

則

龍飛之二十四年也蓋兩紀中凡再舉斯典臣

陳羣拜手稽首謹記

先武肅祠堂記

昔聖王之制祀也法施于民則祀之以死勤事則祀之以勞定國則祀之能禦大災則祀之能捍大患則祀之五者有一焉皆祀典所必及至于蒸嘗之設愛敬之忱亦有久暫遠邇之不同則又視夫功德之所及以爲之準雖其子孫勿可私也我始祖故吳越國王具美公丁唐末造提數百鄉兵敗走黃巢擒劉漢宏誅董昌五代易姓天下騷然尸骸相枕藉而江淮以南直走甌粵延袤數千里之民不被兵革又于諸子中早識文穆之賢簡畀以

香樹齋文集

卷十九

五

國厥後忠獻忠懿相繼保障克繩祖武逮宋祖卽位奉國以從視其土田權位如敝屣也三世五王同德同心禦災捍患若此其久且遠也不伐不矜又若此其明且哲也其功大者報亦大其德厚者報亦厚于有餘年以來世守禮祀未之或闕我世宗憲皇帝追錄舊勲且念當日捍海之功至今東南郡邑咸藉威靈永資呵護

特命有司修葺專祠聿隆祀典凡我子孫宜益思感激奮勵上報 國恩仰承祖澤以世守勿替有裔孫世章者慨然謂曰惟我祖功德遍于東南俎

豆所及近而臨安會稽遠而僻堡深村麥薊茅屋父老懷德有涕下者矧我子孫或以仕或以服賈或以游學或以僚幕集于京師惟茲春秋不能躬親甚非所以尊祖敬族也乃創捐三百金建祠于蘆草園玉泉巷內歲兩祀期以春秋之仲約族子姓之在京師者集祠內瞻拜如是者數歲族子姓乃相議所以善後者各釀金爲置公產以贍祭祀祭器亦完備焉擇族人之誠實家京師者司之略如錢塘臨安故事屬二十五世孫陳羣記之羣惟祖澤之載在史冊者彪炳日月眉山一記其詞文

香樹齋文集

卷十九

六

可以行遠羣更何言哉獨是先人之靈無所不在欲無負于祖先莫如共勉于忠孝自始祖而後代有名臣卽今世遠風微而置身通顯率多清身苦體之士其挂吏議爲天下笑者蓋絕無也何莫非先靈所默佑而陰臨者耶自今以後子孫之入斯祠也肅然而起忠敬之心在國爲純臣在交爲信友又油然而篤孝弟之思欲追遠必自近始欲敦族必先本枝一祭祀而忠孝行乎其間矣陳羣雖不才願與族人共勉之

朝邑縣重修儒學記

昔人有言曰事有似賒而實急者學是也兩漢以來若文翁之化蜀高允之輔魏范甯之治豫章庾亮之鎮鄂渚無不以建學爲急務蓋庠序學校之設原爲王政之本故三德六行詔之師氏六德六行六藝掌之司徒先王所以化民成俗而造就人才恃此具也善爲政者必不以時勢之難爲而斷乎行之以底于成事誠知急當務之爲要矣朝邑古西河地林巒之所環共川河之所繁注地沃衍俗儉勤固三輔之名區人物之巨藪卽以前明論香樹齋文集卷十九 七

之忠貞則高翔成濟清直則周或楊珪篤孝則劉偉謙言則王垂至兩韓公之理學經濟尤卓史冊雖曰賢哲之生鍾靈于天而莫不成之于學矣邑令楊君余同年友也當雍正之四年君甫蒞任謁廟之日顧瞻殿庭慨然喟嘆卽有重葺學宮之舉內斷于心不撓于異議進邑之師儒弟子而協謀穆卜焉凡宮殿堂廡亭閣庫舍門垣之制土木竹石甃甃沓鋪鉅砌之物梓匠陶旋段冶斤削黝堊之工罔不備具罔不庀飭君首捐俸錢若干縉而邦人之率私財以助者爭先輸內而不置于用闕

六載而告成功焉嗚呼非君知當務之急而爲政有本能如是乎且其時西陲用兵軍興旁午公不以簿書羽檄爲勞獨汲汲于興賢育才之地上以安先師之靈爽下以樹四境之風聲俾祭菜鼓篋于斯者雍容禮讓萃萃將將仰副

聖朝作人之盛而儲他日樑棟之材所見遠所規大而君之爲政于是乎不可及矣按西河故地傳稱卜子夏設教于此受孔子詩易儀禮春秋之傳發明章句與仲弓共撰論語而公羊高穀梁赤皆其門人今也世遠年湮流風不泯朝邑之文獻頗

香樹齋文集卷十九

八

有足徵者蓋卜氏之教澤甚長宜乎君聿新其費序而復有講堂之增建也余適奉命宣諭三輔旣樂觀厥成爰于還朝之日撮舉其端緒以書諸石而垂諸永永焉

修博野縣學記

士大夫涵泳聖涯沐浴聖教當其伏處蓬藿目睹宮墻規制未備抑歲久圯頽不繕皆慨然思起而新之意甚善也及身都通顯其才且賢者鞅掌王事不遑計及下或積祿精長子孫皇皇惟居室是謀而鄉邦學校委為有司之任曰予力孱不克肩其事非盡違章縫初志也義利之介未明公私之念遂判也以予所交博野中丞元符尹先生則大不然博野為漢蠡吾地自唐宋以來名儒輩出史不絕書先生少孤母李太夫人矢節撫之教以績

香樹齋文集卷十九

九

學砥行逾冠補博士弟子員甫釋菜見棟宇欹側有志重修顧家貧未暇以為也成進士後將十年擢兩淮鹽運使清操惠績推天下司鹺第一是時博野令李君遣伴具書以修學告先生即捐俸以助大成殿已次第告竣矣歲丁巳夏四月先生撫中州便道過里以正殿未加丹雘無以啓文明之象且自兩廡及櫺星門明倫堂名宦鄉賢兩祠俱鞠茂草泮池亦復湮塞先生喟然曰既圖厥始用觀厥成是予之責也乃復捐俸以助庀材飭工修廢舉墜濬洿易朽靡不堅緻輪奐經始于乾隆二

年冬落成于三年秋前後計費白金以百計者十有五伏思

聖天子尊師重道超越千古予視學畿輔每入廟瞻拜首與守令師儒謀繕翼序已未冬深州試竣道出博野見廟貌聿新稱歎勿置邑父老子弟僉曰非尹中丞毅然獨任未易觀此盛也予夙知先生自郎署出守襄陽揚州泊秉節鉞廉介貞諒有古大臣風所至必奉太夫人綵輿以行凡周孤遺瞻宗黨飲貧乏必稟慈訓而急行之惟謹茲復萃其力以治邑學昭君賜則忠奉母命則孝惟忠與

香樹齋文集卷十九

十

孝聖人之道盡是矣噫如先生之飭篋篋急庠序以視擁祿精而長子孫者相去何如也抑予尤願邑人士師其行誼處則敦其志節出則矢其樸誠風俗淳龐人才蔚起彬彬然比隆于鄒魯于是乎基之矣不揣鄙陋用文于石以為博陵多士勸有鄭生廷灼者先生中表戚也以優行聞于鄉是役也董理工程著有勞績因附其姓氏以傳于後

重遊畱餘山居記

山陰人陶驥得十笏地于南山之北麓薙草蒔花
為別墅居無何遊人之探幽領異者往往憩集至
止用相嬉娛遠近咸稱為陶庄焉汪生文烈陶氏
婿也館于陶遂代為開闢見蒙茸塵坌中時有泉
涔涔從草間注入石隙迺益加搜剔兩崖始露崔
嵬分若壁立可容人行壁陡絕壁上瀑由南山諸
礫淙然彙流而下拂石琮琤成聲響若絃絃兩崖
離卽間有怪石長丈餘橫亘若梁雲根盤錯無罅
可跡西湖諸名勝星羅繡湊不可枚舉獨少瀑布
香樹齋文集卷十九 土

香樹齋文集卷十九

土

隆二十一年恭聞

皇上再幸南邦文烈呈請當塗願敬謹增葺以備
憩陟緣麓治山徑迤邐西折構長廊列庑亭榭憑
凌一睇城郭寵從烟火數十萬家鱗次櫛比如指
諸掌稍南遠眺江聲海色浩淼無際晦明風雨晨
夕異景縱目所如雖韜光最勝處弗是過也明年
春三月

上駐蹕西湖行宮兩

幸其處

御書畱餘山居四字顏之復

賜詩五章冠古轍今籠括萬象莫可思議易曰聖
人作而萬物覩詩曰媚于天子我

皇上宵旰勤民敷天哀對

特舉省方之典德洋恩普炳煜羣倫原未嘗以登
高攬勝稱遊豫之大觀而

聖德所格被天闡其符地呈其瑞雖一草一木亦
日異歲新以發雨露之光而况含齒戴髮跂息于

太和之宇者有不延頸企踵爭先踴躍以獻媚茲
之忱者哉故茲石茲泉視西湖名勝奚啻梯米之

香樹齋文集卷十九

土

在太倉也而靈異所稟不終以泥土自蔽實造物
者畱此以乘時自見耳乾隆二十三年秋九月薄

遊湖上文烈導遊于此仰瞻

宸翰恭誦

天章重為泉石稱慶云恭記并繕

天寧寺重建鎮海寶塔及千佛閣記略

鹽官當嘉禾郡之東南三面枕海地沮濕汙下遇秋颶風作海水衝擊波濤旬旬蛟龍騰躍合沓瀾漫勢不可以遏禦習堪輿家者謂形勝相制則可以靜潮汐而福海濱之民此永祚寺之鎮海塔其所繫者重也鎮海塔之功始于元僧楚石琦公公浙四明象山人九歲出家爲沙門持戒律甚嚴天歷初住持永祚寺相度地勢慮民居地邑之危于元統二年創建塔之舉經營籌度不憚勞勩凡三十九年而塔乃成海水慶安瀾民人得以安枕吾

香樹齋文集

卷十九

三

邑至今頌琦公之德勿衰琦公沒後四百年來整理修葺者代不乏人然皆僅守成規風雨薄蝕日就傾圮至鞠爲茂草佛象埋瓦礫中覺海師源瀚自金粟移錫至此周視久之慨然曰塔以鎮海閣以輔塔閣毀而塔存辱亡齒失所依矣方瀚之立願重建佛閣也適有大木浮海而來可任棟樑邑人奇之爰以十二支爲始四方善信雲集泉湧凡八年而功垂成忽鎮海塔不戒于火七級俱燼塔心歸然僅存邑人來觀者咸震恐如失所持瀚曰閣成而塔燬豈瀚所及料耶惟以火一死以謝衆

耳衆齊聲謂瀚曰物之成毀有數塔之毀天也非

師之罪閣之成人也翳師之功曩者佛閣浮屠出琦公一手今師初願既慰塔之燬得無千佛照臨以全力屬師耶覺海于是厲誓廣爲募化志行堅篤遠近翕應又閱八寒暑而塔以成高二十餘丈縱橫三百餘步飛甍重棟周廊複道棖題櫺欄軒翥輝煌觀者益信覺海之于琦公前後印證波瀾莫二者矣當琦公創建時有龍舞于丈室有雷雨寶花之應潛溪宋先生碑誌其異覺海是役亦感金剛之入夢有莊嚴多寶之偈誠無不格今昔同

香樹齋文集

卷十九

四

揆予世居武原幸鎮海之鉅功光復舊觀欽覺海之樸魯無文勤修苦行有以感發大衆而又多邑人之心存利益樂善好施響應恐後皆仰賴聖天子敷錫庶民俾卣下邑永慶安瀾重以邑人之請而爲之記覺海江南崑山人俗姓顧襄茲役者上人國峯實曉邑善士王任齋也

張東侯郡守屏風記

江浙同為財賦重地浙東西十一郡計財賦所出
浙西三郡實可曹鄮餘郡

國家轉漕每歲貢 天庾者數溢平江四郡至蠶
桑所成供三尙衣諸織局衣被華夷重洋絕島翹
首企足面內而仰章身者惟嘉湖兩郡是賴凡官
於浙者得浙西一邑治之咸稱賀以為榮至領郡
符為通侯則必由

宸衷特簡或封疆大吏薦剡非是勿獲膺斯任也
乾隆二十六年海豐張君東侯以解州牧報最來

香樹齋文集

卷十九

七

守吾郡下車之日部民咸肅然瞻仰所屬胥吏咸
凜然畏君威名屏息不敢犯君平易坦白未嘗務
赫赫名初入境時聞子衿有不守卧碑興滅詞訟
者思小懲示警適一生以田土細故被人控其滋
事令承勘得免君批令戒飭翼日生伏地訴曰生
貧贅於嫠婦家婦無子且病令生具狀耳君察知
其情且年纔二十補博士弟子甫一歲遂釋之曰
爾毋悻但歸讀書吾不罪汝也不泥成見類是郡
習俗棄產之家雖杜絕多年猶屢索益價曉曉不
休君曰是細在售者亦有恃富欺貧利人之產依

年例取贖屢請不許請添價以絕亦不許孤貧困

之君斟酌情理務求其平郡漕粟甲於諸郡徵納

發兌有弊在官者有弊在納戶者有弊在胥吏者

有弊在運弁者君條列榜示公私便之偶遇旱率

屬步禱甘霖應時以需連歲有秋公餘課士必躬

詣講塾勸經論文雖海暑祁寒未嘗廢也歲科試

童子弊絕風清古學時義並重凡列前茅者往往

受學使賞拔郡城河歲久湮塞君延集紳士耆老

酌議疏濬有建言開支汊曲汧悉請復故道者君

曰郡城河故狹通舟楫納粟輸倉居民擔水漿以

香樹齋文集

卷十九

六

活流濟食不致遠涉足矣毀寧居以浚甚無取焉

議遂寢二十七年有

旨調杭州是年

上親視海塘時大吏仰稟

睿畫加築石塘君督修甚力數月工竣柴塘亦次

第告竣海不為患杭為旗民雜處地闊廣通衢莠

民相與為匪踪跡詭秘君密得其情痛懲為首者

數人餘散去為良民各屬刑法將成讞時愚民罔

識輕重自蹈重罪君為平反者數案曰吾敢細法

減之耶民愚如盲者墮溝中一拯之耳居無何以

前任晉中失察州民邪教例應鐫級

上令該督撫勘君治狀送部引 見仍

命來浙先是吾郡缺出三韓甘君來守是邦適湖州守李君以親老乞養去大吏奏請君守湖州君奉檄之官湖毗連秀州熟知君政懷德畏威四境帖然君亦雅愛茗雪佳山水且曰浙西三大郡代多賢守唐韋左司刺蘇州嘉禾僅半屬吳郡白少傅由杭遷蘇未治湖也眉山先後知杭湖未守嘉郡子何人斯五載中握浙西三郡符惟景行前徽勉稱職守上報

香樹齋文集

卷十九

七

國恩耳月餘奉

特旨仍知吾郡郡民扶老攜幼歡笑望左轡道迎者數里君勤勞父老曰吾政何能及此數日君詣予請見曰鎮重莅茲土思欲師古人聽事壁記請先生文識之庶幾朝夕觀省可乎君齊海豐右族自高曾祖父及君父子皆以縣令起家代有治行尊甫季膺先生與予先後出德清大司空徐公之門子視學直隸知君官畿東劇邑有聲及君守吾郡子懸車郡城目擊君為政清勤寬猛相濟予平生不能作諛詞所書一二事皆得之里巷所稱述

及君自言鞫勘刑罰宜詳慎體察不迎不拒以協於平予深然之以君之才方受

主知毗倚屏藩沾溉通省持是以往洞酌之義予于君有厚望焉唐貞元初韋應物房孺同時守蘇杭以詩酒相尙後白傅繼之旬宴一章與左司燕寢凝香同為風雅公案予所期於君殆又有進於此者本末先後間惟賢者自度之耳是為記

香樹齋文集

卷十九

六

記二

何氏捨田守墓碑記

族世父晴山公由皖江移守吾郡時承前政濕東
民多股栗公以寬濟之遇捍綱者立繩以法不少
縱在任六年善者勸惡者改面畏懷如父母屬吏
景從承化部內肅然罷郡後咸躋堂攀畱至有流
涕者公亦以桑梓隣郡且重違父老意不忍辭去
畱郡數歲吏民之沐公德者致新炭鹽鼓公量受

香樹齋文集

卷二十

一

之嘗乘小舟遊當湖泛秦塘止攜長鬚科頭散誕
興盡乃返里人有知公者或奉尊酒隻雞求見公
領而慰之遠近聞者相餉恐後公亟徙去雖孟嘗
之畱南海鄧攸之在吳郡朱邑之居桐鄉不是過
也當公寢疾時諸子或以遠宦或以公車寓京邸
惟四子經方侍焉既歿從部民請卜葬于郡城之
西三塔灣龍淵寺後亦公志也公歿後三十年諸
子皆通籍有治行次子經文由縣令報最超擢二
千石諸孫亦相繼筮仕克繩祖武天之所以報良
吏者亦孔厚矣經文子熿幼習河道形勢工程佐

相國高公治河有成績

天子嘉之擢兩淮都轉仍兼管江南河工經文就
養子舍數往來吾郡瞻拜公墓思所以善後者熿
請以俸入置田二十畝為長住供養寺依墓而僧
依寺鐘魚梵火長傍松楸贍僧所以守墓即古守
塚之遺意也何與錢本同族公于先府君為雁行
罷官後與府君以詩酒往復稱莫逆交陳羣未第
時親見公之善政閱三十餘年陳羣蒙

恩養疴里居又親見郡人之愛慕勿衰經文父子
請記其事以垂永久至公之宦迹在長葛皖江其

香樹齋文集

卷二十

二

卓卓可傳世者各載郡邑志及相國高公所撰墓
表茲不復敘云

四川第三會館碑記

京師宣武門外坊有四川會館歲久傾圮者數遂寧相國文端公曾集鄉人鳩工葺治然地勢庠湫屋數楹僅蔽風雨鄉之人擔簦負笈而來者數人先之後有至者殆無坐處先至者惶恐求徒以讓後至者固辭謝請急去曰爾重遷何爲其後又有至者亦如之乃釀金置第二館于斜街未幾雙山劉公巡撫江右貧不能之官遂棄館于他氏鄉人亮其貧不問也今

天子御極以來右文愛士士子遭際

香樹齋文集

卷二十

三

休明人才輩出雍正八年禮闈撤棘後

皇上復念天下士子下第歸里者裹糧無資

特發內帑計其道路量予治裝蜀舉子人拜

賜金六兩于是乃相謂曰向者百舍重趼垢面泥

脚來京師或寄宿枯寺或托跡旅舍各散處不復

聯屬始疎于跡致有疾病不復一相問者今誠各

出所

賜金復購數椽爲第三會館以便來者不亦可乎

時嚴公凌雲張公敬亭王公樓山李公于是王公

少梁黃公乾甫向公儀階等聞有是舉各出銀若

于且請于衆商所以襄其成者于是蜀之仕于京師及需次上注與選貢鄉進士若而人亦相謂曰散處出賃直無筭釀金置館等費耳其各量力以飲遂置館于宣武門外靈中坊之櫻桃斜街館爲前大廷尉羅公第羅固蜀產也聞之稱善願得金予之第楚弓楚得夫誠有先物者矣樓山予同門友也爲予述其事且請爲文記之昔大小蘓氏宦成之日拜金而歸日置酒與鄉人會史冊艷之今蜀舉子皆寒峻單門推

皇仁以及鄉里其心公其力均其計久遠而利溥

香樹齋文集

卷二十

四

存者似又過之伐木之詩次章曰寧適不來微我有咎言先施者庶無罪戾也卒章曰兄弟無遠又

曰迨我暇矣飲此清矣言相樂以酒以共成其德

也蓋如是而後神聽和平理固有必致者吾願來

是館者思

皇仁之宜廣善推之無肥其家念

君恩之優渥矢報焉無藏其力又願來是館者享

成功無忘墜棄處安宅無忘庠湫焉則豈獨蜀之

人傳爲盛哉百爾君子之仕于朝者皆將于是乎

取法焉

鹽邑育嬰堂碑記

余銜恤里居潘子尺衡攜育嬰堂徵信錄一冊規條數十則余受而閱之喟然嘆曰吾觀于此而知王道之易易也三代盛時不獨親其親不獨子其子何其仁也有嬰堂之設所以收養遺棄視行路人之子如其子焉仁之屬也雖然有術焉孟子曰以不忍人之心行不忍人之政治天下可運之掌上蓋不忍人之心人皆有之苟不能舉斯心以施諸政怵惕惻隱之心偶呈于乍見入井之時而徒善終不能以自行月令仲春安萌芽養幼少存諸香樹齋文集卷二十

孤蓋言政也嗚呼政亦多術矣生齒日繁遺棄者衆育之之地宜擴也有其地無其財勿能贍也有其財無其人勿能理也今徵信錄及規條所載銀自銖兩以上土田自盈晦以外悉登于冊出入可稽也所育之嬰孩圖其貌時其成以至察乳媪之賢否量其功而授之食纖悉無不具焉鹽邑僻處海濱非若通都大國富商巨賈貿遷輻輳者之一呼百應也而

聖化漸被望風承澤樂善好施踴躍恐後所成就者如此不其難哉不其難哉吾故曰觀于此而知

香樹齋文集

卷二十

五

王道之易易也維時首議創建者有宋錠等百餘人捐土田以助者有徐吳中等百餘人捐貲財以飲者有潘銘三若而人司事則有董平視月察嬰司醫陸崧山等三十五人官于此則大學士制府嵇公行中書省桐城張公叅議武進劉公新建曹公郡伯桐城姚公卽墨郭公邑侯某公某公某公奉

上德意以實心行實政既允輿人之請撥官房五十間官田三百五十畝復頒布條約以垂永久語云有其舉之莫敢廢也是宜勒之貞珉以勸來者

香樹齋文集

卷二十

六

金明寺禪堂添捨齋田碑記

金明寺故習應不設禪堂東中西凡僧寮三皆在佛殿東嘉萬間中寮僧海月東寮僧智能兩公始議擴復舊寺址爲之已而不果址復棄他姓後二十年海月孫秋潭舡公以品誼學殖挺于禪宗公卿士夫造請無虛日舡公性恬澹了無着想沈孝廉汝納輩以寺爲舡公難染地議捐金歸地一段功案詳中丞岳先生記中舡公欲成祖志乃以多病屬知能孫道顯董其事數年而成舡公沒後百餘年來卓錫于此者無不仰稟宗風恭承清範雍香樹齋文集卷二十一 七

青明日詣縣白其事明府董侯鑒其志卽爲詳請本道府皆報曰可寺僧越倫請余爲文記之余思禪家首戒在貪爲利己之心一萌于方便法門卽隔河漢若文博曉菴者損己利他不着一相不見損日見益矣不見利斯遠害矣是宜特筆之以爲戒貪者法且告十方僧衆供養齋堂一盂飯如噉廉泉如吸讓水食于何有若嗔若癡有不冰釋者耶越倫爲舡公雲初年少好學能讀內外書一日詣余學爲詩見余自訂香樹齋詩集二十卷初成借觀未兩月輒手錄一過又取朱檢討曝書亭詩香樹齋文集卷二十一 八

後云

集仿王梅谿疏東坡詩例分類手鈔蓋能篤嗜而未能深契者嗜之不已無厭倦心無矜矜氣吾郡何難添一詩僧席也因記齋田及之志舡公之有

嘉興縣學新建尊經閣記

自古學校之設首重明倫而人倫之道莫備于經春秋說辭曰六經所以明君父之尊天地之開闢皆有教也王制樂正崇術立教而曰順詩書禮樂以造士此經之藏于學宮樂正掌之所自來也兩漢設學廣立經生博士而藏經之室未聞遍置于郡國唐開元以還郡縣始得通有

孔子廟其後定制廟立于學凡郡縣學之堂扁曰明倫堂之左右或立社學或闢射圃而其後則峙以尊經之閣經之有閣其昉此歟我 國家右文

香樹齋文集

卷二十

九

重道

御纂諸經燦如星日

皇上學集大成御極以來尊崇

至聖凡所以培扶士氣敦勵化本者勞來匡直靡所勿周又復慎簡師儒廣宣德意維時膺其任者皆學有經術之大臣以故薄海內外經明行修之士莫不爭自砥礪以萃于學乾隆庚午冬寧化雷君視學吾浙公爲人公正通經術其訓課士子亦最重經學由是浙東西士翕然皆以經訓爲圭臬嘉興吾郡首邑也而學舍之旁獨無尊經閣郡伯

以下師君意者咸以爲古制不可缺及君移節江左士之思君者益亟欲見閣之成以志君之教迨君復來視學則又申明職掌頒布條約率各屬學官共相勉勵吾邑教諭沈君莫尙仰遵而力行之適修葺明倫堂旣成沈君以其餘財思創建尊經閣以補前制所未備者郡伯磁州張君邑侯寧陵張君咸稱善各首捐奉所入以攸于是規明倫堂東偏隙地爲閣址而邑之樂從經訓者亦各以私緡來會不數月而工竣告成于君君乃寓書俾予爲之記予惟閣之藏經猶樂之在懸也六經義蘊廣大悉備分之則如金石絲竹匏土草木之各鳴其天不相襲也合之而搏拊考擊相協而自致于和是故不習其器不能審其音也不通其旨不能明其器也學官弟子際此

香樹齋文集

卷二十

十

聖學昌明之會誠能篤嗜而深契焉屏去外務檢束身心仿朱子分年讀書之法以優游饜飫于其中毋欲速以自囿毋畏難而中阻毋以小得自詡毋以小智自矜時教正業辨之豫而行之力所以澤躬卽所以善世庶不負學使者諄復期望之至意予雖老實于諸生有厚幸焉至庀材鳩工泊捐

助姓氏教諭沈君另勒于後茲不具述云

香樹齋文集

卷二十

士

嘉興邑侯張君見思碑記

余束髮時見江右南城陳公諱大宏者宰吾邑十年民安之若父母自是以廉幹稱者間亦有之而嗣首陳公無少欠缺則五十年中又見寧陵張君之治吾邑也君以乙科選授吾浙批驗大使十六年大計卓異初署仁和再署武原凡數月當更替邑民相率遮道攀留不得扶老携幼送至數十里外十八年題署吾邑君之治吾邑也凡六年無赫赫名視百姓飲食爭訟如戶內事必推勘體察曲折以赴于理下車數月有女僧自隣邑逗遛境內以佛前香爐灰施人曰是可已病鄉民信者踵至門如市公密查驅之出境諭曰吾知爾無他邪術也顧鄉愚耳食久之恐釀成事端耳有甲與乙爭繼甲自齟齬爲某後某沒爲三年服又爲所後者承重服乙利其產指摘曖昧以控君直甲而斥乙浮議遂息乾隆二十年秋邑被偏災民乏食嗷嗷幾不可制君遍詣鄉曲馴者撫之悍者彈壓之速招商牙諭以利害平米價又捐俸爲好義者倡邑善士皆聞風樂輸設法賑濟民賴以全活者衆上再幸吾浙一切經費遵 旨勅支帑項惟除道

香樹齋文集

卷二十

士

路修橋梁則官斯土者之責君未嘗累民絲黍至
于崇學校興文教甄拔寒畯扶持善類肅清漕政
禁吏侵牟亦不苛刻兌丁邑人便之聲達四境隣
邑有捏庚謀娶某之媳控府府檄委勘君片言折
捏謀者治其罪君將移仁和行有日矣有積允阮
正邦竄身流宿杭嘉湖紹四郡皆有窩雷處所臬
憲飭各屬嚴捕君密召幹役勒限緝獲不數日擒
正邦于蕭山縣境內解臬憲各邑竊事懸案以待
者十數件皆得成讞去惡務盡不以將去其邑稍
弛也君既去吾邑士民之戴德者條列君善政請
香樹齋文集 卷二十 三

予記之爲撮其數事以志懿好他日採循績或有
可考焉君名元文字宏謨號西藩中州寧陵人

族兄芝臺司馬墓記

兄先世從武原徙嘉興後更居當湖性質直事親
孝持己正周賑貧乏無倦容以敦厚退遜訓子若
孫將老屬其子學淹學洙曰吾生無益於人吾死
墓地勿過侈畝餘足矣戒子孫不得附葬傷地脈
學淹學洙跪而應曰不敢忘章安人結襦未久卽
世金安人克相夫子垂五十年晚年綜家政有條
理戚黨咸稱其賢旣葬學淹學洙請子識其墓云

香樹齋文集卷二十一

嘉興錢陳羣集齋

傳一

金指揮傳

金友勝山東登州府黃縣人明金帶指揮崇禎四年土寇陷山東州縣抵登州巡撫孫元化遣部將禦之戰于城外時城內官兵多中賊餌約為內應友勝率眾守城奮身先登賊素憚友勝名相語曰金指揮在城不得破乃伺友勝登陴以大礮仰攻遂遇害是夜城陷妻余氏聞變自縊子廷祚甫三

香樹齋文集卷二十一

歲隨庶母趙氏避難遼東依郭氏存活遂姓郭氏我朝定鼎後廷祚由筆帖式起家歷任工部侍郎念郭氏撫育厚恩終廷祚之世不忍復姓廷祚子銜官廣西巡撫羅列友勝夫婦盡難始末奏請復姓奉

旨俞允人以為忠節之報云

烈婦余氏傳

烈婦余氏明金帶指揮金友勝妻崇禎初土寇攻登州友勝率眾捍禦中礮死登州城陷余氏知不得全乃以所生三歲子廷祚屬友勝妾趙氏曰臣

死忠婦死節經也存孤權也我行經汝行權汝善撫吾子吾相從于地下矣友勝友耿仲明等聞友勝被難相率赴哭且治殮事知余氏志不可奪乃為設祭余氏盛服端坐受祭祭畢從容入室自縊死

義婦趙氏傳

義婦趙氏明金帶指揮金友勝妾也崇禎四年友勝死土寇之難妻余氏誓不獨存以所生子廷祚屬趙氏曰死易立孤難吾為其易汝為其難若以汝之力他日金氏得延宗祀其受余拜趙氏許諾

香樹齋文集卷二十一

遂自縊趙氏奉友勝屍與余氏合葬于登州城東當是時巡撫孫元化既被囚執城中人倉皇逃散多航海避遼陽者趙氏流離奔竄計無所出亦挈廷祚至遼陽適叅領郭公廷祚改姓郭氏

本朝定鼎後廷祚從大軍入關叅領公特愛廷祚趙氏恐事泄亦甚秘之廷祚既長通籍初未知為金氏後也有耿仲明者素與友勝善時已闕三紀一日遇廷祚于朝熟視良久曰不圖今日復見金指揮面目也遂泣數行下且執廷祚手曰吾將就封于闕他日當備以告汝不使汝父忠節湮沒耳

廷祚不知所云歸以告趙趙終不言垂泪而已仲
明行至吉安而卒後遂無知其事者居無何趙氏
病篤謂廷祚曰耿公之言不謬汝故金指揮友勝
子也且具道盡難始末嗚咽者移時遂氣絕廷祚
以郭氏有撫育恩不忍遽棄去然歲時朔望未嘗
不東望拜泣也後爲少司空終其世仍姓郭氏雍
正六年廷祚子鉷官廣西巡撫請于朝奉
旨復姓金氏自友勝夫婦相繼盡難宗祀不絕如
錢趙氏失身撫孤卒之廷祚遭際
聖明位登卿貳慶溢孫曾使忠節遺芳不致終于
香樹齋文集卷二十一
三
湮沒其所全豈不大哉

藍明府傳

藍啟延字延陵號敬軒萊州卽墨人始祖珍仕元
以武功顯起家武義將軍自後簪笏相繼爲萊望
族父潤初名滋 國初舉進士爲翰林有名官侍
讀時事

世祖章皇帝屢見信用

賜名曰潤仕至湖廣布政使啟延其幼子也生三
歲而孤依母張存活事諸兄甚謹丁卯舉于鄉尋
授內閣中書庚辰成進士需次家居奉母至孝歲
時伏臘必集宗族長幼于家廟中勸勉備至咸謂

香樹齋文集

卷二十一

四

方伯有子矣初授廣東乳源縣迎母之官姊適周
氏蚤沒所遺子女悉攜至任所延師課讀如己子
後皆成立人以爲難任乳源之明年粵東旱斗米
至三百錢居民苦艱食啟延預爲設法賑濟齋戒
沐浴徒跣禱祈雨大沛邑不爲災士民德之以母
憂去百姓號哭牽畱令船者數千人服滿補西和
縣甫入境見百姓貧苦流離卽密陳便宜數事于
大吏詞致愷切悉見採錄西邑處邊鄙豪強兼并
地多隱漏乃急爲釐正積弊盡去時西陲用兵飛
芻挽粟經理周詳民不爲病署階州事三月政成

大將軍富公檄令速赴軍前辦事啟延多幹濟才
善體恤邊民以故台站轉輸不事敲朴衆心響應
然坐是心力勞瘁卒以不起死之日貧無以殮同
役諸公爲之經紀喪歸出西和百姓赴哭者相望
于道先是啟延奉役數往來哈密就爽塏地築數
椽以當瓊帳後哈密人咸思其德各攜家于傍今
成大鎮土人呼爲藍家庄立祠祀之論曰考循吏
傳桐鄉有朱氏山陰有傅氏皆以濟美名其邑明
府爲名家子効力邊陲所至民便所去民思卽墨
有藍氏敢以告于史官

香樹齋文集

卷二十一

五

胡文學傳

胡文學名樹柎字藹谷號恬巖秀水人原籍錢唐
世有隱德祖鼎錡天性淳摯重然諾敦任恤能赴
人急嘗以所居宅讓從兄某葬族人之貧不能葬
者十餘家父潢孝謹早世母鄭氏守節撫孤大吏
上其事奉

旨建坊旌其閭均載郡志及通省志中文學生數
歲失怙步履端正有成人度稍長博通羣籍尤精
經學未弱冠補博士弟子員事母鄭先意承志鄉
黨以孝稱處兄弟間閭閻如也人或謂當進取以

香樹齋文集

卷二十一

六

榮親者則曰通塞有命不受命以求榮是辱親也
後居母鄭憂寢食總帷者三年日進餽粥雖疾病
不飲酒食肉有某者售以房屋十數間歲入賃值
若干後聞其貧且老乃還其券某感泣戚族中有
倚以活者衣食之十餘年如一日至有撫遺孤成
立者未嘗少有德色顏其齋曰學古日集子弟及
門弟子講學其中平生不詣官府里中遇公事如
徵發期會學校設賑諸難理者文學必愷切詳明
如其言施之無不中者所著有經疑性理心解禮
問經史返約錄共若干卷陳羣持服里居適文學

抱疴杜門衡宇相接舉喪時多所昏暗文學爲開
示焉未幾文學沒年僅四十有五子燮有才行克
繼家聲詣予以文學傳爲請爰述其生平行事大
概論曰
自鄉舉里選之法不行如文學者抱一經終老牖
下不見柄用惜哉然予聞文學居里時同宅兄弟
無爭競者所親厚無凍餒者鄉隣無鬪狠者誠心
推致人自感焉懿哉文學孝且惠矣

盛高士傳

盛大鏞字匏仲初名葉字奕雲高祖萬年明江西
按察使曾祖士元明中書舍人祖以約太學生父
子鄴字李侯明諸生 國初召弟民譽子藻集家
廟中謂曰自明祚末造倭寇四起東南諸郡劄夷
特甚今大兵南指風行草偃遠邇響應吾聞仁者
無敵應天順人君子知幾旣明且哲爾等遭際興
朝吾惟自安肥遯鴻飛用晦鳳羽爲儀不相襲也
遂棄舉子業與同郡項氏朱氏沈氏姚氏各以志
節相許先生生而穎異五歲通聲韻李侯公授少
香樹齋文集 卷二十一 八
陵詩輒成誦每授一詩卽索解語之怡然釋也不
得則啼哭如發憤者逮出就外傳時諸名人詩成
誦者已千首矣通五經補博士弟子會叔父民譽
兄藻先後登科第天下名士羔雁至者屢滿堂也
每當文讌先生屬草一座屈伏而先生恂恂如不
勝衣雅不欲以聲氣自任戚黨中有以急難告者
量力以應無難色李侯公春秋高思博升斗爲祿
養計以資上注爲廣文已而李侯公卽世先生奉
諱里居不接見一人服滿喟然歎曰祿所以養親
也親沒何以官爲吾性悻直雖得官且得罪乃卜

宅于春波里之虹橋得巢先生鳴盛手製匏愛之
顏其齋曰匏菴集里中詩人爲竹林之會竹垞朱
先生聞之欣然把臂每會必鼓楫而來好收藏前
賢文集朱先生方有明詩之役輒相咨訪多所補
益先生曾以兩阻宿匏菴見架上籤識有牟陵陽
呂九栢周桐村諸名人集曰吾尋覓十餘年矣今
得一閱何幸也先生舉以贈于是取酒屬謝陳羣
總角時隨祖父訪先生于匏菴畱數日取案頭涑
水集相遺曰子貌清厚他日當以文章事業名天
下吾老矣期許後賢微有本志是集幸畱意焉陳

香樹齋文集 卷二十一 九

羣拜而受之又二十年羣爲翰林曾給假侍母歸
里訪先生南湖之濱時先生抱病牀第間數椽僅
庇風雨召與語曰涑水集尙在篋中否則對曰已
披閱數次矣先生喜甚爲進粥少許所獎借羣從
如支炳支焯熙祚後皆成名卒年八十有三有匏
菴集十二卷妻方氏生華騰歸先生澹泊自甘盡
棄簪珥以佐遊屐時論方之桓匏云論曰盛氏多
隱君子先是有盛遠者結茆南湖不求聞達縉紳
慕其名數來起居遠遠高棲重鑰拒而不見先生
繼之風尙不殊焉至于接引後進樂道人善蓋並

駕異軌矣

香樹齋文集 卷二十一 十

許悅成傳

許某字悅成以字行父能飛有孝行曾赴郡試為盜所虜悅成方十餘歲隨行號哭往救聲振林木盜憐而還之尋卒母孫氏名家女教悅成讀書輒為悅成言其父孝行數大事悅成為之泣下舉案上筆去其穎投于地而言曰母訓兒讀書功名自有定數所不能表彰父孝以湮沒無傳者有如此筆及長博通羣書以醇謹稱奉母盡色養後母病藥不能治割股以進他日人間之汗下如雨輒不能對又問則曰吾非不知未當于理顧僻處鄉曲

香樹齋文集

卷二十一

七

粹無良醫凡可以延母命者無不為也事已往尙何言耶山左何公世基篤行君子也以衡文來浙多省錄節孝以勵風教悅成取所輯喪宜五禁等集呈之何公悅延至署齋討論至再頗見採擇悅成因以父孝未旌為請何公密訪于輿論與悅成言無異乃為之題請奉

旨祀于其鄉悅成常貧不能舉火隣人某以非理訴曰得君一言當致白金數鑑固辭不受曾授徒官舍居民有以逋不能償將投井者盡出館穀所入與之得不死勇于為善類如此有楊生者羣從

兄女子出也聞羣將還朝走送長跪而請曰吾幼孤露許先生實憐惜之課督數歲未嘗計脩脯弟某更孩穉許先生為之結襪繫衣撫而教之今先生歿非公莫能傳之予未識悅成見其弟子思慕如此必有所以感之者乃為之傳

香樹齋文集

卷二十一

七

沈隱士傳

沈慶字天鹿號蕙菴嘉興人少孤母胡撫之躬授
句讀稍長博通羣籍丁明季末運棄舉子業耽吟
詠陶然自適無進取志娶武塘錢氏時士升士晉
皆開府貴盛而龍門公操撫江淮欲表薦之慶決
意肥遯冲懷雅趣與名宿往還詩酒間余山眉公
輩慕其風規輒先後投編紵焉當塗聞其名造廬
請見不納性純孝家饒于財伯氏覲其貲厚規欲
佔之慶泣請于母盡讓其膏腴願自以薄田奉母
守約終身後伯氏貧窘且老無後慶仍為收瘞曲

香樹齋文集

卷二十一

三

盡友敬尤工于填詞 本朝康熙四十五年奉

旨命詞臣選歷朝詩餘錄慶數閱時論方陸務觀
孟雲卿輩云

朱節婦傳

節婦姓朱氏名瑄栢鄉教諭朱大業女也幼嫻內
則適會稽李定山生一女卽以所媵婢名芹香者
為定山妾俾廣生育後定山援例尉平邑卒于官
瑄聞訃一痛而絕家人救之乃蘇如是者數姑乃
諭曰吾老無養汝夫喪未歸奈何以諒節廢大義
瑄默然久之逾時定山喪還檢篋得定山手書云
芹香事余舉一子末吏顛獯尚畱保陽子生于某
年某月日乳名某可訊存否李氏不絕在是矣時
定山兄進山亦在家訊之與手書同瑄親作書召

香樹齋文集

卷二十一

丙

還徧告家長族人率見祖廟登其名于家譜撫之
恩義兼至芹香感其主之節義不忍去共事其姑
以孝聞于其鄉教諭朱大業為余言因手繕共姜
莊姜之事以比之復為紀其事以傳于後使他日
乘志有所考據云

奉宸苑卿汪君廷璋傳

汪君廷璋字令聞號敬亭唐越國公四十四世孫籍隸徽之歙縣自曾祖鑣始以齷業僑居維揚代有隱德父資政公允信孝友尤篤一門五世同居共爨庭無間言君少不好弄性仁慈遇生物雖蠅蟻勿踐踏也見器物壞必完之曰無使以不全見棄初就外傳讀書日下數十行塾師奇之遭母喪哀毀如成人人稱爲孝童十三能文章每構一題常整襟危坐形若槁木移時落紙結構抒軸如不經意者顧不欲專任舉子業愛論史衡論古人雖

香樹齋文集卷二十一 五

碩儒老宿咸稱其當維揚鹽筴運課所入甲於天下正課之餘凡供餉捐賑興工動關國計齷運大吏量入計出有補于公而本不告匱必資業齷數大家才堪任事者商榷贏絀以綜厥事君年二十餘卽承父命仔肩重荷勤慎坦白無所矯激贊襄舉措悉中肯綮辛未冬恭遇

皇太后萬壽隨班入都叩祝得覲

天顏者六賞貂皮三十張內紵六端

翠華兩幸江浙拜御書福字墨刻數種內府珍品數千種

賜宴于高旻寺行宮加奉宸苑卿銜以示優渥君

謙謹愈勵執事益勤平生無他嗜好公餘耽吟咏維揚爲冠裳總會名士碩彥往來于此接待請益其于詩文源流如別淄澠其作詩豪邁俊逸一軌于法凡敬宗收族睦嫻任卹諸善事靡勿勉力舉行人或稱其賢曰我成父志惟恐行之不及耳事資政公曲盡色養之道四十年如一日資政公未疾時君先抱疴強起侍醫藥謂其子熙等曰汝祖倘不諱吾不起矣已而果然余識君子汪文端公邸寓與論詩頗得唐賢精意知君問學有本接君

香樹齋文集卷二十一 六

狀而爲之傳從其子熙請也論曰史稱華陰楊氏家世純厚並敦義讓昆弟相事有如父子後各登台鼎總服內以功名終者累葉不衰汪君一門貴顯錫予便蕃易曰積善之家必餘慶古今同揆以君之才與行事早謁選人著循良績當不在津楮下乃奉公養志不汲汲于爵祿而榮亦及之書不云乎孝乎惟孝友于兄弟施于有政是亦爲政注

君有焉

陶先生傳

先生姓陶氏名日襄字伯宗晚取考槃之義又號磐夫本農家子五歲見衆兒抱書本入村塾隨之端立不去塾師授衆兒書有誦孝經者趨立其傍少頃卽成誦塾師奇之時余先王父公車方歸聞之畱家塾中讀書年十六博通經史慕商隱先生名負笈請見畱數日謂曰日襄家貧願鈔架上書卒讀可乎商隱曰果爾吾困中脫粟可供也數年錄商隱所藏書數十種歸學醫窮河間術其爲醫肅門老弱深村孤寡請診輒效人齋百錢斗粟謝香樹齋文集卷二十一 七

筵講官每進講經書凡執事閣中者皆曰聲音爽朗舉止安和雖老輩不及也其得力有自來矣課餘勸令讀古詩及李杜集又躬率羣兄弟習洒掃應對進退之節每持帚掃地必背吟所讀詩先慈請曰兒輩講經讀古誠善應試當以時藝將若何先生笑曰師之于弟當就其所長教之郎君他日當以詩文名天下不患不取科名耳蓋命題作時文先慈召陳羣命題鑄戶以試者三喜曰有師若此吾無憂矣既而先府君歸自信安召羣兄弟問所課業感而淚下泥首以謝先生曰吾不能久畱香樹齋文集卷二十一 大

烈婦五妹傳

五妹姓錢氏余從女姪也幼淑順不苟言笑年二十三適同邑儒童陳潮潮故右族子成禮後夫婦相莊潮勤學讀書至夜分不寢五妹奉舅姑克盡孝道潮體素羸弱遇郡試以疾未與數日少差執卷請補試郡侯曾公閱其文謂曰汝文絕佳惜正試未與不能作第一名矣試畢歸家病益劇五妹晝夜侍湯藥焚香籲天願以身代病革謂五妹曰吾不能侍二親矣終鮮兄弟汝將代吾供子職五妹曰君有不諱妾亦當相從地下潮復諭以大義

香樹齋文集

卷二十一

九

則嗚咽而已既而潮死哭踊哀甚即絕粒不食翁姑痛哭勸解五妹極意承歡以示不疑乃力勸翁姑曰媳無子女又無小叔急請納妾為後嗣計翁姑深然其言即納妾朱氏五妹欣然曰今而後侍奉有人矣越數日為潮百日設奠五妹遣婢取湯沐浴衣衰經赴潮靈次拜奠畢歸房閉戶投繯家人闕戶視之則縞衣披體素練在頸氣已絕矣時溽暑炎蒸越宿含殮顏色如生香滿室不散宗黨視殮者無不嗟歎泪下族人為余言其事余舊史官也遐甌遠邑見有節孝可稱猶將書以識之

矧宗族之戚邇者耶乃為之傳論曰

五妹于陳潮疾革時即以死自誓夫亡百日慷慨相從地下千秋一言不敢食也彼其志已決矣承色笑以釋堂上之疑請納妾以備宗祔之計節與孝耦無廢焉傳云能欲復言而愛身乎五妹有焉

香樹齋文集

卷二十一

十

莊孺人傳

孺人姓莊氏同郡中憲大夫簡在公第三女幼明大義不事瑣屑見婢獲寒苦出針箱錢濟之不責報也年二十適同郡馬君右衡故巢縣令東亭公子也七歲而孤母石太君鞠育長成廷羸若不勝衣結褵後孺人事姑甚勤克相夫子族黨疎戚各適其宜石太君視婦如女孺人亦先意承志見者咸稱嘆焉予祖居鹽官之邏村初奉母太夫人官京師同祖子姪之在邏村者借屋以居至是奉母假歸四十口無所棲止馬太君以東亭公與先大

香樹齋文集

卷二十一

三

夫有舊慨然以所居東偏出賃居無何石太君見先太夫人治家有法諭令孺人以母事太夫人且曰吾子孤露幼嬰疾孫子天麟天錫開泰行就外傳懼漸市井習氣今令孫甫齟齬所從明師講貫不輟夜分猶聞書聲倘依德隣使音稱孫取法不亦幸乎太夫人許之蓋孺人三子與予子年相若也時予假滿還朝瀕行太夫人有難別意石太君率孺人慰勸曰太夫人厚德所貽翰林此去當受國殊恩不久來迎養無以暫離介意予守翰林數年太夫人徙居金陀坊孺人以時存問視如母

太夫人手作家報北去必曰莊氏淑女遇我厚過

鹽鼓時起居真難得也石太君寢疾孺人衣不解帶藥餌不親嘗不敢進目不交睫者累月每夜焚香祈禱願以身代數日大漸執孺人手謂曰汝爲吾家婦實吾子也汝善視吾子撫諸孫成立吾卽死亦瞑目矣言已而沒孺人哀毀死而復甦者再自附身附棺喪葬大事稱家以治後數年居夫之喪痛不欲生重以平昔始命強起視息待諸子甚嚴雖小過不輕恕也孺人一身操作勤儉自持宗黨以急難告者必量力以攸乾隆元年予奉太夫

香樹齋文集

卷二十一

三

人喪南歸孺人率諸子來迎遇於長虹橋畔登舟撫棺痛哭聲淚俱流居恒嘗自嘆曰旣喪吾始又失母範吾何以堪其不忘舊如此常遇歲歉有蔣姓者貧甚賣妻償逋孺人知之卽解囊遣人追至石門贖回以全其夫婦又有本城舊族老而貧病賣女與人爲妾孺人卽出金贖之數月納妾者以暴疾死此女不致流落其他任卹類此乾隆二十七年十月二十九日無病端坐而卒其明年葬有日矣孺人子開泰開基率諸姪請曰不孝等無所成立不能表彰母德大人素知先慈生平梗概巧

一言以垂家乘不孝等幸甚感甚乃爲之傳論曰
婦道無成有終孀人事寡姑以孝相病夫恩義備
至畜諸子以嚴出人于難無德色周人之急無慢
容成而不居終而不有其賢乎

祭文

祭范大夫文

祠在城南金明寺

由拳之窟樵李之城地實介乎吳會爲伯圖之所
必爭曠百世其相感惟令德之可馨當辭政而出
質偕柘稽而行成翳此邦之衆庶倚夫子而爲命
懼偵謀之相躡曾肅肅而宵征旣宰詔之中餌罷
二紀之甲兵伺夫差之驕縱敗齊師于艾陵僅老
弱之畱守遂搗虛而繫頸決生死于指掌俄已亂

而扶傾緬王佐之不克見兮夫孰與子抗行功旣
立而不有兮師介山子之孤清變姓名而躬耕海
壖兮薄卿相于寸筵歷三徙而不遑處兮規利入
以遺餘年嗟英雄之末路兮心耿耿而靡寧至今
邦人之蒙業兮申麥飯以來迎洵無德之不報兮
神歆鑒而式憑亂曰宛之三戶君故土兮執辰而
往勲則樹兮逝水不可返靈其奚取兮又曰鴟夷
浮海乃行意兮名難久居行避地兮齊非所安兮
則不我棄不我棄兮降福濃濃沙戶祈蠶兮秔稌
祈農擊鼓兮考鐘雲旗飄兮雨濛濛鳴玉佩兮雍

容翮其來兮城之鼎

香樹齋文集

卷二十二

二

祭陽城相公文

羣讀史至二疏傳未嘗不流連慨慕而歎其難能
想班椽當日既上下千載而未見斯人也斯遇也
乃于今見之遂援筆而傳之夫固史氏之所榮又
想二疏當日受金而歸亦且置身于往哲謂臯夔
傅呂諸君子所不能得之于唐虞三代者乃于身
遇之故數問其餘金趣賣以共具雖素所愛信者
輒進說而未之或應後廣受二子千載而一見夫
子謂後來者何嘗不及于古人豈遂令彼二疏翺
翔雲表高吭而獨鳴胡祖道者歎騰載塗方未返

香樹齋文集

卷二十二

三

乎都亭而訃音奔告忽來自百里之程古今人同
不同若是耶而吾乃于夫子之終不獲追蹤于二
疏者爲之歎歎歎息復抗懷千載而一爲之吁衡
夫二疏之歸公卿大夫設供帳于東都門外者非
有天子之命乃故人邑士鋪陳其概而自致其情
豈若夫子之歸也承

九重之湛醜同朝之往送者膏車秣馬授漿授杖
趨踰恐後而惟

天子之使令廣之言曰不去恐有後悔當日未嘗
明言其意史氏且不能傳之彼畫工之好事亦徒

費乎經營豈若夫子之遭逢

堯舜嘉謀嘉猷入告于內乃順于外進則爲鹽梅
爲舟楫而退則爲五更爲三老以象四序之代成
亦可知設祖道送者車數百兩以爲盛事者此不
過道路觀者之所羨而既歸里後與故舊賓客相
娛樂亦止鄉黨宗族之所稱考純臣之所蹈復奚
忍而出此誠不欲一日離

天子側况侈言遠引以求全夫令名向使夫子自
度其精力苟可以旦夕待則必不遽告告亦不必
遽退而後乃今知信然故夫二疏者流固足爲慕

香樹齋文集

卷二十二

四

祿希進者之所風及觀夫子之終始一致亮斯人
之踪跡匪懷抱之所縈爰陳詞而致辭復作誄以
致哀誄曰

夫子之行秉恪誠兮頽頽夔稷遇

聖明兮懸車告歸金滿籛兮天不憖遺隕列星兮
長入

陛辭有

詔寵行兮暮倚喬松以長征兮某水某邱昔所經
兮魂而有知猶眺登兮尙饗

祭虞山相公文

嗚呼天生良弼以佐太平分萃衆善于一身既以
身爲朝野之所係兮宜綿遠其永年胡憊怛之忽
覲兮羌疾疴之萌生

九重猶深夫悲悼兮逾常禮以厚終同朝下自一
命兮哀愴遍乎公卿行路之人無論識與不識兮
謂如夫子者乃未耄耄而遽薨矧羣之追隨共事
兮能不痛哭其失聲維我公之發跡兮實上方乎
伊傅而博物下士復媿美于僑嬰憶昔

先皇之隆遇兮每造鄰乎邇英論密勿以獻謀猷
香樹齋文集

卷二十二

五

兮微稽古之力其曷以致此榮舉往哲以相况兮
或尚父之興于出獵與殷宗之夢賚良弼庶並軌
而同稱擢齊賢于馬前兮早卜相于衆中逮我
皇之纘服兮遂一德以抒誠由秩宗以領度支兮
司九府其常盈竭匪懈于夙夜兮本忠孝以爲程
惟退食之餘晷兮必侍太夫人而手進夫侯鯖及
私艱之方覲兮適昆倚之益增踵曲丘之故事翊
我

皇之聖明沙隄亘其如虹兮爰習吉于盈庭敢對
揚夫休命兮憾二亩之至精起墨纒以視事兮總

百揆其靡寧贊軍機而裁決如流兮燭萬里之情
形攷制度而釐定夫典禮兮鑒圭臬而爲衡扣萬
石之洪鍾兮允大小之畢鳴每從容而指顧兮曾
不撓乎淵渟積勞勤于盡瘁兮乃二暨之忽櫻痛
梁木之頓摧兮控箕尾而宵承惟乃心于

皇室兮薦夷簡之忠貞况公子之克紹箕裘兮人
孰不羨乎西平種厚德于樹人兮更何後事之足
營生純臣而沒明神兮依然天上之列星衛社稷
以默佑兮知罡風之遠掃夫櫓槍大功宗于禋祀
兮歆歲時之牲牲嗚呼尙饗

香樹齋文集

卷二十二

六

祭遂寧相公文

嗚呼我公人臣之鵠學可匡時道惟化俗業在民
物心存幽獨與不可窺試言其目服官之義曰清
慎勤有一于斯國之蓋臣公實秉之而履其醇五
百名世遠契而羣其清伊何惟涇之水激之揚之
而神自止以儉居之力去浮靡以廉基之處汙不
滓暑或不蓋食或廢簋彼却金者其末節矣安莫
如道危莫如逕一念之肆末俗之競公早辨之動
必由正謁門無私亦不通問彼不知者曰門何峻
亦有嘉謀入告外順溫室不言惟主乎敬敬德厥

香樹齋文集

卷二十二

七

彰既清且慎公業惟廣公功惟崇勤之所集以樹
厥庸庸之大者在度河工利防扼險利導戒壅河
善遷徙古無滯蹤公之視之馴擾而從一勤感召
蒼水斯通具此衆美所以藏器器而不窳遇時而
致少事

先皇信任不貳垂五十年靡所不試豈無嫌怨何
引何避方之魚水抑又何異內統百僚外率羣吏
舉而措之以行其志我

皇纘緒秉德謙冲舊勞于外允執厥中鑒公亮節
無渝始終爰諧枚卜晉秩于宮公曰老矣其將明

農

帝曰其畱霽初憇諭許公暫歸以省廬墓公去則遲公來則遽蜀道巖程瞿塘灑瀕重入閣門 恩禮益飮日者抱疴 賜予便蕃晨饗少進夕已不殮上藥鮮效永辭

九閩遺章未入

御醲在門嘉公之績問及子孫某等哭寢共感

皇恩公沒則正公道則存魂不可招夫復何言於戲尚饗

香樹齋文集

卷二十二

八

祭勵宮傳文代

嗚呼我公秉茲一德亮節讜言古之遺直生應昌期以戴以翊沒惇功宗永著臣式緬惟先公甘盤肇迹丹書有陳西南布席鑑杖劍孟必匡以勅用資睿聖非淵而默泊乎我公厥問奕奕事我先皇勤勞日昃蔚乎文章傳家華國扈從追隨廿

年禁掖京第 賜居用光世澤斗柄在寅

今皇御極舊學眷深咨臯命益

帝在諒陰大禮是飭昇長詞曹主持典冊洪寶赤刀方斯潤色鑒公平恕有倫有脊曰掌邦禁惟爾

香樹齋文集

卷二十二

九

之職公德日宣一中是協既明且允獄訟止息

帝曰休哉予嘉乃績晉爾天官以司黜陟仍總祥刑示民之迪爾能敬典其予以懌公曰俞哉是臣

之責先臣世官敢忘舊德惟此庶獄至為繁劇公偶不豫案牘山積仁者必壽公實平格謂天聽邇

忽焉其逝法星芒寒夫子疾革

帝心眷懷飭終不盡巨典式稽 恩綸再錫矧某

受知匪伊朝夕記某筮仕淵源自昔口雲分曹心懷謹惕率茲著鑑庶幾不忒教之誨之豈惟飲食

生之成之不倦栽植翳成之春忝居言職公提命

之眷茲悃悃繼由轉運統朝贈策詣公叩辭以展
長覲趣人在門猶在雙屐本無私請冀于政益雖
勿克由我心則獲生也天涯駒馳過隙遺篋徒芬
佩儀永隔凡民有喪古猶匍匐曾是帶水哭寢不
得官實羈之彌增愴惻疇填余過而而斥之疇獎
余善而手掖之嗚呼我公子果爲碩人則遠矣其
風豈寂聞者興焉况某親炙庶有既陳八樽既醞
抒詞道感痛滿胸臆尙饗

香樹齋文集

卷二十二

十

祭馮樹臣少司寇文

於戲頻年于役遠隔鄉音井閭祐薄亡此國琛寢
門在瞻而不能臨蘸筆寫悼予懷既深記予束髮
兒年方壯同術師資曰惟直諫鑒予無他許爲輩
行舊學商量新知相餉遠初造兄官于秦時值
師旅轉輸孔殷念予羈孤招我析津遺我雙織厚
意可紉我車方脂兄移州刺膠東政成復整西轡
簡書雨下待理煨糲
皇帝曰來咨爾其瘁匹馬北上館我直廬拂兄征
衫言笑晏如承明謁

香樹齋文集

卷二十二

十一

帝民莫是胙 詔旌其能佩以金魚熊軾既馳後
命是隨叅藩江左外峻內慈再秉憲臬惠此嘉師
曰旬曰宣才無不宜烏臺需貳虛左以俟輕裝還
朝清如止水端此楷模用飭風紀我迎于郊見兄
之子天助良吏芘其後人子既鶴立孫亦恂恂顧
而樂之寶此非貧朝回情話惟我最親星台載移
簡佐司寇心存欽恤理爲然不獄則平反中猶抱
疚其有疑者雖成必復積勞致疾乃傷于脾強起
視事一飯三遺恐悞刑法宿留貽譏上章乞身
帝實鑒之歸田郊居稍治桑果教養子孫蒐經箋

雅茗椀藥鎗偶攜白社近局招邀寸陰一舸我遊
私難銜恤南旋兒來存慰撫我涕漣粉榆弟自
昔忘年三日不見杖履惠然歲月駒馳我當還
闕告兄行期涼秋八月兄約親串餞于林越停桡
命酒紅燈白髮臨岐握手勉以官規勤慎清惠卓
哉訓辭我跪而受載以歌詩與是席者莫不心儀
別來三年以寐以寤星旆靡寧馬不遑駐每從令
子僅通尺素謂當強飭泉石斯趣昨予差竣陳事
楓扉道逢令子倉卒告歸寄言起居心實迷離時
方扁鑰校士京闈又逾浹旬我初撤棘遍訊鄉人
香樹齋文集 卷二十二 三

云兄疾革我信復疑胡天不弔退食沉思南望而
怒郵筒忽至以凶問來拊膺而哭泪洒蒼苔感舊
敘德誅言未該哲人不作惟以永哀於戲尙饗

祭吳眉菴少司馬文

朝余欲渡津水兮接邸報于傳遽回馬策而讀之
乃見兄之遺疏洒雙泪于草間兮神恻恍而欲仆
記束髮而遊京師兮識驂駟之先路兄才早軼儕
伍兮胡斂鏑而下顧余感兄之抒誠兮兄亦鑒予
之情慄或接軫花前而攜觴豆兮或並轡廣陌而
得句溯微名之自起兮貢京兆而同舉商出處而
通有無兮荷肝膽之披露後先迴翔雲漢兮啓金
鋪而聯步余抱疴而旋自楚鄖兮逢旌旆之入豫
遂布席于長隄兮執余手以躊躇兄奉 命視學

香樹齋文集

卷二十二

三

幾輔兮余奉職于宮庶得人稱最盛兮儼魚雅之
朱鷺旋秉節于江夏兮外峻厲而內懷溫煦
帝謂首善之當擇人而任兮羣代兄而繼去同請
訓于楓宸兮拜便蕃之 恩飫楚人戴兄清惠兮
礪豐碑而方諸祐預惟取士之必得兮余亦雅抱
乎斯趣每披文而得佳士兮強半昔受兄之賞遇
際

今皇之誕膺寶籙兮仰扶桑之初曙兄還朝而拜
稽首兮副中樞之機務余仍忝右納言兮茲亦兄
之曾作斬屣勉以仰報兮翁允猶之布濩昨歲晚

而駐節輦下分值兄六十之初度出雙爵命行酒
兮鐫蒼松之雙樹曰茲乃家季之遠寄兮願滿引
以奉御酒將半而揖余兮請余序所纂著余慙直
而索癡兮兄必採擇而首肯其能助苟非親愛之
所極兮胡有懷其欲吐曾分袂之浹月兮乃忽荒
而驚遐望寢門而酸椒漿兮懷愴惻而誰訴

祭唐序皇文

嗚呼朔風夜號牕紙浙瀝晨聞扣門厥聲何亟喪
我好友能無傷盡惟兄之生世有令德江左名家
騷壇詩伯羣季惠連聲譽奕奕月下拏舟花間攜
屐結交老蒼制行悃愾孝行性成不事雕飾學優
奮庸天衢振翮連袂容臺東堂射策遭逢

聖明四門是闢三館儲才郊庠並迹叔兮季兮循
良奏績擢居言路拾遺縫掖實維端公雅稱斯職
奉命督漕于役南國萬艘無滯肅清諸慝三楚
要途民悍而激

帝實念之曰汝是卽三騶所至匪嗇匪棘代
天巡視德音孔貊暑雨所寒輕裝馳驛袖挹清風
素絲五絨遷大鴻臚十行手勅尋有
恩命秉臬楚北不著平反摘奸止墨柄用方隆而
有悴色移疾歸里音問久隔每晤季方道述相憶
謂就痊可方整北軾家音忽來夫子疾革凡我同
譜泪滿胸臆誄以寫哀聊溯夙昔靈其鑒之生芻
束帛嗚呼尙饗

祭陸奉常文

嗚呼滌流溢演胥嶺亭岩濟和毓粹煥燭颯颯是
生哲碩歸然其超匪麟獨角匪鳳五苞坦遵皇路
望起中朝溯惟先生通籍之先德純學邃帷掩董
園經傳孔藝五千春秋紉蘭纓蕙

聖廟垂衣遭逢其際冠冕南宮實惟晚歲柯亭蒙
筆華林校書從容供奉承明之廬冰操夙謹淵衷
益虛生平在此寧間終初鑒識人倫東南金貝使
節頻馳得才稱最

宸注用專聲名斯大庶贊鴻猷迴翔中外晉秩不
香樹齋文集 卷二十二 去

常駢哉高驥蜿蜿蠃蠃繫龍之光胡遽拂衣杖國
而鄉功成則退林泉道藏室有陳編門稀來軫冲
然襟懷田園興引道善化爭不立涯眇德後必昌
于理則允方履亨衢俄嬰疾涼颺乍回一星遂
隕嗚呼先生之德于朝老成先生之學于鄉典型
感切粉榆載瞻載頌舉一而徵後生彌慟禾之先
輩應舉稱文具區揚纛碧山扶輪亦若宜壑遂迄
邁人各出頭地遞張吾軍先生繼之激芳吐芬如
嶽登岱如江導岷而今模楷舍公靡歸西州馬策
能勿傷懷有子接武諸孫毓奇家聲特起靈其何

悲昔聞仲弓千里來會矧余桑梓矜式斯賴或哭
諸寢或寢門外靈其有知歆茲奠醑嗚呼尚饗

香樹齋文集 卷二十二

七

祭史慕劬文

嗚呼着英忽萎林石含悽永安城外瀨水之西望
風洒泪我行則迷惟兄之年長余十五我衰兄健
齒不就齟有尊不空有杖不挂惟兄之學什伯于
余莊騷史籍窮根蒐株鑄詞爲藻萃說爲郭憶客
京華我方弱冠結髮爲友過則相諫兄不我棄納
而勿倦長安貴人重兄文詞致錢數萬裘澤車脂
有時不售烟或斷炊我媿黥婁裹飢而往頗聞歌
聲金石振響胸無結滯胡不慨慷又十餘年先後
通籍公餘過從以悅以懌見兄愛女折花而劇我
香樹齋文集 卷二十二 六
問女年兄詢子名呦呦鹿鳴食野之苹嘉姻則錫
申以平生兄官之賒我使旋楚萬里告別曾不遑
處力不能欣感茲蚤駢在官五年苗境帖然不妄
發賦正辭理寃犬無夜吠農得安眠蠹茲生苗附
飢颺飽官兵勦之曰歲在卯兄實佐戎郡境以保
尋得兄問曰患右目乞身歸來依我邦族子如過
我與子信宿我時服闋猶滯里門一棹而訪笑語
載溫分則姻婭情則弟舅兄勸我北無憂內顧待
我圻來我遣女去我曰卜爾于秋之暮兄訓我子
誼敦禮嚴示以與義炎簪簪我子頑愚是訂是

矻兄旣懸車我復于役冀北江南尺素斯隔每思
舊遊如驥馳隙兄政七十遺雙織成一緘未報我
心怛怛謂茲巖壑遠彼旆旌今者八月我子侍側
驚聞告凶一哭而踣嗟我勞人未効匍匐起而作
誄慰兄之孤以世兄業是穫是畚遣吏前致獨立
踟蹰視兄弱息婦也而女魂而有知其嚙鑿予清
酒在筵尙其來茹

香樹齋文集

卷二十二

六

祭查雲在前輩文

於戲八兄友中之師學有經術行不詭隨仕止安
命惟分所宜殖德訓子以俟所期記與兄交辰在
已丑綿津延客尊開萬柳大雅輩集屈指某某同
時衆中與我獨厚人海名場引類鶩趨兄獨恥之
一編自娛彼自媒者目兄爲迂與兄久處薰德中
孚尋取繼室羣族之姊閨中益友內政咸委學日
以力浸淫百氏羣亦後先同業太史連楹邸第共
事校辭文疵必索言失則尤兩家兒女絢履互酬
篝燈夜讀過酒墻頭兄歸龍山閉閣而處夫妻相
香樹齋文集卷二十二 子

申秋月二暨糾纏

聖恩賜藥始得少痊面承 溫旨一棹言旋殘喘
既延謂得相見兄衰卧床子受疽患兩甥過從眠
食相問帶水百里而慳一面今秋六月瘡鬼復來
杜詩韓句再誦不迴視余如嫗博祀牙欵十日見
困亦曰殆哉七月三日得兄凶問子懷則傷子心
則震盡焉隕涕鰥目而且失我老友猶曰我私失
此長者孰示惠慈失此碩學孰與師資力疾作誄

兄其鑒之

香樹齋文集卷二十二

子

祭陳明府文

惟子諒之入人深兮閱日月其焉替當夫子之泣
 吾邑兮值前政之瘵敝初下車而誦度夫疾苦兮
 酌民便以立制曰予實父母爾兮非濕束以倚勢
 條不煩而易守兮仍理竿而揭示外嚴猛而內仁
 兮禮高年而嘉我子弟彼捍綱與躍冶兮久乃歸
 德而消戾爭既化而無冤兮受之者曾不知其所
 自隣境之聞風興起兮賢取則而才亦不忤羌忽
 忽其逾四紀兮奄雙鳧之辭世邑人比之采邑兮
 望梧桐而隕涕至今父老之追慕兮薦春菘與秋
 香樹齋文集卷二十二

桂陳羣之幼而尪弱兮角方總而應試邀夫子之
 藻鑑兮冠千人而拔幟廉子代有清節兮分祿米
 以相繼命公子以文會兮收切劘而砥礪既就學
 於京師兮詣晤別而三執子袂曰爾驂驪之終得
 路兮吾老矣其將至申明訓以贈行兮奉一言以
 為佩抱荆璞而不售兮又十年而顛躓涉章貢以
 遨遊兮訪邱壠而下拜歎闕市之數椽兮子朝負
 薪而暮實此寄胡夫子之積善兮而天不厚其裔
 尋余服官明廷兮辱非據于卿貳提玉尺而衡士
 兮收此邦之令器告成事以言旋兮敢逶迤以紆

纏慚衰白之無善狀兮凜箴規于寤寐望故里而
 神馳兮余肆惟其好懿古星軺之採風兮必先逮
 夫清惠矧茲邑人之母兮余又身浴乎遺愛潔牲
 牲以陳詞兮託微忱于丹荔

明府姓陳氏名大宏字質夫建昌府南城縣人
 以藩掾入貲除浙之嘉興縣令時史尙侵牟獄
 訟繁興明府慨然以誠實化導為事聽斷公平
 不冤不滯邑人比之况蘇州嘉興與秀水嘉善
 嵌田一案百餘年來三邑紳士聚訟不休明府
 誓于神清理數月眾論帖然至今思其德立祠
 香樹齋文集卷二十二

祀之



香樹齋文集卷二十三

祭文二

祭監司武練湖文

列宿沈輝楚猿聲斷循吏云亡風流雲散感逝論
交能無永歎我遊津水貧著短襦子本華閱實幼
而孤結交傾蓋子也兄予津俗侈靡豪邁相尚羔
雁填車笙歌連舫匪我思存元風斯暢人皆趨利
子則避炎以我慙直取以爲砭凡所規瑱如和投
甘子好吟詩示以王孟子復工書筆瘦而硬繼而

香樹齋文集卷二十三

一

別去厥功未竟我仍冰署子官倉曹奉母子舍歲
時蔬牢公餘過從以涿以陶西陲需才時論推轂
皇帝曰汝其往毋宿奔走後先轉輸芻粟汝方勞
士我亦循行朔方雪夜小隊來迎藉草道故歡若
振荆我歸京師子旋復

命遂忝楚藩江樓高詠子也華筵我也孤檠能不
我憶我亦爾思平生乞米拙于言詞惟汝知我以
貧告之汝復書云遣兒請業兒業之成行助爾乏
古之十庭義在斯及此雖嬉笑親愛則然千里問
訊以當話言如何浹月竟隔重泉督漕于淮力疾

視事藥石罔功奄然長逝魂不可招臨風涕泗

香樹齋文集卷二十三

二

祭王儀曾秀才

昔楚老之長歎兮悲蘭摧而蕙折胡今古之同慨
兮當吾世而一閱記昨歲之孟夏兮來校士于恒
陽蒸雅雅與魚魚兮課六藝于鱣堂爾挺衆以應
功兮羗離經而辨志試之難而無不赴兮曾不
遺乎一字顧廣座之千人兮咸俛首而驚異命來
前問其年兮髧兩髦而舞勺明扇鑰以受帖括兮
草千言而不加刪削賈餘勇以軼儔輩兮比晶瑩
于千莫理沉著而就班兮抽春泉于既淪遂列名
于學官兮紛芹藻之高掀迺按籍而詢里居兮實
香樹齋文集卷二十三 三

童子而茂經術兮雖勿殤而亦可余惡涕之無從
兮備時羞與衆果年不永而名則成兮庶以勸夫
存者亂曰照乘飛犢魚目珍兮神駿化骨凡馬駢
兮吾見其進不見其長理不可知任茲恟悅詠以
哀之爾其來饗

香樹齋文集卷二十三

四

祭文學張生文

羌余老倦行役兮指江城而弭節維九秋之六日
兮告棘闈之曉撤五色既迷予雙眼兮胡老泪之
難遏痛清河之長子兮忽蘭摧而蕙折隔千里之
茫茫兮寫余情之如結惟文學之初生兮料前身
是明月離襁褓而識之無兮剪秋水而瞳人如漆
謂是稱師門之清節兮承儀封之名闕汝翁既呼
我為兄兮予亦汝子而汝侄記汝年之未卅兮保
氏將汝而來謁或繞床而不去兮或餽飪之稍設
母氏抱汝如孫兮衣文繒與紫纈又予下直而捧

香樹齋文集卷二十三 五

天賚兮分餉汝以賜物汝于是日忽降階而拜兮
曰是來自

天家而不敢忽時庭除觀者下至臧獲兮莫不相
視而咋舌既翁攜汝官南邦兮旋離經而啟鐫年
十五而歸應童子試兮早軼羣而穎脫隨翁秉臬
于洪都兮登高閣之巖窠眎帝子于雲中兮懷作
賦之王勃翳吏局之遷徙無常兮又侍二人而來
闕締舊好而過從兮辨賦字之雌霓與諸子共親
斐几兮每驚異夫江筆嘉汝文之高淳兮欽汝行
之能塞間亦咨汝以官政兮必中理而合節汝翁

移駐河壩兮防黃流之奔汨汝侍母于京師兮省
晨昏而宵燈不輟曰南征其不遠兮晚詣予而言
別甫坐席而涕下兮曰有妹其忽逝叶訃音至而
秘不發兮懼吾母之悲絕邀予只素以馳慰阿翁
兮謂予善慰吾友而言之切切凡汝言之不苟
兮期曾閱于一室秋八月

上方有事于高高兮予承

恩而扈蹕謂汝當旋里以應賢書兮展彙榜而姓
名高揭計予奉屬車之清塵兮正汝得意之日乃
予忽銜

香樹齋文集卷二十三 六

命而來豫章兮鎖院深而音書難達方伯為汝執
友兮作汝誄而情竭予讀誄而駭且狐疑兮遂傷
悼而如割謂天其福善而禍淫兮乃有德與才而
汝算其竟奪對秋風而隕淚兮念汝翁而臨文憂
嘔既馳唁以招汝魂兮復諄諄而叮嚀吳札聽庭
樹之城撼兮又增悲于蟲吟之唧唧靈而有知鑒
予嗚咽

祭族叔恭恪公文

於戲傷宗支之凋謝兮驚吾叔之云殂翳昔先人之相承兮篤忠孝而傳家叶鍾族秀于厥生兮挺中朝之楷模內體仁而蘊經綸兮庶德隣之不孤外柔順而泯圭角兮一善氣之相孚由縣令以躋秩宗兮載敬慎以為輿同朝無論識與不識兮謂如夫子者庶幾其匪敖而匪紆撫懿美其不可殫兮早稱說于道周叶指端緒于睦族兮舉平生之一隅記吾祖之官信安兮叔擔膺其來斯飽苜蓿其如飴兮縱爛柯之清遊叶羣時髮其未燥兮猥

香樹齋文集

卷二十三

七

辱方余以瓊瑚中宦跡之超越兮歷交廣之崎嶇昌先我而依人兮羣亦事于馳驅適循良之上注兮拜顏色于徵車感涼燠之推移兮曾何戚之匪疎念微波之同源兮每顛狽其相扶招羣從于花晨兮接文燕之歡娛慶鼓吹于休明兮評道藝之精麤尋各丁夫私艱兮返邱壠而息廬泛烟艇以存問兮訪白社于枌榆際

聖人之當陽兮欣萬彙之昭藉擇臺寺而聯星台兮羣等亦先後振羽于雲衢界理縣于關中兮昌承之于郡符時寄言以訓誨兮勗羣職之勤劬羣

接武于館閣兮陪諸子而承趨朝考業而夕稽古兮惟論說乎唐虞憐北阮之貧窶兮分大官之頒糈或歲時而伏臘兮洽百禮而惠及于妻孥或同跪而恭聆

天語兮退銘心版之中區慕古大臣之以臣事君兮爰廣搜乎瑾瑜薦不責以私感兮况忍以之邀譽時六師之遠討兮實謀猷之所需

聖心方殷西顧兮叔每退食而躊躇曰余先人之勇烈兮効成仁于捐軀荷

聖主之褒崇兮賞延世而旌閭顧余老其行就木

香樹齋文集

卷二十三

八

兮忝厚祿之遷除言及此而涕滂沱兮實性分之所流叶積勞勩于四紀兮况衰邁之行徂懼曠職而乞身兮非慕夫井里之尊鱸章未上而羣役于西秦兮猶握手于須臾心含愴而不忍別兮奈四壯之戒塗昨晨發于朔方兮枉郵致之雙魚告羣以得歸舊林兮慰宵寐之縈紆今四月其維夏兮羣弭策于

皇都道逢季弟之南來兮曰眠食其如初泊涼秋之九月兮方檐雨之淒淒忽凶問其奔聞兮痛填臆而淚枯昔趙文之觀于九原兮曰如有作者吾

六誰與歸歟欽我叔之亮節兮其始終而不渝遵
遺範以自淑兮雖裝今其奚殊跪陳詞而道感兮
聊薦芬而醜醜

香樹齋文集

卷二十三

九

祭稽太夫人

嗚呼天顯奇節以垂範于女宗兮必崎嶇之盡歷
人見福祿之萃于一身兮而不知食蔗者之備嘗
夫冰蘖爰悼往而誅遺徽兮庶撫拾夫曩昔當太
夫人之歸我贈公也警昧且而戒雞鳴奉高堂以
躬操作兮著壺內之賢聲委令才以理門戶兮志
四方以爲程值逆藩之不靖兮乃陸梁于閩嶠公
依人而就此邦兮驚烽火之來告制府抗節而不
屈兮公亦誓死以相報惟殺身以成仁兮淬芙蓉
而一笑賊既平而歸骨于故土兮慄不知其所云

香樹齋文集

卷二十三

十

哭杞梁而感隣里兮期身殉于孤墳曰餘生其奚
恤兮奈垂暮之二人顧在抱之孤露兮更誰倚以
爲存天實篤生夫霖雨之望兮乃默相于其身身
爲慈母而兼嚴師兮高堂無子而有子咽糠粃其
如飴兮仍不廢乎甘旨仰有事而俯有育兮僅取
辦于十指終厥養而力擔夫大事兮靡不效法乎
書史雖播遷其奚辭兮曰昔孟氏曾聞夫三徙
皇秉德以彰旌淑兮相國亦應運而振翮于天衢
膺
寵命而被翟芾兮起子舍于河渠資義方以勵臣

節兮稟懿訓爲嘉謨天下父母之誠其女子兮莫
不以太夫人爲楷模卽女子之稍知自好兮莫不
私淑以善其身圖胡天不長留此師範兮乃未百
歲而云殂羣幸忝夫葭莩兮得備聞乎梗槩曾進
謁于度閣兮揖諸孫而行輩憶昔侍母氏以南歸
兮接綵鸞之同隊每駐楫而問安兮輒召羣而面
誨曾歷數平生之多難兮猶潛然而下淚曰凡忠
節之傳于無窮兮實汝史官之事吾老其無他請
兮幸抽筆而一爲之識嗚呼佩明德其烏能忘兮
矧日月之易逝倘未卽填夫溝壑兮殆將縷述而
香樹齋文集 卷二十三 士

仰酬乎夙志言及此而哀滿胸臆兮庶寄言以侑
酌

祭蔣母杜太夫人文

於戲惟我夫人浣花著姓幼嫻女宗淑惠秉性濟
以幹識燭理精瑩事我夫子內問稱令奉太夫人
惟孝惟敬潔滄致饌微及酌營以色以志豈惟温
清太夫人安俾綜家政惟天福善無感不應大啟
宗祊維麟之定太夫人喜曰維家慶吾師旣貴
恩遇日盛迎養 賜居蒲輪夾乘晨入暮歸羔羊
是詠踞而捧觴月筵花徑輾焉顧之遂申慈命曰
煩誠賢宜家道稱有婦若此而亦何更臧婢環者
莫不歡聽吾師純勤益謨臯虞瓶缶筐篚不營若
香樹齋文集 卷二十三 士

屏實委令才理劇以靜吾師敦睦仁氣薰蒸夫人
體之量力以罄或衣食之或嫁聘之凡奉所入瞻
舉靡贖吾師嫻郵雅畱擔膺公餘論說精粗考評
內適戚疎雜佩以贈亦有後進室如懸磬待火仰
薪以黔其醜彼單寒者窮年短檠誰以苦陳洞若
探訶言念及之能不淚迸夫人之德筆亦難名叶
訓子義方曰動必正句讀口傳以緯以經教一愛
均鳩鳩志興長也瑚璉淵澄玉映器業早成文章
縱橫接武西清勳職光榮叶 景仁寬厚人方比並
母則歎然以古自鏡曰守以謙惟德之柄席豐履

益返乎清淨生備賢明沒亦澹定忽駕雲駟如游
如泳如雨之化而亦何病數任去畱明理斯勝殮
具夙治慧業之證吾師退夕視珍而瞑遺訓在笥
意寫手訂用揭官箴嘉言懿行緬茲徽音庶幾陶
孟誅以致哀詞何能竟

告祭故友浙江方伯前福建巡撫蜀安居樓

山王君文

記壬戌之六月君釋鞞于京師罷巖疆之節鉞兮
心猶豫而差池予辱君之舊好兮歷炎涼而勿移
既下榻于荒齋兮敘情愫而相披予適舉一女而
呱呱兮君曰吾有孩其甫葺訂平生之歎洽兮解
雜佩以申之

皇任人而蠲瑕兮屬旬宣于紫薇遂陞辭以告別
兮指浙水而遊馳君銜感而益黽勉兮庶矢報于
倚毘胡分袂之未浹月兮忽凶問之北飛乃爲位

而灑淚致酸兮雲慘澹而低迷念諸雛之孤露兮
嗟旅魂之流離度萬里而返故土兮憐遷播之二
嫠予奉職于秋官兮魂夢時跌蕩于峨眉羞十載
而一彈指兮予遘疾而言歸荷

聖主之眷舊兮 勅扁跗而來醫拜 存問之日
至兮頌 上藥以扶衰安舊巢之偏仄兮百口夔
屈而難栖理嫁娶以遺餘年兮寄尺素于邊陲曰
交情之誓生死兮奚末俗之尙夫多儀令序昨臨
恢台兮欣母子之來斯賃卑湫之數椽兮通鹽鼓
與醯齋愛季子之僮儻兮宗黨咸嘖嘖夫門楣詎

仲冬之吉日兮借百年之永期女廟見之尙須時
日兮告嘉禮于神祇踐一諾而不敢忘兮幸我友
其鑒茲倘予未卽填于溝壑兮願卒業于師資要
靈貺之默相兮臨寒風而涕垂維達賢之有後兮
信古語之非欺於戲尙饗

祭王恭人文

於戲以夫人之孝與德而不獲享遐齡知數之不
可以理奪也嬭人之孝事舅姑視子事父母下氣
怡聲問衣燠寒或先或後敬扶持之而已然大率
從其夫爲之至于進盟則少者奉槃長者奉水冢
婦率羣子婦爲之其道猶易耳夫人之事舅姑有
難能者瑟齋兄以獨子寡兄弟是無別婦可代也
又瑟齋自弱冠舉于鄉連不得志于有司自癸未
至辛丑凡二十年始獲一第先是瑟齋率以榜放
後跋履歸里省視二人贈公見鄉里士子多苦棧

路修阻一再赴禮闈不售輒不借計吏來京將上
注始謁選人得縣令去懼瑟齋坐是不獲成進士
乃嚴諭瑟齋曰得第遲早有命吾精力未衰汝婦
善事汝父母爾應試後卽不售可勿遽歸或就館
隣近省分或游歷他省庶廣見聞勿以我爲念瑟
齋承親意遂不敢歸夫人時定省奉甘旨頗得二
人心瑟齋藉是得游學交廣閩嶠吳會晉豫間業
亦日進至辛丑成進士是夫人之孝又以婦道兼
子道而瑟齋之克成親志者皆夫人有以成之者
矣瑟齋由翰林遷臺省時子汝舟亦有室矣是年

舉于其鄉贈公見孫婦克盡婦職乃委家事而遣夫人攜幼子汝楫來京治中饋事羣始得隨母氏相拜于邸第羣與瑟齋友也而親若兄弟瑟齋率夫人置酒奉羣母壽羣亦侍焉母顧諸婦曰今日見王家婦舉止閒雅是可爲汝曹師也又數年羣母召瑟齋曰婦習辛苦昨見其箱中止一結纒黃絲絹耳爾曷稍製一二衣飾酌廿年代爾事父母耶瑟齋敬諾衣成夫人曰吾幼安荆布頗不慣統穀今承錢太夫人命敢不拜嘉然終不輕試也其儉德如此又數日羣約同館諸子小集花下瑟齋

香樹齋文集

卷二十三

七

先至就坐聞者報蜀中人來瑟齋伺其色遽驚駭不知所指及告則贈公訃也瑟齋仆地移時少蘇遂斥輿從羣以小車扶瑟齋還寓則夫人已哀毀欲絕矣羣母率羣婦往視之留數日未嘗見水漿之入于口也瑟齋違膝下久且遂抱終天悲憤幾不欲生宜矣夫人自始事以至奔喪蓬髮垢面勉襄大事其盡禮盡哀又非世俗爲婦者所可及已方夫人之來京師也留長子汝舟伺祖父母顏色俄而贈公寢疾汝舟奉湯劑目不交睫者月餘及執喪哀痛踰節遂至不起夫人同瑟齋歸蜀未及

里門聞之悲不可任於戲汝舟之死卽執友中如羣者猶悲愴逾時况夫人耶瑟齋釋服後羣亟請夫人起居瑟齋云晝夜哭不止耳於戲羣固知其不永矣夫人之孝與德若此而所遭又如此天固不可知者耶爲婦三十年勞勩無不備嘗其間離別死喪皆人所難堪者年來瑟齋又以職守留金陵夫人以姑老不能遠出至身沒不獲一見所天世之爲婦者不能師夫人之孝與德且以夫人之遇爲不可學而天又厚之俾之衣輕暖甘膳旨以永厥年者又不知幾千百輩矣彼其所得于天

香樹齋文集

卷二十三

六

者固有自耶於戲可哀也已夫人凶問來時羣于次日卽設夫人位于內寢之中堂率羣婦及子女輩酒淚致醴復爲誄言寄呈靈几

祭馬母莊孺人文

歲在乙巳奉母南旋邏水老屋僅存數椽吾妹之姑巾幗所難夙欽吾母雅誼是敦曰有安宅所居東偏掃徑以俟有堂有軒予時奉母容膝而安妹事其姑夏清冬溫姑視其婦如所生然率婦拜母曰請訓焉有見孱弱幸有諸孫嬉戲闐市習染攸關謂當從此仁者為鄰妹拜吾母亦以母論召予相見如娣如昆吾行別母守翰林官吾母卜宅又一再遷妹時趨候起居殷勤又十年後迎母長安訊及親串稱姑婦賢丙辰之冬吾丁私艱百口匍

香樹齋文集

卷二十三

充

匍言返家門妹來哭母出涕漣漣以諸子見禮數則閑既予服闋復點清班壬申遭疾詔許還山親知凋謝杜迹里端憐我衰白枉用相存孟冬之晦長須訃奔曰主當洗忽冥而昏諸子諸婦呼搶聲吞予臨力疾一哭沈瀾妹之令淑惟予能言事姑馭下曰孝曰仁秉義行惠而勿自專宗黨里閭惟德是薰寒春不相歌巷不聞令望所感庶以誅宣

沈恭人祭文

惟我恭人延陵之裔作配吳興尚書門第雍雍其儀秩秩其髮翁官京師伉儷來詣我友固廬實翁之季恭人相之克主中饋翁佐綸扉翺翔丹地望重文壇而好是謔秋夜月塲春時花砌謝舅何甥友朋兄弟往來篇什翁則第之嚮鼓鉅釘婦則治之豈惟敬客實以先意康熙甲午應京兆試候捷邸中笑呶揚鞭過酒牆頭眾賓既醉火馬打門固廬拔幟座中名流先後咸絳旆歸田以公告瘁恭人拮据傾奩以飲翁邁家貧履險以濟相對牛衣中宵涕泗惟天福善以佑厥嗣嶄然頭角人中稱驥有淑其女温温愷悌錫我嘉姻家兒作壻令子能文敦行自勵我心儀之薦剡是麗我懷在昔得人其事俊宅灼知非訪非介

香樹齋文集

卷二十三

平

皇室求賢敢辱兩拜

廷試既呈一行作吏乙丑之役予主南宮試令子榮昌中式廷試予奉讀卷三名成進士榮昌以榜前曾被薦引見命往山西以知縣用日家貧親老曰有二親迎養庶逮晉作吏迎養受國恩多矣水之濱丹川之畔板輿雙扶融融藹藹恭人曰嘻我心少慰既慰既嘉以惕以誠梁案相莊子婦敬

侍愛屋及烏家兒亦致偶道勤苦公餘情話兒政
既成

國恩亦施拜二千石黃流之次惟此殷邦大家所
莅在昔稱榮于今豈異瓠子方决遣重臣視令子
分防堵禦功大河患既平遭逢

國瑞

覃恩誕敷翟莠是被七十齊眉誥不稱太此夫婦
借老者

以子貴受封典母不得稱
太為人子者咸以此為榮含飴弄孫離經辨志早

貢成均英英國器茹荼而甘食瞻而味賢母之報
而康而熾

香樹齋文集

卷二十三

三

屏書兒名殊擢方莪哀音忽傳來自宋衛太守羅

憂家書遠寄上陳哀哀鞠凶是戾下憫乃翁悲來

祈制榮昌粹遠母親時固慮適回雲川寄書於父
恐乃翁過戚悵惻勸慰並商舉襄大事情致

懇切固慮得書遣力以承開緘泃落不能終讀節
友朋兄弟非慈孝親愛之至亦何能至於斯耶節

俸所入吉壤用識兒行奔歸堂斧是置翁得兒書

伴來我示開械循誦慈孝所遺兩姓通門敦茲親

愛痛不可收遺諭奴輩恭人喪歸取道宿沛我兒

我婦河干為位扶棺一哭靈舟凝滯明當南指布

帆風挂我猶力疾於茗之外酸此椒漿登堂長慨
敘舊述情豈日詞費嗚呼尙饗

香樹齋文集卷二十四

嘉興錢陳羣集齋

墓誌銘一

方伯唐公暨夫人吳氏合葬墓誌銘

方伯唐君以疾卒于官喪既歸葬有日矣其子辰

衡倚衡抱其父行狀行五百里叩門請曰先人執

友四十年來零落殆盡閣下知先人深其為誌之

余不敢辭曰

君諱綬祖字孺懷號莪村先世自海陵徙居江都

曰虞佐由歲進士知開化縣高祖考也曰明獻鴻

香樹齋文集

卷二十四

一

臚寺丞曾祖考也曰之日名諸生祖考也曰之天

以貢生知廣東靈山縣事本生祖考也曰詩績學

篤行以候銓司訓終為鄉里推重考也司訓公子

六人皆有文名掇巍科都顯職君行第六幼敏悟

過人司訓公鍾愛尤甚隨侍館塾學業日進先後

執親喪哀毀骨立時兩棺在室家人不戒于火君

從煙燄中躍出抱棺跪哭火為之熄人謂至孝所

感丁酉登賢書試南宮不利就選授河南封邱令

邑距省近民多挂名上游胥役侵牟鄉愚廉致于
法會河決中牟邑大堤卑薄君酌議每田百畝出

天一計工受直劣生某倡率抗阻脅眾罷市以制
大吏得其狀置首惡于法數調劇邑皆有治行除
歸德府在任三載每遇疑獄必得其情眾咸稱爲
神擢濟東監司調鹽運使尋授山東臬司定鹽價
恤竈戶革供應清理積欠按年區別入奏邀
恩旨寬免捕巨盜十五人盡置于法境內肅清庚
戌秋濟兗東曹四府被水災重之處飢民聚輒數
千人見瓶罌有粟者攫之有司律以強劫凡百餘
案君極陳情形于撫軍岳公得輕減全活者數千
人癸丑補太常少卿隨

香樹齋文集 卷二十四

二

駕恭謁

山陵贊襄 大典禮成晉階一級戊午六月補廣
西臬司在任二載民無冤獄時義寧桑江逆苗爲
患境內戒嚴巡撫召寮屬密議欲遷城外居民爲
堅壁清野計居民難之君後至卽正色言大兵卽
日壓境苗雖猖獗焉敢薄我城下稍涉張皇示之
弱且先自擾眾深然之民得安枕苗果敗散設計
勦除凡所建議悉中機宜有
旨褒嘉加軍功階一級辛酉擢廣西藩司陞河歲
久壅塞奏請動帑金疏濬採礦銅商工本不敷奏

請添價又奏請添州縣養廉又酌計微員回籍路
費時君方入

覲署撫以風聞數事裁劾歲餘得白丙寅夏補山
東臬司尋擢浙江藩司被劾經
欽差大臣審白旋補山東藩司力請于中丞阿公
運奉天米接濟登萊青三府民無乏食戊辰十月
補授江西巡撫明年調湖北巡撫兼署總督印務
所屬僚佐見君察覈嚴明交相傾軋得
旨昭雪卽蒙

召還京師塗次拜

香樹齋文集 卷二十四

三

命晉臬凡二載清理滯獄千有餘案平反十數事
癸酉十月補授西安藩司會城數萬家向資龍首
通濟二渠以資汲引自故道久湮民苦掘井味鹹
蒞任後卽訪輿情開濬故道居民便之又奏請修
興安堤工自此得免黃洋諸河漲溢大兵勦撫準
夷軍分兩路關中爲軍需總匯凡安臺備餉君悉
心擘畫夜分不寐口不言勞未幾得疾不起君性
極孝友操守清白能文章輒爲政事所掩與人交
不設城府而嫉惡稍嚴易罹毀謗屢蒙
聖心洞燭矜全得以功名終君生于康熙二十五

年十二月十五日終於乾隆十九年九月初三日
享年六十有九子三人展衡國學生候選州同知
倚衡舉人江西南安府知府秉衡廕生候選八品
小京官先卒配吳氏初封淑人後贈夫人歛望族
高淳司訓居揆女孫真州教授鼎元女年十八歸
于君事舅姑以孝聞當大事盡哀時家計中落夫
人性甘淡薄勸君折節讀書君任封邱時邑被水
夫人抵任所過村墟見多漂沒者至署卽語君曰
令有家室民無屋廬奈何明日卽請緩徵出陳穀
以賑君在豫以幹濟稱隣郡公事大吏輒倚任焉

香樹齋文集

卷二十四

四

兼篆至纍纍而內政悉委夫人莫不井井君疎于
財所至之處不名一錢戚友嘗至多缺缺失望
夫人脫簪珥以濟曰寧使子女少一衣節一食毋
使旅人失所也訓子女甚嚴和于妯娌隨君幾十
年致問餽遺往來不絕族黨中貧乏者預列其姓
氏置針箱中奉祿所入量爲分寄歲以爲常夫人
生于康熙庚午八月卒于雍正癸丑十一月年四
十四歲某年月日其子合葬于某都某鄉銘曰
爲政者與其不諒于斯民也寧不諒于同官不諒
于同官而民實諒之則自有公道者存

聖明鑒之與人誦之生也何榮政善民安久乃勿
替沒也宜銘邗之水流湯湯兮唐君爲政澤孔長
兮臨其穴若斧堂兮配溫淑而借藏兮詒子孫其
熾昌兮

香樹齋文集

卷二十四

五

族長從祖文學偶莊公墓表

嗚呼吾族長從祖偶莊公之沒也其族孫陳羣方在苦次聞而增哀且傷吾族之弱也同弟界揮泪設奠而從父同祖等袒括髮稽顙而起曰不孝依士禮三月而葬今逾月矣不孝等貧處鄉曲素不與達官貴人善汝幼侍先文學久其爲作墓表勿以少辭羣跪而謝乃綴筆而述曰嗚呼木之茂也葉沃若而枝敷榮塲師勿貴也曰培其本川之流也澗田決畦浩淼濤茫塞其源者立而待澗又觀夫射或遠或近或左或右易序而旅面勢而發者

香樹齋文集

卷二十四

六

其必以穀率乎夫族之有長長之繫于族猶木之傳本水之尋源射之穀率也公之云亡凡我族人能無殄瘁之悲耶噫我族自臨安析居邏村歷二百餘年耳非有扶漢翼唐之遠也族之先以仕顯者外不過二千石及守令者內不過納言及爲郎者非有珥貂帶劍之尊也然當其盛時或仕于朝或歸于家父子昆弟相師相友月吉相會燈火相望蓋族人尙少俗尙淳易爲治也厥後族益繁人益聚聚而處者諍語德已朽而遼濶且對面不相識其間強弱之不能相勝也有無之不能相均也

香樹齋文集

卷二十四

七

長之良難也公惟持之以公行之以恕族子弟之偶麗于過者每不輕面斥委曲引喻使之自愧其有能遷善者公必棄其舊而圖其新公又雅好扶獎善類族子弟之能爲文及有德行者甚至忘分師資往復無間用是族之良者咸樂親近公而其餘亦庶幾不自絕于爲善之路蓋二十年于此矣先是先王父罷官歸里先公爲族長頗器公度量一日謂公曰吾死之後汝當長吾族其何以治之公退然如不勝良久乃徐對曰吾以治吾身者治吾之子孫以及于族之子孫而已先王父握手稱善嗚呼此雖平時嬉笑之言亦足以想公大槩已少時貧窘不能自食教授生徒邑之良子弟多從公游晚益好道澹泊自居艱于步置一書几于卧榻之側足不越戶手不停披每不甚言語然族子弟及羣子弟以難字謁者問必答如是者有年嗚呼如公者可謂修身以俟之者矣公未沒之數日且有治命屬于若孫而告之曰吾賤且寡德無由化俗吾見世之喪其親者矣吹簫擊鼓于門之外上人羽士雜然而陳于中庭焚楮燭帛光燭四野甚者斂手足形勿躬治也土司泥脚以伺之陰陽

符咒以壓之人孰不死孰不附土而世之葬親者擇吉地考良辰環而聚訟更端不決有遲至不舉者非盡窘于財也凡此皆世所爲厚其親以自便者吾甚無取焉吾卽不避幸勿以俗相加有一于此吾死目不瞑吾祭食必吐且以吾志稍白于戚族及與吾相知者于是諸叔昆弟咸長跪俛而受命曰敬諾遂正席而沒嗚呼公于生死之際猶能以禮自處其維持風教之意一息不敢自寬若此與楊王孫之羸葬屈大夫之嗜芟治亂相去爲何如乎後公而長吾族者或在大宗或在小宗毋

香樹齋文集

卷二十四

八

偏僻自用毋先利後義俾道有所考業有所問以毋失先人之緒如公之行在其身焉若木之有本若水之有源若射之有鵠俾錢氏之延于世者以鹽官爲法賴公靈爽實誘厥衷矣

沈贈君墓誌銘

吾友沈子青崖督糧儲關中陳羣奉役往來三輔青崖詣行署道舊適驟雨至止之宿篝燈擁被談至少日孤露狀且曰先人棄不孝二十餘年貧不能葬通籍後例未得請假治之繼而入關有師命不敢以請時夜將半雨浪浪有聲青崖涕泗交作羣亦不知涕之何從也又七年羣銜恤里居青崖自蘭州遺書曰比者戎馬旣息行將假歸卜日營葬請子爲誌俾先人隱德勿墜惟子矣羣不敢辭乃爲誌曰君諱應龍字翼飛先世望于吳興分派香樹齋文集卷二十四九

于嘉禾郡之長蕩數傳至霽懷公有善行推重鄉里是爲君曾祖祖諱中立以舟車懋遷豐其家顧任俠重然諾曾致米江淮門下有以急難移巨艘去者亦不責問其大度如此凡三娶始舉子曰麋字天鹿別字伊尼生學者稱爲萇菴先生少喪父依母胡孺人存活少長博涉羣書丁明末造隱居不仕娶錢氏羣族祖姑也時族祖龍門公以巡撫擁兵淮上拒逆闖素重先生表薦以部職留幕下勿就晚居鶴湖著述自娛有孝行名載通志以孫青崖貴贈奉政大夫陝西延鳳漢興糧儲僉事

贈中大夫兩淮鹽運使太學生吳君泊元配

錢太淑人合葬墓誌銘

君諱岱齡字崧山姓吳氏系出周太伯後自唐少微公爲新安刺史遂家焉 國朝初曾祖民悅公遷居杭之錢塘文林郎育萬公君祖考也禮部主客司主政贈中大夫魏巷公君考也君幼而穎悟性純孝十歲能屬文既長博覽羣書目數行下尤精史學時朝右鉅公方修明史耳君名敦聘裁薦牘君以祖母汪年近九十母潘抱病床第未敢少離遂辭不就先後居祖母母憂哀毀骨立竟得羸香樹齋文集卷二十四 七

疾然撫育諸弟友愛備至魏巷公以長子冢婦善體親心用是壹志功名屢上公車無家室累既成進士授壺關令有聲凡免征徭興學校治城池諸大政君實襄力居多又以暇時條摘史記漢書集註諸家考据互異乃博採羣籍訂訛增註雖老儒宿學爲之屈伏甲午六月大司成高安徐先生集諸生有文望者十數人會講裘君璉汪君應銓傅先生玉篋吳君應芬徐君衡陳羣與君亦與焉獨賞君考据精確曰是吾門賈長頭也是年高安主京兆試初撤棘南元張君謁見謂曰某號吾所定

南元也索後塲不至乃易汝後知爲君卷因病與疾歸未終塲耳君聞之爲之氣沮舊疾益熾遂不起君以康熙十六年十二月二十六日生康熙五十二年十月十五日卒年三十有六以子嗣爵貴贈中大夫配錢氏以子嗣爵貴誥封太淑人系出先武肅後文林郎候選知縣彥雋公長女幼嫻女則通書史性溫淑然遇事明決少巾幗習氣年二十一歸贈公三日後易常服其事兩姑敬抑搔潔滌灑侍湯藥惟謹頗得兩姑歡心當大事必誠必謹勿之有悔焉侍繼姑張隨魏巷公之官山右內香樹齋文集卷二十四 七

政肅然方贈公遘疾太淑人寢食俱廢者累月已而轉劇潛自剪臂肉內湯中以進不效沒之日呼天搶地死而復甦者數四于是顧諸子曰吾豈愛一死以爾等故不敢輕生耳訓諸子甚嚴躬自紡績夜必篝燈親自督課又十年餘諸子皆學成名立仲子嗣爵成進士任銓曹掌選人尋奉命視學楚閩任滿遷監司擢兩淮都轉運歷任必迎養每遷一官太淑人必就職所最重者眉列示誠焉令甲年三十守節至五十歲以上得請旌贈公沒時太淑人年甫逾三十戚黨有以稍匿數月

請旌勸者正色拒之曰吾一生所自守者惟誠信二字匿歲月以邀

恩吾恥不爲也太淑人方正識大義類此其他嘉言懿行不可觀縷詳行狀洎傳太淑人生于康熙二十二年九月初七日申時享年七十有一子四嗣丹嗣爵嗣熊嗣譽舉早歿女一適隆平令潘思藻孫男七嗣丹出者二璉璿嗣爵出者三瓊琰璈嗣熊出者二珽珽女孫三某月某日合葬于某鄉太淑人陳羣姊也又與贈公同業于成均友也是宜爲銘銘曰

香樹齋文集卷二十四 西

延陵之裔古孝童孝乎惟孝友且恭枕經涵史光辟雍生而膏也後乃豐厥配承之代有終子孫奕奕昌家邦聖湖之濱山隆隆考行壽石傳無窮

趙景汾庶常墓誌銘

乾隆六年二月某日余按部校士于靜安行解巡綽官李某鮑某告余曰有寧津趙生者素服詣轅下長跪某某等涕洟滿頰若急有所請者某等以試事森嚴未敢遽白則又啼泣不能止因叩所以曰吾父趙某沒十九年矣尙滯淺土今吾母又棄世某月某日將卜祔于先人之隴求使者一言以銘于墓數百里徒步而來惟此而已余聞之歎曰是吾同年友趙君子也趙君葬有日矣余雖不能文誌而銘之不可辭也君諱芻字景汾世以耕居

香樹齋文集卷二十四 五

寧津之某里考某有隱德好施與遭父喪其鄉人重之匍匐往救致錢數十萬布數百疋悉頒諸兄弟之貧者鄉人稱爲趙孝子君生方五歲授四子書成誦後越數月不遺一字七歲能屬文十一歲通舉子業有神童之號十五補博士弟子員既冠好學不倦初邑人多不通經義君約同志者數人節解句釋有未得者獨坐靜慮巨日移時或廢寢食旣得必遍示同志一時從遊者甚衆遇歲歉日爲食于門以待餓者當道聞而褰之則矍然曰此吾父遺命也因顏其閭曰樂義承考又嘗延里中

後進之孤遺者于家躬自入書肆購而句讀之以授或手自鈔錄以授俟其學成乃遣去康熙六十年成進士選入詞苑國初以來寧邑成進士自君始爲翰林三年扃戶讀書無異爲諸生時也交河王少宗伯振聲聊城鄧鴻臚東長孝友素著人無間言然皆不輕許可人者每推重君德性曰吾不如也雍正元年以病假歸遂不起夫人黃氏撫二子成立延明師督課甚嚴朝夕飲食必手自檢視君沒數年子若姪或登賢書或爲學官弟子君之業用是弗替夫人後君一年而生後君十七年而

香樹齋文集

卷二十四

夫

沒某年某月某日合葬于鄉祖塋之側銘曰君德承先君學啟後邑之經師君名居首仕未竟緒業可傳薪願牖新進俾行在身

香樹齋文集卷二十五

嘉興錢陳羣集齋

墓誌銘二

范母諸孺人墓誌銘

乾隆七年春侍御范省齋先生郵寄手摺元醜諸孺人行略寓書于羣曰吾年過七十當令諸兒營其母葬事吾得見之誌孺人墓者子也先生爲羣丈人行引分固辭不得乃謹誌之孺人諸姓系本紹興元至正末知廣西梧州府事諱忠遷于禾郡秀水之思賢鄉實爲始祖忠生敷敷生偁中正德香樹齋文集卷二十五

一、

間進士歷任貴州按察使副使四傳至贈文林郎知陵水縣諱諧孺人王父也陵水公三子長諱惟欽孺人考也自考以上仕隱皆有令德重于其鄉孺人幼而端莊持重寡言笑年若干歸于先生是年秋先生方領秋薦赴公車孺人侍庭闈頗得舅姑歡心數年先生成進士之官南城孺人侍舅姑就官舍色養備至南城遭兵燹之餘民俗疲瘠孺人益厲澹泊力行節儉歲時伏臘邑老婦有躋堂入署見孺人布裘侍左右躬自浣濯咸化之既而先生報最被徵還家懼吳太孺人之憂助先生舉

喪葬禮竭誠盡哀宗黨稱其孝先生以禮部主事授御史孺人奉封公命率諸子來京師俾襄內政辛丑春恭逢

聖祖仁皇帝萬壽聖節先生與同臺諸公以建儲事上請有旨以原官効力西陲即日就道瀕行孺人謂先生曰師行戒嚴義無久留凡君所內顧者妾在當一身肩之摒擋家具率諸子回籍時封公年登八十有四孺人調滌灑以娛老懷而督課諸子行學不少寬假封公以壽終孺人理喪事益周密曰不欲使征人有遺憾也已而先生奉

香樹齋文集

卷二十五

二

世宗憲皇帝恩旨調還里門則諸子皆學成先後登賢書矣復出釵釧諸物謂先生曰翁歿數年未卽舉葬者以大事非婦稚所專今幸生還願售嫁時飾以襄葬事不亦可乎聞者皆嘆其賢孺人生于康熙九年己酉正月二十日歿于乾隆六年十一月十一日以某年月日卜葬于某邱銘曰德容既充言行踐瑩石記美何炳焜吉藏卜爾慶其行相夫當官起賢聲代夫事舅以孝名壽終有夫營其墓嗚呼孺人何其榮

吳恭人墓誌銘

陳羣持服里居荒棄筆墨將二年矣先是爲翰林時與席編修釗同館稱莫逆交後釗弟曰雍曰登者官京師寓居密邇並以志業相許至是以束紱先之遺書請銘其祖妣吳恭人之墓謹按其孫鎬所爲行狀誌之曰

恭人姓吳氏江南太倉州人自六世祖諱某以禮部起家後叅政公諱某鴻臚公諱某皆以科第儒術顯名三吳父諱琨績學砥行以子梅村公諱偉業貴封嘉議大夫少詹事恭人生而婉婉動中儀

香樹齋文集

卷二十五

三

則詹事公以最小女偏憐之不加呵督聞太湖之濱席太僕公有子能文章遂締嘉姻卽虞部主事今賜贈中憲大夫按察司副使諱啟寓席君是也詹事公卽世恭人甫數歲哀毀如成人十五梅村公以禮來歸時中憲公母吳淑人延太孺人在養恭人曲盡婦職各得其歡心事奉太孺人最久嘗侍疾三載藥餌廁浴必躬司之後先治兩姑之喪及葬盡哀盡禮里中士大夫家訓其女與婦者咸舉恭人爲法從中憲公官京師綜理內政邸第肅然中憲公壹志奉職有聲虞部恭人實佐成之既

而中憲公請假奉養移居常熟而平湖陸稼書先生友善設堂壇令兩子受業陸先生臯比講學一時碩彥負笈而來恭人以禮畱賓親治膳服惟謹中憲公既沒恭人懼其行之不稱稱之不遠也將葬召兩子曰汝父事母孝奉職勤取友端其巧當代老于文學者爲銘以傳之兩子奉命請于長水朱先生彝尊乃得銘焉自陸先生沒後卽命兩子受詩學于朱先生之門數歲學亦大進然亦不永年恭人慟悼不止訓諸孫如子而諸孫輩亦倚恭人爲怙恃十餘年來翔翔館閣報最循良者踵相

香樹齋文集

卷二十五

四

接也陳羣嘗舟經太湖宿洞庭山下居人之稱席母賢者雖販夫漁婦如出一口洞庭中憲公故里也懷德且然矧其宗族戚黨之沾溉又深且久者耶於戲賢矣恭人前後封贈生卒時日子孫次序名位孫整有合祔志載于碑陰茲不備焉銘曰頂山之麓席君之阡後三十載恭人祔焉恭人之德柔嘉有血是曰令妻南國是式恭人之教服于孫曾是曰壽母彤史是登封則堂矣日月良矣殷錢之裔來銘其藏

同年柯石菴墓誌銘

同年友柯君歿二十三年矣其子基泰來請曰基泰貧不克營先人窀穸先友存者惟公與德州雅雨盧公氣誼獨厚敢以期告明日基泰徒步攜予書至邗江雅雨得書慨然曰此朋友責也飲而遺之復予曰香樹與柯君同里非予匏繫者比其經紀之且誌而傳之予不得辭爲之誌曰君姓柯名煜字南陔號石菴爲邑望族王父名聳者康熙初爲納言有聲于朝州倅名宏本者考也君生五歲卽曉四聲稍長好學于書無所不覽覽卽不遺尋

香樹齋文集

卷二十五

五

遊京師與姜西溟查初白魏水村友善三君子不妄許可人者獨重君博物自是名譽日起作詩根抵漢魏于有唐諸名家愛皮襲美陸魯望以其遇相似也尋舉于鄉又十五年成進士

廷試違例被黜

世宗憲皇帝登極詔舉績學公卿上其名復進士知湖北宜都縣有善政君淡于仕進嘗自誦曰人苦不自知吾素不樂親簿書刑名事惟以身率子弟勉孝弟以厚風俗庶有志焉遇繁劇輒不耐遂改敎職授衢州府敎授制府汝寧程公冠文聘脩

省志卒于西湖昭慶寺所著有慈恩集樵唱集鶴
洲倡和集瑪瑙湖濯歌生于康熙四年歿于雍正
十三年享年七十有一娶錢氏副都御史名朝鼎
孫女子三壽坤廩膳生娶丁氏塔恒娶浦氏皆早
卒基泰其三子也孫嘉錫嘉鏞乾隆二十二年十
二月二十日葬于遷南區銘曰
豐于文嗇于遇終師儒守章句淒旅樵淹舊廬兆
未卜誰過歎哀遺孤叩先友指麥舟備廣柳魏塘
曲水環環若斧者其久遠于元切

中憲大夫慎齋曾君暨元配陳恭人合葬墓
誌銘

余抱疴里居杜門結夏六月廿有四日郡太守曾
公曰理偕其弟曰珏踵門請曰先府君沒距今將
三十年曰理兄弟各以奉職四方未獲求當代大
人先生作銘以誌府君生平梗槩用是日夜慚悚
今葬有日矣屈指先人舊交知先人行事惟先生
一人耳曰理又待罪知郡事郡爲先生珂里故泥
首以請憶余與君訂交時君任直隸吳橋令余每
北上畱余署中數日公餘倡和君同里萬字兆學
香樹齋文集卷二十五 七

士未第時亦在坐君獨賞予詩謂有漢魏遺意君
任俠俸入輒周里黨之貧者受者方懷感而君猶
歉然坐是用嘗誦閱今五十年每歎君之才略實
有過人者而阻于遇限于年之不永不獲大展抱
負長子曰瑛官閩屢以政績被薦爲臺灣郡守有
聲尋卒于官今仲子守吾郡清身苦體部民畏威
懷德上游咸器重焉曰珏醇謹署令著循績予向
以君不永于年爲恨今後人克自振拔且爲君幸
矣乃按狀而爲之誌曰

君諱逢聖書自字也又號慎齋姓曾氏宋南豐先

生裔遷居撫之宜黃明中葉遠祖學孔公爲寧藩
孔目官始居會城邑庠生諱曰旭字大臨者祖考
也以君貴俱賤贈中憲大夫諱有典字吉甫者考
也贈奉政大夫加贈中憲大夫君生而穎敏性孝
友稍長博通典籍書詩古文皆經名宿指授重然
諾有膽略未弱冠居贈公喪哀毀骨立主家政十
餘年遂棄舉子業援例入太學授南城副指揮理
冤除蠹遇徵發期會無累民絲黍時武進趙恭毅
公爲都御史極賞識之每于公所舉君廉幹以示
屬吏方裁薦剡以內艱去服闋補直隸吳橋令益

香樹齋文集

卷二十五

八

厲清節發奸摘伏無所隱蔽以薦除順德府同知
世宗憲皇帝知君才能特授順德府知府有妄人
鄭永書燈節被酒陡發狂疾作囈語不休爲人首
告將刦庫謀不軌城門晝扃居民震恐時君以公
赴保定聞之馳歸捕訊俱屬子虛立懲釋之被誣
者置不問皆羅拜涕泣而去其遇倉猝決斷類如
此大吏益重君器局可肩大事屬邑邢臺黃山中
有劉彭馬等八姓聚族以居持準提齋教鄉人相
率持齋者衆奉

密旨誅捕君廉知鄉愚惑于二氏教因明末避寇

屏居山麓丐福于神祈免鋒鏑誓世世子孫不茹
葷以答神貺殆百餘年矣每當佛誕之辰山左右
近境聯會進香醮金建佛殿供奉佛像幢旛甚盛
有類白蓮聞香教者

憲皇帝防微杜漸特降

旨捕治君奉檄措置盡善焚其書毀其祠宇寧其
室家各安生理未匝月而大定奏入

上溫旨嘉獎手詔督臣有如此賢員當留心提拔
之之諭時方改守巡道爲藩臬廷論君與浦君文
焯堪膺是寄適督臣奏大名乃直隸財賦之區賦

香樹齋文集

卷二十五

九

多積逋官吏蠹民因緣爲奸非君不能清理請調
報可先是議改大名巡道爲清河道 勅督臣遴
選幹員補授首列君名次浦君文焯次趙君國麟
奉

上諭曾逢聖浦文焯另有用處清河道員缺著趙
國麟補授尋推陞陝汝南道引

見時改授刑部正郎以江南司兼左右現審司事
多所平反旋被議解任卒于旅邸

今上御極之初擢滯起廢方欲柄用則君已下世
矣惜哉君任事有膽略官畿輔二十餘年有疑難

案件多倚君辦理君亦以上游信任就事直陳同
事忌君流謗下石者不少君怡然曰是可勿之校
以謗受屈命也吾安吾命可耳卒之日家無餘貲
惟圖書數卷而已乾隆二十四年某月某日合葬
于進賢門外老龍窩之麓銘曰

邦之循良南豐裔化被大陸歷瀛冀由令而守無
躡次薦者推轂陳殊異忌者下石工薈蔚嗟君奄
忽志不遂至今者民誦清惠嗇于身者昌其嗣家
傳治譜民所墜佳城鬱鬱樹藹藹吉壤封兮安厥
配以妥以侑欽世世

香樹齋文集

卷二十五

十

誥封光祿大夫太子太傅吏部尚書贈太子
太師諡文端汪公墓誌銘

休寧家宰汪文端公之喪過嘉禾其故人錢陳羣
致奠醢于舟次翼日孤子承沆等踵門來乞銘因
憶公自諸生與陳羣爲金石交垂五十年迄今衰
病里居書問往來無間一日得兒子汝誠書具述
公病狀凶問至嗚咽不能言又數日齋摺家人歸
祇奉

殊批內有汪由敦汝老友也今竟物故可惜之至
十五字友道始終上邀

香樹齋文集

卷二十五

十一

聖主垂察亦史冊所未有也今以 賜塋卜吉于
乾隆二十四年十一月葬于環塢之原所以誌生
平者惟故人是屬何得辭按狀公諱由敦字師茗
號謹堂又號松泉居士徽州休寧人九世祖諱齊
壽百歲五傳至高祖考泗論太僕寺少卿曾祖咸
和祖愼然考品佳三世皆以公貴累贈如其官妣
皆贈一品太夫人公生而穎異八歲能屬文同邑
查君禮南以女字焉年十九補浙江商籍弟子員
讀書錢塘僧舍靡間寒暑長白徐文定公撫浙時
重其才延致賓館以母憂歸雍正二年舉京兆是

秋成進士 廷試二甲第一甫登史館聲名早重
輦下前此以徐文定公薦充明史纂修官淹雅閱
達史筆擅長故明史之成終始賴公云授職編修
後館閣鉅製出公手居多由坊局轉侍讀乙卯八
月

世宗憲皇帝升遐

皇上御極一切大典禮進御之文撰擬詳瞻能當
上意入直南書房補授內閣學士洵歷六卿由禮
兵部侍郎擢工部尚書轉刑部尚書爰書填委覃
思推勘時陳羣居左職公詳慎和平虛已以受每

香樹齋文集 卷二十五

三

集眾見以成一是一是云

上倚公綦重委任事繁 命在軍機處行走

聖駕謁 陵及巡幸山左山右江浙盛京吉林皆
扈從每承廟謨指示耳受心識出即傳寫不遺一
字乾隆十四年金川平敘軍功加三級加太子少
師協辦大學士事務十八年晉階太子太傅準噶
爾平軍功加三級永定河決固安奉 命往勘籌
議堵築有以別開新河爲言者公主仍濬舊河爲
便得 旨允行都下錢米價昂議先支甲米加放
月餉錢市價遂平人第知公以文章受知遇黼黻

隆平不知其綜理庶務安詳周密房謀杜斷一身
兼之至于出入勤勞謹慎備至雅量鎮物寵辱俱
忘雖曾呈吏議致左遷而匪躬蹇蹇之忱仍荷
聖主矜全 賜第內城禁垣騎馬廕長子承沆授
主事與夫 御書筆墨白金文綺豐貂食品之

賜駢蕃稠疊難以悉數二十二年春晉吏部尚書
扈從南巡給假歸里旋扈蹕還京明年正月卧病
園第 特遣太醫診視中使存問日再至 內廷
曲宴仍一體與 賜病增劇 賜哆羅衛一襲
命御醫宿邸中動靜輒以 聞二十二日知不起

香樹齋文集 卷二十五

三

呼承沆口授遺疏大意踰時而逝無一語及家事
上親臨奠醊入門即號慟降 旨加贈太子太師
崇祀賢良祠賞內帑銀二千兩兼 命入城 賜
祭葬如制復 賜祭一壇令翰林院立傳諡曰文
端 御製五律一章有贊治常資理論文每契神
之句嗚呼榮矣先是公謂承沆曰適檢舊唐書得
李鄴侯傳未數行言月蝕東壁張燕公由是以亡
而已恐不免明年果卒今歲建未之月月蝕于奎
恐有當之者吾病其不起乎是殆有先兆矣公生
平美行嘉言不可勝紀孝于親友于弟族中貧乏

者量予周卹出俸 賜千金捐入家祠遂仿范文
正公義田遺意又建休寧會館俾旅居有卽次之
所桑梓咸感德焉顧未嘗事家人產喪還老屋數
椽不容旋馬惟 賜書滿載而已屢事文衡得人
最盛充同考官者三主文武鄉會試者六充殿試
讀卷官者四承輯諸書各館皆爲總裁詩文集若
于卷付梓行世書法力追晉唐大家兼工篆隸公
既沒

上命集公書爲時晴齋法帖十卷勒石 內廷云
公卒于乾隆二十二年正月二十二日距生年六

香樹齋文集

卷二十五

尚

十有七娶查氏誥封一品夫人側室邵孺人子三
長承沆戶部郎中承需承霽皆太學生女二長適
內閣中書吳恩詔次許查承裕孫一本中孫女三
銘曰

岐山白嶽秀萃靈鍾篤生偉人世德攸隆惟公應
辰懿德純昇秉醇儒姿具公輔器公之發蹟物望
所推學有根抵積厚而不鶴立詞林高文是式肆
而益醇華也非飾我

皇文思昭回四垂芒寒色正公字公詩鴻猷是潤
考禮釐樂勤宣絲綸密承帷幄遇深三接敷歷六

卿秋官久任惟允惟明瘁不言勞夙夜匪懈備物
酬庸以風有位公謙益撝公誠益輸維國之瑞維
臣之模列星歸垣天不憖遺寵極哀榮附身祕礎
旣崇禋祀復賁誅章佳城鬱鬱吉壤爲光公生日
攷靖共以獻公沒神存旁魄思贊老友作銘契濶
死生如執公手我言公塵

香樹齋文集

卷二十五

圭

誥授文林郎翰林院編修迪甫蔣君墓誌銘
同年友蔣君諱恭棐字維御一字迪甫其先廣陵人後徙蘄州五世祖育馨以舉人知清流縣高祖燦由進士官至天津兵備道曾祖圻以子鐸貴贈奉政大夫祖鉢贈考溶封並如君官君生四歲卽通四聲讀書過目不忘十歲爲文章有奇氣十四補博士弟子員時華亭張文敏亦以五經受知學使者江左文士矜奇耀異人握靈蛇之珠而張蔣兩君獨守先正矩矱所爲文流傳都下安溪李文貞見而歎曰是今日之恩泉震川也後文敏數香樹齋文集卷二十五 七

年成進士以廷試違式落第夷然歸里益肆力于古又七年與予同成進士入翰林充

玉牒館纂修官一時制誥典冊出君手者輒爲院長所賞激以封公七旬假歸上壽里居七年極色養之樂

今上卽位之初昭回之光下飾萬物天下文士爭自濯磨與時而奮封公以精力尙強命君北上供職充

大清會典 五朝國史館纂修官居無何以原官休致適封公以哭長子過慟朝夕奉侍未嘗須臾

離膝下先後居二親喪哀毀骨立時予與張文敏同事西曹公餘屈指當代古文必推迪甫每欲邀予公裁薦剡旣而文敏以疾去不果辛未二月法駕幸吳中侍直宮門蒙

溫旨垂問賜內府緞疋予時忝扈從見君于豹尾班後則鬢鬢皓然矣癸酉冬德州盧君抱孫再擢兩淮都運延君主安定書院諸生慕君名擔簏而來者咸虛往實歸君自誦曰吾雖老願以平生所得公之諸生當不負盧君也予適訪盧君于邗上盧君招予兩人飲花下賦詩以紀斯會數日予辭香樹齋文集卷二十五 七

歸長水未浹月而光嶽等已扶輓歸吳門矣盧君經紀其喪人皆以君篤于友誼卒得友朋之助云君湛深經學詩文無專師于唐宗少陵義山于宋愛廬陵臨川藏書數千卷皆手評數過著述十數種光嶽等方編輯授梓君生于康熙庚午十月二十三日卒于乾隆甲戌六月初四日年六十有五娶宋氏先君卒男七存者光嶽道恢師郊皆能世其業女五孫男三孫女五以乾隆二十年十月某日合葬于長洲縣二都十五畝福字圩銘曰予少賤走 皇都儔衆中揖二厨評道藝說唐虞雲間

張吳趨蔣一扶搖雲霄上一守官師儒長尙書星
隕岫晤郵詞客又訣邗水溝低徊往事五十秋感
舊一哭霜滿頭魂歸來兮樂斯邱

直隸開州牧嚴君墓誌銘

同年友嚴君與予交數十年如一日君官畿輔時
予視學循行稔君治狀予役滿還京君以公事往
來京師間詣予邸第一日天大雪留飲賓主各微
醉戲曰我兩人年相若也他日孰後死當誌墓君
曰侍郎文名日盛書勁秀理宜大壽又爲舊史官
其受吾拜於是大笑辭去又數年壬申予猝邁沈
疴蒙

聖恩賜人參上藥日遣醫診視少差復 召見數
次體恤備至 命兒子汝誠侍還鄉里其明年癸

酉君沒于開州官舍予舊疾旣瘳後患疽吟呻床
第君子秉圭秉璪以狀請誌未應亦不辭予自知
病起有日也家人見予卧病取架上求爲文者概
置字盍不復設已而病愈遣人過江詣秉璪索君
行狀乃得爲君誌焉

君諱宗嘉字二猷又號孚亭始祖季津公自閩遷
江右袁州府分宜縣傳十世至方伯公諱孟衡始
顯爲表右族又傳十世至君代有懿行君王父母
父母皆以君弟宗詰官二千石貴地贈誥贈如其
官君幼誠樸舉止端重稍長後先居母喪哀毀如

成人弱冠補博士弟子員與弟宗詰各以志業相
尙居贈公喪盡禮盡哀甲午舉于鄉計偕未售喜
怒不形高安相國朱文端公愛其文尤敬其品

淳邸聞其賢延課世子誦讀之餘惟以制節謹度
相勉勵益加敬焉初任楚中署武昌府屬之咸寧
復署沔陽多異政以拂署督意咨部歸原注銓選
雍正七年補授直隸高陽縣明年兼攝完縣又署
祁州一身兼三篆延袤千有餘里君整理無毫髮
遺悞如猪龍河建橋利濟謁靈祠禱雨一州二邑
後先沾足每秋雨堤決捐資堵禦復築月堤以護

香樹齋文集 卷二十五 干

至今便之甲寅調玉田下車後密捕巨盜海湖置
于法毘連數邑民得安枕丁高太恭人艱君銜哀
奔歸制府李公以薊運還鄉兩河堤決淹村落數
百堵禦工急非君不可君以事關民命乘小舟歷
各鄉水急風大幾覆溺者數四賑撫有方貧難得
活遷薊州牧尋改延慶牧乙丑秋州屬被旱灾者
百三十餘村君酌其輕重運粟撫恤大吏稱善每
遇旱潦往往諮君所定章程仿而行之輒效調開
州未得代時以金川小醜蠢動奉

旨調船廠等處滿兵赴川進勦檄君赴良鄉辦理

經畫周詳軍實無悞而民無騷騷之苦時有倡爲
椎牛饗士者君曰此所以待有功也凱旋時用之
今方出兵勞以酒食足矣若援此例則沿塗廢耕
牛萬計不可不慎衆皆悟議遂已君持論得大體


類此州境隣豫辛未秋七月陽武河決受水者五
百餘村廬舍多無存者甚或巢樹以避君立輸金
錢米粟僱四十餘舟遊役往拯全活數千人又協
辦阜城新安涿州順義差務無不井井在畿輔二
十五年歷治州邑十五六所至民安旣去民思持
身清潔待人不設城府誠意感孚人咸歸其長者

香樹齋文集 卷二十五 壬

位雖未顯而政蹟著于三輔沒後數年部民懷德
多祀其威儀鄉人族子過君所部境境民詢之有
延入其家追思舊澤至流涕者 年 月 日

子 卜葬于 鄉銘曰

君之孝友曾閱是期君之慈惠召杜兼之政在理
人親民乃見行在門內外亦罔聞人亦有言識墓
者諛我儀圖之惟君不誣老友作銘有諾在昔子
孫守之用壽斯石



行狀一

待贈文林郎顯考廉江府君行述

嗚呼府君迺遠棄不孝羣等耶府君夙嗜名山水少事遊歷渡黃河踰泰岱窮龍門積石覽終南之勝又嘗跨嶺嶠探武夷三洲之奇所過神仙窟宅靈景秘迹輒移日不忍去後貧窘不能治行嘗端居杜門今年夏同里陳君官姑熟郡守與府君舊姑熟為江淮屏蔽采石牛渚之險稱于東南遂薄

香樹齋文集卷二十六

遊詣陳君于姑熟期以秋深從徑道遊黃山攀白嶽以歸畱姑熟凡三閱月偶感河魚腹疾數日大漸窮俞扁術不起八月二十有一日遽逝先是府君命不孝峯畱奉母不孝界從遊因得侍疾時寒暖服食鼻糞色臭以司疾之差刃股投劑竟不果效不孝羣黜于南宮未獲歸得凶問昏迷不知所為強起奔赴麻鞋徒步歷二十有五日抵廬次嗚呼痛哉不孝等罪大惡極百死莫贖其尙忍強顏視息耶惟是府君文章倫行卓卓可紀雖困屈無由風世而扶獎善類孝友無間素為人望所宗不

於此時少述一二使家乘無稽鄉評失實不孝罪更何似沾淚梗述以埃覽擇府君諱綸光字廉江姓錢氏自武肅王孫忠懿王納土歸宋子姓分隸中州江南其在臨安者又散居各府武肅王十四

世孫富一公始遷鹽官嗣子孟寬公諱裕裕生實實生達達生珍代有陰德珍生被府君高祖也官禮科給事中明隆慶間贈太常寺卿特祠顯忠欽定明史列儒林傳與叔父琦弟萱弟芹皆以進士同官中外有聲於時曾祖孝廉公與映遵父遺命立義田贍族撰有書詩二經條解蒙

香樹齋文集卷二十六

聖祖御纂書經傳說採入焉祖孝廉公陞父孝廉公瑞徵三世皆博學為世名儒沒祭於祠於邑為望府君生而穎達十歲工文詞後隨王父謁選人得交老蒼輩濶略自喜雖遊公卿門無苟謁也初娶母蔡孺人奉王父母極孝脆促不永所事府君悲痛逾節數歲始再娶吾母陳孺人時家計中落府君館吾母家為秦坼一時名流與府君往來結契吾母脫簪珥以飲吾母尤工繪事每一圖成世爭購之售值數緡持緡易米歲時不絕數年而歸歸之日不孝羣已在劍矣於是主父薄宦將之信

安瀕行謂府君曰吾垂老一官豈可使爾等遠離膝下然春秋蠲潔必躬親之其畱汝奉祭祀時府君迫以嚴命勿果從歲一省視裹糧渡江十餘歲率以爲常秋而往逼歲遣歸著有寒江歸棹詩即古人望雲陟岵意也歲丁丑王父俸滿當遷將上計矣府君侍有憂色輒以間請曰日兒來省時命諸孫雜徑草待阿翁歸矣如是者數四先王父解曰吾亦念之遂侵星謁郡守董君請致董君固畱會至日祭

先聖于學官先王父佯失足于殿之西廡董君笑曰吾不可奪君志也遂許辭歸府君色養數歲旦暮嘗不離卧側一日先王父示所畫墨松命府君題識卽信筆獻詩云攜來一疋胡威絹寫出千枝

陶令松王父稱善舉酒相屬于是盡醉歡甚府君後先居王父母憂哀毀骨立凡附身附棺必誠必謹嘗栽蓮于王母總帳前蓮獨盛凌霜不萎十月蓮復花成房人以爲至孝所感府君篤于兄弟喪具嘗獨任事畢諸世父欲計費議償府君惶悚固謝遂不果計諸世父有疾府君每爲廢食諸世父先府君棄世府君視諸姪如己子雅不治生產恥

與乾沒者俱好施與疎于財不苟得于是貧益甚無儋石儲課不孝等甚嚴嘗自題書齋聯云讀嫌腹儉添兒課飲拔釵空讓畫圖蕭然四壁宴如也暇時嘗乘小舟抵郡城與一二名宿爲忘形交或淡句不歸歸必吟咏充篋焉先是不孝奉初就外傅甫離經府君命讀性理諸書塾師笑曰君不欲兒輩博科名耶府君曰科名重人耶人重科名耶當今人文燦然習尙瑰麗然自古文章風氣隨時變遷

聖天子方尊儒重道又得一二鉅公主持文運安見是書之不足取科名乎遂卒業歲餘卽有旨程天下士子皆用性理不孝羣知昧才絀然自

童子試及舉于鄉率以五經售不孝峯界亦先後補博士弟子員食餼于黌謬嬰鄉譽皆府君先物之識有以成之也府君雅好獎借人才讀李文忠與昌黎書論薦陸滂事心竊慕之戚族子弟或少孤苦失學或窘乏不能延師者府君嘗飲食之勸令從學後爲名士尤樂規瑣入過甚至涕泣相告使之自悟乃已然不泥成迹無責備意衆咸諒府君之誠平生嗜讀書卷不釋手嘗徹夜論究無倦

容年逾六十齒不豁眼如漆髮薨如童子然頗以此自任嘗不甚愛惜不孝峯界少事府君未嘗一日相違不孝羣自弱冠遊京師往返嘗不暖席後充八旗官學教習將期滿時府君仍命應順天省試甲午貢于京兆明年下第又明年歸省府君泊太孺人以禮闈屆期遣不孝羣北上不孝猶豫不果府君以精力強健委曲况示戒不孝母戀戀嗚呼痛哉豈所謂詹在京師雖有離憂其志樂者耶嗚呼痛哉不孝羣少罹寒賤碌碌無所見于世又以飢驅役于四方生不能奉菽水沒不能視含殮

香樹齋文集

卷二十六

五

桐川年姻家眷弟俞長策填諱

誥封太淑人顯妣陳太君行述
嗚呼痛哉吾母太淑人竟棄不孝陳羣等長逝耶不孝未弱冠遊學四方數年而歸一侍顏色席未煖卽飢驅出門通籍後僅迎養三歲請假侍歸假滿還職又十年蒙
世宗憲皇帝體恤深仁簡任 畿輔學政
命就養邸第私心竊喜謂從此得以公餘承色笑奉滌澹庶可報恩勤于萬一乃未及數月抱痛終天祐薄孽深至于斯極搥心飲血呼捨靡依誠不能強顏人世惟是太淑人食貧苦志芳範懿行實
香樹齋文集 卷二十六 六
無愧于女宗若不手爲詮次呈漏無傳則不孝之罪滋甚用追維言行和淚伸紙伏冀當代大人先生憐其哀惻俯垂採擇錫之鴻章以榮窳壤不孝等庶獲遵奉斯義稍自奮勉俾勿替墜仁人之賜于是乎大不孝感且不朽太淑人諱書姓陳氏自宋相國文僖公諱康伯以護蹕南渡功賜第于郡城之春波門外遂爲秀州人文僖公四世孫諱彥斌爲浙江廉訪使有異政杭人爲之立廟祀七世孫諱俊民明洪武中任貴州右方伯安輯苗疆撫民有法諡曰簡十一世孫諱憲嘉靖戊戌進士太

淑人曾祖也祖諱懋義邑庠生先外王父諱堯
勲太學生以善行著于鄉所居屋傍有梓潼神像
歲久毀壞守僧數募里民新之歲餘莫有應者夜
夢神語曰陳善人來當新吾像爾何得他請耶明
日外王父果至僧具以告卽鳩工修葺廟宇並裝
演神像無何外王母錢有娠將娩身矣外王父夢
神降其家已而生太淑人乃二月三日世傳梓潼
誕日也太淑人幼沉靜寡言笑生八歲時見同祖
諸昆從學舍歸輒問所讀何書促口授默識之不
遺一字外王母錢恭人相遇甚嚴每令學女紅頗
香樹齋文集卷二十六 七

句讀經書以授舅氏先王父
誥贈中大夫孝廉公與外王父有舊適先府君賦
悼亡聞太淑人賢請以繼室不孝前母蔡太淑人
賢而不壽先府君思念逾節太淑人仰承意旨結
禱三日後卽洒掃淨室懸蔡太淑人小影于其中
朝夕供蔬酒如生歲時饋問蔡家賓客如蔡太淑
人在也寒族自七世祖臨江太守公諱琦六世祖
太常公諱薇同弟永州太守公諱芹禮部公諱瑩
世居邏村子姓繁衍衡宇相望太淑人于歸甫旬
日見所居樓外有少年責佃戶償逋者不遜毆
香樹齋文集卷二十六 八

德望族人素所矜式行序亦長每歲時必集族人于家廟反覆誥誡數十年中族子弟相率不敢爲非將之官信安族人置酒取別且請曰誰可代翁長吾族者曰吾新婦陳至孝且慈吾觀其舉措家政當出吾右族人以爲然時族世母文學介亭公夫人朱教授道瞻公夫人陳嫂文學亦駿公夫人葉贈觀察公卓夫人俞皆以望族砥礪名節訓子有法與太淑人相處親愛無間率以勸善規過相爲酬答族人咸取則焉先府君性慷慨樂善好施于學無所不窺從父半完老人父子文學子玉

香樹齋文集

卷二十六

九

介亭兩先生同居鄉里頗爲時論所推一時碩學如少宰彭羨門先生竹垞朱先生華隱徐先生今閣學俞穎園先生兄弟並以志術相尙裾屐紛披連橋投轄家故貧不能具飲饌太淑人脫簪珥以供太淑人幼有倫鑒聞賓客中有以浮華相尙者必婉頰勸令遠之歲丁卯同村幼穉患痘殤者數人不孝兒五歲亦殤不孝甫二歲瀕死者數矣太淑人謀于先府君乃屬不孝于外王母曰是兒若保其婆所畱乎外王母乃盡去襦襟解所衣單衣裹之抱與俱歸外王母年過四十孀居將十載矣

乞隣婦乳嬰之不得則按方書取藥作乳以飼太淑人亦時寄衣襪餽餼等物不孝年九歲外王母以所居里中無讀書者遣還令太淑人教時不孝弟峯已七歲弟界已四歲矣不孝復患鼠瘡熾甚百藥皆試僅以骨立太淑人撫育備至比歲歉收里人乏食太淑人指所居屋質于郡中富家糴米以濟又嘗捐資施棺戚族有以急難告者無不竭力以應于是貧益甚先王母抱病信安官舍太淑人間之跪禱于神者七晝夜先府君過江省視將行謂太淑人曰吾親老不能咫尺離膝下諸子學

香樹齋文集

卷二十六

十

業成敗由汝矣太淑人慨然引爲己任聞里中有陶先生者躬耕績學不干外務具禮延致陶先生熟精經學獨不工舉子業且又多病辭不就太淑人固請曰以先生品行純素故敢相托經學果通何患不能成舉子業耶每夜必手錄不孝日課彙寄先府君令壹志親側勿以兒輩爲念不孝少居闕市習嬉戲讀書不能沉潛又自恃資性輒事強記繼而陶先生卽世所居讀書處有樓三楹太淑人在樓下紡織聲相答或聞讀書聲輕浮嘗潛登梯級覘之則不孝弟兄俱越席以嬉讀成誦書塞

責也于是大撻至流血數月又如之一日召不孝于家廟中跪竟日不令飲食太淑人亦痛哭自責絕食者兩日不孝泣曰請母勿自傷兒自是當攻苦讀書矣乃手錄朱子讀書法數則榜于座隅置字彙等書于紡車傍曰是吾師也並命不孝課兩弟不孝每夜讀易一卦據所見疏之太淑人手自披閱夜分不寢借篝燈餘輝躬自紡績晨遣蒼頭入市易米而先世所遺義田祭田歲按所入分給族人以本身及不孝等應支米數積之以周貧乏十指不給曾至斷炊借隣人粟作飭食家人指困

香樹齋文集

卷二十六

十一

盡善外王母寢疾率不孝俱侍湯藥及疾革獨任後事不孝兄弟先後以五經補博士弟子員旋貢于太學不孝原配俞淑人自幼有賢名太淑人憐其失母視之若子後脆促不永太淑人手圖其像命不孝記其淑行以傳之先是不孝夙困諸生先府君輒有憂色太淑人獨否曰兒能讀書遇稍遲何傷甲午以五經中順天鄉試太淑人寄言訓諭諄諄以勵實行慎交游爲勸勉先府君以兩親未葬日夜焦勞薄遊姑熟間時不孝弟界隨行見疾轉劇刲股以療終不起喪還太淑人傷先府君抱

香樹齋文集

卷二十六

十二

聖祖仁皇帝拔置詞苑太淑人喜不孝之成進士而悲先府君之不及見也乃素服上塚哭甚哀不孝念自幼遠離通籍後即迎養太淑人于京邸太淑人以弟婦任寡居遺孤僅四歲乃挈與俱來不孝俸祿所入僅供菽水願親老不能修甘旨忽忽嘗不樂太淑人輒慰諭曰吾習勞有素今來就養所幸在骨肉團聚豈爲甘旨耶汝能勤職奉公雖菽水足矣壬寅冬

聖祖仁皇帝升遐太淑人仆地痛哭失聲遭際

世宗憲皇帝登極嚮用詞臣不孝以庶常得與著

香樹齋文集

卷二十六

三

作之選太淑人勗以勤慎幸免隕越雍正元年八月有

月有

旨翰林擬擬文字進呈蒙獎賞者

召入殿廷各賞內府緞疋今相國錫山嵇公等九

人不孝名亦與焉時太淑人方寢疾不孝恭捧

賜物跪獻床下太淑人感激歡喜勿藥而愈三年

太淑人以畱京日久思瞻掃祖墳墓不孝仰承

母志請假奉歸太淑人未字時曾夢外王父語曰

自潞河南下三百里有村名楊柳青者吾死所也

他日兒過之當以卮酒望空而酌吾當饗之至是

舟過楊柳青太淑人命不孝爲文致祭太淑人臨風哭奠嗚呼綵衣侍奉鷓首南飛有先物者矣自

八月解維至十一月初始抵里門不孝奉侍左右

未嘗寸步離歸之日卽命不孝備舟楫謁祖塋展

視同祖兄有貧不能葬其親者命不孝量力舉行

兄某來謝太淑人惶恐益不自安曰吾子力薄不

能厚葬何以謝爲不孝假滿歸矣太淑人再三訓

諭以國恩難報當勉盡職勿以我老爲念不

孝不敢違命乃畱婦侍起居卽束裝入京明年太

淑人以不孝長子當就外傳遣婦率孫北上已酉

香樹齋文集

卷二十六

四

吏部以川廣等五省鄉試應差能員引

見勤政殿奉

旨湖南地方遼濶錢陳羣明白着爲正考官事竣

回京囊橐蕭然僅以鹿鳴燕上所得杯幣及試院

紅綾幃子等物遣人齎歸奉太淑人喜諭家人曰

吾子官翰林十餘年未嘗私蓄一錢每得清俸必

分治菽水今不寄一錢是真無一錢也奉差若此

庶不遺老人憂矣不孝以外王母久未葬節途中

所得俸給謀治窀穸太淑人與舅父山鶴公商權

辦理知不孝貧不加訶責是年不孝弟界以諸生

奉

旨効力軍前界幼羸弱太淑人憐之不使遠離及
聞西行則喜曰丈夫生三十矣不于此時為公家
出力更何俟耶尋受醴泉令醴為師行孔道徵發
期會晝夜無寧辱界恪奉太淑人教治醴泉三年
邑人安之制府冢宰劉公總理陝西巡撫事務大
司農深陽史公保題實授調繁寶雞太淑人嘗密
諭不孝遣家人變姓名徒步往來三輔間遠近
州邑土人皆稱醴邑令賢能體恤百姓辦運軍糧
不加敲撲人爭踴躍乃具以聞有喜色猶論不孝

香樹齋文集

卷二十六

五

曰汝弟若不才汝可効去之母遺吾憂不孝奉

命宣諭關中兩河父老人人感激

皇恩急公恐後而不孝亦祇遵

聖訓諄摯愷切宣布周詳其有未喻者至垂泪相
戒卽今深村僻壤凡經不孝所到之處有耨鋤德
色箕帚諄語及卑幼不率長者教或任性使酒者
父老詰問曰爾忘錢使君教耶向非太淑人訓誨
何以臻此歲餘事竣時大司農深陽史公奏請議
敘不孝名列第一晉階一級紀錄二次蒙

恩以親老回京方乞假省太淑人諭令供職坊局

不孝屢以文章受知癸丑冬蒙

恩嘉獎甲寅三月擢右庶子四月遷侍講學士尋
命充日講起居注官太淑人以受

恩深重當益自奮勉諄諄寄言訓諭雍正十三年
正月不孝奉

命視學畿輔二月恭請

聖訓蒙

恩垂憫微臣親老許科試事竣給假省視隨回奏
云

天恩殷渥舉家感激惟是學政事繁實無餘暇可

香樹齋文集

卷二十六

六

以省視 上然之曰汝且到任俟數月後酌量回

奏卽日

賜人參二封內府緞紬各二疋乃遣家人恭齋至
家並以 恩旨稟知太淑人卽馳諭云學政任

重且首善之地尤須實心體察生童數十萬人全
看女為表率女萬不可離職守吾雖衰邁行將就

養得信後卽具以奏蒙

溫諭優答不孝幼承母訓自蒞任後精白一心寬

嚴互用不敢有絲毫苟且七月試竣卽奉

旨供奉

內廷八月初八日蒙

恩褒獎十六日奏赴永平補行科試

召見時蒙

恩垂問云汝母來京就養起程否奏云已在途矣

天顏甚霽諭云汝永平回來便可見汝母矣跪聆

之下感激涕零永平試事將畢驚聞

龍馭上賓慘痛哀號不知所措絕食者數日強起

視事試畢卽縞衣奔赴到京之日具摺恭請

皇上萬安卽懇請瞻仰

梓宮蒙

香樹齋文集卷二十六

七

恩俞允五中慘裂血泪交迸隨獲仰見

天顏哀慰垂問匍匐而出晚宿翰林院署家人馳

報太淑人已從潞河入京矣途間聞

先帝寘天悲痛欲絕至今僅日進粥少許尪羸不

可言不孝卽欲歸寓問安則又遣人諭云吾已進

京相見有日 國服在身豈可頃刻離班次耶乃

于十九日釋服後卽見太淑人相抱一哭家人婦

女無不哀痛隣里見者無不流涕明日詣

宮門卽奉

旨仍在

內廷行走又數日擢通政使司右通政仍留順天
學政之任

召見養心殿嘉勉策勵感悚交集太淑人每見不

孝退食時哀毀號泣卽諭曰汝受

先帝深恩未嘗仰報今

聖天子大孝性成善繼善述事事仰契

天心正汝竭忠効力之時宜振刷精神毋過自損

傷太淑人雖勸慰及此然每日下直歸亟問起居

往往見太淑人追慕

深恩潸然涕下也不孝幼食貧無以爲養謂自此

香樹齋文集卷二十六

六

得以養廉之餘時奉甘旨少展烏哺之私顧太淑

人春秋高精神甚衰每進一饌嘗七箸而已又不

欲令不孝知爲不能下咽也輒歡喜曰今日安汝

婦所進某饌吾甘而食之矣月餘忽感寒疾伏枕

者匝月不孝以外王母撫育之恩未獲少報萬一

恭遇

皇上推恩錫類沾溉九有乃瀝情陳請

馳封蒙

聖慈俞允外王父

誥贈中憲大夫翰林院侍讀學士加一級紀錄二

次外王母

誥贈太恭人太淑人感激歡喜曰

皇恩稠疊實出望外報稱愈難矣又見不孝以

恩廕與姪汝鼎則又喜曰汝有四子獨厚于姪知

汝欲慰吾心耳汝鼎者亡弟峯所遺孤也自幼撫

于不孝不孝諸子亦樂于義讓太淑人每曰吾家

世為清白吏今童穉皆能友于其承保之少成即

天性矣歲暮時氣體平復問不孝曰汝今歲即不

出巡歲試明春宜及早出京乃于正月八日恭請

聖訓十一日出京太淑人猶命家人扶掖至廳事

香樹齋文集

卷二十六

七

前見不孝依戀不忍去則曰汝行矣吾涼秋薦爽

時當乘輅車看汝絳帳課諸生也嗚呼痛哉馬鳴

蕭蕭輿臺候門孰意牽衣拜別之日即為永隔天

人之日耶太淑人每昂不孝以先公後私不欲以

眠食紛不孝念慮元宵後數日復患寒疾旬日漸

愈至二月杪卧床不能起者數日諸孫寄言試院

必取而閱之見狀病勢甚熾字樣即令易之曰吾

病漸愈耳不孝兩接家信知病勢纏綿即擬陳請

乞解職奉侍湯藥嗚呼已無及矣三月初七日凌

晨太淑人病篤呼婦命具公服舅父山鶴公馮氏

妹倩巨欵在側謂曰吾子官貧全家扶旅觀歸需

用浩繁一切冗費萬不可為吾子自少遠遊聞吾

病雖數千里外倉猝歸省今聞此信自當并日馳

歸保陽去京不遠吾殮後三日然後蓋棺可使吾

子歸見吾去時面目也嗚呼痛哉不孝聞訃後制

府彭城李公來署問唁明日即移送關防及一切

公物于制府並日馳歸果殮後三日矣撫膺號泣

氣已欲絕家人啟棺因得親視衣衾含殮等物腸

斷血枯中猶及仰見容貌清癯肅穆不異庭闈奉

訓時而罄歎已不可得聞矣嗚呼痛哉不孝平日

香樹齋文集

卷二十六

七

一點孺慕之誠蒙慈母垂鑒于永隔時猶見亮若

是是則不孝所飲泣含痛與生俱永者矣至不孝

弟界遠羈一官奔赴無期其抱恨終天更何極耶

太淑人慈惠任卹所居遠近無論疏戚周贍惟恐

不至兩至京師送者無不牽袂流涕好成就後學

秀水張庚幼喪父太淑人見其勤學命不孝同舍

而食從孫載幼聰敏太淑人命從不孝學今兩人

皆以博學鴻詞科應召來京其他成就人之遺孤

者甚眾又至性孝友舅父山鶴公自幼相依至白

首無間少習繪事山水人物花卉各造極品寸箋

尺幅人爭寶之所著有復菴詩稿三卷不孝曾請
付梓則曰吾未能自信焉敢問世耶太淑人生于
順治十七年庚子二月初三日卒于乾隆元年丙
辰三月初七日享年七十有七乾隆元年恭遇
覃恩晉封太淑人 晉贈中大大通政使司右通
政提督直隸等處學政加三級紀錄二次廉江府
君繼室子三長不孝陳羣康熙辛丑科進士由
日講起居注官翰林院侍讀學士提督直隸等處
學政加三級紀錄二次娶俞氏 誥贈淑人吏科
掌印給事中諱之琰公孫女 日講起居注官翰
香樹齋文集 卷二十六 三
林院編修諱長策公女進士諱鴻慶公姊繼娶俞
氏 誥封淑人候選州同知諱爾望公女次不孝
峯廩貢生候選訓導娶任氏候選州同知 公
女次不孝界陝西寶雞縣知縣題署隴州知州娶
徐氏江西瑞昌縣縣丞諱 公女女一適舉人
候選知縣馮巨欽孫五汝誠監生聘思南府知府
史諱瑗公女戶部尚書諱貽直公妹汝恭儒業聘
內閣學士沈諱涵公孫女甲午科舉人諱柱臣公
女汝懋儒業聘甲辰科順天南元馮諱巨欽公女
汝隨幼俱不孝陳羣出汝鼎 恩蔭生娶甲辰科

進士屠諱 公女不孝峯出孫女三一許戶部
員外程諱亮祖公子一許翰林院編修蔣恭斐
公胞姪不孝陳羣出一適文學裴接三公子不孝
峯出乾隆元年三月望後二日謹狀

彭城年家眷姪李衛填諱

香樹齋文集 卷二十六

三

雜著一

雍正七年湖南鄉試策問五首

問聖人之學所以法天聖人之政所以代天是故有心法以紹精一之傳卽有治法以底協和之績治法者心法之推也心法者治法之本也堯舜禹授受則曰允執厥中孟子言湯執中是心法所由傳也而夫子贊舜則曰用其中于民仲虺稱湯則曰建中于民然則中者其兼體用而合一者與我

香樹齋文集卷二十七

皇上以生安之質宏參贊之功事

天法

祖勤政愛民以至一言一動必本之于誠持之以敬所以受福凝釐休徵協應然則誠敬者中之體所以立卽中之用所以行與朱子釋凡爲天下國家有九經所以行之者一也以爲一者誠也又曰敬者主一無適之謂誠與敬皆本于一與我皇上學由天縱而誨人不倦誠敬之理旣統會于一心復體驗于萬事以研經味道之功爲敷政寧人之本

經筵進講發明聖言如論時中

聖諭有云君子之中也以敬而統庸于中君子之庸也以誠而推中于庸恭繹之下字字精義灼然其著矣論忠恕

聖諭有云忠者誠也恕者應也存諸己者惟一誠物來順應萬事自具萬理皆一以貫之恭繹之下始知朱子無待于推之說確有實際功夫蓋誠無不格上以誠感下必以誠應程子曰未至于誠由敬可以入誠周子言學聖以一爲要曰一者無欲也無欲則公夫公私之間天理人欲之判也去其

香樹齋文集卷二十七

二

私心而無一毫之雜則人欲日消而無偏黨之蔽純其公心而無一息之間則天理日明而不失其本心之正此臯夔稷契諸臣得與見知之任者未有不由于此也多士訓行有日其悉心言之以覘所學焉

問民以食爲天民生莫急于謀食故王政莫大于課農周以農事立國重農之政莫詳于周禮一書小司徒之井牧立田制也遂人之溝洫興水利也草人辨其地之剛瀉墳壚別肥瘠也稻人掌其水之蓄止均瀉防旱潦也自禹則壤成賦而後似一

定而不易矣而古者授田又有不易一易再易之分何歟漢趙過代田之法使下田易爲上田之獲可倣而行之歟夫足食必先籌積貯常平之制昉于西漢而實本于管子重斂輕散之言其道可以抑大賈富家之豪奪而劉般議之何歟隋之義倉宋之社倉皆本常平之意而變通之或責之當官或責之鄉人其同異可得而詳歟西北土高資灌溉東南土卑資蓄洩然蓄洩得宜正所以資灌漑灌漑有法亦必以時蓄洩或因勢而利導之或開鑿防引設壩建閘以疏通之水之散布有多寡之

香樹齋文集

卷二十七

三

歟我

皇上躬親祈穀遍舉籍田重農之政考驗古今推行盡善積貯則按時稽察水利則因地興修用是黃輿呈瑞黎庶効勤平沮洳爲膏腴墾石田爲沃壤蓋訓農之事至成周而稱大備至今日而稱大成洵乎

聖人繼天立極數千載而一見者也楚南素號土腴長沙岳州常德三府所屬湘陰等州縣襟帶洞庭頗資堤陞保障之力

皇上恩賜帑金興修完固現議專員歲修永賴安瀾之福隄障之內可開墾者界濕固宜于稻而高亢者或亦有宜于黍者歟他如辰沅之間唐崔嗣業所開澤石放鶴槎陂等水人皆便之其迹猶可考歟多士食德飲和久矣其親切言之毋有所隱問治天下以正風俗端人心爲本民風者王化之原而士習者民風之倡古者教士之法恒詳誠以士習端而民風未有不歸于淳者人自受中而後莫不皆有愛親敬長之知能而漸至澆漓者習爲之也子曰性相近也習相遠也習本後起之事而

香樹齋文集

卷二十七

四

得而述歟我

皇上以天地父母之心大教誨生成之德愛士極其周詳甚至雪案芸牕老宿寒素所備嘗之况而不能自言者無不洞悉其微而曲加體恤訓士極其明備舉凡二帝三王下及漢唐宋盛時所已著

之章程而義有未該意有未盡者無不斟酌盡善而廣爲樂育士生今日宜如何黽勉耶至于觀風整俗使之設尤仰見

皇上愛士愛民之心有加無已故于簡任大吏慎選師儒之外復設專員俾宣德教示彰輝以樹風聲其與成周保釐東土而命畢召諸臣爲之異其名而同其意者歟古稱楚南風俗惠中秀外三湘七澤之間劉禹錫所謂民乘其氣清惠多文近者聖治洪敷苗犛向化而剛勇勁悍之氣或猶未息者由其慕化之誠動于天良而相沿之習洗滌未

香樹齋文集

卷二十七

五

遍誠欲採風者入五溪之俗戶盡可封易卉服之民皆知禮義其道何由書曰會其有極歸其有極蔡傳以爲會者合而來也其化導之始事歟歸者來而至也其化導之成功歟爾多士被服詩書必思所以倡率之以底于一道同風之盛者盍悉陳之

問察吏所以安民而命官分職代有增損唐虞詢岳咨牧而外不及庶司百執事專以安民責之大吏漢時黃霸以吏民嚮化由太守賜爵關內侯卓茂以視民如子由縣令封褒德侯兩京之吏治史

冊稱焉豈上古之世民淳事簡後世生齒日盛政事殷繁吏治之難易固有不同者與夫守令爲親民之官民生休戚在守令之賢否而守令賢否視大吏之表率其責誠有均重者歟我

皇上精求治理簡任督撫司道始之以其難其慎繼之以惟和惟一遇府州縣員缺內而月選揀選外而保舉調補亦必詢事考言以示鼓勵爲大吏者誠能體

皇上大公至正之心行激揚勸懲之舉有成就化導之意無姑容刻責之私如書所云寬而有制而

香樹齋文集

卷二十七

六

後可歟爲守令者誠能體皇上詳求民隱之念善催科撫字之方有功見言信之效無沽名釣譽之心如康誥所云若保赤子果何道之從歟清慎勤三字居官之要道然稍偏焉而清者或隣于苛刻慎者或近于畏葸勤者或至于瑣屑是必迭施互用以成其能則清恐人知者小心繼以匪懈敬慎不敗者黽勉本于精白業廣惟勤者節儉要于正直非有猷有爲有守何足語于斯歟

聖天子立賢無方而與人復不求備卽佐貳等官

亦必揀選錄用俾輔長官所不逮至因公呈誤者亦令送部引

見寬其過失以期後效爲臣下者宜何如之報稱歟記云事君先資其言其各抒所蘊以對

問人君代天出治未有不急于求賢以爲輔者書云舉能其官惟爾之能稱匪其人惟爾不任國家之治係乎賢才賢才之進由于薦舉古之人有舉親不疑舉讐不嫌者有昌言于衆無所引避者有密封陳奏惟恐人知者其能詳其事言其效歟我皇上闢門籲俊加意人才廣登明選公之路于野

香樹齋文集

卷二十七

七

無遺賢之時猶恐人才未能盡用使內外臣工各舉所知或密封陳奏或露薦送部卽親戚子弟不必嫌疑引避可謂宏收博採極千載一時之盛矣有薦人之責者必有至公之心至明之識方不負聖天子求賢若渴之至意然明與公兼之甚難欲知人必先觀人易曰誣善之人其詞游失其守者其詞屈此以言觀人也李克曰居視其所親富視其所予達視其所舉窮視其所不爲貧視其所不取此以行觀人也行不可泥而求之心則又曰察其所安言不可信而審諸貌則又曰觀其眸子師

其意而行之庶幾無失歟夫得一賢士與樹一私人一則志在自便一則志存爲國孰得孰失必有能辨之者况以干謁求進者其居心必不可問彼且不能自全其身又何能利及于所舉之人故古有自薦之賢才必無納賄請託之良士爾多士力學有年爲國家備任使之器梗楠杞梓地實生焉他日酬知之具養之裕矣盍詳著于篇

香樹齋文集

卷二十七

八

湖南科場事宜告示

照得三年大比乃

國家掄才鉅典所以網羅賢俊原望其明體達用
坐言起行本讀書稽古之功裕出身加民之業非
望其馳騁浮華以文辭而已者蹈虛車之謂也楚
南爲人文之藪自屈賈而後代有聞人我

皇上御極以來覃敷文教至治光昭山陬海澨無
不奮興鼓舞志切觀光向者湖南士子就試武昌
遠涉洞庭致有望洋心悸裹足不前者幸遇

聖天子愛士心殷無微不至

香樹齋文集

卷二十七

九

特命長沙建設棘闈分額取中俾楚南士子去波
濤之險得風雲之便比聞衡麓湘涘萌嶠黔溪間
家陔戶誦者視就試武昌時數幾三倍文風旣日
臻于盛文體宜益進于純易曰修辭立其誠誠立
于先而辭以達之是故可以行遠可以載道可以
章身可以華國蓋言爲心聲文又聲之至精者也
文品不一實理則同本院恭膺

簡命珥筆鑑衡思上副

聖天子樂育人才之至意下體爾多士芸牕雪案
之辛勤期得人以事

君務卽文而徵行亦惟執實理爲憑理之所是不

敢不取也理之所非不敢不去也查科場條例開

載中式後磨勘處分甚明內云文有正體凡篇中

字句務要典雅純粹不許故摭一家言以飾爲宏

博前場文字斷以明理會心不愧先程者爲合式

後場斷以出經入史條對詳明者爲合式如夾裂

本題不遵傳註引用異教摭入俚言諛語甚至作

全不可解之語後場問十不憶五者四書五經文

章策論表判有全篇雷同勦襲者磨勘時酌量察

叅等語功令具在諸生各宜詳慎毋得玩忽自悞

香樹齋文集

卷二十七

十

功名他如行文筆誤文內錯落一定字樣及錯落
在題目上者罰停會試一科二科不等間有輕浮
之輩平時不能涵養臨事多致草率謂糊名易書
之後使者憑硃卷取閱交卷時不肯細心檢點以
致中式後甘受磨勘之罰乃如之人他日出身加
民授之以官任之以事安能望其詳慎耶况添註
塗抹定例所不禁惟在交卷時從容勘對耳以上
所開條例奉行已久自宜家喻戶曉誠恐山村僻
邑新進後生師傅所未及講論明晰者合並開示
至于科場積弊近科以來釐剔已極澄清本院恪

遵

聖訓矢慎矢公此心實可自問

陛辭後同日就道星馳來楚並未嘗妄接一人即沿途地方當事迎接者亦並未妄通一語况本院自為諸生至通籍以來從不敢以非理向人干請豈有仰荷

主知職司文柄反甘身冒

國憲受人干請之理乎倘有不法之徒指稱故舊親戚招搖生事者一經發覺立即題叅諸生讀書明理各宜自愛毋致以身試法也特示

香樹齋文集

卷二十七

士

古今名將用兵異同辨

自古名將其善用兵者不可以筆罄也然而有異有同有異而同者有同而異者又不可以不辨也今因誦讀之暇嘗採之史冊誌其一二以為闕外之助孫吳以前可無論已惟自戰國以來有明而上其間名將迭興可勝道哉總之用兵之道不可不師古人又莫患乎執古法而不知變通如火牛之陣田單用之以解圍明代有用之以戰者敵以砲擊牛皆反攻大敗故用火牛則同也其所以用之者異也軍中無戲而王翦則以投石超距為可

香樹齋文集

卷二十七

士

用兵法右背山林前左水澤而韓信則用背水陣其用之時不同則知古法之不可執也孫臏滅竈虞詡增竈其事則一而其理則同一示敵以弱一示敵以強也詡之強弩勿發而發小弩即滅竈意也從東郭出北郭入貿易衣服回轉數周者即增竈意也廉范之交縛兩炬道濟之唱籌量沙張齊賢之列熾燃芻皆與增竈同元昊之銀盒藏鴿與孫臏之伏兵馬陵見火發弩同韓信易趙幟馮異變服亂赤眉虞詡采線縫裾王鎮惡蒙衝小艦行船者皆在艦內李光弼穿地道虞允文授潰卒旂

鼓從山後轉出之數者或襲其虛或亂其實或示之以神或恐之以勢用有不同其爲駭敵則一也王霸與衆飲蘓茂周建兵射中其酒樽霸安坐不動孫堅會飲魯陽東城董卓兵至堅談笑自若他如寇準博飲宗澤圍棋之數者或以之却追或以之守營用有不同其爲安軍心則一也耿弇與劉歆戰引精兵橫突步陣于東城下李愬與吳元濟戰夜半乘雪擒之韓琦與元木戰則選精銳數千繞出敵後伏其歸路金人方敵劉衍伏兵四起前後夾擊之吳玠吳璘與金人戰以奇兵絕其糧道

香樹齋文集

卷二十七

七

無鬪志尙乃命射獵密焚其營獵還皆泣尙使人慰之曰陽等財寶足富數世遂赴賊營破之王鎮惡與秦兵戰至渭橋令軍士食畢登岸密使人解放舟艦水急舟失因勸之死戰斯二者一則誘之以利一則迫之以害與背水陣沉舟破釜之計同也皆所以激戰而已矣田單之破燕軍也詐爲神師曰敵人剽其所獲發我之塚殊爲可憂司馬懿恐孔明屯五丈原乃曰亮若出武功依山而東誠爲可憂若屯五丈原我無慮矣斯二者同一詐也而一則愚敵以怒我一則安我以禦敵其所以用

香樹齋文集

卷二十七

八

温初退必嚴警備簡精銳爲後殿不如緩之彼晝夜疾趨俟其氣衰無不克矣金人之亂趙鼎勸帝親征帝欲戰鼎曰敵遠來利在速戰遽與爭鋒非策也二者同一不輕進也然一欲乘其後一欲老其師其意有不同矣陳平艸具供楚使岳武穆遣間諜齋蠟書二者同一行反間也然草具僅可欺項王蠟書僅可欺金人其時有不同矣隋主問取陳之策于高穎穎對曰量彼收獲之際聲言掩襲彼必屯兵廢其農事彼既聚兵我便解甲再三如此彼必不信猶豫之頃我乃濟師江南土薄舍多

香樹齋文集

卷二十七

五

茅竹當密遣人因風縱火待彼修之復更燒之不出數年財力俱盡矣隋主從之陳于是始病劉子羽聞有金師預徙梁洋之積及金人深入餽餉不繼子羽勝之二者同一使敵人匱乏也然而掩襲者逸故較易徒積者勞故較難其勢有不同矣劉琦埋車輪于城上撤民扉以爲蔽劉整畫地爲船以習水戰二者同一備不虞也然琦則行于有事之時整則行于無事之際其緩急有不同故詳略亦異也王濬以大筏破鐵錐以大炬燃鎖金兀朮以板鋪船上破韓世忠之鐵綆大鈞以火箭射蓬

破海船岳武穆以巨筏破撞竿以腐木爛草破舟輪以麻札刀斫拐子馬數者同一破敵軍也然水戰者必先期陸戰者在臨敵其遲速有不同故利害亦異也至若漢之時李廣與程不識同擊匈奴程不識則嚴刁斗謹侯望李廣則不設部伍隨士卒之便故兵皆愛廣而若不識唐之時李光弼與郭子儀同爲大將光弼號令一施旌旗壁壘皆變子儀則不然故將士樂子儀之寬而畏光弼之嚴此四人者何一時則甚不相同而曠代則若合符節也由此觀之然後知用兵之道各因其人不必

香樹齋文集

卷二十七

六

強之使同亦不必求其獨異惟我之所深信而無疑者則隨機以應之斯善爾雖然以李陵之勇未免以輕敵取敗蓋奇多而正少也然則古人所未有之事爲將者安可輕試之哉錢子曰凡爲將者其當盡之道莫如相機遇勁敵先謀所以弱之遇小醜先謀所以威之然切不可自顧其生故古人有言將不知兵以其主予敵也君不擇將以其國予敵也擇將者當擇敢死之臣知兵者必知敵國之勢二者乃古今不易之理也或曰圍棋與兵法無異愚竊以爲不然圍棋者彼

衆我寡先謀其生天下安有先謀其生而可以戰者乎

香樹齋文集

卷二十七

七

春秋兵法異同辨

太史公曰撥亂世而反之正莫近于春秋故爲將者不可以不知春秋前有讒而弗見後有賊而弗知守經事而不知其宜遭變事而不知其權所謂失之毫釐謬于千里勝敗之機死亡之患在須臾間也古之通春秋而善用兵者有四人焉關雲長杜征南狄青岳武穆是也春秋有不言兵而兵法在其中者如晉以男戎勝戎戎卽以女戎勝晉之類勾踐飾美女以秦吳其計本此至若大國三軍惟晉獨有四軍此晉之所以獨強也中軍私卒未有分者惟邲之戰楚君之戎分爲二廣此楚之所以有備也二者其道一也故二百四十二年之間其戰陳之事不一矣就其大略而言之則料敵之方有十驕敵之計有六先聲之計有二攻瑕之計有二應變之計有二退兵之計有二激戰之計有二持危之計有二怒敵之計有二陣法有二伏兵有二審勢有二軍政有二示暇有二出其不意攻其無備者有二楚子元侵鄭鄭人將奔桐止謀告曰楚幕有烏乃止中行獻子伐齊師曠告晉侯曰烏鳥之聲樂齊師其遁邢伯曰有班馬之聲齊師

香樹齋文集

卷二十七

六

其遁叔向曰城上有烏齊師其遁三者其言不同而理則無異河曲之戰秦行人夜戒晉師史駢曰使者目動而言肆懼我也將退矣平陰之役齊侯將走郵棠太子與郭榮叩馬曰師疾而速略也將退矣二者其言亦不同而理亦無異邲之戰樂武子能料楚人復能料鄭人鄢之戰卻至樂書能料楚人而不能自料乃能料人者反敗不能自料者反勝此二者殊有難解王孫滿之料秦師也曰秦師輕而無禮必敗姚句耳之料楚師也曰其行速過險而不整楚懼不可用也此與舉趾高心不固

香樹齋文集

卷二十七

九

者何異若乃伯州犂以公卒告王苗賁皇在晉侯之側亦以王卒告又其淺焉者矣春秋所以明料敵之難也繻葛之戰先犯陳人楚子伐隨季梁請先攻其右攻瑕之計同也楚人五用驕敵之計晉人一一用誘敵之計六者亦同也莫敖之請敗鄭師薦賈之先請伐庸同一先聲之計也城濮之役晉人夢與楚子搏楚子伏已而盪其腦子犯曰吉我得天楚伏其罪我且柔之矣越椒之亂射王泆軫及鼓跗著于丁寧又射泆軫以貫笠蔽師懼退王使巡師曰我先君文王克息獲三矢焉伯夢竊其

二盡于是矣斯二者其言皆奇而譎可爲應變者法子元侵鄭鄭人縣門不發楚言而出與華元夜半登子反牀皆所以退兵也然其計亦甚危矣苟瑩激士苟偃攻偃陽王孫賈激大夫叛晉其詞或急或緩各因其宜夫椒之敗越卑詞厚利以請成黃池之會吳王挑戰以爭先同一持危之計而用有不同晉文伐楚兩用譎計皆欲怒子玉之意也凡此皆春秋之奇計也先偏後伍與如荼如火其陳法同一整暇而強弱稍異鄭突三覆敗戎士季七覆自衛同一設伏而勝負有異晉人好用疑

香樹齋文集

卷二十七

十

兵或輿柴疏陳或多鼓均聲以強敵弱類如此曹翹一鼓作氣之說轍亂旗靡之論不輕戰不輕追何其慎也宋襄與楚戰子魚曰及其未濟請擊之吳之入郢夫槩王則曰半濟而後可擊同一濟水之時而或利于遲或利于早何其變也二者皆所謂見可而進知難而退者也以弱敵強類如此楚莊王之霸也軍行右轅左追蓐前茅慮無中權後勁百官象物而動軍政不戒而備越王句踐之霸也五大夫進策曰審賞曰審罰曰審物曰審備曰審聲則可以戰乎王曰可矣二王者可謂能盡軍

政者矣易曰師出以律否臧凶此軍律也以強敵強類如此鄭弦高以乘韋先牛十二犒師晉欒鍼使行人執榼承飲何其暇也兵之勞者示之以逸類如此鄭人侵衛牧以三軍軍其前以潛軍軍其後越王軍于江南乃中分其師以爲左右軍夜中鳴鼓涉江吳分其師以禦越越乃以中軍啣枚潛步襲之斯二者可謂攻其所不及料矣兵之分者示之以合類如此凡此皆所謂以正合以奇勝也至若練兵之法管子內政寄軍令爲上子犯之示義示禮示信次之擇將之法晉文用卻縠爲上晉香樹齋文集卷二十七 圭

詩經兵法辨
嘗讀三百篇而知王者之無敵也文武之世有不戰之威宣王而後有必勝之勢反覆之下蓋信不得已而用兵者其道無不盡善也迄今要而論之國風之言兵者五篇小雅之言兵者四篇頌之言兵者一篇擊鼓之詩曰爰居爰處爰喪其馬于以求之于林之下言失伍離次也州吁所以圍鄭東門五日而空還也較之無衣之言同仇者偕行偕作固已大異矣聖人于此知秦之所以強而衛之所以弱也况小戎之作婦人亦善言兵今讀其詩香樹齋文集卷二十七 圭

而知車戰之善也西戎騎兵飄忽追之常恐不及故利其輕其詩曰小戎儻收曰儻駟孔羣蓋言輕也中有游環旁有脅驅前有陰板可以係勒有釧可以係軻車制既詳而後器械可備龍盾欲合交轅二弓備不虞也蒙伐有苑女矛鋸欲自傷也竹閉緄騰俾之正也卽此一篇可爲破西戎者法矣若乃東山之詩將識士心破斧之詩士識將心安有不勝者乎觀此五篇可以知國風之善言兵矣采薇之詩曰豈敢定居一月三捷何其樂戰也四牡翼翼象弭魚服何其整且備也三軍之目必

視旗幟出車之詩曰諷此旄矣建彼旌矣彼旄旌
斯胡不旆旆又曰旗旄中央備邊之策必守其要
害之地故曰城彼朔方凡用兵之道馬不可不習
車不可不調先聲之氣不可失窮寇之勢不可追
四者唯六月之詩盡之用兵之道將欲其老成兵
欲其久練臨陣欲其從容進退欲其有節威震中
外者不戰而屈人之兵五者惟采芑之詩盡之朝
廷無事不可以黷武國家雖安不可以忘戰彤弓
瞻洛之詩可詠也他若漸漸之石之詩不足言矣
觀此七篇可以知小雅之善言兵矣夫擊敵者賴

香樹齋文集

卷二十七

五

乎能猛攻城者賴乎有具王者之師在略地天子
之師在命將故善擊敵者莫如太公善攻城者莫
如文王善略地者莫如召虎善命將者莫如宣王
大明皇矣之章江漢常武之什亦既詳言之矣蓋
兵欲其整欲其有備欲其不擾民故曰整我六師
以修我戎既敬既戒惠此南國又曰不畱不處三
事就緒以衆擊寡貴乎速故曰如飛如翰如江如
漢止者貴乎堅進者貴乎銳故曰如山之苞如川
之流兵以正合則綿綿翼翼以奇勝則不測不克
古今兵法數語已盡之觀此四篇可知大雅之善

言兵矣從來小醜之不下者皆有險可恃不奪其
所恃其爲害不息故殷武之詩曰架入其阻哀荆
之旅有截其所觀此一篇可知頌之善言兵矣更
有一言而其義無窮者如伐鼓淵淵明戰者之不
可輕進故鼓聲亦和振旅闐闐明勝者之不可少
畱故鼓聲亦壯駟鐵可以教射大叔于田可以練
兵讀城朔方之語知黃河之當守秦築長城漢開
五郡唐築受降同一理也讀殷武入阻之語知長
江之不可失後世吳蜀之爭荆川宋之不可南渡
卽此意也且夫六經莫不言兵而詩皆備之師之

香樹齋文集

卷二十七

五

耳目在我旗鼓故曲禮前朱雀後元武左青龍右
白虎卽旗旄中央之謂也尙書不愆于六步七
六伐七伐曹劌一鼓作氣之說卽伐鼓淵淵之
易師卦丈人吉卽方叔元老之謂也師出以律卽
整我六師之謂也其軍政悉因乎周官萬二千五
百人爲一軍天子六軍大國三軍兵車一乘甲士
三人步卒七十二人又二十五人將重車在後凡
百人天子六軍用車七百五十乘七萬五千人
大雅其車三千師于之試是也大國三軍用車三百
七十五乘三萬七千五百人餘皆謂之羨卒故公

劉之詩曰其軍三單魯頌之詩曰公車十乘公徒三萬皆不用羨卒者也此軍政之定其制者也仲春以蒐振旅仲夏以苗芟舍仲秋以獮治兵仲冬以狩大閱三時務農而一時講武故春夏秋之田皆略唯大閱獨詳冬夏不興師遣戍者期年而代幽風曰一之日于貉取彼狐狸爲公子裘二之日其同載纘武功言私其縱獻豸于公卽講武之時乎六月之師不得已而爲之者乎昔我往矣楊柳依依今我來思雨雪霏霏其卽遣戍之期乎此軍政之定其時者也至若讀之子于征有聞無聲而

香樹齋文集

卷二十七

五

類貫則聯屬而共相發明矣亦不必人云亦云也明日卽授羣詩經曰古人能文者必兼武備曷畱意乃就詩之言兵事者比類聯絡之按武備志言用兵之法衍詩經兵法一篇先生見之喜曰是豈舉子業耶又數月復就春秋所言兵法一篇呈先生先生又爲批削塗竄付羣曰是亦紙上談兵也雖然加於訓詁一等矣先生又授兵法一篇曰吾老矣子年少力學他日通藉後遭際

聖明當文武並用之時倘受知

香樹齋文集

卷二十七

五

九重得備顧問或巡邊督師稍涉將略効馳驅於盛世方不負讀經本志也先生姓俞氏名長策號檀溪祖昌言官州牧有治績父之瑛以名翰林改吏科給事中先生幼力學醇謹寡言語於書無所不覽夫人邱氏名家女好讀書先生貧不能購書夫人問所欲覽者何書卽向書肆借抄予曾見夫人手抄莊子漢書及韓杜詩集數種夫人德性仁厚耐貧女二陳羣爲諸生時先生見羣試卷極賞之知羣未娶歸以語夫人屬所知曹君樞爲媒願以長女作配羣稟聞父母

甚喜康熙四十四年先生應 召入京 賜帑

金五百治行先生謂夫人曰吾數日即北上矣

汝擇日嫁女可也是年夫人以喪子過痛抱疾

而逝明年丙戌先生會試被放

聖祖問大學士李光地曰舉人俞長策會榜無名

主司之不明也明日有

旨罷會試總裁官李錄予彭會淇俱削職先生蒙

恩一體殿試讀卷日拆第一卷

聖祖問不是俞長策麼其激賞真異數也先生一

生落拓身後惟圖書數卷而已因檢閱少年撰

香樹齋文集

卷二十七

毛

著追憶淵源識其顛末俾陳羣諸子及孫曾輩

有所考焉陳羣識

香樹齋文集卷二十八

嘉興錢陳羣集齋

雜著二

治河略

竊按先天之數以究方域之圖艮居西北二陰在

下上戴一陽覆碗而最高東北則震一陽在下上

戴二陰仰盂而卑故黃河自積石入中國至于碣

石入于海吳居西南二陽在上下覆一陰且土寄

生申故亦最高東南則上缺之兌澤也故江漢皆

發源于蜀至于吳越入于海豈非自開闢以來一

香樹齋文集

卷二十八

一

定之道乎此所謂南條北條也若淮則自桐柏發

源入于海是謂中條皆地之大脉也自是而南七

十餘河北二十餘河支連絡貫無不由江淮河漢

以會于海則水者血也河道者筋竅也氣引血行

肌膚豐潤何不善之有然人之血氣易于為疾惟

君子御之以理則大禹之行水行所無事此以理

制氣之學也有克己之功尤須涵養之力故掘地

使江淮河漢由地中行而涸出之土不無微窪停

蓄之處又開溝遂洫澮以達于川即有水滂而溝

澮之間皆能受水是以天下之地容天下之水也

故既奠之後底定者數百年雖至湯建都于商因河患而屢遷然考之詩書未有如後世之災之甚者也自齊威公塞九河同爲一河至周定王五年河遂徙滎陽乃下引河東南爲鴻溝以通宋鄭陳蔡與濟汝淮泗會而禹之故道湮矣且自春秋歷戰國裂土分疆各自爲計觀葦邱之盟曰無曲防而白圭之治水自謂愈禹斯堤堰之所由起也夫增堤以障濫乃水浮而不收是時已不盡由地中行矣謂非井田既壞之故哉其後韓用鄭國間秦鑿涇水入洛三百餘里以溉田雖秦獲其利而

香樹齋文集

卷二十八

二

兗豫之間未聞大害則上流之有以殺其勢也至漢而決酸棗決金堤決瓠子二十餘年爲患特甚武帝乃自臨決河卒塞瓠子河北行三渠又命鄭當時穿渠自長安至河三百餘里而渠下溉田萬餘頃太始中復穿白公渠引涇水首起谷口尾入櫟陽注渭袤二百餘里溉田四千五百餘頃朔方西河河西酒泉皆引河以溉田而汝南九江引淮靈軼引渚水東海引鉅定泰山下引汶亦底定者百餘年及後河決館陶潰金堤汜濫兗豫而賈讓之上策以爲放河北流中策多穿溝渠增堤培堰

則下策耳明帝因汴河爲災發卒數十萬修汴渠自滎陽東至千乘海口千餘里十里立一水門使河汴分流入慶安瀾自漢末迄唐雖間溢不致大敗如曩日則河之大概不略可知哉惟宋都汴梁輓東南之粟用齊澣之議開清水河十八里意謂導淮入河不知實引河入淮沙泥壅淤遂決濮陽陽武繼決滑州韓村泛澶濮曹濟間仁宗時決橫隴改而北流自是而穿六塔渠向北導二股河使東河分爲二焉宋昌言主東行司馬光主東北並行後王安石與光不合竟閉北流而河大決溢貫

香樹齋文集

卷二十八

三

御河爲一迨元祐間回河東流之議復起而文彥博呂大防主之以爲河不東失中國之險其後吳安持築堤七十餘里障北流而東而河決內黃勢全北流政和四年孟昌齡獻導河議穿大邳東北二山分二股而過合于下流是時水稍就禹故迹北流而定也明宋禮濬黃河故道于中灤導河分流北入海河以分而安又陳瑄疏請于清江浦引水由管家湖入鴨陳口達淮鑿徐呂二洪之巨石築長堤以蓄巨漕至正統十三年河決張秋又東流入海遣徐有貞作治水開疏水渠河流之旁不

順者堰之堰長袤至萬丈弘治河復決原武支分爲三一出金龍口一出下尉氏一出蘭陽儀封瀾漫而不可禁命白昂治之乃築陽武堤濟古汴河疏月河十餘以殺其勢塞口三十六由是河入淮汴入睢睢入泗泗入淮以達海猶以河之入淮非其正道復自魚臺歷德州至吳橋修古長堤自東平至興濟鑿小河十二引入大清河及古黃河入海迨萬歷初河淮分決流沙淤溢雲梯關入海之路大阻淮安墊焉潘季馴乃申陳瑄故畫築堰以捍淮築堤以制河又慮河之內衝閘而蝕漕也嚴

香樹齋文集 卷二十八

四

五壩之啟閉且于黃淮之會作風神壩使黃之漲也不致直入淮淮之出也直射河以淮刷黃而人稱神焉則疏防有訣消納有機矣由是觀之河之北行者其本性也合淮而東行者後世漸移之勢也多穿溝渠者殺冰之正法也建閘設壩大爲堤堰者驅水從我之巧術也此如用藥攻疾而但能已症藥一日不服舊病復作百病叢來再服昔藥未必效矣蓋築堰以障湖而設閘以啓閉是妄啓非宜妄閉亦非宜矣而以爲堰設而湖可瀉水則下流不致肆出可免東去之溢不知湖日注而滿

則淮水之暴來無所頓泊且河淮既已合流則風神壩似可不修不知黃強而淮弱黃濁而淮清水之性淫而易昵河之漲也勢先就淮以濁交清泥沙下沉則湖底日高淮底如故下流不順上自妄行再加黃水入湖淮水不能驟出向下湍急之意一緩不能刷沙海口壅滯其以釀今之患也豈一日之故哉夫地猶是地水猶是水法止此法而有一番之變在權一番之宜近聞人自南來者皆言淮揚之水漸消而濟曹一帶勢復滔天而洛陽中天下心區也淮揚曹濟腹肋也腹肋病水膨脹大

香樹齋文集 卷二十八

五

作二使不行而謂胸膈以上得以安寧乎若因淮揚治淮揚因曹濟治曹濟是猶閉門捉盜徒受其殃無論民之陷溺難除明歲之漕儲將何以運輓耶爲今之計在考古而不泥古相度黃河舊代北行之路有可開者多穿支河以導之則河水減河水減則淮水暢淮水暢則諸湖落而原隰寧矣不然當地翕之時田若猶出而明春一闢本地之水猶且上浮况益之以河淮之浸漫也哉且上而山陝平而東省雖猶有漕田之渠而年久官不督理必有塞蔽民間自行修整者當在三月之時農事

未興畚鍤多暇及時鳩工卽行通導以防桃汎之厲而所涸出之田亦卽整理溝塍目下免于沮洳將來便于灌溉使水之在地者大以受大小以受小皆由地中豈惟明秋可望復業不幾數十年長慶豐盈乎然當事之未敢大爲舉動者以爲大工一興動費數百萬夫與其發無筭之帑以賑而暫救于須臾又何如爲永逸之計且免見萬姓之顛連哉元賈魯開河數十里數十日而成近時興一役輒累歲月者在河之員惟樂有事不願無工有工則有利無事則糜已夫莫非王事何各官俱

香樹齋文集

卷二十八

六

養其廉而河員必自備資斧哉朝廷用人亦論其才不才耳富者未必有才有才者不能盡富果才矣則國家方賴之以享無窮之利而何不可利于彼哉此又積習之不可不詳察者也

乾隆十五年江西鄉試策問五首

問帝王之治本乎學唐虞夏殷之初無學之名其心法相承見于詩書者曰中曰一曰敬三者體用存發先後合一之際能括其旨歟說命言學必歸于修德其上接堯之克明湯之日新而下啟緝熙宥密以爲心法者歟董仲舒言二帝三王之道在設誠其要安在楊雄言天下雖大治之則小四海雖遙治之則邇後儒謂得執簡馭繁之道能言其所以歟唐太宗謂人主惟有一心而攻之者衆宋太祖曰此如我心少有邪曲人皆見之三代而下言治心者殆庶幾焉其于危微精一之義離合純雜可得言歟程顥謂防未萌之欲程頤謂當擴充此心楊時謂中卽極也朱子生平所學只四字元許衡謂欲求典謨必先明大學一書其言至爲得要能切實指之歟周敦頤說一幾字張載說一豫字他如諸儒致力之處其殊塗而同歸者可詳言之歟我

香樹齋文集

卷二十八

七

皇上姿本生安而遜志時敏萬幾之暇日親典籍其于二帝三王心法之傳不惟深知而篤行之矣偶遇三農望雨之時甘澤稍遲必躬自省察至

卿寮言路諸臣所未及直陳者

聖心淵乎若谷披示無隱詩稱不顯亦臨無射亦保何以加諸然聖敬日躋之學有愈進而愈上者多士承問其敬獻之

問士先迪行學貴通經我

皇上文教單敷崇尙實學

特詔舉明經之士聖籍光昌千載一時矣儒生席珍待聘夙昔所強學者安在周易重卦之聖人其說有四若鄭康成孫盛史遷虞翻是已今主何家而繫傳剛柔相摩八卦相盪說卦傳之八卦相錯

香樹齋文集

卷二十八

八

其卽重卦之義歟復之七日來復其說有三孰爲優歟尙書今文古文能數其分合歟在璿璣玉衡以齊七政解者紛紛能明辨而折衷于一歟刪詩之說始于史遷孔穎達嘗疑之朱子云未曾刪然歟誦詩叶韻其體之變者如每句隔叶兩字隔叶能枚舉之歟清廟一詩不能叶其義安在春秋三傳于經各有得失若鄭康成范武子劉原武胡文定朱子之所論可得詳歟又三傳所載經文未可盡信其非魯史本文能指之歟戴禮爲漢儒所述其最醇者何篇其爲門人所記及作于戰國者又

何篇曲禮之立官異于周制王制之言封國異于孟子其義安在多士躬逢

聖運學守儒先其必有仰副明經致用之盛心者各抒所蘊于是篇

問邑有良宰則萬戶息肩州有實牧則千里解帶守令民之師帥

上所藉以承流宣化者也周禮考課有六計八職八柄漢刺史以六條按郡國唐陸贄以五術定黜陟宋紹聖之七事旋增至九事可備陳歟歷代言吏治者莫善于蘓綽之六條可稱包舉然歟否歟

香樹齋文集

卷二十八

九

吏治以才德分經緯此最與善所由名也能舉其著者歟 國家承平日久察吏之法稱極備求如西漢之循吏六人新唐書之十六人尙不多覩何歟我 皇上所其無逸勤求治理策守令以教養爲本不啻至再至三司牧者將何所設施而可仰承德意也夫舉一才而踵事者流爲苛刻爲操切旌一德而問風者習爲因循爲怠緩其故何歟郡守職在董率州縣職在親民惟直隸州牧兼守令之任至爲要職宜以何等官居之方堪勝任歟學校

師儒無民社之責而教董之司視吏並重宋元以來甚慎其選明中葉以後乃以舉貢久次者任之近又以縣令之絀于才而文尙優者改補今中外諸臣屢請澄別必如何而師儒咸得其人士風乃日振歟諸生坐言起行講之宜素矣蓋具陳之問積貯者所以足民天而坐致久安長治之道也是必豐其源使不匱節其流使不滯其道安在閭閻之積貯在社倉邊方之積貯在屯田大司農之積貯在官天地能詳其義歟言平價者動曰貴則傷民賤則傷農後世民日稠則地日密穀賤之說香樹齋文集卷二十八 十

幾成虛語言積貯者惟籌穀不騰貴而已其何以使粟無壅于民間無腐于倉庾無困于鄰境無漁于胥吏能通計而詳言之歟常平之議減價爲民也卽以存公故減有不同有一定之減有權宜之減當何以立差等歟社倉義倉之設所以便鄉曲通周濟也而社鼠城狐或因絲影射謂當仍治之有司于是文移申轉吏胥中飽弊亦百出必何如而使受其益杜其害歟進言者皆曰廣採買以裕倉儲乃未受日後通融之益先受目前騰貴之害甚至病于鄰封語云萬家之邑千斛在市則價不

得踴採買其仍不可緩歟我

皇上軫念民依宵旰憂動息息與民生日用相關博咨廣採所以計興利除弊者至深且遠諸生考古證今凡少有裨于萬一者其親切以言

問錢之爲用流行無滯非若穀粟布帛然穀粟布帛產于地成于入然衣食資之易于見絀錢則出治之後一成而不可壞行萬里走于市而肉好完固乃 國家設寶源寶泉兩局歲出錢不可勝計而價值每易騰貴其故何歟富商大賈之積聚有未散歟販鬻行市之居奇有宜治歟上古錢制不香樹齋文集卷二十八 十一

一曰金曰貨曰刀曰泉曰布曰帛能明其取義歟賈誼謂錢法可致七福能悉數之歟權輕重以通有無者子母之說也其法猶可酌而行之歟歷代錢法惟唐開元錢積十錢重一兩與今戶工所頒相近然昔之患在私鑄今之弊在私銷私銷之罪重于私鑄法甚嚴矣而弊猶未盡除者以利重也今使銷制錢一千得銅六斤有奇值白金一兩二錢造一二銅器其價適相等耳雖驅之使銷弗爲也書曰不作無益害有益記曰奇技淫巧不鬻于市以私鑄之銅造無益奇巧之 utili 以倍徙可指

而禁之歟邇年以來地不愛寶各省產銅之區置而不採則委之也議採則需聚衆聚而難散亦有司之責也其何以條畫使貨不棄地民不紛爭公私便之歟各殫所見以備採擇焉

十八里橋募疏引

十八里橋者南接鎮寺北帶山村東注當湖而遙連乍浦西沿濠股而直溯龍淵誠津筏之區會也橋圯以來四面懸隔行人之往來者望洋嗟嘆風晨雨夕喚渡無從弛擔而咨唇焦口燥莫有應者旣得渡咸爭先而赴童穉趨蹶惟溺淵是懼予曾泛舟至當湖經過于此親見其狀後數月僧絕塵以募築問序于予則予又思民間物力維艱昔人有言利不十者勿之舉也復遍訊輿人言橋之係于漢塘者利濟固多而砥柱中流激昂大澤使郡境東北數百里脉絡連貫豈止利行人已哉因絕塵之請而爲疏以弁之蓋徒杠輿梁北方之橋道易舉亦易毀故歲舉之載在月令周禮若東南水鄉築橋工竣則享其利者且數百年絕塵之願力不其偉哉凡同志者量力而飲之共襄其成眞盛事也非是則予亦安能爲行脚作無益募施哉是爲引

廣濟寺募修禪堂引

廣濟寺為寶坻名利靈感神蹟代有傳紀余循行
畿東館于此者屢矣寺僧海貴守律惟謹少付應
習氣昨阻雨禪堂見滲漏實甚自瓦縫流至佛囉
直注跌座浪浪聞有聲也進海貴曰若不早為之
所則禪堂圯禪堂圯則僧眾何由躡脚數百年福
地誰與守之海貴瞿然曰是百金功德也居士一
停蓋間猶見及此矧住持若海貴者乎言已屏立
無一語乃出行篋中數金付之曰此一椽一瓦資
也若駕車適遠昉于一鞭繫瓶盛水始于一滴子
香樹齋文集 卷二十八 四
其謀于好善者以集事不亦可乎因為之引

行辭劄記

闢理學不得其正即流為堅僻古今來多許學人
自附理學膠柱鼓瑟悞人家國正復不淺矣
智仁聖義中和須要將孝友睦婣任恤上體驗如
冬溫夏清孝也知此之為智行此之為仁行之有
常而造其極則為聖于其中經權合宜則為義無
過不及則為中融融藹藹則為和再于友睦婣任
恤觀之理一萬殊無不各得矣

尋孔顏樂處于何處下手須于君子居易以俟命
下手無入而不自得是即孔子之疏食飲水樂在
其中顏子之簞瓢陋巷不改其樂也然必素富貴
貧賤行富貴貧賤不怨不尤始能如此則尋孔顏
樂處舍居易俟命從何處下手且從何處尋起
做官固以清為貴然須清而不刻于冰堅玉潔之
中有忠厚悱惻之意方是仁者用心

作字全在用筆今試問與你一枝筆却是為何且
問你是手寫字乎筆寫字乎夫筆所以作字手所
以運筆總要手即是筆筆即是手手與筆合方能
點畫如意然其源又先須心存敬謹令精神凝聚
一筆不苟而後字之結構成精彩亦從此發露矣

明明德功夫如磨鏡一般人之有心如銅之有質人心之明昧如銅質之不齊銅質有在山中未採者下愚不知用心者也有採出未經鎔鍊者愚魯而有一隙之明者也有鎔鍊鑄鏡而未磨者中人而不肯用功者也有一磨遂止而復昏者中人川功而無恒者也有常磨而明能照物者斯爲賢矣有磨之不已竟成古鑑而光燭毫芒者斯爲賢之不可量者耳總在時時拂拭不使少昏而已是卽聖德常惺惺之候

大凡人家興旺每一二世必衰從此後或遲一二

香樹齋文集

卷二十八

七

世又興者亦有之總未有赫奕不衰者譬諸花木果實連年燦爛稠繁間一二年必稀疎俗名曰歇枝蓋亦盛衰循環之道也易繫辭云剝窮上反下又云易窮則變變則通陰陽往復理所必然孟子云君子之澤五世而斬入家子弟常須自思生當斬澤之時何可無培養之功如臨深淵如履薄冰念念積累事事積累一世培養下去世世培養下去自然連綿不斷續箕裘而振家聲亦所謂君子存之者也

聖門省身克己之學誠莫如曾子矣然猶必于臨

終時始謂門弟子曰啟予足啟予手詩云戰戰兢兢如臨深淵如履薄冰而今而後吾知免夫小子其不至臨終時斷不敢出此一言可知則平日省身克己之功其難其慎之心于斯見矣夫人生不外出處兩途其在布衣疏食之士閉門自好猶可易告無罪于衾影若躬膺民社者教養兵刑一事不慎獲咎難道雖體用一原出處之道本無二理然天下固有可爲愚柔善士而不能爲國棟梁者斷無有堪稱經綸雷雨而不能謹身自治者所以范文正公于作秀才時已先天下而憂其憂故能

香樹齋文集

卷二十八

七

後天下而樂其樂學者誠上法曾子冰淵自矢反身之學既至自無不攸往咸宜文正事業何難立至是所願與學者共勉之
古詩不可不讀蓋其起轉結構似接非接似斷非斷皆有天然自然之妙而其蒼老雄渾跌宕搖曳則天姿與學力又和盤托出開中取韓文公詩集內石鼓歌及其贈張籍與符城南讀書三詩寫二通因發此論

習舉子業者斷不可日日專在時文中討生活專在時文中討生活總幸而得中名次亦低况未必

中乎蓋筆之平庸調之油滑氣之薄脆詞之粗俗皆惡爛時文誤之也前輩云胸中數日不用古人澆灌則塵俗主其中窺鏡則面目可憎對人亦語言無味何況作文故須古文之筆活調高氣厚詞醇者時時諷咏下筆自然不與人同

有能爲時文而不能爲古作者斷無能爲古作而不能爲時文者

凡人之著作從時文入手者雖能爲古作必有俗軟之病從古文入手者即偶爲時文亦有洒落之風

香樹齋文集卷二十八

六

凡作時文古文必須覷定扼要線索在手一氣作完斷不可作幾句而叅他事以擾之亦不可作未完而忽暢然得意蓋意暢則氣浮氣浮則心散而精神外露再作時又費一番收攝所作之文便少機到神流之勢

幽風八章章十一句自秋而冬而春而夏其中之衣食酒餽農事女紅染色築室武備祭典宴獻稱祝田家之况味四時之景色天地之生息君相之經營無不畢具真是一幅興王仁政圖包羅萬象非大聖人孰能作此

孔子刪詩編次深有妙理夫關雎旣爲風始由二南以及檜曹正變畢陳獨至周公旣非周又非魯旣不可列之爲風又不可紊入于雅却無處安放詩至此而止則始之以治終之以亂亦大非聖人覺世深心故于列國之後結以幽風以見王業所由起及周公輔弼勳績亦治極思亂亂極思治之道于是而繼以雅終于頌其三百之微旨乎

凡事于熱鬧場中看出衰敗來此非識見絕頂者不能穀梁傳云玩好在耳目之前患在一國之後中知以上乃能慮此然則料事豈易言哉古來大

香樹齋文集卷二十八

十九

聖人無過孔子孔子始說得一句云其或繼周者雖百世可知也其他聖人誰曾言此所以然者一部全易俱在孔子胸中故神圓知方知幾其神正耳順心通之明驗也若夫推測而知者烏解辦此所以誠而明者性生之哲明而誠者學問之功誠而明者如天天則神化莫測明而誠者爲人人故功夫造就至誠之道可以前知斯之謂矣

五經者萬古不易之書平實切近正如布帛菽粟乃人生一日不可離者自應服習講貫身體力行乃人皆不肯真心用功于此即問有全讀者不過

爲獵取功名計耳及功名到手又視爲敲門瓦子豈不可惜更可笑者近來童子讀經應試希倖進學亦能自首至尾五經通熟學使者喜其童年記誦冀其將來有成所以文少明通遂錄取入泮豈意入學後志滿意足不惟不能再有進益並其已熟經書亦置高閣及至歲試臨彼文一荒謬名入下等是今日背經入泮之人卽異日下等對讀之人雖未必人人如此然如此者甚多可勝嘆哉故學問不日進便日退志氣一暢滿便墮落此一定之理也時不可失人其念諸

香樹齋文集

卷二十八

三

場中風簷寸晷全要機熟臨場功夫斷不可多讀生文致心氣耗散只須取平日所讀好墨卷好名稿中極得心應手之文多者十數篇少者五六篇刻刻背誦刻刻吟玩令其渾化于心場中下筆自然可以不假思索應念而來正古人所云網有千目得魚者一目也之謂耳臨場貪讀是烏合之衆也亦何不取兵在精而不在多之言三復之哉此吾親經閱歷之言學者慎勿忽諸

葬會跋後

考周禮四閭爲族使之相葬宋萊呂氏曰四閭爲族相與辦其葬事不使五家與廿五家供之蓋力有所不給耳吾鄉楊園張先生仿朱子白雲葬法舉葬會卽古相葬遺意數十年來人徃風微其事尙存邑乘語云有其舉之莫敢廢也李進士繹芻吳處士安齋踵而行之以人心所同具之理行衆力所可擊之事其萃也易其行也遠其爲功也大其可垂也久更無藉族師閭役足及門而頰相勸自敦仁厚以種陰德以視賽神迎會鄉城贖金或

香樹齋文集

卷二十八

三

淡旬奔走揚揚樂輸費中人百家之產所不惜者其輕重緩急必有能辨之者

張節母詩題詞

古者婦人之德姆教婉婉聽從幼植其基養成淑質厥後奉姑嫜相夫訓子咸賴是焉丁其窮而為節婦撫畜孤露以克其家陰教之重可以移易風俗職史乘者方博采以為之傳矧井里之近見聞所及能勿亟稱之俾人自樹立至其子若孫遵奉母教以迄于成立莫不推求原本丐當代文人一言以闡揚其母澤發為詩歌述其行事依古以來未之或改也同上舍張泓既率其弟淇濂羅列母氏孝行苦節繪為圖請予題之一時紳士聞者香樹齋文集卷二十八 三

香樹齋文集

卷二十八

三

永定河說

伏查永定河在京城之西以地形言之京城正與霸州相對中間一隴南行直貫東西貳淀之中水分兩腋左為北運河鳳河龍河右為白溝河永定河各有自然之徑揆之永定河形自固安縣西南流入霸州則直趨右腋地窪而易注若由固安縣東轉入永清東安則強歸左腋地亢而難循是以霸州志所載明正德嘉靖以逮

香樹齋文集

卷二十八

三

紆所至淤澱兩堤夾水堤日增而河日高矣現在河流穿范甕口轉出魚壩口似乎就其東行之勢可以別開一道以入西沽但范甕魚壩等口現在所經又成淤阻東行流水能暢而固安以北設有金門閘並草壩分洩河流入于霸州故道但使汎水漲發過壩尺許即向西南奔瀉南流既通東流亦見淤滯不數日而河底偏側大溜為之全傾再欲挽之東行勢必不可是今之永定河駸駸乎有復歸霸州之勢矣似應將金門閘並草壩以下之引河分路疏浚并將各村庄堤埝捻道口逐一保護

水未至而先爲之備庶幾綢繆桑土之意也至于永定河渾水易淤乃從前趨入霸州歷有年所而不見其淤者蓋渾水之性急則通流緩則淤澱又入海之道必須有清水以汕刷之現由永清東安一帶地面較亢既拂其就下之性而淀中止水無瀾任其泥沉沙壅是以旋疏旋淤若由霸州而行滔滔順瀉沙水兼行及其入于中亭玉帶等河河身窄狹約束數十里又有西淀各河之清水灌注而汕刷之急溜轉輪泥沙渙散即使入淀之後稍有淤積亦不過沾及旁激而不能阻其中洪也再

香樹齋文集 卷二十八

五

查永定河霸州故道一在州東一在州西揣度地形當以西道爲順引流注入必有建瓴之勢若逕州東而下尚屬強行觀犇牛河新道開入霸州東南入淀而流至任村輒趨白溝河以歸西淀則右腋之水不肯向左有明徵矣明外史河渠志桑乾河至看丹口分爲二其一東流由通州高麗庄入白河其一南流霸州合易水至天津東流遺迹久湮而南流故道迄今不改此順與不順之分也是在因勢利導之而已

香樹齋文集續鈔目錄

卷一

- 謝 賜御製詩摺子
- 謝 恩旨蠲免廣額摺子
- 謝 諭祭先祠摺子
- 謝 特恩加太子太傅並賜幼子汝器
- 舉人摺子
- 謝 賜御臨顏真卿自書告劄子
- 恭書 御製紀恩堂記後跋
- 謝 御賜題 臣母畫冊並 賜御跋
- 香樹齋文集續鈔 目錄
- 劄子
- 恭跋 御製雪浪石記後
- 恭跋 御製玉璞抵鵲說後
- 孟亭馮侍御箋註玉谿生集序
- 光祿大夫 經筵講官文淵閣大學士兼吏部尙書議政大臣 特贈內大臣
- 賜祀江南河臣合祠謚文定高公墓誌銘
- 宮怡雲方伯暨元配李夫人合葬墓誌銘
- 繼室俞夫人行狀
- 跋同年王樓山中丞筮屐圖幀首

浙江在籍紳耆士庶 臣錢陳羣等恭謝

恩免七省漕米疏

恩免七省漕米恭紀

御製唐貫休畫十八羅漢像讚恭跋

教授王君傳

卷二

重脩嘉興縣學宮碑記

吳蟻園中丞七十壽序

孫母王太夫人六十壽序

叙欽支山遺印

香樹齋文集續鈔目錄

讀墨一隅序

募脩文昌橋引

福壽字說

剉股圖說

汪季握字說

張母朱太恭人傳

式溪汪君傳

節孝吳孺人傳

鹽運副使蓼塘席君墓表

文學費兩坪墓誌銘

處州太守敬亭倉君墓誌銘

考城縣綱堂張君墓誌銘

祭馮勗齋別駕文

題臨本海岳天馬賦後

與高安徐明經

楊竹坡續刊竹雲題跋序

跋自書蘇文忠表忠觀碑後

跋唐俊公權使自相吟卷子後

跋自書與劉諸城倡和詩冊後

汪恬齋詩序

香樹齋文集續鈔目錄

節孝張母王太孺人傳

卷三

御製幸避暑山莊詩跋

恭和 御製幸避暑山莊詩跋尾

御製鬪鹿賦恭跋

恭錄 御製生春詩二十首後跋

恭 進春帖子詞跋

御製嚴光論恭跋

恭和 御製巡幸天津詩跋

恭跋 御製題耕作蠶織二圖卽用程

榮書樓璫詩韻

恭 進辛卯春帖子詞跋

御製小春說恭跋

御製學詩堂記恭跋

御製抑齋記恭跋

御製乾清宮五屏風銘恭跋

恒上人詩序

贈太子太師大宗伯沈文憲公神道碑

祭沈固廬親家文

與劉繩菴相公

與崔制軍

與王白齋司農

與馮柯堂中丞

與嵇河帥

與閔方伯

汪椒谷詩序

御題九峯園記

遵 旨覆奏劄子

諭豫章孫

敬書 御製東巡詩冊子後跋

香樹齋文集續鈔 目錄

四

恭和 御製東巡詩後跋

跋自書 恩賜御臨米帖恭記詩後

卷四

金檜門總憲詩存序

武進相公繩菴內外集序

長洲程孝廉稻香樓詩序

大司馬芝庭彭公詩文集序

胡紫弦少宗伯葆璞堂詩文集序

將軍薩寄廬楞序詩續集序

丹徒令徐卿石詩序

卜周望藕村詩草序

跋席氏安定宗賢圖像冊子後

明經沈君建偉傳畧

趙文敏書金剛經石刻題後

誥贈朝議大夫原任刑部陝西司員外郎

魚亭汪君傳畧

胡少宗伯韻玉函書序

華亭王硯亭先生七十壽序

第五叔父八表壽序

王母鄧太夫人八十壽序

香樹齋文集續鈔 目錄

五

誥封恭人汪母陸太恭人七十壽序

顧孝廉月滿樓詩文集序

復胡雲坡臬使書

與沈景崔茂才書

卷五

恭跋 御製重脩文廟碑記

恭跋 御製龍馬歌

恭跋 御製聞浙省今年蠶繅甚盛喜

而有作絕句詩後

恭謝 恩免各省應征錢糧奏摺

香樹齋文集續鈔 目錄 六

恭跋 御製生夏詩二十首仍用元微

之韻

恭跋 御製題鄒一桂花卉山水小冊

各二十四種

恭跋 御製熱河各體詩冊子

恭跋 御製土爾扈特全部歸順記

恭跋 御製詠金剛七律十六首

恭謝 恩賜人參奏摺

恭謝 恩賜紫禁城騎馬奏摺

恭跋 欽定重刊淳化閣帖

恭跋 御製幸避暑山莊各體詩

恭跋 御製幸避暑山莊各體詩冊子

恭謝 恩賜欽定重刊淳化閣法帖奏摺

摺

恭跋 御製詩三集

恭跋 御製幸盤山各體詩

恭跋 御製春巡津水各體詩

恭和 御製春巡津水各體詩跋後

恭謝 恩賜御製詩三集摺

恭謝 恩准第七子汝器在四庫全書

香樹齋文集續鈔 目錄 七

處校錄奏摺

誥授通議大夫晉贈資政大夫禮部左侍

郎胡公神道碑

何氏再捨田拓墓并捐各房僧香火碑記

餘姚張氏禮輿山莊記

遺摺

香樹齋文集續鈔卷一

嘉興錢陳羣



謝

賜御製詩摺子

奏為恭謝

天恩事本年二月二十三日臣同臣沈德潛於常

州艤舟亭邊恭迎

聖駕隨蒙

恩賜沈德潛錢陳羣來接因成是什並書以賜陳

羣一首又閏二月初七日蒙

香樹齋文集續鈔卷一

恩賜錢陳羣一首跪領後即恭和

元韻以進伏念臣與沈德潛均屬蒞蘆下士遭際

昇平受

聖王豢養教誨一以引年歸里一以示疾林栖復

荷矜憐頻叨異數駕湖鯉水並茂增榮年時

賜杖言旋鄉里咸推九老今茲聯橈跪接

天題褒以二仙稽古之榮於斯為盛至臣柳蒲弱

質犬馬餘年感再造之

洪慈言詞莫罄拜延齡之

至意屬望尤深

召對蘭舟體恤實同於家人父子

命賡

天藻榮寵更媿於喜起遊歌冀長沐夫

恩尤益加珍攝思仰酬夫

至眷倍切脩持此臣父子所日夜悚惕勸勉者也

合將感激下悃具摺陳謝謹奏

香樹齋文集續鈔卷一

二

謝

恩旨蠲免廣額摺子

奏為恭謝

天恩事伏惟

時巡開盛治觀民益荷仁民

錫類溥深慈造士特隆選士

天行以健南邦四仰

堯雲

皇澤如春浙水疊霑

舜露權騰蔀屋正供常賦之胥蠲喜溢膠庠拔萃

香樹齋文集續鈔

卷一

三

採芹之更廣

溫綸屢加而無已

盛典廣大而難名從此原田每每盡濡霑霽之

恩膏俎豆莘莘咸入

洪鈞之陶鑄吳山越水詠太平者負耒而橫經海

晏河清慶安瀾者含哺而鼓腹矣謹奏

謝

諭祭先祠摺子

奏為恭謝

天恩事臣等始祖臣錢鏐在唐末有平賊勲勞又

有捍禦江海之績宋仁宗朝建立表忠觀於西湖

之南我

皇上三舉巡典遣官祭祀復荷

駕臨親視賜詩及匾聯示褒凡屬先臣子孫人人

感激今乙酉之春四舉巡典閏二月初六日遣閣

學臣張若澄焚帛告祭在先臣幸際昇平仰蒙

香樹齋文集續鈔

卷一

四

聖主褒勲飭往益加款格默佑効靈以資捍禦臣

等為先臣孫子者尤思銘勒報効庶得永承祀典

勿替家風所有感激下悃理合繕摺恭謝

天恩謹奏

謝

特恩加太子太傅並賜幼子汝器舉人摺子
奏為恭謝

天恩事本年閏二月十二日奉

上諭沈德潛錢陳羣江浙耆宿也並以卿貳予告
里居曩者省方東南存問所及特晉尙書階優頒
廩祿茲時巡莅至二臣咸扶杖迎謁耄耄而神明
不衰惟國之瑞朕甚嘉焉其各加太子太傅以寵
異之沈德潛之孫錢陳羣之幼子各一人並賜舉
人一體應禮部試二臣益忻愉恬養以躋期頤副
朕優高年眷舊臣之意欽此竊臣自林栖以來十
有餘年叨沐

聖恩念臣供職卿貳行走

內廷尙屬勤慎

命在家食俸以示優眷二十六年十一月祝

釐來京又蒙

特恩加刑部尙書自慚衰質負荷未能茲恭遇

皇上四舉巡典臣與尙書沈德潛聯楫來迎得於

蘭陵水次仰觀

天顏當蒙

溫諭霽慰隨扈從到浙

聖慈稠疊

特加臣太子太傅伏思官銜峻秩國家褒寵耆碩

至為榮幸臣何人斯膺茲異數又臣幼子監生臣

錢汝器年甫十五知識蠢愚

聖主憐臣年耄訓迪之法漸不如前

恩賜舉人以堅其讀書之志俾小子有造以娛臣

晚景凡茲委曲矜全之至意非臣思慮所能冀幸

者

高厚深恩舉家頂戴臣惟有切實訓誨諸子各自

香樹齋文集續鈔卷一

樹立以期仰報

鴻慈於萬一為此具摺恭謝

天恩謹奏

六

謝

賜御臨顏真卿自書告劄子

奏為恭謝

天恩事本年閏二月初七日蒙

恩特賞

御臨顏真卿自書告一卷伏見

皇上幾餘游藝翰墨怡情於前代名人書法上自

鍾王顏柳下至蔡蘇黃米摹仿之下莫不神似所

謂挹其精華遺其糟粕者矣世傳顏真卿自書告

身為平原書中傑出者

香樹齋文集續鈔

卷一

七

皇上珍之寶笈壽之貞珉茲

御臨一卷萃八法之能齊萬毫之力端莊峻潔剛

健舒和熊光早冠於西清鳳翥騰輝於南國臣何

人斯膺茲異數溯屏書於唐室但予傳觀記筆法

於宋家僅圖飛白臣今

恩遇自古罕聞奉撫楷以終身鎮同拱璧永子孫

以世守共仰

奎章臣曷勝感激榮幸之至謹奏

恭書

御製紀

恩堂記後跋

臣陳羣謹案天生民而立之君依古以來積德累

仁受

天之祐未有如我

朝之盛者粵自

太祖肇基

太宗應

天順人用集大命

香樹齋文集續鈔

卷一

八

世祖冲齡踐位誕受

帝祉

聖祖聰明睿知文武聖神集守創之大成垂寧謐

於奕禩以保泰為操存以貽謀為重大

庭訓既豫於平時付畀復神於簡在

世宗憲皇帝建極綏猷因心作則誕我

皇上御齊敦敏德本生安幼日侍

憲皇帝於潛邸鑒

上器宇默契於心乃於承

歡燕喜之際特奏

御名卽蒙

召見

眷顧特優遂有隨侍熱河之

命讀書於萬壑松風自夏而秋而冬

親承

提命聰聽不忘蓋育愛之殷付托之重

大聖人先天而天弗違隱然有與

帝謂默相呼吸者詩書所稱若合符節惟我

皇上能以

天地之心為心以

香樹齋文集續鈔

卷一

九

祖

宗之志為志

臨御三十年來仔肩擔荷業業兢兢問夜求明不

遑暇食用能治臻上理化協休和綱舉而目張小

蕪而大法凡夫行政用人型方訓俗事必求其萬

全道必衷諸至當而愛民保赤之意尤

聖心宵旰所屬懷况夫

文德既昭

武功丕煥闢宇宙未闢之地臣今古未臣之人琛

賚麇來版圖式廓所以仰答

聖祖仁皇帝之恩者在是所以上酬

世宗憲皇帝之恩者亦在是而

聖德冲抑鄭重有待必至於今而始有紀

恩堂記之鉅製所謂謙而彌光者乎臣陳羣盥手

莊誦數四仰見我

皇上溯受

知之福地闡繼述之淵衷與

御製創業守成說理歸一致義可忝觀然則

重闡奉侍之日卽為

帝心薦祐之時

香樹齋文集續鈔

卷一

十

列祖

列宗實式憑之以有此今日

紀

恩之盛事也豈非天哉豈非天哉臣錢陳羣謹拜

手稽首恭識

謝

御賜題 臣母畫冊並

賜御跋劄子

奏為恭謝

天恩事本年九月十二日 臣齋摺家人從熱河行

官歸捧到

恩賞內有

御題 臣父母詩畫冊詩十首跋一道 臣叩頭祇領

訖伏念 臣母陳書素習繪事 臣年來陸續恭進仰

邀

香樹齋文集續鈔 卷一

十一

聖主賞鑒名載石渠實為榮幸昨所進畫冊係 臣

母中年筆墨時 臣父尚在隨畫隨題借歌咏以寫

昇平韻事藉呈

睿覽冀 臣父母寒臆辛苦不致湮沒此 臣烏鳥之

私情實亦顯揚之本志乃荷蒙

皇上洞燭下忱曲加體恤按圖指示振

天筆以揚華即景披吟煦春暉以沛澤

特頒殊典仍

予家藏復勅專門另摹筆法還來真蹟倍增

奎壁之光榮留弄

乙觀仍並琳瑯而什襲實藝林之盛事為亘古之

罕逢拜此奇珍永寶生生世世被茲異數感賜子

子孫孫所有微 臣感激下悃理合繕摺恭謝

天恩謹 奏 原文感深鐫腎銘心 殊此賜收感

對成此佳文不亦可乎 批云常言而得奇

天語優獎益增感悚

香樹齋文集續鈔 卷一

十二

恭跋

御製雪浪石記後

臣惟石之在人間其受形奇偉者未有不轉移遷徙不翼而翔者也至其傳不傳則又視其人焉李德裕牛僧孺皆好聚石而傳世者絕少白居易米芾僧維則亦有是癖其人較牛李稍勝世猶有稱之者惟蘇軾一生忠直去今六七百年幸遇我皇上重其人品賞其詩文卽其平生所愛石亦流連往復形於歌詠繪於圖畫茲恭讀

御製雪浪石記持論和平引據詳晰分見各路異

香樹齋文集續鈔

卷一

圭

形同名而仰邀

睿賞則一也語云人重官非官重人臣又曰石以人重非人以石重也

恭跋

御製玉璞抵鵲說後

臣惟千聞不如一見玉璞抵鵲之論本於桓寬寬實未曾親見卽晉天福中張匡鄴高居誨入于闐著西行記亦未之載後之文人學子取以命題作賦吟詩皆就風影之談意爲渲染終未究其所以自西師大捷以還疏勒諸部俱入版圖和闐新附者備列羽林始于閑語間訪其國俗

上於幾餘采其土著所云以爲說不特證寬論之非誣亦以砭耳食者之訛也夫同一鵲也在和闐

香樹齋文集續鈔

卷一

古

爲戾在中國爲喜地實使之然也

聖天子德化所被普天率土上下鳥獸草木咸若夫安知和闐之鵲不數年而竟成瑞鵲乎又俟他日和闐更番入侍者之緒論及之矣

孟亭馮侍御箋註玉谿生集序

余於乾隆初持服里居同學伯陽馮翁以司寇
子告在籍邸第與余居近朝夕過從時令孫孟亭
侍御未弱冠每侍坐間出所爲詩示余余喜而歎
曰玉谿生再生矣司寇心然余言乃辭謝曰初學
從玉谿入手庶不染油滑脂膩之習今承長者言
當不令改趨也又十年孟亭成進士爲名翰林擢
侍御史臺館中評鵬孟亭詩者亦與余言券合壬
申夏余忽邁沉疴急請假歸丁丑冬孟亭以母憂
還里去余所居更近考業論文修乃祖洎余故事

香樹齋文集續鈔

卷一

五

獨念余衰白僅存情誼益篤旣孟亭服闕以舊有
心疾時發時止未得赴補因素愛玉谿詩文惜諸
家所註各有踏駁附會舊新唐書本傳各有岐誤
爰細意鈎核發詩文之含蘊以詳譜其行年年譜
定而詩之前後各得其所矣詩得其所文之前後
亦莫不按部就班而本傳之同異自見於是作者
之心跡大彰灼於卷帙間書成以余忝先友之末
問序於余余惟昔賢聲詩踪跡其顯晦遲早若默
有定數者然同一玉谿生集也余亦稍涉焉其膾
炙人口詩篇未嘗不流連而諷詠之餘有闕疑者

往往弗深考曩者尙書高文良公善詩愛少陵玉
谿兩家多所箋記頗有得解處每奉

旨來朝退食之餘余偶詣之談論至夜分不倦曾
出以相示惜未成書今得孟亭箋本與二三學子
首尾繙閱浹旬始得終讀挹其聲光若更異於昔
日者余亦不能自解焉是可爲玉谿幸而又多孟
亭之深嗜孤詣爲難能也

香樹齋文集續鈔

卷一

六

光祿大夫 經筵講官文淵閣大學士兼吏

部尚書議政大臣 特贈內大臣 賜

祀江南河臣合祠謚文定高公墓誌銘

公諱斌字右文號東軒元隸內府佐領

今上特恩賜隸鑲黃旗滿洲直隸兵備道累贈光

祿大夫諱登庸公大父也內府郎中兼參領佐領

累贈光祿大夫諱衍中公考也母李太夫人

誥封一品夫人公兄弟三人公居次伯兄三弟俱

官至總鎮所至各樹威德拊循將士兵民安輯皆

先公卒公生而端凝厚重至性孝友長而好學讀

香樹齋集續鈔 卷一 七

書於經史外博通先儒諸集一切稗官野史不接

於目雍正四年由內府曹郎出督蘇州織造旋授

廣東布政使未赴任因太夫人年高奉

命調浙江就近迎養歷江蘇河南布政使河東副

總河巡視兩淮鹽政兼攝江寧織造江南河道總

督直隸總督吏部尚書議政大臣軍機大臣總管

內務府大臣協辦大學士充 經筵講官

玉牒館副總裁拜文淵閣大學士再出為江南河

道總督乾隆二十年乙亥三月初九日以疾卒奉

旨贈內大臣公生於康熙三十二年五月初四日

壽七十有三乾隆二十二年

特詔祀公於江南河臣合祠二十三年

賜諡文定元配陳夫人繼配祁夫人馬夫人俱

誥封一品夫人子恒巡視兩淮鹽政女四孫男四

孫女六先是乾隆十一年丙寅

恩賜公兆於

三陵東南隅之中峪乾隆二十年九月十五日恒

奉公與三夫人以壬山丙向兼乙亥三分合葬焉

公子恒請子銘其藏憶子於乾隆三年秋先慈服

闕還京舟過清江浦公時督理南河適黃水漫溢

香樹齋集續鈔 卷一 太

舟不得渡目睹公於洪濤駭浪中乘小舟與波上

下每日親自督率員弁相度水勢巡視隄岸夜就

宿河干行帳者已四十餘晝夜矣公之勤於民事

不辭勞瘁視此子泊舟處逼近公行帳公過子舟

子亦就公行帳公曰此異漲也頰

皇上鴻福無大害水勢漸平三日後風潮信過君

可渡河而北矣與公相聚河干凡三日夜不成寐

衣不解帶剪燭深談於論文析理議論風旨間得

公底蘊殊悉後子再視學畿輔公總制直隸共事

將一載公餘叩公防河之法公曰黃流宜合不宜

分固金隄明疏引要也問治清水公曰可畜不可
洩加培石堰節宣啓閉庶無大悞耳至於費心力
善相度則非口舌所能盡矣與潘印川但可補偏
抹弊無一勞永逸之語昭合自後每歲晏入

親復同直 內廷辛未公再任河帥

上初舉南巡盛典子忝扈從與公同閱

召試卷公平日不喜談詩賦及評權試卷商定進
呈數卷公復就中舉二三卷曰是有清華之氣他
日當有聲詞苑不數年皆如公言公之鑒別類此
公子恒稔子辱知公深諄復以請自不得以衰老

香樹齋文集續鈔

卷一

九

無文辭夫誌以攷行銘以傳世公詩文政蹟爲世
稱述者方垂之永久子惟撫拾其梗概爲公誌且
銘曰

猗歟高公醇儒氣象德惟自修道在充養真積力
久渾然天成喜怒不色寵辱不驚事

上惟忠執事惟敬敬歷中外治靜而正詞不尚縟
德亦有言程朱津筏洙泗淵源遵不中廢守益邃

密老而逾堅終始如一具此衆善福乃錫之哀榮
備至明禋于祠旣顯及身復昌厥後 國典旌賢

子孫永受有崇者峪拜

賜自

天吳越老友來銘公阡

香樹齋文集續鈔

卷一

十

官怡雲方伯暨元配李夫人合葬墓誌銘

歲丙子余訪雅雨盧使君於邗江始識滇南方伯
官君怡雲方伯雅雨鄉人也時方伯次子去各官
我浙迎二親就養後去各以卓薦遷漢嘉太守方
伯老蜀道遠且險不能赴子任僑居橋李時與余
往還余聽事前植海棠一株春暮花盛放君過而
愛之自後歲逢花時風日恬暖君輒命子去矜侍
杖屨過余席花下命觴賦詩談讌極歡而罷蓋余
與君相識晚而十年來寓公地主互酌倡過從情
味甚厚乙酉仲冬君病卒於僑居正寢余年長於

香樹齋文集續鈔

卷一

三

君衰亦甚力疾赴哭且唁二子他日二子及余門
稽顙請銘君墓不敢辭按狀君諱爾勸字九敘晚
自號怡雲先世自鳳陽徙居萊州之高密縣高曾
以上代有隱德聞人祖廩膳生諱 父諱

順治戊戌兵部進士歷官南昌銅鼓兩衛守府祖
父以君貴皆贈如其官君少而奇穎二十補博士
弟子二十四舉於鄉以縣令起家歷郡守擢監司
晉方伯始終服官滇南所至著有聲績君下車恩
樂時縣舊隸土司君爲第一流官與利別弊綱舉
目張善政不能悉舉其最大釐定錢糧較初辦善

後章程者減十之五六力請于上官得行去之日

邑人爲立生祠以祝繼同知開化日烏蠻梗化

王師討賊君獨力辦軍糈事叢集如蝟毛敏手摩

畫了了無滯屏屨糗精芻芻百所需咄嗟立應文

武大吏交相倚重事竣議敘一等軍功旋知開化

府事普思元新諸大案君悉心鞫問開釋矣刁兩

家無辜被誣陷者百餘口又營弁緝賊不獲俘良

民八九十人以獻將定爰書君廉得其情申雪誣

枉逮繫之衆賴以全活在監司任十四年請奏免

無着之墾本水冲沙壓苦累之錢糧賑荒以銀易

香樹齋文集續鈔

卷一

三

米俾自爲通融災民便之後遇賑舉以爲例丁卯

入

覲昇任屏藩又兼攝臬司出納會計刃虛絲理苞

苴不入吏治澄清而于徐卿一案慎恤加嚴肉之

白骨又神明長孫常平之法調劑損益至今迤東

西猶頌德勿衰于定國決獄多陰功杜元凱度支

稱武庫足以方之君生平遇事不矯厲以爲能不

選輒以至儆勾稽賦稅平反獄訟精敏廉幹物無

有遁情者而于端風俗正人心崇學校講農桑尤

汲汲爲先務仕宦三十餘年家無長物喜讀書無

他嗜好著有南溟集行世每風雨過從惟見端坐
手一編訓子孫以忠孝敦厚易簣前數日予視疾
于牀第間君自知不起猶執予手論詩澹定自若
其古成德君子乎夫人李氏奉姑相夫訓子不愧
名家女先君五月卒于二去矜云客俱賢而有文
曉習吏事能繼君志孫四人曾孫一人將于某
年某 月某 日扶柩歸里合葬于某

銘曰

倚倚孤桐產彼嶧陽材中琴瑟貢于明堂器成才
瞻遠牧蠻方作屏萬里流澤孔長晚歲解組教忠
子舍不倦于勤分陰是藉與古爲徒執德愈下七
十八年修已隨化寓公生平心迹瀟灑雲馬風旗
歸依東海用妥雙棺亘千百載子孫繩繩松柏鬢
髮

香樹齋文集續鈔

卷一

三

繼室俞夫人行狀

夫人姓俞氏先世籍隸浙之山陰以耕讀世守夫
人祖天行公官至福建副將以老乞休居天津稍
業澁務慷慨好施不事居積天行公長子諱爾望
字肅瞻少敏悟好讀書不事舉子業工詩析津爲
畿南水陸都會四方裙屐駢集於此者孽箋分韻
投贈無虛日時秋谷趙先生西溟姜先生慕公雅
度稱忘年友夫人其長女也生而靜默寡言笑八
九歲時先後居祖父母喪如成人姑姊間共處端
坐或移時亘日無惰容夫人外王父金翁年七十
餘有人倫之鑑內外諸孫女歲時環聚三十餘人
指夫人謂肅瞻公曰此兒適人遲他日起居當列
首行也若早結褵則不驗矣戚黨中慕其德性求
庚帖卜之輒不吉以是待字至二十七歲康熙甲
午予舉于京兆不數月遭元配俞夫人之戚婦翁
檀溪先生肅瞻公無服昆弟也以愛女脆促悲悼
不能止寄書於肅瞻公曰吾老年喪女聞姪女賢
可爲錢郎續膠何如肅瞻公謀於夫人金太夫人
金太夫人因記父金翁言卽具以告金翁曰善予
適下第以需次留京遂締姻焉予魁擢名場蕭然

香樹齋文集續鈔

卷一

三

行李外母金太夫人無責備意擇日延至其家就婚甥館三日後夫人卽掃除一室設元配夫人小像曰吾姊惜年不永設此可朝夕如在耳歲時必潔治一二盞手捧以祀兩高堂在浙晨夕思念促予歸省出嫁衣之鮮者奉姑及吾妹以未得同歸侍奉爲憾肅瞻公家故多藏書夫人請於父乞列數架於內闔子埋頭讀書置燈帳中夜分不寢夫人理鍼箱作伴雖侵晨無倦容戊戌子再下第發榜後歸津水客舍夫人勸慰備至猝邁先府君凶問子亟呼搶南下客貧不得挈眷奔歸夫人痛

香樹齋叢書續鈔

卷一

五

絕者再四子銜恤里居營先府君葬事庚子冬服將闋治裝北上道經津水見夫人延師課子兩載中門戶井井卽促予入都明年辛丑成進士館選夫人以兩子痘瘍悲痛抱病幾致不起聞先太夫人將來京就養扶病先入都時子弟婦任寡居率孤姪汝鼎侍姑同留子舍夫人奉侍太夫人無不先意承志視姑姪如子壬寅春子汝誠生太夫人喜甚謂夫人曰吾年垂耳順尚未得孫用是日夜憂懼昨渡黃河默禱於河神是夕艤舟河干夢神遣朱衣使者抱一子授予曰付汝善視之

他日當亢汝宗也今子婦得孫此其微乎旣而抱汝誠曰是子秀厚可冀成立也時太夫人以子

京寓乏人爲置妾沈氏攜至京寓夫人待之如妹時四弟界年三十未娶夫人察太夫人有憂色棄簪珥等物以欣始得歸娶太夫人在京寓數年思南還子請假送歸夫人奉侍舟行遇風水稍阻體察色笑得太夫人歡心先是太夫人北上時見子同祖昆弟貧無居卽以南樓老屋數椽分假之及歸三十口無栖止所賃屋以居夫人安之若素適汝誠及女汝慎出痘俱安好夫人請予

香樹齋叢書續鈔

卷一

五

詠吉令汝誠出就外傳時從孫載授孤姪汝鼎及汝誠課課餘太夫人卽授載繪事奉姑供師督子皆夫人一身兼之無少缺子假滿還朝太夫人以鰥官難於奉職遣夫人及子女輩北上居無何子奉差典楚南試事又明年奉使關中宣諭化導瀕行夫人謂子曰秦中連年以西師深入禦邊戎馬織絡治行當速出嫁時物賤鬻之得值二百金貯行篋中曰緩急當需此耳歲餘召歸篋中存所貯之半夫人喜動顏色曰自西指後有人來言使人所過之處父老感頌

聖德歡欣鼓舞又聞學官子弟執經問難者屏牆
行解悉開導之俾虛往實歸今者行橐蕭然使職
克稱可謂上不負

君親下不負妻子矣時

上有旨褒嘉以贊善超擢庶子越五日授學士

命充日講官起居注數年中沈安人舉二子汝恭
汝慤等以虛症不起夫人哭之甚哀撫其子女畜
育周至曰憐其失母也又以四弟艱於舉子爲予
置妾黃氏曹氏亦體 太夫人意也越年餘妾黃
氏遂舉子汝隨雍正十二年冬予奉

香樹齋文集續鈔

卷一

毛

命視學畿輔復得

旨趨直 內廷此異數也請

訓時

上垂念太夫人年逾七十

賜人參豐貂內府緞綢各物

命迎養京師 太夫人感喜交集卽買舟北上時

予循行校士夫人迎至水次奉侍入國門歡然團

聚予於永平學署驚聞

世宗憲皇帝龍馭上賓匍匐奔起京師奉

今上特旨許瞻仰

梓宮卽蒙

召見晨入暮出栖止公署易服隨

上還官始得歸見 太夫人則 太夫人慘痛憔悴已閱月矣夫人目不交睫以侍明年三月子案

臨保陽 太夫人病發夫人親侍湯藥晝夜不離
牀第廁間必躬扶掖 太夫人疾革時命夫人

曰吾子行解去京三百餘里聞吾凶信必倉遽奔
歸吾棺蓋而不掩當令吾子見吾去時面目也夫

人痛哭諾及大殮之次日子卽奔歸夫人具述

太夫人言撫棺痛哭氣爲之絕是年秋子孳眷屬

香樹齋文集續鈔

卷一

毛

扶 太夫人輓旋里明年營葬終 太夫人之喪

夫人勞苦備至僅以骨立未嘗告瘁戊午子服滿

還朝蒙

恩仍督學畿輔夫人爲長子汝誠娶婦又遣嫁長
女隨拚擋家務率上下五十餘人來京師途次戒

家人毋得滋事將至直隸訓飭家人等益嚴曰汝
主屢有信屬我矣關防森密必先自眷屬始以故

數任畿輔無絲毫物議夫人內助居多子再任學
政任滿由詹事遷閣學月餘

簡佐秋卿時汝誠汝恭先後登京兆榜戊辰汝誠

成進士館選尋授編修恭逢

皇太后六旬萬壽夫人偕漢大臣命婦跪祝蒙

賜素珠如意緞綉爐盆等物是年以

覃恩誥封一品夫人後十年恭遇

皇太后七旬萬壽汝誠官戶刑二部侍郎子婦史

以

覃恩誥封一品夫人亦隨諸命婦同慶

萬壽賚子便蕃人以爲榮夫人感予父子遭際

盛明致身通顯世膺翟弗時以持滿爲戒予於壬

申夏猝遭反殺疾蒙

香樹齋文集續鈔

卷一

无

恩召見慰諭愛恤有加無已准予回籍調治

賜詩寵行又荷

賜參藥

命汝誠侍歸卽來就職自遘疾至旋里七閱月夫

人視子藥物眠食勞瘁特甚月餘夫人卽促汝誠

還京奉職諭汝誠曰汝父受

聖恩至深汝趨走

禁近尤當益矢純勤無以我爲念十餘年來子父

子每拜

恩旨晉階遷秩殊榮稠疊夫人必北望叩頭早夜

焚香默禱祝

釐寒暑無間也年來諸子中汝誠時以廉俸郵寄

奉甘旨汝恭汝隨汝豐等膺一命爲縣令及丞者

亦以所節俸入少佐藥餌夫人必問所自諭令慎

職守飭篋篋母貽父母憂諄諄爲囑二十二年二

十七年三十年

上奉

聖母南巡夫人跪迎

慈顏拜

賜緞疋汝誠每扈從南來

香樹齋文集續鈔

卷一

手

聖慈體恤必

諭歸省視其母夫人感激歡喜留數日卽令赴

行在執事三十年幼子汝器

恩賜舉人夫人聞之益爲感喜交集嚴訓汝器讀

書勵行以圖報稱時第六子汝弼適遠娶未歸夫

人卽疊寄諭勗其奮志上進以繼承家學其教諸

幼子尤嚴切如此夫人同母弟金鰲肅瞻公暮年

所得子也遺命囑子撫育少嫻武藝成進士以待

衛歷官至副將有勇略効力徇部久著勞績由左

江總兵調肅州鎮夫人喜謂子曰吾父易簣時以

幼弟屬君今得見弟開府可謂不負所託矣然尚須教之子素慕成就人之孤遺者夫人輒贊成之年來所拜

恩俸輒量子戚族夫人嘗歎與曰必如此方不負君賜也性慈愛人以急難告者必審疎戚量力濟之平生澹泊寡營不露欣戚以長女汝慎三女汝哲少寡三兒汝慤十七而殤聘馮氏子姝所出也未娶守貞昨歲物故歲時令節忽常不樂又未嘗不以此少傷懷抱也夫人善自珍攝無疾言無遽色年垂八十耳不重聽齒不豁今年八月杪偶感寒熱飲食少減重陽後稍沉重猶日進粥二既謂汝誠夫婦曰吾一生惟存善念不敢行一毫刻薄事所處境地常多順遂自去年汝蒙

恩准歸侍養母子相聚歲餘尤得之望外

聖恩高厚同於天地汝其何以圖報吾卽不諱汝以予言諭諸弟可也言已復謂子曰今日所服煎劑吾勿進矣頃之卽逝回憶子與夫人齊眉偕老垂五十年子叨荷

國恩位至極品夫人疊膺

封典由安人游晉一品夫人子孫繁衍卽先我而

香樹齋文集續鈔

卷一

三

去亦可無憾惟是夫人雖幼未讀書而德性淑善其處貧賤富貴也實有合於不隕穫不充詘者其視衆子女雖各母如已出實有合於鴉鳩之義者因敘其大畧以示子孫垂家乘之末云

香樹齋文集續鈔

卷一

三

跋同年王樓山中丞笠屐圖幀首

同年樓山王中丞蜀人也於里中前哲獨慕玉局
蘓翁而生平宦跡亦相似焉其友人松陵沈沃田
徵士為摹笠屐圖弄篋中凡所遊涉必載與俱歲
壬午春夜過予齋頭出以相示時中丞兩子汝嘉
汝璧以諸生在予家塾讀書適在坐予於燈下題
二絕還徵士又數年徵士携圖過予汝璧吏部乞
假來吾郡奉母北上汝嘉解元將歸蜀取婦遂趣
陳生俞仿此并請予題原詩於幀首云

浙江在籍紳耆士庶 臣 錢陳羣等恭謝

恩免七省漕米疏

乾隆三十一年正月初二日內閣奉

上諭所有湖廣江西浙江江蘇安徽河南山東應
輸漕米照康熙年間之例于乾隆三十一年為始
按年分省通行蠲免一次欽此欽惟我

皇上仁涵翔泳德普甄陶圖治求寧

宵旰廛懷民莫持盈保泰

乾惕敬體

天行胞與維殷醲澤遍禹甸周原而共浹痲痺時

切子惠合

堯襟舜抱以兼施知小人之依

思惟艱哉曰祁寒曰暑雨為諸侯之度無非事者

秋省斂春省耕葢

賜租賜復之多雖隸首難窮其算而議貸議蠲之

數卽載筆莫罄其書雨露之所澍濡物無不被天

地之所煦嫗惠罔弗周於是戴高履厚之倫怡愉

淳化沐日浴月之處溥邕

皇風戶詠康哉酌衢尊而嘒嘒人歌樂只登春臺

以熙熙仰惟

寶錄之誕膺握瑞闡珍早重申夫

帝貺慶肇

昌期於必世籌添算積正錫羨乎

鴻禧福必有基嘉茲累洽重熙之會善惟推本敬

溯

覲

光揚

烈之謨

天佑

聖而昭受用庥

香樹齋文集續鈔

卷一

三

聖法

祖而覃施廣被稽夫漕糧之歲運也賦成七省轉

利萬艘困庾之積於是乎儲糈廩之頒由茲而出

間有截留之例從無普豁之條昔

聖祖曾沛殊施父老猶談為盛事欣我

后重循曠典史冊懋繼夫

前光爰敷

綸綍以遐宣仍

勅度支而廣議就班分歲

恩輝似七曜之循環悉子咸除

大德比一元之通復億萬姓桑麻載蔭化日彌長

數千里潤澤均膏春波更濶此誠今古所希聞實

亦遭逢之罕覲者也是蓋由九瀛清晏萬宇乂安

月竈載瑜乃象來而欵塞天方職貢爰鱗集以仰

流會無饋饗之少輸但有耕屯之倍穫况夫祥呈

丹甌連莖之穀頻登兆啓黃雲合穎之禾疊獻既

倉箱之有備聿儲侍之常贏綏以屢豐廣推行而

布愷受茲介福用敷錫以同民惟浙東西漸澤孔

長繫我疆理蒙庥尤渥頻歲

觀風於越海壖鞏固實勞

香樹齋文集續鈔

卷一

三

睿畫之周詳即今懸象始和台嶺毘連普被

聖慈之康濟 惠有加而無已

施下逮以旁流舞蹈遙申望豫洛青齊而北拱謳

吟相接界衡湘吳會以南連皖國山川均斯慶幸

洪都草木咸此敷華 臣陳羣等榮領縉紳感叨桑

梓擬華封而晉祝藉傳黎庶之情拜嵩岳以歡呼

為進野人之頌從茲萬有千歲綿

純嘏以莫不增所願三耕一餘繼大有自今伊始

為此合詞恭謝

天恩謹奏

恩免七省漕米恭紀

臣陳羣謹案自禹貢則壤成賦以來惟正之供古今通義簡策所載蠲復之舉卽施惠未廣猶亟書之以爲愛民者勸至漢文帝今年之賜尤艷稱焉然祇及田租之半耳洪惟我

聖祖寬仁惇裕久道化成

恩膏時沛筆不勝紀歲入條項漕米皆先後普蠲一次至今天下臣民傳爲盛事我

皇上誕膺寶籙法

祖施仁十年免天下額征正賦一次今三十一年

香樹齋文集續鈔卷一

三

月正二日

詔免七省應輸漕米一次

恩綸宣示光天之下海隅蒼生莫不歡喜雀躍相

謂曰

上天惠愛斯民篤生

聖人繼繼承承俾吾儕得沾厚澤又額手爲

列祖慶曰惟

天純畀我

祖

宗誕貽多福燕翼孫子惠我元元自宋衛齊魯順

流而江而浙達于湘于贛襟帶數千里凡納米轉

漕之域萬姓同聲如出一口臣憶六七歲出就外

傳臣祖時方八十引年家居攜臣隨諸父老叩謝

聖祖鴻恩歡呼蹈舞填塗塞陌越今七十餘年臣

馬齒亦八十餘矣又躬率紳耆暨臣子汝誠瀝詞

陳謝伏思結繩以前書闕有間紀傳所陳斷自唐

虞三千餘年來未有體

天以仁民足民以裕國

世德作求惠我無疆如今日之盛也易曰自上下

下其道大光詩曰以似以續續古之人臣駘背餘

香樹齋文集續鈔卷一

三

生忝三朝史官受恩至厚自幼至老再遇斯典何

榮幸若此耶敬書謝摺并識於尾云

御製唐貫休畫十八羅漢像讚恭跋

臣伏惟阿羅漢既得四果各具神通曰丁萬恒沙曰萬二千曰五百尊者曰十六尊者曰十八尊者其名義品彙大小如從乳得酪從酪得酥從酥得醍醐謂乳卽醍醐非是謂醍醐非乳又夫本來面目

皇上識貫人天學綜儒釋會經傳之瀝液擷象教之菁華潤法乳於須彌納經海於一滴每於

幾暇讚歎禪宗比於旭日初出萬嶺騰光茲十八尊者僧貫休所繪既各詮其現相復詳定其位號

香樹齋文集續鈔

卷一

无

當下指示頭頭是道能使風竹囊琴皆成密諦毒

龍猛虎普蔭慈雲臣竊考名人書畫譜載休善畫

羅漢曲盡其態人問之則云我於夢中所觀如是

耳又太平清話云休畫羅漢至十五尊者尚缺一

相或告之曰師之相乃是也休臨水作圖以足之

遂成十六阿羅漢像今祕府所弄者殆是耶休故

善學人也千餘年後乃蒙

賜讚不知休衲當如何歡喜如何榮幸云臣陳羣

敬識

教授王君傳

君姓王氏諱師騰字文岳號審成先世蜀人山重慶遷漢州丁明末造屢罹兵燹五世祖仕子然僅存仕生景曾景曾生曰明年十二遇獻賊亂舉家被害曰明掩伏祖墓之傍荆棘中夜則草食江干義兄曰孟者曰明父景曾恩育子也從夾江縣尹任歸省祖墓得之載與俱至夾江曰明生萬福字配庵性明爽意致磊落以遭亂甫定遺孽未靖移居崇慶州尋遷則先代田廬久為他人有因家於城北君生有異稟總角如成人十歲能文父配庵

香樹齋文集續鈔

卷一

早

最鍾愛之年十七補博士弟子研窮經史晝夜不

輟父憐而諭止之則閉戶默誦以為常家貧授徒

以供子職脩脯所入鮮腆致養先意承志族黨咸

稱之以乙科官長壽教諭居父母喪毀瘠幾至滅

性孺慕終身其官長壽也勸導諸生膠庠化之少

佻達者遇貧士盡力周卹無幾微德色學宮傾圮

捐金新之遷渝城教授興脩學校督課生徒愈殫

心力喜成就後學教子極嚴仲子愷登賢書歷任

縣事有聲君往復教誠自安苜蓿任滿當遷奉檄

敦趣就駕力辭不赴遂引年歸卒於家壽七十一

家居接鄉里以信順訓子弟以端謹尤篤於收族
痛先世罹獻賊之難播遷無常按譜上塚其可考
者皆次第繕葺以成先志宗人之贊大邑者三世
不返父寢疾舉以屬君越數載君造廬勸歸聚居
城北訪塾師某墓躬親祭掃歲久無廢其居鄉醇
厚類此性耽問學以程朱爲歸愛讀性理諸書不
罷雜二氏之說娶於周爲夾江周處士女習勞勤
勤操作育五子皆成立有文行寓狀乞傳以章顯
其先人者愷也

論曰王氏之盛於蜀者自中和樂職四子講德後
香樹齋文集續鈔卷一

州分里處代有傳述君先世屢遭兵燹尋罹獻賊
之禍不絕如縷君幼承父訓以三物六行飭躬型
士勵俗訓子共相敦勉史稱文黨好教化見蜀地
僻陋欲誘進之不數年人熏其德比於齊魯君職
僅師儒無民牧之責所及未遠沿流溯源殆波瀾
莫二矣

香樹齋文集續鈔卷二

嘉興錢陳羣集齋

重脩嘉興縣學宮碑記

吾郡首邑學宮明嘉靖間改宋興聖寺爲之今大
成殿東偏流虹亭共遺蹟也

國朝定開教化涵濡百餘年來邑學之規撫釐然
大備蓋自釋奠祭菜以至授堂橫舍齋宿庖湑之
所位置秩如其他以次建設俱如令甲余少歲遊
庠嘗目識之以爲一郡冠冕非輔邑支邑比也積
久摧剝漸就頽圯逡巡五十餘年而有事於學者

香樹齋文集續鈔卷二

顧瞻廟貌已非復少時之規撫矣丙戌春邑宰咸
寧王君蒞治甫閱歲人吏浹和學故與邑治隣並
奮欲葺而新之請於大憲爲捐俸倡飲前司諭朱
君今張君暨司訓王君相率勸紳士輸貲屬予手
疏贊成邦人士咸踴躍趨事諏日計庸飭材庀徒
僱工分力董之采桷之腐燒者易以堅緻丹漆之
漫漶者加之采飾經始是歲孟秋迄戊子冬告竣
糜私錢一千八百餘緡不斥公帑不侵民膏而輪
奐改觀雖翬構者無以踰之僉曰是役也宜若可
以示後者重以屬予予邑人也樂觀厥成不復以

不文辭余惟古昔興學之難論者每歸咎於二氏之角立而無以相勝昔汪太史琬謂時俗尊崇二氏遇浮屠老子之廬施舍不勸獨於聖人之宮攢眉接手彼弟見鳴刹注錢信施空集至語以聖賢之道之宜崇往往扞格而不相入乃今觀於邑學之脩人爭趨之有什伯於釋氏所謂信施者而又出於改寺者之所爲則是鼓舞振興之繇有不期然而然者非幸生聖學昌明之日漸摩涵育於久道化成而曷爲若是其易歟我

皇上治統道統合揆先聖近者重脩太學建立大

成門

香樹齋文集續鈔卷二
二
親製鴻文昭示海寓吾邑頤頤嚮風愈益濯磨於學將必有醇儒輩出以黼黻休明無負吾司牧司教者殷殷相與有成之意予雖耄老猶當拭目俟之王君名士澣司諭朱名奕曾張名楷司訓名錫纓其董是役者亦得附書姓氏以勸來者

吳蟻園中丞七十壽序

先生世爲齊之海豐望族祖少恭公由順治甲辰進士官秋曹有聲督學雲南遷山西叅藩初知江西萬載縣滇逆之變屢立戰功擒獲僞謀事歸奉旨褒嘉其他善政所貽邑人祀其威儀於賢牧祠至今偶遇水旱邑人步禱於祠晴雨輒應雍正六年予季弟界與中丞同薦薦舉官刑曹予時官坊局以同譜往來尋予佐秋官中丞翔於郎署每於疑獄及難治大案必倚重焉中丞胸無成見平心靜氣以就於理乾隆十一年出守鞏昌大兵進勦

香樹齋文集續鈔卷二

三

金川軍需旁午廩恤便繁中丞應之裕如官監司調劑軍儲糗糧芻芟賴以不匱秉臬滇中民無冤獄開藩甘肅值西陲底定彫剋未蘇中丞擘畫經理與民休息元氣旋復

天子知其才可大用三十一年簡佐秋官時次君壇居郎署壇與予子汝誠同年友也汝誠以少司馬兼佐秋官與次君共事五六載次君勿承家訓勤慎敏練由主事歷官正郎京察列一等部臣循例請迴避有旨不必迴避未幾特擢巡撫江西兼提督中丞之

蒞江右也開誠布公不設城府於吏治民生未嘗少事操切而綱紀肅然吏局協和民氣寧靜嘗自誦曰不爾吾何以仰報

聖主毗倚重任且吾祖發軔於此吾何以對萬載邑子也今年二月日爲中丞七十揆辰長君垣以舉人由州牧候補正郎次君壇在郎署任內奉差治獄近而畿輔遠而於蜀於秦於楚於閩數歲中行二萬餘里奏勘案件稱平蒙

恩特簡江蘇臬司兩江當塗與次君共事者以中丞父子同受

香樹齋文集續鈔

卷二

四

國恩節鉞屏藩相望江介爲盛事製屏爲祝問序於予予父子與中丞父子先後共事遭際

聖明志節相許交久而敬與唐之蘇李宋之張呂有相似者予雖衰耄不得以不文辭予維既醉之詩昔人謂備五福福必先言壽而壽必由於德德本於仁而仁則獲壽尙書言種德獨許準陶于門之高大卜於治獄無冤方今

聖天子以如天之仁洽好生之德中丞世任秋官復膺封疆重寄所以宣揚德意上契

天心而幾於從欲之治者正未有艾中丞勉乎哉

孫母王太夫人六十壽序

乾隆二十九年春有

旨以乙酉孟陬舉行第四次巡典浙江摺紳先期集會城之淨慈寺議建經壇爲

聖母祝釐衍慶以展萬姓權怵感激下悃陳羣以齒邁忝紳耆領袖乃世居禾郡數往來於武林公所因得於衆中識孫子觀察用敷暨第主政新若舉止閑雅商榷公務才復開敏予甚器之而同里士夫頗稱用敷舅弟自幼能受母教乃致此也予心儀之者四五年矣茲十月中澣爲太夫人六十

香樹齋文集續鈔

卷二

五

設曉之辰用敷兄弟佻來出同里諸友徵詩啟請予一言以介慈壽予受而叙次之曰人子之顯揚其親者曰婦德曰母教二者其大端也太夫人以太原右族生而婉嫕父贈公某特饒愛之嬪於孫爲省齋司馬繼室先是省齋公艱於嗣息太夫人于歸後暨副室胡安人連舉丈夫子姑趙太夫人已七十餘喜曰吾嚮者以獨子未得孫且多病爲憂今頓釋矣尋省齋公疾轉劇太夫人主中饋飭內政奉衰姑必誠必謹滌滌脂膏手調秩膳抑搔扶持靡間昕夕又親伺省齋公藥裹子職婦道一

力兼之年纔四十稱未亡人當定時也省齋公遺
子女七俱幼太夫人鳴鳩均平思勤備至自結襪
繫衣以至延師課讀戒奢敦儉躬衣澣濯而欸接
戚御周卹匱乏悉合大家女誠太夫人之淑德懿
行雖古所稱鍾郝崔韋無以加焉予思壽之爲言
酬也有是德必食其報回憶三十年前姑老夫病
二雛髮未燥孫氏不絕如綾太夫人以隻身負荷
艱鉅忍泪矢志以安上全下慶延奕世聲流形管
天之所以酬婦德而彰母教者若操左券也方今
聖天子先昭孝治節節屋節簷莫不漸被嘗接洪範
香樹齋文集續鈔卷二 六

言五福箕疇衍之以爲斂時者在是敷錫者亦在
是又言有猷有爲有守使羞其行而邦其昌用敷
兄弟遭際

昇平益自勵翼以鄉三物敦其俗以承母志他日
出身加民以清慎勤三字守其官以華於

國是則鄙人竊仁者贈人以言之義以附張老之

末云

叙欽支山遺印

韓子曰凡人作文宜略識字豈必奇字哉陳倉石
廩字跡茫昧讀者澀於口吻而不能驟通則相與
置之矣蓋自蒼雅說文之學不講而三體流傳識
者益渺獨印史辨析毫釐尙存古意故篆刻雖小
技亦必有師承不相誣也烏墩欽支山精其業快
劍長戟奏刀森然而伯茂之盦季娟之鼎體各粲
如國初以來如程穆倩王受之胡濤公江疇臣顧
云美徐貞木程受尼輩摹印爲士大夫所珍秘以
支山所製參錯其間當相伯仲耳其兄子羲淳古
香樹齋文集續鈔卷二 七

有家法懼支山沒而不傳刊其遺印問世乞予一
言予嘗感宋樓璣工詩善畫浙四明人曾令於潛
紹興間進耕織圖四十五幅幅各有詩高宗亟賞
之顧志乘遺之向非其猶子宜獻公鑰爲之跋識
好古之士孰從而考之予於羲所傳其季父遺印
有類於宜獻者因并及之

讀墨一隅序

鄉會墨之選所爲示之表以正其趨使天下士子奉爲圭臬以博取科名語云閉門造車出門合轍其在斯乎

國家設科取士春秋兩闈萃千萬人於風簷寸晷中其沈著者嘔心抑慮低滯槁木始一著紙其豪邁者一唱三歎流連灑落杼柚已成二者致趣不同而所入選者蹊徑咸備焉凡此皆主司秉公衡鑒而甄拔之者也藉非操觚家精其識虛其心而評隲以行於世文之佳者其能不脛而自走耶人

香樹齋文集續鈔

卷二

八

謂選家之權可以引掖帖括諸生予以爲使文風蒸蒸日上而不自知者方盡選家能事往時見清獻陸先生滄柱仇先生碩園俞先生同人儲先生所品定選本至今人遠風微而譚制義者必舉以爲鵠方今

天子振興文教體恤士子無微不燭分四書經義爲兩場俾專力締構以各抒底蘊又於大比之年集應差臣工

命題廷試而甲乙之操選政者尤當鄭重取材而登之黎棗公之同好以求合乎先民遺軌此予所

拳拳於持選政之二三君子也眉山蘇氏有言藥雖進於醫手方多傳於古人選家之事近之予反其語而益其義云方雖傳於古人藥仍出於醫手讀者卽其文而證諸先正其有合乎其否乎是在善學者深思之矣吳子蘭咳學有根柢與予論文有水乳之契因有是選而序之如左云

香樹齋文集續鈔

卷二

九

募脩文昌橋引

永慶橋北有文昌橋居秦塘之中由郡至鹽官孔道帆檣如織非此不得渡步者負者擔者往者來者男婦老幼率皆由之日夜以千百計其舟楫之自橋下過而東南經積福橋南至新廟為邑之備路北通壺溪羅漢塘直抵郡城橋之關於行人不可枚舉近因久未脩治日就頽圯橋危石墜水中甚至行人之溺者幾斃遇救得死者數四今春予上塚過此居人為予言為之惻然僧超宗思募眾力脩治以予舊居近此乞予為引予不得辭夫一介之士苟存心於利物於人必有所濟聞者必輸且恐後况通道路成橋梁利隄防皆王政所必講工之小者以居人眾力成之費不多而工易集仁人長者諒與予有同志焉

香樹齋文集續鈔

卷二

十

福字說

福有五嚮用欽時惟

聖天子誕膺其全於以敷錫庶民普天同慶受福者益積善以養之所謂自求多福也

壽字說

壽居五福之先猶仁為四端之首也

聖人有言仁者壽行仁以獲壽長生要道不外是矣

福壽衍於箕疇昔人多有推闡為說者予生逢

聖世年臻耄耋引經揆理得二說焉以似同志共

香樹齋文集續鈔

卷二

十一

敦斯義云

割股圖說

女未行而持節於家謂之曰貞親有疾而剔股以進謂之曰孝然則歸熙甫之論與昌黎韓子所譏一據曾子問一援孝經不敢毀傷之義彼皆非歟解之曰聖人立教以中庸為歸則熙甫貞女論昌黎譏王友貞不當旌是已然事有出於賢者之過與愚者之不可及則君子亦引而許之以敦世礪俗蓋人子不幸遇親疾醫禱罔效思所以已親之疾者無所不至雖肢體有所不計而違計人之嘗議耶同里許母莊孺人幼有至性予嘗耳其割股

香樹齋文集續鈔

卷二

十一

愈父頭疽一事閱今四十餘年孺人不以語人令嗣文學筠菜為圖以識介其外弟杉屋廣文請題予樂聞里鄰善事每怪世之論列貞孝獨行輒多責備因推論之如此

汪季握字說

魚亭第四子名瑜年十五問字於予字之曰季握而以潤齋為號瑜本美玉席珍待聘貴能執也溫潤而澤為仁仁者壽復取陳希夷先生以貴壽許省華諸子為祝瑜其勗諸

香樹齋文集續鈔

卷二

十一

張母朱太恭人傳

候選郡丞張君芳貽泊兩弟給諫秋芷編脩松坪走使乞傳其王母朱太恭人懿範淑德予嘗往來邗上稔知太恭人教諸孫皆能成學以顯名當世而給諫又予乙丑所得士不復以衰老辭爲撫其行實而叙次之太恭人姓朱氏世籍江都幼端重不苟言笑及長嬪於張爲 贈中憲大夫宗庇公諱世廕淑配張故關內新豐右族太恭人于歸後脩行婦道動合女誠部署家政能以儉勤相其夫簞篋餘滌無幾微闕失生二子長諱四箴字景程

香樹齋文集續鈔

卷二

五

卽郡丞兄弟考也次名四科杜門力學不干世譽幼後於叔字仙洲者太恭人教子有法課督必嚴衣帽蒞之不少姑息中憲公沒長子相繼早世太恭人連遭艱凶悲楚欲絕既又念所遺孤孫長僅五齡幼者方髻齷襁褓涕泣而戒其婦江恭人曰吾與若爲張氏婦忍見此孤露無成耶汝須強起視諸子無徒洵涕摺膺爲也江恭人深體姑諭侍姑訓子恩勤鞠育以養以教垂十年江恭人又沒太恭人親撫童孫以隻手搗門戶閱數歲見芳貽兄弟才質皆可造就乃諏日召三孫至閣前垂涕

諭曰汝兄弟當分道營業同心勵志繼務爲先世

所遺未可荒怠孫蘭人謹飭可獨任之孫馨孫坦資稟尙可讀書其壹志攻舉子業尙邀一第他日仰報國恩庶不負吾一生勤苦撫畜願各勉焉三孫跪而言曰敬如命太恭人爲延名師課督不數年馨還關中省試舉第一坦亦同榜高掇明年馨成進士入翰林又數年坦舉進士館選則馨已蒙恩由臺諫列黃散矣遠近戚屬聞者莫不欽服太恭人之教其孫爲可師法至於今馨坦奉大母訓勤於其職家事一稟家督而兄蘭亦力任世業友

香樹齋文集續鈔

卷二

五

于其弟一室之內怡怡如也太恭人年登九十孫曾林立疊被珩璜瑜翟之錫而躬衣澣濯食無二載曰吾素性不愛華靡願畱餘澤以貽後人太恭人天性孝友兄弟皆以質遷入蜀移家不返考妣墓在揚郡西郊歲時展掃必精必潔灑淚松楸愴焉永慕欵遇宗姍治具豐腆存拯貧乏德色不形下逮臧獲廝養俱有恩禮門庭雍睦神明不衰屆九十悅辰輦下鉅卿長德爲詩歌張之會給諫編脩先後請急爲大恭人稱觴介壽賓從闔門簪纓環侍里中爭以爲榮太恭人顧怒不自安猶兢兢

以報

國承家為孫曾勗踰年遘疾遂卒春秋九十有一
地封宜人 晉封恭人曾元輩皆以文學世其家
往予貳秋卿直 禁禦給諫兄弟於過從時為述
太恭人撫育教誨輒誦李令伯陳情表云馨兄弟
三人微祖母無以至今日為之隕涕今本此而為
之傳

論曰古之頌賢母者莫不以善教其子為難教其
子所以及其孫也唐柳玭稱崔山南曾祖母王母長
孫夫人年高不粒食而康寧一日疾病長幼咸萃

香樹齋文集續鈔

卷二

六

宣言願新婦有子有孫皆得如新婦孝敬及唐夫
人生子頌孫珙瑄瑁璵等八人皆至達官昆弟子
孫之盛鄉族罕比柳起之之妻韓氏家法嚴肅為
措紳楷範常命粉苦參黃連熊膽為丸賜諸子每
永夜習學舍之以資勤苦其子仲郢三為大鎮以
禮律身今觀太恭人有長孫夫人之壽而教其孫
則與韓氏之教子同年躋上壽慶昌枝裔宜矣公
父文伯之母謂季康子曰君子能勞後世有繼不
其然乎

式溪汪君傳

君諱燾字宇周號式溪唐越國公裔世為歙人高
祖鏣始僑居維揚以鹺業起家祖資政公允信孝
友悖篤五世同爨無間言父奉宸苑卿廷璋恪守
資政公家教尤敦內行力疾侍父瘥竟以毀卒余
嘗為之立傳君其次子也君幼穎異知讀書顧見
鹺務繁重不欲祖父殫其勞瘁遂棄舉子業偕伯
兄熙分任焉奉宸公倚為左右手戚郇交稱之歲
庚辰資政公捐館時父病亦劇君方視醫藥惟謹
猝遭大父之變偕伯兄治喪盡禮一切附身附棺

香樹齋文集續鈔

卷二

七

弗之有悔逾月奉宸公繼歿君哀毀備至苦塊之
餘卽與伯兄強起經理鹺務益浹月間再罹大故
倉皇摒擋負荷艱鉅以弗墜先業君固已心力交
憊矣君一門食指數百藉君兄弟同執家謙門以
內聽命家督門以外君獨搆之內外翦然俱有條
理賓客師友接待過從無異祖父在時也乙酉君
母吳太夫人復歿君極誠盡哀一如奉宸公喪閱
一載伯兄熙相繼下世君殫力經紀痛伯兄乏嗣
卽以長子承均為伯兄後君天性孝友事祖父克
盡色養祖父既先後見背與伯兄友愛尤篤生平

慷慨好施予樂善不倦如敬宗收族睦姻任郵諸事皆稟承父志次第舉行至經理繹務因時制宜公私交濟同業者得君擘畫往往稱大憲指壬午乙酉恭逢

翠華南幸君急公趨事屢邀

寵錫愈自謙抑勤於職業君體素羸比年以來出治世疇入理家政持籌握算皆出一手精力爲之日耗乾隆三十四年十一月疾作遂不起年僅三十有六娶洪氏子三長卽承均次承達承執予嘗感昌黎誌殿中少監馬君墓云年未耄老而哭其

香樹齋文集續鈔

卷二

丈

祖子孫三世於人世何如也辱與君世契申以嘉姻旣爲奉宸作傳未十年又爲君立傳好懿之誠固有微尙而皤皤黃髮觀居斯世者亦行自慨已

節孝吳孺人傳

乾隆三十二年巡撫浙江副都御史兵部侍郎熊公學鵬疏上節孝姚劉氏等事實請旌下部核議覆上得

旨准行給帑建坊設主節孝祠有司以時致祭而嘉興趙節婦與焉節婦姓吳氏秀水趙倏室父德宏母陳氏年十九歸於趙年餘生子雙鯉時倏父母俱存祖亦在養一堂四世雍雍愉愉節婦鳴雞櫛縱衿纓拂髦晨脩夕膳佐倏奉父母以事乃祖翁與姑方喜其子之獲配嘉耦而戚族里鄰亦咸

香樹齋文集續鈔

卷二

九

稱羨以爲趙氏之得賢婦也甫三載婦方姪次子賜鯉而倏忽病病且死倏泣謂婦曰我不幸不克終事我父母以我父母累若若慎無以死謝我蘄若以生竟我事竟事所以謝我也我慰我憾我死瞑矣語絕倏竟死先是倏病革節婦衣不解帶目不交睫至是不復寢食呼天搶地每慟輒絕意不復欲生翁姑急呼曰婦爾亦知爾生之關趙氏者綦重乎爾夫死爾叔宗孟自血抱繼仲氏吾無子矣白頭翁媪惟爾是賴是爾婦而子也我翁且八十且夕風燭旣失舍節孫亦惟賴爾慰藉是爾婦

而子又子而孫也爾子纔逾晬爾女亦僅三歲是顧是復以養以教惟爾兼賴是爾又婦而母母而父也爾一旦哭夫死爾死固得矣顧龍鍾二老生誰養病誰療死誰收骨而委縗三尺饑誰食寒誰衣長養誰教誨成立誰完聚是爾生而父無子而有子祖無孫而有孫子女無父而有父爾死則何如耶則何如耶噫嘻天水氏不其餒而夫節孝人倫並重盡節難盡孝尤難婦乎爾盡其難者婦既心傷翁語而又念倏垂死時所囑思代竟倏事以報不忍以一死自完也遂雪涕受命勉進糜粥未

香樹齋文集續鈔

卷二

三

餐飯進塾夜歸必令背覆一日所受書風簾雪几寒燈對影機絲雜誦聲續續然蓋節婦勉勵調勗心枯淚血庶幾一日頭角斲然於以振趙宗而慰泉下乃無何雙鯉年十七又染病死矣婦拊膺仰天哭曰我忍死爲趙氏一綫耳奈何賜鯉不育今又奪我雙鯉耶椎心爵痛慟絕如倏死時姑復流涕諭曰自爾夫死我病不意至今日繼爾翁死我病更不意至今日至今日皆爾孝順所致也我依爾爲命爾朝以死我必夕以亾我年愈邁病愈深且晚與爾夫相見矣爾曷少茹痛俟收我以終爾

香樹齋文集續鈔

卷二

三

幾翁以哭子死距夫歿未及月越一年太翁亦死婦倉皇庀治喪事視飯含製絞紵盡哀盡禮戚族之會哭者又咸稱歎以爲趙氏婦賢且孝也婦以姑年旣衰且屢以悲傷成病時時咳上氣婦晝夜扶掖撫摩進參餌調治疾漸平或思時果珍味應聲輒具以進又恐姑憂傷動疾每清晝拈針宵寒坐漏從容談說雜引里媪諧笑以曲抒其懷色養蒸蒸二十年如一日也旣一女及笄教以壺儀動有禮法爲訪名族擇佳婿適清溪徐氏而雙鯉漸長從師授讀黎明卽促起饋而總角整捉衣屨具

今翁姑雖歿奉養之責已終而爾長房也繼嗣未立如大宗似續何況窀穸未定爾夫猶銜痛九原是爾代子之職未終也爾何可死婦因自念曰彼生者之責我如是更不知死者之望我又奚若也且我事實未竟不得不偷息人間爲趙氏勞人矣於是廩地師卜兆城亟謀安葬又日夜禱於祠望諸叔得繼嗣以奉翁及夫之祀顧頻年多故節婦心力交瘁乾隆戊子月正五日溘然謝去臨歿時惓惓於牛眠未卜爲憾出篋中貲屬宗孟并割腴田數十畝供春秋祭饗宗族咸體其志是年冬營葬畢以從叔秉淵子某爲後節婦其可無憾於地下也已

香樹齋文集續鈔

卷二

五

論曰古者鄉大夫暨閭胥族師亦得書其鄉之孝弟睦嫺任恤者以貢於天子此周家久道化成風俗隆盛皆由里黨揚厲之法詳也余蒙

恩予告里居每喜詢里中孝子貞媛秀民善士思一一紀載以彰

聖朝治教休明道化翔洽之盛且以闡幽發潛區明風烈爲里鄰勸節婦與余家稱戚邇其苦節孝行予旣耳之熟矣用備書之以俟采風者

鹽運副使蓼塘席君墓表

洞庭東山席氏世有質行明中書舍人諱本楨起家南雍散貲財以飲齊魯三吳之賑朝紀其績晉階太僕寺少卿太僕生虞部諱啟寓徙常熟虞部生贈副使諱前席師事當湖陸清獻公踐履淳慤稱高足弟子趾美接武前輩如梅村竹垞鈍翁諸名家俱亟稱之並銘其塋石君諱襄字成叔號蓼塘爲副使季子幼明慧七齡失怙哀毀如成人與其兄篤於友悌嚴事寡母必誠必敬旣壯豁達自喜不屑屑儒生章句學侍仲兄官郎陽究心吏治慨然有經濟之志讓所居宅於邱嫂挈其配移居青浦遂著籍焉年近四十循例謁選人得鹽運分司於浙自筮仕至解組涖官僅五年其所設施不足以盡君才而所至有循績嘗攝湯溪令峻卻商戶陋規設匾於四門便民輸課邑遇旱爲除墮墾步禱雨大沛其秋又苦潦山水異漲漂沒田廬君撫循流庸力請蠲賑不欲諉其勞於新令協力經理吏胥不得因緣爲奸大吏倚其材檄委他邑散賑亦如之補運副釐剔權濫諸利弊幹練如夙習陳議要十餘條皆鑿鑿可施行者無何被吏議幸

香樹齋文集續鈔

卷二

五

連當去官君亦恬淡無宦情歸里後稍葺葺其居
蔣花壘石旦夕召親知飲酒歌詩徜徉峰泖間致
有遂初之樂云君天性惇睦輕數千金償仲兄之
逋羣從以匱乏告輒分橐無吝色脩先世義莊以
贍族人且多為惠於其鄉值歲捐數百金以資
行糜重直購藥物以活病者余嘗感李士謙事屢
散家財施予無倦趙郡農民德之撫其子孫曰此
乃李參軍遺惠也君為太僕曾孫而好施樂善之
風世守弗墜其未竟於官者莫不暨於其鄉且將
貽後以大其施也令子農部紹容每為余述其先

香樹齋文集續鈔

卷二

五

代懿行甚備且請表君之墓嗚呼惟積善者有餘
慶而託於文字者可以無窮用綴書之以為世勸
俾後之瞻堂斧者有考焉

文學費雨坪墓誌銘

文學費雨坪名樹梗吳興右族祖金吾起家孝廉
仕至湖北巡撫歷任有治行崇祀鄉賢父豫游員
外郎雨坪幼醇謹寡言笑讀書外無他嗜好人以
急難告者輒傾橐應之無吝色娶汪氏女名亮字
映輝號采芝山人好讀書德性溫淑汪故新安仕
族亮祖父遷浙之桐鄉伯叔兄弟登科第通籍者
行馬相望亮幼孤母孫太君撫育延師課讀究覽
經傳女紅之餘學為詩無巾幗習氣年及笄歸於
雨坪夫妻相莊戚儻咸稱為賢歲餘雨坪補博士
弟子員有聲費序無何家難繼作構訟數歲祖業
蕩然殆無棲止處亮斥奩具資給之以其餘買數
椽於嘉興郡城之天帶橋夫婦杜門靜寄雨坪數
應科目不售折節讀書如故亮所從師徵士張君
庚庚詩筆高古尤精繪事幼時同予讀書邏水舊
居因得從予母陳太夫人授筆法畫有宋元諸大
家家數亮亦師承焉雨坪夫婦藝蘭種菊門無雜
賓惟汪氏諸彥及徵士至則擘牋分韻所為詩間
有呈予點定者乾隆戊子春雨坪遘疾謂亮曰吾
門戶式微與若借棲於此思鍵戶讀書或叨一第

香樹齋文集續鈔

卷二

五

少延祖澤乃年垂五十無所成就後嗣闕如形影相弔今病勢日沉身後之事悉以累汝亮執于敬諾少間又屬曰吾得首卽於此實汝之力吾死不願歸井里汝可卜葬於所居西偏吾死之日猶生之年亮涕泣曰如命微子命吾計亦如是耳且吾更何求耶我生爲守冢婦死爲同穴鬼如是而已移時雨坪遂逝殯殮後亮遣其夫之姪國寶以狀來告且請予識之乃銘曰

一死一生蓋言友也今乃見之則夫婦也撤其環瑱戴且負也僑居借老誓白首也寢疾有言諾而受也穿是井柳在室牖也馬嶺一抔鞞兩手也死而同穴穀虛右也嗟哉斯人胡無後也我銘以實可垂久也

香樹齋文集續鈔

卷二

美

處州太守敬亭倉君墓誌銘

歲己丑四月處州太守敬亭倉君卒於任先是太守元配劉恭人歿繼室爲高密官方伯孫女方伯予故友也遺孤介予及門先期寓狀請銘窆石予不獲辭按狀君諱聖潢字倬甫號敬亭河南中牟人系出黃帝史臣頡邑至今有造字臺址其族累百世無他徙者明允祿寺典簿諱一鯉者君高祖也曾祖諱牧民廩膳生名載邑乘孝義祖諱沃太學生父諱士琅增貢生俱以子聖裔貴贈封通奉大夫兩世好施予多爲德於其鄉大中丞尹公雅

香樹齋文集續鈔

卷二

毛

公蔣公先後表其閭列其事於彰善錄母冉氏太史諱觀祖孫女孝廉諱調衡女家世理學慈懿有訓識君幼後於叔父諱士璠叔父天卒事叔母朱蔡人晨昏無間能委曲得其歡心越數年朱歿附身附棺弗之有悔伯兄宦滇中父通奉公就祿於滇命君獨任家秉事母課弟俱有條理志在經世不屑屑爲章句儒循例得京曹郎未赴俟伯兄請養踰年始謁選人庚辰秋在京聞河溢牟境兼程策騎歸省遂迎侍邸舍是冬授刑部供職惟謹壬午夏通奉公捐館哀毀備至偕兄弟奉母扶櫬歸

營窀窆居喪盡禮服除仍補西曹決讞多所平反
丙戌春出守處州抵家迎養太夫人以道遠有難
色涕泣請不獲命乃單車之任明年太夫人家居
念君甚率劉恭人來括蒼未半載劉恭人得疾歿
於官解太夫人以君遠宦不可無內助親詣會城
謀繼室婚約既定即歸故鄉君成禮後常鬱鬱念
太夫人不置偶感痰疾旋接家問聞太夫人訃哀
痛不勝病轉劇逾月遂卒年僅三十有九君天性
孝友與弟聖脈分嗣兩叔父皆早世惟依太夫人
孺慕終身一門之內雍雍如也居官待僚友以誠
香樹齋文集續鈔卷二 无

考城縣綱堂張君墓誌銘
乾隆己丑八月河南考城令張君卒於官配查孺
人予女甥也扶柩歸僑居吾郡既踰年悲哀痛疾
不自勝一日持其夫之弟所為狀踵予第舍稽顙
涕洟請曰未亡人不幸隕所天猶視息人世者嗣
子在襁遵夫治命也今就封得吉日星家言獨不
利於未亡人審如是未亡人得死所矣微舅氏誰
為銘語訖嗚咽不能起予雅知孺人賢侍夫疾露
禱乞減已算以益壽夫歿嚙指出血剪髮納棺中
歸涉江河見風起濤湧以身緇楷誓與俱存亡考
香樹齋文集續鈔卷二 无

字下多慈惠惜未竟其設施娶太學生劉名如濤
女婉嫻有文即太夫人甥也續娶嘉定太守宮名
去吝女以悲痛過毀繼卒子一思謙女四人並劉
出銘曰
我聞造書古三士少者蒼頡為左史觀法蹄迹文
字始遺蹟猶傳有熊氏四千餘年守其祀太守倬
甫暨舅弟以聖為名表厥里潢也一麾殞浙水年
命脆促未強仕配劉繼宮孤毀齒反葬於牟若堂
是誰與銘者錢後嗣比乃雲仍澤永被更千億年
錫繁祉

城君友愛甚篤其弟狀君行事微實可信因諾之
則又肅拜以謝案狀君諱允復字海周一字綱堂
又自號寄庵杭之海寧人曾大父士蘅諸生贈奉
直大夫直隸灤州知州大父曾禮以太學生贈承
德郎福建漳州通判父嘉論太學生知江寧縣有
名事具縣志妣查氏封孺人君生四歲父口授唐
詩數首朗然成誦年十四通九經日夜討論有所
論駁援據有本雖老宿莫能難也攻舉子業屢試
不售歲庚午以監生考授縣丞丙子河帥白公墓
其才奏雷河東河工奉

旨錄用凡河隄脩濬防禦君區畫悉中窾要白公
專刻入告會丁母艱歸里儀封張愨敬公耳其名
延入幕府嘗削牘多至百函不加點竄有以暮夜
無知遺金請私事者峻拒之曰奈何賄取我也張
公益倚重焉每進謁戒勿以屬吏見尋補蘭陽丞
遷鄭州倅是年秋黃河泛溢自楊橋南延袤數百
里君督防險要寢食於茅葦者五閱月河流復故
道上游皆交口薦譽名列一等擢考城縣縣故濱
大河地勢窪下每歲潦城濠積水城易圯會有
旨勅脩豫省城垣前令議建新城於蘇家集君莅

香樹齋文集續鈔

卷二

三

任後率土人往復勘視議曰考邑形似覆孟無平
原高阜可以更建新城蘇家集北距沙河不及里
許伏秋河水漲發難免冲决之虞設城所以衛民
民未受其利而水患浸至非所以爲治也按舊城
建於前明保障垂二百年毋庸輕議紛更應仍其
舊俟冬月水涸城根透露興工脩築以籌永固則
事半功倍不致糜帑病民矣議上大中丞葉公燿
之列疏於 朝得

旨允行其他脩橋舍治杠梁諸有利於民者以次
興舉性明敏尤善獄通許邪教案起抹繫數百

人大憲檄君會鞫置其魁於法餘得釋邑有梁氏
女字於闔將請期矣闔父入蜚語謀別娶梁知泣
訴於庭君廉得其實召兩家子女鼓吹合巹於聽
事諭之曰縣官主婚最吉祥也闔父爲之感悔生
平孝友好調人之急弱冠父沒官解君哀毀侍至
喪歸躬營窆窻寒手足盡皸裂後客任城聞母
計徒跣至家號踊幾絕歲時奉祀淚泫泫溢尊俎
間二十年如一日鞠其幼弟先澁以撫以教至於
成學君狀其所爲也縣尉某病歿身後多逋累君
經紀之喪得還友婿陳早卒字其孤無異已出君

香樹齋文集續鈔

卷二

三

既好學勤纂述歷河防劇邑卷不去手詩格老成
尤工詠物書酷摹魯公亦能出新意著有殮和軒
等稿書課書譜三傳異同考禹貢圖說治河偶編
公牘錄存若干卷病草屬孺人曰有嗣子在慎無
效兒女子態以死殉我我癖嗜山子窆我於多山
處植野梅數百本彷彿郁秦元墓清寂也既歿發
其篋僅俸餘數鎰君可謂以文學飾吏治者矣昔
王新城尙書每感文吏如靈壁令馬驢輩皆卓然
有所撰述以自顯於世因歎下僚之中不乏佳士
君殆其人耶君生康熙壬寅十月初八日卒乾隆

己丑八月二十九日年僅四十有八惜乎未竟其
設施也配查孺人贈朝議大夫翰林院編脩雲在
公諱祥女子二女二俱殤嗣子繼勳銘曰
生也有學作脩士有猷有守作循吏死也有妻能
作誄有弟能作誌用柳下惠妻
及蘇轍事雖無兒有猶子雖
無金滿籬腹中富經笥遇雖膏不終躓位雖卑亦
小試年雖促文何斐天之報施不薄爾銘斯藏者
老柱史永安幽宅宜後嗣

祭馮勗齋別駕文

嗚呼晚近論交相知落落白頭初逢如踐宿約我
臥林泉翁亦邱壑心焉寫兮契以淡泊曾幾何時
忽來夢噩赴哭扶藜如蹈寥廓翁生幾近古范水
城相門之裔上舍之英學富而邃行飭而清醇儒
氣象廉吏聲名用未竟量施必中程河渠奏績一
展其能翁來河渠歷試諸險如塞兒啼隄防泛濫
異漲洪濤衝波周覽爲文以祭默禱神領捷葦稽
束平直以斂翁德入人罔勿懷感石林之役暴漲
是漫勢趨沛邑三版僅全奉檄捨護危而獲安所
活者衆咸頌翁仁河帥嘉悅曰爾來前按所坐席
勝此非難翁心益勤性本坦率守理不違執事以
實其不諒者意見多拂翁固恬然無所於鬱尋奉
恩旨還我故物宰府督河交章薦達翁益振刷以
酬所知每當艱鉅衆望所推翁亦勿却是任是仔
長君捧檄劇邑能治稟翁之訓清慎而慈賢聲雀
起於浙東西翁乃引年就養吾郡山水清娛時領
餘善予一見翁誼敦繼繼懿德所薰同臭斯戀謂
此哲人衰齡是伴天不慙遺潛焉永歎

題臨本海岳天馬賦後

古人論書云通則變歐陽變右軍體柳變歐陽體皆得法後自作神通也朱子文圻臨海岳天馬賦神采邁要有自家筆行乎其間不必盡刷字本色殆所謂臨帖須有我者耶

與高安徐明經

自尊大人卽世後每念賢昆以幼穉支持家累恐失學少墜先師之澤積忱數載無時或釋昨冬聞世兄得與拔貢殊慰遠懷春初僕按試保陽公車經過承俛諒局鑰未曾相聞隨罹大故倉卒奔歸昏迷之際亦不知尊駕已來輦下也今者念僕困守廬次匍匐走視一見世兄眉宇軒發器度冲和且緒論間以躁進爲可恥以力學爲恆業以親近正人爲可取法以勤督諸弟爲分內事如此存心如此勉勵貧不足慮方信玉汝於成周子之論爲是矣此種見地恐履盈席厚者未易解耳吾師靈爽實式憑焉使僕十年來積憂頓釋至今叔三世兄官麟遊數歲不能遠顧家室實力所未能僕三四年前奉差到陝深知他努力做好官始則見識未能融洽致同城兵弁或未能盡喻後僕留賓館深談卽以范堯夫持已要嚴待人要寬常以責人之心責己恕己之心恕人二語諄切勸慰令叔頗採愚誠未數月而同城共事者無不心折際此聖明之世廉吏循良當有好消息也

皇上政勤宵旰雖盛暑不暫停引

見日內宜調攝體氣嫻習應對趨走總以從容爲主而從容必從敬謹得來自然動必中禮也僕檢閱夏衣有數件可以奉留世兄替換者又新紗二疋可製時服薄意四金附用其餘倘有所需用而僕可以量力應付者洞酌之義何敢忘之

楊竹坡續刊竹雲題跋序

金石文字流傳最爲輿蹟而考評題識雅不在多顧非好古而能察書者尠克與焉康熙間翰林金壇王君竹雲工八法酷嗜前賢遺墨所得金石刻一一鈎稽真贋手題掌錄必研審再三而後著於篇往予見竹雲京邸圖史左右其積帙至梁相者率古法書也旣同館相善每退直過從見竹雲昕夕丹鉛辨析窮苗髮不少置則進規曰子欲爲張仲揚柯丹印其人耶竹雲笑謝予曰人各有癖樂此不爲疲也竹雲歿數十年人稍稍知愛其手蹟

香樹齋文集續鈔 卷二 五

并其題跋而哀輯之者不一家家壽泉得而刻之凡四卷同里楊子竹坡復得其續成十卷校梓以傳抑顧寧人所謂同此好者繼而錄之者非歟昔孫莘老守吳興網羅僊什斷歿於荒陬野草之間莫不甄錄其墨妙亭石刻大半載王象之碑目而劉原父在長安其地多古簋敦鏡甌尊彝之屬愛其款識文字奇古因以考知三代制度與先儒所說不同者予嘗惜吾鄉曹倦圃先生聚法書數十年自大禹响嘯碑以下凡八百七十餘卷自爲表示後迄今散佚不傳一字曩曾舉似竹雲竹雲顧

不少懈使其得孫劉覽古之地輯而識之吾知其
所得必有與歐趙諸人相頡頏者而豈僅此一刻
再刻已也

跋自書蘇文忠表忠觀碑後

眉山此碑爲集中有數文字王半山讀而咨嗟不
已歎爲馬遷秦楚之際諸侯王年表後又得是篇
眞足雄視百代碑中所述清獻疏語陳羣嘗考趙
叅政全集未載此文意以非眉山莫辦故委之耶
如張忠定諫用兵書亦倩坡老捉刀古人立言期
於事之可傳文之行遠人已畛域有弗計也此碑
今嵌祠壁

皇上初巡我浙臨幸祠中手摩碑石得句云蘇碑
餘腕力亦敵弩千鈞眉山有知亦應感

聖主千載一時之眞賞也

跋唐俊公權使自相吟卷子後

往予爲翰林假歸禾中道出淮壩過俊公先生權使行廨留信宿話舊之餘偶涉風雅時令子芝剛館丈年未弱冠侍其師錫山華文及一二賓從相與擘牋分韻卽事唱酬先生詩每先成風格豪邁如其爲人性曠達不羈喜緩急人於困厄中幕下士相依者多不忍去課諸子甚嚴芝圃官翰林執事黃門夙夜勤慎恪守家法先生歸道山後又十餘年芝圃奉

命權吾浙則予已

香樹齋文集續鈔

卷二

四

予告林栖二十年矣芝圃出先生自相吟卷子讀之多見道語多醒世語詩則從香山樊川入手後漸近石湖誠齋此卷爲華丈所得芝圃請予題識因憶淮海舊遊綴數語歸之

跋自書與劉諸城倡和詩冊後

客有盛稱諸城相公制義功深屢掌文衡所錄多士文皆可矜式獨詩學未必如香樹原本三唐爲後進楷則耳予聞而撫掌曰客稱諸城制義好信然謂詩學不及老夫何所見耶客無以對乃隨手取拙詩中與諸城倡和之作付讀客頰首曰近年始得大集僅讀過數卷不謂先生之服膺諸城乃爾也予與諸城還往詩什不多錄此以見片羽一斑均足寶愛如此越數日客持此冊來歸曰未學後生悔未讀秋水篇耳遂綴此數語一笑

香樹齋文集續鈔

卷二

四

汪恬齋詩序

丁卯孟冬予從豫章典試假歸還 朝時道經維揚馬君懈谷出邗江雅集示予讀之各體皆備就中澹適安雅則數汪君恬齋有許丁卯秦隱君之風又八年予以養痾旋里薄遊邗上將返棹矣乘夕陽秋霽復訪蜀岡酌第五泉袷衣散步見松下小亭有客據方几啜茗吟詩就之則懈谷兄弟及汪君恬齋也懈谷介之登予舟因語恬齋曰予未識君時讀禹廟移梅諸詩早想見其風度矣遂相視如夙晤者懈谷請予畱一二日邀集中諸子再舉擘牋之會予以遊歸不果丁丑秋盧雅雨同年訂遊紅橋問及諸詩人則前輩程君香谿馬君懈谷汪君恬齋皆先後遊道山澹然滂下昨恬齋令嗣長馨錄恬齋古今體詩六卷問序於予予性懶漫不能為譽詞見時賢詩文有與古合轍者每低徊而不能去恬齋為人以誠樸重其詩以清真勝其氣味春和無矜張凌厲之習蓋同此花柳同此風月一入高曠之襟自然融洽恬齋之詩恬齋之人也松間月上邂逅數語遂成陳跡為之憮然

香樹齋文集續鈔

卷二

聖一

節孝張母王太孺人傳

孺人姓王氏父佩國子生母繆氏康熙三十五年適張兆梧為室既歸夫貧寡兄翁姑潘孺人方在養孺人躬操作習勞勸雞鳴盥櫛潔進盤匱佐夫治生理夜分不輟姑染病不離床褥者經年兆梧以待疾過勞亦嬰痼疾孺人遞奉湯藥左右維持寢食俱廢每夜露禱願一身兼代是年五月姑棄養夫病亦篤倉皇危治喪事弗遺良人憂八月兆梧繼歿孺人呼天搶地絕粒不欲生舅氏老諸生繆本中喻之曰汝夫歿遺孤三長甫九歲次六歲其幼髮未燥汝今以身殉汝夫此藐諸孤者飢誰哺寒誰衣長成誰教誨汝奈何以夫故并棄三子三子棄終無補汝夫之死三子全卽不啻汝夫之生汝身緊張氏存亡奚事效兒女子為孺人瞿然有省拭淚起謝喪畢既合葬舅始復為夫營窀穸孺人拆衣簪俱盡鞠三子幾無以為生則取給十指提刀尺擲機梭以朝夕易食雖隆寒手皸裂弗惜也又十餘年諸孤以次成婚長泖仲淇季濂泖尤有才幹所與遊多上大夫而孺人之節稍稍有聞於時以格於年例不得請 旌乾隆二十八年

香樹齋文集續鈔

卷二

聖一

孺人年八十諸孤率孫曾輩舉觴集梓里所贈節
孝詩請予序予以巾幘風人顏之越七年庚寅十
二月孺人得疾歿先是泃以縣丞就銓辭不赴孫
楷亦補太學生門內怡怡家亦隆隆日起孺人苦
節之貞亦足少慰矣予於戚劬中節孝懿行尤樂
爲人稱道且悉孺人睦嫻任卹訓家儉勤他善事
皆足紀而節孝其大者因從泃請而爲之傳

香樹齋文集續鈔卷三

嘉興錢陳羣集齋

御製幸避暑山莊詩跋

每歲孟秋

上諏吉敬奉

聖母安輿幸熟河行宮駐蹕舉行彌政今年逢閏

七月秋序稍遲而 啟蹕日期與每歲相例去木

蘭行圍將浹月山莊爲

聖祖避暑地山川佳麗風土朴淳草木明秀飛走

馴若塞外周環數千里晴雨應時西成在望時則

香樹齋文集續鈔

卷三

一

蒙古諸藩之瞻戀迎覲者咸衛周廬

上撫景舒懷冲和清適承

歡則六時色養悅

志怡愉視事則萬里情形按晷批答每於

幾暇臨眺圖史爲娛或策馬巡農或命榜近泛蒔

草濬溪種松招鶴皆足以寄天和於遊藝嚶元化

於對時者也又行宮西北獅子園爲

世宗藩邸所築年久傾圮今重加脩葺近始落成

爰奉

慈遊敬瞻

聖藻又臣接閱即抄喜聞

皇上誕毓曾孫祥占麟趾

慈壽行開八旬家慶早綿五世臣仰企

宸居易勝忭慶茲頌讀

御製新篇五十九首各體並臻神妙詩格愈高詩

情愈遠極自然之氣韻見正始之元音臣陳羣年

衰學淺每朗誦數過覺詩思益增精神頓爽不勝

欽服歡喜之至云

香樹齋文集續鈔

卷三

二

恭和

御製幸避暑山莊詩跋尾

臣父子叨沐

聖恩養教誨生成至德高厚難名記臣十六年

前偶感沉疴荷蒙

皇上頒賜醫藥粥糜幸得再生至學問一途談非

容易臣仰承

指授耳提面命粗識體裁飲水思源與生俱戴年

來頌讀

御製各種詩文口誦心維潛思默玩得窺涯涘晚

香樹齋文集續鈔

卷三

三

年體認似較古稀之前更有進境昨七月間臣稍

感時症遷延月餘節屆重陽臣于敏中寄到此次

山莊

御製詩一單計五十九首賦一篇臣恭讀之下覺

旨趣高遠由繹尋味心志爽快體氣漸平乃靜坐

沉思依韻敬和淡句甫脫稿亦稍自謂如志則怡

然喜又三復

元韻天趣超邁則又豁然悟自是精神亦漸復矣

遂信紙作書為冊五凡五千餘字而腕力尙健則

又感六載前蒙

恩有筆老健三字之褒今歲

賜詩有清虛婉約四字之賞實為終身知遇夢想所不能得者臣幸遭逢至此聞者且為之感羨况身受者耶唐臣張說詩有云情竭為知音臣之學問未必即過於說而臣之際會明盛受知

聖主實更有遠邁於說者銘心鏤骨筆所難宣依戀心切寤寐以之自違侍

宸顏以來又經三載當曰為改歲之時思再造生全之德感激愈深惟以未得仰報涓埃日深惶悚

香樹齋文集續鈔 卷三

茲者敬書拙詩恭進

睿覽並陳犬馬下悃伏祈

慈鑒訓示臣可勝歡喜願望之至

御製鬪鹿賦恭跋

臣謹疏孔子論三戒一曰色二曰鬪三曰得生人血氣之性其情偽盡於是矣今恭讀

御製鬪鹿賦始言鹿角未就時有牝牡異路之風及其鬪也牝牡相庇則非特角力且有爭牝相護者然是居三戒之二夫鹿一蠢物耳教化所勿能施廣廣祁祁日繁日逐不至於鬪不止人則天地予以本然之性父母予以愛育之恩君師予以董誠之教而機械日深其陰險詭異有什伯於鹿者皇上明物察倫德威互用而不率訓迪猶逞其窒昧愛惡相攻狡詐百出幾於含沙射影恭繹至鹿鬪可見人鬪難知數語仰見

香樹齋文集續鈔 卷三

五

聖心洞若觀火燭物如神生當光天化日之下猶不自悔悟以洗滌其身心者亦獨何哉至賦體雅則言見於序引旨歸於訓誥與孔子論三戒之義有相發明者在

御製集中尚為小品而有關世道人心良非淺鮮者矣又臣侍從日久每奉勅賡和中有放鹿罷漁諸篇遇物施仁重申疊見益徵好生之德洽於民心及於庶類尤非贊嘆所能罄云

恭錄

御製生春詩二十首後跋

歲大淵獻月方在涂雉雉應律於嘉平策牛徵早

於既望月令注立春在十二月望乾來居泰開

鳳紀於三三貞復起元運天根之六六

皇上心含元善福備苞符凝命勅幾秉至誠而在

宥對時育物合庶彙而為言爰採唐音播為雅律

不賦春深詠春早乃舍白而依元即乘春令繪春

生擬吹幽而鼓籥樂

庭闈之豫順和氣呈祥第景物之雍熙太平有象

香樹齋文集續鈔

卷三

六

擷芳鮮而歸典則替萃羣書吹化育以遞韶華包

含六幕廿四番花信節應陽初八百頌

驪珠傳來

天上臣陳羣盟誦數四敬錄一通拜颺載賡繕冊

以進

恭

進春帖子詞跋

自宋司馬光歐陽脩蘇軾諸臣先後進殿閣位次

春帖至今副墨流傳猶為藝林珍玩我

皇上行慶對時承

權色養每於歲律初啟首製

睿詞以應韶令並許侍從諸臣倣歐蘇故事各裁

帖子進

御臣夙趨

禁近獲與斯典記壬申夏

香樹齋文集續鈔

卷三

七

予告歸里十八年來遇歲發春輒以土鼓葦籥

上和

韶謫昨既循例裁帖恭書以

進而葵藿微忱瞻依傾嚮復仿蘇軾副本金書另

呈一冊案軾在元祐間僅五十餘歲臣今遭際

昌期年登大耋猶覺腕力未衰叨再造之

深恩樂舒長之化日敬跋帖尾竊深喜幸云

御製嚴光論恭跋

光武以白水兆祥赤符應讖自是而降偶拜三公亦徵之符命議興郊祀皆考諸讖圖延至明章仍循斯轍臣每讀東漢史乘未嘗不廢書而歎而莫能究所由來

皇上於子陵傳中容星犯座一語輒悟當時史氏推測迎合之意傳寫如繪此實

大聖人周知庶物察邇覩遠燭理於既往審機於至微非儒生讀史捫籥扣槃者所能望見萬一也

至論以足加腹事尤為發前人所未發帝誠好賢

光誠高尚咄咄子陵狂奴故態寧遽至若是耶

香樹齋文集續鈔

卷三

八

恭和

御製巡幸天津詩跋

臣案虞書九功惟叙九叙惟歌遐想中天之世朝廷行政有關於府事者莫不形於聲詩又曰勸之以九歌合六與三為九義煩條曠人君庸作於上一時廷臣依永和聲颺言於下以鼓吹休明風示天下光天所燭海隅黎獻共戴尊親古之道也我皇上御極三十餘年翠華所至登岱瞻嵩渡江臨浙

恩膏沾被不可究極畿輔為首善重地府脩事和

香樹齋文集續鈔

卷三

九

形諸篇什者實與虞廷作歌之盛同條共貫臣藝

謝珪璋質同蒲柳敬效蠡測依

韻矢音仰祈

指示臣曷任感激依戀之至

恭跋

御製題耕作蠶織二圖卽用程梁書樓壽詩韻

易原未耨禮備公桑依古人君首勸敦俗或繪幽

風於辰或寫無逸於屏甚至刻木爲耕夫織女置

之禁中顧未有一一圖其事者宋臣淮東安撫樓

壽當南渡之初嘗令於潛念農桑作苦究訪始末

爲圖四十五事事各繫以五言頗稱雅令經進紹

興事詳從子叅政樓鑰後序繼此畫院多有仿爲

之者如慶元之劉松年延祐之楊叔謙雖題署不

同其出蓋於壽一也國朝

十

香樹齋文集續鈔

卷三

列聖相承莫不厚本抑末治臻上理

聖祖仁皇帝命作耕織圖各題七言絕句

世宗憲皇帝繼題五言詩我

皇上丕承家法洞悉民依曾依

聖製按圖和詩既已風行海寓至

變輅時巡省方問俗夏畦寒女荷耒提筐畢獻其

忱豫傳休助茲蒙

頒示御題耕作蠶織二圖卽用壽韻共四十五章

臣恭繹之下道合風詩則七月有所未備義該訓

誥則三宗有所未知益民間勞苦一經

天藻縷析條分曲曲寫出圖所不能到者詩能傳
之耕夫織女所不能陳者詩能達之又復酌經準
雅體格渾成衣食爲億兆之天
睿篇與升恒俱壽矣

香樹齋文集續鈔

卷三

十

恭

進辛卯春帖子詞跋

歲在庚寅長至後六日臣陳羣既恭製明年辛卯

春帖子繕摺以進因案立春帖子在趙宋以前

或云春詞或云宜春帖子韻語未為大備至宋初

始分殿閣位次詞載名家集中壽之貞珉行世者

不可勝數

皇上養志承

權順時錫福每於歲籥方啟輒揆毫摘藻以集祉

迓祥申紀

香樹齋文集續鈔

卷二

七

天麻益彰

慈豫並許禁近詞臣俱得遵

旨敬擬臣自引年林栖遇始和令節猶以里諺村

諶藉伸葵藿仰答

英莖今者迎新冒卯忻際

聖誕週甲再編之歲又為

慈寧八旬大慶之年恩既被於九垓祚永綿於萬

禩屈指

御極以來布德行慶重熙累洽蒼萃於茲臣以老

耄餘齡受

恩最渥遭逢

盛際占驗協符形諸吟咏譬之時鳥報春候蟲啟

戶其為榮幸又視有宋諸賢循例抒詞者不可以

倍蓰計矣竊効華封之祝附識冊尾云

香樹齋文集續鈔

卷二

七

御製小春說恭跋

臣嘗考大易坤卦為其嫌於无陽也故稱龍焉節
集說載蔡氏淵曰十月為純坤之月六爻皆陰然
生生之理無頃刻而息聖人為其純陰或嫌於无
陽也故稱龍以明之易義至精至大然其意旨總
歸於扶陽抑陰古聖人考時正日協律同風於陰
陽進退消長之故必兢兢乎慎之要使四時之內
元氣流通天地之間生機不息故於姤之初六則
繫以金柅而使陽剛真正之道常吉於剝之上九
則比之碩果而見不食復生之理常存何其警切

香樹齋文集續鈔

卷三

尚

而昭著也俗以十月為小春習焉不察叩盤捫籥
傳會因循從未有鑿然能言其所以然者我
皇上察璿璣而齊政秉玉燭以調元凡夫名物器
數無義不搜偶以小雅歲陽之義詮釋十月小春
之名而
為之說於先儒愛陽惡陰之理賅括無遺曲暢旁
喻皆發前人所未發而於陰陽進退消長之機尤
三致意使大易坤剝二爻精義推闡引伸同條共
貫所謂其稱名也小其取類也大非
大聖人其孰能極深研幾以至於此若夫語探朱

程之奧詞兼匡鄭之長則又我

皇游藝之餘事臣何能更贊一詞云

香樹齋文集續鈔

卷三

圭

御製學詩堂記恭跋

詩固包蘊六義綜括衆言者也而義之所在言以
宜言之之所未能達者惟圖繪足以傳之是故上
自郊廟朝廷下逮於里巷歌謠之什大之典觀羣
怨細而及於昆蟲草木之微作會彰施五色皆有
精意流貫於其中善學詩者考圖觀理卽象見道
使貞淫美刺懲創風勸犁然心目而權衡各當其
宜此詩之所以作而圖之所以可傳也恭惟我

聖皇時敏遜學左圖右書

天藻日新穆如雅頌之奏

香樹齋文集續鈔

卷三

六

宸章雲煥淵乎正始之音本之性情之微樞機之
動凡脩身齊家平均天下之道皆有以式型萬方
垂訓來葉而

聖學虛受隨時隨地必取鑒於古流覽所及妙契
淵衷若馬和之所圖毛詩傳世日久多所譌缺高
孝兩朝其於風雅之旨亦多所懷慚所書經文何
足以當

宸賞而一經

睿裁釐定刪別蒼萃一區又

錫名顏堂

製記以尙論曩昔復概想於三代淳龐忠厚之遺
俯仰揖讓於其際遂使懲勸之理益彰而美刺之
義大備斯真所謂風人之微旨乎臣 璽 誦
大文頰首欽服恍如依永和聲於溫柔敦厚之教
已

香樹齋文集續鈔

卷三

七

御製抑齋記恭跋

皇上秉生安之睿質念典學於緝熙

聖德懋乎淵微治功昭夫魏煥洞徹於天德王道

心法治法之源執簡御煩舉一統萬而以抑名齋

且凡可以供

卷阿懋賞者皆以是榜之座右用勗勗勵臣敬釋

鴻篇仰見

聖天子躬行篤踐雖古稱在輿之規位宁之典盤

玉几杖之銘無此箴警臣謹案抑之名義唐虞夏

商以前書缺有間自周公無逸一篇將陳王業之

艱難以明肇造開基之本則以太王王季克自抑

畏一語先之抑之為言實始於此然而堯欽舜恭

夏之祇台殷之寅畏禹謨之謙受丹書之敬勝垂

諸典誥者語或互殊理無二致則是抑之一言自

二帝三王以迄於今聖聖心源之默契千古道統

之相傳不外乎是大哉

皇言實為萬世垂訓至

文中引據經義闡發抑字體大思精舉民岳之畏

顧諟之嚴載舟馭馬之是欽履泰持盈之交傲胥

於此統貫矣然則抑之時義大矣哉仰惟

香樹齋文集續鈔

卷三

六

聖主臨御三十六年以來兢兢業業如一日茲恭
遇綺甲重開

慶延寶籙從此而億萬斯年凜抑抑之思者猶是

重華權輿之始則侯包所稱衛武行年九十餘使

人日誦懿戒於其側者又詹詹何足以云

香樹齋文集續鈔

卷三

九

御製乾清宮五屏風銘恭跋

臣謹案自古帝王繼天立極內聖外王之學代有心傳故六經皆言治之書而執簡馭繁緝熙宥密則易書詩所傳至為純粹我

聖祖仁皇帝冲齡踐阼臨御六十餘年兢兢業業海寓乂安唐虞從欲之治未有益於斯也

乾清宮御座屏風正中左右共十有二則揭書經易經詩經粹語懸於

座間惕目警心用垂法守惟天眷佑我

香樹齋文集續鈔 卷三

辛

宗篤生我

皇上生秉聖哲蓋自志學之年侍

憲皇帝在潛邸時鑒

上器宇默契於心乃於承

歡之暇特奏

御名即蒙

召見愛育有加付託之重實基於此

皇上御極以來敬

天法

祖以

天地之心為心以

祖宗之志為志累洽重熙化臻上理於乾隆三十年製紀

恩堂記以迓眷鑒所自今三十六年

上綺甲重開

製乾清宮五屏風銘立言簡要樹義湛深彙羣聖之心傳裕萬年之治統臣恭讀之下仰見

聖學高深治愈隆而敬益躋業日廣而德愈進以經疏經如文言之作所以發乾坤之精蘊以範翼

香樹齋文集續鈔 卷三

壬

範如敷言之訓所以闡河洛之淵微臣尋繹數四贊歎莫加易曰天行健君子以自強不息誠者之事也故曰至誠無息

皇上以至誠奉

天

祖卽以至誠御臣民其於行健無息之旨有同符焉臣陳羣可勝欽服禱切之至

恒上人詩序

吾郡詩僧近代得兩人焉黃葉老人智舫持律精
苦息心數十年一夕了澈隨手爲五七言儻然有
塵外致同時李太僕竹懶董尙書香光諸公視爲
畏友康熙初冬關通復構半齋初地菴勤讀儒書
如治經生其詩風格高老獨宗少陵吳江徐松之
爲較定其集予嘗論次兩人於詩學亦有頓漸之
分恒上人明中少負慧性業儒未成棄去投楞嚴
寺爲僧梵誦之餘兼習書畫嗜爲詩無蔬筍氣蓋
頓漸兼資者主淨慈講席往來楞嚴之法雲山房
香樹齋文集續鈔 卷三 三

適予

予告里居笋輿過訪茗話移時出詩稿相質清軟
絕俗經錢唐葦浦山舟兩翰林芟定予讀而愛之
曾過淨慈遺一聯云山閑不厭僧常住詩好何妨
客屢過

上四次巡浙幸寺中見予所題聯卽問和尙也能
作詩麼上人踞奏云臣僧曾學作詩

上領之因

賜一絕句予平生頗不愛與沙門還往晚交上人
見其意致蕭遠性情真摯上人曾與金觀察一齋

同受業於周別駕霽堂霽堂醇脩士也歿二十年
未葬上人哀衣孟之羨手封其冢觀察欣成之屬
予作詩以識乾隆丁亥春上人示疾前數日屬其
弟子佛裔曰山舟居士曾許刊予詩予詩不足傳
得香樹太傅序之庶與文暢秘演輩挂名禪藻幸
矣予不能文重其遊方之外而行敦在三也應之
顧衰懶歲餘未成佛裔申前請乃詮次之如此

香樹齋文集續鈔

卷三

三

贈太子太師大宗伯沈文憲公神道碑

國家當隆盛之時必有敦龐艾福之臣或以經術見優或以文章取重布在廊廟則朝多皞皞之良華首之老及得謝而歸則掌其鄉之教法以興其德行道藝史稱推其有餘足芘當世者代有其人顧未有一生勤學敦行不苟求聞於時晚愛

聖主特達之知壽近百歲名動四裔身膺顯秩沒備飾終天下宿學英彥莫不人人奮勵歆羨如文憲沈公之遇之奇也公諱德潛字稿士自號歸愚其先吳興人明初處士壽四公始遷於吳貫長洲

香樹齋文集續鈔

卷三

五

十傳至公會祖諱世烈鄉飲介賓祖諱欽圻邑學生有詩名考諱鍾彥課子有方公既貴踞

上前涕泣陳情

上憫之特贈其三世如公官公生五六歲通曉四聲逾冠補諸生歷歲科試凡三十餘次鄉試十有七次間經學使者洎主司批閱可其文則欣然有榮色數被薦不售亦無悴容第于經講畫者多成名以去公顧益刻苦自勵形於詩歌無幾微怨尤語其安命類如此

上御極之元年徵試詞科公又不遇越四年已未

始成進士入翰林則公已將七十矣乾隆七年授

職編脩

上見公年老詢知為江南老名士

勅和消夏

詩十章稱

旨自是

聖製出輒命公廣和多所激賞不數年由春坊累

遷詹事內閣學士兼禮部侍郎直

上書房侍諸

皇子讀書典甲子湖北鄉試充

戊辰會試總裁俱稱得士予子汝誠亦出公門下

公素有噎疾察典自陳

上命解部務食原品俸仍在

香樹齋文集續鈔

卷三

五

上書房行走尋念其衰老許歸享林泉之樂初公

為閣學時給假省墓

上賜詩褒其孝思預譙涵元殿

上手賜大學士以下十一人酒公與焉至是復賜

詩寵行

詔朝臣祖餞稽古之榮古今罕觀公

歸

上眷注益優有司以時存問縑帛參餌之賜無虛歲暇日作天都雁宕遊各窮其勝前中丞王公師撫吳延主紫陽書院講席造就後學多知名士予曩佐秋官倅直禁藥會公亦供奉 內廷見公承

旨矢音力追正始

上嘗召公與論詩學源流論曰張鵬翀敏捷過汝汝風格故自勝之一時同直者咸心服

上鑒裁之精既與予先後懸車解水鴛湖過從伊邇二十年中遇 國

大慶赴闕祝

釐同拜 賜杖入香山高會圖形 禁中頻歲

時巡江甸扶杖扈遊同拜 渥恩卽家晉秩昇

以里稽宮銜兩家幼子童孫亦成年輩

上曾賜詩榮稱二老每降勅體恤必聯名綴屬領

香樹齋文集續鈔

卷三

壬

袖東南縉紳客歲奉 詔以高年戒勿北上呼

嵩更迭勸止尤為昇平嘉話公年長予十三故予

所兄事者也辱公序予詩文集稱許溢分竊欲及

身傲司馬允范鎮互為銘傳而公已不及待矣公

薨之明年孤子種松以狀來請予碑其神道予惟

上之知公特深至叙其所著書為涑水後所僅見

公經進諸作原本忠孝而於求莫達情三致意焉

上用是益重公

天語褒嘉一則曰學有本原一則曰道存風雅世

徒艷公以詩受知顧

上所以裁成之者亦復無所不至嗚呼公之生平非困窮積久則無以厚其植非遭際

文思天子則無以發其蘊後有作者可以識所嚮往矣予故畧其行事諸見彭大司馬志中者不復

贅而大書公之窮不隕獲達不充詘足副我皇上眷遇之隆俾揭於阡而系之詩曰

帝紘延攬天閭四關陋彼漢廷蒲輪東帛有斐沈公神仙標格七十登朝紆青垂白乞言者年陳詩

其職會先九老歌和八伯 帝曰德潛予愛汝德麟趾振振咨汝輔翼 詔

香樹齋文集續鈔

卷三

壬

許歸田青門餞席黃山赤城扶藜登陟公教於吳

士脩允迪繼志繼聲咸稟繩尺友善所資多聞亮

直望以學崇慶惟善積惟

帝眷公騷壇者碩造化為爐鑄顏作則用勸來許

過者必式

祭沈固廬親家文

嗚呼衰齡朋舊落落晨星增既不得失更何任念
我沈兄猝傷我膺兄生茗川我家長水族埒門才
居距百里幼而象勺以兄以弟年未弱冠貢於京
師摩挲石鼓考評相資同充教習官學下帷兄考
吾師詞林重望多士傾心百川手障羣所為詩稍
端趨嚮公選國秀羣作與焉命兄密訂芸案丹鉛
同郡與者朱李彭錢兄來語予意予私喜予則懼
然汗下而泚自是為學差識踉跄選人上注同登
賢書再試不利各無寧居我寓瀛鄭兄歸井閭三

香樹齋文集續鈔

卷三

天

歲不覲各抱子女陰陽不差中以縞紵媒妁將命
實惟舊侶兄故碩學經濟亦優借才佐幕歷東諸
侯暫分宦料庇家是謀驥子拔萃謁予京輦猥就
論文願畱執卷洎登上第先已注選牽絲山右迎
養花封予子侍側父執婦翁子登剡牘聿放南宮
子名書屏雄州劇郡聳宰南疆去浙為近唯我與
兄過從稱健兄袖子俸我出 賜金從以孫子而
雅而南叶酒闌吟倦接枕連衾歲在敦牂兄方爰
偶覃懷訃至慰翁善保叶兄示我書同患何厚
帝簡良守金城是治兄領兒請熊軾而西扁舟告

別執手涕洟

帝曰汝昌泰藩關內子舍新開昔游所在敲石居
諸欲養其逮花飛春暮言歸緇斬杖走哭詞寫
注瓶兄今來格我言試聽

香樹齋文集續鈔

卷三

无

與劉繩菴相公

昨接高制軍信得閣下手械賤番無多而情文斐
疊勤拳有令侍惶悚不敢當者凶思大君子雅好
緇衣每見一行可稱單詞足錄卽素未相識者猶
中心藏之不啻若自其口出侍與相公同館同直
十餘年志趣合業術同於同直中尤深契焉自邁
沉痾蒙

聖恩再造卽生得生還井里十七年中受

天家雨露衰草枯木猶得向榮平日讀書惟主存

天理近人情存無欲害人之心行可以告天之事

香樹齋文集續鈔

卷三

三

每有撰述著紙後多不自收拾所受病者有二一

曰貧一曰懶貧則不能延抄謄之友懶則隨時失

去家居後於篋中架上破甕舊囊所存者付一二

親知清理共得詩文六十餘卷其遺佚而不可追

尋如樂府一卷雜錄一卷大旨歸於脩己治人濟

物差有一得者今其半亦散見拙集中餘者置之

嘗自笑曰安知他生不學房次律遇故物耶卽如

爲閣下題小照一二首直次車中行館俱不可得

拙脩稽尚書嘗以待散懶切進規語今亦未嘗不

自悔也閣下期許逾分固不敢當惟益勵餘生垂

訓子孫以忠厚謹慎庶幾萬石之風因見閣下家
世清慎嗣音濟美實堪師法用敢自狃寸衷藉報
瓊琚耳

香樹齋文集續鈔

卷三

三

與崔制軍

去秋麾幢臨浙極荷盛德念舊情深感銘何可言
喻入春以來聞閣下辦理臺境生番逞兇之案妥
協周詳此時賊渠正法逸犯盡獲臺郡肅清額賀
額賀啟者 先祠表忠觀歲久傾圮地方當道正
議興脩緣公事殷繁稍稽時日復蒙閣下於辦公
之暇念及 先人有保障浙土之功諄切面諭屬
吏迅速興工今於清和下澣告竣弟聞之忻喜感
激乃放棹來省瞻仰 先祠耳目一新水源木本
豈敢一日忘之隨詣各當事叩謝外惟是閩浙路
隔二千不能踵叩鈴閣敬脩蕪啟鳴謝行將問明
工作顛末及所費銀兩數目敬製重脩碑記一通
泐石祠側以垂久遠因王分司燧寶司其事此啟
卽屬其轉寄不一

香樹齋文集續鈔

卷三

三

與王白齋司農

新孝廉蔣生乃僕同年友 恭棊 廸夫先生之孫廸
夫自幼好學遊京師與張文敏天瓶尚書齊名而
散作經學文敏歎為不及守翰林二十年以終僕
每云績學之後必有繼者十餘年前偶遊吳訪其
家見生於家塾中頭角崢嶸召之語甚明晰取家
課時文觀之亦頗有思致適望山中堂榕門中堂
兩公先後訪余旅次為言其事並請兩公念同館
之誼送入書院則歸愚太傅亦甚喜如是數年忽
遇孫陽暗中摸索得之予不覺狂喜昨生買舟來
叩僕讀其文見其受知賢者思文章之針芥天道
之循環因切實為之指示諭以務實從忠識見周
到守身謹慎每日尋自己過失作詩文力追雅正
通仕籍不可狂妄又諭之曰老夫一生只守二語
而時時恐恐然者存無欲害人之心行可以告天
之事十四字至於居官居家又有十字箴曰我寧
甘餓死周之亦可受至於今每跬步不敢忘也生
行矣其努力上進承祖澤報
國恩使知我成我之明師鉅卿皆相慰曰當日所
賞識之秀才眼力尚不走作僕與兩相公及座主

香樹齋文集續鈔

卷三

三

一爲解願幸甚數行奉寄且以驗兩相公之留心
造士并歸愚太傅成就譽髦爲佳話也

與馮柯堂中丞

前月使歸捧到瑤華極承垂注涼惠佳釀延齡扶
老飲之收益良深還望知已繼此也諸甥俱能恪
遵庭訓不與戶外事偶至敝齋情話第必披示作
文大旨間及應世持身當先立於不垢之地竟不
必存若將浼焉之跡羣自幼讀書初無把握成進
士後闕歷垂五十年始悟古人云不夷不惠君子
居身之所珍也因見老妹丈涵養功深年來益爲
欽服偶於綺季四甥趨侍之便信筆及之宣城紙
佳者可分擘三層理堅質潤乞覓便寄來佳墨副
之東坡藏此至富詩有殘債應消三十年句弟則
年已耄矣或不至卽填溝壑當藉紙墨遺餘年耳
因風代面不盡依依

與嵇河帥

閣下駐節濟水以來豫工安穩黃運兩河俱極通
順知重臣經理 國恩家慶濟美交輝弟忝契好
曷勝禱祝惟是弟衰頹日甚每端居懷友靜言思
之如吾兩人道誼交分二十年中會合無多寒山
寺畔詩仙宅裏毛直指舟中僅以詩紀會者三四
首耳最暢者第字五古三首皆鑄真珉前歲坐索
題詩表揚祖澤此後更不知何時尚能把袂叙情
分牋琢句否也數日前繩菴相公手劄詞旨勤拳
且言拙集中未曾有劉錢之作可見會合之難當

香樹齋文集續鈔

卷三

美

日同直 內廷劉錢至為同志間有吟咏弟疎懶
遺失誠如閣下曾規弟云使香樹半生隨手題識
贊跋不自輕棄貯之錦囊則香樹齋詩文卷帙尙
可倚今日也此雖閣下賞許過甚弟固不敢當然
亦切中懶散之病前歲握別後又有奉

勅恭和詩三四次將二百首鈞天高遠神妙豈巴
人下里所能仰窺一二然衰朽鈍姿得不至荒殖
者皆

聖主啟迪深恩閣下愛我有素用敢述及耳鄙人
近狀五兒口稟臨啟瞻溯

與閔方伯

年兄屢膺 特擢良由居心公正勵行清勤以精
白治身以和平任事猶憶六七年前祝
釐入 覲逮辭 闕言旋道經岱麓承篤念老夫
車殆馬煩減從枉晤翦燭夜談時見閣下事事鞭
策向裏不求名譽輿論自孚

聖心自契近有人來言辦理軍需惟楚藩清身苦
體甚至匹馬周巡所過部下不知有方伯麾幢此
與劉寵行部所過州邑吏人指尉傳曰尊官可另
覓逆旅舍此灑掃者常待劉公也寵遂過去古今

香樹齋文集續鈔

卷三

毛

人有契合者耶近知卜宅吾郡諸郎君曾來一晤
挹其舉止閭然自脩試之經學亦頗明晰角里有
兩佳公子一為中丞家一為方伯家里人有稱其
家兒之譽僕兒子汝誠適望衡連宇僕數數過子
舍知之最詳敢以奉復至僕衰老林栖荷蒙
聖主眷念舊臣恩禮有加無已清夜自思感悚交
惕知我其何以教我

汪椒谷詩序

余於邗上諸詩家會序汪君恬齋詩恬齋澹雅才也與馬懈谷兄弟結邗江雅集人方之顧氏玉山徐氏金蘭云恬齋既歸道山令子椒谷主政復以詩鵲起家有園以九峯得名

聖主南巡江甸數幸其地

天藻畱題椒谷為樓藏弄惟謹於是四方遊士之以詩鳴者相與訂攬環結珮之好其詩名遂亞於恬齋嘗考古來父子稱詩代有其人而詩則不必盡同要各有其卓然可傳者正不妨別樹一幟於

香樹齋文集續鈔

卷三

五

恩諸詩示予述

眷遇備至既又出詩草乞序且曰馨詩不足當大匠評騭乞訓示數語可乎予讀不終卷歎曰詩境澹雅何其甚似而翁恬齋也予聞古之克世其業者謂之疇人志律歷者律往以為難椒谷家業嶮能保以滋大而不廢詩詩格亦謹守其門似今而

後謂椒谷秉詩教為箕裘其非譽詞也已予歸里經時歸其詩因弁其卷端

香樹齋文集續鈔

卷三

五

御題九峯園記

揚州名園甲江左而汪氏南園以

御題九峯得名庚寅十月予攜幼子就昏邗上艤

舟數日訪之城南則主人椒谷主事故予世契也

導予遊見所謂硯池者池上脩竹千个水木明瑟

亭館參差往往有佳石掩映其間汪氏有此傳四

葉百餘年矣而

天筆畱題則自二十七年壬午

上三巡江甸幸蜀岡取道於此

御製詩九峯園畔換輕舟是也始有扁聯之賜椒

香樹齋文集續鈔 卷三 罕

谷晉階一級並拜

尙方珍物乙酉四巡亦如之先是椒谷得湖嵌九

於江南高以尋丈計次亦及屋椽偃仰拱揖主人

各以其狀目之列者如屏聳者如蓋天矯如蟠螭

怒張如鯨鬣透玲瓏者曰抱月曰鏤雲離其窟

如顧兔傲其曹如立鶴其閒散獨處者曰紫芝相

傳為米海嶽菴中物也好事者據元章石刻一帖

云上皇山樵人以異石告遂視八十一穴大如椀

小容指製在淮山一品之上百夫運致寶晉桐杉

之間今證以所得之地或不誣耳顧此九石者米

氏有之遇其人矣而不甚傳於世又七百餘年為

汪氏所有得其所矣而未必稱於人自

翠罕來游寵以宸翰於是名流騷客之集於此者

莫不低徊吟賞不能去昔元章得南唐研山石徑

長纜餘尺而峯有華蓋月巖翠巒方壇玉筍上洞

下洞龍池諸勝與蘇仲恭學士以易甘露寺下古

宅題曰北園既而悔之筆想成圖復題曰吾齋秀

氣當不復泯矣後研山流轉數姓吾鄉朱文恪公

得之至竹垞前輩出乞名賢題識今九峯之大

什伯於研山者而昔壘北園祇供顛拜今植南園

得邀

宸賞豈非奇石之奇遇哉椒谷出圖及紀

恩詩請予記因書以泐諸壁

香樹齋文集續鈔 卷三 罕

得邀

宸賞豈非奇石之奇遇哉椒谷出圖及紀

恩詩請予記因書以泐諸壁

遵

旨覆奏劄子

奏為遵奉

諭旨敬泐寸悃據實覆奏事竊臣世居浙西幼習
舉業間作詩歌時臣父母家訓甚嚴凡有才無行
之人不許往還悖理傷化之書不令寓目臣祇遵
恪守閱今七十餘年矣每見前人詩文刊布流傳
稍涉悖謬者切齒痛恨至林栖十八年來受

皇上優恤深仁舉家頂戴淡髓淪肌捐糜莫報前
月頒到

香樹齋續集文鈔

卷三

聖

上諭查繳錢謙益初學有學集等因仰見

皇上發奸摘伏實為千古立名教之大防伏思此
等詩文狂悖已極自宜亟為銷燬不令片紙隻字
流布於光天化日之中至臣家本寒素所藏書籍
本少又臣自幼學為詩文於大節有虧者屏棄不
閱平時訓子若孫暨及門弟子鄉里後進無不切
實告誡至再至三不令少染惡習若錢謙益者實
屬不齒人類每於他處見其題詠一二必鄙夷不
觀實臣稟性如此並非因錢謙益悖逆敗露始持
此論也茲九月十四日撫臣永德查驗嘉善等縣

城工取道嘉興親至臣家宣揚

聖諭愷切指示凡有血氣咸當凜遵恭讀至

上諭錢陳羣於錢謙益詩文似非其性之所近且
久直內廷尚為經事諒不致以應禁之書轉視為
可貴欽此臣當即伏地叩頭感泣嗚咽至不能語
前次撫臣永德諭令嘉興府知府李允升到臣家
查問有無臣即據實告知實無初學有學等集隨
將家中所有書本仔細檢查緝至廢書堆中止有
錢謙益尺牘二本當即面交撫臣所委查收之員
東陽縣縣丞安汎彙繳至臣舉家父子祖孫叨沐
聖恩至深極渥焉敢存留悖逆之書夫讀書所以
明理大義既乖必遭天譴臣雖至愚必不敢自取
罪戾并貽禍子孫也所有微臣披瀝下悃理合遵
旨據實覆奏謹奏

香樹齋續集文鈔

卷三

聖

諭豫章孫

汝今年力疾應試我甚挂念然亦早知汝身子無妨及試畢回來見汝三藝俱清晰妥帖不落浮泛淺膩諸習氣乃額少被遺在人以為被屈此種境地人以為難受而在根氣深厚者不過於榜後旬日內昏昏鬱鬱者數日即猛省自訟曰此正天之所以成就我也於是通計應讀之書未讀者某某種已讀而未深領其趣者某某種至於古文詩賦奧義紛蹟豈少年登科者所能探索然亦有弱冠登高第而成大儒此其得於天者獨厚即古人中香樹齋文集續鈔卷三 器

敬書
御製東巡詩冊子後跋
歲辛卯二月
上延 禧泰岱釋奠孔林慶禮告成仁周恩洽是役也自啟蹕以至廻鑾陸路水程皆欽奉慈輦安輪怡愉適前後得詩如千首蒙恩頒示 臣恭讀敬和者計百三十首明禋展謁典至隆也錫復蠲租恩至渥也至鑾輅所臨勤求民隱訓飭官方籌度水利河防以及輿圖名勝聖蹟賢祠莫不形諸詠歌詳加釐訂臣 齋誦再四仰見 聖敬日躋學與年進即事命題有得之艱獲者有賡疊前篇者詞旨深長義無重複凡天藻所敷山川助色卉木增輝 臣 衰老林栖何幸得瞻 睿製儼如二十年前 珥筆屬車傳鈔雜誦也敬繕三冊以進可勝榮幸云

恭和

御製東巡詩後跋

昨三月下泮齋摺家人歸自山左接到此次

行在頒示

御製各體詩計百三十首臣祇領誦誦無體不備

無嫩不臻握管敬和擬仿陸游日課一詩之例而

衰齡淺植思致艱澀竭才殫智凡三閱月而成脫

稿後每改罷長吟益覺

元韻如英莖韶濩非臣瓦缶之音所能廣颺萬一

敬繕三冊外

香樹齋續集文鈔

卷三

聖

恩賜七律一首敬謹恭和另繕卷子一併恭呈

御覽伏祈

訓示

跋自書

恩賜御臨米帖恭記詩後

陳羣自

予告旋里二十年來拜

賜御筆書畫墨寶甚夥近因祝

釐北上檢點篋笥大兒汝誠六兒汝弼七兒汝器

隨侍同行二兒汝恭候補京師部選蜀之洪縣蒙

恩以陳羣年老調任衛地便道歸省畱信宿即赴

新任因出

御畫橋梓圖付汝誠敬藏曰此恩賞命意因橋

香樹齋續集文鈔

卷三

聖

及祥汝宜勉之即守之世世可也又檢

御臨米帖一幀付汝恭敬藏曰汝有志學書清理

案牘之暇敬瞻筆法又讀予恭謝詩內有波磔自

赴渾節角姿態益發華不腴南宮習氣盡擺脫得

其神髓遺其膚數語可悟學書之法

至人天縱自非思議可到而握管仰窺亦庶有得

又諭諸子及諸孫云我受

恩深重現在笥中什襲者不少我甯以敬觀且藉

以怡神益智他日汝輩得之人懷盈尺和氏不足

多也况郭外代耕之五十畝耶汝恭跪而受之請

予并書恭謝詩於冊爲跋其尾

香樹齋文集續鈔

卷二

哭

香樹齋文集續鈔卷四

金檜門總憲詩存序

嘉興錢陳羣



古人詩集最富者在唐惟香山長慶集宋惟放翁
劍南集皆手自編訂其他多不過千數首少僅三
四百首義貴取精不見少也總憲金檜門先生少
博雅宦學吾郡汪丈鶴桴郡中老宿也居范湖稱
藏書家予官翰林時奉母假旋往復過從見先生
於甥館每出所爲詩春容奧衍有古作者風予一
見以國士遇之先生亦心重予引爲知己歲丙辰

恭逢

香樹齋文集續鈔

卷四

一

皇上御極元年海宇人文蒸蒸向風先生以公車
來京師首蒙

聖主特達之知廷試擢第一松泉汪文端時爲同
考雅器重先生後先生每言師友中交契最淡者
必舉松泉與予等入直 丙廷同趨

禁籟依

日月之光鳴國家之盛親近

宸章耳濡目染作爲詩歌和平大雅官商協應退
食之暇昕夕討論汲古虛受益自淬鍊故職屢遷

而業亦雋上屢典試事東歷泰山華不注之高南
踰江淮浮洞庭渡彭蠡窮三山五嶺之奇每登臨
題詠人爭傳誦得江山之助居多先生爲人醇古
澹泊宋元人中尤愛東坡梅溪遺山曼碩諸家故
其所作往往相近顧生平著作多不自收拾以故
散失不少丈夫子五皆能世其家學員外忠澤主
事潔綴拾遺稿得詩四百餘首編爲四卷請予名
其集予以詩取足存而已一二首與千萬首無以
異也先生造詣固卓卓如是斯愛斯傳以視吉光
片羽全豹一斑不旣多乎惜松泉墓有宿艸不及

香樹齋文集續鈔

卷四

二

見先生有子能存家集相與流連賞晰也因畧叙
先生生平游歷虛懷切劘之致以爲後學趨向云

武進相公繩菴內外集序

求木於鄧林豐尋以往所見皆構榦椽杗也而工
師曰我必得千尋之材任以桴梁飾以文采則參
天豫章兼兩而至矣采玉於于閩勃律之間所見
皆璆琳琅玕也而玉人曰我必得徑尺之璧登以
華篋襲以絺巾則和朴懸黎不脛而走矣爲是言
者以擬國家瑰奇卓越之才應運而出謀謨廟堂
其視此矣

聖祖十七年詔內外大臣薦舉博學鴻詞一時耆
舊名宿多出其間嗣是涵濡浸育久道化成逮

香樹齋文集續鈔

卷四

三

今上御極之元年遵奉

世宗前詔復開制科武進繩菴相公以諸生應試
欽定第一識者謂制科不數舉與斯選者較春秋
得雋之榜爲難而冠倫魁能鬱爲選首又適當
龍飛作觀天開景運之初則又儒生不世之殊遇
也公旣以詩賦通籍不數年由坊局躋列卿趨走
禁籞昕夕

顧問公益矢勤慎

上益畀倚之眷注有加遂參揆席屢柄文衡士之
遊其門者咸以爲斯文之的系在焉海內想聞風

采亦如鳳皇芝草景星慶雲先覩爲快予曩佐秋
官每直次連茵接席欸語移時暇輒考評所詣因
得叩其底蘊則淵沚澄淡未易窺測大要求其原
於經暢其支於諸史百家佩實銜華弼中彪外蒐
羅繁富歸於雅醇而制義亦復步趨先正大家有
典有則故所取士往往稱得人可知學問無二理
根淡者未自遂積厚者流愈光也予得謝歸田二
十餘年曾郵寄所刊詩文就正公嘗寓書謂予曩
者直次倡酬之作何獨遺之豈不欲某附名以傳
耶顧余懶不收拾舊作遺忘不復記憶遜謝之而

香樹齋文集續鈔

卷四

四

已容歲祝

暇入京公出內外集若干卷請予序予謝不獲既
卒讀益歎前此心賞之不虛也予惟詞科以待天
下挺異特達之士故代不數科科不數人乃僕指
一科眉目其克自樹立者亦無幾人昔韓子兩應
詞科皆不得第其文亦不載集中而其答崔立之
書辭雖過激獨惜當時不得其人一振此恥耳抑
李翱所云如其有之雖古人不及者非耶間嘗與
公論爲文大畧極言鄉曲習帖括而訾古學之弊
皆由父兄欲求速化師弟承襲俗學罕識舊畬經

訓本旨讀公集者亦可以知所趨向矣至公自序
云上以誌

聖人之依歸則陳羣與同直諸公遭際

明盛耳濡目染同爲厚幸云

香樹齋文集續鈔

卷四

五

長洲程孝廉稻香樓詩序

昔人云吳中詩派自高季迪倡之風華整麗克兼唐宋元人之長其後劉昌謨輩漸流入姚冶吳原博王濟之返之於理遂類宋詩徐昌穀年二十外厭薄吳聲一變遂與漢魏盛唐作者馳騁上下自取充棟之草及存百一海內奉如瑤璧而皇甫子循詩凡四變力矯吳下之靡自取篋中稿檢閱几興寄未淡格調不古語非絕俗句非神采者刪之故安定四子各臻妙境而可勳尤為白着長洲程孝廉東冶績學有至行與同志合刊名白華集為香樹齋文集續鈔卷四

卷四

六

薦於郊廟微斯人殆莫屬矣既以語申伯遂書以為序

香樹齋文集續鈔

卷四

七

大司馬芝庭彭公詩文集序

古之論世美者或曰無忝爾祖或曰必復其始大率如孔安國歐陽生之於經姚宥之於史董仲舒之於文學王羲之之於法書其術業之相承有足述也如楊震之於彪袁安之於隗漢之荀陳唐之蕭杜其名位之相嬗亦足稱也 國朝百十年來文治蔚興宗工輩出而海內言理學科目者則必舉長洲彭氏云大司馬芝庭彭公幼承其祖訪濂先生推闡高曾以來居敬窮理之學蘊隆積厚鍾秀產祥年二十餘卽以南宮 廷對連擢第一入

香樹齋文集續鈔

卷四

八

詞林科名之盛與先生後先接武昔人以鳳皇芝草先覩爲快而貽於繼世萃於一家是則薦紳所艷羨而不可必得者而公乃處之若忘抑然自下挹其貌粥粥乎若無能也聆其言呐呐然如不出諸其口也論者謂其磨礪浸潤德器渾成亦克肖前人有自來也旣與余同趨 禁近同佐秋官相於最久自非奉使於外持節秉衡則直次公餘未嘗不聯茵接席每承 旨賡颺各蒙激賞賚予有加退而考古晰疑其抒所見往往心契苔岑公後校士兩浙舟行至婺州攜予集讀之竟三日不休

至序予詩謂可與吾禾文苑諸公相伯仲予媿不敢當然不可謂非相知之深者矣猶憶康熙乙酉丙戌間

聖祖時巡江介訪濂先生已乞身在籍特起爲檢校全唐詩官予甫弱冠以所業介邗上卞子古山謁先生於里第辱先生進而教之爲語以力學持身之要中心謹識不怠竊謂宋王文正不志溫飽明羅文恭不榮一第彷彿遇之也曾不三十年獲與公同館稱莫逆交兩人復以次懸車予則年臻耄耄公亦齒邁古稀富塗延主紫陽講席士之遊

香樹齋文集續鈔

卷四

九

其門者服其教兼欽仰其祖考之清芬相與登衣言之堂則典型具在覽東璧之亭則奎畫重光也公諸子亦聯翩鵲起官中外有聲文孫未弱冠卽登賢書皆恪守庭訓惟謹公性尤嗜學居恒書史不去手所爲詩文俱有先生家法詩已刊者若干卷典則恬雅深得溫柔敦厚之旨近每讀公文筆與年並進宗法在昌黎南豐間昨歲辛卯祝嘏入都偕入香山高會公嘗乞予序至是申前約甚殷予臥痾頽唐未有以應獨念公與予還往之雅微予無以得公之真卽令祖先生之言論風旨

其親炙而能道之者亦無幾人在也予故述其祖
孫間所以不媿科名者以爲世勸亦足爲世美之
一徵也夫

胡紫弦少宗伯葆璞堂詩文集序

扶輿清淑之氣磅礴蜿蜒渙而爲人文萃而爲理
學間嘗竊論我

朝文治蔚興名公卿比肩林立求其有體有用本
末可觀出處一揆則於中州得數人焉湯文正張
清恪其選也繼之者厥惟宗伯胡紫弦先生先生
幼卽有志聖賢之學鄉薦後浮湛公車幾三十年
洎登第入詞林回翔 禁近洊涉清班未嘗一日
廢學諸經中尤研精於易語云韋編三絕鐵鑊三
折漆書三滅殆不虛也蓋其淡嗜篤好有寤寐羲
文於千載之上者故持論不主一家而出其自得
往往不惜與先儒辨難嘗曰吾背傳也而不敢背
經

聖祖朝數數召對官廷命之講易且時逾晷前後
數千百言屢蒙

俞旨有苦心讀書之褒余少遊京輦與先生爲忘
年友後爲館後進每過從考評得讀先生著作雖
一鬮半豹皆淡味義根足啟蒙穉至論詩文門似
則與予有苔岑之契

世宗初年先生進耕藉詩河清賦甚邀激賞尋躋

卿貳數年罷歸

上御極入覲京師特復原官未幾卒先生之平生可攷者如此予懸車二十餘年先生季子季堂秉臬江左哀輿其所為葆璞堂詩文集寄予校訂且請予序予顧何能為先生元晏哉雖然昔東坡序范希文遺稿有不及見之恨而淡以得識其子仲叔季為幸予於先生雖年輩少後而親炙其言論風旨又五十餘年親見其季幼孤自立荷聖主恩淡念舊由倅守拔至大僚將續先生未竟之設施以副

香樹齋文集續鈔

卷四

五

九重毘倚復能勉承家學表彰先生之遺言不亦較東坡有餘快乎先生詩文各四卷詩則自抒胸臆質直而指淡和平而趣博若無意於求工者而繩之法律不爽銖黍文則根極理要宣德達情之作致為剴切而因物明道從身心體認得來於宋元前哲中差近屏山草廬諸家洵布帛菽粟之文也因并次其出處崖畧以復司臬以告天下之能讀父書者即以備他日續洛學一編者之採擇吾知其非溢美也已

將軍薩寄廬樗亭詩續集序

往予佐秋官時曾序樗亭詩初集比諸揚子雲之於賦王君太之於劍謂其嗜之篤而為之專也予懸車旋里與公別二十餘年而公之詩益富風格益邁上辛卯冬恭遇聖母八旬慶典予承旨祝

釐京師公以武備院卿授副都統仍直 內廷借

入九老會攜

賜杖同遊香山先一日

香樹齋文集續鈔

卷四

五

上命會中諸臣各賦一詩有不能者不嫌代作閣臣以公能詩上 聞因給筆札詩成上覽而領之詔許曰可蓋公自束髮受書即耽吟咏至是齒逾古稀稱詩幾五十餘年同直 禁近者皆心服公詩之工循諷不去口而仰邀賞擊受聖主之知則自此始公亦以為生平僅事作詩志之載續集中今年癸巳上廉公矍鑠健飭出公為八閩駐防將軍會公子厚菴中丞填撫江蘇已四年矣宣播 德意屬吏承流年穀順成民氣和樂

上眷倚有加且椿庭子舍相距匪遙江甸閩疆對
秉節鉞中外尤艷稱之公自吳過予第衷所為續
集示予仍屬為序公之詩予前論之詳矣至公之
爲人體淳淑之姿躬謙挹之度篤於內行厚於人
倫用是執斗柄建天樞趨走省闈則爲皤皤之良
華首之老旂幢蓋海則爲丈人之吉方叔之壯抑
古人所謂福大而愈懼爵隆而益恭者皆公詩之
本也予故述公躬荷

主知大略與公之所以爲詩者昔晉以卻縠說禮
樂而敦詩書使將中軍後如祭征虜杜鎮南輩儒
香樹齋文集續鈔 卷四 四
將風流悉原於此漢鄧禹太傅既以武功書之竹
帛兼以文德教化子孫公諸子皆賢傳公詩業更
不乏人他日論我朝右列數大老之詩當爲公
首置一座復奚疑耶

丹徒令徐卿石詩序

政與學無二軌無所飾不可也有所飾亦不可也
漢廷良吏皆一時經明行脩之士使治尙書者行
河隄治春秋者斷獄斯其人往往以經術飾吏治
然非悃悃無華者不能也予嘗讀唐書元魯山傳
至命樂工數十人聯袂歌所爲于蔞者天子聞而
異之歎爲賢人之言未嘗不想見其爲人而史獨
稱其質厚少緣飾真良吏已丹徒大令徐君卿石
爲予乙丑所得士歷任畿輔劇邑皆有治行其爲
政奉法順流不汲汲於求進久之上官亦能諒其
無飾也公餘偶爲詩亦無廢事故不同於坐嘯畫
諾者之所爲辛卯秋予祝
釐北上道出京口卿石出詩稿請序予既歸讀其
詩絕去雕飾於懷人望古之作性情流露歸於優
柔平中亦大類其爲治也昔少陵覽道州春陵行
二首志之曰得結輩十數公落落參錯天下爲邦
伯萬物吐氣而元結稱魯山之質行政術史家采
以入傳益徵范蔚宗所謂矯飾外貌似是而非者
微特不可與語政抑亦不可與言詩也卿石能以
所學飾吏治而其爲政又安於無飾予喜而爲之

序至集中西藏諸詩以書生從軍而直書所見中
有關於風教者最爲核實可備輜軒所未及昔高
居誨出使記其所經卿石詩殆近之矣

下周望藕村詩草序

詩有不盡本於學者流連光景陶冶性靈卽仲深
所謂風行水上繭抽絲原本嚴滄浪別才之說爲
盛時處士一派未可厚非也余姻家卜君藕村少
孤事孀母極孝早攝家棟未能竟所學所居蓮溪
構水榭數楹彌望烟波溶濤與漁莊蟹斷爲隣夏
月坐臥其間則日蔭榆柳風來芰荷居然作羲皇
上人想嗜爲詩不屑屑循守繩尺琢雕肺肝真趣
溢流託於毫素有吾鄉前明殷東臯徐春門之風
管東詩謁予曰公大作家苞孕萬千事型物矩某
則何能某惟識字耕夫幸得於治生暇與村翁里
老周旋幽篳杖屐由樛土鼓間歌太平詠豐樂竊
比於擊壤之席公斯可耳予嘉其志趨閒適蓋自
蒙
恩予告歸田後與君還往所見如此藕村歿子臺
予從孫塔也能以孝友世其家輯遺詩一卷乞予
叙以傳之俟他日菟邑乘志隱居者採焉

跋席氏安定宗賢圖像冊子後

有吳笠澤東山席氏得姓之繇或曰古席老師即席公堯時擊壤而歌於路者或曰晉卿孫伯鷹司晉典籍故曰籍氏後避項籍名改爲席斯二說者安定之子孫皆能道之雖然聽遠者聞其疾而不聞其舒望遠者察其貌而不察其形顧安所得信而有徵者相與訂一家文獻乎歲壬辰孟陬予自京祝

殿南還道出袁江郡司馬席君紹葺手其家藏安定宗賢圖像二冊乞予一言予次第展閱見有朝

香樹齋文集續鈔

卷四

六

服冠纓爲像凡五日梁湘西侯威公闡文曰周昌州刺史固曰唐禮部尙書文公豫暨武衛上將軍溫曰宋述古殿大學士且而爲之題識者前後約二十人內如宋廣平楊龜山歐陽圭齋黃晉卿薩天錫其詞翰爲世所寶冊中墨蹟爛然而唐元宗集賢殿手勅一通爲席氏家傳珍物互證叅稽可與史策相表裏其餘宗人之紀述世繫支派里居播遷與凡名流之投贈一牋一劄悉完好如故嗚呼觀於此而堂構箕裘之志敬宗收族之心卽非席氏子孫均有展卷而起敬者昔范宣子自數其

祖自虞夏商周以迄於晉爲陶唐氏御龍氏豕韋

氏唐杜氏范氏而穆叔折之以保姓受氏以守宗祊祿之大者不可謂不朽唐太宗亦言太上立德次立功次立言又次則爵爲公卿大夫世世不絕此謂之門戶今按席氏之先文則宣猷邦甸武則勒勳旂常乃自將軍避亂南遁族益滋蕃名德重光簪纓濟美出吳趨四姓之右斯冊其世守之比於王氏青箱魏公遺笏奚多讓焉抑予集中曾載爲其家誌墓表墓數篇茲又爲武山司馬題其圖譜他日論安定之世辨者或可附圭齋晉卿諸人之後塵幸矣

香樹齋文集續鈔

卷四

七

明經沈君建偉傳畧

君姓沈氏名大業字建偉別字牛村其先世家於竹墩六世祖竹隱公始遷於禾郡鴛湖之濱祖諱文彬太學生耄年頌德孝友稱於鄉閭舉鄉飲大賓父諱尙傑字宁瞻貢生卜居角里恤孤寡賑貧乏待物以誠人無賢愚皆愛而慕之年四十始舉牛村父母得之艱極鍾愛然弱不好弄稍長尤端重好學初年十五母氏病癢臥牀三四年朝夕侍湯藥目不交睫迨卒哀毀骨立既免喪出應童子試藉藉有聲不數年又丁外艱痛悼幾至滅性初

香樹齋文集續鈔

卷四

三

操家政或意其少不更事欲加受侮甚且訟之公庭亦頗能擘畫周當事竟得理困於瑣務度不能專精舉子業乃循例入成均性嗜古廣購載籍兼及鼎彝暇輒焚香晏坐竟日披吟遇花朝月夕邀二三同志銜杯嘯詠酬唱往來其爲詩華而不靡質而不俚得正始之音制藝亦古茂無兔園習氣癸酉秋闈已呈薦矣緣策語小疵見斥從此義命自安益陶情於詩酒乙亥秋歲禋率同里創議賑濟捐資若干賴以存活者不少當事咸重其義列章具奏奉

旨議叙以明經待用誠曠典也壬辰正月偶以瘡疥微痾臥十許日竟至不起易箒時神氣清明灑然而逝春秋四十有五所作詩文都不收拾故存者無幾僅遺殘詩一冊配褚氏賢而有德生子三長炎卽予之孫壻也人謹仿有文乞予作傳爰述其大概以副其請云

香樹齋文集續鈔

卷四

三

趙文敏書金剛經石刻題後

予性不耐探尋釋典雖詩家有佛語菩薩語各擅
勝場取資吟料非所好也辛卯秋再以祝

釐北上舟次姑胥方伯紫庭吳君出新刊趙文敏
行書金剛經搨本見贈且請題識予喜其筆法道
媚審為佛跡院真蹟曾見東坡寫本石刻流傳此
其嗣美已蓬牕棐几一再轉誦頗於經中理事之
門性相之義與夫六如生滅四相鏡關微有領會
至京師奉

勅矢音筆墨妙暇

香樹齋文集續鈔

卷四

五

陸辭日蒙發

御製詠金剛十六首

命和歸舟盛賦

天章次第和訖自謂於金經大旨不甚紕繆則皆
從方伯見示後由釋得之不可謂非文字因緣也
昔耶律文正為李屏山序金剛別解云何止化書
生之學佛者至無因外道皆可發藥今方伯以名
蹟壽石俾臨池與證性者皆將求筏於此津逮之
功不既溥歟因綴數語并刊於後云

誥贈朝議大夫原任刑部陝西司

亭汪君傳畧

君諱憲字千陂號魚亭先世居上江黟縣之雷岡
七世祖文字公始遷於杭貫錢唐考諱光豫字介
思妣施太恭人以君貴受封君天性純孝幼借弟
容谷待兩親不蹙離左右第蚤世服勤益專摯未
冠補諸生出予同年宗伯鄧公東長門公司衡兩
浙文行並重特器君逾年登甲子賢書乙丑聯捷
為予主試南宮所得士榜後來謁儔衆中德器溫
純予尤愛重之顧年少澹於榮進南歸侍養者十

香樹齋文集續鈔

卷四

五

五年戊寅赴京以貴補刑部陝西司員外郎奉職
勤慎明年以父母俱週甲復請急歸自是一意循
陔無復出山志矣里居定省暇與鄉御晉接退然
常若不及未嘗言人小過人有一善輒極口獎成
之尤樂緩急人知交中有匱乏者不待其請每先
事周之凡嫁娶不以時喪葬不能舉事畜之艱窘
行理之乏困者無論戚疎皆量力資給之無德色
無倦容雷岡族屬既繁君躬詣祖祠謀諸宗長創
捐義田以成父志耽蓄書丹鉛多善本求售者雖
浮其直不與較集同志數人昕夕討論經史疑義

詩文不多作必精詣一字未當往往沉想經時必愜意始脫稿歲庚寅夏五封公遭疾君侍疾過勞及疾革哭踊過毀食糲服苴逾朞不變制君居恒自奉澹薄體素羸至是僅以骨立明年施太恭人抱病幾危君憐甚苦次強起多方療治病少痊而君遂嬰疾不起卒以辛卯八月九日年五十有一君遊予門將三十年予懸車以前還往亦不數數脫始熟君之爲人蓋篤行淳備而誼敦在三者歟回憶西泠文酒之娛與君父子杖履周旋曾不數年相繼淪逝不自知其重哀而累歎也君諸子

香樹齋文集續鈔

卷四

話

並有文庶幾能振其緒冢子汝璉以京秩邀

恩晉贈君官踵門涕洟請爲之傳因次君行實如

左

論曰晉傅元論孝謂內盡其心以事親外崇禮讓以接物孝子仁人君子之儀表也又曰存盡其和事盡其敬亡盡其哀予於潁昌侯見之矣陳謝貞哀毀羸瘠尙書右丞徐祚左丞沈客卿俱來候貞愴然太息徐喻之曰第年事已衰禮有恒制小宜引割自全貞因感慟祚謂客卿曰信哉孝門有孝子客卿曰謝公家傳至孝此恐不能起如何今汪

君終身孺慕不忍須臾離親卒以毀殉苟何謝貞殆其人也予嘗察其生平家稍裕好施而自養儉薄名挂朝籍對人嘗抑然自下學富典墳而貌益樸訥生長吾浙而齊魯質行諸孺有所不及孰謂斯人而不永其年康成三命之說其信然耶

香樹齋文集續鈔

卷四

畫

胡少宗伯韻玉函書序

上古無韻書聲成文而韻生焉不斤斤於反切通轉謂之天籟蓋本軒轅氏感鳳鳴命伶倫截取嶰谷之竹爲筒凡十二以應雌雄各六而陰陽律呂相生不已爲韻學鼻祖六經中固多韻語獨易與詩純以韻纂組成之而易爲尤古其用韻多後人所不能通唐元宗改洪範無頗爲陂引易无平不陂爲據不知易與象義與何叶也自是范諤昌改陸爲達孫奕改誅爲昧斯其人恐未足與言易又何足與論詩之韻乎光山宗伯澹曉胡先生邃於香樹齋文集續鈔 卷四 美

易以其餘力成韻玉函書五卷辨字之陰陽卽易之卦畫奇偶也別音之剛柔太少卽易之九六老少也陰陽判而剛柔分立天之道立地之道備於此矣剛柔分而太少見兩儀生四象之序有所循矣標以三十六字母卽易之重爲六十四卦也分繫諸一百六部卽易乾之策二百一十有六坤之策百四十有四也每部計若干字卽二篇之策萬有一千五百二十當萬物之數所謂孳生之謂字同於生生之謂易也腭舌唇齒喉以配角之腭音居首卽易之復卦之一陽始於冬至子半而萬物棧

通族出於寅必屬乾之九三也參伍以變錯綜其數而切韻領於各標故必依吳越韻補次以字母不嫌於更置舊文也引而伸之觸類而長之而所引音略字牘諸家凡古音之通叶更不必字標各母也昔釋處忠紐字之圖五音爲圓九弄爲方以擬易圖之先後天觀先生所排列善學者衍爲圖卽前人等韻切韻各圖皆其薈萃洵非善易者不能有此會通先生得易之蘊此非其緒餘歟令子雲坡臬使善承先志旣爲刊易學函書復出此編屬予發凡起例且乞一言予惟韻書行世至贖不可香樹齋文集續鈔 卷四 三

僕指大率泥古者不能越孫恒陳彭年之曰科狗時者又不悟神琪陽寧公之反紐欲求審音攷字宜古宜今邵氏韻畧而外渺矣顧邵氏考核精博而於切韻之學未暇兼及通志謂韻圖之類釋子多能言之而儒者皆不識起例以其源流出自西域耳又云梵有無窮之音華有無窮之字梵人長於音所得從聞入華人長於文所得從見入得先生之書俾字與音各有統系相爲比附州次部居而不可紊亦繩聯絲貫而不可紛正律呂則萬寶常李嗣真之以人聲爲主而笙鏞絲管可以取協

也通象數則李之才邵康節之以聲起數以數發
占也要皆從易理涵泳咀嚙汨汨乎其來琅琅然
其吐易之爲書也不可遠其若此哉我朝

聖祖纂脩佩文韻府程式多士復

欽定音韻闡微一書爲律爲度越古今

皇上聖製詩辭聲諧韶濩近復

勅纂音韻述微行且布爲官韻嘉惠方來雲坡持

先公遺書以應

當宁旁求其於當世之和聲而鳴盛者夫豈小補
也歟

香樹齋文集續鈔

卷四

天

華亭王硯亭先生七十壽序

古之欲壽其親者必乞當世聞人之言而文之出
於祝嘏者卽少溢焉莫之靳亦莫之距也獨王澄
宇觀察則不然觀察爲前任衛輝郡守致仕硯亭
先生令子歲壬辰九月五日爲先生懸弧之辰明
年二月七日德配陳太恭人亦屆古稀會觀察按
節河北治日有聲余次子汝恭第五子汝豐俱忝
屬吏觀察先期寓書予子徵余文且諄諄以直叙
生平行誼而不溢一辭爲屬予聞而矐之曰是真
能養志者也爲能敬其親之美者也雖然予豈其

香樹齋文集續鈔

卷四

天

人而又將何以壽先生哉先生系出華亭右族與
寒家荀陳世契申以嘉姻予曩佐秋官先生尙徊
翔牧守賢名最著予耳之頗悉方先生幼時恪守
庭訓敦孝友攻苦嚮學無幾微膏梁統綺之習試
舉場屢薦不售由國子生考授州判爲海昌相國
陳文簡公所器重奏請揀發河工築高家堰工竣
錫山相國嵇文敏公題叙縣令授安徽鳳陽府靈
璧縣縣瘠難治且歉歲頻仍先生悉心撫字彫勸
以蘇值水維偶弛淮黃弗寧上游廉先生諳練河
務檄先生督要工興水利歷數十晝夜殫其勞瘁

制府楊公超曾首列劾牘尋擢知六安直隸州調河南汝州值前次金川用兵軍書旁午先生奉委辦理臺站并運送騾馬至關中籌度合宜公私稱便庚午擢守衛輝府治西門逼近衛河水時溢出爲患先生治郡五年脩築隄防部民至今德之旋因太夫人春秋高仲兄分守單懷左右無人侍養遽乞歸格於例乃引疾還里既終養先生遂無意進取時觀察已通籍登仕版先生曰可以佚吾老矣脩知止山莊與茶人挽車余園課幼子及諸孫以次成學恭人卽文簡公從孫女主政邦懷女

香樹齋文集續鈔

卷四

三

相夫婉孌治家賢明先生歷官數十年無內顧憂得內助之力居多夫壽之爲言酬也脩德者不必求諒於人而轉可責償於天昔先生之先祥覽友于門施行馬子明之父手植三槐皆若可以爲之券者今先生內行醇美所至以勞績著所未究其施者將於觀察觀其成而食其報焉豈非君子之穀之所詒者乎予言不文不足以備閭史而

三朝柱下相與引導輔翼以祈黃耆介景福當亦不虛觀察乞言之意也夫抑予聞之南陽酈縣有甘谷水左右生甘菊花漬水中飲此谷者壽過期

頤觀察行部所及采菊汲水爲二親壽其於宵雅白華潔白之義亦庶幾乎

香樹齋文集續鈔

卷四

三

第五叔父八表壽序

吾郡長水名還鄉水凡士大夫之仕於朝者引年歸老莫不優游化日歌詠昇平前賢於此講者英之會結瀛洲之社致足嘉也而萃於一族同被渥恩懸車里門逾二十年如一日則予與叔實有厚幸焉叔爲予叔祖資政公少子宮保恭恪公弟年十九領癸巳

恩科鄉薦時恭恪公方官黃散予以教習留京師明年亦舉京兆至辛丑館選則叔亦來就選人後先京邸樂數晨夕情好之密蓋自少壯已然矣叔

香樹齋文集續鈔

卷四

五

既締符楚中歷尹卽西南漳黃梅秩滿遷中翰仍攝黃梅尋擢隨州牧調保安州宦蹟所至以循良稱大吏咸倚重之顧叔澹於榮進旋賦遂初歸田後杜門靜寄頤養天和性嗜臨池工八法於第舍旁開獨樹軒軒外拓地數畝徧蒔名花珍木叔時滴露研朱揮毫染素翩翻杖履嘯傲於藥欄花徑間會予亦蒙

恩予告里居鴛渚魏塘近祇一舍每還往過從郡人有仙侶之且予嘗贈叔詩得二疏而後兩閒人之句論者謂工於紀實叔令子兩弟金殿金興並

敦學行克世其家金殿嗣恭恪公後早選仕籍歷任兩江令收有聲權守大郡屢膺卓薦今年癸巳九月爲我叔鹿鳴重賦之期適金殿以江寧守報最入

覲給假抵家爲翁稱八十觴請予致辭以侑予惟國恩家慶非徒侈閭里美觀也抑詩書之澤清白之傳其來有自壽之爲言酬也予以望九之年祝八旬之叔皆

盛世所希逢清門所罕覩者亦願與我叔俱崇令德共保遐齡謹質言之以爲異日互介期頤之券

香樹齋文集續鈔

卷四

五

我叔當樂聞而領之也敬繕以爲序

王母鄧太夫人八十壽序

方伯臨汾王味謙先生自山左臬使來蒞吾浙下車甫三載旬宣浙東西十二州郡人吏浹和年穀順成比尤以屢豐大有連牘告慶循例入

觀眷倚有加歲癸巳七月為太夫人八十設帳之辰浙右三郡屬吏紳士以余忝鄉耆之望先期請余文介壽予與先中丞公契分垂三十年今與方伯交在紀謹間且稔知太夫人相夫教子崖畧不得以不文辭太夫人為諸生鄧公次女幼嫻壺則處室時即以孝著年十四來嬪中丞公時贈公已

香樹齋文集續鈔

卷四

壽

解組里居中丞方為高材生授徒以養太夫人克循婦道操作而前竭力營甘腴以奉尊章而茹茶餐糲獨安之若素撫小叔如弟視四小姑如姊妹則撤釵鈿鬻簪珥飲之以其餘力贍宗人之貧者勸令就業為之授餐授室俾有成立中丞登癸巳賢書追庚戌始成進士中間躡公車凡十八年顧文譽日起名士爭就納交戶外趾相錯太夫人治具歛讜造門者忘其為寒士又嘗友教遠遊太夫人親教三子四女俾中丞無內顧憂疊遭大故襄治盡禮一切必誠必信弗之有悔既中丞筮仕劇

邑擢大郡歷監司屏藩兩浙節鉞三吳太夫人皆

隨任之官資內助力宦蹟所至得民心用是受

主知最渙余於雍正乙卯間兩次奉使視學畿輔

時先中丞公方令元城公餘商榷相得甚驩有因

試事牽連須庭鞠者以昇公咄嗟立辦輿論翕然

既公調保陽首邑亦如之余嘗述其事於制府李

敏達公暨尙書孫文定公莫不交口稱循良吏恐

後並卜公器識可大受也中丞開藩吾浙宣播德

意官屬承流政務具舉

上初次巡幸南邦簡撫吳中方隆毗倚騎箕之日

香樹齋文集續鈔

卷四

壽

江浙人民追慕不已太夫人由吳旋晉課子甚嚴

嘗誠諸子以報

國恩光門緒必發憤自勵無廢先人曾不二十年

親見方伯科名鵠起皇路騰驤而節幢蒞止乃即

先中丞甘棠芟憇之區一時父老猶能道昔日攀

轅臥轍情事則凡中丞未竟之業皆將於方伯觀

其成而亦何莫非太夫人之壽之所貽耶客秋方

伯於

召對後請急歸省時長君文山申憲侍養在籍季

君敬父自連山大尹告歸一堂朱紱次第稱觴適

次孫肅方賦采芹太夫人顧而樂之命繪勞逸圖見志趨方伯治行拔耀首金範爲佩鑄忠孝字以授且錚于勉之曰吾家世受渥恩汝行矣吾猶善飯毋以我故少弛夙夜方伯奉命惟謹以故浙人士頌方伯之政皆推本賢母之教相與祝難老無已也余嘗讀史見唐河東節度使柳公綽在公卿間最名有家法其子仲郢一遵其法蓋公綽妻韓氏爲相國休曾孫家法嚴肅儉約爲縉紳家楷範宋呂榮公德器成就大異衆人亦賴其母申國夫人性嚴有法此皆福備箕疇慶昌枝裔因歎善人之後天必胙之始爲令妻繼未有不爲壽母者於太夫人尤券合焉請書之以當張老之誦

香樹齋文集續鈔

卷四

三

誥封恭人汪母陸太恭人七十壽序

古賢母之獲享其壽者亦賴子之賢達而後養期其備是故居則有甘毳之奉遊則有山池之娛而且綸翟以榮其身綵衣以適其志猶未已也則必求當世之健於辭筆者爲之祝難老焉而後賢子之心卽安邦上汪椒谷主政以詩名繼其尊甫恬齋司馬予嘗序其稿許其能似續先人矣歲甲午孟陬爲母陸太恭人七袞稱觴前數月走使渡江寓書徵予文爲屏幃之飾予辱與椒谷兩世稱文字交又稔知太恭人淑德懿行不得以耄耋無文辭太恭人幼嫻壺範來嬪司馬公爲蓬室卽能左右中閨治世疇勳家棟簠簋滌條理秩如旣育椒谷曷季每衣帟蒞之不少姑息就傅後必使交接勝已得與氣類相似有陶孟之風迨爲未亡人見椒谷兄弟以次成學復令出事父執結交老蒼此邦江雅集之所爲有嗣音也家在城南饒竹石之勝

聖主三巡江介蹕路所臨賜名九峯太恭人祇迎慈輦頻拜

尙方珍物揚人艷之予於辛卯冬祝

香樹齋文集續鈔

卷四

三

釐北上歲禮南旋椒谷曾導予一憇其地語予曰
馨不敏得世守此園仰邀

天藻寵題俾海內名公勝流多畱芳躅微奉太恭
人教不及此予嘗讀東廣徵補著南陔之詩益歎
人子之欲壽其親者必備其養也其首章曰罔或
遊盤夫有名園以娛其親卽所謂循陔采蘭而非
徒爲人子遊盤之所也三章曰以介丕祉夫人子
爲親介祉孰若乞言以介親祉者之爲大也釋此
詩者椒谷有焉予故樂爲叙述以彰雅雅之義

香樹齋文集續鈔

卷四

夫

顧孝廉月滿樓詩文集序

往王漁洋先生司李邗上老輩如吳梅村袁穉菴
諸公詩筒酬贈賡劄紛綸一時才藻之士如陳檢
討盛珍示輩或分其席或出其門論者謂其畫了
公事夜接詞人方之劉穆之不愧也宋綿津山人
撫吳日忽持壇坫文教蔚興幕下士仰髻子湘爲
之職志集樓村荆山匠門俠君稱江左十五
子經其揚拂聲價日上後皆歷金門登玉堂有入
卿相者人文之盛固由熙朝百餘年來治化日隆
江左爲才彥淵藪抑亦當塗者先後之倡導之乃

香樹齋文集續鈔

卷四

三五

有此耳予懸車後往來吳門歸愚尙書每向予稱
顧君景嶽詩文爲後來之秀壬午乙酉景嶽兩應
南巡召試兒子汝誠奉

勅閱卷選入優等亦以額溢見遺詢知爲吳中績
學士扼腕者久之歸愚旣歸道山景嶽以選貢舉
京兆南宮試未利歸授徒里居益著書有聲會光
山胡雲坡臬使莅吳之四年政簡刑清公餘手輯
先公滄曉先生遺書延致賓席與名士數輩校讐
篇第以應

當宁之求臬使以予與先生同館有舊瑯寄商榷

因并示景嶽所爲月滿樓詩文諸集請序予病起
眊眩讀未數卷輒歎所見與所聞久乃券合也顧
其詩文歸思序之詳矣予愧識塗老馬忍靳一言
虛景嶽殷殷請益耶夫養之遂者氣愈醇本之淡
者未必遂韓子曰和其聲則非急微廣賁之音也
周子曰篤其實則非輦輓輪轅之飾也景嶽詩體
製大備波瀾老成文亦根柢槃澁綽有史漢八家
風範其克嗣正始之音而分屬斯文的系無疑昔
東坡薦少游於半山以所作黃樓賦有屈宋才半
山答劄云公音秦君口之而不置我得其詩手之
香樹齋文集續鈔 卷四 嗶

而不釋又聞秦君嘗學至言妙道無乃笑我與公
嗜好過乎以半山之愛才不及東坡而猶譽之若
此且必因所至以進其所未至焉斯則前輩之獎
成用意略同也已予故樂爲之序以應臬使之請
俾知大雅扶輪卽漁洋綿津之風流未沫而歸愚
尙書曩者齒芬所及爲信而有徵也

復胡雲坡臬使書

久未奉覆者非敢稽所委也祇以先集前後寄到
須手爲繙閱而詩文序中未便遺去易學既言易
學則必核其宗旨序中持論不主一家而出其自
得不惜與先儒辨難嘗自云吾有時背傳而不敢
背經此卽不刊之論至詩文須亦從源頭上說本
立而文皆枝葉矣朱子讚伊川文曰布帛之文菽
粟之味可爲切要其餘各體俱純正仁者之言藹
如真不虛也函書一部見委大小兒刪訂渠固不
敢當然却勉力盡心前後費月餘工夫據其所見
香樹齋文集續鈔 卷四 聖

擬定尙可採取也惟先生自爲詳酌或與大小兒
面析之可耳令嫂甘夫人苦節懿行已爲德門孝
婦至撫鞠八齡幼孤之叔顧復教誨飲食提攜視
唐昌黎退之嫂鄭氏駕而上之讀懇請
她封一疏直與陳情表十二郎文高妹妹碑並垂
不朽第每讀必下淚然又愛讀之讀已垂涕涕已
復再讀亦不自知其情動也因念周晬患痘不治
蒙先外王母抱歸其家百計救活又患鼠瘡者五
六年相依爲命後得成立命名以陳所以志母德
也官學士時恭逢

上御極之初卽具疏請封蒙

恩允准並著爲令今讀尊疏事雖不同而受恩思報之心則一也且第所沾

恩典在

皇上誕登寶籙之初去今所請相距三十六七年

第承索詩紀事人生受恩之處能無根觸耶且拙

詩中雨施物滋浹族親一句已將兩家受

恩之處對舉並提想詳味之下自能鑒作者之苦

心耳至拙書手卷聞將合壽貞珉俾讀者起發孝

弟之心益欽服

香樹齋文集續鈔

卷四

聖

大聖人孝治之隆沾溉不又多乎拙書雖劣或足

醫學者寒俗杜撰之病也

與沈景崔茂才書

每接手牋詞義斐然循覽之餘令我情移神往年

兄於忙勞撥遣中猶有一種學人本色此從書卷

中浸溢而出非獵取者既可自怡亦足持贈吾輩

針芥在是矣僕與賢昆玉相知之深全非世俗所

能知者蓋因學問必本於中正心地必由於和平

絕不雜以一毫虛假自然投分但須益加自勵毋

自矜詡行百里者半九十僕每奉斯語所以年過

八十有五矣而居心措履日慎一日所謂一息尚

存不容稍懈者也年兄苦志自愛學品兼優僕尤

香樹齋文集續鈔

卷四

聖

所深望焉屬定京豫各稿諸體就班具見所詣日

進追和古人詩要用獅子搏象之力而又行所無

事愈淺愈深愈奇愈穩能使古人讀之覺當日尙

未寫出此一段况味便是必傳之作稿中音調風

致尤佳者僕逐爲指出他日大徹大悟當益知老

友之苦心也家鄉得臘雪可爲三白之占而天氣

甚寒滴水成冰者七八日今日頗有春意是立春

第三日也

香樹齋文集續鈔卷五

嘉興錢陳羣集齋

御製重脩文廟碑記恭跋

京師國學文廟初建於元由元及明代有葺治本朝百餘年來

列聖相承尊崇巍煥始為大備

皇上御極之三年詔易黃瓦

躬詣釋奠禮隆極則三十二年丁亥特發帑金重

新工竣

上親製文立碑以記臣陳羣耄耄餘生

香樹齋文集續鈔卷五

皇上念臣侍從

三朝生成訓迪垂五十年畧識文字繁難之數

特命侍臣錄示因得拜手恭讀而釋思之贊曰懿

哉

孔子道德高厚垂教萬世自史遷作贊以來二千

年中后王君公賢人彥士服膺宗仰各抒所見闡

明至教莫不竭才盡智而識囿方隅如以寸莛叩

洪鐘非不發聲以庾秉入太倉并不得粟彼如林

之傑構亦若是耳

皇上以嶽瀆高深喻道德仁義而同滙於海同傳

於地有不期然而然者聖道之高深聖教之廣大

分量洽體段備親切高妙即起端木諸子恐不能

更贊一辭也子思子形容不顯之德引詩至上天

之載無聲無臭曰至矣臣今恭贊

御製碑記亦曰其至矣乎苟不固聰明聖知達天

德者其孰能與於斯信夫

香樹齋文集續鈔卷五

二

御製龍馬歌恭跋

昔人謂養馬要得馬性情臣以為畫馬咏馬亦然
趙孟頫畫馬常張燈自作馬形各狀其態然後下
筆杜甫畫馬行韓愈畫馬記皆曲盡其妙今恭讀
天藻變化靈奇絕不捨其餘慧而神明天縱高出
杜韓之上臣不勝欽服云

御製聞浙省今年蠶繅甚盛喜而有作絕句詩後
恭跋

清和之初蠶事將成適恭讀
御製詩初集有聞浙省今年蠶繅甚盛喜而有作
四絕句詩境安雅詞致冲恬閔寒女之辛勤喜蠶
功之成熟播諸歌畧式勸村娃集中詠蠶織詩不
下數十首體分古今無不各臻神妙茲四首韻新
調古與禾詞畧同敬書箴頭奚啻無逸邠風畢陳
黼座也

恩免各省應征錢糧恭謝奏摺

乾隆三十五年正月初一日奉

上諭朕寅承丕緒撫有萬方申且求衣無日不以勤恤民依為念今年為朕六十誕辰明歲恭逢聖母八旬萬壽普天懼忭祝洽頻年是宜更沛非常之恩以協

天心而彰國慶著自乾隆三十五年為始將各省應征錢糧通行蠲免一次欽此欽惟我

皇上治隆熙皞恩洽垓埏三登茂集於純釐九賦胥歸諸大賚固已延洪錫羨流祉祚之綿長吮液

香樹齋文集續鈔

卷五

五

含甘沐綏豐之盈衍者矣際

天庥之滋至屆

國慶之駢臻啟流虹貫昴之昌期增華渚洽陽之

洪算洵貞符之會為亘古所希聞斯

德普之施亦有加而無已念八政以農為首期吾

民共享農天思九疇惟壽居先欲斯世咸躋壽域

視民如傷而愛必備

命相布德而慶始行免庶邦惟正之供至於再至

於三

帝曰推仁究澤除任土時徵之額餘以九餘以六

天其申命用休福惟在乎養人道彌光於益下朔

南所暨十行下而億萬通蠲掛劫可推一閩交而

循環遞匝令處處戶臻康阜步豈章豎能週仰元

元室富京抵數非隸首可算父老侈談前事疊逢

吳歲穰年黨州觀象始和倍樂虞風唐日臣等鄉

同合穎海近添籌感雨露之無涯爭頌農夫之慶

仰升恒之久照常依

天子之光所願玉衡正而泰階平効萬禩之嵩呼

長此候秋分於南極從知被潤澤而大豐美嬪一

元之華祝又將頒春令於東皇為此合詞恭謝

香樹齋文集續鈔

卷五

六

天恩臣陳羣等不勝感激歡忭禱切之至

御製生夏詩二十首仍用元微之韻恭跋

歲惟元默夏曰朱明際萬彙之蕃興暢

一人之茂對炳離光於炎帝火官令繼夫木官申

巽命於伊耆羲叔肩隨乎羲仲前則按期三月發

五政於丙丁後則寄旺四時留十干之戊巳

仙臺遞採曾邀數典於春秋

睿藻遄飛復綴賡吟於元白矧

鳳紀祥開乎週甲正扈耘候協於由庚陽之所取

於生事生育而長養夏之為言乎假物假大乃宣

平元氣為爐衍箕疇而年徵時燠玉衡在管添

香樹齋文集續鈔

卷五

七

禹畧而晝報日長舉要月而

歲省賅四韻推於四序

歌薰風而天下治五絃播諸五言始自平訛訖於

結制遡龍星之辰見逮鶉火之酉棲

祭禴祭雩

宸敬比隆於漸穀

薦櫻薦麥

孝思並重夫明棗推之菜把藥欄悉是阜昌之象

鶯聲魚沫無非咸若之休蓋以

撫帝王陰暘之仁每克勤於小物而若

容保介決芸之務更不憚夫長言臣體沐

炎風神遊

吳歲傲納涼於三徑欣裁榮木之詩思避暑於九

成願上禮泉之頌盛書拊服矢和滋慚

香樹齋文集續鈔

卷五

八

御製題鄒一桂花卉山水小冊各二十四種恭跋

欽惟我

皇上天縱多能

幾餘遊藝既對時而成咏亦遇物而肖形興趣所
流溢於楮墨化工之妙併入丹青宋臣蘇軾謂王
維詩中有畫畫中有詩一時斂手之言遂成定論
顧使東坡得生於今觀

宸章之瓌麗瞻

寶繪之靈奇其為悅服又當何如

大內向弄鄒一桂花卉山水小冊各二十四種

香樹齋文集續鈔

卷五

九

上重加鑒裁分題首幅晤行生於卉木會流峙於
智仁詩聖畫禪同條共貫昔孫紹遠輯古今觀畫
題畫之詩為聲畫集

國初宋犖王士禎輩並剏論畫絕句贈炙藝林茲
尋繹

元韻如展東絹生綃快靚寫生設色而斯畫轉屬
筌蹄矣

御製熱河各體詩冊子恭跋

臣於九月初自浙起程北上舟至丹陽摺使從熱
河行在歸恭接到頌和

御製古今體四十首喜遠徼之來歸紀濬塗之就
涸

皇仁普汜

睿慮周詳一一見諸吟咏至於秋獮展期杠梁逆
治安舒豫適竝塞恬嬉

聖心愈益淵冲詩境愈益高遠恭讀至

出古北口一首末云宣命罷重為庶免紛更屢如

香樹齋文集續鈔

卷五

十

云弛禦邊禦邊豈繫此仰見

皇猷赫濯文德誕敷遠至邇安久道化成之治云
又臣蒙

恩賜和疊欽字韻七律一首臣跪誦之下慚感交
并敬繕於冊恭呈

睿覽

御製土爾扈特全部歸順記恭跋

臣嘗讀書曰歸其有極言德之至者人自來歸又嘗讀易曰天之所助者順也言非人力所致而天與之者乃臻大順虞典來格適當其時商頌氏羌周書王會亦庶幾焉下此如漢單于稱蕃三世唐顏利入居萬家或術出招徠或功成威力雖班超傅介子李靖魏徵之倫亦得炳於史冊顧未有里踰萬千戶盈數萬擾義馴仁敏關欵塞而且輕去託比之國不與咨謀挈攜負隱之人不相疑忌巨時閱歲幸屬偕來我

香樹齋文集續鈔

卷五

七

皇上廓兼容普覆之量渙炳燭幾先之謨舉十七萬衆勞頓飢疲之部屬一一爲之籌食息計久長如土爾扈特之歸順者豈非

聖治之顯融懿鑠與夫

至誠所格

盛德所孚不期而致者歟我

皇上昔定伊犁拓地二萬盡入版章繼平回部屬國數十莫非臣庶彼土爾扈特者尙阻殊域未効梯航實由聲教隔閼莫能自達當亦久抱遺已之隱而俄羅斯之征調師旅又適有以歐之思適樂

士以得所歸其人億萬咸一其心人之所助者信實

天之所助者順不信然乎仰惟我

皇上恩浹寰區澤施覆疇

聖孝格

天潛孚默契

昊綽眷篤我

皇乃以億萬禎所未臣服於我中國者俾其來歸

適際

聖母皇太后延洪錫羨之辰卽以愉慰

香樹齋文集續鈔

卷五

三

慈懷以彰至德所謂聖人之孝通於神明允于四海於斯爲至又非僅紀重譯之來賓通象胥於觀轡所能彷彿其盛已顧冠古未有之事必得冠古未有之文勒崇垂鴻昭示永永

皇上紀實摛詞不事鋪繪而

日朗雲輝大文炳爛推原所致頌末畢該臣於北

上塗次盥讀詳繹歡喜欽服至夫

山莊錫宴克篤前光所以顯

祖烈也謙鞶自凜持盈自矢所以承

天貺也當其始來受而弗辭至斷也宥其既往推

以至誠大度也憐其憊甚而援之至仁也而皆於
咎刻濡毫包舉呈露使薄海內外敬讀者咸抃服
贊歎蕩蕩乎莫能名已臣陳羣拜手稽首敬識管
窺於萬一又臣入直之次復得拜讀
御製優恤一篇凡授衣給食分地安居悉由
睿慮且頒爵有等

錫賚有差恩禮備至所以休養生息為善後計者
義無不周又數日復敬誦

御製記畧一篇考其世繫譜乘更正訂訛至詳至
悉載之方畧當與準噶爾記畧

香樹齋文集續鈔

卷五

三

大文參觀互證於是屬蒙古者無不為我

大清國之臣僕矣臣年近九十亦為舊史官敬謹
綴述以誌

聖朝盛事云時乾隆三十六年歲在辛卯十有一
月朔日

御製詠金剛七律十六首恭跋

臣謹案金剛經大旨以無相為宗以淨六根斷三
際脩十波羅蜜為工夫以無所住而生其心為究
竟前人謂與心經相表裏蓋心經以明心為主金
剛經以見性為歸而橫說豎說處其旨尤為曉暢
唐宋元明注疏不下數十家考亭朱子以經中不
應住色住法種種生心即中庸盡己之性若卵胎
濕化皆令人無餘涅槃而滅度之即中庸盡人盡
物之性故謂金經大義不出云何應住云何降伏
其心二句了翁陳氏亦謂阿耨多羅三藐三菩提

香樹齋文集續鈔

卷五

古

九字即中庸誠字綜兩家之說此經在梵夾中最
為精粹

皇上幾餘轉誦理窟禪關悠然來會偶拈經中四
相四生六如二事等題各成一律發明無上菩提
指示大乘正覺而於儒釋同源之旨尤推闡無遺
且鑿括典謨垂訓渙意覺朱陳諸儒無此妙悟此
經經黃梅提唱千餘年間今得

聖藻敷揚益歎唐人集般若六百卷而以金經為
教髓洵不虛已臣敬繕一通竊為合十讚頌歡喜
無似云

恩賜人參恭謝奏摺

奏為恭謝

天恩事本月十五日蒙

恩賜人參一斤臣以耄齒恭逢

慶典來京蒙

恩仍直

內廷蒙養備至銜感難名茲復仰荷

深仁頒上藥以扶衰恩同載造拜靈苗以益壽候

近履長從此優游

舜日不須劖仙窟之苓蹈詠

香樹齋文集續鈔

卷五

五

義年無事餐鄴山之菊矣所有感激下悃理合繕

摺恭謝

天恩謹

奏

恩賜紫禁城騎馬恭謝奏摺

奏為恭謝

天恩事本月二十日內閣奉

上諭尚書銜錢陳羣現在來京恭祝

聖母萬壽着加恩在紫禁城內騎馬伊原係內廷

行走之人年逾大耋需人扶掖准令伊子錢汝誠

隨侍出入以昭優眷欽此臣蒲柳餘年駑駘下

質恭逢

鴻慶祇覲

闕廷瞻有喜之

香樹齋文集續鈔

卷五

六

天顏頌無疆之

純嘏

聖慈優渥

天語三接而加溫

恩意周流

綸詔疊頒而曲體許禁中以策騎

諭同直以假駉矍鑠據鞍耄耄自忘其馬齒從容

緩鞚依戀藉展夫葵忱更因扶掖之需人

俯念侍隨之有子觚稜曉直感同鳴鶴子和陰丹

陸晨趨

寵倍攜鳩而安步所有感激下悃謹率臣子臣錢

汝誠恭詣

宮門叩謝

天恩謹

奏

香樹齋文集續鈔

卷五

七

欽定重刊淳化閣帖恭跋

臣謹案集帖至宋始盛如雪溪寶晉激堂秘閣諸名傳者絕妙獨淳化祖刻自南唐昇元帖而後鑄集最為美富宋太宗時侍書成都王著名在周越右尤善雙鉤能奪真本相傳智永千文其所補小字樂毅論即其所書也下此則蔡京所摹大觀帖姿媚稍多古意寢失遠不逮矣顧王著工於仿古昧於察書編次既繁所在舛陋當時米芾黃長睿秦觀各有專書以糾其失其他見於古今詩文及說部筆記者指摘不勝枚舉我

香樹齋文集續鈔

卷五

六

皇上幾餘游藝時及臨池集字學之大成訂書流之盤錯前此三希堂墨妙軒二帖石渠所輯悉以津逮藝林茲復取

內府所藏閣帖遊其初揭最精者為淳化四年賜畢士安本選工摹勒俾還舊觀

特命內廷諸臣于敏中等詳加考正

欽定諸家世次分識卷端史論書評相為表裏其有闕疑悉令仍之並

勅蒐採諸家釋文依字旁注一一析其異同折衷至當用嘉惠海內操觚之士刻成砌石於長春園

之含經堂後脩廊蜿蜒羅列璆琳適如其數復

親灑帝鴻之墨製為淳化軒記發明因帖命名之

意而於上法唐虞化成天下諄諄三致意焉一翰

墨之考稽而法戒昭然

大聖人即藝見道之澹衷有默契乎羲畫禹書之

表者矣臣以祝

嘏來京蒙

恩頒示仰見我

皇上闡微往蹟則篆真並列發矇承學斯鈞趨不

遺若卷首降晉宣帝洎會稽王於臣列春秋大旨

香樹齋文集續鈔

卷五

五

凜然至鑒裁之精摹勒之妙萬世學書者所當奉

為繩尺臣無庸贊一辭焉臣林栖耄齒樂觀厥成

得挂名於石曷勝榮幸之至

御製幸避暑山莊各體詩恭跋

皇上順時省斂舉行獮政歲以孟秋誠吉敬奉

聖母安輿至避暑山莊

鑿輅啟行先導式遵

家法養

志承

歡而近落之世受

國恩者皆得就

光瞻仰以慰依戀是地峰明水秀林木翳翳土田

豐美風俗淳樸齋閣軒楹不事雕繪而茆茨土階

香樹齋文集續鈔

卷五

辛

自有一種真趣所謂寰宇之奧區神臯之福地也

頓宿月餘時則恭屆

萬壽令節扈從天潢麟趾藩部諸臣及鷓行羽衛

以逮塞壤父老咸嵩呼慶賀禮成後遂舉木蘭行

圍幸以為常

聖主法天行健宵旰精勤無間寒暑雖在帳殿勅

幾無異深宮問夜况夫山莊距京師纔數百里闕

部所進御章之遞朝發夕至

上批答裁決不逾晷刻罔弗折衷至當仍付所司

齋發其他如封疆大吏例應自達之奏與夫

睿算廟謨

聖心燭照所及密勿勤宜悉本

宸衷之運量書稱一日二日萬幾無曠庶官於今

日見之矣顧惟整密之至乃見從容間得餘閒仍

研前典披覽之下每多會心觀物之中因之適性

彙智仁於山水傳藻繪於賡吟自

臨御至今來游來歌於此者卷阿之什日富月新

即臣自儆直中秘以迄林栖里門所曾奉

勅恭和者已不下數百首每當下筆之難即敬釋

天章之煥尋味無窮不可思議抑臣仰惟

香樹齋文集續鈔

卷五

圭

皇上即詩見道即境寫心天不言而時行物生無

非道體所發見

聖人有言而對時育物即皆化機所流行夫豈古

今詩家所能窺見萬一者哉臣陳羣不揣弁陋竊

以沐浴

聖澤蠡測所及者敬綴數行於冊尾曷任欽服惶

悚之至

御製幸避暑山莊各體詩冊子跋後

灤陽避暑山莊為三輔神臯遠軼九成勝地昔

皇祖翬居以時遊憩每歲夏五發軔京師停鑿塞

館覽山川之控扼樂土風之清嘉偶形篇詠俾迹

勿岐

上御極以來自辛酉癸亥一再臨幸嗣後二十餘

年每於初秋諫吉恭奉

皇太后駐蹕山莊歲以為常今年壬辰

上酌更恒例趨展郵籤緩頓紆程適

慈頤於輦路迎薰導爽敦

夏清於那居徂暑

香樹齋文集續鈔

卷五

圭

涉秋得詩盈帙臣盥讀之下仰見

率

祖攸行娛

親尊養策讓水以治水惜民勞而繇罷築垣即康

功於田功咨民隱而隄成醞潦用是麥畦禾隴疊

兆豐登湖月塞花悉徵咸若至

詩境高老興味悠長寫當境之物華流自然之天

趣有非臣管蠡窺測贊頌所能罄者敬繕一通曷

勝欽服云

恩賜欽定重刊淳化閣法帖恭謝奏摺
乾隆三十七年十二月十六日撫臣熊學鵬差弁
齋到

欽定重刊淳化閣法帖一部計十卷賜在籍尙書
錢陳羣者臣敬設香案望闕叩頭祇領欽惟
皇上道隆義畫德煥堯文由志學而考核六書天
成備藝自幾餘而研精八體聖又多能苞兩儀四
象之端倪散作奎光璧彩蘊一本萬殊之變化蔚
爲雲駛霞分前者堂署三希陋庑翼致嗟於十札
軒羅墨妙噴薛邕珍蓄夫筆精遡閣本之流傳變

香樹齋文集續鈔

卷五

五

院書之輕弱刻稱以祖自太清而下俱屬曾元拓
繫諸官非二府之登不蒙賚予賜來丞相摹自翰
林但許意存何嫌減韻誰啜肉勝不礙多肥惟是
王著手擅雙鉤腹枵萬卷原無鑿裁貽舛陋之譏
評縱有糾釐尙參差於編刻
爰啟石渠之笈仿希白以精摹更選秘省之員疊
硬黃而響揚俾草賢書聖沐榮造於昌期令筆虎
墨玉振香名於

聖代別加銓次仍予標題粹衆妙於數千年間堪
知人而論世聚諸家於一十卷內直整舊而如新

試看合璧而聯珠豈比一班而片羽蓋臨本如燈
取影重鐫愈覺其逼真乃

聖人合矩從心初寫已臻於恰好暉首作擘窠之
字四字傳神軒楯揮散卓之毫萬毫齊力麗並三
辰之炳烺昭垂五緯之瑠璘臣壯未單精老無勁
腕敢夸筆健曾邀

天藻之品題肯後書耽總賴

聖慈之啟迪飫廿年之里精拜墨寶而衡宇光輝
祝

萬壽於闕廷捧驪珠而歸鞍嬰鑠欣遵貞符之會
香樹齋文集續鈔

卷五

五

樂觀輿珠之成叨

授簡於螭頭字隨行押許緩辭於冊尾名挂貞珉
荷眷篤於林栖復

恩頒夫冊府從此快依光於日月永附

寶跗精供養於雲煙常資健藥炙背而晴軒展對
光騰鈎珥之昭回撚髭而斐几賡吟思發龍鸞之
飛動矣

御製詩三集恭跋

欽惟我

皇上文思光被久道化成宵旰時幾寄情篇什煥然蔚炳與歲俱增要皆本

至誠無息之一心發為

大聖多能之餘事而卷帙之富亦遂超軼古今蓋自

御極以來丙辰至丁卯一紀所作四千有奇訂為

初集戊辰至己卯一紀所作八千有奇編為二集

以次刊布固已漸被海寓範模藝林矣茲恭值

香樹齋文集續鈔

卷五

五

聖主綺甲初週疊開昌運邈自庚辰閱今辛卯又

十二年積詩凡萬一千有奇哀然大觀協辦大學

士尙書臣于敏中編排詩藁既成臣得受而祇讀

敬謹由釋仰見我

皇上對越

天

祖敬日躋而德日新

辰告臣民義愈精而仁愈熟用是

治登熙皞

恩浹垓垓合萬國之歡心奉

九重之色養

慈寧悅豫慶典駢敷七旬而介

祉清涼掖

輦紀山呼之盛八表而延

釐泰岱升中載

天錫之純中間江介兩廵山川助夫藻翰津門再

幸瀛海暢以文瀾抒疏濬之宜副支港燦如指掌

示宣防之要則焚榷習若躬親加以

德威遐播絕徼賓將來歸而嚮化於自然面內而

輸誠於大順一經

香樹齋文集續鈔

卷五

五

天筆摘華遂使海濱月竈之惴忱流露於研辭琢

句之際而鴻猷景烈之燦著昭晰於和聲依永之

間至若

思精體大詞各備夫雅頌風謠言約義賅旨實貫

乎典謨訓誥下逮一人物之叅訂一名勝之考稽

卽景言懷諷風書實亦必盡甄陶之趣殫墳典之

微蓋無不發前人所未發而獨標妙蘊於天成者

誠千古詩學之極軌已臣歸田二十年中承

旨和詩綜計矢音之什不下千餘每仿宋臣李昉

得謝無事焚香日誦御詩及拜手賡颺則又傲陸

游日課一詩故事是則

御製三集之成先覩為快宜莫如臣而廣和之多

亦莫如臣以臣散材荒殖竊幸藉廸顧蒙少尋塗

轍顧臣所燃髭吮毫而彌形其竭斃者不過滄海

一螺太倉稊米若夫

聖製之睿敏佇興而作寸晷不移下筆成章直疏

便就既已風發泉湧雲委波屬文鋒乍振則鈞韶

自諧輕翰暫飛則天葩競發矧乃川至不舍

天行自強學遜志於修來道從心而大適故即驗

諸泱歲之近數卷之中舊題而疊至四三疆韻而

香樹齋文集續鈔

卷五

毛

歷凡六七莫不詞采瞻麗意悟冲邁自抒杼軸而

高堅莫罄其仰鑽不假鑪錘而工巧悉歸於神化

此豈天下文人學士所能窺測萬一哉然其喁喁

嚮風之誠則較前此思讀

初集二集者又不啻倍之矣自此津梁承學曷有

涯涘而臣以望九之年祝

假面闕蒙

恩命跋得再預侍從諸臣之列杜名簡末其為榮

幸更當何如耶

御製幸盤山各體詩恭跋

田盤為畿東勝區

上春巡玉甸祇謁

珠邱往往駐蹕於此得詩前後最夥茲壬辰二月

展義近畿復經盤谷適遇春雪灑塗麥田優渥前

此所未經相值者年祥疊兆翠壁生輝形於詠歌

蔚為

鉅製臣恭讀尋繹伏見

聖心於山行喜雪之餘復寓祈年咨儆之意省歲

劬農溢於紙墨山靈滕六當亦默鑒

香樹齋文集續鈔

卷五

天

宸衷効能獻瑞臣敬繕一通曷勝抃頌云

御製春巡津水各體詩恭跋

臣謹案尙書大禹謨云九功惟叙九叙惟歌蓋言六府三事既已修和各由其理民享其利莫不歌詠而樂其生也又云勸之以九歌俾勿壞蓋言安養既久息心必生則已成之功不能保其久而不廢故復卽其歌詠之言協之律呂播之聲音以勸相之使其歡欣鼓舞趨事赴功不能自己而前日之成功得以久存而不壞也我

皇上時邁勤民首先畿輔自丁亥春巡以來每次乘陽布令謁

香樹齋文集續鈔 卷下

无

橋山以展敬掖
慈輦而臚歡不憚至再至三所以爲燕南數十州縣籌水利河防者洪纖具舉今年癸巳甫告歲功

蒙

恩頒示幸津各體詩約四十首 臣受讀尋繹仰見

皇仁周浹

睿慮精詳舉凡紆面窪隆之勢節宜堵築之宜莫不瞭如掌紋洞中窾要旁及豁逋獨賦校藝育材恩湛津瀛形於篇什以視曩者

鑿輅四巡江左浙右河運海塘所在置吏水官仰

承

指授慎固脩防俾東南資保障之勞清晏享安瀾之福雖廣袤遐邇之不同而其爲履戴平成鑿耕永賴者固已合轍也至

詩境如萬派澄波自在流出而悉泯其經營之迹

微
大聖人財成輔相底成功而不居者曷克臻此臣
盛寫一通用敢以一二窺測敬識如右伏祈

聖訓

香樹齋文集續鈔 卷五

三

恭和

御製春巡津水各體詩跋後

津郡為近畿澤國

上此次巡幸觀宣防之功叙覽民物之阜殷發為詩歌格高意遠所謂佚能思初安能惟始慷慨之

誠溢於毫素臣奉

勅賡颺彌形蹇澁惟是賤口土缶微吟蒙

恩眷舊三賜和章較諸扈游矢音倍淡榮幸云

香樹齋文集續鈔

卷五

三

恭謝

恩賜御製詩三集摺

乾隆三十八年六月初四日摺使自京歸齋到

御製詩三集一部計八套

賜在籍尚書錢陳羣臣敬設香案望

闕叩頭祇領訖欽惟

皇上純誠天運典學日新勤

禹晷於幾餘積時咸仰敷言之富煥

堯文於光被仍歲益徵庸作之多幹璿璣而筆有

化工將藻思自同於轉轂吹橐籥而辭成元氣即

香樹齋文集續鈔

卷五

三

篇第亦與為循環前者自丙至丁十二年離為初

集繼此由辰及卯八千首次以二編固已字字連

城言言照乘皆足笙簧乎六藝豈徒鏘鑄夫百家

閱一紀以開函正

綺甲重週夫蒞首配二篇而數策乃後庚又邁乎

義爰譬元音迭奏夫咸韶經六變八變而鳳鏘協

盛如列采遞施於繪繡飾五章七章而龍袞宜昭

况夫法天健以自強徵以不息知民依其無逸觀

其所恒祇此朝乾夕惕之流形成存存而理析愈

精但覺味長而語重猶是盱食宵衣之偶寄達壘

疊而境凡數進大都旨遠而辭文用是介

慈禧於七旬八旬

九重躬効九如之頌省江句於三至四至

萬乘親臚萬姓之歡率

祖考而舊韻賡吟卽是營歌農詠

訓官民而新綸疊沛無非雲爛風薰至若嚮化歸

仁徠烏弋黃支而畢集重熙累洽慶三登九稔於

屢豐臣工莫罄之掄揚燦若昭景而飲醴史冊未

陳之懿錄儼如含甘而吮滋循

聖製以編年際

香樹齋文集續鈔

卷五

畫

昌期而紀事卷數恰分百琲珍金鏡於唐宗集名

不借三侯陋筑歌於漢祖臣夙慕矢音老慚荒殖

甘載宮銜里精

雲門每下賁於丹青千篇土鼓出桴衢環亦上賡

夫白雪俾毫齒少窺牆似實捫心未答涓埃踵禁

中法帖之刊

寶文爰降當天下遺書之出

秘籍先頒榮依

日月之先許垂名於末簡喜觀

雲霞之色叨

賜映於衡茅從此冠集庫之大成勝延陵請觀舜

樂標詩壇之極則同帝所仰聽鈞天十稔而俟之

濡毫尙冀延期以瞻鉅製萬徧而誦之流沫竊希

得句而學長生矣所有感激微忱理合繕摺恭謝

天恩伏祈

睿鑒謹奏

香樹齋文集續鈔

卷五

畫

恩准第七子汝器在四庫全書處校錄恭謝奏摺
奏為恭謝

天恩事恭遇

聖主稽古右文

特命彙纂四庫全書復以在館校錄需人並勅分

纂各臣以次遴舉所知薄海士林莫不聞聲鼓舞

臣以老藎翰林荷

皇上非常知遇里居二十餘年詩筆磨颯不殊

直次茲逢

曠典宏開即欲少佐編摩無能為役因遣第七子

香樹齋文集續鈔

卷五

五

欽賜舉人錢汝器到京向總裁處呈乞收錄抄寫

籍伸耄耋嚮趨之志俾矢駑駘報効之忱隨經總

裁尙書臣王際華據情奏請奉

旨着照所請行欽此

恩浹九重感深奕世前者玷蕊榜而榮同科目

鑒衰齡課讀難成今此窺石渠而幸列姓名慚勿

子學書未就判金銀之三管勝肄業於成均分鉛

槧之一編叨依

光於禁近况已溢額而收諸祗牘暫作胥抄亦且

濫竽而廁以塗鴉仍邀官叙斯凡臣子疊沾之澤

皆出

聖慈曲體之仁惟當寄信臣子汝器勤謹校謄勉

圖寸進所有臣陳羣感激下悃理合繕摺恭謝

天恩謹奏

香樹齋文集續鈔

卷五

五

誥授通議大夫晉贈資政大夫禮部左侍郎

胡公神道碑

光山宗伯胡紫弦先生歿三十餘年少子季堂以
蔭蒙

恩由順天通守歷劇郡荐擢觀察秉臬江蘇遇

國大慶既已贈封其親念先生暨德配張夫人合

窆青龍河阡亦已二十四年矣臬使以孤露孱弱

克自樹立宦蹟所至以循良著三吳道衝土沃獄

訟滋繁而刑政端平明允屬吏承流化亦大洽會

詔求遺書

香樹齋文集續鈔

卷五

五

上習知先生為中州理學醇儒尤遠於易命豫中

大吏即家錄上適臬使屬序先生所著書悉校以

進因并請予補為碑文論撰其美而明揭諸阡昭

恩榮教來孝禮也先生諱煦字滄曉號紫弦先世

自豫章遷楚遷豫占籍光山代有聞人父之杞工

詩畫善岐黃術有陰德以先生貴贈通議大夫內

閣學士兼禮部侍郎母高氏贈淑人先生生有異

稟知嗜學多澹沈之思幼讀太極圖見有陰陽糾

紐循環迴抱之勢初為一圖與圖書卦章相為經

緯表裏年十八志益奮功益專凡古人說易之書

靡不甄綜以求融合乎四聖之旨遂以易學終其

身康熙甲子登賢書授安陽教諭戊子分校山左

迨壬辰始成進士館選時自陳能通周易時大學

士李文貞公易理精詳廷臣未有出其右者

聖祖命與先生講易無以難也屢蒙

召問三接於 澹寧居甲午同楊公名時

召見

乾清宮畫圖講易問答數千言有苦心讀書人之

褒載先生所記

召對錄甚備是歲入直 南書房乙未充會試同

香樹齋文集續鈔

卷五

美

考官丁酉典湖廣鄉試先是試官

命九卿保舉至先生

聖祖問左右知為李旭升所保論曰朕止信得此

人由是廷議引重不數年由坊甸遷卿寺壬寅

賜宴老臣奉

旨年六十以上許乘輿至景運門燕坐

乾清宮月臺先生與焉尋陞內閣學士兼禮部侍

郎典甲辰順天武鄉試丁未進耕藉詩河清賦

世宗極賞之陞兵部侍郎署戶部侍郎閱會試迴

避卷充 殿試讀卷官教習庶吉士次年協理都

察院左副都御史又署刑部右侍郎再典己酉順
天武鄉試庚戌

命在

上書房行走兩知文武貢舉充明史總裁官辛亥
轉禮部左侍郎罷職歸

今上御極之元年先生入覲

闕廷

詔給原銜回籍疾卒京邸

賜賻

賜祭恩禮有加蓋先生騎箕時年八十有二三子

香樹齋文集續鈔

卷五

三

俱早歿無嗣季即臬使纔八歲蓄無長物親無期
功手澤遺書未有所付託先生之宗祏且不絕如
綫卒賴先生冢子長壘妻節孝甘茹茶集蓼鞠之
育之措就衰之門緒敬未墜之家聲論者謂天之
所以報績學善人者如此其不爽嗚呼可以為世
勸矣先生立朝風節具見所存奏疏皆有裨國計
民生其他著述推闡易學出其緒餘皆卓然可傳
顧治易尤深博無涯涘今所存函書多至百十卷
往往淡造自得不屑屑蹈先儒曰科我 朝經學
昌明宗工輩出一洗前代纂修大全廢註疏不采

專懷宋元人成書之陋

御纂

欽定諸經以次程式藝林而 國初說經之家如
孫退谷少宰鈔周藩灌甫遺籍成五經翼二十卷
納蘭容若侍衛取溫陵曾氏隆山陳氏一十八家
易義合訂成書八十卷較之先生其所詣淺淡必
有能辨之者予後先生數年入詞館辱先生有忘
年之契又五十餘年得見令子臬使季堂能讀父
書善承先志將必益大其施以仰副

九重眷倚用推原所以章顯先生之學者皆足徵

香樹齋文集續鈔

卷五

甲

聖朝孝治之隆俾其子孫世世仰之而系之詩曰
伊洛淵源苞符奧秘經師人師道隆
聖代維嶽降神闕父之裔國重老成鄉稱早慧獨
抱韋編敦心默識靜觀象材日思爰繫自漢以來
鄭王同異二百十三部分宋志其在於今十存一
二上邇故微下該傳義以象弗理久而融會月窟
天根周情孔思晉有阿蒙形諸夢囈唐則遜叟恍
傳符契五音九弄六甲八節 妙悟天然引伸觸
類甲子將週纔登上第論易殿中畫圖瑤砌
聖祖頷之相臣面試

眷注有由嚮用不次入選月卿出奉星使玉尺是
持樞衡是昇鴈然生平出處一致卅載公車十年
卿貳始教安陽以經造士叶晚佐秩宗寅清著美
叶天咫如環賞延於世薪績將燿俾爾昌熾孝婦
令子顯揚終遂物蒙必亨道屯必泰我作詩辭更
申易旨叶世祿之家勸善無怠叶

何氏再捨田拓墓并捐各房僧香火碑記

前太守族世父晴山公卜葬吾郡茶禪寺後公子
經文洎孫燿捨田二十餘畝施寺僧俾守封域陳
羣既爲文泐石以記燿時方官兩淮都轉兼攝江
南河務又十數年由監司遷方伯尋奉
命填撫中州仍攝河東河務燿感

上知遇朽用封疆推原所自實祖父爲清白吏積
累所貽顧公墓獨在禾中距原籍山陰稍遠間歲
必遣子裕城來寺展埽閱勘墓界屬寺僧勿爲他
氏侵越而後去壬辰冬裕城扶母櫬還越過寺以

塋地偏仄商於住持靜宗復捨田十畝盡得墓傍
餘地三畝有奇請諸富塗納租賦禁樵採蓋距公
葬又二十年矣裕城來再以記請予惟是舉也住
持易瘞立而承得膏腴中丞捐俸入以稍恢墓域
贍僧守塚皆出自

天家祿精錫類之恩亦何莫非天之所以報良吏
者爲不爽也古者冢人蹕墓城守墓禁墓大夫巡
墓厲皆必有印封之度數而鄉師執斧以莅窆則
微特有司當申其禁也予亦與有責焉記成將礪
石矣中丞遣役齋俸百四十金寓函於予曰燿既

續捐田十畝易墓傍隙地三畷可樹松楸地係方丈所易因歸方丈以多易少於心安矣惟是寺中各房僧衆切近先壙凡民居必有隣墓亦有隣願置田十畝以助各房僧衆供贍亦仰推先人睦隣之義何如予曰體先志推

君恩廣施濟其何可以勿記何氏捨田於寺者凡三計田四十餘畝屬方丈者住持僧靜宗主之後十畝捐助各房僧香火者各房主之並各呈於當道取有收領存照云

餘姚張氏禮輿山莊記

禮輿山莊者姚江張明經德改葬其考上舍紫筠公妣杜孺人於茲山之麓墓左構丙舍一區爲歲時展祀地也上舍僑於吳用賢遷起家益治生好施予往來吳越間交推長者教諸子並敦文行明經尤有聲鄉校先是元配杜孺人前卒明經奉匱歸權厝於蘭風鄉歲庚午上舍考終胥江寓宅越三載輓歸明經將謀合窆謁長州尙書沈文憲公豫爲志銘顧厝地瀕海卑濕乙亥秋潮汐特盛附近廬舍俱淹明經急剡船往省水已及階基遂定

改卜之志躬親攀涉度有年去舍十餘里有余支湖循湖而東一六支分前環後抱中央天然一邱則禮輿山也原筮協吉堂斧就封乃從事於山莊之役明經以圖來請予作記其言曰始德之卜宅也私願有三一先世幽宮咸依山下必得高壤厥土燥剛一辨方正穴兆必面離次亦向甲乙以就生氣一遠歷溪巖穹谷拜掃崎嶇近則舊家毗連勢多侵越妨人利己所不忍爲必得封塋展拓俾他日以次族葬昭穆秩如三者備而我親之體魄安卽德之私願償矣按圖山僅上阜微露石骨

狀類魚鬚額丙腴畢肖土人名鯉魚山地寬平饒
桑麻果竹之屬四遠田疇如針溝塍刻鏤脉絡分
明西南隅一峯曰牟峯蜿蜒而東曰徐鞞嶺又東
曰扈駕嶺衆山匝綿且擁護如屏如藩水激沙
澌青停黛蓄土堅且潤木美而豐繞墓岡巒迴合
而莊屋適當其闕南向三層層各五楹前堂曰思
順爲羣從子弟祭餘飲胙之所後寢奉考妣栗主
翼以兩廡周以繚垣藏祭器置庖漏餘屋給守冢
者司其管鑰買田爲祀并以代耕作之廬落成壘
土疊石移古梅老杉玉蘭海棠雜蒔其間於是露

樹齋文集續鈔

卷五

聖

旦霜晨儂聞愾見佳城松楸葱鬱與山莊花
木襲蔭流芬庶幾氣爽之陟降於此也予嘗讀元
遺山爲范陽張公先德碑述三水漂壞廬舍湮沒
邱隴其父珪乘船筏訪求得之改卜其陰乃在所
居之西南原珪子子良仕及通貴其廟碑必得文
之見信於人者予聞上舍勇於爲義如費官祠宇
義塚官橋捐貲繕葺他如濬湖陂設隄堰泐家祠
立鄉塾凡有裨於井邑者靡弗爲今明經善承先
志旣定新阡復營莊舍於克家肯構之餘而又思
其居處如此予益歎明經能子上舍爲猶生矣張

氏所以起其宗者將在是乎遂不辭而爲之記

樹齋文集續鈔

卷五

吳

遺摺

奏為

君恩未報臣病垂危伏枕哀鳴仰祈

睿鑒事竊臣以浙西寒素由康熙六十年進士蒙

聖祖一皇帝拔置詞垣教養生成

恩同覆載

世宗憲皇帝御極之元年除授館職備歷清華旋
以宣

論奉使西秦臣叔翰林以文章為職業臣每

皇朝文獻通考

卷五

聖

擬敬謹屬稿

疊邀

十宗憲皇帝臣始遷擢不次數年之中由宮

海授侍讀學士兼昇以識輔衡文之任臣惟日

矢冰淵追敢自謂稱職乃蒙

憲皇帝特達之知恩遇優渥復

命入直內廷體恤周至有非小臣所敢冀望并非

筆墨所能形容者至今每一追念捐糜莫報哀感

難名恭逢我

皇上龍飛御寓旋由侍讀學士擢副通政司使備

員卿寺仍簡任文衡乾隆七年蒙

恩擢授內閣學士未逾匝月

命貳秋卿

皇上欽恤庶獄化媿協中臣以駑駘之資莫由策

勵所幸越依

禁近時獲親領

訓言俾得遵循奉職而愆尤叢集屢邀

皇上格外矜全顧臣職未效涓埃而

尾臣在理秩宗復荷疊持衡鑒聆

哭

源慚交集竭蹶時形乃於

避反穀沉疴萬無生理屢蒙

聖諭慰恤至再至三

賜藥賜醫仍許告歸鄉里俾服習水土於調攝為

宜不年餘閒霍然痊愈是臣自壬申迄今甲午二

十三年之歲月皆我

聖主特賜之年華天地能生全之而不能再造於

成形之後父母能鞠育之而不能回蘇於既槁之

餘清夜感銜淚痕常濕而

雨露高厚之恩彌復有加無已恭際

舜巡疊舉

慶典頻開臣曾三度敬迓

鑾輿兩次趨承

闕下祇期與黎獻共效嵩呼何敢復妄希榮寵乃蒙

晉秩刑部尚書並加銜太子太傅

以令... 朱榮慶皮食俸於里而醴澤獨霑

怍而名登逾格慶耆英之隆

无

丁鹿馴巖畔拜圖畫之自

多身... 坤賜兼化品蓬瀛之

晉接座擁冰嬉至臣長子臣錢汝誠由翰林蒙

恩蒙養訓誨擢侍

禁籞尋貳卿班泮髓淪肌舉家頂戴復荷

俯念臣年已八旬晨夕需人照料於乙酉之夏令

其歸養膝前數年以來臣眠食得資頤適即今臥

病床第全賴長子臣錢汝誠在家侍奉醫藥仰惟

皇上錫類之仁無微不至凡微臣夢想所未經皆

聖主鴻施所必逮若夫

墨寶頻頒

天章屢賁

俯賡之作雅什駢多

命和之章御簡遠遞禮遇之渥獎許之深千古詞

臣自拜颺而後未有際斯隆遇者臣何人斯遭逢

之盛至於如此臣自維衰庸殘齒即更邀

上... 坤... 得... 延喘息亦復何能裨補

賜尚思於頽暮餘齡蹈德

五

之心實亦犬馬圖報之願何

... 矣生... 竟至瘧中膏肓以癸巳年十月二十

九日胃氣舊症復發遷延兩月漸至不能納穀醫

藥罔效至本年正月初七日氣微脈弱一息僅存

念

三朝知遇之恩感

聖主栽培之德曩者屢荷

綸言鑒臣愚悃許以頌不忘規臣聞

命悚惶敬銘五內受

知愈重而圖報愈難茲當長辭

聖世之時益矢言善鳴哀之志伏願我

皇上常體日中之義永持天健之心則

敬日躋而德日懋治益治而安益安矣撫膺癡悃

依戀莫申世世生生銜結無盡惟有訓囑臣長子

戶部侍郎侍養在籍臣錢汝誠次子現任安徽安

慶府江防同知臣錢汝恭四子現任甘肅平羅縣

臣錢臣隨五子現任河南中牟縣知縣臣錢

以弼出嗣臣第原任湖北施

七子

至

及錄臣錢汝器讀書砥行

未竟之元伏枕哀鳴語無倫次伏祈

鑒察謹奏



〔清〕儲大文撰

存硯樓二集二十五卷

清乾隆京江張氏刻十九年儲球孫等補修本

儲氏自在陸草堂後群賢不報海內仰指
言文藝必推宜興儲氏其尤賢者六雅
先生先生制科之文遍寰宇余少時咕嗶
牖下已即奉為指皈比通籍始得見先生
所為古文初集於京師及宰宜邑又知有
竹研樓二集雕板於京江張氏迨張以事

戶一
沒其家其板籍亦並沒于官儲之後無能
為理而求給者歲壬申余承上官檄按張
所有是集簡冊宛然在也為請於上官捐
俸廉抵其值以歸儲之後而簡多蠹缺復
召儲後之賢者為索原本參攷訂正付之
梓工以成完書而海內得睹先生之二集

其儲之後賢來告余曰是集之既淹而復
振也非我宰不及此用乞一言以誌本末
余惟盈天地間飛潛動植皆一氣之所鼓
盪以出者也飛且鳴者鳳也九鳥也泳且
躍者蛟龍也九鱗也蘊于淵者珠貝也魚
目也產於山者良玉也珷玢也榎楠桐梓

戶二
也凡卉也得氣之真者靡不以昔自見而
不可淹抑者也况乎秉禮守義誦法先王
其出也不竟其入也吾問若六雅先生者
蕭然常布時即教譽遍宇內及入青瑣踐
紫闥校石渠夫祿之書旋即退處名山著
書樂道以老其一誌一論一詩一銘皆不

數十季集義所自著此中有真氣焉乘時
而見也若鳳之鳴也龍之躍也珠之輝也
珪璧之解璫也桐梓椶楠之呈材也其簡
冊也其文也余從上官出之而非余與上
官出之也先生之自出之也魯辭也艘頭
也井中也山川之窟穴也靡不有藏藹也

序三

及其見也是簡之顯也亦即其人其氣之
不修淹也夫與宰何有哉余因後賢之請
為告先生自著之故如此夫亦念邑多士
讀是集也均為自著之實以弗墜前哲之
業是則余之志也是為序

乾隆十九年閏四月十二日

賜進士出身文林郎知宜興縣事庚午科江
南同考官加一級紀錄四次年春姪黃玉
衡頓首拜序



序四

存硯樓二集總目

卷一

賦詩

卷二

詩

卷三

序

卷四

序

卷五

序

卷六

序

卷七

序

卷八

序

卷九

序

卷十

記

總目

卷十一

傳

卷十二

書

卷十三

論頌贊啓

卷十四

碑誌

卷十五

碑誌墓表

卷十六

墓表行狀祭文

卷十七

雜著

卷十八

雜著

卷十九

雜著

卷二十

雜著

卷二十一

卷二十一



雜著

卷二十三

雜著

雜著

卷二十四

家傳

卷二十五

家傳

總目

二

存硯樓二集目錄

宜興儲大文六雅著

孫 濬德務成
姪孫球孫琳 補編

卷一 賦 詩

萬寶告成賦

借分陰賦

君山賦

瓊花觀賦

逃樓賦

書帶草賦

古體詩六十三首

目錄

卷二 詩

近體詩二百二十八首

卷三 序

中庸解序

四書述朱大全序

姜上均周禮注附序

石屏州志序

浙疆指掌序

曾子固文集序

舍藏窩存藁序

周子史鈔序

石屏張氏宗譜序

晉陵卞氏族譜序

丹陽束氏宗譜序

丹陽荆氏宗譜序

少邱陳公年譜序

少司馬李公文集序

吳寶崖集序

顧震滄萬卷樓藁序

馬栗本文頌序

李雪書古文辭序

卷四 序

目錄

立甫王子遺集序

葉鳴周文序

桂留堂文集序

若水禪師集序

八代詩海序

張大復詩序

新陽張孝子詩序

邱珠巖詩集序

春帆集序

拙圃詩集序

春星草堂詩集序

洋湖草堂詩序
 青溪草堂詩集序
 載月軒詩序
 西堂近體序
 竹素園詩集序
 蘭園詩彙序
 蔣亦厚詩序
 秋花雜詠序
 冠音集序
 惜閑堂詩集序
 鴻泥軒詩序
 目錄
 卷五序
 洞汭洪子詩集序
 棲桐草序
 湘中集序
 方葯房自咏詩序
 薛帷詩鈔序
 吳樂園解裘市四朝詩詩序
 梅花千咏序
 石田山房詩集序
 莊士遠詩序
 輕鷗集序

三

秀林詩集序
 苔廳拾藁序
 荆南詩選序
 東標周子集序
 題客徐子詩藁序
 秋圃詩藁序
 蘭浦詞序
 文會讌集序
 青山莊文讌集序
 杲亭文讌序
 春集時習堂送范觀水之旌德序
 目錄
 孟春復集時習堂序
 送方文翰知豐潤縣序
 送吳寶崖之荏平序
 艮岑樂府序
 卷六序
 送瞿許沈三子之江西序
 送沈麟洲知文昌縣序
 送鄭璣尺寧親歸錢塘序
 送陳曾起知長寧縣序
 送蔣樹存知餘慶序
 贈許澤州序
 送陳有章之潁州序

四

送司諭顧先生會試序

送史先生致政歸序

送吳谿臣霖蒼歸新安序

送海虞王鶴書府丞試序

壽王中堂序

壽田司農序

壽蔣閣學序

壽陳司空序

壽楊少宰序

卷七序

壽梅少詹序

目錄

壽陳中丞序

壽趙邑侯序

壽趙贊善序

壽張韋存中憲序

壽張壯輿詩序

壽青垠張君序

壽沈白漢序

封檢討董公壽文序

壽叔儼洪君序

壽奉直李君序

壽中令吳子序

五

壽史立夫序

壽史太夫人七十序

壽潘伯張君五十序

壽萬母胡太孺人八十序

壽陳俊公序

壽陸伯藩序

壽望臣張君序

壽劉奕載暨配唐孺人序

卷八序

壽李太宜人序

壽舒母劉太孺人序

目錄

壽陳母蔣孺人序

壽叔母楊夫人八十序

西淀望雲圖序

賀明經朱君旌獎序

壽繩木禪人序

募修大乘菴序

秋坪曹子後募濟序

迎送痘神辭序

張文貞公經義序

徐亮直時文序

曹聲階時文序

六

王漢階時文序
 方文翰時文序
 陳師洛時文序
 姚青疇時文序
 梅隱先生制義後序
 卷九序
 吳載颺時文序
 吳覲揚時文序
 洪時懋時文序
 月槎二集序
 竹西六子時文序
 目錄
 洪鑄先時文序
 張闡賓制義序
 申錫吳君制義序
 周紹濂時文序
 吳冠山時文序
 蔡方三時文序
 周旭之時文序
 畢懷永時文序
 學坡弟時文序
 王學舒時文序
 冠伯張子時文序

七

王莪村時文序
 曹及三時文序
 揚扶蒼制義序
 席猷之時文序
 任純仁時文序
 吳綺霞時文序
 桂林洪君制義序
 陳致和時文序
 向若編序
 洪達夫時文序
 冠伯張子墨卷選序
 目錄
 說研堂會業序
 存園課業序
 自訂臨場藝序
 卷十記
 荆溪惠賑記
 歙桐野汪氏萃英文會記
 重修荊州府學記
 仰蘇樓記
 卧雪閣記
 日涉園記
 重修寶蓮閣東綠雪菴記

八

重修普濟菴記

焦山敏修禪師賑荒記

遊西山莊記

九日登古墓記

三月四日記遊

紀行

記思晴臺引

卷十一傳

慈溪沈氏二忠傳

賈鞠毛公傳

戶部右侍郎李公家傳

目錄

晉陶吳君傳

歙篤行子聞胡先生傳

汪龍家傳

冲扶吳子傳

茂才昇初許君傳

潘二存先生敘傳論

節婦王孀人家傳

節婦趙母李夫人傳

卷十二書

復沈子大

與陳季方

復王中安年兄

與張良御

復郁峻升

與曹諤庭

與任緯仙

與方靈臯

李華西年伯

復方文翰

與友人

與友人

與友人

目錄

與曹漢若

書示洪時懋

答呂旭臨

與韓續古

答蔡方三

答蔡方三

答蔡方三

與瞿云暉

貽王立夫

遺湛斯曹君斬書道德經

書貽張思孝

十

卷十三論 頌 贊 啓

吳季子讓國論

斛律光論

盧多遜

包拯

魏敏果公頌

頌張夫人節

土喇河頌

車渠頂頌

郭爾羅斯三馬贊

哈薩克圖馬贊

目錄

得勒素贊

敖漢蓮花贊

洪開九闔門小像贊

掖水劉公贊

季翁小像雙贊

洪廷佐小像贊

劉祝蔣君像贊

宗芷湘像贊

天台菴僧大圓像贊

生辰謝友人啓

乞人參啓

士

求藥直啓

謝問疾啓

卷十四 碑誌

分巡寧夏按察司副使陳公德政去思碑

趙總憲人嶽麓書院碑記

贈光祿大夫兵刑兩部尚書署理直隸總督唐公神

道碑

江西提刑按察使司分巡贛南道人也章公墓誌銘

諭德魏一齋先生墓誌銘

聚微張君墓誌銘

封文林郎翼堂彭君墓誌銘

目錄

文解舜琴徐君墓誌銘

卷十五 碑誌 墓表

武菴楊君墓誌銘

來倩郭君墓誌銘

戶部郎中馳封監察御史碧巢汪君暨配黃宜人墓

誌銘

梧峯楊君偕配汪宜人墓誌銘

鮑太安人墓誌銘

高淑人墓誌銘

周孺人墓誌銘

徐煥文碣銘

士

兵馬司指揮使贈翰林院檢討洛山朱公墓表

張黃石墓表

鄒果成墓表

卷十六 墓表 行狀 祭文

楊松溪墓表

楊仲嘗墓表

特舉孝廉方正張梟襄先生行狀

祭徐座師文

祭沈閣學文

祭晏問園公文

祭孔博士文

目錄

祭大醇吳君文

祭曹莆田文

祭任緯仙文

祭張相公母何太夫人文

祭張天門學士文

祭百歲汪太孺人文

祭吳豹文母汪淑人文

祭趙母錢宜人文

祭吳母孫孺人文

祭王太恭人文

祭趙淑人文

志

祭劉太夫人文

祭阮母姜太君文

公祭王室顧恭人文

關灑些辭

卷十七 雜著

策問一

策問二

策問三

策問四

書鄒縣志後

書上邪曲後

目錄

書宋皇祐詳定大樂詔書後

書宋皇祐定大樂名詔書後

書宋治平遺事後

書張仲景書後

書江文通與交友論隱書後

書朱公叔絕交論

書宋贈焦光明應公救後

題曾南豐集後

書考亭先生宜興縣學記後

書曹公器物

書蒲元傳

十四

書東都事畧後

書徐霖疏後

書文信國上元張燈記後

書饒右丞介之軼事後

偶書

書犁眉公集後

書明歸化城封貢事後

書顧華玉軼事後

書康德涵王敬夫軼事後

書楊復菴遺事

卷十八 雜著

目錄

書沈文端公張太岳集序後

書張文端公壽言後

書中汝默小傳後

書壬申文選後

書姜凌遠箴

誦明人詩記有慨書此

書明小品後

書庸言後

書阮太冲詩後

書邵二泉詩後

偶書

五

書楊君謙詩後

書董崇相詩後

書陸子傳詩後

書王薑齋九招後

書汪杜林雪鴻集後

書百一齡蕭母陳太安人壽章後

書贈孔起占詩後

書潘陶唱和卷後

書觀德亭記後

書崇質振雅二軒壁記後

書同門集後

目錄

書張良御戊戌歸情五章後

書同年范陽先生選次詩後

書虞山十二咏後

書子慕沈君近詩後

書嶽遊草後

卷十九 雜著

書後山小放歌後贈蔣亦厚

書王玉書目下吟後

書栗本馬子演連珠箴後

書寧德兄陳子次山輓詞後

書東標周子聯卷後

六

書全室外集後

書朝鮮詩選後序後

書曾萬樓十三經源流後

書坦中胡子圖書說後

書白蒲書屋圖後

書白沙丁氏譜後

書蔣韋人傳後

書吳夫人傳後

知縣事箴

銘呂生旭臨琴

題汪西京乘槎圖

目錄

爲郭鑑倫題青溪垂釣圖

題王亦清乘槎圖

題蔣豈潛按劍圖

題顧禮園洗硯圖

題馬宛來杏林春燕圖

題毛其炳像

題永城貞媛蔣松姐

偶題

跋幹年劉君遊龍門太華記

跋承恩榮遇錄

卷二十 雜著

七

跋坐虎圖

跋英德縣學青雲路碑記後

跋姜自芸古印章冊

跋靜文呂子畫

蜀山書院公呈

明墨選透宗

海浣

尚書古今文考

六宗考

九河考

星有好風星有好雨說

目錄

卷二十一 雜著

詩大小序得失辨

朱陸異同辨

曲江濤辨

錢法議

積貯議

封建

制用

石經

秦璽

卷二十二 雜著

六

石鼓
雜記
守械
堂葺
釋疾
更書
治道
夏侯泰初
晉太宗集
母后詔
心喪
目錄
晉王豹牋
前燕書牋
景畧書牋
後趙疏
停年格
清省
卷二十三 雜著
文體
論畫
任昉陸倕之筆
偶書

九

文行
評劉誨菴
耶穌堂
梓潼廟
碧霞元君廟
護國寺
東嶽廟
潭柘寺
燈市
巴公巖
臨濟
目錄
雜說
書薈薇二則
宋頌
書白貴遺事
虞祭
飲酒
逸游
屠販
洗發達辭
燔野猪頭辭
紀夢

十

卷二十四 家傳

放軒公傳

副憲公傳贊

孔規公傳贊

在陸先生傳

井陘公傳

東小一原善公傳

蔡五公傳

說書公傳

康甫先生傳

卷二十五 家傳

目錄

維則公傳

子瞻公傳

駿坡公傳

伯兄素田行畧

兄風崇傳

弟來肅傳

姪鼎泰傳

先母徐太孺人行述

節婦薛孺人傳

義女石氏阿奴傳

三

存硯樓二集卷之一

宜興儲大文六雅著

門人



賦

萬寶告成賦

以綴萬邦屢豐年為韻

粵維萬寶告成斯時太皞肇符於輿軌義和彌振於車綏菊
秀三徑蘭收九畹乾元綜數物象或伍而或參坤軸呈文區
類斯千而斯萬穎穗被畝稭總盈邦爰捆載而輸府乍負任
而度缸以承太清之覆育以體太寧之駿麗晨趨金罇宵誦
銀鉞賀兼芝草今文鋒雅擅狀合嘉瓜分筆力獨扛稼可著
說也鉅手唯標蘇海田可摘賦也鴻詞齊誌潘江既濟兆頻

存硯樓集卷一 賦

大有書屢當時瑤露共霑太液之波此日黃雲遙映祈年之
樹候滋肅爽氣轉曛曦雪華點荻霞影入楓偉金枝之尤麗
恍碧落之常充天外雁鴻生意交宣於彭蠡村中雞犬樂事
常衍於新豐堂前之萬石可編也沈有詩兮任有筆樓上之
萬卷可覽也周有韭分庾有菘澗溪澄澈巒岫芊綿北戶東
望西域南連蓋章亥所不能步隸首所不能算者而鑿坡碩
彥玉署瑣員竊敢拜手稽首而謹頌萬寶之告成兮億萬斯
年

惜分陰賦 以大禹聖人尚惜寸陰爲韻

粵若繇微至著積小成大課功則祛怠而卽勤應候則啓明而歷昧寅籌烏起早警鶴響於松間戍帳雞鳴久駐鸞聲於花外堂生壁彩文明晝炳重離簾合瑤光講習宵資說兌蓋以象比倚弓機同連弩日周天分三百六十五度而以微陰驗其時天去地分九萬一千餘里而以積分析其數覈毫釐於金罇律肇旋宮移秒忽於朱弦音馳激羽此乾宵幸獲逢堯而坤軸胥知誦禹戒之惟誠念茲伊敬言依孝而依忠行希賢而希聖覃思六合嶽頂之雲乍興雒誦三更庭中之雪交映銘心詎減於商盤涉日寧疲於秦鏡爾迺辭宜從古義取標新唐則道振東周有約六經之吏部宋則體符西漢有

存視樓集卷一賦

二

定六典之舍人文不在茲乎飛八蹄而盡空羣馬吾何畏彼哉奮一角而獨挺蒼麟又奚得踟躕管中之碧影浮沉隙內之緇塵至若聯啓山濤對談謝尚薦賢置驛迹慕鄭莊選士循資議殊崔亮杜拾遺之萬間廣廈風雨常安襄中令之一點靈臺丹青難狀將汲汲焉戴星分縱唐都推星而莫窮抑冉冉焉愛日分縱周文視日而空望以暨技進郢人神全匠石壤封蟻而旋騎兮化餘分爲尋丈窗懸蝨而貫輪兮變盈分爲徑尺猗與分陰殆寶天之小春秋兮七十二候斯春溫而秋涼抑寶日之小朝夕兮一十二辰斯朝潮而夕汐擬諸鳳毛得之甚難豈曰雞肋棄之可惜且夫拙勝於巧利藏於鈍餐菊英兮藝三徑叙蘭芬兮滋九畹雖有隸首不能算十

事而躡千雖有章亥不能步百里而越萬是故截竹嶰谷者先審上生下生之分毫植木合宮者兼畫左个右个之分寸以規以勸爲誠爲箴修業則察終而邇始績學則閱淺而極溪夏禹至神也心傳自昔唐堯大聖也化被諸今又豈獨考太尉於潯陽之里兮誌長沙於湘水之陰

存視樓集卷一賦

三

君山賦

維荀卿氏自齊屈楚春申客之殺潔醴滑唐睢基罷魏加弦
撫汗明朱英清辭合吐爰圖江上之山敬乞蘭陵之賦荀卿
曰唯唯此夫壤移句踐蹟變周章石殊赤松洞異庚桑者與
此夫井窺虞舜里連泰伯碑邇孔子邑纘季札者與此夫策
誌壽春名勒黔中動蓋泗上封冠江東者與此夫道疑龍尾
館傲罽人躡珠履馬縹紵衣者與在昔胥女峒堯更名白
石云山路邱抽思何極矧迺湘洲蘭生洞庭木落正平賦騷
實麗且則請假十二之峰式示三千之客春申君適爾而笑
曰信美先生言質采絢僕知楚國之相不足貴而桃夏之宮
不足戀也敢寵茲名永昭終古聿鑿詞於黃山用流聲於歌

存視樓集卷一 賦

四

浦

瓊花觀賦

若夫花裏無雙香中第一輝擅四照采標九出招隱靡儔唐
昌匪鍾皓白之瑤英帶淡黃之蠟蜜銷風彌異於鞠華落
月寧同於桂實天西現鉢曇之種帝釋裁聞其名所南夢玉
真之梅神僊莫識其質爾迺蕃釐題觀后土留祠碧欄鏤鳳
金闕翔螭元延之基長在政和之額未墮縱黃冠兮出沒詎
綠繡兮支離煙月東京那屑列寶文之秘笙鏞南內奚煩占
聚景之奇萃菁華於福地極譙賞於清時爰有龍躍斑管馬
停珠勒盤盃圍帶客離芍藥廳前白雪堅冰人去木蘭院側
跂上界而徘徊步中亭而愁息元之則跌宕詩牋承叔則淋
漓醉墨春明安陸二宋飛揚眉山晉江兩蘇絕特劉侍讀之
曰揮九制韓樞密之雲垂五色趙炎傳瓊妃之烈杜游記花
本之植莫不彪炳於缺編爵皇於殘刻噫吁戲兮人天聚散
今古興亡一根誰辨三葉終傷隋殿止傳於月扇金源空揭
於雪香謝舉羽擊竹悲歌難尋李相汪水雲撫琴悵悵望斷
韋郎嗟八僊兮續譜聊百蕊兮流芳惟抽毫兮遺觀皎瓊樹
兮花光

存視樓集卷一

五

逃樓賦

若乃開皇膺籙大業纘圖仁壽周銜興洛轉輸琉球是翦林
邑爲俘開紫泉之窈窕闕皂澗之縈紆聿經營於涿郡復卜
築於江都爾乃通守監宮大夫督匠光祿父子抽太府之巧
思散騎弟兄呈少府之式樣架構則項氏精專摹畫則閻郎
神賞置別殿於蓬瀛傲層樓於崑閬既葩妍而樹拆亦巖迴
而川漾西閣相連東城無恙龍舟兮鳳艚揚舫兮進榜爰經
清汜遂度旋渦郭李陪麾而指顧王庾載筆而摩娑孟金又
則武賁執架麥鐵杖則屯衛提戈柳顧言之雅曲白明達之
清歌雜婁鼓震蝦鬚椎蠹錦纜不繫於甘寧寶鼎疑杠於夏
育神僊留客兮倏起倏坐玉女行觴兮乍翔乍伏萬歲樂兮

存硯樓集卷一

六

髻同縮七夕逢兮鈎半縮一百四調兮鐘聲振木二十四橋
兮簫聲裂竹鬪雞子兮高臺巔放螢火兮平山麓縱梅花兮
片片笑奈楊柳兮絲絲哭矧迺傷神詞苦述志篇工中禁司
花迎輦難誇於常樂過江浮葉持楫遺怨於空同公主黃衫
恨纏跨鳳才人碧血烈勝當熊當其魚須撻白虎爪擊江莫
不撫離闌而對月搴玉箔而吟風已焉哉都梁草沒方山石
碎晉陵之故址已非永嘉之新圖不再憶積翠之清標兮遲
景華之勝概慨汾陽與臨朔渺劫灰其安在聊容與於祗林
兮眺遠山之點黛

書帶草賦

伊東方之玉薺兮傷春心於岿堯紛芳草之軋苗兮陵苒生
以舒條實幽人之所居兮當赤符之卜葉渺江離而爲理兮
集衆芳於木末惟蘇世以獨立兮山歲魄以嘔崎莽茫茫而
靡靡兮茅雜糅而得絲羌矯之以爲索兮植隱虹之透地杭
紺華以的礫兮揚翠縹之披披蹇蓀得此中正兮結芷蒞以
隙辭豈秋蘭之爲佩兮氣宋慶以待紉也何緜纏以蕙纒兮
糺思心而愁不忍也惟茲芬其信美兮紛繆繞以約束擊木
根以結香芸兮異枉繩而追曲悲白露之先戒兮俾夫百卉
爲之不芳茲獨萃蓴而鞞質兮凌洲茨之蒼蒼芳青青以容
長兮爛有曜其文章承后皇之嘉德兮徠南服而結秀悰巖
蒸之不可處兮梗何繚宿莽而相蓮曾思荃以抽怨兮耿吾
則夫蘭成及綠葉之羅生兮吾將攀之以遺夫美人

存硯樓集卷一賦

七

古體詩

上之回

上之回郊雲陽黃氣屬天夜有美光何用祠之太一傲薄忌
壇五色各如其方牛色白鹿居中上加棗脯下醎食朔旦冬
至味爽天子郊拜太一朝朝日夕夕月祝宰領祠以牛以特
何用衣之太一惟紫及繡五帝各如其色太史奉靈旗羽林
飛翠旌黃支懾服單于震驚倭種獻見身毒來庭皇漢六葉
如雷如霆天子萬年日月明

古怨詩

終風吹綠葉華滋隕芳辰出門步遲遲言念生平親灼灼東
方月煌煌啓明星為期亮多阻即于無晨昏

存碑樓二集卷一詩

八

前溪歌二首

送歡東武亭儂望獨桑頭歡渡前溪水溪水東向流
溪邊黃葛生溪上林鳥啼為歡歌此曲歡眼以迷離此曲名
前溪

採菱曲

江南少女玉為顏金漿蕩搖木蘭船採菱歌發吐芳蘭船行
遲日將夕長相思

估客樂五首

估客樂復樂昔遊梅根渚阻潮相對飲飲酒復幾許
官今住揚州數作五城遊鑰石為篙足篙榜蕩龍舟
龍舟何環環帆檣百丈出帆裁紅越布綠絲為帆緯

江風何曜曜風吹濯船郎衫子鬱林布袴子作淡黃
黃袴戲江中淚向樊鄧落官為感憶聲救歌估客樂

芳洲曲

桂樹楫木蘭舟停橈容與芳草洲芳草亂紛紛烟波發晚愁
愁心一片飛天半美人獨立江上樓樓前芳草香微度香引
芙蓉沒江露低頭芙蓉香仰頭江天暮暮色遠開江上風微搖
門前烏桕樹樹枝明月照南塘素河斜橫水中央美人金漿
蕩空綠乘月夜集芙蓉裳集芙蓉秋風起秋風入芳洲青青
結蓮子美人製成裳隨夢寄千里夢中殘月度瀟湘江上愁
心搖秋水

采艾篇

存碑樓二集卷一詩

九

五月南風吹艾葉倒映長波搖浹滌與君采采川之湄澤陂
蒲生亦離離朝發蘭渚夕桑下可憐竟日不成把君家鼓角
悲中堂吳姬一曲艾而張北方美人顏如玉摘得新枝滿筐
綠別來三歲秋風多芳草含英可奈何前溪度盡蕭葱荷留
夷百畦君不見

種麻篇

種麻東門阪區麻東門池無思遠行客臨期多參差新人言
采綠故人言采藍所趣業以異勿道舊時歡種葛蒙膠木刈
葛剪膠枝物變匪易測君當豫先期采蕭萎秋菊采艾萎秋
蘭願君苟無信美人亮不還

雜詠

東市相砍西市相砍姪女入門走車輪班班轉雞不鳴烏不
啄野火離離齊入暮野田逐田雀伐鼓田田野火落

古怨詩三首

交禽高闈上並蒂曲池間與君新結婚令德良爲難妙舞紛
變態倚歌吹芳蘭張燈促行杯翠盤勸加餐繫我雙玉環佩
我金琅玕含情匪色授豈伊樂更端君懷亮不申調琴一何
閒思爲雙鳴鶴中曲隨風還

周道何逶迤倥侗長河津征夫從此去仰視參與辰握手一
爲別倉皇懷苦辛旨酒空復持不能酬遠人悲風爲蕭條去
馬相依因覲者皆掩泣矧茲骨肉親

秋草繁以肅清晨被凝霜出戶有所思思我心所當尊名雖

存碑樓二集卷一詩

十

云樂游子悲故鄉君亮敦故懷望阻庸詎傷門有車馬客告
言來遠方遺我尺素書沈吟以彷徨纍纍東園瓠萋萋苞葉
黃思爲纏綿枝蟠蟠隨風揚豈不終萎落懿此根蔓長

短歌

明月流金波微雲揚素光駟馬不停鑣雞鳴不下堂淥水白
紵詞陽春白雪唱觀者各稱善賓主各引觴何以留君行玉
案珠爛光何以贈君行瓊英佩明璫我眼以迷離我淚以縱
橫我欲竟此曲此曲悲且長

長相思三首

若有人兮在楚江之南君山之麓樓楓林兮折秋菊候雁夕
落沙怪鳥朝鳴谷登高望遠南天低白日冥冥浮雲逐不見

九疑青只見九江波入洞庭綠洞庭之水亦東流那得令君
不反覆人道章華臺舞倦凌歌續狐狸晝窺兮虎豹伏西風
一旦遊麋鹿君王宵夢巫山曲巫山何高高兮恐是豐隆屏
翳之所都煙合昏兮霧刺促何不歸來楚宮宿君不見帝女
度月明猿啼落江木侍臣賦就峽濤綠失職哀時長慟哭噫
嘻悲哉洞庭不竭巫山不崩血淚斑斑盡瀟湘曲

側身西望兮蜀道難劍閣迴合兮勢噴帆徒旅空咨嗟觀者
起長歎錦官城中花如錦一半流作春溪瀾武擔山裂石鏡
暗峨眉飛上海月寒五丁壯氣歇公孫霸圖闌不知蠶叢魚
鳧開國時底爲手把天險刑相傳蜀相王望帝化轉入江風
生羽翰生前不受羣臣朝至今烏鵲飛繞匝青林端毛翅摧

存碑樓集卷一

十一

頽口啼血滴盡江南翠琅玕行人對此苦無歡此鄉蜀國絃
撥來爲我彈一彈再彈慘不發指調亂移哀聲繁歸來歸來
兮西方不可以久居百步一坂十步一灘兩岸梅花三峽楓
羌笛吹徹渝歌殘

漢家六葉何崔嵬有似南山起雲雷象國道通龍庭灰萬里
遣使求蓬萊蓬萊僊人不可卽長安且築候神臺縹緲樓閣
空中開君王翠輦繞花迴春風散滿承露杯羣臣跪獻妃女
陪飄飄倒凌霞景去參駕岱嶽望八垓東見滄海渺青埃興
酣親把玉牒裁登絕頂岵藁哉黃河一綫天門來黃河臨塞
黃金成服食未闌寶鼎摧五柞秋雨生莓苔乃知不死藥多
誤茂陵玉盃空悲哀嗚呼歲星苦飢無靈骨長卿禪草非僊

才

擬秋江詞

瑶草滄瓊樹杪。海棠居何縹緲。泛長江。楚天曉。木蘭舟外煙波繞。江上景。山嗟峨。僊人高樓夏雲過。美人畫廉秋色多。秋風拾翠采菱唱。秋月披香采蓮歌。采蓮歌。怨遲暮。芙蓉花墜江露。玉檣可憐海日明。爲予指點瀛洲路。

傷心篇

白日半落秋峯天。美人對此愁不眠。安得仙才清且妍。徒倚搖筆一山巔。聲滿寥廓開青煙。招我誦之飛珠駢把手。采采雲中蓮。有如裊絲碧海牽。微睇明月耀嬋娟。少立波上金瑯玕。同望故山朝氣鮮。吟懷憔悴世不傳。何人解著傷心篇。

存視樓集卷一

三

五雜俎

五雜俎齊梁詞住復還繡織思不得已掃除之

兩頭織織

兩頭織織臣弱國半白半黑陰陽舌膈膈膊膊觸寒直磊磊落落頌功德

太山吟

岱宗東邦鎮峻極。干天庭觴石迺漭。登嶽亮沈冥。望秩虞典肇。秘祠漢儀成。聿開古明堂。肅肅朝萬靈。

題沈麟洲覓句圖二首

屋在竹裏。僮在樹裏。怪得先生秋在句裏。山在沙外。雁在川外。果然先生句在天外。

咏懷七首

阿閣屬東城。日夕發絃歌。言是金閨彥。許史相經過。意氣凌秋霄。容顏艷春花。須臾忽衰謝。以此感人多。

榜人入蘭澤。迴翔洪波間。俯見孤鴛鴦。仰視浮雲還。美人泛舟至。遺我金琅玕。攜手共踏翠芳草。愁朱顏。傷心不可極。長嘯吐芬蘭。

今日宴佳客。彈琴展清曲。含情樂未極。出戶聊躑躅。是時清霜凝。孤鴻飛何速。令節凋羣芳。不見野草綠。浮雲顧我庭。北風吹我屋。幽人著葛屨。履霜顏如玉。喟然發浩歎。閱世傷局促。人生貴放志。何事多結束。

存視樓集卷一詩

三

昔聞王子晉。吹笙發清商。浮邱領其頤。陵陽隨之翔。遊九垓中。歡樂殊未央。我今苦無怙。駕言陟高岡。山草萋以綠。疲馬玄以黃。修阻不可登。慷慨情內傷。

端坐若不樂。夜發瑤瑟音。賓鴻自北來。孤飛嗷嗷鳴。一鳴凋朱顏。再鳴秋月明。出戶野草肅。白露亦已零。

青青園中柳。交枝何參差。鳴禽翔其間。好音變良時。駕言適見之。行道日遲遲。匪我行道遲。遊子長相思。

積病寡生慮。時懼令節變。寂寞行空庭。當階秋草遍。皎皎月轉明。清淚流如霰。伊予資幽棲。雨雪阻遐睴。夙昔江離草。言同蕭艾賤。行當天台期。幽客共懽宴。所以安期術。養年恣游衍。

行

雜詩三首

今夕維徂暑瑟風生高樓草蟲鳴何悲莎雜知素秋歲節忽
不處閒居懷百憂豈伊敦締絡大火行西流感此無衣奏言
念平生游同袍永乖別裝裳渺難求中夜起歎息吾將遠行
遊

蘭芷臨溪淵結根高山阿無人而自芳迴薄岑嗟峨白日耀
九區扶搖溟海波浮雲萬里來高鳥飛鳴過伊人理玉音朗
彈幽思多

曜靈拂若華晨明啓高林幽人慨運徂抽思于鳴琴俯視廣
衢會紛何駟駿駿蘭甸華殿開冠蓋相追尋修姱發皓齒陽
春振嘉吟貽以大秦珠縵之翡翠簪光夕明河爛髮髯愁子
心

存視樓集卷一詩

丙

晚霽登樓

仲夏開令節霖雨淹嘉玩歛若陰霞明炯爾陽曦燦寫悰陟
層樓散矚覲圻岸驛驛良苗生萋萋野草蔓平林何森蒼連
山轉葱蒨陀積景參差岫移烟迴亂興以沉真超賞乃游眺
展觀道神有會蘊真迹無緬聿想餐霞侶擬躋冠日坂

長至咏古

大火蒼龍宿粵若方中時顧瞻萬物訛野人懋其私立我匪
爾極帝力是遠而庶績布朱明皇哉秩希革陽鳥沐江海青
鶴鳴日月

登高

修梁迺在澗我行陟山阪紛何蹊紆鬱徑逝茲幽巘巖石不

可升橫霧曉而緬俯視城郭間白日忽已晚休爾傲登高古
則戒游行

感懷

列柏臨修阪女蘿生中原枝蔓一以附纏綿亮不遷新知雖
復樂志士惜故權吁嗟媚說工輾轉多所歎明珠匪易投紈
素匪易憐夙昔白首誓無乃爲罪愆願君勗令德薄終圖未
然

秣陵

落日秣陵城蒼山句曲道下有古時水秦淮莽浩浩朱樓夾
水峙樊鄧估客齊秋風吹綠草帆去大江西

南國有狂士

存視樓集卷一詩

五

南國有狂士言過之楚韓感激激鳳德衰其聲悲以繁來者猶
可追曷爲久不反傷行復傷足膏桂自煎燔不如不從政無
俾心煩冤仲尼大聖人聞之駐征軒九苞甫下集六翮已飛
翻清颺颯爾去不得與之言

曉起懷諸子

曉行山之麓江流正汨汨別浦曾未收高寺磬初畢躑躅復
徘徊淼渺更律崦念我同袍者不見月移律巖樹植匪疎廊
竹行尤密而我獨何爲異縣淹微疾把札添縈紆題詩報蕭
瑟是時雲海中白日欲東出

偶題

秋色澹無際矧迺晚天碧我行齧沙間亂石如列戟適有白

鳥來一人偶孤翻同見落木西日留半赤人既對石影鳥亦轉石隙石隙激迴濤飛打百丈石

贈僧

仙人何所嗜以石作居止石根嗽江水江水清且駛日行鏡石裏我可世所否宜乎世所忘忘世業有以濤聲雁聲來雲影帆影徒持此問韞公公舍石南址適移菊花栽得無聞之喜

大風雨題孝感陳淳洋雜著

黑雲潑濃墨天地亦淋漓當其快意後無不受鞭笞始知文章力上奪斗柄移杜韓今已矣樵賀良吾師下士未聞道動言白與緇那識郊天鼓不用麒麟皮世有九方臯牝牡直無

存觀樓二集卷一詩

六

稽恍惚復演漠漠此理歸希夷盍睇風雨後一點碧空時

瓜步山懷古

平城百萬師輅車如穿雉築宮汲修井盤道臨山趾石頭朝荷擔幕府夜注史舊巢乳燕駭遺祠神鴉起有偉吳司空慷慨杖馬筆馳驅壽春城包絡淮淝浹龍麾鐵鉞勳惜哉業終毀霸圖莽迴互勝勢古喂嚙瓜步接定山四十七砦峙西連石跋戍南護下蜀壘三復制置疏江風湧江水

焦山古鼎歌爲僧行載泊運賦

焦山古鼎鎮山寺頰伏蛟鯨走魑魅不似中書勅半磨絕憐內史銘溪閱比來好事單勒圖老去詞人競垂淚白月清樽一碧天相傳鍊鼎自年年瑀戈約略提沙朔玄鞞依稀扈澗

瀛廟裏紀勳疑召穆石間考器憶周宣幾時移入江南岸當日還浮揚子船分宜丞相肅皇龍扛鼎不數賁育勇連巷光

從石礦生直廬彩似金爐涌真圖縱未挂當筵古尺何甘殉荒塚一自收回夔夔精朝元壇罷怡三更雪飛玉葉那須盪露滿銀華底用罌無數疊排作隊許多箏笛繞前行格天閣上安來久偃月堂中鑄不成可是綠砂羹亂點將無金盒縷交橫天生神物終難聚颯颯風兼怪雨昨夜東樓幾曲歌早時西市三通鼓官符火急下江鄉一片鈴山劇斷腸笏墨未開吳客篋羅巾猶掩越姬牀四千丁散園中第二十年空岡上堂趙氏錄中書錯落蔡家談裏事淒涼何人題欸摹南仲無地承恩作北邙以此寶章歸故國更教神鼎禮空王

存觀樓二集卷一詩

七

始知富貴真如夢英雄豈獨繁華送翠羽明珠奈爾何雁敦龍缶皆長慟不見前朝法物多政和別殿號宣和摩娑未許司宮流校勘時催承旨過博古軸成雙涕淚夢華編在一悲歌只今山下通京口痛飲怕沽京口酒獅子留藏卷已非龍眠墨妙還存否謝郎壘廢怨斜陽宋帝郵荒只疎柳苦竹叢蘆春復秋明霞定水兩悠悠樓頭鶻發誰家宅海外荷飄何處洲花鳥譜新都惹恨雲雷文隱亦含愁乞師法鎮軒轅鼎長壓滄江萬古流

桂王府前石獅子歌

獅子拔地二十尺對立交達蠹交陌皓月千條色透珠清霜一片光飛碧嗟峨馬氏天策墳照耀羅含侍中宅吼向銅駝

疑有聲蹴來鐵騎渾無迹見說管封內旨行起曹宮監兩縱
橫搜將水底未江骨雕出峰尖衡嶽形衡山頂有獅子石楊惠塑時
空跳擲探微畫就亦崢嶸旗搖疊影許屯衛帶縮雙鉤憶上
京總是金睛兼鐵額繇他林邑與占城圓毬別隊朝朝舞法
管新翻夜夜聲朝朝夜夜齊天樂趙郎周藩歌絡索况復翔
龍正攫擊為誰淚鶴同飄泊一自張燕百萬師昭王潭口賈
生祠印拋江面收何日鼓鎮城邊響幾時暗火屢驚雲窟焰
明星且脫雪山羈小侯據掌裝全墮侍女搔頭樣半疑獬廌
着冠還倒曳鴛鴦結袖更迷離吾鄉劉忠毅公不屈倒曳出
端門賊俘掠俱繫門左右
垂蘿無復窺山鬼當道祇宜立老罷從此綠油新瓦碎又看
銀粉舊牆欹銀粉綠油零落久江干茵桂塞門柳青天滴雨

存視樓集卷一詩

大

馴象鳴白日飛沙訓狐走西域真成度劫時江東那是爭鋒
手可憐九折復千盤信有人間行路難渺渺畫圖四廣遠茫
茫漏刻六更寒端州展現愁盈眼大理開屏血點爽人泣劉
郎盤正墜馬隨李令汗初乾任從石爛猶瑤海便是天荒也
玉壇天荒地老偶然耳漢闕唐陵只如此此度淒涼端可哀
當年突兀平臺起指點摩娑奈爾何愁中今古醉中過湘南
燕舞風無限太液鯨翻浪幾多開得斷腸詞一紙落花分付
雪兒歌

送友人之越

故人匣裏鳴聲起蛟龍墮地躍秋水攜向掌中出門去長嘯
一聲天地紫日落黯淡停雙橈月落便發伯通橋帆影曉上

笠澤樹權聲秋蕩平江潮行行舟入水溪處烏程釀酒美如
乳狂飲不作越客吟倚歌乍變吳兒語吳山漸遠江流開人
在於越句踐臺百丈滄海赤霞起千片錢塘白雪來知君對
此愁盈路七月年年芳草暮孤月啼鴻醉裏聞微霜玉樹夢
中度人生踪跡易沉浮越水吳山共暮秋三江新移中執法
八郡舊屬古揚州迴看姑蔑風烟色摩娑雄劍三歎息相送
高吟淚滿衣白雲南去秋無極

鋤菜詩

東風吹雨過江上莠生蔽虧江上田官衙兩隅多隙地頗種
細菜菜葉鮮使君梳穢而爬垢試之小術如應弦大者平視
碧于玉小者亦復驛驛然采之可以佐午食緩步高吟坡老

存視樓集卷一詩

九

詞何曾昔日同一飽春盤生菜徒華滋周莊康菘達伯物况
乃趣思葦羹為俗古地偏民豐樂飽食秬稻拍手嬉使君署
冷常鋤菜聽取湖州刺史詩

霽雪行

昨夜雪暗清溪上溪水皚皚冰一丈鴉鵲瀉瀉迷宿向鯉魚
候雁空惆悵溪東日出爛綺霞高樓闌干啼早鴉開門不掃
瓊瑤花踏雪去來醉東家

懷古

錦帆北向清河度隋帝離宮空烟樹瑤草春搖揚子風瓊花
暮落蕪城兩千年王氣歇南州歌吹空傳橋上遊只有舊時
明月在海亭秋冷不勝愁

踏青長句

上巳清明豔陽時野梅零落園杏滋昨夜疎霞稍作冷不放
條風令節吹寒氣斂花紅卷束細雨點水綠參差狂客祗急
踏青事沾襟濕衣百不知朝游城南曲午遊城北陞竹裏坐
烹茶屏間行誦詩歸卧旅館興未歇揭向故人書齋帷齋帷
穹哉俯渚波其外玲瓏石繞之文軒畫欄翠離披臨風一樹
玉交枝那不手把金屈厄此時雲澹空青移垂柳矧作鬢繫
舞折來愛歌孟津詞莫歌江南楊叛兒渡河無梁車無輓生
憎雙淚珠子垂明日更辦青芒鞋踏遍春陽春江濬

月夜渡江

君不見岷江之水來西羌年年四月漲瞿塘馳波直下幾千

存硯樓集卷一詩

三

里海門東入島雲長橫江津吏空太息真州估客能襄羊千
帆朝傍日邊發明珠作檝玉作檣環環齊宿孤嶼月金沙片
片白如霜我今挂席淮南去阻潮阻風久延佇壯氣憑陵六
朝塞逸興飄飄五馬渡無那後聲夢裏啼相思不盡青楓樹
昨夜疎雨點江濱今朝月出江上雲倚歌一曲炎颺落榜人
擊汰翠潮分中流對景大感激春申浦望郭璞墳把酒酌之
獨不見眼前烟草何紛紛聞道東州吳楚天澤國醜原苦霧
連江南楊梅寄不到江北荷花那成妍櫻桃摘却枇杷老愁
到月明坐自煎祇今疑着山陰雪何人爲泛剡溪船海陵之
倉橫寒烟蕪城宮殿絕可憐小山叢桂搖落盡淮王丹合徒
列仙枕中鴻寶書難遇黃塵滿地心茫然秋風瓊枝綠未歇

相期去去訪瑤闕進帆直作謝客遊萬里滄州拾海月

朱華行

清溪絕勝若耶裏十里朱華拂空起天上丹霞相映開可憐
昨夜點秋水溪邊煙色是誰家轉盡嬌歌河漢斜別有曲中
相憶處仙人掌上石蓮花

弔晉周將軍處墓

噫吁戲雍雲不反吳雲悠悠涼颼參差吹絲浮游寶刀離弓
地下留陸家健筆空橫秋江北兮五馬江南兮五侯侯家帝
里長已矣至今墓道羅松楸噫吁戲誰令雙溪日夕波却作
隴水東西流

早春同左近菴陳求夏曹湛斯蕭揆三舍弟禮執允

存硯樓集卷一

三

炭汜雲集謝景雲昔人西堂分香字

後春二日東風揚有客七人造西堂左君來自邗水陽片帆
句好該三唐時論近菴門外太邱詩法故淵長譙國草聖絕
璋皇僕家昆季侍者四如璞亂玉素混蒼西堂主人大小謝
新章力追眺與莊此日此夕雨聲湧信哉春草生池塘蕭郎
蕭蕭雨中投暮到古音清韻何琅琅趙宗穎發鳳毛翔厥齒
何似似王郎景雲子王郎之圖堂中央臨江高閣曰滕王紛
列殺醜盛冠裳獨乘一舸發馬當破浪如破林中篋皇哉堂
哉雅道昌是日閣趙千輓世咄咄此怪事水漾閣影塵封牀
不爾落霞孤鶩秀句傳八荒筆陣豈獨長風強底事低眉縮
手自摧藏吾徒閑罷三歎息何幸對此舉一觴周易碩果魯

餽羊寶惜不啻太廟璜矧迺友朋聚散雅不常不見是日不
至者杜陵有蔣詡豈潛江夏有黃香隆吉歌謹誌之俾無忘
風驅雨驟慨以慷

上元後一日諸子集九峰樓分林字

無酒停卮有酒斟南樓燭明明月陰新知夙好此同襟梅含
蘭吐聯清吟不腆之詞謹薦箴厥維何明盍簪人生日月
逝駸駸持此少灑大早霖比來夙雅信久沈瑤琴無軫劍無
鐔碧筇白舫兩蕭森思之真令萬馬瘠高者乃作劉季林不
無天柱宗衡濤亦有地紀通滇黔中間大息樂安任祇餘雲
棧悲噉孟門太行高復深慎無持比歲寒心君不見汝水
曲潁水潯龍門直上削百尋雲間雅自收灌鄴翠微詎必縮
斧礎吾徒生不逢損與參要不同羣木杪禽請君書此几硯
鏡此夕燭灰淚不禁一言直斷萬黃金萬歲千秋山水音

存硯樓集卷一

五

偶述二首

比來風義復何如以文爲改字爲漁畋漁業以多所獲苦持
置網計良疎乃知今人術勝古古人投老守禽魚不見台州
唐侍制空嘲倉使不解書
太守刊書以餽遺破使官錢信不賁初持一部獻倉使倉使
曉曉亦受之今之史籍刊者寡刊者豈必爾許癡嗚呼台州
勤較稅疲氓日日號榜箠

存硯樓二集卷之二

宜興儲大文六雅著

丹徒張冕冠伯編
崑山徐柱臣題客

近體詩

閒居懷晉遊

十載推輪處蒼茫憶舊遊山川開右輔風土異南州雲度黃
榆晚秋高汾水流平生湖海意何日紫驂驅

夜起

北風吹我枕起視素河微此夕秋溪處誰家夜擣衣院靜梧
桐落天高鴻雁飛相思湘水曲有客未言歸

秋郊有懷

存硯樓集卷二

詩

不盡郊原外秋聲處處聞人家連積水空窻帶寒雲遂有長
風至蕭然落木分今朝停策意惆悵獨思君

八月十五夜

寒天幽賞愜令節逸思賒霽魄明金闕秋河落玉沙空聞八
月雁未拂五雲車苦憶吹笙侶山中拾石華

有懷

尚憶登臨處霜天墟落間夕陽寒菌閣秋水到柴關肅肅雁
雙下飛飛鳥獨還祇今小隱志車馬且吳山

野眺

山城一以眺秋思轉依依亂水將寒壑流雲與落暉夜荒征
客少風勁馬羣歸奈有巖棲志行歌未拂衣

溪行

夕鷺清溪淡輕棹興若何扣舷踟躕念遠悵蹉跎荒成春
雲合空山落日多蕭蕭風北至浩蕩入悲歌

感懷

伊人渺遠志徒倚清川涓擊汰知獨往采芳空所思雲歸湖
上近日落峰南遲不極登臨興風流亮在茲

行到

行到招提左杳然凍浦長都無帆一片只有雁雙行古木殘
晴雪高原渺夕陽此時烟色澹遮莫坐成忘

元夕

今夕多勝事尊前百遍看九衢明月迥萬戶落星寒雅有金

存硯樓集卷二詩

二

鐙列將無玉管關抽思空谷裏白雪長幽蘭

寄家書

別思都來近其如花發初鄉關獨不見江水正愁予曉日籠
鼉出春風鴻雁疎聊裁數行札寄作故園書

偶成四首

何處愁心遠晴潮江上波鶯從隔歲聽花似故園多夕露生
青樹春雲垂綠蘿正當回首望別有惜離歌

欲識思鄉意江潮又綠波一帆人去少二月雁來多日出照
薇蕨風高寒薜蘿何當故山上踏盡白雲歌

秋色朝來至蒼然野迳初蕭森梧葉落淡蕩白雲疎隱几聞
天籟倚門把道書樵夫歌不遠日夕過吾廬

吾生聊習靜幽興近能工偶到小山去獨看野水空樵夫頻
去住魚網故西東不覺春雲暮柴門烟火通

晚泊

陰霞江上景單舸一清尊近市人歸晚前村潮到門晴天橫
白月古戍開黃昏湖海當年氣他鄉此夕存

夕眺

向夕深秋氣獨游江上臺浮雲平北望返照自西來作客驚
時序登高把酒杯悲涼更懷古吾意起徘徊

宿山寺早起

不知山寺古獨宿講筵時殘月疎窗覺長風靜夜悲居然暮
春鳥啼上最高枝起坐石溪曲晨鐘花下歸

存硯樓集卷二詩

三

聞有彈琵琶者偶賦

昔日明妃嫁含悲出塞秋傳來馬上曲不管漢宮愁調入胡
笳慘聲同羌管留至今江海旁雙淚若為流

客館葵

旅館戎葵勝亭亭花發初輪心不成卷衛足未全疎玉露連
豐草金塘映早蕞最憐人事散作意媚堦除

隔歲

隔歲棲遲處江村氣象幽菱荷相映發叢桂亦淹留載酒孤
舟夕題詩曲島秋豈知朋侶散獨對五湖愁

環滁

環滁風景好心賞少時同古驛連峰下人家流水中逢僧能

明法走馬若乘空爲話十年事寒樽思不窮

夏景

幽花繞曲閣芳樹接平臺雨自溪中度雲從簷際來行杯具
鱸膾摘果得楊梅賦筆將明月應同爽氣開

偶賦

滇南雁不到音信復何如遠謫路無限生離恨有餘風來畫
閣冷月入錦江虛未放金雞赦空成相見疎

淡院

深院寒於水秋風日暮新唼聞蟋蟀苦聲繞菱荷頻繙帙到
樵者談玄來故人隔牆喧莫問不是孟家隣

蕉

存碑樓集卷二詩

四

蘭菊不同種蕉花不並然翰隨紋漸曲葉爲扇先圓夜雨長
酸雁秋風偶咽蟬綠沉窗下客愛殺碧空眠

竹

簾散琅玕月帷開翡翠天此中人不見何處客相憐衛女臨
秋水湘妃倚夕烟豈知荒運裏別有竹林仙

坐愛

坐愛青溪路宜彈白玉琴蒼山多桂樹寒浦盡楓林雲向塔
前宿秋從門外深何須令節酒始見古人心

寫意

君向燕山去古人未應過千杯傾綠酒一劍渡黃河不以逢
迎盛而忘俠客多定尋擊筑處停策一悲歌

冬日

冬日蕭條候獨行斥戌傍人家出烟火郊野有風霜未卽年
芳盡猶能寒思長迴看搖落意古木自成行

送王序倫巡榆林

上郡榆谿塞長河繞北流朱旗一片曉畫角萬聲秋按部顏
公澤連屯范老籌知君懋遠略開府古豐州

送韓祖寄宰柏鄉

昌黎起八代密縣拜三公循卓傳新績寅清振素風戴星時
拱北望日總朝東記取臺前柏佳名此地同

送魏士瑛之山西

雲山三晉渺汾水自秋風君策驪駒去新承臺檄雄銅章微
縮綠花綬半垂紅最續書蘭省明光草奏工

存碑樓集卷二詩

五

偶成

有客索居城南祠塔前颯颯寒颼吹美人贈我玉筍布今夕
酌彼金屈卮徘徊高挂秋天迥起視繁星夜半移把酒茫然
忽如醉刻溪烟月空相思

秋日同冲扶登邑城樓

端居不樂一登樓與爾徘徊對素秋雁度千門頻北望湖明
五派盡東流長空飄渺瑤華圃落日蕭條杜若洲何處清砧
重回首巖城深憶十年遊

秋思二首

江上高樓結綺錢美人愁思在樓前畫簾清簟三山影疎雨

微雲七月天何處玉沙寒拾翠異時珠檝晚留仙梧桐樹老芙蓉冷望斷明河長不眠

橫笛短簫悲莫吹登樓且酌綠瓊卮蘭江雙鯉無消息楓浦千帆空夢思回首南來秋雁落側身西望夕濤移沙頭風色連朝勝借問行人歸不歸

雪

梁苑臺空不復開郢中調烈迥難裁絕憐疎霰催寒到雅有流霏度閣來曉月長流天際樹春風全落漢宮梅美人獨卧瓊樓冷吹徹玲瓏玉笛哀

雪望有懷

江天白雪望如何徒倚高城抽怨多海思難禁人北去雲愁

存視樓集卷三 詩

六

無那雁南過玉山春靜幽蘭徑瓊樹寒生淥水波矯首剡溪舟不見孤琴一曲空陽阿

望山樓望雪山

珠簾曉捲海東霞瑤壁西南敞雪華日麗瓊崖青隱見天圍玉障白週遮層巒倒挂雲根瀑萬壑全移月樹花取是巨羅將進酒石芙蓉落一峰斜

元日

震澤毘陵湖海天雲峰雪嶠入新年影開玉洞歸蒼霧粧倚瑤臺澹翠烟歌鳥只調仙管外寒花故放綺筵前艷陽此日人傳語何處春風不可憐

渡江二首

古揚州地入吳天一片春濤兩岬連南雁隨人來野堠西風送客上江船檣明綠水晴雲落帆對青山曉日懸擊汰空思浮海興揚舫今賦采芳篇
十年不到古揚州此日扁舟賦遠遊斷岬斜陽征客意孤雲極浦大江流地連春草晴沙出天入寒花仙嶼浮遙把綠波空處指乘風東去是滄洲

踏波行

玉簫金管報新晴桂檣蘭舟返照生潮滿人如天上泛江空月似海中明畫簾四合清虛與仙袂雙移縹緲情無那春洲花露冷催教歌舞踏波行

偶賦用前韻

存視樓集卷三 詩

七

樓閣飄飄雪影晴玉闌干外夕潮生一城畫閣悲春色十里疏鐘散月明折柳落梅遊子怨緜蘭佩蕙故園情空青不斷江南路愁入雙崖夢裏行

踏盡

踏盡江春思不聊亂雲空恨雁飛高梨從西苑開千樹柳入東風折幾條野水渡邊無去槩夕陽亭下有迴潮匆匆正想鄉園景花事如何又寂寥

寄冲扶

南天渺渺獨愁予無那西風怨索居只聽清猿幾聲淚不傳仙鯉一封書雲連古塞平蕪滿秋到江濤木葉疎遲雨挂帆浮海月石華舊約定何如

秋日偶感八首

神京右直股肱郡山出平原古晉陽行寒食來鴻雁美橫汾
釣得鯉魚長三年走馬迴南斗五月摧輪轉太行把酒只今
愁北望漢家高壘倚寒霜

汴城伊昔繁華地舊國飄零俠客多關憶侯嬴投杖起市傳
朱亥鼓刀過寒雲古樹連長道落日清秋渡大河十載搖鞭
指點處西風蕭瑟入悲歌

下控中原河北路林慮王屋亂山遮呼嘯千畝淇園竹縹緲
三春鄴殿花朝雨捲簾皆翡翠夕陽騎馬自箏笳江南兩度
遨遊景獨遣秋江客怨嗟

存視樓集卷二 詩

八

離戈指數公白日獨橫吳關上青山盡轉楚江東可憐倦客
談遺事淚落尊前鶴髮翁

獨立古關開勝覽蕪城形勢渺予懷天移潮汐濤聲壯秋入
金焦山氣佳青草久封唐代節絳河初爛廣陵街絕憐日夕
風塵裏去道閑他白鼻駒

故國平居漢陽羨少年結客遊呼盧策停蒼霧夫山渺席挂
洪波笠澤殊天外有人遺玉珮江邊何處采明珠百花洲上
苦吟望寂寞芙蓉驚歲徂

傳言虞舜遊閩帝子南荒馭不停谷鳥林猿長翠艦湘娥
漢女空雲靨五溪氣合荆湖白九水寒翻衡嶽青秋草年年
平北渚何人月下為揚舲

萬里殺潼百二險關山那復帝王州每於地北氛祲起細聽
天西河漢流軍策舊吹高塞月葡萄新熟上林秋朱旗鐵馬
乘邊草都護金城莫破愁

揚州

揚州佳麗千年在南對斬嚴北固高海國雲霞浮島嶼江城
鐘鼓動波濤地連斥鹵官開府天轉樓船卒護漕俠少由來
多縱博輕肥愛殺五陵家

遣興

頽然孤館亦非癡几上圖書窗外詩掃落陳言莊夢蝶放空
庸態墨悲絲客從談後穿籬去僅到閒時攜簞隨鎮日疎狂
無一事曲肱高卧是吾師

存視樓集卷二 詩

九

夕望貽萬鶴

落日清溪樓閣開浮雲古塞兩徘徊無邊鴻雁隨春去直北
星辰入望來京邸可容方朔傲臨印已棄馬卿才依然采藥
名山約莫遣烟花處處哀

擬閨思

傳聞南下洞庭秋曾別東風去海州不見雙魚來萬里可憐
獨鳥傍孤舟青楓曉落長江水綠草春生明月樓遙聽離庭
一聲笛教人兩地若為愁

咏古十首

章臺郢館楚王居四國風流盡不如巫峽峰青低急鳥湘江
水綠出鮮魚雲迴故繞清歌上雲落疑看豔舞餘一自秋蘭

逐客怨至今暮雨侍臣書

茂苑千花嬌綺羅姑蘇雙闕拂新河帳前戰士橫戈臥廊下

美人按拍歌朗朗月生銀箭影蕭蕭風蕩翠簾波曉來遙望

使帆處一片雪山江上多

天子虛開諸吏朝侯家常插侍中貂春深玉殿花陰合夜永

金錢月色遙屏裏樽移人嫩嫩臺邊裙起影飄飄講臣誰誦

先王儉腸斷宮圍倚洞簫

萬里霸圖讓玉妃十年王氣卷龍衣芙蓉沼內凌波去楊柳

堂前攜酒歸鳳轉南畿天渺渺烏驚西塞夜飛飛可憐刺史

銅鞮唱回首軍營鐵馬肥

百罰深杯到從臣五言新製屬才人花明只對江中月樹迥

存觀樓集卷三

十

偏臨閣外春學得北方簫鼓合傳來東府羽書頻此時禪草

封瑤席比日鐘聲報玉宸

馳道年年迎鳳游御隄處處引螭舟李花不為鑾輿放柳葉

翻紫絲管愁日出黎陽冷萬戶秋空淮水落三洲如何畫手

開靈秘未許蕪城作帝州

磧北安西營兩睡開元天寶太平時高高白月懸宮漏淡淡

微雲移禁堦樂闋急宣供奉至酒酣長遣壽王知惟聞半夜

秋槐雨滴到花間凝碧池

六代飄零舊事殘昇州文物更長安詞從潮水穿宮得畫作

鍾山憑几看閣道微微仙梵遠苑牆隱隱玉笙寒秋聲亦在

永陵裏不放嘶風石馬關

國史參差天漢章珮環縹緲禮東皇無邊花石移巖壑一帶

林塘入沅湘別院龍吟知幾日嚴城鶴唳已微霜可能泛泛

鳧鷖曲時度森森珠翠香

七朝秘幄傍居庸十葉華辰周衛重霧散不知赤豹遠風鳴

何意白狼逢受遺保傳稽皇祖去國詞臣泣孝宗聞道祈招

還有信寺人爭捲夕班從

贈起潛二首

黃金白壁事天涯玄髮搔來已點華直北軍書空木葉征南

幕府亦荷花人談劉表劉琨久我愛山濤山簡家洮湫湖東

接荆水阿誰騎馬踏晴沙

浪說青衫最少年春郊無地把鳴鞭看花未抵簪梅好交葉

存觀樓集卷三

十一

何如摘茗妍酒態半酣傳曲水詩章清絕憶斜川憑誰為報

元卿道烟雨西湖倍惘然

雜咏六首

木葉山椒木葉疎頭鷺高宴續頭魚平沙先卓韓家帳涼陞

長停邗后車風後柘弓寒不發月中蘆管思何如海東青鶴

排空下唱徹霜天一曲初

內家衫子內家粧那道胡兒最擅場鼓吹北方傳滿月笙簫

南部轉流霜極知啼鳥愁千種爭奈文魚淚半行寄語并州

劉越石軍書昨夜屬徐郎

鎮北安東戟偃壇當關那報早霜殘雀臺灌瓦金聲古雪浪

雲巖碧色寒未信宣和藏本勝祇攜秋壑印文看憑君莫話

南朝事葛嶺疎鐘入夜闌

宮柳斜披千萬枝幾人對此劇成悲張娥老去留仙句郭女

新來捧賜詞今日縷裙怯水漾異時牙櫛待霜知如何刻意

傷春者只有司勳解賦詩

昨夜霜凋露井桐木蘭扇子歇秋風雙飛新說紫宮好却抱

無如碧玉工明鏡賜來長黯黯安車過去莫匆匆劉郎半老

龍驤貴賜斷妃家東復東

洛水臺城兩地緣西湖風物又千年幾時酒盞疎鸚鵡此日

詩篇泣杜鵑白蛤未逢春嬌屐青衫空倚晚江船鄴侯憔悴

羅生老何處烟波不可憐

春望

存視樓集卷二詩

浪說傷心畫不成黛紋千疊遠山橫那更淺水交花路坐惹

紫絲裊樹晴烟舫雙停新夢短春圖半卷宿盟驚奈攜盈袖

神仙淚空灑天邊白玉京

弔周將軍墓

士衡文誅右軍碑長記平西墓左陞東府推兵夕戰去中丞

對仗早參歸沉沙折戟前朝事隴水秦雲萬里悲借問荆南

山下樹幾時新上翠微枝

溪樓夜集和豈潛八首

爲子高歌歌半殘黑雲驚落劍光寒雅知飛將偏輸李無那

長城不屬檀七字詩成遺翠袖萬言書上頌朱干而今且盡

溪樓酒醉把中天月色看

爲語南朝勝事殘雲間雪苑落星寒酒杯寂寞今傳杜歌管

蕭騷舊姓檀前輩已傷大垂手去年又到小長干諸公滾滾

無多事好把南山月裏看

詩家莫和曙光殘一望烟波處處寒衫色挂青雲裏桂幟鋒

分赤夢中檀珍禽雅說棲蓬鳥凍雀何曾去紇干今夜淒涼

倦司馬可拈溪上露華看

聞道龍城烟景殘笙歌別隊鐵衣寒將軍夜半吹金莢使者

春淚走白檀愁裏月明空積曲夢中花落遠江干疎帆倦鳥

蒼溪晚爭似高樓放眼看

茶烟一縷颺初殘底事生教禪室寒剛說拾遺非杜璩又傳

招計是王檀人當午月空知煖士到庚年那屬干稍喜南皮

存視樓集卷二詩

吳李仲金爐遠得掌中看吳君霖著 出爐示客

南華卷帙把成殘未信莊生蝴蝶寒斑點一林仍譜竹紫紋

千疊不離檀春秋我異晉孫盛迎送人同楚子干此日樓頭

禪榻穩恰將新浴晚鷗看

雨家司馬事凋殘可遣新安江色寒南溟清文知約芷西山

烈調自沉檀指金文 毅公君今一室維摩詰直斬三軍涉夜干莫

是黃峰明月好獨留絕頂待長看吳君新 安人

一帶連錢嫩葉殘又憐五月早荷寒雅宜竹葉深含綠那滅

梅花細沁檀秋信無憑霞絕斷晚粧多試露闌干小樓爲問

清溪月曾否西施月上看

去年五月飲溪樓和豈潛檀字韻律條爾經歲問爲

追憶再和四首

精舍題詩事已殘，隔年還怯酒杯寒。無端落水催青翰，刺有文苔怨綠檀。閒夢不禁花浪裏，抽思長在卉湖干。仍拈老韻工詩句，把似元卿仔細看。

不憐翡翠羽摧殘，自有明珠照眼寒。短調微辭偏對茗，輕槽脆板未須檀。美人去後吟朝雨，香草新來譜夜干。一笑風前何所得，去年此日碧波看。

年年五月正陽殘，翻覺今年襲袂寒。室有流薪苦無粟，園多脫葉已摧檀。農曹自合稽金庫，獄掾何人傲發干。太息同文新議烈，可經鴻範傳中看。

未省衙參廚傳殘，衣冠何事坐生寒。祇因乳虎驕湛稊，直使馴龍戰藝檀。人世不言工自媚，夢中非意亦相干。閑腮無計閑繙卷，驚到良鄉軼事看。

存觀樓集卷二

古

送蔣先生東歸

蕭颯秋風古堞前，送公帆點洞庭烟。青衫可許騷人見，玄髮終輸朝貴偏。放眼江湖尋釣石，側身天地把吟編。未驚權左鷗棲穩，一片征鴻正晚川。

上界仙人洞壑游，年來嘯咏劇清幽。龍潭菟嶺時停策，紅樹黃柑恰倚樓。豈必江東招沈苑，其如鄴下薄應劉。人間勸駕知多少，只有烟谿南向流。

集湛斯齋紀遊兼簡周翰暨同集諸子

締綰淒其奈爾何，豈潛朝相逢花底一悲歌。忘名已把樽前

解草聖誰遺籠內鶯，湛斯玉堦四壁屏風非故國。觀孫文介詩屏半樓烟樹是垂蘿，西園本紀曹家集，况有康成箋註多

觀孫文介公壽陳少保詩屏風次韻

一代飄零知幾人，海天宮闕化金銀。空聞立鶚來，遂去那憶啼烏夜。復晨書上三朝悲許止，孫公爭檄飛四鎮讓娥親。陳公言驕弁摩挲遺墨荆南感，秋雨秋風雪水濱。感荆南而指曹

圖書二首

眼對圖中百二州，直憐今古一荒邱。前堂樽盡隨脂習，西曲鞮飛奈隱侯。以此棲棲無所遇，未應脉脉自成愁。人間風景知多少，信有江天雪夜舟。

存觀樓集卷二

古

淒落亦非疎，經營海嶠分。阡陌牢籠溪熾失，吹漁此度南樓清。倚處滿天寒，雪正晴初。

除夕

不道寒光總不如，烟花雖好奈成疎。雙行涕淚紛秋雨，一夜愁心是歲除。世態祇應清角裏，浮名半在藥鐺餘。枯菱凍橘明朝事，未省江邨也到渠。

簡曹錫如

當代風流凋落餘，唯公華髮自詩書。識參響梵千聲後，才在仙遊百首初。傳是家樓紛卷帙，曹氏宅傳七世邑中罕有却非墨格襍蟲魚。轉因伯業蕭條甚，惆悵臨漳霸氣虛。

乙酉放後送禮執之燕二首

第一江南搖落人臨岐况是淚沾襟蓬山風櫂原無分瑤海
冰絃別有神那道松楸輪將相獨難桑拓問交親今朝何限
窮途感併在車前十丈塵

藤已成霜管又丹上車著作進賢冠隨肩莫信朝叅易結舌
繇來史館難雷李清班輕駿足姚楊下士笑漁竿非窮非達
皆絲淚羸得離樽點半殘

贈孫公麟

驅馬淄河看落暉淹中稷下事皆非敢言短策偏縈恨無那
長饒劇苦飢北海酒樽雲列幕江南歌管露沾衣憑君話盡
流年感燕子迎秋又疾飛

青州咏古四首

存視樓集卷二詩

夫

步搖遺恨疊徘徊回首旌旗失滑臺海上今無封奕在天南
飛下寄奴來一時大岷安危計十載中山陵廟哀添得風雷
倍惆悵寒宵又報五龍開

楚州兵甲海州波控據全齊勢若何寶鈔文憑客子造花槍
樣出女兒多千行城堞排榆柳一到湖亭怨芰荷那似東平
嚴萬戶清樽幕府日高歌

鄴下枋頭雄鎮移安平東莞路艱危謝郎北向經營日苻子
南奔涕淚時鶴唳殊威空震蕩雞棲新語亦迷離可憐一卷
濠梁與河朔風流獨自知

莫道平盧控海涯長安西望汗雲遮五經有子新持節十計
何人又押衙零亂書籤慚魏帥淒涼酒盞答皇家最憐貢使

潼關路突騎流星散夕鴉

雙忠泉

分支清濟石稜開環碧曾經九碧來勢比覆篋含雪月氣同
磨劍卓風雷幾年瑤海濤千疊終古華泉水一杯那數城南
金綫引秀春兩岍畫樓臺

秋杪寓登州夜坐聞雁

一道哀鴻傍屋移江南倦客坐聽時地當窮海風偏急天入
殘秋月尚遲行路誰知關塞險謀生難把稻梁期飄飄書信
淒清調爲爾新添鬢上絲

開福寺二首

竺國分來佛號重蒼涼今日認遺踪清池想像西湖水野阜
依稀北內松生死宗臣神鼎在安危社稷合門封千年涕淚
千山雪可爲青天怨白龍

存視樓集卷二詩

七

七葉仙源語未凋龍飛遺事比鴟鴞壽皇殿裏空宵漏留相
江邊待早潮引得綠衣中使淚招來白髮講官朝茂陵楚邸
無窮恨只在宮花一樹飄

衡州二首

當年帝子下湘州華蓋千峰指顧收北地笙簫橫浦雨南天
樓閣上京秋淒涼舊事空朱社零落遺民盡白頭只有朔鴻
驚却處依然宮瓦月西流

鷓鴣何事向南移啼徹三軍淚落時露咽不勝斑竹葉雪飛
又到海棠枝點蒼圖畫愁來度博白溪山亂後疑惹得翔龍

荒殿裏離離碧草總如絲

鄂州山水

一道春江露濕衣飄零遺事總成非青山有雪金陀恨赤壁
無風紫蓋飛渺渺鳳凰終不遇茫茫鸚鵡欲何依空餘萬古
東流水寂寞沙州雪打圍

歲宴四首

帶窗連天匝樹林若為窈窕又蕭森岐途已惹行藏淚歲晏
兼勞去住心東過表宏明月在南依劉表暮雲深瀟湘清怨
關山曲短髮長謠兩不禁
憶得風高十二樓紅霞蕭管碧霞表人間何日初淪謫天上
于今難寄愁有袖自懷雲峽冷無錢空說雪堆浮西牕夜半

存硯樓集卷二詩

大

蕭蕭雨不是湘南亦白頭

一片桃油平外城烟筠霜葉愛琮琤才非青兕誰吟曲女到
朱鷺亦解兵收得交弓衣縫合磨來重盾墨光明繡旗錦織
情何限只在江郎夢裏生時征紅苗

戍角停吹鼓罷樵寒雲落日影欹斜天高西蜀詩中栢人對
南唐畫裏花翡翠幾時飛去信鷓鴣前度聽來差湘東蕭瑟
江東集惱得羅郎筆似鴉

阻風呈楚中諸友

落花消息隔年期又見涓中柳半披放迹正逢王粲地離懷
况是介推時望穿雁足書初到閱盡烏頭夢亦疑傳語西州
諸酒伴莫教客鬢搥成絲

七夕為秣林諸同學贈輦下故人

山點蒼烟海碧流榆陰桂影那縈愁瓊娥東啓三千戶玉女
西登十二樓灩澦樽飛高界露飄飄笙度半天秋誰憐塵世
挑絲手刺促殘燈不肯休

宣城道中寄王生

宣城形勝古來傳一棹長風兩水邊嬈覽廢營餘宿霧臺濛
連壇入寒烟時無片石題硯客地有千灘披錦仙寄語王郎
勤努力高齋依舊碧霄懸

宣城寄諸子

為報雙溪好附書宛溪今日寄雙魚地當謝朓閒吟處人是
江淹惜別初海內襟期惟二老質人燕村寰中風雅擅三餘千秋

存硯樓集卷二詩

尤

供奉流傳句賴爾清文一起予

戊申十一月長至後二日諸子送至壩上舟次賦別
銀林江裏水西流去住襟懷一蒯緱衝雨屐聲非訪戴乘風
帆影是依劉東山雲色還疑曉南浦烟波半是秋何限臨岐
珍重意明珠照乘莫輕投

弔周將軍墓

弓劍征西去衣冠拱北藏至今荆浦外落日對人黃

曉步江岸留別吳陵俞秋巖

曉立誰與語江風吹小寒最愁清絕句今夜夢中看

懷友人

美人暮立西湖灣湖水木落帆未還夜半吳歌動鄉思明河

低月橫秋山

咏古二首

詔遣詞臣檄蜀都武皇親按舟馳圖印中父老能相難曾食
天南芍醬無

侍臣奏賦似相如待詔新承豹尾車執戟十年終寂寞主恩
還給石渠書

宮詞二首

內家三部舞璫裳侍宴西宮漏未央唱罷伊州重疊曲長生
殿外月如霜

長門夜色雁初過却捲珠簾秋怨多樓上闌干橫北斗殿前
流水接明河

存存樓臺卷二詩

干

傲古

白玉之瑄黃金卮酌酒飲君君莫辭扁舟明日湘江水上
清猿無斷時

有懷

春風日暮到溪樓無那前溪水北流一自布帆乘月去年年
花發爲君愁

咏史十首

帝宮南去一孤舟北望蒼然故國愁不見鳳凰臺上月吳江
無盡白雲秋

禁城夜月空悲吟古寺烏啼玉漏沉不道朔雲千載恨長陵
烟樹亦蕭森

新蒲細柳春江涓江上飛雲有所思無那侍臣搖落盡如今
不似別離時

漢江春曉白靈趨雲氣千盤繞帝都借問秦園宮樹長青葱
得似翠旗無

萬里南遷溟海天碧雞山北蜀雲連侍臣憔悴秋風裏長說
康陵御極年

七貴五侯承主恩星橋火樹月中繁天門夜半傳封事甲帳
徘徊憂至尊

千官珂散闥形扉扇影徐遮謁太妃何事君王朝罷卧漢宮
春色淚沾衣

侍女如花慘玉顏春風不復竹痕斑空餘一夜西宮雪留得
寒雲萬歲山

存存樓臺卷二詩

主

南朝君相未從容帝子驚心落日重夜半玉輿何處去江烽
照徹孝陵松

孤軍百戰到灘溪無限秋風雜鼓鼙况是清猿山下叫愁心
不斷楚雲西

春夜聞笛

寒鴻白雪見應稀此夜尊前玉笛飛江上梅花三月落春風
多少客思歸

夕望

落日蒼茫江上山倒開青障碧虛間白雲秋色望無極一片
征帆天際還

有懷

隔年簫鼓正花時無那揚州官柳垂刺作江南千萬恨樽前
惟有月明知

為愛

為愛溪山開處好晚陰攜得竹筇來綠瓊洲上青崖下一半
流雲影不開

紅亭

紅亭驛路古城隈獨對寒雲把一杯借問衡陽南去雁如何
帶雪獨飛迴

偶憶

鷓鴣浦上鳥爭飛蓮子灣中花發稀秋色不留仙客住月明
長送片帆歸

長送片帆歸

孤喚

青青孤嶼隔江陞尚憶雲中立詠詩烟舫南來江北去暮猿
秋雁不勝悲

送客歸

潮隨沙尾長檣去雁背山頭落日飛無復瓊枝人對飲空餘
金舫月同歸

讀荆公集偶成

溪果溪花映燭頻扁舟符櫓未全貧玉堂亦有安家興最憶
當年兩岸春

寫意

孤月寒鴉夢裏愁長江不解向西流雙帆自指石城去宿盡
天邊楓樹秋

咏古

巫峽巫山雲起時安如仙馭碧空垂不知粧閣丹青影可似
峰頭水雪姿

題豈潛詩後四首

一片寒溪落日間霜風又向隔年還荻花蕉葉皆零落只有
青青在竹山

能推十萬師

知君詩句愛隨州堅守長城百不愁吟到淒清雙淚落報恩
一劍為誰留

急管嬌絲聲萬千憑君唱斷竹枝篇貞元朝士元和謫綠髮

劉郎問碧天

東萬鶴淒二首

書成天問抵題書寄與清溪雙鯉魚不道碧蘭枝不好騷人
無命復何如

君山高與午天齊我在山東君亦西同宿山莊他日約三更
未必有鳴雞

霖蒼歸自子邑壽太夫人六十賦詩恭祝兼簡諮臣

鼎已成霜珠子繁天都豈獨紀軒轅君家文字龍文鼎那復

二首

詞人重一言

爭說丹砂泉底香
仙人曾此沐霞光
荆南亦有玉潭碧
助爾樽中碧玉漿

豈潛就婚二首

工于文字如君少
今日始逢知已憐
能步渠頭冬水漫
定遲雙鳥碧波天

雙鳥碧波天

新詩百首似追逋
且喜冬寒一點無
憶取去年羸馬上
輕烟遠岫入臨摹

遠岫入臨摹

哭友人二首

一曲清幽桐上絲
知音未必少鍾期
誰教早得成連意
政在悲號泪沒時

悲號泪沒時

存硯樓集卷二詩

五

已恨文章不盡才
青衫白髮重興哀
玉真夢斷瑤華死
暗雨奔雲天外來

奔雲天外來

送焦輪一歸泰興兼簡朱冶良海士國士張又銘令

姪言揚二首

秋風渡口白雲灣
一片蕭疎口掩關
况是君家山色好
片帆何事送君還

何事送君還

高談半雜夜蟲幽
十載江城憶舊遊
寄語朱郎與張子
故人絲鬢不禁秋

絲鬢不禁秋

偶題二首

許下元城册命新
漢家遺老淚沾巾
羣疑衆難誰言誤
王朗絲來引聖人

絲來引聖人

不才多病更何言
唯有東江書札存
十載鶉衣憔悴客
未將裾撇季長門

兩後江亭晚眺懷茅文潔二首

花底悲歌無限情
山中羣鳥亦縱橫
兩年江海相逢意
半是琴聲半筑聲

琴聲半筑聲

返照何時石壁前
綠參江樹亦凄然
華陽一片誰家嶺
不放雲歸欲暮天

雲歸欲暮天

焦山送許非池還儀真

竹影交陰樹影疎
烟巒月浦擅清虛
此間山寺東南勝
石室藏書盡不如

藏書盡不如

送陳泗源歸泰州二首

存硯樓集卷三詩

五

高臺空復鎖嬋娟
碧水周遭白月圓
最是烟花抽怨處
孔璋書記本翩翩

書記本翩翩

旣自寒雲濤自秋
十年湖海未成遊
豈無冠蓋紛紛者
不識君家百尺樓

君家百尺樓

獨坐蓬萊閣觀海二首

天容海色對相看
縹緲秋空帶半寒
最是可憐清絕處
紫瀾雙界綠痕殘

雙界綠痕殘

島中片日又生黃
紫翠迴環一萬行
誰識此時奇絕處
遙天雙抹黛痕長

雙抹黛痕長

鏡石三首

一方白玉自年年
偏對蓬山海月圓
莫是秦時童女去
長留

宮鏡照嬋娟

寫出菱花別樣粧分明妾意石紋香美人無限來看影不遣

清光照樂昌

武擔荒塚幾經秋相浦磨崖水自流何似海天清照裏玉京

仙女倚層樓

用昌字韻漫興四首

禪房經過又雲房也算蓬萊萬里航收得袖中東海去明朝

羸馬又都昌

東坡彈子過詩
云袖中有東海

石磬瑣細那成黃枯柳榭半卧霜自笑年來憔悴甚日將

苦語學平昌

豐碑底事再磨光清廟生民句渺茫莫怪衆輕韓吏部繇來

存觀樓集卷三詩

美

世愛段文昌

隔紗宮教鬢成霜披得簾中瑟瑟香解說內家無限恨師兒

遺事憶明昌

荅張羽京昌字韻四首

少小追隨翰墨場指揮短塵壓長槍今朝朗讀君詩句旗幟

堂堂避順昌

新詩百首咏霓裳描盡環肥鏡裏粧白傅近來才思減難將

長恨配連昌

蓮花幕府總尋常投筆男兒淚半行惆悵漢家都護節車師

西去又高昌

麝帕羅裙醉後妝翰林才子寫詩章三春花柳黃家女錦字

何緣寄永昌

漫興二首

皮船板屋早經霜統萬城邊木葉黃多少山河遺恨在無人

解取赫連昌

木穰金飢十歲驗火耕水耨五湖鄉常平若解貲郎力應笑

司農耿壽昌

獅洞

海石相對鬚眉蒼今朝騎馬來襄羊半雲半霧洞透影無乃

天欲吾詩昌

贈金以時

東海迴環萬里餘洞庭南望復何如金庭玉柱無消息只有

存觀樓集卷三詩

毛

包山一卷書

漢濱楊柳枝詞七首

宜雨宜風千萬枝漢南春望綠參差桓家司馬鍾情甚雙淚

垂垂直作絲

一江明月白如銀葉葉枝枝照水新照出春愁全不管可知

愁殺弄珠人

上遮碧落下瑤沙作意飛揚作態斜借問楚宮誰似汝柳花

真合伴桃花

秦姬鄭女擅清妍雪繞雲迴更可憐留得細腰宮處處東風

舞盡漢江邊

一片春濤恨未消子規西望亦悲號連娟二女精靈在化作

長揚萬萬條

霞珮仙琚去不還春江無計挽春山欲知神女歸何處只在

垂楊飄拂間

栗里無如摧折何灞橋枉自送鳴珂曉風殘月新翻調只有

屯田一曲歌

雜咏

片片牙旗題受降征南淚灑碧油幢龍江縱未西流去已見

黃龍罰一雙

除夕東王虎止二首

萬里烟濤三尺劍兩年風雨一枝燈匆匆除夕他鄉酒又度

淒涼却月城

存視樓集卷二詩

天

坐中有个衡湘客搜得千峰藏後書為把一杯聊借問明朝

霜鬢定何如

幾度五首

幾度欲歸歸不得登山聊共倒清樽諸公還憶江南否紅葉

橋邊黃葉村

東風况與周郎便昨夜新移樊口船寄語故園相識者歸期

只在落花前

紛紛滾滾總茫茫元髮青衫亦擅場不道凌風高譙者應勸

老去又山王

金水瑤泉千歲春松亭棕殿逐時新風流只有奎文記翰輿

岡頭戴笠人

今朝唐李中和節有个黃鸝鳴雨中何似寒驢充賦者慈恩

杜曲哭秋風

擬明人邊關竹枝歌五首

左投急備偏頭若右顧須馳全陝兵此日魚河飛輓道邊烽

高照橐駝城

烟波渺渺柳毵毵避暑宮前春色酣好是湖山清絕處征人

齊唱望江南

預望城邊秋葉疎高臺南去復何如青沙岡接青沙峴半是

熙豐營壘餘

雲鴉縣外草蕭蕭南控河提道路遙縱說營平榆碛磧且教

五郡祀嫖姚

存視樓集卷二詩

天

祁連千里薄穹蒼高關依然似朔方莫說偏都容萬騎黃城

直接海西疆

太原思孝張子不遠數千里來視疾口占截句示之

張子軒軒策騎來一鞭遙指萬濤開并州豪傑冲霄起直軼

燕京與北臺

水經注燕京山汾水發源即今管涔五臺山惟北臺為峻

偶成

楊花片片落金塘撲盡餘醪春俊香馬到鳳凰樓下繫不教

風雨斷君腸

郊外二首

江上花飛野鳥啼垂楊嫩嫩草萋萋無人解道春潮意亂水

寒雲落日西

青楓浦上白雲過無限芳洲夕欲波江北江南明月裏不知何處海潮多

晚唐書記十三首

延和高閣蠹青霄百里東塘戰艦遙幾度盾邊磨寶墨顧郎書記擅中朝淮南顧雲

毒手尊拳句最妍金戈鐵馬自年年誰教宣政樞機使噍類

流傳雲蔚天河東李襲吉

巨川文筆自縱橫多少軍籌畫不成最是三峰高照處石隄

谷裏草遲生鎮國李巨川

馮家詞藻振東陽萬里天西壁上章幾葉文孫三蜀客斬蛇

出虎語鏗鏘西川馮涓○馮宿馮定皆工文西番皆書定文涓宿孫為王建請誅田令孜陳敬瑄日開圍出

存觀樓二集卷三詩

虎孔宣父不責他人當道斬蛇孫叔敖蓋非罪已

羅城內向擅前知千載江頭兒女辭莫道雲英詩悵望汴州

露布早興師鎮海鎮東羅隱

襄陽博士褒常伯誰采傳聞瑣誕辭掌記秩登丞相府見聞

新錄史臣資鎮海鎮東皮光業○皮日休不作黃巢學士尹師魯皮子休誌可據新舊唐書鑑者誤也其說自唐末釋官核開錄削之皮

標名雁塔幾時還老入宣州幕府間皖口黃池旗盡倒枉教

留滯八公山宣歙杜荀鶴○田頌道前進士杜荀鶴約壽州朱延壽

書檄雄才說孔璋吳興新紀沈文昌衙推自是軍巡職矢在

弦前萬弩張淮沈文昌○文昌為文精敏嘗草檄營揚行密

濮州司馬冠清流宵騎天南海盡頭莫怪解裳詞繾綣金鑿

密記本離憂咸武韓偓○司空圖韓偓詩皆有情

策騎東西秋復春慈恩寺裏淚沾巾澧州僉判文場老直是

酬恩第一人澧州皇甫鎮○鎮二

逍遙谷裏總荒邱草曲莊前野水流只有玉鞭雲外指摩訶

池上太元樓西川韋莊

臺省班中早致身釣竿一手掌絲綸高雞泊裏鮮華客卽是

連雲大厦人天雄李山甫

玉郎仙籍定何知兩日蓬壺程未遲一樹庭槐龍爪茂故應

夢兩長絲絲衛房

悼僕

野戍飄蕭二十年誰從倦客晚江船故園蔬圃仍蕪沒一道

存觀樓二集卷三詩

淒涼阿對泉吳融開卿寓居詩自注阿對是楊伯起家僅嘗引泉灌蔬泉至今在

存觀樓二集卷之二



存硯樓二集卷之三

宜興儲大文六雅著

門人



序

中庸解序

松陵任坦菴先生雅嗜宋儒先生書學尤邃于中庸嘗著中庸解以闡之蓋匪近世孔氏中庸補註謝氏中庸集說啓蒙吳氏中庸釋論李氏中庸臆說之所克逮卽湛甘泉先生中庸測管東溟先生中庸測義考其指歸胥宜互釋而夏氏中庸行義顧氏中庸外傳不與焉夫實偕宋會稽子重石氏書克闡程純公正公遺指以開徽國朱文公輯畧或問之精義

存硯樓二集卷三序

者也元婺州白雲許氏曰章句輯畧或問三書既備然後中庸之書如支體之分骨節之解而脉絡相對貫穿通透矣吾謂先生書實克闡之然則文公問荅錄如江東提舉常平之刊三十二家鄙陽學宮之刊四十一家新安學宮之彙刊七十家有奇若使先生生于其時殆當自名一家乎先生文孫純仁雅工經義深有得于文公中庸章句詳畧相因巨細畢舉之微交而源流實錄先生始予爰序之以附史例儒林傳之後

四書述朱大全序

四書述朱大全子友型曾周君所編也邑西三十里雲霧周氏族居焉孝廉礎芹先生嘗受經于先祖文林公爲世名儒詰嗣型高型曾型仲胥嗜學而仲君型曾性尤沈篤子叔祖在陸先生暨先清源公雅器之周君長而益邃于學惇古誼建雲霧宗祠營祠田刊楚芹先生四書義經義闢祠側爲館舍以讀書間入城就子兄弟講學歸而肅課生徒從學者多肄業于祠館尊爲省菴先生先是楚芹先生承明季顧徐諸公講說四書後纂正旨一以徽國朱文公爲宗未歲業而歿于燕山之邸舍君所續先志編四書述朱大全蓋成書而得若干卷凡文公論語大學中庸孟子集註章句或問論孟精

存硯樓二集卷三序

義論語要義訓蒙口義暨江南東路提舉常平刊問荅錄三十三家番陽學宮刊四十一家徽州學宮總刊七十餘家以至論語何氏皇甫氏邢氏禮鄭氏中庸會稽石氏諸書又若易本義啓蒙尚書典漢註詩集傳儀禮經傳集解禮書二十三篇太極通書義西銘解義暨小學家禮資治通鑑綱目伊洛淵源錄五朝名臣言行錄別錄以至朱子大全詩雜文集楚辭泰同契註韓文考異諸編又若道州西京鄜夏范陽暨伊洛門人以至南劍延平崇安門人以至金華浦江諸書州次部居縷析絲聯迺彙爲一帙矣昔文公知南康軍復白鹿洞書院而呂成公誤記曰晚進小生躡等凌節忽近慕遠未能闕程張之門庭而先有王氏高自賢聖之病文公亟鏡于

院壁俾學者朝夕觀之今周君茲編覃思淺近四十年用力最專以久而且欲然曰此釋詁也某謹承先志用資承學士而已此所謂無躐等無凌節而克懲荆舒高自賢聖之病者也周君昔肄業紫陽書院子師儀封張清恪公時撫吳見君一編而善之勗其成書清恪公嘗慨然謂子士不孰紫陽諸書經術輒易差迨周君述未編刊成而公不及見周君亦尋歿矣惜哉君族孫某門人某祈益永茲編之傳而予泣然序其端以見君之好學精思老而不倦蓋子由世譜稔得之而尤祈誦是編者之重釋于成公白鹿記也周君又有易義未克刊

存視樓二集卷三序

三

姜上均周禮註附序

談周禮者必慮百十家至宋薛士隆鄭景望程沙隨陳君舉同父諸公始得先王經制化而裁之之要予嘗誦君舉進周禮說序曰二鄭諸儒崎嶇章句窺測皆薄物細故而建官分職關於盛衰大指悉晦弗著漢魏後頗采周禮亦無過輿服官名緣飾淺事而王道缺焉盡廢又謂藝祖列聖任子及於異姓取士及於特奏養兵及於刺員蓋周衰且千載而詩書之意於是焉在夫所謂特奏乃屢舉不第宰執侍從覈其藝學湛焯者偕五甲奏名如羅豫章先生是也矧少與計偕殖學復三十載尤條析鈎貫於周官經世務之指年又財齒服政忍訕之而不俾少展乎昔宋宣文君儒家女耳背負父所受周官音義於鹿車推徙之間諷誦不輟後符秦立講堂其家置生員百二十人隔絳紗幔而受業周官學復行於世北周使尹公正語周禮齊人不能對乃令熊安生至賓館一一演說咸究其根本公正深嗟服而還周禮不肄於學宮且四五百載今姜子獨篤嗜其文詳釋其義又當可以有為之年以漸少振鄉遂大夫之職而未試而若或尼之意者天適欲昌周官學復類講堂賓館故事乎姜子勗哉今其南也有司且當柔革飾輪以埃

存視樓二集卷三序

四

石屏州志序

四庫書地理類其以志名書又都邑析編志而不畸隸於異物方物者梁元帝有荆南地志二卷樊文深有中岳潁州志五卷沈懷遠有南越志五卷而唐石泉王氏有九嶷山志十卷至宋而府州軍監縣暨諸山圖志差詳唯次道宋氏長安志洛陽志尤著至明而府州縣胥編志惟對山康氏武功縣志尤著 國家文治丕振纂修一統志十八承宣司又脩修通志其府州縣雖僻左荒岨固不編志而滇石屏州志尤著典而有勝情覈而有逸景迺吾師檢討張公發凡起例而州人士欣佐以葺之者也公曩蒞洛師嘗續河南府志四卷識者謂可武次道洛陽志度陸機戴延之諸編應未克遠軼之

存視樓二集卷三序

五

今石屏州志經地緯事情景萃輒俾展誦者慨咏於春水渡旁渡夕陽山外山之襟緒而雅不失漢晉志體其州人士美秀而文雋承宣司式者科率十人雋禮部者亦不減四五人長寺監標坊院詩古文詞流播海寓沐芳馨藻亦雅與重湖疊山景物埒然則茲編之傳雖四庫書目所載袁滋雲南記實勝雲南別錄行紀徐雲虔南詔錄暨段公路北戶雜錄且宜後顧千百獲而端揖避之矣而瞻思丁後諸紀錄又奚庸推論焉

浙疆指掌序

常熟杜林汪君歛春谷程君自出也春谷偕商邱宋氏遊浙誤瀾疆指掌杜林視子曰盍一言子嗜其簡而有要言以引之曰春谷書據通志而參以郡縣志覈道里譌舛滋多子畧考之江山南至小竿嶺浦城界百二十五里東南至遂昌界東磧嶺百里江山志書東南至小竿嶺譌也淳安北至昌化界審嶺百五十九里其至昌化也蓋二百四十三里昌化志書百十里譌也湯溪東南至遂昌界周搗七十里湯溪志書若陽四十里西南至龍游界方山二十里金華志書四十里又書永康東北至塢長坑東陽界五十里胥譌也縉雲南至石笕青田界六十里縉雲志書百里譌也春谷書既胥覈實

存視樓二集卷三序

六

而海寧浦江湯溪寧海記里畸盈餘姚上虞曠記里畸詘永康武義之界楊公橋舛其里宣平西西南之陳寮舛其地浦江至建德湯溪至蘭溪記界盈而記至詘暨他步界至里盈詘不及十者胥例記之傳疑也上虞南至曠盈石林舖六十里曠南至新昌盈天姥舖九十里樂清北至仙居盈溫嶺百里此胥據通志而書者也予未至浙不熟斗牛女分野然間有疑者春谷杜林雅嗜古而商邱富卷帙願胥考之宋史書蘇文忠狀曰自瀾江上流石門鑿運河二十二里有奇以達於江又竝江為岸八里有奇以達龍山之大慈浦又北鑿嶺六十五丈以東達於河又東南行四里有奇以達運河而避浮山之險今蘇文忠所狀侯信州所議倘宜復相度邪昌化

西至豈嶺關志傳七十五里安吉東南至獨松嶺四十五里餘杭西北至關七十五里開化西至百際嶺八十里倘宜準小竿嶺例而精覈之邪抑雅不譌舛邪夫上虞越海界華亭餘姚慈谿越海界金山胥可以潮記里定海財界崇明百十里而馬浪岡洋界高句驪說似荒幻胥道里考也抑子聞華頂鷹窠頂十月朔胥望見日月合璧雅嗜其奇又奇元李孝光雁宕諸記他日至湖東西鷹窠度易陟願并華頂雁宕暨天姥雪竇五泄兩天目諸名山而胥里且跬步之也

曾子固文集序

唐宋諸家文並照耀區寓而學者獨於子固爲近宋之陳無已明之王道思歸熙甫胥軼同時諸公上而其派別者雖才甚胥無能爭勝焉韓子曰巧匠目意中繩然以規矩爲度夫元豐曩者亦文之規矩尺寸如法家比律例一成而不可少增減此宋明之能言者所以胥盡心焉而其蘊獨爲軒豁呈露非如昌黎而下歷今千百載概多掩遏也予旣決擇如干首而復采之曰史稱子固文斟酌司馬遷韓愈夫誠得子固法而又於子固之所斟酌者將有得焉則承學治古文之道思過半矣

舍藏窩存藁序

夫文章之獲遇於世者至甲科第一號為華貴然自宋建隆四年以來試策流傳如張橫浦王梅溪陳龍川文文山大率以疎宕之氣運卓犖之識尤克焜耀簡帙而以較唐宋制舉制科諸策業不逮遠甚至明則策藁具在多不能裔萃經史推極理亂又豈能窺古文辭變奧雖其人間有瑰瑋絕特者亦縮促於規制率不能曲暢所欲言而以其辭之首達於御覽也故至今猶胥傳之予按序貢試大廷自明初定制卿貳侍從多出其中而序名之尤高者辭輒達於御覽如休寧楊芳溪先生當嘉靖壬寅萃天下貢士凡千七百有奇胥試於殿陛世宗特署其卷端曰楊奎第一此與世俗所託御筆題

存視樓集卷三序

九

紅者奚以異昔宋陳龍川臨軒試臣僚定甲科第三光宗拔置第一及知為龍川喜曰朕覽果不謬先生亦自第四置第一世宗英鑒此即賞山陰徐渭白鹿表之識發於繙卷者也其事亦雅類光宗蓋先生文氣殊疎而宕學又足以達其所見陳情指事深有合於唐宋名臣之奏劄而惜乎七試而不第故其遇主者止此先生嘗從高陵涇野呂公學呂公誨曰知行非兩事為學不在多言顧力行何如先生率奉此以誨其弟子後銓注潯州府推官循聲懋著會藩府墨者齟齬之乃謝事歸賦詩曰匹馬雙僮度嶺來清風兩袖振衣回生平世味原無取消受潯江水一杯其風致殊可髣髴先生著舍藏窩漫藁歲久多放佚六世孫上舍君信祖明經君佑良網

羅釐訂列為七卷斬刊之而信祖卒其子曰高復克襄厥戎先生之學彌得以光播於海寓蟠桃谷楊氏之世尚文雅殊可嘉也予爰約其概畧而序之

存視樓集卷三序

十

周子史鈔序

將斬斷數十年之加以治之而孤而無所依佐者則其憚治之也滋甚寒不資葛藟緝奚益暑不資裘縫綴奚益夫匪直治而必成之是憚而成而訖無以寓人之耳目者之滋憚也蓋世固存日習焉而不少倦卻者矣習於其恆也若夫治史則代異而年不同載籍暨心之神識胥無所交習焉而其憚治之也滋益甚吾閱士蓋差衆矣自一二耆彥外訖未有能舉全史者况斬其依佐乎而黠者且或侈辯以張之以自覆其眇所蓄而多所漏者曰吾惟經是治也此奚論經約而史繁而以甚憚繁之心治經不徒役而正長不簿書而要最吾知二鄭不書鄭王杜孔賈氏暨俎豆崇安而克成編者黃

存禮樓三集卷三序

十一

石屏張氏宗譜序

繇宋以後宗譜傳世者惟歐陽文忠公暨蘇編禮二書尤焯著歐陽氏譜圖以五世曰譜圖之法斷自可見之世即為高祖下至五世元孫而別自為世蘇氏譜圖以六世曰繇今而上得五世繇五世而上得一世一世之上失其世次而其本出於趙郡蘇氏蓋胥繇高祖至元孫以通行於無窮也然歐陽氏繇吉州刺史綜而下八世亾其譜至安福府君萬而始復見蘇氏謂譜迺古小宗之法而繇一世祖斬傳子祈業不克嗣其宗宗法譜例之久泯闕於天下也君子蓋慎言之宗譜惟魏晉至唐其學尤盛唐之衰而譜學遂熄焉近世士大夫家亦胥編譜而滇南萬里其克以宗譜自達於上國者惟

存禮樓三集卷三序

十一

石屏張氏尤焯著予考歐陽氏譜繇萬傳五世至柳始仕南唐為武昌令吉州軍事衙推官生八子號八祖第三子儀始舉南唐進士第鄉人因改廬陵之文霸鄉安德里為儒林鄉歐桂里官至屯田郎中儀子載舉宋淳化三年進士第拜監察御史官至尚書工部郎中又柳孫穎釋胥舉咸平三年進士第穎官至尚書職方郎中釋官至都官員外郎而柳孫觀亦舉進士第封崇國公觀子修即文忠公也舉天聖八年禮部試第一第進士甲科官至叅知政事蘇氏譜繇斬傳三世至序始仕宋至大理評事序子渙始舉進士第官至提點刑獄第二子洵即編禮也以編校勞贈中允而洵子軾轍胥舉嘉祐二年進士第軾官至端明殿學士轍官至門下侍郎繇

是歐陽氏蘇氏遂為西江四蜀甲族。今石屏張氏蓋系宋廣漢尚書石僕射都督魏國忠獻公華陽伯宣公之後。復繇廣漢徙巴縣。元之季年宣公裔仕至明威將軍。明初繇巴縣徙滇臨安之石屏州。世居西湖瀨。五世而顯。又五世至太僕公第前庚辰進士。備兵叙馬瀘。威德具宣。陟同卿。號一時名臣。又三世至吾師檢討公第康熙癸巳。

萬壽恩科進士。入翰林。亟司文衡。號名侍從。出典洛師中州。號名宦。公伯子騶仁君雋丁酉承宣司式。其他宗從序貢成均籍虞庠膠校者滋眾。蓋繇明威公迄今傳十有五世。而石屏之氏族彌顯。此胥宜武宋歐陽蘇二文忠蘇文定以丕振忠獻公宣公元勳遂學之緒者也。石屏山水清勝。湖瀨族姓

存硯樓集卷三序

三

尤滋衍。誦書力田。風尚醇慤。宗祠植松筠列岫壑全收瑞城。柱石之秀。而茲編部分州次。璧合珠貫。犁然胥可考覈。然則張氏宗譜。夫猶魏晉以後楊氏蘇氏韋氏之譜。孫氏之譜。記裴氏之家牒。唐謝氏薛氏顏氏虞氏孫氏徐氏施氏萬氏竇氏鮮于氏之家譜。王氏之家譜。家牒暨著錄劉氏之譜。考暨家史李氏之房從譜。韋氏之諸房畧。而張氏宗譜系石屏夫猶東萊呂氏榮陽鄭氏趙郡東祖李氏之家譜。吳郡陸氏之宗系譜。檢討公暨宗從考後讓次家傳。夫猶張太素燉煌張氏之二十卷。張茂樞河東張氏之三卷。而州人士傳讚頌銘獲附公家乘後者。夫亦猶李綽之尚書故實一卷也。昔歐陽文忠公見蘇氏譜而歎曰。吾嘗為之矣。出而視之。有異法焉。

曰是不可使獨吾一人為之。將天下舉不可無也。然則石屏張氏宗譜。夫實百官譜衣冠譜姓氏英賢錄之義例也。

存硯樓集卷三序

十四

晉陵卞氏族譜序

漢晉時卞氏譜望濟陰郡所謂卞氏六龍也。迄晉驃騎大將軍尚書令贈侍中建興忠貞公壺繇濟陰僑建康。偕二子眡盱殉蘇峻難。事詳晉書。今廟在雞鳴埭。墓在冶城。安帝時盜啓視面如生。爪甲環手背。廼賜十萬錢以封之。迄梁武帝時而中丞彥昇任氏嘗為忠貞公四世孫南康郡丞彬謨謝修墓啓曰。臣彬言。伏見詔書并鄭義奉宣敕當修理臣公高祖晉忠貞公壺墳塋。又詳碑表邱樹而終之曰。樵蘇之刑遠流於皇代。臣亦何人。敢謝斯幸。蓋彬字士蔚。上虞令延之子。延之以剛氣聞。彬工詩賦。而謝表必煩任筆。則濟陰卞氏迄梁時猶世居冶城也。今晉陵卞氏譜又曰。數傳為梁博士公華。

存視樓二集卷三序

五

姓苑亦曰華字昭岳。壺六世孫。善言經。官至尚書儀曹郎。蓋其差符譜。又曰華孫宏慶。為唐懷州刺史。垂拱後謫居巴。遂家於蜀。迄宋知祥符縣勅。廼繇蜀貫開封。實始纂卞氏譜。而其繇開封徙晉陵之永勝西里者。則宋建炎時殿前都統制恭謀軍事知洪州兵部尚書忠勇公長卿扈蹕而南。轉戰至常州道卒。賜墓於永勝西里之徐司徒巷。詔東平呂僕射頤浩碑其神道。子孫爰家焉。今按繇忠貞公迄忠勇公凡二十有六傳。陟峻科者二十有一。忠貞公偕王丞相王東海胥為永嘉南渡江名臣。忠勇公偕張循王韓蘄王楊沂王王僉樞胥為建炎南渡江勳臣。忠貞忠勇異代協軌。而成陽建興二公世系閱千百禩而彌振。然則今武進故晉陵縣之永勝西

里猶晉暨四朝之建康冶城也。蓋晉陵卞氏譜例。繇忠勇公

父節度公以上為前譜。繇忠勇公以下為後譜。忠勇公數傳為竹所公。雅望焯著。嘗纂晉陵卞氏譜。後茂才子真公復修其譜序者。浦江承旨宋文憲公濂也。又再傳而爽號南坡邑里稱東下。爽號靜樂邑里稱西下。世業胥克大振。猶唐聞喜裴氏之有中眷東眷西眷。趙郡李氏之有南祖東祖西祖也。嗣是而爽子齋號清逸。復修卞氏譜。建安太師楊文敏公為之序。繼後野公復修。壻主戶部曹事趙熙靖序。迄國朝而續修於荆良君懋先。前大司徒白公貽清序。復修於馨如君廷揆。知台州府吳公本立序。而析前後譜為二。則猶曩編也。今茂才君岳上舍君禕廼彙前後譜為一編。而其它衍益以

存視樓二集卷三序

六

歲之。是且彙繇漢暨唐濟陰卞氏譜。繇宋暨明晉陵卞氏譜為一。而并彙古十八州譜七百一十二卷。陳雷風俗傳耆舊傳人物志徐州先賢傳濟北先賢傳暨近世梁魯江左諸志錄而胥為一編。而條紀秩如。則又猶琅琊王氏之家牒十五卷家譜二十卷。而著錄又十卷也。蓋氏族人物藝文科目。爰振六龍譜望。而母儀婦道之克繇忠貞公裴夫人者。抑胥統具此矣。然則晉陵二望。光宣世業。夫又猶聞喜裴氏之洗馬南來房譜趙郡東祖李氏房之二卷。而李氏房從譜又一卷也。抑武進南運河迤東。土高壤沃。植木滋茂。雅類古濟陰郡南華曹南山間。而永勝西里地尤勝。卞氏世生詰彥。祠忠勇公追祠忠貞公。雅合宋鉅儒書儀家禮。而嗜賓禮賢士。竹所

公友吳興元承旨趙文敏公卒而文敏誌其墓里中古建萬木堂清逸公彌恢衍之初明齊安承旨詹孟舉嘗署鉅字曰祚遠而茂苑戶侍高青邱暨一時工詩者亦胥有萬木堂詩淳安太傅商文毅公嘗館玉淵公第玉淵卒而表其墓比北山公之卒也玉峯外制歸熙甫先生亦謬辭以表之此借宋思陵祭忠勇公文忠勇公謝救祭忠貞公文暨下氏諸譜系序胥克武梁彥昇任氏謝修墓藝苑宜寶藏罔斲而比舍弟萊叔館其里為輯譜述頌尤詳然則古有軒蓋世家圖書法物畢具而海內勝流開風而樂游其地者今永勝西里萬木堂是也

丹陽東氏宗譜序

丹陽三城東氏系出于漢東海郡之蘭陵太子太傅少傅裔也後疎氏去足為東居平陽陽平之沙麓山晉著作郎廣微氏時號碩儒王隱晉書著作傳所謂父惠馮翊太守兄粲與督齊名者也洎繇陽平而遷南陽繇南陽而遷合肥宋靖康時統領振祖又繇合肥而遷潤州丹陽之三城析支三城張巷畱壘其載于元杭州學正公道公之譜柯山王先生行簡之譜序亦綦詳矣昔南齊尚書令文憲王公著百家譜唐平章石泉王公著瑯琊譜繇是瑯琊暨祁縣元城霸城諸王氏凡析支二十一望遂為海內衣冠譜之甲然柯山先生實系瑯琊而其言曰南陽一望出于廣微無疑辭彌慤而彌有味則南陽東氏之一望何減陽夏謝氏之二望也三城東氏譜肇于元大德壬寅柯山先生所序也明季亟修比康熙壬戌畱壘宗正公盛復編纂焉凡得若干卷昔廣微氏嘗補笙詩其白華篇曰蒨蒨士子由儀篇曰文教內哉今丹陽畱壘東氏絃誦盈室既叶由儀軒蓋代襲復符白華而會華黍由庚崇邱之盛世則其望于京口建業間而烏奕滋行以彌永馮翊著作之緒者且未有艾也宗正公孫明經聚五君經義鷺鷥甲于江左今詰嗣茂才君在中獻歲走予已謁譜序是卽南咳白華之孝而潔白以養志者也信矣哉蝌蚪書遺訓克傳諸遠三城秀擬沙麓而平陽南陽之卓冠海內望族也

少正陳公年譜序

華州恭議陳公生二十有七年而中雋。又四年而銓注職。蓋嘗錄晉閩事。八年副中城。三年知林縣事。六年又四年里居而內陟紫微舍人。旋請告歸里。前後凡五年。乃陟主戶部廣東司事。又陟主浙江司郎員外。置旋陟貴州司郎。前後凡三年。乃陟僉青州海防事。三年又陟參桂平梧暨廣西驛鹽議八年。又里居八年而卒。凡生七十有七年。當其涖林縣也。民建祠肖像以祀。曰漢有太正長公太正奇也。輒署少正公祠書於邑乘。洎公卒。詰嗣紫微備三君纂公年譜。爰題曰少正陳公年譜。予嘗受而讀焉。其事覈。其時備。其綱舉。其體肅。嗚呼。可謂本孝經之志而擴春秋之義者矣。昔宋范文正公其

存視樓三集卷三序

九

子堯夫氏未克諛議。裁芟神道碑。范呂交驩。軼事遂啓。周朱異同之論。後百餘年。至樓端明。鑰而後譜成。歐陽文忠公其子叔發氏實編公行事。而治平熙寧之際。辭亦少偏。陳公少而勤學。涖中外任。廉明焯著。雅克晞風。范歐而紫微君編纂亦不後叔發氏。然則奕世而下。儻有如周益公者。盡編文忠公源流本末。而文正公續譜有錄。鄱陽遺事有集。儻亦宜附其例。以益闡褒賢顯忠之指乎。抑漢太正長其子太僕實為卿。其孫司空實為公。今紫微君嗣公綸詰職。久履班行。行當遷省曹長藩憲。而文孫芳潤少以文名。然則太正世系表庸知不嗣少正譜而作。而咸林續譜庸知不嗣天平而興乎。予見紫微君業為文忠之叔發氏。而芳潤抑且為文正之司諫。

氏矣。爰序其端以徵它日左券。

存視樓三集卷三序

十

少司馬李公文集序

治古文辭高西江隋唐前不具論蓋自白鹿肇建東佳華林雷塘學堂書院錯峙而西江遂以文甲海寓泊廬陵歐陽文忠公繼臨川宴元獻公而益昌之容與委備號為百代治古文者之宗然熙豐品騰財借荆國王文公暨邦直禹玉號有宋四大家而南豐曾文定公且不與焉是第以歐陽氏為館閣應奉之體也清江劉氏後歐陽氏而興辭尤整雅盱江李氏雙井黃氏岸然自喜別疏戶牖而其文猶未絕遠於館閣南渡後益國周文忠公器渾學藎銓鑑前詰獨憲章歐陽氏而力闡次之以神明於擬議而其文遂顯標百代館閣體之宗鄙陽洪氏誠齋楊氏暨順伯王氏遐邇衍翊蓋迄景定咸

存視樓集卷三序

三

淳而降疊山謝氏變時文險怪為紆徐浩蕩而須溪劉氏修詭變化詎必不師鄉先正如艸廬云爾哉夫文律之恆稟西江也所繇來遠矣有元混一虞文靖公振響南服高步中朝清河對之而委靡蘇門對之而倔強瀏陽揚推要歸微識而曼碩太朴辭亦彬彬焉協於純典明初解春雨傑才雄出胡文穆亞之而東里楊氏標尚清省緯以雅音獨得歐陽氏窆與王文端梁洗馬競相祖述遂復為二百餘年館閣應奉之宗後迄瓊山茶陵楷模罔歎雖秦齊豫楚文體迭變而訖莫之能少易也至於洪都隸轄才雋嗣起南城羅氏徑幽而失之隘東鄉艾氏質醇而失之蹇而甲乙明文者多推挹之爰迄金精片石巖馳海寓躬巷邦士握符傳於前冰叔羅軒騎

於後而于一平叔分道揚鑣軌轍總貫則山林憔悴枯槁之士胥入西江繩尺矣 國家文教覃敷縷綏協采少司馬李

公實籍西江臨川為晏元獻公王文公篤生之地夙更羈繫亟踐黜融未嘗一日不肆力于文詩歌儷語業已播筦絃諧金石而古文辭翦裁浮偽抉要啓鍵蓋克綜清江之整雅益公之宏博文靖之淵邃春雨之壯偉胥斟酌而薈萃之而本之以南豐之粹精參之以東里之清省此其所以迴翔詞館騫翥論閣而彝典鉅章獨垂諸冊府而永永不刊也抑平叔傳氏嘗曰集重如山或突過其前反顧而趙叟在後公敏姿愨蘊業不以序炫橫版精好度堅栗者發才士大風蜚鳶斷登數十丈之慨而憔悴枯槁較工拙於尺寸者亦罔不秒忽

存視樓集卷三序

三

分而毫髮肖不惟東鄉師曾王氏雅嗜熟識政似道肝膈間語而金精之師西川蘇氏者亦罔不旁推交通而盡融其迹此西江古文辭一盛於歐陽氏再盛於周氏三盛於虞氏四盛於楊氏五盛於魏氏至公而折衷集成以偕廬陵南豐代與公疑也蓋章貢左蠡滙流岷江而匡廬玉筍武功華蓋其光氣鬱積必且復萃而為才雋以獲與於斯文之宗吾知海寓作者率不能易西江西江率不能易公而汎清瀾陟崇巒意且曹賦高山仰止之章長言詠歎者久之公職秩政績當詳紀乘茲第論次其文云

吳寶崖集序

劉夢得謂工生於才達生於明二者還相為用而後詩道備又謂非有的然之資可使戶曉必俟知者然後鼓行寶崖吳子之詩其工且達而克鼓行於時者邪歐陽圭齋論雍虞公文隨事酬酢造次天成其外如深山窮林蔥蒨鬱鉅野大澤汪洋淡泊而其中凝結金珠變化風雲寶崖之詩若文夫機用自熟境趣自生者邪其克凝結變化於湖山磅礴之氣以闕之為金珠而揚之為風雲邪寶崖杭人也予曩語陸文軒方子君復公謹山村句曲之詩清真之樂府長興外集之談何以軼近世司勳寓林諸編而嶄然秀出也林椿劉松年李嵩夏珪馬遠進之圖畫汪元量之琴抑何以振耀湖山

存硯樓集卷三

三

而風流會莫之少絕也鬱鬱澗底胥作龍鱗而况附巖壁而直上邪時寶崖適宰齊右云夫御試制舉制科之遺也予比語訥夫張子元微之策入三等不聞嘗第進士蘇子瞻第入三等不聞嘗第進士甲科也抑文辭雅麗手筆俊拔諸科故不後宏辭拔萃而李泰伯發六題曾不得一且何以卒標儒林而雄文苑也若才否之不審而隸館掇緝唯階級是視則李講義之清壯頓挫業以脫畧雷李而衡山待詔至今長留天地間豈復知前此二百年世嘗有姚涑楊士聰邪已亥春予書夢得圭齋語以論次寶崖詩若文而并書語二子者於右曰陳永康有言感君元不論階級張燕公知集賢階院僚引觴同飲時伏其有體若揚摧文義討覈掌故率以階級溢

督之大雅君子故應不爾而并以視江都舍公郭子曰長岑盈川抑海內士所戶曉也不然千尺挂雲夫寶崖而再班傑直矣即紫微冠鰲不且繼此行有事於編後集也邪

存硯樓集卷三

三

顧震滄萬卷樓彙序

晉虎頭將軍圖嵇康四言詩曰手揮五弦易目送歸鴻難然
使手不能揮弦而輒斬目送則亦類奕之繳鴻鵠而已矣虎
頭建層樓以畫風雨寒暑膏輟炎涼過天地明朗乃作之登
樓去梯妻子罕見嘗圖維摩於寺壁閉戶往來至百餘日始
類長卿之賦上林其立意暨布置綠飾至今差可摹畫今震
滄古文辭繇明浦江宋氏崑山歸氏益考索唐宋作者之尺
度而俯仰揖讓惟古是肖其虎頭登樓去梯閉戶往來之時
乎吾知繇此而光明照寺注施填咽誦震滄文者且胥環而
得之而震滄其有以自得之矣目送歸鴻抑又奚難之有

存視樓二集卷三序

三

栗本馬子文頌序

夫馬子之論文也則既詳矣百其形百其實蓋胥具也而胥
匪神也即強名之曰神而匪其所以神也夫文至於神而陸
劉氏且難言矣吾無以名之吾嘗見止齋與論曰稊稗瓦甃
其中即道天下見稊稗瓦甃而不見道聖人於稊稗瓦甃而
見道舟車器械其中即禮天下見舟車器械而不見禮聖人
於舟車器械而見禮又曰解牛之中而有養生之理存舞劍
之中而有學書之理存夫其言理也實言神也而其所以神
者吾今執馬子之言以索之其可乎不可乎抑將離馬子之
言以索之其可乎不可乎如其可執也則是馬子之極盛德
形容者之裁降而為稊稗瓦甃也麤而為舟車器械也如其
不可執而可離也則是古今工文者奚以文為而馬子又奚
以頌為也吾終無以名之姑復舉止齋論曰吾見吾目睫之
瞬息而已而或闔關之則無見也吾見吾鼻口之噓吸而已
而或出訥之則無見也吾見吾手足之屈伸而已而或弛張
之則無見也吾見吾血脉之升降而已而或消長之則無見
也夫無見也者無以宰之則窮矣夫既未始有窮矣則有宰
之者矣然則其宰之者何也神也所以神者執之非也而
百其形而百其實離之益非也抑止齋又曰夫其宰之者若
有物矣則其不可見者亦可見矣然則神暨所以神之不可
見而可見而立榦啓秀善言離固無貴乎離之說者何也曰
吾見文頌矣夫馬子之論文也則既詳矣

存視樓二集卷三序

三

李雪書古文辭序

予間經行山水幽麗峻澹者曰衡之朱陵洞曰沅之穿石曰石鍾之拂雲崖曰焦之羅漢石曰濟南之跑突泉予間誦書嗜其尤削雋者曰山海經曰列禦寇書曰禮之檀弓漢曰酈炎孔融書唐曰元結劉蛻書宋明曰穆修羅紀書比曰率鈔古文辭予間覽者曰雪書李氏書語有之絕迹易無行地難予聞林慮石樓雷承瀑甚雨而注之龍湫之瀑繫諸空懸之卷之而注於壑意無行地者類此邪雪書異曰幸成覽當書其畧予且胥古之書可嗜者肅容而誦之

存硯樓二集卷三序

二十七

存硯樓二集卷之三

存硯樓二集卷之四

宜興儲大文六雅著

門人

序

立甫王子遺集序

近日江湖才士無度越吳興立甫王子者古文詞類唐貞元訖天復名家詩埤羅昭諫孟賓子劉後山元裕之顧旣不獲遇龔合肥之知陳迦陵紀伯紫王漁洋之知費此度并不獲遇徐東海之知姜西溟萬季野胡拙明子憶合肥遺迦陵詞曰我拜低頭竟不辭迦陵樂府亦曰頭白羊曇路已窮而舉似立甫則又非其倫比此絕可悲也予嘗偕立甫遊南沙漢陽勞君尊三時知昭文愛其才極欲留之後偕遊杭京口楊運使玉衡時知錢塘亦欲留之而胥不果後子將偕與遊豫晉覽洪河峻山之勝而立甫遽羈北姚夫人以憂卒羈三載迺始克歸歸不羸三載而遽病病不克瘳遂以諸生卒時年裁三十有七而又無子昔大樽陳公嘗哭西銘張公曰若從此日論天道應有傳經鄭小同詩註曰天如年四十僅生一女而立甫家裁遺二女亦復類之顧立甫才雅宜鈴閣盤峯選而旣不獲登館閣詩家識語且類唐人之所謂曙後一星孤者而又不獲稱先輩困躓悒悒且類次梗文長而其年暨腆資要幕則又非倫比悲夫悲夫惟詩古文辭宜傳而明府鮑君為刊其遺藁姚夫人弟玉裁又克收瀕危手訂藁而今

既鏡雕役以俾有傳此差成幸

鳴周葉子文序

葉氏繇宋道卿少蘊明棊竹春圃臺山文胥有聲而其尤光
偉者莫如宋永嘉忠定公正則正則淳熙中在太學嘗輪對
曰兵少之而強財少之而裕官與吏相制而不制於吏人與
法相參而不役於法賢能與資格竝行而不屈於資格阜陵
至有此志已嚙惟與卿言之衰洎崇陵初復首進劄論乘機
待時之說曰動者有機不動者無機為者有時不為者無時
而復論雌雄所爭則必隆其委任多其分畫蓋非不欲其密
而亦不能不使之疎迄開禧中除權兵部侍郎復劄言求宣
和之所不能為紹興隆興之所不敢此胥至言也而請經營
瀕淮沿漢諸郡洎制置江淮又經畫淮民四十七堡瀕江石

存硯樓三集卷四

存硯樓三集卷四

跋定山瓜步三大堡尤為精當蓋嘗推論春秋名世之士子
產叔向諸賢曰新美舊學而和齊用之尊奉前聞而斟酌行
之不啻于古不狃于今是能輔當時而傳後世而其叙次止
齋陳氏行事也曰古人經制三代治法與薛公士隆反覆論
之呂公伯恭又為言有宋文獻相承所以垂世立國者公詢
世舊繙吏牘蒐斷簡採異聞一事一物必稽於極而後止千
載之上珠貫而絲組之若目見而身折旋其間呂公以為其
長不獨在文字也噫可謂知止齋之深者矣然則伯恭推論
永嘉陳氏雖謂推論永嘉葉氏可也予嘗斲以伯恭士隆止
齋正則之學啓引海內士而鈔解其變粵獨予邑鳴周葉子
其從祖培生先生嘗執經於先祖文林公以儒業著鳴周少

穎傳比誦歷代史陽秋同異諸書間著文詞多發前賢所未發體質整朗尤近正則法度紀綱諸篇予爰以所斬告之正則淳熙五年進士第二而其叙次止齋也曰初講城南茶院時公年未三十心思挺出陳編宿說披剝潰敗奇意芽甲新語懋長士蘇醒起立駭未曾有皆相號召雷動從之雖廢他師亦藉名陳氏繇是其文擅于當世然則正則之經義雖不逮止齋之焯著而其尤深于時文鈞也鳴周雅工制義縝栗闕衍境詣殆軼出明先輩永溪仲韶外意者其克符正則乎然正則又謂止齋不自喜悉謝去獨崇敬士隆暨鄭景望入太學則伯恭暨張欽夫相視遇兄弟也正則淳熙季年嘗薦止齋等三十四人於平章王淮後胥召用又力辨林黃中劾徽國文公之謬泊再起又薦樓鑰邱宙黃度三人而其推論同甫陳氏道甫王氏也曰鮑叔管仲友也鮑卑而管貴美在叔也王猛薛強友也王顯而薛晦過在強也噫此尤風雨之思肝膈之要而正則精推伯恭學所謂經籍具存而不存之莫則者也鳴周繇此重斬之則豈直外之文云爾哉夫其偕海內士胥克解之何日之有

存視樓三集卷四序

四

桂畱堂文集序

新安望族程氏汪氏吳氏尤著程氏自忠壯公父子始見於陳史汪氏自越國公據有歙郡後歸唐始附見王雄誕傳吳氏自左臺御史公以文章進與富嘉謨齊名當時號吳富體代言司憲有聲中曆朝而族始大程氏汪氏之族其望也以武吳氏之族其望也以文後三家子姓滋衍競崇儒學秉鈞樞列侍從者奕世不絕而吳氏自宋朝迄今尤有家法吾友耳公君學邃文高壬子舉於鄉今三十有八年猶作校官日授諸生經訓而君不以概於中凡得失悲愉胥文焉發之故其文日以富嘗刊桂畱堂集當世能言之士既多爲序而復命予言予按嘉謨文唐人評之比諸鬱雲疾雷左臺公獨雅

存視樓三集卷四序

五

正清簡倘所謂風恬雨霽寂無人聲者非邪吳君誤述引事切理不爲蕪絕之辭自足砭愚匡俗本末淵源殆復酷似然則考新安文獻者上舍之麟書內翰之制草洛水篋墩之集誠不如九鼎銘表一言重於國寶也

若水禪師集序

紫柏山在秦鳳縣林巒洞壑最號奇秀修真士多隱其間慈山在晉五臺北晉山多崩崩莽鹵慈山尤僻左故以慈名雲棲在臨安府城南吳越士持佛號者多往游之此胥高昌之靈山大禮之難足也予展若水禪師金臺存藁幽谷蚤聲集不書山谷司空黃梅曹溪而書是三山者蓋信心銘曰遣有沒從空背空此大慧中峯錄所以克振於宗鏡錄五燈會元之後而再現優鉢曇華子邑龍池磬山所以克熾盛於五雲峯頂笑巖隻立之後大振三元三要宗盡摧淨土諸教雖紅豆莊耦耕堂譏戩之口不靳間執而業以喙息而凡遣有從空者胥矣也昔宋高峯禪師推諸弟子曰義上座固是一

在觀樓二集卷四序

六

枝老竹其如七曲八曲維本維那如上林新篁它日成材未易量也夫老竹業不從空而新篁尤不遣有也予於禪師集亦復云爾中峯詩曰崖懸有軸長生畫瀑響無絃太古琴蓋得味於冲澹遠徑於紆迤而雋思奔會四合尤有夜半潮音雅符朱絃疏越之致殆匪震風凌雨洞礪走石暨紫柏七十二洞邃幻景之所克逮也夫紫柏慈山其為七曲八曲也多矣然而教訖不振者海內名山唯龍池磬山之殊為夔絕焉而莫之或衡也或曰二山山寺前胥垂象鼻蓋取其跬步迤平不埃階級千百疊而徑達而殊不作艱曲態也此信心義指高峯之所以推中峯者也吾知文偕道胥底厥成其材且捐雲掃霓而山谷司空黃梅曹溪之業導先路焉云爾也若

語錄分序合序庸埃之

在觀樓二集卷四序

七

八代詩洵序

近代之詩有明凡三變最後雲間諸公起刻意漢魏六朝而其變始窮雲間盛時詩亦三變始合而為十一子壬申文選是也約而為六子世所傳雲間六子是也又約而為三子三子詩是也當是時始於一郡達於四海承學治詩之士胥奔走來會而陳兵垣實司其盟商邱侯氏曰啓徵論才子推公為之首蓋伯敬先亡友夏不競宛陵太倉質美而未道漳浦孟津語奇而鈔則雖虞山尚書最號淹雅將以晚唐宋金之學楷模一世卒促縮不得逞及明兵垣以身殉而海內守其說不改寔昌寔微者且二十年於是虞山之說始行吳越一變館閣風靡調和於豫興嗣與於河濟自漢魏暨唐大曆

存視樓二集卷四序

八

流風遺韻胥用新體運之而雲間詩法漸滅盡矣噫古今文質一彼一此此固盛衰倚伏之常而反唇攘臂雖其鄉之士不少假焉抑又過甚也與獨曾符張子生於兵垣之鄉少聞其論議知學詩者必自漢魏六朝始故洮汰而銓次之析體纂義附以詩說雖伯敬友夏不遺而考其所宗一則曰大樽再則曰大樽噫舊邑故都望者無停舟去者無奔車况先正乎子是以知張子之識微思厚而又惜其憔悴而專壹也昔夏考功先兵垣鄉舉十有三年然人士猶未合庚午兵垣大寂舉於鄉辛未三子皆下第歸壬申會始合而詩法遂名天下張子亦以丁丑罷禮部薦乃有事古詩日夕一編凡三易藁閱十餘年書始成而張子亦既老矣此子所為把卷循諷

慨焉長歎而望其皓首而不摧挫者也

存視樓二集卷四序

九

張大復詩序

載安道曰美西施而學其顰眉慕有道而折其中角所以為慕者非其所以為美徒貴貌似而已矣予嘗哀此指以論詩自明肅穆後似漢魏者之殊非漢魏也人知之於是變而為晚唐為宋比且胥海寓而為蘇而不知似宋則并非宋似蘇則并非詩而已矣何也詩有仙有聖蘇氏者詩之英雄也英雄不可似似英雄且漸為排行聯隊士而不可得今夫大復張子之為詩也井井焉而排行疊疊焉而聯隊者也然而子揚權比曰江左詩輒曰張子宿將或諗子聰明者英分也不得雄之膽則說不行膽力者雄分也不得英之智則事不立夫人物志云爾也若得英之智雄之膽以為詩而詩庶非貌似乎子應之曰固然世未有無智而得為英者無膽而得為雄者抑未有膽與智不堅不沈而得為英之智雄之膽者今夫張子其為詩也井井焉而排行疊疊焉而聯隊其雅慕乎堅且沈者乃所以為英分雄分之美而克闔壘闔壇而班宿將者也子由蘇氏詩曰君看宿將何承矩何用摧鋒百戰場今張子適應科目而予且知其一戰而鋒百勝者於詩卜之也爰疏英智雄膽之要旨於憑虛而慕仙課寂而希聖者之外以序其詩而井以備美西施慕有道者鑒

存硯樓集卷四序

十

新陽張孝子詩序

詩小序曰南陔廢則孝友缺矣白華廢則廉耻缺矣晉廣微東氏補亾詩序南陔曰孝子相戒以養也序白華曰孝子之絜白也而釋詩者曰循陔以采香草者將以供養其父母喻人求珍異以歸也又曰言孝養父母當潔白如白華之無點污也蓋東氏與同業疇人肆修鄉飲之禮然詩或有義無辭音樂取節闕而不備是以闡其義而補之也新陽張奉田先生克敦孝行雅類漢彭修晉王祥諸軼事崑山新陽人士胥傳曰孝子而東氏之所深嘉亟歎於鮮侔晨葩莫之點辱暨聲膳潔殮者實其本也蓋補亾詩義顯而克微近而克遐約而克該質而克典甚矣陽平東氏之善於言詩也昔明崑山熙甫歸氏工古文辭而南陔草堂記尤邃於經義今奉田先生以力穡自業不言躬行長洲確士沈君既傳之海內工詩士古調新聲競陳疊奏又克前以附陽平補亾之篇後以武安亭南陔之記而長公上舍君師載雅嗜皮弄圖籍且綜釐鄭賈諸儒箋釋以大闢笙入三終間歌三終之義則學宮鄉飲其胥列疇人之肄業也夫

存硯樓集卷四序

十一

邱珠巖詩集序

壬辰予遊淮陰珠巖邱子出詩一卷視之蓋乙酉供奉後感
遇紀事之作也是歲八月珠巖試江寧十五日夕賦詩曰出
門成大笑見月是奇文予誦之神躍因憶是日子以店作先
月未見七刻出又憶戊子是日夕與上海謬庭曹子叩長洲
師洛陳子邱不遇因與謬庭徙倚桃葉渡橋談莫秋水軼事
忽忽太息至漏下二十四刻罷恨不早攜珠巖句吟徹秦淮
既以問月又代楚辭天問也珠巖世家子質慤采雋詩尤適
駿可誦其賦嚴慈訓尤近道乙酉迄今強半里居明歲將復
藏編纂役予知以珠巖文且欲隱不能而供奉比多侍從又
決不作李長源文徵仲使人怵鬱佗僚至欲逃之埃壒之表
也珠巖賦畫曰若教陽羨堪終隱何必桃源定學仙子陽羨
人宜隱而無以為隱邱舍展誦故鄉巖岫暨乙酉前一歲遊
桃源景物如落紙上慨然者久之輒序其後他日將歸視師
洛謬庭而珠巖同時供奉如七雲吳子于宮郭子訥夫張子
可并出視之使知文之奇如珠巖見月所賦者皆能絕去埃
壒可以隱亦可以無隱而變而之乎道意又可以無埃壒而
仙者邪

存觀樓二集卷四序

十一

春帆集序

春帆集山陽彙征楊子客吳越之作也彙征嘗夜遊虎邱賦
詩曰徘徊獨倚生公石子辛卯正月十五日癡舟虎邱夜漏
動入寺樹影橫地闌無一人榜人曰皆入閭門觀鐙矣因憶
袁石公令吳述虎邱八月十五日夜半每度曲一字幾盡一
刻他日當偕彙征聽之彙征又遊石湖雨遊靈巖而予遊靈
巖亦雨時石上樹二類衡山會仙橋絕壁松間吟五言絕一
都不省憶也彙征遊杭孤山飛來峯吳山而予足跡未至浙
知舊數約西湖遊輒不果顧嘗愛蘇文忠牘曰山水絕處往
往有坡題字客焦山書二語角鮓石而遊焦者顧眇至石彙
征詩曰好奇獨往焦山行又謂文忠獨愛金山雷玉帶而文
忠顧嘗至焦是不敢以玉帶溷也彙征兄用九序曰霞舉出
塵又曰引泉石為性命畏朝市如炎歛夫詩在泉石豈在炎
歛哉顧有泉石而炎歛者譚友夏曰口中鮮濃未脫而貌作
枯槁輒名陶體是虎邱之月與閭門之鐙胥失也故必如彙
征之拔去塵壒乃能善遊泉石善言性命而性命泉石而善
詩

存觀樓二集卷四序

十三

拙圃詩集序

三楚雅尚經世學而近世自公安袁氏錦帆珂雪諸集又克以詩律振海內首推白雪倉山之壁壘而更闢之竟陵代興承學士至非詩歸不習而問晉尤甚迨雲間大樽陳氏代鍾氏譚氏而興而嘗賦文苑曰漢體昔年推北地楚風今日滿南州則亦不能不服其詩學之極盛也然而又繼之曰頗厭人間枯槁句裁雲剪月畫三秋虞山宗伯受之錢氏亦謂公安機鋒側出矯枉過正又謂鍾譚詩體比之唐天寶之樂章曲終繁聲名為入破而至謂公安儀制亦嘗有昌言擊排之辭則其說固已過矣宗伯詩學標晉人香山遺山以為宗海內士承流公襲遞變而為晚唐宋金元初明又胥變而為宋

存視樓三集卷四序

四

之眉山蘇氏近或返而宗唐而拂水紅豆之習記不克盡鏹獨夏口吉升崔君少生於仙人高閣詞客芳洲之域摩盪沐浴清吟溢發又嘗遊七閩登紅毛城望東南官井雞籠梅花機易沙瑤荷蘭諸洋長而宣力盛時宦 畿輔驅騁軍都易京間練肆日以深詩亦日富而顏之曰拙圃艸巧心密搆未易辭彈子獨憶公安稽勳有言唐人詩色鮮妍如旦晚脫筆硯者又曰唐人千載而新予謂唯拙圃艸實克宗承而肖似之蓋崔君生公安竟陵之鄉才穎拔出不唯棄吳會宗伯錢氏之醜粕而即鄉先正稽勳儀制學政文解諸賢抑若有分道揚鑣者予獨謂君芬葩蕩采雅克類晉人金遺山元氏遺山為五百餘年詩學之宗嘗賦論詩曰北人不拾江西唾沫

要曾郎借齒牙君雅不拾神山繫舟唾而生態如一則亦不能不研覈金元明徵祐延祐弘治以來詩學之源流而輒有所見畧同之喟也君以治行最擢知晉之汾州府汾古西河

郡離石吐京胥隸疆索君吏治精敏絕去人遠甚又工騎射故其詩兼挾并汾恍惚之氣而海內人士亦不欲裁以唐杜隰城審言徐君幕堅李刺史漢宋趙同判瞻概君昔虞山宗伯銓次茶陵李文正公為明詩第一蓋其生態天成又日練肄朝章國典以摛布之抑有非公安竟陵所克窺者而三楚冠蓋文正又借江陵張文忠公胥班第一君生於江漢宦於恒霍吾知海內士精鑿者行彙遺山西涯暨拙圃詩以揚推晉楚不朽之盛業而予抑斲并鈔泰嶽蒼宣大督山大二鎮撫巡東行陟白彪黃檜巔而胥對北風吟諷之也

存視樓三集卷四序

五

春星草堂詩集序

大江繇西陵而東濱江山若嶼於江者西塞石鐘小孤蠓磯
采石燕磯金譙五狼胥雉秀而峙姑孰北采石尤雄古今詩
人惟唐李供奉以寓公盡收采石之勝而宦於其地者若南
齊謝宣城秀色差次之顧世之貌為供奉者漸得其雄業失
其秀抑或漸得其秀而業失其幽崖峭壁筆落秀生之天趣
舍遠別離夢遊天姥噓暨古詩數十章不甚抽思而才曰開
府參軍暨陰鏗云爾吾未見其詩之果克開府參軍暨陰鏗
也而况於供奉之積健成雄者乎是猶買櫝而還珠也予嘗
持此說以裁漢建安後詩今展春星草堂集而彌信草堂緣
采石而楣且阿於磯之南師陸史先生世家焉跬步不羸百

存視樓集卷四序

六

即大江耳目濡染濤嵐萬壘此不埃涉筆而業以浮躍楮端
矣而先生復日度松篁翠蘿葛摩娑而咀掇之以幽擬其雄
以峭擬其秀不取貌而取精而涉筆成噓則采石植黛牛渚
蓄黝暨環磯上下百里有奇三山烈山港慈姥磯打石望夫
寶積楊林東西梁四碣赭圻陳公洲成洲針夾口太陽牛屯
裕溪東關濡須塢之形模畢具雖謂先生艸堂集實克以王
著冠蓋士復盡收采石之勝焉可也先生今司訓予邑子邑
治經生言者業喜得師矣抑予考諸禮古者受成於學孔氏
疏曰宗伯暨司馬職不言獻愷於學文不具也夫漢協律後
愷樂辭特雄且秀故宣城供奉時徘徊橫江京邑之間而繇
漢以前顧嘗獻愷於學然則謂先生新詠為天漢建安永明

開元體而并謂繇開元而後如宋之石湖誠齋千巖明之石
田茂秦胥肖建安體焉抑奚不可也海內談藝家展茲集者
尚寶之慎毋以珠抵鵠也

存視樓集卷四序

七

洋湖草堂詩序

吳興山水清遠號天下第一。而長城尤嶽斬怪偉。臧君家其間。仰山俯溪。摹畫物態。雖不嗜詩。詩能無工乎。而况其雅嗜之而不少懈邪。予獨怪古詩人。自宋崑體初變後。率主幹局。殊乏山水旨趣。而龍眠雲林諸幅。蕭閑空澹。便覺輞川去人不遠。故予嘗謂詩至今日更無著手處。外間宗元宗初明。祇益刻畫。將斬工詩。不如攻畫。君誠覃精數年。得之象外。果如昔人所謂仙翻謝籠樊者。而後詩乃可得而超絕也。敢以是為君贈。并告世之嗜詩而斬得其旨者焉。

存視樓集卷四序

九

青溪艸堂詩集序

青溪蔣子驅車出遊世業無以殫其才而詩迺彌工。比者息偃艸堂。畦尋麓望殆符君家宋元樞。羈宦抽懷所謂舊業。頤山青者而窮探風雅之變。乃彌甚信哉。流墨運楮雲霞散天。了無象可執而象雲霞以言詩者之胥安也。予嘗考古今工詩士流傳圖籍。晉永和蘭亭最盛。蘭亭詩殊不競。獨逸少襍序稱工。然不唯修竹清湍是象擬而輒慨情隨事遷。且斬來者之興感。其視札規深源。前事未工。復求分外。指殆未之有。岐也。蓋當泗口許下。紛綸綜畫而軼致深識。卓有確見。雖娛目嬉神而不少忘。曾不埃匝。再時後山桑之役。而事幾閃條。業已辨。誓如指掌。此構撰之所以彌工。而以序為詩。即古今

存視樓集卷四序

九

詩詞之殫極工變。未有克踰之者也。予雅不知言詩。奚庸序。而言青溪詩。乃卒卒不逮。舉栗里田園。始寧山水。迷遠遺陌。漫引襍序。且謂是克念象而胥統風雅之變。豈其善易者不。言易深於詩者亦雅不言詩哉。則言詩之指荒矣。其不然乎。然而謂雲霞可執。世有不諗為妄語者乎。夫自漢魏迄元明。繼風雅而作者。亾慮億萬計。而一言以蔽其構撰之工。亦曰變動不居。斯已矣。予蓋今觀於草堂。析卷上下之詩。而彌信。

載月軒詩序

兄弟工詩江以南尤著者無如二陸平原豪贍張壯武曰人
患才少君患才多清河論文輒尚清省格高而才不逮資力
所嚮擬議失階故詩之為道廣大配天地變化倖鬼神解者
九未解者一君子不謂同解詣者九未詣者一君子不謂同
詣玉溪吳子嘗示予遠山樓詩雅嗜吟誦卒少間不怠於
心今玉濤子復持載月軒詩命予決擇其辭澹而不窳韻而
不治根柢陶杜寢饋白蘇以衡玉溪才緒分驅源流一軌意
所謂解擬相同者邪近世太倉王氏司寇奉常歷下大猷諸
公皆尊二美屠緯真曰當年兄弟擬雙龍今玉濤玉溪是雙
玉也輒附花萼連珠故事謹題曰雙玉集

存硯樓二集卷四序

平

西堂近體序

景雲之燕既再刻西堂卷成而皆人用數十首次之便覺花
雪風儀春艸韻折朗然凄然爭發心目然予習皆人最自喜
五言古詩今刻止近體而體又多不備豈言之尤精者不樂
以輕示人邪獨為皆人訝也語有之文非情不工皆人少予
且十歲弟兄相師友生平屬咏又最號閑麗然死生之感蕭
閑颯咽之况已不能無雜見於數十首中而况其不樂以示
人與示人而有待焉者又當何如邪白雲在天龍門不見予
請復移君家成語舉示景雲徒倚三復想同之也

存硯樓二集卷四序

圭

竹素園詩集序

子遜許子詩李翰林之徒也古今推翰林集子獨愛杜紫微詩曰少陵鯨海動翰苑鶴天寒談藝千百帙三言蔽之工言哉子遜詩特雉剽而雅有鶴天遼夏之韻迺匪偽荆卿鐵如意白詔諸葛比子遜推詩雅嗜鄉先正青邱迪功蓋於百年詩學疇仄黨護中獨刷清源予嘗以為篤論而尤嘉其無睥睨前輩之習宋黃文節公曰薛能時得前人句而輒高自賢聖迺云我生若在開元日爭遣名為李翰林此所謂蚍蜉撼大樹可笑不自量者也矧句勘前人法又雅多繚戾底滯而遠薄崆峒滄溟近薄翁山暨古文詞渺微解而遠薄震川近薄水叔無乃類文節之謂薛能乎是故工詩如子遜而予猶

存視樓集卷四序

五

靳曰李翰林之徒也蓋其慎也

繭園詩集序

玉山葉氏繇文莊公後號江南甲族富圖籍今萊竹堂書目視金陵焦氏虞山錢氏藏弄書尤博而粹世久雖寢放失而子姓率嗜文史司訓篆鴻君尤多所窺索而征役宴娛愴離慨遇率發之於詩是故詩日以工君雅工儷語駸駸追晚唐顧氏編遺集遺胡氏安定集而胥馳驟之又工制義而亟詘於有司其仕也財司涇縣訓以卒葉氏世卜半繭園君詩號繭園葉子聞園故滋殖梅不能言其詳憶歲丁丑間游玉山日陟巔崖輒賦半律曰斜陽徙倚龍洲墓削石中間自詠詩歸舟繚龍洲集尤嗜其詞之清壯間至整頓乾坤暨老去相如舊江山諸致語未嘗不輟編三歎今誦君詩樂府俯仰二十年前若指點西崖削石時而清珩明瑤之差可掇也輒耿耿者久之君壻咸一徐子才尤雋嘗賦詩以簡曰山川供吐納取之以其氣又曰堪笑為人忙當以游為諱君卒且十年而咸一手繭園葉帙二靳予一言予不能言詩暨君詩尤工者之詳而財言其畧抑以附玉山萊竹堂錄發半繭園梅之藩蔽云爾咸一又視予功叙王君制義凡為十者七之蓋胥家玉山麓而嘗詘於辛卯順天之試鬱咽以卒者也予今并書之曰王君名掄葉君文莊公九世孫名李暉

存視樓集卷四序

五

蔣亦厚詩序

戊戌冬京口亦厚蔣子手詩七帙視予邸舍曰盍一言子雅不工言詩詩抑不易更僕言問誦謝康樂句曰故山日以遠風波無還期靈澈曰山邊水邊待月明暫向人間借路行如今還向山邊去惟有湖水無路行司空表聖曰故國春歸未有涯小樓高檻別人家孟國儀曰今日開襟吟不盡碧山重疊水長流黃山谷曰廟堂若求真學士除是儋州秃鬢翁此五者其辭雅不類而彙而參之則詩之符乎頓漸秘密不定藏通別圓入教者行有悟焉若晉而言禪其為希運之斷際靈祐慧寂之機智玄奘不可階議文偃之青天震雷乎其為義玄宗了義類竹之曲勿類篔簹之新乎而後表聖所謂近而不浮遠而不盡以得味外之味國儀所謂山重疊水長流者乃可得而掇取也予識亦厚十四年比省旅次惟亦厚襟尚雅涉此藩其於詩趣殊近詞尤多淵唱令誦者不獲時展翕又不獲速彈指將無京輦士頓惜五陵勝賞邪抑詩之為道也故應創營術徑以符昔人之所謂西江別是禪者邪晝公曰樂禪心似蕩吾道不相妨獨悟歌還笑誰知老更狂噫古之賦詩者其以詩為狂邪抑禪邪亦厚參予言其果克諦康樂山谷之尤窳與者以相視而笑邪而繇是詣彌遠識彌曠蹈江湖之萬頃逼霄極之萬里而予且以遣有沒從空背空之微指言詩也於其行牘以引之曰以埃之

存視樓二集卷四序

五

秋花雜詠序

唐人三十六體李溫遺事詞苑盛傳柯古仕亦不甚達至宋而為西崑體楊劉李諸公胥顯於世則少達多窮之說又未可概之今歲夏秋交位存衍存二史子予弟子長源惇夫間詠秋花共得若干首此三十六體西崑體之支流也夫惟窮饜達之胥不少概於其心是以肆吟焉而無所芥蒂抑聞之離且合者海上之山也偏且翻舒且卷者羣卉之歲絀紛變而莫可涯倪也崑體中劉李無論大年賞花別賦曰曾識壺中舊春色桃源重到路猶迷無題曰曲池波煖蕙風輕頭白鴛鴦占綠萍此與蓬心橘性賦詞彷彿相似王元之一代豪英詩亦宗開成會昌商州海棠詞指尤雅類滁州黃州表然則抒正則之思而用以闢永樂祁縣不克胥展之緒言者豈直在鳴秋也東標周子淡存任子兒知行亦胥嗜吟而秋花不克彙詠不備載

存視樓二集卷四序

五

楚音集序

承德若菴程君業以寫棕空谷託興蓬蘽而人士之紀游者
滋衆肅然雅詠紛綸斐聲君嘗葉前後投贈之詩歌雜文得
若干卷部次而錄之題曰楚音集若以附於足音履聲之指
象而幾忘其空谷而不翅九達之衢蓬蘽而不翅康莊之道
者志謙也洎君捐客館詰詞省曹禹甸君孝思惇懋亟命工
鏤之而介栗本馬君斬予序其概畧予嘗考友朋類集自沈
休文張道濟杜子美柳子厚業多詠歌紀述至近世顧氏玉
山鄭氏麟溪諸集出而七畧四庫以內且當別分一部目矣
今承德君紀游雅詠業不下玉山麟溪而客之書譜於君錄
者小則可釋鳳洲可寇有無適爲主不獲登莫釐峰頂之恨

存硯樓二集卷四序

美

大則可使天台棲逸而九還訣成扶風資暇而七篇註就此
海寓人士所以游君父子間不翅登然而喜藝文時贈卷且
至積羸鉅帙而自君之云凡雅敦契分者輒累晞於空谷
蓬蘽之指象殆不在君而適在客也省曹君研籍肆典行益
振廣平系望而馬君好古君子其言信而有徵予爰引以言
尚俾後之通郵牘而期車笠者庸有激焉

惜閑堂詩集序代

閩山郭价人先生嘗與先君子果敏公同官御史先君子總
臺憲先生仍官御史故相知爲深先生工詩然不欲輕示人
獨數東示先君子嘉歎不置後先生予告歸營青潤有園林
之勝益喜吟詩嘗定惜閑堂集并自爲序先生既歿其子某
君同知寧國府事開雕以質海內而予適督江南學來請予
言予按先生詩雅宗少陵晚節尤嗜香山少陵窮悴飢餓官
拾遺不久輒斥去與先生詩律相符而遭遇殊不類香山任
兩省諫官居可言之地故元和朝著直聲後除舍人拜賓客
而功名震耀要在遺補時先生亦久持風憲有威重其職任
畧同香山嗜山水匡廬巫峽無不展覽及居洛鑿八節灘營

存硯樓二集卷四序

毛

築勝絕先生家近醫無閭怪偉秀麗宦遊秦浙而歸莊有青
澗別墅有東園襄羊自放日事詠詠其蕭閑曠適又同宜乎
先生之詩深有似於香山也然香山寡嗣息從弟敏中位宰
相不稱職先生一門皆著聲績郡丞君又以治行聞其遭遇
過香山遠矣古今人類不類未可概定要以詩之爲道派別
既合識解復真區區形迹又何足論然則先生之似香山豈
真待贊皇太尉而始知忌雞林國相而始知慕邪盛世風雅
談詩當有公論而先君子先海內人見之予又獲以言附名
其後良爲甚幸

鴻泥軒詩序

蘇齋蔣君之知餘慶縣也。斬下劉柳軒焉。宋劉後邨書賓客詩。森嚴似聽元戎令。機警如逢國手棋。下一語殊肖蘇齋詩。賓客不至播。柳州又不允易播。而蘇齋今泄餘慶且九年。播未為不幸也。蘇齋常創餘慶縣志。又以縣舊名白泥。取宋蘇端明飛鴻踏雪泥句。卜築鴻泥軒。詩亦緣是名集。端明惠州詩。到處聚觀香案吏。此邦爭看玉堂仙。蘇齋由秘閣編校出宰百里。今循卓聲焯著。且陟省郎州郡守。予恐削峨沸溪之。不獲久著蘇齋也。餘慶自明神宗平播後。始關隍。迄今百二十餘年。未有志當明之八道會師也。偏沅兵破青蛇。圍水西兵破落濛關。功不在婁山海雲龍爪下。蘇齋業挈要書之。

存硯樓二集卷四序

毛

予按元宣撫使楊漢英南出播境。駐蹉泥降阿苴下。笮籠又進屯暮窩。破宋隆濟蛇節於墨特川。後又偕思州田氏討播南。廬崩蠻子未抵牂牁。且蘭南不識暮窩距蹉泥。蹉泥距白泥。地勢錯互。否。蘇齋詳按史牘。胥書諸志。并韻以誼之。以無逸唐太原華陰氏。端貴遷邦。憲漢英七八百年。捍播之勳。蹟播滋幸甚。昔人論端明詩。其源實出于賓客。後邨亦嘗云。爾蘇齋論詩。雅嗜端明。故用蘇名齋。世有誦茲集者。自當偕賓客。朗連端明。惠僖諸章。訂其源流。覈其交與。而錄今日。以往白泥千百禩之紀。乘竹素流布。倘亦無病落寘乎。予輒序其端遺蘇齋於署郡章之思州。并以詒播人士。

存硯樓二集卷之四

存硯樓二集卷之五

宜興儲大文六雅著

門人

丹徒張 冕冠伯
崑山徐柱臣題客 編

序

桐汭洪子詩集序

詩蘇阮陶謝後唐鹿門孟氏。韋曲韋氏武康孟氏得其精。突宋宛陵梅氏。雙井黃氏。彌變而新。淬之而匪。四靈暨金谿南辛氏。元清閻倪氏之所克逮也。明茂苑沈氏。大梁高氏。亦差彷彿焉。而匪竟陵鍾氏。譚氏之所克逮也。百年來南村潘氏。石臼邢氏。亦差具前賢緒。概吾觀桐汭洪子雅工詩。越陌度阡。吟平畦列。而中蘊匪阡匪陌之致。殆獨躋蒼逸品。而奮袂

存硯樓二集卷五序

突前出南村石臼左右者。邪抑唐下邳白氏。宋山陰陸氏。詩體殊別。阮陶而推。藝者多謂異派。而同源。何則。尚其達也。夫辭達則不蕪。蒼而自蒼。不蕪逸而自逸。此又覈驪黃辨淄澠者之所宜微研也。抑洞汭經義。明惟官明夏先生。闡唐瞿之法。實克埒崑麓吳氏。靜臺杜氏。而長卿先生。武之今洪子。工詩。又雅工經義。實克武官明長卿二先生。而詰嗣上舍君茂才。君又胥以文名。然則洪子詩編。雖謂下邳白氏之百道判。四達而不少。齟齬以登之。巖廊播之。雅管借六十年。日課一詩者。胥傳焉可也。而宛陵四靈。溪南茂苑。暨南村石臼。又宜析秘忽毫撮而微研之矣。

棲桐草序

比者承學之士治古文辭高朝宗侯氏冰叔魏氏治詩高翁山屈氏舍朝宗冰叔而言古文詞非古文詞也舍翁山而言詩非詩也何則朝宗冰叔之鋒也廉而其餘胥朽鈍也翁山之韻也振而其餘胥窳朴也鋒若韻殆不足極詩古文詞之詣而左史風騷遺法猶未盡亡并鋒若韻而亡之則古文詞業不競而詩法或幾乎息矣琳雯蔣子棲桐草韻言也計偕來都持卷視予頽然物外幽籟自生雖原異翁山而上祖風騷解殊不遠以視叩之而瘖默手指攣曲而不能按拍而擊節者不啻巖巒之俯培塿矣故為之一言琳雯行急卒未暇論古文詞埃之

存稿樓集卷五 序

二

湘中集序

才子浮湘雲壁護馬遷之簡侍兒傍水雪潮催羊侃之船一道翠微珠簾珍箴兩行畫燭鍾乳金釵英僚則彌澤芙蓉上客則滿林桂樹圖卧遊於宗溯烟霞出永業臺前寫真逸於盧鴻泉石在登封壇下江花欲謝重開紅豆之筵木葉驚飛橫掃白藤之盾其為得意豈可名言然猶託與乘鱗抽思浮鷁貂冠持節即異侍中魚袋分符置同員外軍曹薄為蠻府僑寓命曰流人是以宣室近臣賦投汨水瑯琊華胄表讓衡陽若乃叔寶萍萍元長寂寂三年北固空著晉書一夜西州不聞吳曲下馬落星之柵進帆偃月之城姑熟則九派斜通齊昌則三關遙控磯傳黃鶴望鶴馭以徘徊洲泊白螺想雕旗而太息矧復巴邱地轉淶口湖平寒雪朝霞猶是君章之外記名柑芳橘絕非伯緒之遺文艦下昭潭悲哉王舅郎開麋國逝矣梁元異代興亡他鄉離合秋風南去聽猿叫以多時明月東來悵雁飛之不到縱使縣題蘭葉未必生香灘號茱萸詎堪結佩藍絲贈客失綠萼之仙人玉斧從師迷紫虛之神女指事而都為一集縈愁而奚啻萬迴序薄左思迹疑王粲千日千里醉醒難判於程鄉九辨九歌哀樂雜陳於韶石

存稿樓集卷五 序

三

方葯房自咏詩序

沈休文曰前有浮聲則後須切響唐應德曰氣轉於氣之未
澀是以湮暢百變而常若一氣聲轉於聲之未歇是以嶽宣
萬殊而常若一聲此言法也李習之曰陸機曰休他人之我
先韓退之曰唯陳言之務去孫可之曰道人之所不道到入
之所不到趨怪走奇中病歸正此言思也韓退之曰文從字
順識其職李于鱗曰文有所必不可至語有所必不可強此
言理也三者互為用而古文辭暨詩之旨以具淳安葯房方
氏雅工詩經緯於法鏡刻於思而又能斟酌於理其互用之
而不悖以變而無至於窮者邪蓋比曰言瀾東西之詩暨瀾
東西言詩者葯房氏哉葯房氏兄文軒氏雅工文又雅工言

存稿彙卷五

四

詩比手葯房氏詩蘄予言予不能言詩財能書休文退之習
之可之應德于鱗之語暨習之之書士衡退之語者以言葯
房氏詩而歸其詩文軒氏以歸葯房氏

薛帷詩鈔序

古今人推詩暨詩以推詩者眾矣子獨謂楊少尹王維靜時
證水月杜甫狂處遺天地杜紫微少陵鯨海動翰苑鶴天寒
佳境業已盡之而其它牢籠點綴以窮極夫希微儻忽凌厲
光怪閭澹欬垂諸殊境者祇見其說之膚且隘也是故善推
詩者之取斷章義也蓋簡南蘭陵向士吳子文端公會孫內
官學西岑君喆嗣少游日下嗜吟詠泊補博士弟子亟試承
宣司出從海寓者彥游而所詣益進其詩瞻而不排沉而不
晦優柔而不繭裁束而不懼是殆嘗證諸水月者乎而軒鶴
寥天夫且跋而疾之矣昔元伯生虞氏嘗摧復初元氏文曰
凡為文辭得所欲言而止必若雷霆之震驚鬼神之靈變然

存稿彙卷五

五

後可非性情之正也它日復初撰真人吳全節文訖俾治具
招伯生來觀伯生曰公能從集言去百有餘字則可傳矣復
初卽泚筆屬伯生凡刪百二十字而文益精當豈惟文哉推
詩亦然恂士遐獵并搜深錘密煅蓋於伯生氏刪百二十字
之義蘊業已探窾與審欸會以春融絲貫而旁達諸詩而又
雅不蘄顯伯生漢庭老吏之迹輒俾人胥屬目而指異之此
所謂約取而學彌博近取而詞彌宏夫寔摩詰氏水月之證
也而于以雋唐宏辭拔萃選宋詞學兼茂科暨曩者博學宏
儒諸前輩之雅克標望楚林詞苑也抑孰禦焉

吳樂園解裘市四朝詩序

近世皮弁圖籍春明東武清閣玉山暨棊竹漪園絳雲諸編
錄業多放失昔漢蘭臺漆書經字士輒潛市以合其私文唐
牛希濟薦士論謂公試之地亦復假貸經學考帖預有歌括
蓋其流寢變而弊滋甚乃至蕭功曹穆給事舒司封甲乙名
氏暨毋曹曹梁兵曹隸繫臺麗正院職秩比率無所事書而
始熟樂園吳君雅嗜吟嘗於季冬秒至以裘市宋金源有元
明四代作者之詩諸君子又從而駢章疊韻不少憚勤而競
賦之夫且不啻分其寒而代其贖是重貽之迂遠也雖然道
不相謀各言其志夫詩豈惟是晃耀鏗鏘而已抑以徵諸君
子志行且覈功曹給事司封之寶諒曹曹兵曹之功以一雪
牛氏所嘗謂而吳君網羅卷帙且日益博繁其嗣春明東武
諸家而興而并克勤修清閣玉山之業鑿合詠以訖昌風雅
者抑有埃焉

存樓集卷五

六

梅花千詠序

羅浮山梅大庾嶺梅孤山梅萬峰山梅世競傳之楚九疑峰
頂萼綠梅峯山頂榔梅尤得竒逸氣子獨謂武陵唐季劉氏
日對官梅一樹人偕梅胥獲不老後遂指授天台紫陽張真
人縮南宗五真之樞要外間道家書多作臨潢四樓相劉操
殆不如宋廬陵須溪劉氏記鈔之尤為覈殼也予同年輯五
朱君家楚南雅嗜梅甚盡其形似家言成梅花千詠其視林
和靖劉後村之梅花詩高青邱之九首號為近世賦梅尤工
者殆不翅倍蓰什伯之矣君今行遊越雅多梅然十年前
予嘗遊孤山梅差數而王氏史氏胥號梅溪夫唯子真梅市
之尤夔絕塵寰也非梅也其人也此所謂得梅之真而遺其
似者也抑所南心史紀夢曰玉真峰頂梅花世不得聞仙不
得識今君嗜梅而專賦梅地思選意之竒逸殆不翅聞之識
之且俾世胥聞之矣非夢也其梅也即其人也此所謂得梅
之似而并遇其真得梅之真而并化其似者也夫豈直須溪
梅軒記君梅似梅君似焉云爾也故道家言曰用志不分乃
凝於神子請以此言詩并以此言道

存樓集卷五

七

石田山房詩集序

澤周汪子雅工詩署石田山房集 匪朱氏石田文集沈氏
石田詩鈔埒而蘄從其朔也夫天都白嶽奇秀甲于寰宇石
田當山溪之會而汪子雅嗜學日蘄有以象之然則浮溪集
玉山集水雲集鳳池吟藁仁峰集東麓集青湖集東南集
大函集尚其克纘前武哉昔宋陽浮溪汪公樂于邑山水
地錄建中靖國崇寧洎紹興不文徙也今汪子家子邑業以
索世夫豈偶然浮溪才婉佚雅工詔語予問舉其辭曰舉欽
聖已還之典成靖康欲復之心又曰惟八世祖宗之澤豈汝
能忘顧一時社稷之憂非予復已此詩人溫柔敦厚之義指
彤于應制代言者也汪子尚微釋之

存碑樓集卷五 序

八

莊士遠詩序

金壇士遠莊子雅工詩續古韓生手一卷詩示予曰莊子蘄
夫子言盍一言乎予不能言詩請少言古之詩以言詩者曰
奇險驅回還寂寞曰月夜咏花憐闇淡雨朝題柳為欹垂曰
成如容易卻艱辛其不言詩而不翹言者曰蕭條已入寒空
靜颯杳仍隨秋雨飛曰春山秋雨閑吟處倚偏江南寺寺樓
曰靜尋綠徑煎茶寺閣上紅牆賣酒樓此胥可賦士遠詩也
語曰不習為吏視已成事又曰屋漏在上知之在下夫士遠
之詩雖不能言詩如予既視古之詩以言詩者豈其不言詩
而不翹言者夫既少知之矣而今而後世之工言詩者當胥
言士遠氏詩暨其工詩者且當以詩言士遠氏詩而續古盍

存碑樓集卷五 序

九

先賦乎

輕鷗集序

魏晉後工詩者勝絕今古尊陶元亮元亮令彭澤不半歲輒去勲業泯焉元亮祖長沙桓公錄令相樹勲威望震耀綜練之才為東晉第一而其文章自請褒溫嶠諸疏外罕有傳者劉改之樂府曰權七州都督神明機鑿未必能詩豈立功立言固有不得而兼者邪予督江南學行臺暨陽暨陽宰敏齋陶君廉能有聲民皆歌之予知君之能立功也既而示予輕鷗集首章曰天地一輕鷗其辭清而不削曠而不放身世異元亮而家法故有原本予又知君之能立言也君今政成擢尚書曹司以去其任益重其建覽當益偉從容省署其詩亦當日富以桓公綜練之才摘元亮勝絕之辭兼長并美昔人所難意在斯乎予行卜之矣爰序其詩用志嘉歎

存復樓集卷五

十

秀林詩集序

夫與婦胥才是再于造物忌也吾友諤庭曹子雲間才士范子王子曰上海百年來才未有及諤庭者子固疑造物者陰忌之而又重之以秀林陸夫人夫人才媛也詩最清澹粹雅其卒也諤庭出視子曰盍一言以釋子悲乎夫人兄錫山子亦請言子為釋曰使諤庭不必才才名不必胥盛則夫人庸可工詩工詩庸可生諤庭業才才名業胥盛是夫人不可詩也而夫人又工詩是夫人庸可病而卒而不可生也何則夫人卒而造物者并釋諤庭忌矣諤庭廼可以逞友曰此賢婦志乎子曰抑才媛之志也夫不有其才以成人之才者斯才也有其才而不克成人其甚或助造物之忌以忌之者雖才不才也予故曰夫人才友曰子之言有徵乎予曰世遠無論明季夫與婦胥才者莫如楊用修黃夫人夫人父舅夫胥貴而夫人又才以于造物者忌故季年用修謫卒坐悲離子曩一絕曰麝帕羅裙醉後粧翰林才子寫詩章三春花柳黃家女錦字何緣寄永昌蓋傷之也夫黃夫人悲離而用修可唱第第一夫人病病而卒而諤庭其埒用修乎顧使夫人病病而卒而不必工詩而病吾又未能必諤庭之果用修也友又曰聊談錫山子曰班固左思鮑昭亡論姑考許景樊乎景樊之兄是亦唱第第一也是故夫人生而卜錫山之顯夫人歸諤庭而病病而卒而卜諤庭之顯

存復樓集卷五

七

苔廳拾葉序 吳永和字文璧武進女子

予既書吳夫人傳後。九徵復因其兄某持詩一卷授予。斬爲之序。予按唐宋女子詩待序而傳者。如謝氏周氏間見於永叔子固之文。而其他甚聞焉。今夫人雅工詩。故不待序。予又放廢於世。非如達官要人能力振之者。顧某斬予言不置。輒序曰。三百篇後。言詩自漢枚蘇李始。下訖建安。且三百年。其間巨學宗工。摘文揆藻。蓋已上追賈董兩司馬。下薄韓柳。而以詩名者。唯班婕妤。團扇尤高。故說者謂宣元之後。靈獻之前。有婦人焉。一人而已。甚哉詩之難工。工之而合於風雅者。之尤難也。近世士苟知學。無不爲詩者。其講於漢魏晉五代。唐。不可謂不勤且悉。然自三四公外。非極則究。鋪糟啜醢。各嗜所習。以至於近日。乃專剽香山。攘玉溪。箕眉山。劍南。依倣流轉。卒無能越虞山藩圍。而求才之果有合於風雅者。蓋尤難其人也。庸詎知千百年後。論夫人詩者。不且如漢宣元後之婕妤也邪。某歸舉似九徵。當有聞而罪我者。願秘之。無輕出也。

存稿樓集卷五 序

十一

荆南詩選序

人借地之克合也。其在梁蘭臺。聚乎唐。獨孤憲公守郡。宋周文忠公僑邑。英流颺合。亦時見於唐宋人集。雲林席帽。雅寄與山水。而明圭峰。遵嶽。衡山。弁州。震川。百穀。元長。兼以學使者。署昔在邑。荆川。思白。雅嗜禪。亦時棲息。其地焉。衍存史子曰。識地不如識人。爰銓荆南詩。得十有五人。餘埃次錄。識人也。予嘗觀宋時遊記志。諸洞。差詳。惜沈氏外。紀不具。載諸子。盍分賦一洞。以爲它日。注籍洞天。之符券。抑邑賢。單氏。水利書。寔載。端明集。比歲。東北。諸鄉。惟藉。春秋。時。范少伯。所開。蠡河。遂活。禾苗。數十里。而白鹿原。香山。胥載。曩志。李供奉。詩曰。問以經濟策。茫如墮烟霧。諸子不受供奉之訶。自克極。鶴天寥空之殊。致匪直埒。金粟玉峰。吟藁。弁州。演前後。正續。七子。輒侈爲嘯臺。牛渚。逸韻也。此又於碧溪丹崖。仙靈參翔之地。而重識厥人者也。衍存借諸子勉乎哉。

存稿樓集卷五 序

十二

東標周子集序

雲雲東標周子比爲子邑士第一才名且三十年顧亟試暨陽雖蘄趾會城鎖院之門而訖莫逐隊而獲也或曰東標制義韻而超實綜毛伯子卿太質思曠而克緒闡之昔滄溟李氏嘗賦律曰陽春寡和休言誤又曰共言人世悲難合儻得隋珠莫暗投蓋按劍者會無以知之也或曰東標業工制義則不宜兼工詩雜文黃鐘毀棄莫邪爲鈍此瓦釜鈎刀之所重蘄也或又曰昔季迪高氏遺雲林倪氏律曰名落人間四十年而復募畫於詩人之畫病叟之禪夫抱明月珠者奚往不適焉顧輒遭按劍爲也雖然蕭閑館彈人間世之清娛而東標侍養日祇祇焉懼無以瞻甘脆則又非所倫擬也予比

存稿樓集卷序

十四

展東標制義復展詩雜文訖輒強書唐魯望陸氏語曰天物既不可暴又可抉撻刻削露其情狀使自萌卵至於槁死不能隱伏天能不致罰邪長吉東野玉溪生窮正坐是哉正坐是哉

題客徐子詩彙序

題客徐子且北發夫東海徐氏前代以決科應制著者漢有樂宋有無黨霖樂書號古今名言無黨肄業廬陵註五代史得春秋之義霽力祗四明焰風節尤高此題客所蘄續也題客嗜吟夫徐氏以詩著者梁有摛陳有陵明有徵卿徵卿善用虛此近世推弁州詩所謂請以迪功之精騎三千當其十萬者也近世詩譜曰徐陵諸家開律家之源而尤近古者視唐律雖寬而風度遠矣詩評曰徐陵之作如魚油龍鬚列堞明霞輝耀丰茸之采溢目非頓載之室詎得見此夫輝耀丰茸而重之以風度之遠此題客所斯夕淬礪以蘄續漢魏後藝苑諸家者也若簡精騎而用之則雖決科應制之樞要亦奚以易此

存稿樓集卷序

十五

奚以易此

秋圃詩藁序

錢考功曲終人不見江上數峰青迄今七歲兒能肄誦之蓋其辭幽而克動遠而克警此所以前武右丞也賈長江秋風吹渭水落葉滿長安藝苑尊為吟成五字價重金鑿蓋在長江最為闕傑句然傳志所載是時適遇京尹劉樓楚則距禪樓魏州殊不遠而其辭蒼摯已若此殆緣筆縱吟秋又少長房山石經竦松泣雪地雖蕪復返於韶令小憇於冲紆而訖不可得也衍存史子借兄位存胥工詩樂府而衍存尤雅叶秋韻予嘗語之曰夫考功曲終句亦秋境也然而早秋也辭暑而催秋扇匪白頭新也若長江則嚴秋也此即松雪仙人島之峻境而錄其前後左右際以旁搜之者也是故工於吟

存硯樓集卷五

六

秋同而惟考功為右丞續也抑舉二詩爰識派別以序衍存詩而并不斷倣韓吏部之去推存敲裁飲佐其蒼摯之格焉爾

蘭浦詞序

南宋樂府高梅溪史氏說者謂白石外朗梅溪內涵故史勝於姜而黠黛施朱梅溪正復不免志稱古有字無號自史衛王家子弟鮮肥多暇誤造稗官家言暨洲嶼泉壑諸號而其風變徧天下訖元明不克改則是好為矜飾之過南宋人湖山汰習故應爾也予觀位存史子樂府刊削鉛華獨標韶令聲不奔而趾不揚雅有合于風騷之指爰畧去梳春櫛月諸辭暨安陽循府它軼事而獨舉北宋樂府五歲兒能肄習者曰行人更在春山外曰雲破月來花弄影曰楊柳岸曉風殘月曰寒鴉數點流水繞孤村曰柳江幸自繞郴山為誰流下瀟湘去曰不如休去直自少人行借位存雪茗吟諷之且俾世之揚摧文藝者知史氏自孝山出師頌後尚高蘭浦樂府也樊桐逸士書

存硯樓集卷五

七

世之揚摧文藝者知史氏自孝山出師頌後尚高蘭浦樂府也樊桐逸士書

艮岑樂府序

宋南渡後樂府高稼軒辛氏龍洲劉氏稼軒職甚華顯而龍洲以一書生配之稼軒才氣橫溢突過端明而龍洲致密功深克武屯田此當時敵國之所以競傳其詞也龍洲遊明聖湖最久故一騎乘風一枕新涼諸闕詞最縱宕感慨而參差禁樹之凝望荻花楓葉之淒怨其大旨歸於柳金梨雪句而自惜亭北之不遇故當時人謂龍洲詞宗太白史姜鄧不具論然則玉峰之秀龍洲一人業足以當之矣今題客徐子復起而配之而致密而機變流功深而光彌耀雖謂題客詩宗太白樂府亦宗太白可也而瀟城柳色陵闕西風之詠且將借亭北闕干而肯賦矣豈必俟二十年而復有重過南樓桂

存硯樓卷五

大

花載酒之感也耶龍洲詞曰神仙路近蓬萊島又曰雲萬疊寸心遠有味乎其言之也哉

青山莊文讌集序

文讌之盛古稱南皮梓澤蘭亭而鄴下亦時仿江東逸韻唐洪鄂沐揚福宣潭梓益時傳志記而曲江雁塔之宴載在令甲陸權楊王李明主司倡導之於上裴韓李皇甫諸名賢推獎之於下故帖括律賦六韻詩殊非高郢王鐸知舉時所及宋西崑詩集潞公温公真率會西園集暨南渡杭明越湘蜀亦傳志記而府州創矻公使錢招引賓從予嘗怪嘉祐二年貢舉何以不元眉山南豐而元李實比讀懷州水讌序乃知實文雖未極雅有合於歐陽氏紆迴澹宕之旨而非劉蕭倫比也金重進士科而元閻里豪右多延文士以博名高如廣陵趙雲間潘梁溪倪玉峯顧浙右錢漢西江饒大都董僕胥

存硯樓集卷五

五

稱豪舉而蕭閑金粟遺編尤著人知元里豪最驕溢而不知揚譽於宣政院稻田署之間而不可摧撼者此實其助夫固論世士之所宜深考也明西亭翁山長城明聖湖亦著篇紀而金陵尤號海內人士遊集地季年已卯廣引各士次尾舒章期山朝宗密之為之魁幸而是科周顧馬陳湯諸墨義號多名篇辛巳金山公卿名士密會而壬午金陵之黃唐咸三徐俞張儲錢兩浙之王黃朱墨義胥號多英贍此又論世士之所宜知也 國朝家文教單敷辛丑 日下十九人之會望實胥著碧梧大雅斐然代興嗣後暨陽會尤數秀野瀨水亦時著錄而辛卯丁酉金陵癸巳辛丑禮部試尤盛故是時墨義猶間有先正之典型而不至盡廢則碧梧獎導之有功

於斯文何可遽忘也歲在庚申九月京口冠伯張子玉峯題
客徐子集八郡人士於毘陵之青山莊以廣闡文貞公大司
寇公之傳俾漢魏朱華沙棠修竹諸清詞麗筆唐京兆同華
東都青錢之俊玉筍之班不至顛眩隕墜而墨義雖不克逮
明茂陵乙未甲辰秦陵庚戌乙丑以下迄定陵庚戌猶克武
季年之金陵庚午巳卯壬午禮部試之辛未丁丑癸未而不
至長爲藝苑所訕諱則一酬讌之微功非小補予所以差詳
文讌軼事而願百爾君子之敬聽之也

杲亭文讌序

王子安遊冀州曰蘭亭五百餘年直至今人之賞蘇子瞻遊
徐州曰李太白後三百餘年無此樂矣夫讌集酣賞生民瑣
務而子安例右軍蘭亭曰五百餘年子瞻例供奉采石曰三
百餘年蓋享不以儀猶不享也讌不以文猶不讌也是故君
子難之其有傲園池於洛北紀冠蓋於清漳故事式昭抑資
明識歲二月五日積或湯廳伏日品邑里英彥集湛斯曹
子之杲亭者四十二人歌詩談藝侃侃愉愉雖不敢補亡荆
南代興東邱若以子安冀州子瞻徐州縱橫區寓俯仰載禮
之識而例諸志乘故事意者蘭臺聚後千二百年仍復得筆
於樂安得句於吳郡乎人各占韻韻各繫名予適戒行聊優
以序

春集時習堂送觀水范子之旌德序

歲孟春望後三日而集時習堂者七人邑士也講道業文比集而匪道暨文無敢談此之謂雅集七人者觀水范子丙章史子鳴周葉子崑柱許子舍弟來肅來肅子麟趾偕予凡七人是時鳴周授經邑陳氏崑柱授經邑蔣氏觀水丙章來肅暨麟趾胥授經他邑丙章之高淳來肅之泰興麟趾侍而觀水之旌德集時習淺視水也予謹贖以辭曰奔走津要較推銖兩予士幸不克工它工是者幸無敢觀又曰有明制義五寶之一欲罷篇濟之二邦有道循天之曆數篇與謙一父為大夫篇應德一一匡篇觀水暨五子胥懋最哉

存視樓集卷五

三

孟春復集時習堂序

孟春二十有九日復集於時習堂申丙章史子鳴周葉子至觀水范子偕至觀水舟辰發蜀山午泊關潭故克至既而懷清吳子至予暨兒履函出坐語久之酉敦棘魯田二曹子至合坐者凡八人語不克殫紀其一曰豫章社不越數十人售殆盡為明神熹時盛事奇文雅不閱科舉若此又曰艾子子謂馮具區黃寓^居戶^議西湖單寒士蘄札一再行輒獲所欲曰不下數十札而慨於此風之不可復作蓋有明一代其美耗豐膏業若此又曰金子駿年十一嘉魚邑試攻者崛起尹命學而第一為政第二題報應曰學而後入政未聞以政學者也尹復命八佾第三辭彌肅尹曰是子且增嘉魚光不

存視樓集卷五

三

可攻乃克籍於校噫華山之柏不上而林立十里黃山之松柯貫石壁二百尺而根復出而樛枝叢蓋於曲澗之上昔人謂文舉松元禮柏有味哉諸子栗焉聽撫焉思酒裁三巡燭訖寸有奇迺起啜名徐立語別爰書之附春集時習堂序後是日陶青徐子以翰分秋不克至

送方文輈知豐潤縣序

唐未能言之士以令若長傳者如韓文公之南陽山歐陽文忠公之乾德夷陵王文公之鄆蘇文定公之績溪近世如茅順甫之青陽丹徒歸熙甫之長興湯海若之遂昌郝仲輿之江陰袁石公之吳張受先之臨川此其流風傑韻胥光簡策者邪韓文公自陽山移江陵自河南為職方員外郎歐陽文忠公自夷陵移軫自乾德復為館閣校勘王文公自鄆移紆旋判郡牧蘇文定公自績溪召為司諫茅順甫自丹徒入禮部歸熙甫自長興移順德卒掌外制袁石公自吳入吏部張受先自臨川入禮部蓋文章政事二者皆合符節而才之雅克有以自振如此吾友文輈方氏工文章殆與順甫熙

存視樓集卷五

五

甫海若仲輿均暇輒談政事燭照節解又殊非能言而鮮適於用者比今銓注直隸之豐潤吾見豐潤且均南乾德諸邑而俾最郡邑望者胥曰此文輈氏之豐潤也昔韓文公厚禮盧仝全苦雪遺詩曰惟有南韓縣令時時醉飽到貧家臨川陳大士巾服見受先受先謝曰采不以弟子來而以令來采則愧矣豐潤瀕海邑遼東西孔道使驛交錯離賈萃校雜處今邑人士儻少有類玉川大士者乎度文輈氏雅克師文公次不失作受先而從而知其解者始不淹期而行遇之邪令若長高第例擢司諫比年多入吏部禮吏職方諸曹乃陟臺寺議者猶謂館閣制救宜兼考唐宋帶職貼職法俾內外參任焉矧文章炳煥焜耀上繼千餘年能言之士又克

自振於舉世無以繼之之時而奮發而措注之地又近隸畿赤則其上之褒擢與夫受褒擢於上而最考牒而汲汲乎列之者又宜何如也而予行以卜玉川大士之相望於瀕海也或曰令若長貴聽察奚述文公受先為予應曰易曰禮言恭楊子贊晬曰目上於天耳下於淵若恭測曰目上耳下聽察極也夫目上天耳下淵而必繫之以恭司馬文正公註曰恭敬時宜耳目所懼其事故上下徧也予竊以文公受先為聽察之極也

存視樓集卷五

五

送吳寶崖之荏平序

寶崖吳子銓注荏平若有不懌然者或曰荏平望縣也籍吏部者百輩獨吳子得之奚事而不懌或曰吳子侍從選也少而工文籍庠校試輒前其曹詩尤闕奧為海內詞人宗新城王司寇嘗贈詩曰一代紅顏獨浣紗談者謂司寇之鑒也懌乃垂六十不遇凡試於有司十有一侷得侷失今歲復受蒙者之挫抑厯用編集荏平行舍籤帙而狎簿書此吳子之所以鬱鬱也備子曰吳子生澗之杭杭人士暴著史籍者眾矣文章獨高唐羅給事昭諫詔諫詩曰淚擬何門落玉盤又曰交遊益相薄知已恩潛替其舉場之遇不何如也澗東西人士比高黃藜洲萬季野毛大可朱竹垞姜西溟五公

存硯樓集卷五

五

黃萬不具論大可竹垞皆用薦舉入翰林惟西溟年七十猶就有司試財進士第三人及第是遇者一不遇者四而遇者猶埃之稿項黃馘之餘也吾聞荏平為唐馬中令賓王故里唐設進士科賓王不就考功試厯從武人常何代草封事其遇太宗尤奇幾與何等而非何寸步且不能自致然則賓王固瑰瑋卓犖之材何亦奇士彼憔悴逆旅者雅宜有以自壯也而况制百里之命操縱闔閭惟我又得望縣如荏平者哉噫嘻吳子行矣持昭諫之文而緯賓王之畧吾將於荏平卜之且比日者天子求賢之詔屢下庸知不訖薦入侍從如毛朱二公而勲名且度越諸進士及第者以張澗東西之望并俾後世君子益信新城司寇之鑒為尤懌耶此則予之茫

然四顧而斬以告當世之常何也

存硯樓集卷五

五



存硯樓二集卷之六

宜興儲大文六雅著

門人

丹徒張翥書

序

送瞿許沈三子之江西序

瞿子許子沈子胥遊江西。子宜以言贈而雅不工言。財錯舉古人語最易曉解。行爲三子誦之。語曰：不如意事十常八九。又曰：風流雲散。一別如雨。駱義烏曰：萬里烟波。舉目有江山之恨。百年心事。勞生無晷刻之歡。江東集曰：淚擬何門落玉盤。張文潛詩曰：不管烟波與風雨。載將離恨過江南。三子繇大江徑宮亭湖對匡廬諸峯。整容誦之。詎溷承睫而不能止。

存硯樓二集卷六序

邪意時時擊節起舞也。王子安滕王閣序曰：奏流水以何慚。杜牧之懷鍾陵舊遊曰：一謁征南最少年。虞卿雙璧截肪鮮。頽馬祖偈曰：江西從此樹宗風。予知三子之行有合也。謹誦之以備左券。李仕奉詩曰：廬山西南五老峯。青天削出金芙蓉。九江秀色可掬。將此地集雲松。三子暇日。當料度孰可巢者。先以簡我南豐梁先生質人。閱廓士也。今老矣。然雅善飯。三子往問之。其并書起居以簡我。金谿馮子夔。颯深經術。尤工文。宜黃藍子千秋。工治古文辭。今胥坎墮失職。子雅拳拳。顧子之迂而齟齬於世者。滋甚也。王子安詩曰：心事同漂泊。生涯共苦辛。又曰：海內存知己。三子者其書子所誦。暨斬三子料度者往視之。以爲異日胥相見左券。

送沈麟洲知文昌縣序

錢塘麟洲沈子鈴宰文昌。斯言於予。予惟沈子之才。奚施不可。矧海外僻左邑。故無已。詩簡瓊南要務。畧陳之。按五指山五峒岐黎錯居。外環州三縣。十衛一所。十一元。至元辛卯嘗條黎岐穴。明亦屢征金鷄嶺。長沙營諸隘。而訖不能定。今繇瓊走崖溫脚連。郎峒宜扼德霞。千家羅活諸膏腴地。宜營民屯而德霞勢平敞。尤宜營建州縣。他邨若扼要隘。胥宜創營。筋竹城。此形勢之宜考者也。唐崖僑振瓊萬安五州二十二縣。明時地多陷黎。而荷南蛇陳武之役。籍多放失。稅糧半舛古科。則又熟黎產多。隸閩楚暨南思。蔗梧高化僑客。雖以涂槩之加意犁掃。而卒尠就編差。今威德退宣。胥宜均覈。此田賦之宜考者也。明胡宗憲瓊管論曰：占城暹羅諸番。西南外時比粵。制府疏曰：瓊四面瀕海。地對交趾暹羅。今交趾白藤安陽塗山多魚。諸海口東直僑振。而林邑在交趾西南。暹羅解國又在林邑大浦口。銅柱西南。利乃瑪南。自明季破東蠻牛直臘。兵力較熾。久行萬安崖東北。走礮石甲子諸門。和蘭干系臘暨萬老大。崙麓駐泊之船。得無有經杏磊涉浪白而窟穴塚鏡者乎。此海疆之宜考者也。沈子往哉。願持子三說。偕制撫監司諸公力爲注措。三載後當入奏最課。願簡尤要者聞諸巖廊。而以其畧視子。幸甚幸甚。

存硯樓二集卷六序

存硯樓二集卷六序

送鄭璣尺寧親歸錢塘序

杭璣尺。鄭君獲請寧親而歸。幸甚。昔康成自序云。遭黨錮。注禮黨錮解。注古文尚書。毛詩論語。來元城。注周易。它如尚書中候。尚書大傳。毛詩譜。禮議。箴左氏膏肓。駁公羊漢議。發墨守。釋穀梁廢疾。駁五經異議。六藝論。七政論。乾象歷。暨臨頌。甄子然之所荅難。王粲田瓊。韓益曹航。宋均鄭小同之所注。釋而疏記者。并注。書。詩。禮。晉太元後。孝經。鄭氏注。今業多亾闕。然大指差可考。璣尺歸而萃次討覈。注鄭注。志鄭志。記鄭記。并旁暨近世。夾漈。端簡。諸書。無棄實。無漏例。良為甚幸。夫舉典而崇其祖。祖軼之正義也。

存視樓二集卷六序

三

送陳曾起知長寧縣序

翰林隸清班者。唐時員殊。至宋設三館。又有直閣。凡知州軍。無不帶職帖職。是故職分而員眾。金元應奉遷陟亦無常。職至明而院府坊局監別為一途。其遷陟也不雜。他京朝官。選號極清。而二百餘年來才殊不競。陳卧子贈某檢討詩曰。昭代才名西署貴。鳳池今日有文章。蓋諷之也。錢受之起而爭。謂翰林何獨無文章。選列朝詩。尤三致意焉。然而以賓之用。修衡獻吉于鱗。以景明允寧。衡道思熙甫。則其才實有所不敵。文章如精金美玉。衡文者如衡。凡以一代之識一時之習。一人之私計。淺慮而欲軒輊損益之者。胥惑也。七八十年來。網羅才彥。又間招海內遺逸。將以正明季之失。合唐宋金元之制。俾士用文章者皆籍翰林。近歲簡入院者尤眾。吾友曾起。陳子清才迥映。少即舉於鄉。議者謂非翰林不足位置。陳子而自成進士。迄今十有四年。嘗銓調知荔浦。今歲又調知長寧。二邑皆在粵蜀遠地。以陳子才宜日夕禁近。又當海內才彥競入翰林之時。卧子無所用其諷受之。無所用其爭。而獨循常調。又再之西南數千里之外。則其理與數之錯。迥不偶實甚也。昔唐襄文公繇曹屬改翰林。而近歲亦有自知縣事。逕召改編修者。陳子學曰深。綜理剖決亦曰以精密。一二歲間考最。意當循近例。備列曹乃綠臺寺而上邪。不然襄文改官適子郡故事。陳子文章類襄文。而翰林又非襄文不重。則其遷陟之適類焉宜也。

存視樓二集卷六序

四

送蔣樹存知餘慶序

蔣子簽注知餘慶。徐子觴之酒半。蔣子曰：此唐播州羈縻地也。輒舉柳子厚語儲子曰：播山谿號絕奇。惜劉夢得不果刺播。又惜柳子厚不果以柳易播。庸俾粵諸山谿顯而播獨逸也。國家文治熙融。薄海外猶內地。滇黔直不啻畿輔。假令夢得生此。且不願易去播。子厚又無辭而易夢得。雅不願易之播也。子工詩。又雅頌子厚夢得。且庸知子厚夢得果刺播。詩不彌工邪。子校勘冊府。近且載載籍以行。蘄誤一書。備黔中掌故。且用顯播諸山谿。而無俾獨逸。然則子之注知餘慶也。蓋甚善。急舉觴。慎無舉子厚語。徐子曰：然。蘄借上考書。胥一再期達矣。爰書為序。

存觀樓三集卷六序

五

贈許澤州序

予與海陽魯常許君。借出制範亭沈先生門。君先子成進士。銓注知夏縣。中丞石公藩伯蔣公胥器之。請擢知解州。獲命。會澤守移河東。又議澤古高都建州地。南全控太行之隘。北通潞沁。地廣民衆。請移君署澤州府。復獲命。旨是且陟制撫而筦鈞樞也。予嘗謂古今論治術多矣。而其樞要曰：解事。先解後行事。是以成。陳同甫樂府曰：從來解事苦無多。不知解到毫芒未。夫蒞事而不解。是名聾盲。解事而不克到毫芒。猶未盡善也。今君蒞夏。夏民事胥理。蒞解澤。解澤胥隸。五巨縣。事機未形。符檄先下。僚屬奉令。惟恐後。用是軍資率先它郡邑辦。而民不知勞。此所謂解事到毫芒者也。司馬溫公論王荆公曰：外人議安石太過。但性執拗。又不曉事耳。夫事不克曉。至被之以不韙之名。而不敢辭。然則幹臣碩輔之必貴解事。解事而必貴到毫芒焉。固也。昔宋張諫議舜民有言：司馬溫公王荆公論行義。文史為多。惟歐陽文忠公多談吏事。舜民嘗請曰：凡學者見先生。莫不欲聞道德文章。今先生多教人以吏事。所未喻也。公曰：不然。文學止於潤身。政事可以及物。吾昔官夷陵。欲求史漢一觀。公私無有。無以夷晷。因取架閣陳年公案。反覆觀之。見其枉直乖錯。不可勝數。當時仰天誓心曰：自爾遇事不敢忽也。今忝塵三事。人必謂翰墨致身。亮是當時一言之報也。而蘇文忠公亦自任吏能。曰：我從歐陽公處學來。君博綜史籍。詞筆如洪河東注。又受知

存觀樓三集卷六序

六

於範亭先生文學不待論。吾聞君始泣夏縣。吏呈牘解盜。君一見疑之。停解半旬。盜迅獲而免者始曰。蔣公時司按察。得訊牘驚異。後遂有知解州之請。其它辨疑獄。慮數十。然則同甫所謂解事。到毫芒者。此其實也。世有張諫議。當武夷陵。陳案而筆諸書矣。昔韓魏公之論人才也。曰。八纘入細事。無不辦。明祥符。劉文靖公嘗語瓊山邱文莊公曰。君有滿屋散錢。無索子。文莊曰。君有滿屋索子。無散錢。當時傳者以爲口實。夫入纘而不能入細者。有錢而無索可貫者也。入細而不能入纘者。有索而無錢可貫者也。吾聞君泣事。屏苞苴。却羸羨。繇堂階門廊。以暨郵聚堡。若之遠。繇賓禮士大夫。肅誨庠校。以暨郵窮羸。馭輿臺之瑣末。罔不肅然就理。而君從容談

存硯樓集卷六序

七

笑。指麾自如。蓋入纘入細事。胥克辦。而與文莊之無索子。文靖之無散錢者。殊矣。若要其極而論之。則雖歐陽公稱韓魏公所謂不動聲色。而措天下於泰山之安者。亦奚以外此哉。抑許氏系高陽。世望中州。靈寶。明季尤盛。當時文臣無敢至哈密者。而襄毅公開府甘涼。輒率兵夜獲其城。此亦解事到毫芒之効也。襄毅位冢宰。文簡繇冢宰入辦閣事。此自君才分所至。無庸贅誦。今澤郡正授。迺始基也。而詰嗣三珠樹。則文穆公發解石城。藤溪試禮部。宋福州右丞進士第一。要亦君家故事云。予爰誤贈序以賀。而并以質於範亭先生。

送陳有章之潁州序

予年五十。雅不任遠道。直緣曩者讀史。讀列代臣僚奏議。時得微解。意欲萃聰明有志畧者。卒談伯紀同甫之學。又感初祖浮海。重陽關崑崙事。謂異教尚爾。矧儒者雅讀書識道理。心天地心者邪。用此不遠三千里。決計裝而北。將求之都會。輪鞅四達之地。而閱士滋衆矣。斷其克自振拔者。卒。陳生有章。適學爲科舉文字。思殊清勝。亦未暇以予所。語之。今生且去。而南遊潁。潁管夷吾里。夷吾曰。知我者鮑子。又曰。美金以鑄劍戟。亞金以鑄鉏夷斤。櫛生倘時誦之意。且有徘徊清潁。而拊髀激躍而不能止者邪。繇此以歸。應科舉。夫何遠之有。

存硯樓集卷六序

八

送司諭顧先生會試序

如臯顧先生司諭予邑。未浹月而士胥頌之。會已未禮部試。先生行胥事。而予祖之以辭曰。明神宗壬辰。闈翁青陽先生。自司諭殿試第一。後秩大宗伯。功在國本。莊烈庚辰。予邑司諭。句曲楊先生禮部試第一。而康熙壬戌。廣濟金會公先生。其文獨為百年來名墨。今先生業最勤。文最工。然則癸丑。廣陵之盛事。且再見也。明孝宗乙丑。崑山顧文康公殿試第一。後秩大學士。時謂有太平宰相風度。神宗戊戌。上元顧鄰初先生。禮部試第一。後秩少宗伯。亦號名卿。然則吳郡顧氏之析支。金陵玉峯者。大江而北。且再見也。漢扶風班氏賦曰。發五色之渥采。光耀朗以景彰。唐龍門王氏賦曰。賦成鼓吹。詩猶彈丸。蓋先生之文。其決科雅可決者若此。宋鄱陽洪氏隨筆曰。唐人謂貢院為科場。亦謂之舉場。言繇此而決科。進取爭名之場也。此書唐季士之激揚騁鶩也。未若無所爭而文自可決科。決科且可決者也。非今所以設祖之指也。

存視樓三集卷六

九

送史先生致政歸序

昔宋司馬溫公風裁最高。猶難范蜀公之勇決。姑孰史先生。一旦引年。謝司鐸事歸。壯哉氣也。予考漢二疏傳後。尤高昌。黎送河中楊少尹序。少尹嘗以能詩訓後進。而予尤愛少尹詩。二語曰。王維靜時證水月。杜甫狂處遺天地。若大江而南。氣蓋函夏。唯采石磯巔水月可證。而天地可遺也。若風物清美。謝眺青山李白樓。摩詰可靜坐。子美可狂吟。此胥宜遠武二疏。上東門圖。而近武蜀公辭門下侍郎啓者也。壯哉何減。宋凌敲鐵騎三千之氣。

存視樓三集卷六

十

送吳諮臣霖蒼歸新安序

丁丑八月吳君諮臣霖蒼昆季將還古籟。吾黨之士爰以三日。祖道於予居之九峯樓。坐者十一人。二人不果集。於是汲飲步履。靡展塵襟。雅飲清談。竟日繼夕。雖時匪建安。地謝南皮。而少獲假此以修承平人士故態。從所好也。昔人有言。鄒湛葛強。不遇山公羊傳。形落久矣。千古讌集。良劇愴悼。而予竊謂南朝憶別之章。唐季擅場之句。其流傳者。皆用賓僚騁從。雍容文物。顧獨以憔悴之士。當友朋晨夕聚散之時。而又有不果集者。錯迕其間。尊酒空持。白雲何極。此予所為輟筆停簡。踟躕三歎也。矧乃風序歲華。悲哉秋氣。則雖當食而歎。有喜而憂。賢詰恒用為戒。而聽蟋蟀之長號。候木葉兮微脫。淒調商音。蕩激亡既。蓋舉友朋序散。與夫俯仰得喪。萬萬無所摧挫之概。皆畧見於茲集。而予適獲成言。使知徒步不必病於輿旌。草具不必厲於珍象。三疊初闕。四座無聲。豈復解淚下承曉哉。

存硯樓集卷六 序

士

送海虞王鶴舒府丞試序

憶吳門師洛陳君獨帥其門人。海虞王子鶴書來謁予。族次揚摧文義。俯仰今古。予據几興慨。輒歎為正始元音。業忽忽成三十年前事。今歲仲夏。鶴書將北發。曲阿南關。陵諸子胥為祖道。予復獲見焉。猶之見師洛也。鶴書勗哉。倘東萊千載正法眼藏。風寥韻寂。微言未泯。猶克俾人鼓伯牙之琴。而家承洞山之鐙者。於今復獲蚤暮見之也邪。

存硯樓集卷六 序

士

壽王中堂序

太原王氏與琅琊胥祖頌陽漢魏雁門中郎將尚書析支號極盛而繇雁門迄晉荊州督史稱八葉繼軌軒冕莫比魏齊後析四房唐纂晉陽祁樂陵郟絳譜表七宰相世系而司徒敬公司空文懿公昆季興於揚宋太尉文正公興於莘左僕射岐公興於華陽至明而太倉太傅文肅公實為三朝元老勳望特著恭惟文淵公太夫子系文肅公曾孫編修公孫奉常公喆嗣少而有聲庠校成進士入翰林廻翔院府坊局遂陟卿貳由宗伯拜大學士總南書房直比者引年力請而留京輦備

顧問士望尤殷胥漸以今歲正月七日八十始生辰肅拜獻

存觀樓三集卷六序

三

公位高而彌謙齒高而彌抑雅蘄僚屬生徒無重勤也大文爰誤侑辭葉以為四十年後符券焉昔晉鎮東中郎號過江名臣第一勳德如琅琊茂宏氏猶出其下中書令青兗徐督獻公號江東獨步蓋用世闕人物參互定之自有明迄今南充陳氏大名成氏高陽李氏屢號一族二台宰而多署同辦閣事銜唯文肅公暨公司綸掌鈞胥班輔臣首此與晉司徒元公尚書令簡公千秋繼軌實宋韓呂氏後六七百年世闕家盛事而獨步江東冠冕海寓者也昔晉錄尚書元公才識通洽號文籍先生獻公論公謙美通葛標章擿句尤善微言唐文懿公書無不讀四知貢舉所得皆知名士宋岐公草制上掩常楊實與廬陵臨川淇水號四大家恭惟文肅公雄

才鉅筆引紙千言當日吳縣鄞縣二相公同譜竝直傾心資挹而編修公以密機道采繼之公世傳春秋行卷馳驅直省典冊敕誥雍容闕雅嗣武華陽晚而受

詔闡四傳典覈於釋例義精於發微至禁庭應奉表率雋英海涵嶽矗而提舉淵儒學主乙卯山東庚午順天暨癸巳禮部試鑑以澄體權以辨箴無所要而輿望自翕無所防而眾口自弭此則經義之銓品士林之標準也昔晉獻公志力彊正唐侍中懿公激濁揚清實與清河鉅鹿偕號宗臣宋文正公當國使賢才任職子奪一付公論而軍國要機片言徐定維文肅公之枋政也嘗陳泰交要務曰以言責事以事責功卓有執持毫不假借又曰鄉有鄉評官有官箴又曰的列年

存觀樓三集卷六序

西

月明指左驗虛實既定是非自明而復蘄自處於不講不爭之地曰己有未當即當舍己以從人人有未確不妨舍人而從理是以高忠憲公曰輔臣泰交一疏天下莫不嘉其意也公運際陽亨位隆端右拱揖扉闥海寓偕熙皞同風而於文肅公所謂謹蓄餘忠以備青蒲之對者辭約指款沁入膺膺此又與獻公懿公前後繼軌而匪直以辨藻標獨步者也夫位極班行譽浹士庶而要之以正將之以慎若此者胥宜上壽又况盈而不溢成而不居謝政則佚伴二鎮論道則秩擬三師范文正公詩曰太平天子尊耆舊八十五祥未賜闕瑯琊掌固儻公比日之謂乎然則嗣是以往其續宋文潞公之平章重事漢張丞相之治左氏傳定律歷而無埃鄭公一樓

忠宣雙楊實克養和而迓祉也業已瞭然矣抑宋文正公請
具粟百萬而詔平夏來取文肅公疏陳邊情曰今日非宋事
乃唐事而恐趣之入宋又曰朝經暮營步步蹠實蓋嘗借商
正冢宰涇陽司憲力主經畧緩懷議而邊徼獲銷烽燧者復
幾三十年公廟堂雅量坐鎮埏埴而詰嗣詹事公參議公宣
猷西極左右文武其收功百勝入枋中樞而克續晉獻公之
於簡公唐文懿公之於敬公以叶泰交景運也行有日矣又
况恂恂濟濟才彥蔚起荆益寧都督嘗為後來之秀荆州刺
史復為後進之秀公世德懋宣華胄載承羣從侍郎公檢討
公學政公蜚聲省院而諸孫蘭蕙翹芬琮璜列采世閥人物
二者兼之昔文肅公編修公業再奏魏國五色雲而睢宋叅

存視樓二集卷六

五

政射策先手本公家几硯問物此尤可以荅元臣而迪上壽
者也抑宋岐公謨辭輒署太原世家章大文早欽先執晚附
講錄爰書公世澤以續平格之孔傳肇作朋之卜序云爾

壽田司農序代

周官司徒掌邦教周禮地官系井牧諸職至漢晉為四府三
公而尚書曹助漢建始應劭纂儀僕射右丞掌錢穀民曹掌
鹽池至魏晉置度支尚書北齊統度支倉部左戶右戶金部
庫部六曹隋開皇三年改戶部唐因之又常以平章事領度
支後合度支戶部鹽鐵為三司使宋號計相元豐定官制復
歸其職於尚書適符古地官司徒至明正品第二尤匪梁十
三班周七命埒而夏湘陰公總行在部院實行宰相職凡內
閣批該部知道該部議奏紅本胥忠靖手定制也後洪洞韓
公偕陽曲華容鈞陽浮梁胥號弘正名臣國朝選益清望
益崇元老碩輔率繇此辦閣務今

存視樓二集卷六

六

天子庚子

特命左都御史田公為戶部尚書公世家陽城烈考通議公
講學天井關迴車廟覃精周易嘗以皇極經世數參稽歷代
史事覈而義怒性剛鯁力折鄉閭之迎闖檄者避難棄幼子
獨負兒之孤以免它全活人尤衆杜口不一言韜光匿耀而
天廼厚發於公公稟精敏警毓秀析城湛深經術杜陵之授
易也興行學校北平之班教也危言深論洪雅之奏劄也華
階峻秩陽翟之樞衡也七齡時通議公夜聞欬必興長而博
學工古文辭制義戊辰行卷衣被海內始銓注英德均糧役
得水驛嚴迹捕懲豪猾廼建啓聖祠營近聖書齋貯俸緡買
田以贍生徒而滇陽涵暉間蓋彬彬多儒學士矣洎擢御史

再巡西城。稜采峭整。遇事敢言。嘗指疏督撫調繁弊。又疏考選行取例。深切委備。寬嚴互劑。擢參通政議。晉左右通政。綜唐門下省。宋通進銀臺職。而上晞於古之納言。天子天縱睿哲。知公可大用。擢光祿寺卿。盡釐叢弊。償牙戶逋數十萬緡。旋晉左副都御史。又晉兵部侍郎。而特詔兼理光祿者七年。蓋匪直大官。肴膳掌醞。掌醞寺署。胥漢三署。郎晉宋左右金紫。大夫梁華林黃門諸職。抑胥綜司存。而不振之矣。至若中丞治事。舉六條三院之要。右樞掌政。會七萃四安之成。爰廼祇膺帝簡。總統憲綱。抗議巖廊。則百僚屏息。按覆行省。則百城生風。而戶部之

存硯樓集卷六序

七

命爰下。夫其任總利權。不橐一錢。清也。班行翬翬。執議彌礪。直也。務引大體。靡責細苛。恕也。僚案欽德。曹屬肅教。信也。清以本之。直以達之。恕以行之。信以成之。職業且茂。不濟。然則公自今以往。夫匪直魏晉度支。宋計相明。湘陰洪洞諸公名蹟而已。蓋僕射掌錢穀。平章領度支。以暨漢晉太原王氏之繼職司徒。唐聞喜裴氏之守司徒。實為正任宰相。子行見公不繼焉。昔澤州陳文貞公頌通議公曰。孔道以明。漢書藝文志。儒家者流。出於司徒。蓋通議之道。至公而炳耀。杜陵北平。洪雅陽翟諸譜。望且合為長陵相門世表。而哲嗣上舍君齡。甫逾十業。通易象淵源。則信乎天井清徽之遠。而太行析城。磅礴鬱積之氣。胥萃諸公。而莫之有涯也。辛丑公總裁會試。

覈實才。崇實學。得士之盛。實續唐貞元八年。宋嘉祐二年。貢舉壬寅。秋七月十有一日。公七十二歲。始生辰。諸士漸舉尊焉。而以子丙辰。座主小司徒公為公從兄。公戊辰。同考小宰。仇公又子弟司徒所得士也。爰斬子言以侑。子惟誥。平格。頌三壽。鏗鏘鼓舞。彫麗閣偉。此當煠二十八年後。公黃閣考績。上舍君玉堂侍書。日延海內宗工傑儒。誤之。而子今先草辭。以券。竊附國計錄。宰輔錄後。抑推闡陳文貞公之指。用附東堂勸酒軼韻云爾。

存硯樓集卷六序

六

壽蔣閣學序代

子偕學士蔣公同官內閣同直南書房戊戌冬十月十日公
門人修撰子宗寶傳汪子杜林輩以公五十始生辰胥斬舉
尊而子侑以言曰學士之職唐宏文館隸門下省掌議制度
授生徒以宰相領館務集賢殿書院隸中書省掌撰集文章
校理經籍以宰相知院事年最高者判院事又置史館修撰
修國史秘書省監掌經籍圖書而翰林別置學士院掌批荅
表疏應和文章又掌中書制詔書敕號內相內宴居宰相之
下一品之上宋建昭文集賢史館又置天章寶文諸閣學士
元奎文閣選尤精而翰林掌內命胥如唐制明翰林春坊學
士蓋唐宏文集賢史館秘書之職而東閣文淵閣撰擬誥敕

存視樓集卷六序

六

實唐宋翰林學士之職國家忝前代制建宏文秘書國史
院旋併學士職於內閣而序班先翰林院今
天子文思經緯光賁百執又擇翰林官直南書房視唐宋直
館直院文學直諸員職尤清切其望崇者至用諸曹尚書承
旨典例以內閣學士入直則又兼翰林宏文集賢學士之職
總文翰機務而胥筦之矣而蔣公少以鴻才顯藝文播海內
早充鄉賦癸未遂上纘宋揚文公晏元獻公特賜進士第入
翰林直南書房詳正應奉克勤厥職錄編修撰贊善侍講讀
又掌坊事旋擢少詹事以至班學士貳禮部胥兼內直一時
大典冊寅命辰奏又當海寓昇平民物熙阜
天子巡兗揚豫雍歲清暑潮河龍井外校獵秋山公履從法

駕率從容引騎奏篇帙於鸞旗豹尾盤鷹雉鹿之間而復忝
辦閣務綜理審密沛然餘裕然則翰林而兼唐之宏文集賢
學士內直而兼明之東閣文淵閣公才公望惟公雅克任職
予知行正部閣銜適宜號黑頭宰相而以服官政之年晉而
肅政事堂之坐也昔仙居懿公四世學士三世集賢淮陽公
節度與元鳳翔兄弟三修撰而太尉錄承旨學士遂拜同中
書門下平章事今公纘儀部公參議公緒四世進士雅符仙
居元昆制置滇黔府望彌雄於與鳳羣從清華業越膠水二
子警秀且嗣晉陵而公光依日月渥恩殊眷抑不翅太尉之
三起三雷予又知學士同平章事當用唐宋典例內直學士
禮部辦閣事當用國朝閣臣典例而勲名振耀抑且光闡

存視樓集卷六序

七

宋紹建元樞乾淳右相明全州晉江殿閣學之崇階峻望而
彌恢衍之也蓋公博極載籍該涉藝流比謨皇輿全覽慈
而不儻贍而不雜實續記室括地志緒而偕晉裴元公禹貢
圖之分率準望唐賈元靖公海內圖之廣三丈從三丈三尺
皇華四達記之十卷胥克用文章為宰臣經世要典然則公
之內直而口誦掌次也近以指陳縮載建甌諸勝勢遠以綜
括壽昌吉良蘭城藤橋億萬里胥就羈馭之圖而躋冊府圖
書翰院奏議於規隨謀斷之列以晉筦鈞樞職而兼總之者
昉此矣昔唐集賢學士謀慮可施於時著述可行於世考覈
以聞公秘禁論薦雅允僉望洎充讀卷同考官又得寶傳杜
林輩號為極盛尤克祉默黎而迓蒼祐顧平格之誥保艾之

雅當埃龍復集五成。公暨元昆胥稱國老。公子兼班閣院。迺俾海內工言士撰之。而予今總南書房直。謹附錄源流并論次。公纂皇輿帙如右。爰以侑尊。且補翰林內志。借懿公宰輔錄。膏播盛事焉。

存視樓集卷六序

主

壽陳司空序

自周盛時而聃季為司空。毛公又偕召公畢公以三公兼六卿。班司徒宗伯司寇上。漢改副相為大司空。後偕太傅太尉司徒號四府。魏晉下偕太尉司徒號三司。又號三公。歷唐宋不改。至元而置太尉大司徒。勘置司空。按應劭漢官儀。民曹尚書掌繕治功作苑囿。又二千石曹尚書掌水。自唐武德初改起部為工部。置尚書。偕禮部號後行。轄頭司子司四。然職猶分於將作少府。後裁為將相兼銜。雖以元豐定官制而究不能大改其舊。至明因前代設尚書升品正第二。而周唐之司空工部職始合為一。國朝又簡院府坊局監之秩。尤清老。送正部聽事堂位。繇是府望益隆。比日殿閣以工部登庸而簡國老。碩德特履其任。繇是遷日以重。今尚書海寧陳公氏族甲海。實為當代之南仁。里陽夏。東武城。涿水。茲未易悉數。公少而穎敏。才藻溢發。年十五入辟雍。時長洲宋文恪公為祭酒。一見許以國器。及雋南省。以一甲第二人及第。序名適類宋韓魏公。不浹歲入直日講。修宋崇政殿。邇英閣之規。又兼左右史。旋擢唐坊局。宋講讀。一時大典冊。振耀藝林。遂正端尹。轄門下坊典書坊桂坊。既而拜翰林院學士。兼唐宋後承旨侍書之職。視明暨國朝學士班恩禮尤渥。旋擢吏部侍郎。掌周禮六典八則八灋之貳。以會邦國都鄙官府之治。清望公望胥大著。天子欲試以民事。特命巡撫廣西。德煦威肅。舉府州縣寨備。

存視樓集卷六序

主

暨半山。村小江古州安隆所師。宗把雞隘琴濠。洪厓走集。控扼之區。不啻絲聯。俯而胥克靖之。蓋屹然為西南翰柱者。凡七年。

天子念公久勞於外。特召入覲。命盡校南書房前後編纂書。稱老翰林。儒臣榮遇。前古未有。繇是正陟尚書任。又適當工部登庸後。而公職業修舉。神用彌以精。綜畫彌以密。凡工役程式。曹司最課。暨振武河源之屯冊。集津莒蒼廣濟安平之渠洫堤堰。無不詳審。抑尤為近世司冬名卿所莫逮。然則自茲以往。且類比曰工部之登庸。唐盧商之兼工部。鄭期之守工部。胥以尚書同平章事。抑或類唐宋宰執加勳階。食巨實封。多自都省後行。晉中行前行。又或類唐三十六年宰輔之

存硯樓集卷六

五

繇尚書右僕射晉守司空。繇司空晉司徒太尉。此胥工部之近例。而司空之掌固也。昔宋寇萊公建殊庸。始以郊祀恩加中書侍郎兼工部尚書。謝表云。正文昌西臺之秩。兼冬卿常伯之崇。蓋前世職官制。其躋六曹於散騎左右轄之上也。如此。今公以文翰受

上知。而扈西征。奠南服。勲猷懋燁。今柴壇伊邇。黃鐘甫兆。前日南至。六日為七十始生辰。行見郊禮大慶。禁廷草爰立制。且繼生日口宣。而胥播之。而詰嗣編修公。祇紹家學。其武端尹承。肯諸職法。而烏奕韋平之拜者。蓋不埃。揲策布算。而瞭然矣。抑聞宋菊礪先生之年六十也。劉潛夫贈章曰。快唵三千篇。多活五百年。今公以金貂盈坐之世閱。而克武菊礪先

生之唵詠自壽詩二十章。京輦工篇翰者多屬而和之。當刊為工部集。食舉唱和集。而繇是台司真食且益疇爵邑。孫曾繩振。且繼南仁東武城而起。而宜休假沐尊竿競執。抑當益傳示逢辰。斷金東堂勸酒諸集。雖三千篇。五百年。又多乎哉。某獲遜承講席。謹獻言以侑。抑少附於卜氏衛氏之詩小序云爾。

存硯樓集卷六

五

壽楊少宰序代

壬辰予奉命主禮部試凡進士入翰林者自修撰寶傳王君
下十有 人時淵湯公適以通政使使粵劾發叢弊清望迅
起特命掌翰林院司教習而公尚未屆都也予喜曰今而後
諸子其得師乎頃之公侍經筵晉吏部侍郎仍縮院纂以克
藏教習事而癸巳且有再命矣乙未春正月八日公六十始
生辰王君偕壬辰肄業者胥斬舉尊焉請予言以侑之予既
雅敬公又嘉諸子之久而克服公訓也乃為之序曰周禮小
宰掌六典八灋八則之貳以逆邦國都鄙官府之治內史掌
八枋之灋以詔王治予按宋人釋禮謂內史猶內制外史猶
外制唐宋內制翰林學士也小宰既掌六典八灋八則內史

存硯樓集卷六

五

復掌八枋而典灋則枋胥隸天官然則吏部與學士聯職也
天子用公兼二秩蓋小宰之計羣吏內史之書王命胥得人
矣公丰度閒整修辭為一代雅宗戊辰入院勤其官主貴州
鄉試拔士為盛入侍日講改給科事旋掌戶科印條疏劄懇
稱真給事出提督河南學政謝請謁絕餉賂肅鑒平衡考為
天下最
天子知公可大用擢貳太僕寺卿出丞奉天府入貳通政晉
光祿寺卿改太常晉使通政廷議侃侃無絲髮瞻徇特命出
使東粵遂陟今官華資要任胥班第一此蓋
天子聖明熟察羣臣材否得士之格峻而器遠者不以專司
分局限之而公功名日起且將進膺鈞軸則周之三公兼六

卿唐宋之宰相兼元樞判度支鹽鐵蓋胥準此焉而經緯措

注之宜其尚克俾迂愚者少聞之否也昔周小宰執九貢九
賦九式之貳以均財節邦用內史亦執國法及國令以逆會
計而小宰八成七日聽買賣以質劑八曰聽出入以要會蓋
六典八枋無所不統隸之如此其繁也予承乏戶部時以職
獲察於下執事而惟不勝任是懼公其有以教我乎明李獻
吉論憲孝時名臣謂三原河州單縣封邱大小事立霆劈斧
斷至華容浮梁諸公而不能無少變焉予閱事滋久彌有味
於獻吉之言及觀公出使入議峭鯁奮決未嘗不撫几歎息
然後知天下之士辭尤高者氣必盛氣盛而事之糾紛錯擗
暨其絕可震愕者胥不足難之此公之淪職所以精彩百倍

存硯樓集卷六

五

不啻奪賁育之勇於從容唼諷之餘予所以雅敬公不置而
諸子之胥宜重以為師也噫予行老矣倘獲訖遂初志杖遊
閭里當益聞公兼綜省閤著庸平格永昭
天子知人之德而先次茲辭以備四十年後宗工鉅儒侑無
算爵悼典則亦愚者之少有助云

存硯樓二集卷之六

存硯樓二集卷之七

宜興儲大文六雅著

門人

丹徒張 冕冠伯 崑山徐柱臣題

序

壽梅少詹事序

嘗觀載籍所紀辭合大雅以讀書養性為事獨高漢壽春梅氏乃若清資率秩閱衍焉奕足以頌三壽而誥平格而復兼壽春之風徽者吾今得諸少詹氏南城梅公少治易凡施孟梁邱焦費暨鄭荀王韓之學胥克通之猶壽春之通尚書穀梁春秋晉豫章內史之上古文尚書也工文章望於南州辛酉中鄉試式第一乙丑成進士省卷温卷海內學者爭誦

存硯樓集卷七

一

習之選翰林院庶吉士盡讀石渠延閣書遂授編修經緯潤色焜耀承明猶壽春大雅之辭宋都官員外郎之日課一章多至一十五卷而震越渾錚且上掩二百年也乃陟坊局乃班講讀遂正學士階一時大典冊咸出其手疏經約傳詳而當簡而明猶宋翰林侍讀學士之富於文藻位兩制而師三館也乃膺特簡視學畿輔不傳片紙不納一錢鑑以鑑之衡以衡之其所取士今列侍從臺省暨雋鄉會試者未易更僕數文教不振功在膠序猶壽春之請建三統追闕里素功而遂詔封殷紹嘉公也主河南江南試公明焯著比日繫海內望班清流第一者嘗出其門猶宋龍圖閣直學士之知嘉祐二年貢舉

都官之辟佐編校而得曾文定蘇文忠文定諸公也乃陟端

尹宮尹之貳二坊暨三寺十率府諸務得總省之而議政令

舉者碩尤竭翬翬之思猶侍讀之條畫邊計龍圖之任臺諫

而貴戚皆望風斂手也公令嗣胥擢賢科省漕君政書郡邑

最檢討君與公同列禁林餘亦雅屬南宮甲第之望名位且

將日顯殆不異隴西之五辛金城暨薊之五寶而諸孫玉立

胥徵國器近世高梅氏望者首引二城自公父子為時聞人

乃號三城且軼二城而上之而公綜公望公才之長且將執

鈞樞拜爵命猶漢初十萬戶侯之勲書南陽酈浙而黥有城

臺有嶺也公生龍溪霞洞間餐蓮醲泉壯而宦遊四方冲和

恬粹不輕愠喜年今七十而氣益充貌益澤猶壽春之日以

存硯樓集卷七

二

養性為事而其所經行處且胥籍梅氏龍舒豫章有山嶺玉笥有宅尉有家會稽吳有市延津有華陽驂鸞胥克產結丹寶吐納星日以依佐其長生而久視也今歲夏六月二十有八日為公始生之辰其親交門人斬登堂舉尊者猶之漢諫議大夫嚴氏也而豈直市門知舊浮石弟子云爾哉予蒙恩忝司綸誥政事之坐待公久矣又辱檢君一日之雅爰敢先以言侑尊并以志東堂奉酒肆自今日始

壽陳中丞序

唐昭文館直知館大學士四人以象四時。元老上相兼領之。學士八人以象八節。五品以上為之。直學士十二人以象十二時。六品以下為之。未登朝為直館。集賢殿書院學士掌乾元麗正四庫書。宰相一人為學士知院事。常侍一人副知院事。學士直學士如昭文館。而直院官尤眾。唯大學士嘗置而尋輟。蓋以尊昭文也。史館以宰相監修。領史職者為史館。修撰初八為直館。號三館。而翰林院選文學士與集賢院分掌制詔書敕。開元二十六年改供奉為學士。別置學士院。顯掌將相三公三師制。至號為內相。內復則居宰相之下。一品之上。蓋昭文館隸門下省。集賢院隸中書省。而翰林院獨無所

存觀樓集卷七序

三

隸云。宋亦置三館。同平章事。稱昭文相。集賢相。史館相。翰林學士。號內制。而凡兩制。臣僚典藩建節。如范文正。以龍圖閣學士帥延州。趙清獻以樞密直學士帥益州者。率為東西府。資殊不如明之院。府坊局監。顯號殿閣清望。而其後或至合六曹。柏臺銀臺棘寺。而胥爰立之也。國家覃教。興賢上協虞廟。瑰偉殊特之士。時出。楚南陳公文史紛綸。揚芳振采。工貞楷草書。蓋舉類魯公。活溪碑。李北海。嶽麓碑。歐陽率更。九成宮。體泉陵。綠天。傲二張體。而胥擅之。歲在己酉。爰雋府丞。試此業。埒於唐之同華。解宋之開封。解矣。尋雋南省。入翰林。授史職。借翰詹諸侍從。臣試於闕廷。而公名御擢第一。爰陟講讀。班晉學士。此集賢院侍講學士侍讀直

存觀樓集卷七序

四

學士之職秩也。爰陟少詹事。晉正詹端尹。少尹輔相華。食爰陟內閣學士。直秘閣。批紅本為護身華蓋之貳。爰陟少宰。枋選曹勳封考課之要。列三銓之位。此在明時。枚卜業已名冠。廷推矣。而丙辰分校。府丞試丁巳。校禮部試戊午。典湖江試。得士尤盛。眾望翕然。稱賢。顧以漢制。九卿必出試。民事。廼拜御史大夫丞相。唐曲江張文獻公嘗謂不任都督刺史。不當陟臺省長官。而今安徽繁雄。甲天下。冠蓋盈列。又長江上游。門戶巡撫之任。綦重也。廼命公兼少司馬以往。凡舒歙宣豫。合濠池陽順昌。綏安南譙。東關八府三州之符檄。令式安撫。宣撫之樞機。未浹三月。而秩然就理。江南北交口騰頌。此彌以徵。聖天子知人之明。而公之左宜右有政事。借文章胥卓絕矣。然則學士草制。昭文閣館眾直。可翹足而埃。而行交頌。玉堂極盛事也。夫唐淮南西川節度。多入拜宰相。宋將登二府。多出典。并益永興軍。今安徽亦唐之淮南西川宋之并益永興也。故以安徽言。則中丞堂業有二相。以全楚詞。臣言則漢陽相公出而復入。孝感相公瀛州學士。即可正位中堂。公今年四十行。當為黑頭宰相。以繼李文正張文毅楊宮師緒。而清節潔修。嚼然不滓。又有超越于劉或長沙。舊邦傳讚。張勝桂陽。先賢傳贊。雷叔先零陵。先賢傳之表者。然則由今後六十年。四廂食舉。曲謹頌黃扉元老。而喆嗣文孫。且胥繼漢穎川陳氏之羔雁成羣。奕世卿相。宋閩中陳氏之兄弟再舉。廬傳第一。伯仲平章。季拜樞密。明南兗陳氏之父子嗣拜殿

學而傳為祁山石燕間極盛事者。此亦三館志翰林內志之所宜編錄也。昔昭文學士教授生徒。試如國子制集賢院。有雷院官文學直員史館。凡位卑有才者。亦以直館而翰林院。又本待詔地。副貢盧生之溶。當公丙辰分校。嘗獲首薦。又為做邑桃溪毅烈之系。故輒援昌黎韓氏薦侯喜例。所謂閣下既已知侯生而愈復為言者。以靳上附於永陽郡葉令思呂升卿諸先賢之列。且宣盧生趨視百齡勤懇指。若其它則非愚所敢聞也。

壽趙邑侯序

維天水氏。繇趙城而耿鄉。繇耿鄉而晉陽。邯鄲代。又繇代而秦之天水。漢魏以後。積行累庸。冠蓋盈望。遂為千百禮勳。閔甲族。東京太尉司空。魏周後。再世僕射。唐再相。暨新安相。宋蒯虞城。聞喜。餘干。諸鉅公。不具論。粵惟衢。西安。清獻公。實贊平章事。如史所紀。鐵面御史。一琴一鶴。暨定訛弭贊諸蹟。簡不勝書。韓魏國忠。獻公。嘗尊為人之儀表。而曾文定公。紀越賑卹政。尤詳。清獻裔。孫析。支。澈。水。恭。惟明太師。文懿公。起家上甲。蓋二十有四年。而入辦閭務。尋晉首揆。淵識雅度。從容幹濟。凡十有一年。迄俾沙泮。用久。熊川不波。且蘭底定。而又荆石覆宿之爭議。甫息。蛟門金庭之黨論。未興。德遇胥隆。台

宰極盛。遂為湖東西甲族第一。奕世彌振。恭惟文林茂才公。種學績文。邪卿孟子之注。伯循春秋之疏。以暨上虞之吳越叢編。壹之集。二卷。宏智之二十卷。冬曦之集。卷。嘏之渭南編年集。五卷。璘之表狀集。一卷。實克兼綜。聿光世武。而滋英毓粹。迺復大啓於子邑賢侯趙公。少承庭誨。偕伯仲二難兄。蜚英騰實。籍博士。列賢書。行卷溫卷。颺馳海寓。蓋文林公之克繼漢唐譜學者。業已胥綜肄之。既而聯雋甲第。銓注南曹。爰以宋御史裏行例。

欽命試用江南北。而子邑幸首選公車。糧賦不溢。秒忽粟米。不浮顆粒。厨傳輟役。市廛寢供。則清獻公之一琴一鶴。炳於宋詔者也。詞析兩造。而東舍波澄。讞彙一成。而荆南石屹。令

嚴警鼓奸屏聯航則清獻公之定詔弭贊書於宋傳者也曠
濤甫助牒報旋上勸分擇委羸雅全活者以十萬計此又符
文定紀序而實克培富鄭公之賑青范文正之賑杭者也矧
復長壽題河永安署港畚杵競赴驅織條通以暨背絕里門
士奮精舍其視清獻公治歷州郡尋以二府典三州而胥書
循卓吏第一也政實均蓋今江淮行省昇秀行臺宰轄而下
業已胥重器之而循聲且四達諸省會子邑雅幸公之正授
而清獻公拜殿中侍御史又拜侍御史吾知公且例錄曹司
克武之而復錄此陟掖省綜制撫筦鈞樞此則文懿公八載
元揆匪直度越州姚江新昌諸相上抑且度越羅山暨蛟
門金庭上而公復象賢而上武之雖實符宋薊相之正位太

存魂樓二集卷七序

七

師焉可也矧復詰嗣敦敏三珠五桂孫曾且繼承滋永其克
繼平涼內江高邑之清標遂學益都之及第第一以彌振趙
城耿鄉天水暨天水右扶風大鴻臚世望者雅可預書簡以
賀而公武虞城清獻文懿社彌晉崇禧茂登上壽海寓宗工
傑士且胥談四廂食舉典麗辭此則六十年後濶濶間賞覲
賀熙朝盛事而某等今竊附于芻蕘承詢輿人行誦謹以夏
六月三日公始生辰胥舉山搗野醪并不敏之侑辭以獻抑
以漸少叶小雅臺萊之義云爾

壽趙贊善序代

吾師贊善趙公謝承明承華秩退而盤桓秋谷園頤天和探
天倪奧編秘笈靡所不窺尤肆其日力於詩牢籠百代橐籥
萬象而盡破去擬做狗瑣態習其軼近世歷下臨清諸家之
格而武東平公幹山陽仲宣臨淄太冲以借唐供奉李氏參
標翰苑鶴天無疑也公恢參政按察公之緒怡封編修公之
養夕膳晨羞擬於絳跌朱葛郡邑守長暨冠蓋士遊青者造
顏神里第多捷關不應徑詣秋谷則公侍編修公延知舊業
觴詠彌日客亦陶然就坐顏然引滿一切佐飲具率不移晷
立辦而北趙家風實類南阮祇以鴻章雅詠之爭高嶽副嶽
也士胥樞樞用此車輻輳秋谷而海內指標當代才子亦胥

存魂樓二集卷七序

八

曰秋谷先生某某受知於公久聞侍公論退而衷諸史籍如
供奉之月夜放舟著宮錦袍也房太尉之畱萼庭蘭不遣也
李鄴侯之取樛松枝撥煨芋也白少傅之構石樓香山鑿八
節灘也楊學士之賦醉穆東房也蘇端明之風月笛雲霧窗
也夫公實胥類之而若貞元集張拾遺之王臣慶曆集進奏
院之蘇王暨近世武功康氏新都楊氏章正李氏抑未識其
風趣雅類焉不邪夫公自以公才公望煇耀館閣而凡有托
而逃者抑豈足涯經國之偉畫曩壽世之嘉祉也邪當公始
舉於鄉年財十有七又一年而成進士入翰林又五年而主
會省試某某實受知自盤桓秋谷距今且三十有四年今歲
辛丑冬某月日甫為六十始生辰而漢淄川公孫丞相方以

六十徵賢良後始推擇對策第一。然則自今四十年。公且入冠蓋峯。踐紫閣。益謨升歌鏡。吹諸樂章。而勳猷焯著。且武大尉鄴侯。暨謝太傅之絲竹。李衛公之羹雜寶。寇萊公之燭脂堆數石。李忠定之百二十朱紅榼子。胥入宗工傑儒。俯尊辭者。爰實自從與不敏之辭始。抑聞海沂河涕間。雅標長生久視術。東方曼倩嘗遊於漢庭。至金元七真道尤顯。夫豈知齊風魯頌精融密煉。此卽參同契所謂性初規中邪。元鐵崖楊氏曰。妙乎天兮。天天之先。天之先復何僊。如公詩句。此非所謂天天之先而妙乎天者邪。抑聞鶴類應金九火七。歷千六百年而與聖人同隱顯。今歲行金矣。意孟冬陽月。海鶴南飛。殊有廻翔秋谷而不能止者邪。從典辛丑試中式士賦鶴神候之。

存碑樓集卷七

九

天寒以壽公且。斬登雲門暨瑯琊大崑崙成山諸峯頂而疑

壽張韋存中憲序

張氏出自姬姓。載於詩春秋左氏傳。自漢杜陵衛將軍司空韓少傅大司馬後。析十有四望。而吳郡范陽清河尤甚。吳郡號吳中四姓。唐燕國文正公始興。文獻公河東。倚氏三相。胥祖。晉范陽司空壯武公。清河自漢司徒唐二相分。其支系尤烏衍。而漢丞相北平文侯。肆左氏春秋。年百餘歲。世居中山。義豐系多要顯。此胥克鏡之彛。而彼之管絃者也。自宋以後。如金源太師暨日照左丞承旨兄弟。明永嘉江陵二文忠公。世尤號盛門。永嘉五入政府。江陵拜太師。而宋之七殿元暨汾陰亳州二元。明隆萬之戊辰辛丑元陽君一二先生亦胥附衣冠盛事焉。國家久道化成。毓祉錫羨。氏族之譜。琬之錄。更僕未易數。而南徐龍舒張氏爲尤盛。南徐自光祿公首解南國。爲司銓司衡名臣。編修公以鴻辭峻科。文正公以元老碩輔。觀察公以貞憲亮節。實克纘承而光大之。恭惟中憲公少肄家學。研經覈史。餽於庠。中雋於戊午。成進士於戊辰。行卷溫卷。馳海寓。蓋燕國始興之鉅筆也。徇翔郎署。握蘭起草。豎義無淹思。綜務無遺畫。蓋義豐倚氏之偉才也。出典杭郡。循聲卓績。爲二千石最。蓋襄邑所以舉元元論。十入軸而措之行事。濮州所以闡成都之政。而覆庇錢塘十萬家。浦城所以著廉名。而廣漢所以紀德於餘杭。流頌於西湖。菱池以克紹忠獻公宣公之烈也。先生善誨。羣從彬彬濟濟。抑更僕未易數。君若學士公孝感河東。藩伯靜樂諸君。胥以

存碑樓集卷七

十

經術幹畧有聞于時。而詰嗣汾州君。知名州兩典大郡。政聲傑起。寶克標臺掖制撫之望。學博君以清文垂譽。上舍君以遠度揚輝。又若司徒宅相。右軍風調。以暨文孫穎發。三珠五桂。且行克紹。宋七殿元明。元陽君一二先生。暨編修公文正公。而益振耀之。先生今歲八十。步日以輕舉。耳目日以精明。吾知且起而應老更之選。為昌樂二相。為猗氏三相。以紹漢丞相北平文侯之百有餘歲。且晉而紹堯侍中之繇。唐虞訖唐開元。歷載三千有奇也。某月日為先生覽揆辰。親知胥勳舉尊。而予侑之以饌。抑以紹青陽之謀。襄陽洛陽河東曲江。下邳吳郡昌樂河間繁水平原之宰。相世系表云爾。

存視樓二集卷七序

十一

壽張壯與詩序

京口張子壯與。今歲年五十七。七月十有四日。始生辰也。諸君子之雅嘗遊從者。後二月皆詩以頌之。而予謹為之序。蓋制科之設。所以俾天下才俊之士。無失其所。故公收而精擇之。其才也則舉。不然雖富且貴焉。胥不在是限也。自唐之季。世士多請謁。至宋而糊名易書之法行。內外不相知其弊也。枉直同貫。賢否混淆。以歷七八百年。而哲主英輔莫之能改。重之以元明之制。囚鎖謬遷。豪傑多伏而不出。人才日以尠少。然有司之尺度。士猶得有所做準。以一日之文符券之。而不病其不甚合。神燾而後。文體滋變。舉之者競亦滋烈。雖有良有司。且茫然不知尺度為何物。矧其餘哉。是故當是時。而欲以冥冥決之也。蓋難。天下之才。莫盛于江南。有司之較才失之易。而得之難者。亦莫甚于江南。吾嘗綜江南人士計之。才如張子。度可三四數。而張子與此三四人者。且屢試而屢絀。何哉。比年以來。天子優憫臣僚。凡華要官子弟。得自占號。就曹輩平試之。張子籍相門。才又出其曹遠甚。而凡再試復再被絀。夫以江南計之。才度可三四數者。而于萬三四千人中。斷列諸六十三人。若二人及八十一人。而不可得。以才之迥絕其曹者。而于一百三十餘人中。斷列諸八人。若九人。而又不可得。此有識之士。所以歎制科之法。不可不更。而諸君子之詩。以頌張子者。嘉其才。惜其遇。而厚為繼此之操。尺度者。望也。張子子六多傑然有聲。異日決非偶然者。然吾黨尤望

存視樓二集卷七序

十二

張子歸熙甫曰望天就日之誠白首而不摧挫今張子祖熙甫成進士時齒猶少也庸得自暇逸乎哉予于序之末簡而復以爲勗始小雅無疆之義也夫

存視樓集卷七序

七

壽青琅張君序

位借齒胥崇者晉王太保齊趙僕射宋文太師明劉少師史錄尤著而漢張丞相定律曆傳左氏春秋年至百餘歲後魏羅外都大官年百七歲總三十六曹事精爽不衰及歸老而朝有大政猶遺騎諮之實克符上壽焉京峴青琅張君自其曾祖光祿公慎銓精鑑爲國初名臣生編修公殿試賜一甲第二爲名侍從弟文正公品局風度爲太平良輔司正衡永杭州學正公胥以傑才清望著而讀學孝廉廉使郡司馬後先輝映蓋實克繼臨沂陽夏東武城范陽之望而爲海寓氏族甲君編修公孫教諭公子教諭公文尤高名冠藝苑遇人恂恂懇胥知爲長者而君復以修飭幹練嗣之然

存視樓集卷七序

七

則京峴清河氏且當軼六代之吳郡有唐之河東也君銓注靜樂清而不鏘和而不弛教紡績而民服胥贍戶口而民復胥鈞疏明律例黜罔或欺指授經義秀罔或惰而會城彙供軍與符檄勞午尤克取辦俄頃而民不知勞蓋迄今管涔石嶺間胥誦廉能令而秦晉制撫晉冀諸大吏亦惟恐君之一日少釋以鈔所伙佐也然則陶太尉之經畫詳密杜交州之治公事如家事劉僕射之求訴諮稟盈階滿室悉皆贍舉君實兼綜之而類韓魏公之所謂入麤入細雅無不宜以克從容集事疑太和而萃嘉祉者邪君五弟胥才懋最勤撫用俾有聞詰嗣文孫瑤晶瓊耀復類琥璜琮璿之森列且當繼光祿公承宣試編修公策試爲近世清河氏元陽君一諸族

望而君體力精健。晉而復埃。銓注會當歷省。司陟藩撫。迺入繼文正公枋樞秉鈞。疊膺考滿。且克類漢張丞相之治經定曆。魏羅外都之總三十六曹事。而位借齒胥崇焉。可卜也。歲十月二十有九日。君五十始生辰。予以世譜雅游。借湛斯曹。君斬舉尊。子謹誤頌言以侑。曹君書之。以代食舉上壽辭。且以備宰相世系表之典錄焉。是為序。

存視樓二集卷七序

五

壽沈白澗序

山陽張檢討嘗讓雪滿梨園辭曰。老去枚生始見知。子誦而識之。白澗沈先生上接太倉四王公。兩張公之傳。為祭酒吳公入室弟子。年七十。好學彌篤。當世枚乘也。天子比救纂羣書。益廣延閣秘府之藏。博求海內文學士。討論潤色。然則給安車而守令。趣上道。舍先生其誰。意者檢討之辭行。復當賦邪。昔乘罷弘農。優游壽考。子臯給事殿省。文尤瞻速。蓋繼世為西漢儒臣。先生冢君子。大清標森發。比年客燕。羣公貴人胥才之。今歸壽先生。旋應江西儒學提舉辟命。吾知江山之助當益恢衍。且舉溇陽馬當以下八月雪濤之氣。胥驅而發之。飛書走檄之才。而給事殿省行不遠。然則先生安車之寵名在此矣。雖不都尉弘農可也。子書此以補檢討之闕。用子大戒行日遺之。俾歸為先生壽。

存視樓二集卷七序

六

封檢討董公壽文

自颺叔安生董父有虞賜氏後辛有裔孫適晉世為良史至翟國都上郡遂居隴西漢江都相治春秋號醇儒少子之孫亦繇廣川徙隴西董氏爰望隴西歷後漢魏迄唐有徙河東虞鄉者至恭惠公相貞元昌黎韓文公嘗紀其事洎宋南徙清獻公相寶祐而元藁城董氏自龍虎公迄參政承旨樞密中丞名位尤炳焯清河元文公嘗紀之當是時萊陽董家集族姓蕃衍望雅埒藁城明初以勲閥扈從南徙吳六傳至廉使公中熹宗壬戌進士敷歷省司號名臣再傳至孝廉公今天子戊午舉於鄉性靜確憚居屢市太夫子實克承志斯夕指畫卜從嘉定之厥頭厥頭宋韓蕲王營關艦廠也水道曲

存硯樓集卷七

七

梁甲賓遊罕至孝廉公樂之太夫子左右侍養無違禮易諸弟胥克有成誨茂才公暨檢討夫子尤肅茂才公經義雄庠校號高才生而夫子用鴻文碩學繼廉使公成進士選入翰林一代大典冊多出其手辛丑分校南省試識者謂貢舉設科以來當與唐貞元八年宋嘉祐二年後先參映如大文等辭不敏夫子句之而登諸堂幸胥為海內嘉獎雖蠻徼邨塾輒激歎精鑑不輟今遷秩大館而蓬山望尤崇又班資雅近卿寺然則公議較著且上枋鈞衡而為當代之恭惠清獻也歲癸巳

萬壽

天子推恩覃臣下褒崇及其祖父太夫子膺文林郎翰林院

檢討封而弟參錄公并以例封如其官諸孫警穎觀者復歎玉堂令器然則厥頭董氏借近世大江以南華亭武進烏程會稽且胥標虞鄉藁城望而董家集且為當代之隴西也太夫子年今六十有四神用輕健如世俗侑醴竿辭當俟三十二年後進之而今三月三日始生辰大文等輒肅撰辭蓋以辛丑南省試實參時貞元嘉祐盛事不可不紀爰卜壬寅上巳令節附帖子致語典例以獻并為他日褒崇宰相親如唐景雲郭氏宋建隆王氏詞臣誤誥之藁本聊以俟韓元兩文公詳紀其事云爾

存硯樓集卷七

六

壽叔儼洪君序

祝有年以言蓋至宋而詩古文辭始間載卷帙唯前為盛至
鄞而彌熾以迄于今且不啻叢輯一書而其尤簡愨者則莫
要于真文忠公奏已見之劄子嘗嗜其辭曰仙經萬卷不若
誦無逸之一篇道家千言豈如玩靜壽之兩語謹書之几屏
以為尊生者箴焉歛叔儼洪君今歲八十秋七月二十有二
日為始生辰其親姻胥勳舉尊而位山程子以侑尊之辭請
於子子既雅欽君名德位山又子太原氏倩則子與君胥嫻
也乃考文忠公之指而次之文忠曰以孝奉先則壽而推本
周頌之雍為禘而撮者曰綏眉壽介繁祉今洪氏系歛桂林
明季宦尤顯曰少司馬曰開府曰光祿曰驛鹽行人桂林偕

存祝樓二集卷七

九

洪渚而胥宗黃石黃石宗墩煥君爰脩桂林宗祠焉君之祖
曰太常公實贈工部侍郎父曰太學公太常嘗議國本議雷
工議景命齋醮議救顧端文公議祧睿宗又抗議請罷斥直
聲震天下君爰刊太常遺草焉太學年五十而隱嘗建亭磨
盤山以憩微澍之旅君爰新關橋菴亭焉而奉太學暨母黃
夫人尤孝此其義事符周頌之雍文忠曰仁則壽而推本魯
論曰仁者靜又曰仁者壽君之新關橋亭也銀以兩計者百
且倍焉君之修桂林祠而恤族之贖也銀以兩計者百且徒
焉賑准荒銀百焉新歛學銀百焉蓋博愛謂仁而靜壽之實
備矣此其義事符魯論文忠公曰有德則壽而推本於禮曰
大德必得其壽君娶卑繼娶汪生廷佐氏復娶宋生禹方氏

遜公氏君圖伯兄悅我氏後爰命禹方馬仲兄青來氏好學

著歛問尤工君圖厥後爰命通公焉宋夫人子撫廷佐猶子
撫禹方遜公廷佐事宋夫人維謹而雅善子君復命孫鑄先
氏孫悅我蓋德莫大于孝弟而他準此矣此其義事符禮之
中庸文忠曰無逸則壽而推本于書無逸之言永享國者曰
嚴恭曰寅畏曰祇俱君少而業落徙家建安與必雞鳴焉寐
必夜漏下十七刻焉為人謀必贏焉自為謀必縮焉今齒八
十諾喪儒林廷佐遜公胥注司馬倩胥籍南曹孫時懋氏鑄
先氏胥籍岸校少子暨諸孫胥奇頴曾孫復寢盈聯緒日整
望日崇而君彌恭甚晨必揖朔必拜焉衣必漸食必均焉此
其義事符書之無逸抑子考大戴禮之踐祚曰恭則壽此其

存祝樓二集卷七

三

義并符大戴禮文忠曰親賢則壽而推本于大雅之卷阿曰
受命長弗祿康曰馮翼孝德君姻戚多賢焯煜其績則有專
臺分史司曹持節者焉蔚邕其文則有隸甲貳鐸肆舍秩覺
者焉而時懋鑄先暨孫情冠山吳子早慧博識名冠淮南存
園有課業焉九峯有課義焉此其義事符大雅之卷阿子獲
班讚強欽惟
今天子純熙累治濟俗仁壽縉願效其懇款以雅詩訓天下
孝以魯論訓仁以禮之中庸訓德以尚書暨大戴禮訓無逸
訓恭以卷阿訓親賢而幸君之克發子言也然則子之言乃
真氏無逸靜壽之言而非蕭鄞諸君子之言也埃四十年後
君躋上壽海內工言士必有符魯頌三壽作朋書天壽平格

之義以頌君暨君子姓者其尙考於予言。

存祝樓集卷七

圭

壽奉直李君序

燕齊環渤海而津門近世隸瀛州瀛為東方祖海今自草水
沽北繇南北塘梁城所黑洋河常家陳家莊距榆關南海口
七百有餘里自大沽迤南轉距文登二千里有奇濱海鼉磯
黃城徐福長山諸島暨之罘崑崙成山胥羣真參翔之域去
海中三山不遠爰是燕齊間多葆和養性士里閤亦雅多壽
考迺若搢紳先生而克用耆英顯吾今得諸奉直李君今歲
某月日係君七十始生辰親知胥斬舉尊而予謹侑以辭曰
夫安期羨門暨近世丹陽長春之屬此燕齊間所謂羣真參
翔者也而其蹟胥標諸海上今君家津門津門東距海不百
里開建外臺規制宏濶又錯置營堡人衆而賦式繁君用信
義為上下挹服變劑羸虛時賑卹里閤不少各嶼角洲尾胥
誦君德瀛滄士大夫亦爭交驩君遠至京輦暨吳越人士
胥傳道津門李大夫賢聲不輟今年七十而耳目彌耆助綜
練庶務逾諸少年特甚即安期羨門丹陽長春之屬世雅號
為長生久視者詎克度越哉君內行修整誨長次公尤肅長
公省曹君以握蘭視草之才膺
簡命司天庖洗手奉公圭撮不少訛舛自大司農暨班行畫
國計者胥深器之此持節開府之選也次公明經君蜚英藝
苑制義流播海寓比者名書京兆膺自元老大臣暨海內宗
工傑儒胥才之此玉堂鈴閣之選也劉賓客詩少有一身兼
將相更能四面占文章長次兩公行符茲語而文孫衍秀珠

存祝樓集卷七

圭

玉樹日焜耀庭除。君受川菊礪蒲之養。鶴書鸞軸。菊燭雪海。儻所謂搢紳家而克標者。英望者非邪。抑予望聞三沽支港。如新橋赤洋。暨盧駒唐巨二河。唐述舖鄭家溝胥艦船。輾會而繇文登蓬萊山北。越溟渤對遼旅順。五百有餘里。中峙島一十有七。星羅綦布。環拱甸輔。又繇旅順迤東。而經芝灣。距關南口。好奇士登碣石。甬道頂時。時東望紫濤蒼嶠。便覺黃金銀宮室。去人不遠。匪三山風輒引去者。埒也。然則侑君無算。而誤食舉辭。以備五十年後上壽之符券。迺為萃閱世閱家增一清佳致語。當偕昇平人。瑞檔瀛滄田賦。選舉志胥。隸津門典要。豈直迴環大瀛海。暨海田海屋。稗史瑣誕諸說云爾哉。

存硯樓集卷七 序

三



壽申令吳子序

宋陳同父送吳恭父序曰。新安二吳。以文墨妙天下。蓋吳氏自唐左臺公後。代多工文士。五同父又曰。儕輩吟哦。上下記憶不少。休試夕。曉不得交。黎明。裹飯入吏持題置廊柱間。羣起就視。恭父遙問。題謂何。開卷。徑書。筆不留行。率至日中。輒辦。出則歌呼如平時。更數日。掛名。皆驚曰。果吳偁也。為首選者。它日又曰。復吳偁也。予嘗高其才。斯索恭父著作。暨其兄名字。而未暇也。申令吳君。昔嘗一識於其弟。寧蒼。林陵之邸。旋別去。比日。寧蒼遺子片紙曰。君少好學。博覽經籍。工制義。辭韻理謚。詩古文辭。瞻敏。奔雷馭電。人疑宿構。試輒冠其曹。吉水海寧兩宗伯。遂寧家宰。皆品為國士。磁州學士。泣試眾

存硯樓集卷七 序

三

謹曰。第一定吳君乎。既而復第一。延入院。甲乙人士。卷江南北。請講業者。無虛日。生徒。經指授。輒有師法。試多售。此與恭父事。差類。同父又曰。恭父得第。尉。論偵捕功。知安仁。籍丁壯。馳馬橫槊。盜不敢犯。寧蒼亦謂君多籌畫。為人謀。輒中遇寒落士。尤殫力。斥去織管。慷慨有大體。然則子京之燃官燭。二椽燭。一伯紀之百二十。殊紅。橋子風流行。當不遠。而布被瓦器。信不足以銓綜海寓人士。而輒上下其品也。邪。同父謂世不能為壯士道地。君才士也。排突千百輩。奚傷哉。行當有為君道地者矣。比日。廟堂清議。尤重耆碩。列上第。籍秘禁者。前後相望。君今年六十一。月某日。為君始生辰。予覽寧蒼書。紙語。思總持寒落士。五。實與其責。高君才。又高厥志。

惜在秣陵時匆遽未獲竟所言。惟埃君今日後復表頌九鼎。平章流品。迄四十年海內宗工。雋彥自當誤純嘏之辭。以獻。而予今聊艸此。斯君迥然舉一尊。并斯書。宋吳二先生本末。暇以遺我。

存碑樓集卷七

五

壽史立夫序

魯齊陳宋之國。朱陳之邨。李黃之門閥。竝號乘龍。魏司徒之宅相。樂衛邨王之竝標史錄。而中書令則邨氏甥也。太原王氏之鍾夫人子。驃騎號雋爽。邨夫人子東海號渡江名士。第一揚州青冀僕射。江州世位台司。崔盧鄭杜之世姻。而李文公婿狀元及第。盧求中丞。鄭亞求亞子。胥同平章事。宋范仲淹。李昌齡婿也。歐陽修。薛奎婿也。仲淹修胥禮部試第一。而右僕射右丞則李氏甥也。韓億。王旦婿也。而甥號潁川三相。富弼。晏殊婿也。馮京。弼婿也。蔡懋。又京婿也。弼制科高等。京年十有八。三試胥第一。而胥號元老。此其尤華貴者也。南渡後。喻樛偕汪應辰。張孝祥。胥狀元及第。至明而李文達。偕篁墩程氏。岳文肅。婿賓之李氏。蓋猶有宋之遺風焉。迺今復得於義莊。茂才史公。公世家義莊。大文家豐義。二族相距二十里。舍讀書無它業。世締嘉姻。粵惟明經公。為太僕公。猶子功。過刊格。州里楷撫。予從祖上舍公。承泰藩公。世緒間修金來。還性術。聞公穎慧。廼命長姑歸于公。公少工經義。上武黃陶籍膠校。束修砥行。赴步不踰。為儒林祭酒五十年。此誠洗馬之談正始。內史之書永和也。若以聲實較之。夫奚減吳廬陵之范。歐陽二叅政。江夏之馮元樞。玉山之汪端明也。而幹碩枝繁。岡崇石積。迺復培其隆祉。以衰行於賢嗣。詰孫長君。選士丙章。克武熙甫。于駿天如。名冠吳越。士仲君虞。庠子荆。試輒冠其曹。才胥拔萃。克武二難。而諸孫胥琪。森蘭。莊行武王。

存碑樓集卷七

五

東海之班名士第一。穎川韓氏之三相。以彌振史氏漢五陵四貴。宋四明四相。元永清睢州。明晉江大興。暨比日四明殿元。瀨水三代禁林。五曹常伯望。詰偁前輩張君。抑且彌增樂樂。令太尉望。而公之固蓄以留之。且日進而克躋於上壽者。雅不爽也。歲陽生後之八日。為公七十。肇生辰。予族胥斬舉尊。而大文謹草侑辭曰。猗與隆哉。抑更有進。蓋若左將軍青蒲之對平原。顧之奏。孝山出師之頌。永清之勳。望。睢州吳江之爾雅。大興之脯醢。胥送禮賢館。獨飲數十觥。公必尤謙之。而予族豐義之宅相。尚其克永成乎。爰乃旅舉尊。且旅鈞舉一尊。以林上壽。

存祝樓集卷七序

毛



壽史太夫人七十序

今肇基演祚。曩升運泰。薄海內外。胥斬躋之仁壽。而大江以南。金鰲黃鶴之間。鐵城屹峙。華陽表亘。良常積金澗。迤南其風氣純固。雅培之。凡世家名閥。閱千百禩。而無或替者。社壽駢臻。烏奕滋衍。予蓋心焉久啓之。恭惟學士張公德配史太夫人。平陵編修公之長女。詹事靖海瑞州公之女。兄今大司徒公之姑。而京口學政公之孫婦。大學士文貞公之冢婦。今武定公藩岳公之賢母也。內外族姻。雖袁楊之汝南。鄭縣二王氏之蘭陵。麓臺室崔盧之東武。城涿郡韋杜之二曲。蕭氏之南蘭陵。韓呂之穎壽。以暨三相張氏之猗氏。四相史氏之鄆。曾不克擬况其盛。而太夫人肅以持之。恪以承之。勤以導之。儉以節之。寬以居之。厚以培之。凡姆訓壺範。班孫韋王諸淑媛。所勤懇誨誠。子政士安元成伯恭所傳次。實克綜厥懿。嫩無或缺焉。太夫人嘗事文貞公於輦轂。侍學士公子晉于秦于。畿輔之試院。縣魚習積。芳問颺馳。尤克肅誨詰。嗣武定公嘗司離於河東。離利洵贊府武定。無棣是鎮。津門是控。藩岳公嘗筭計於三司。周知海內金穀盈歉數。杖節督全陝糧。自關以西。委積均輸。暨徵塞轉軍饌。籌兵筴。胥不勞而事胥辦集。承宣布政于。畿輔望崇秩峻。蓋古行省平章之任。克纘文貞公緒。而彌恢之。文孫冠伯。蜚英騰實。號江左名宿。庭前二雉。蘭苗瑤晶。金華貴器。而藩岳公德配勵夫人。承詹事大家宰文恭公訓。偕少司寇公日肆儀則。尤克侍養。

存祝樓集卷七序

天

堂寢無或營於禮維予弱息亦獲觀模焉太夫人年今七十而耳目彌聰明綜慮彌密春三月二十日族姻胥斬舉始生辰尊而命予誤辭以佞昔姚江冢宰王公母岑太夫人年踰百歲以冢宰公爲子以陽明先生爲孫侯官宗伯翁公年踰七十母百歲而進賢饒氏二侍郎任邱劉氏二尙書母同時胥躋百歲號爲衣冠盛事今武定公且寢階卿貳藩岳公且正位冢宰而王翁二公胥嘗舉殿試及第第一此則冠伯之望也昔文貞公謨壽言嘗謂南極星明海寓多壽考而平陵編修公祖太僕公嘗卜築陽羨瓊樹澄潭其載於弇州震川諸公文集者且不翅清都紫府然則金譙迤南艾衲心遠天香浮動又迤東而曲阿來鳳之圍其以頤養太夫人天和俾克續王饒劉翁四夫人緒而彌彰

存視樓集卷一

字

聖朝仁壽之

者意當在積翠鏡香閣乎

壽藩伯張君五十序代

今海內華貴族實克續臨沂王氏東武城崔氏者惟京口蒲伯張公爲甲夫公固學政公之曾孫大學士文貞公之適孫而學士公史太夫人之諱嗣也文貞公勲在國史文在冊府學士公克續之協符錫羨永承繼承而公爰篤生焉以益昌厥宗夫其弱冠會令聞早造華省經緯軍國調劑農商一時元老鉅卿胥依信之爰迺關中重地特建糧儲而大使副帥樞要臣莫不視爲左右手此張刺史之所以鎮梁州張太尉之所以祚西平而韓公樹金湯於三城待制運經畧於原渭胥侍窮廩之攷支車馱之輸輓以達瓜伊而靖鄯豐也若迺英聲遠宣

存視樓集卷一

字

特命 畿輔承宣布政則六曹班珥尚書直隸全燕則二伯望鈞太傅此張鎬之九尺鬚眉行營相印所以觀察洪都張詠之躍馬佩率分櫓樞密所以安撫蜀部也旣而屏謝簿牘怡志卷編學士公前行公執杖侍其後孫甥隨之坐樂天八節之灘撫文饒醒酒之石謝眺青山又奚足擬此張平章有洛陽城東之第張循王有臨安城南之園而范陽則寶笈連車乘綺氏則墨滿坊閭蓋文塲內之台蕩世閭中之崑閩也夫士族華貴燕公所謂開卷得史傳之半者如衛將軍之奕代侍中再世公府開吳四姓之裔范陽清河之系森列前傳燕公之以中書令位太師猗氏中令之三世相門南陽之三入相府金太師之齒爵胥尊明永嘉之五入相府江陵之

辭上柱國而受太師。此固文貞公暨公所自有。迺若史太夫人則先內直公之女。端尹公之內妹。予亦蒙

恩任冢宰。勵夫人則端尹文恪公之女。孫冢宰文恭公之女。少司寇公之姊。它若學政公系上甲翰。編計部恒。永杭州詹錄。以暨武定陝汝紫微。郡州邑諸大尹。孝廉明經。茂材實可。而况詰嗣上舍冠伯。軼材粹學。獨步江東。唐張薦之八中制。科號為青錢萬選。宋橫浦于湖之殿試第一。胥號名臣。元紫巖之開科第一。尋列中書相。明東州元陽君一之殿試第一。胥號文人。行當嗣武。而李夫人則彭城少保敏達公之女。四孫英敏。行當武學政公六子。塔崑山題客徐君。自當武其家。

存視樓集卷序

三

丹桂一枝瓊花兩樹之盛。而公齒力方壯。再列班行。京兆則復領冀州河間。則復還中禁。其上枋銓樞。坐階綸閣。而武文貞公之建。拖諾山新秦蘭池勲也。有日矣。此予幸忝中表。踴鼓舞。而當今歲十二月十有二日。分覽揆辰。尋轉星迴。三陽來復之候。斬亟獻侑詞者也。公其迺爾莞爾安坐。以晉無算節。

壽萬母胡太孺人八十序

夫母德之盛。有因其子而海寓。胥知其母之姓氏者。如歐陽文忠母鄭氏。蘇文忠文定母程氏。程純公正公母侯氏。徽國朱文公母祝氏。載籍競傳之。又有因其子而知其母之隆壽。貴秩者。如唐天水趙平章隱命相辭宜。適遇母上壽。百僚拜賀。新相甲回班拜母。時以為榮。宋南華張平章齊賢拜三公。二親胥侍養。明句曲李文定公年六十。請致建極。政為二親壽。番禺黃殿學請假馳驛歸。為父母壽。以暨南昌饒氏兩侍。耶天津劉氏兩侍。郎同時壽母百歲。侯官翁青陽宗伯母躋百齡。史冊亦競傳之。而今迺獲觀于檢討星鍾萬氏之母胡太孺人。今歲八月十有九日。為太孺人八十始生辰。檢討書

存視樓集卷序

三

來請壽言。附同人啓曰。太孺人性至孝。偕文林公事。始吳孺人左右就養。克憚厥志。文林公序貢入輦。輟名振金臺。石鼓太孺人代事舅野亭公二十年。不少懈。族黨胥稱賢孝。性嗜施。遇人無疾言遽色。雅類有道醇儒。雖臧獲必柔聲下色。以馭之。泊如也。又曰。太孺人子三孫三曾孫。慈誨尤恪。肅師治醴脯。必腆必潔。仲君檢討中府丞試式。又中博學鴻辭科。第一特授今官。以

特恩。贈文林公檢討。太孺人偕膺

封冊焉。昔唐宋彞典。始封縣君。晉封郡君。以至國夫人。而內外草詔。詔省院臣獨優。封號蓋鈴閣。鼇峰之華貫。繇來久矣。又曰。叔君南霞。蜚英六館。長孫漢枚。用校釐三禮年勞。優獲

銓叙之世望七月十有六日仲孫適墨車遶喜蕃社盈闕逮
浹月而上太孺人八十壽族姻親知胥議設篚舉解之典蓋
所以尊母德昭國恩也某獲附姻戚之後謹讓俯辭以荅
曰檢討假滿還行當長玉署入黃扉則天水之回班拜母其
前式也今茲力請假歸省則番禺之馳驛為壽亦其前轍也
然則太孺人姓氏之克永傳海寓焉信也若乃孫曾嗣武其
行類饒氏劉氏之上百歲壽青陽宗伯之繇殿元陟八座
乎而金黃琅璈之奏且晉叶王公上壽曲聲徹四廂矣是為
序

存硯樓二集卷之七

存硯樓二集卷七

三

存硯樓二集卷之八

宜興儲大文六雅著

門人 丹徒張 冕冠伯 崑山徐柱臣題客 編

序

壽李太宜人序代

歲癸巳

萬壽單恩直省胥行鄉試復萃士之舉於鄉者胥試禮部而
予適命主試事時得太原宗洲若氏卷深器之既知為轄郡
叅藩公子而肄業之勤籍甚也則又益喜乙未洲若以教習
留京師諭子曰貽荃祖母李太宜人昔歲五十桐城張文端
公嘗褒以言曰婦姑濟美識者謂文端之辭也癸巳今歲正月

存硯樓二集卷八

八日太宜人六十四歲之始生辰也同譜諸子不以貽荃無
似胥斬舉尊焉謹請一言以侑之俾無忘文端褒訓乎予曰
諾粵若戊午己未之際國家雅化純熙文教覃洽京輦工
言士暨海內人士來遊者多以暇日擇卉樹森蔚地觴管吟
嘯為南皮斜川之遊而凝園獨久而尤著凝園者華亭沈文
恪公書而揭之亭而洲若祖榮祿公嘗以自號者也先是榮
祿公母施太夫人善紀家政喜施與歲賑寒餒者無算嘗創
構三第後闢凝園業日起而太宜人適以右族來歸事施太
夫人謹甚太夫人雅愛之榮祿公性儻喜賓客雅歌清談
叅藩公少尤工文嘗師虞山苞九蘇君而大司寇翁公子師
陶君暨海內諸名賢時時往來園中談文義太宜人佐施太

夫人實克賓禮之盤飧醴醴不移晷立具人士爭喜從參藩公遊用此公學益有聞而凝園之文謙名天下及太宜人專家政綜理胥視其姑無敢易尤喜儉約自身始參藩公宰歙之婺源入埃注省曹出分典淮陰郡護河堤遂持淮揚節監督瀕海郡縣太宜人膺詔錫就養官舍而理繭泉不少倦參藩公曰視事退軌問條教所宜建除者對如指乃喜益加餐而教諸孫尤整嘗曰幼學宜外寬而內嚴謹館女孫倩續古韓君肅如也續古大宗伯公孫稱才尤穎偕洲若胥籍甚都人士云參藩公既績著河海復督漕輓戢寧軍民為觀察四郡之最而洲若亦疊中鄉會試式蜚聲習藝館蓋胥繇太宜人克嗣施太夫人以穀其子若孫而文端公褒頌之辭抑實

存碑樓集卷八

二

與文恪行草胥焜耀予太原宗里第而克寵綏之也先是施太夫人嘗樹六槐於園曰吾家封植其倍莘縣乎甲午太宜人北歸時循省園中籬落樹木顧家人曰此施太夫人之所關而榮祿公之所錫嘉號也若輩善理之乃斥簪珥復園南第之外質者徙宅焉而曾孫適生然則儲和導祉參藩公其陟公位而洲若是纘乎吾知交路鞠展之封之行益光侈也今書侑諸子尊并備百歲褒誥券而謹繫凝園文謙之源流如右焉

壽舒母劉太孺人序

存碑樓集卷八

三

辛卯試順天府壬辰試禮部予胥奉命主試聯鑒一卷文穎峭高朗知其不汨沒於鮮衣甘食者揭榜來謁今檢討錄君也詳問之具得劉太夫人苦節顛末慨然者久之甲午夏五月二十六日為太夫人四十始生辰檢討知舊胥往舉尊勸予言以侑予不獲辭序曰昔廬陵歐陽文忠公母魏國鄭太夫人用善教子傳宋史所記以荻畫地教修書字者也文忠公四歲而孤魏國財歲三十誓守節就衣食於隨後遣文忠從胥學士偃游偃獎成其名妻以女天聖八年晏元獻公知貢舉文忠舉進士登甲科浸歷校勘校理知制誥龍圖閣直學士班階兩制而魏國亦疏福昌樂安安康彭城之封優游就養者且數十年太夫人族望於燕嫺禮則年十六歸贈檢討公十七生檢討生檢討不兩月而家大落越六年而檢討孤財七歲太夫人財歲二十三視魏國為尤少而舒氏之貧甚於歐陽氏震風凌雨前後左右交至又不克如隨暨江陵工部都官職方諸父之親以撫以教以獲安其室內外姻胥趣曰盍行乎太夫人堅塞兩耳不聽縷麻刺繡唯十指是藉日晡間遣檢討市少鹽茹佐麥飯噉訖而手贈檢討公書泣而指次曰若謹識之此吾畫地之荻也蓋贈檢討公雅工書云今甘肅分巡胡君識鑒士也雅敬太夫人節又奇慧檢討以女妻之檢討益得肆力於學從海內宿儒傑士游辛卯中鄉試式壬辰又中會試式選翰林院庶吉士旋授檢討大夫

人單

萬壽恩救封太孺人。蕭冠帔。望闕拜。捧贈檢討公制書。泣曰。而今而後。先公書法。幸不磨蝕盡矣。內外姻胥。賀然。時時談及。輒口咄久不闔。曰。此百鍊鄭魏國也。語云。良玉火中三日不熱。楊子云。非雷非霆。隱隱絃絃。久而愈盈。文忠公省試策。殊雅栗。後遂用文章師。一世位登兩府。魏國亦自越國進封。魏。今檢討浸嚮用。願益師文忠。淬勵風節。薦膺褒錫。度太夫人且益進封。越十年而例授烏頭棹楔之旌。又越五十年。海內能言士。侑百歲尊辭。度益衆。而予先草此者。書左券。且舒氏上世家。江西備故事。埃考也。匪敢附元獻公集二百四十卷之後也。

存視樓集卷八 序

四

壽叔母楊夫人八十序

敬惟叔翁齒實躋八十有三。九月二十有一日。其始生辰也。叔母楊夫人生以正月二十日。齒躋八十而耳目彌精明。凡系豐義支者。以翁暨夫人之實克爲子族瑞也。晉斬舉尊而大文謹循以辭。曰。昔太原王氏。魏齊後尤盛。時號四房王氏。予豐義支。寔繇檇林徙。其焯著者。析仁義禮信四房。海內冠蓋士。爰逖徵八葉。軒冕獨步。江東遺事云。敬惟叔翁。析信號房也。年始十有八。以歲之不易。而兄虞岸翁。又授經於外。遂綜家枋。凡侍養叔祖暨叔祖母湯夫人。羣叔肆經成室。并家人。諸米鹽凌雜務。胥翁昕夕營畫之。楊夫人年十有七。來歸翁。事舅姑三十有奇。孝謹甚。飲翁撫羣叔雅類。昌黎韓文公

存視樓集卷八 序

五

嫂鄭夫人。力嗇而筮豐。約取而博施。此族里所以高夫人而尤高翁之克莊臨敦導其室也。夫人獲舉珙球弟。年蓋四十有三。時翁四十有六矣。以晚年舉子。奇愛之。而誨督尤整肅。師懇惻。雖精舍瑣務。必躬親。夫人以緘縷。飲束脯之資。有九能。畫荻風。珙球工經義。又旁治詩古文辭。補博士弟子。號高才生。行嗣于賓弟。武以嚴虞岸翁未蕪之志。用恢兵憲。廉使公緒。而寔克埒。魏齊後太原四房王氏。晉繇翁暨夫人。肅訓也。拱球比請業。予擇前輩論科舉文尤要者。錦泉傅氏曰。文無奇正。大率英發豐亮。然後千萬人場中。始可奪主司心。目洪陽張氏曰。王司如走馬看花。盈篇一氣書成。有行雲流水之機。無少澀碍。此青錢也。萬選萬中矣。而葵陽黃氏又曰。經義

雖小技工之實難少粗浮不得少縱肆不得。雁恃才情不得。雁恃天資不得。離不得。接不得。遠不得。近不得。束縛天下之英雄。使之俯心抑志。以就規矩。直有禮陶樂和。強半景象。綜斯三說。機養具足。場屋雋訣。奚以易此。此或克飲翁暨夫人。肅訓之微。指乎拱球。勗哉。吾知金紫。綸習行。鷹爽錫。而九齡文孫。號慧穎。繇此蘭瑤。森筮。胥列紫微。玉署雋選。俾四房系牒。實克衍臨沂。陽夏東武。城范陽望。而百齡食舉。四廂曲。且借唐魯郡公正議七十卷。暨嚴考功。開元藻鑿機要。而並奏之矣。

西淀望雲圖序

唐梁國狄文惠公嘗登太行。反顧白雲孤飛。曰吾親舍其下。瞻悵久之。雲移迺得去。今天井關南。橫望隘是也。西南距河陽。裁百餘里。而史館陶甫邱先生乘驄西淀。迺縱望遐思。於六千里外。海潮之雲。望彌遠。思彌永。載詩載圖。載牽載餘。爰以戒塗。夫泰山之雲。觸石膚寸而起。不崇朝而徧天下。此海內所以蘄先生也。若夫溪雲。岫雲。牖中長閉之雲。匣中長鎖之雲。先生盡姑舍是乎。先生履陸海。陟神臯。迺南望不少輟。而并望董大中之疏。三素五素雲。李司隸龍門河上之白雲。李供奉之江東雲。李鄴侯韓吏部衡山之雲。白少傅匡廬之雲。楊學士陽翟嵩頰之雲。歐陽少師環滁巖穴之雲。蘇端明之齊安對江武昌諸山雲。王少傅之洞庭臥雲。楊修撰滇海洱海之雲。黃氏二少詹香山石室之雲。張直館婁江之雲。以殫極密雲。浮雲。墨靛。鐵裂。綺練。縷飛之幻變。而其它準此者。且不勝憑望睇望也。匪梁公法曹時埒也。斯圖也。斯詩也。奚皇皇爾。奚洋洋爾。奚翼翼爾。奚舉舉爾。而大江連嶠。驚瀧湍。峽之迅阻。爰不暇六月少息也。此奚為者耶。驛無留雲。館無停雲。於騰耕雲。於坻釣雲。此奚為者耶。噫嘻。此所謂永言孝思。而求忠臣必於孝子之門者耶。

賀明經朱君旌獎序

高平邑南壺山之麓里聚曰北陳。爰有厚德君子士端朱君。嘗以明經貢成均。亟舉鄉飲賓。邑庠校士。候君薦允。李君至。王君灼暨比閭李君林海曹輩。又胥舉孝義。院司郡縣聞而嘉之。巡察侍御史閩周君匾旌曰士林楷模。高平胡侯旌曰望重鄉閭。里人既榮君之獲獎。而又謂聖朝風化之成。不可無以宣揚之也。歲癸丑。予車過長平。迺胥謁文以賀。予唯唯。問朱君奚繇致此。則曰克孝也。克謙且忍也。克持鄉公議也。克修隘道。俾易達也。予肅容而聽曰。是誠難能也。而其克有造於鄉者。則賑貧民。設義學為尤詎。昔宋徽國朱文公。提舉澗東常平。上言乾道四年。建民艱食。請於府得常平米

存視樓集卷八序

八

六百石。偕土著朝奉郎劉如愚。共任賑貸。夏受粟於倉。冬則贏息二以償。自後歲歉。蠲其息之半。大饑盡蠲之。凡十有四年。得息米造倉廩。暨以米六百石還府。見積米三千一百石。以為社倉。不復收息。石止收耗米三升。故一鄉四五十里。閭雖遇凶年。人不闕食。請以是行於司倉。時陸文安公在。勅令局。遂編入賑恤門。今朱君性系寔源。同文公聞雲谷滄州之風。而興起。郡縣歲和。糴常平米。輒蠲貲增價什二三。以克歲厥事。比日有司雖輟和糴。而凡賑恤必咨之。與宋建陽劉朝奉埒。且寔克上武徽國文公。世有陸文安公當編入宋。勅令矣。抑宋社倉。令大人一石。小兒減半。五歲以下不預請。而君議賑。惟幼童尤亟。此并可以補宋令之所不逮。而院司郡縣

之深嘉而疊旌之也。宜矣。昔洛國程正公嘗狀兄豫國程純公。謂知澤州晉城縣。廣設鄉塾。親至其地。為正句讀。晰文義。而志乘亦書鄉塾。凡四十有七。高平東距晉城縣。址不遠。鄉塾遺跡俱存。壺山又峙。邑南與鳳山錯壤。則北陳實隸純公過化地。今朱君設義學。肅禮良師。以誨鄉之人。幼童尤多。獲蒙養澤。而宦於其地者。又克亟嘉之。是上業克行。豫國純公之政。下亦克沐浴漸漬。以肄徽國文公之訓。而其晉而鄒魯之

斌斌。無退而洙泗之斷斷也。可幾矣。竊重為吾道賀也。抑文公紹興進士。繇王同安簿。至湖南安撫使。又入侍講。待制。實文閣。後遂崇封太師。徽國公。而文公亦嘗著文曰。寵榮墨玉。吾聞朱君顯考州司馬君。抗爽多俠氣。昆弟胥克有立。為澤

存視樓集卷八序

九

潞盛門。君庭誨尤肅。詰嗣孝廉君。雋品偉才。亟列薦辟。首行且為時宣力。而文孫又髫髻籍庠校。然則宋婺源朱氏吏部國信。待制禮部之彪炳史籍。以暨近世山陰烏程秀水台宰族望。當復見於高平朱氏。而朱君暨族里。且彌以程純公正公。朱文公學。互相淬礪。其為可旌且賀者。殆未之有艾也。予既幸觀聖朝之風化。達於山城巖邑。而尤嘉北陳之俗之淳且慤也。爰撰侑尊辭以賀。

募修大乘庵序

予邑山水名天下。而洞壑尤奇。邑東南行六十里為湖。沃鎮之上。淺澗迤邐。地故有張公白鶴洞。玉女潭。諸勝。雖邑人士非其所雅遊。及山中之樵者。先之。眊不得其處。及到。謂了不異人意。而循磴下數十武。遠神越目。開如羽客化人之所棲止。以坐且臥焉。至愛玩不能去者。此絕奇也。繇玉女潭上山。益深。洞壑益邃。度無慮十數。而凌家洞尤奇。洞之上為大乘山。則萬峰環列。而宜其探茲洞者之詫為空杳怪冥。而不知所以涯之也。山故有大乘寺。元季建以居僧眾。及自洞返者。獲少憩焉。又明世穆時。浮屠幻有力。振臨濟宗。常假唐中丞應德山。得邑龍池。後禹門天隱對建。海內震動。叅訪載

存視樓集卷八序

十

途。而茲寺實當東西之中。茗漿穀菽。尤賴無之。及明之亡。燬於兵燹。而東西行者甚病之也。或雨雪時。作以為大感。康熙二十有五年。禹門蘊悉師。始即遺址。縛屋數十楹。庫陋塾隘。無以輯眾。敦旅。謀復其故。來請予言。予於西竺氏法。故未之學。而惟是予邑山水。嗜遊者差眾。每春秋佳日。羸糧戒舟。率不下數十輩。然予嘗讀震川先生玉女潭記。愛其文辭絕勝。文待詔。而玉女潭佳處。先生雅未盡曲折。若都太僕穆記遊名山。訪張公。乃竟不敢入後洞。雖嗜奇不甚癖。而尤病於無所憩。以至繆悠。敬悅。卒無能造其奧。而嗜其真者。可勝道哉。乃為言曰。蓋聞謝康樂云。學道必須慧業文人。而古今嗜遊山者。實莫及康樂。然則人苟能遊佳山水。即不果遊。而能無

愛惜貲力。以甚利世之嗜遊者。參訪者。此其曾中奇慧。雖什伯洞壑不啻。而抑庶幾乎待詔。兩太僕之記中丞之讀書山寺者矣。蘊悉今持募言去。為我備研具。將題康樂語。及予前說。凌家洞中。削石上。以俟後之工於遊者覽焉。

存視樓集卷八序

十

秋坪曹子後募濟序

邑普濟堂。蓋其始闢之以待邑之人之不能棺且槨者而後兼收遺嬰焉。所由名也。初邑闕茲堂。今

天子建元之六年。曹子秋坪尊人南耕先生與友數人請陳檢討其年疏募建焉。堂遂以成。而病貲之無以繼也。潘太守尊庵等佐理之。蔣君天序復繼之。用此堂得無廢。蓋至今三十年矣。當己未庚申之交。江南北大飢饉。僵踣者十室而九。以無棺告。日十餘至。而棄兒道上者相望也。向微茲堂。則齒露暴露而赤子之以無罪死者。可勝既哉。然自檢討亡。太守相繼歿。秋坪尊人亦晚而善病。而十數年來。唯是費亡皆省矣。曹子懼其久而難繼。而前志未之能卒也。將備規制焉。

存視樓集卷八 序

志

復請子言引之。予竊惟生有以養。死有以葬。蓋王政之尤先而輓近世多簡棄焉。幸而一鄉一邑以居相近。故少為扶持而調護之。蓋事已未矣。抑有合於古者收孤憫死之義。而無至棄一物不得其所之思於耳目無禦之中。而復病貲之艱於繼以不卒施也。無亦俾其無繼焉可也。蓋昔孟子論王政必歸於制恒產。而其後藍田鄉約崇安社倉條略。亦權此意行之。夫向者惟產不具也。是故堂成而貲不繼。繼而易竭。以易竭之貲。當難繼之費。而復加之。以邑里者碩凋瘵零落之餘。則雖歲幸而無饑饉。而前日之得無廢者。勢不盡廢不止也。且吾不識邑之君子。亦嘗變色動容於己庚之交乎。嗚呼。抑立而視其死。無以棺且槨。而嬰稚者之宛轉溝瀆。

而無以哺乎。予數過曹子。曹子嘗從容謂子曰。數先生之為此也。無德容。無倦色。而惟是善而無法。孰與及今之未廢也。無俾法無備乎。夫備法以繼其善。而無俾二三君子獨無憾於邑。此亦生斯邑者之所舉有事也。孰與拱手讓善於人。至夷立而視者之尤安忍乎。是故推茲堂所由始。而著其有行廢之勢。且推可繼者於制恒產。以見藍田崇安之風。將於是乎在。而樂善之尤宜公也。尚俾邑之仁人君子。舉留之意。而無能自止於貲之不甚愛惜。與善用其甚愛惜之貲也哉。

矯健似我國策文字

存視樓集卷八 序

志

迎送痘神辭序

母之於子。震而身之。齋肅止側室。坼裂而出之。手攜捧背。負菓餌。灌乳而養。且長之。蓋甚劬如此。而一旦斬焉。俾赤子之不得乳於其母者。其痘為最乎。於是人之愛厥子者。當子疾痘也。戰掉焉。覲祝焉。以為其死若生。皆神為之。不可以莫之禱。此迎送神所為起也。不迎且禱。輒私語曰。神怒是不可道。儲子曰。子聞諸左氏。神蓋聰明正直而壹者。云不禱焉而死之。禱焉而生之。不正且不壹。不得為神。夫世之迎且禱而子卒斬焉。不得乳者。豈少也哉。然則神不怒不禱。決也。子聞諸莊氏之言。命蓋無可奈何而安之者。云。豈惟子斬焉不得乳。宜安之而無所於怨讎也哉。夫司其人之疾。則急其人之生。雖神亦然。此所謂壹也。然則神於是意。亦有無可奈何而安之者與。夫神猶安之。而況於人與。司痘神不列於祀典。稗官野乘所紀不一。神不可依據。而世俗祠祀者。四所著靈驗。婦人女子恒能道之。而不復識神之安於命也。世又云。閩都巡檢林公。愿第六女。江海間所奉天妃者。實兼攝其事。今種痘醫主焉。夫天妃能生趨利如鶩。蕩覆漂沒之人。有不斬生赤子者與。兼攝者猶如此。而況於專司者與。然則世之禱焉而卒怨讎者。惑也。神實不怒不禱。而彼戰掉覲祝以禱者。又庸非惑與。夫苟兩不惑焉。而後神之司其事。急其生。以宜報酢而迎送之者。迺可推見。迎送神宜有辭。世所習祝。尤俚下不可觀。子做屈子九歌之義為易之。以著神好生之德。且俾世

存祝禱集卷八序

古

之為巫蠱說者有所祛焉

存祝禱集卷八序

古

張文貞公制經義序

宰執以經義名者。吉水解學士薛文清劉文安商文毅邱文莊李文正王文恪表文榮王文肅李文清黃東崖尤為焯著。而岳文肅謝文正張文毅江陵文忠高文襄申文定許文穆沈文恭文肅次焉。京口張文貞公少工經義。縝密埒劉文安。融美埒李文正。瑰璋埒表文榮。而兼綜諸體而出之。則王文恪也。公承學政公文解之緒。偕伯兄上甲公弟衡永公杭州公互相師友。自年十有一。一試於儒學。提舉灤州石公深器之。而其文遂以名天下。漢陽熊公嘗語公曰。先輩文窮萬變。小題必不肯苟作。自應童子試時。其文已卓然可傳。此之謂也。洎年十有六。登賢書。尋雋南首行。卷溫卷。颯馳海寓。全文

存硯樓彙卷八序

七

肆所刊布是也。繇是入史館。列侍從。正台司。而嗜學不倦。論文彌精。嘗為人序經義曰。無躍冶焉。無窘步焉。又曰。其所謂傳註。迺蒼萃貫穿。而匪備耳。剽目之傳註也。其所謂先正大家。迺啜菽吸髓。而匪揣齋捫燭之先正大家也。於戲。至哉言乎。雖謂公自名其文可也。公嘗悼文章流失之滋。獎謂杜子美譏詩有偽體。黃魯直譏弄筆旋繞。自稱草書。不意於文見之。而又曰。狗人而封已。梃言而蠟貌。雖窮辯極麗。亦元裕之所謂不誠無物而已。於戲。真精實失。虛實交譏。然則公之文。固周易所謂言有物者也。而禮曰。安定辭。詩大雅曰。其詩孔碩。其風肆好。尤可徵北扉東府翔步文庀之軌則焉。昔李石臺馮孟常顧莪在諸公胥評推公稿。今公孫武定公藩伯

公會孫冠伯復彙刊之。而以公之嘗偕大文論文焦山也。爰來斷序。輒為論其概略如此。

存硯樓彙卷八序

七

徐亮直時文序

孔子曰才難不其然乎。而才而全者尤難。西漢士胥能文章。其為百代文宗者。賈誼司馬遷相如劉向揚雄也。漢人論蔡邕曰曠代逸才。晉書陸機傳論曰百代文宗一人而已。自東漢至齊永明其宗者班固及邕。自晉太康至唐貞元又胥宗機也。唐之文至今宗者韓退之。其他雖峻如伯玉明如至之嚴如持正。閔達如遐叔敬輿。鷲激如元賓。牧之可之復。愚而胥不得謂才而全。宋之文章至今宗者歐陽永叔蘇子瞻。今世宗之正者曾子固。其他雖凝如伯長。廓如仲塗。婉如師魯。肅如原甫。泰伯無已。縱如子由。文潛。精如同甫。而胥不得謂全。不寧惟是。雖子厚習之。明允介甫。而猶不得也。其不得謂

存視樓集卷八序

九

全者何也。能奇而不能正。能遠而不能近。能質而不能文。而正者近者文者。又不能恣肆縮蹙。以極才之變。或畸過焉。或畸不及焉。又或一家之文。而胥過不及而有之。而其實胥不及也。孟子曰。至爾力。中非爾力。才者力也。才而全者。巧也。巧不至。則才不全。才不全。益以嗜乎其偏。而驚且驅焉。而莫之返。此才而全者之所以尤難也。自明以來。古文辭既衰矣。顧多工制義。而又有才而全。或不甚全。與才而偏者之分。才而偏者多易工。而不甚全者。或工而不甚也。若吾友亮直徐子。殆斟酌於奇正。遠近。質文之中。以汰其過不及。而牢籠百家之全者歟。昔明世才而全者。莫若濟之。國朝莫若次侯。殿試胥第三。今徐子亦第三。而又才而甚全。為海內工於言者

之宗也。此其難能而可貴者歟。昔養由基。蹲甲而射之。穿七札焉。夫穿七札。與穿楊葉。鈞是道也。是故能為應德。順甫。熙甫。若士。嘉賓。孟旋。子駿。大士者。濟之也。能為克。猶章。民。明。遠。元。少者。次侯也。苟不然。摹畫而斬其似。是且不如不甚全之才。與偏者之重有病焉。而工實甚也。而徐子果能濟之。次侯者。惟其才無不及焉而已矣。才無不及。則巧力一。且欲假天下之可喜。可愕者。胥驚且驅焉。以自放其意。雖試少。齟齬而不顧。及其溢出之久。無不牢籠。則徐子且有不能知。而業全其巧於漢晉唐宋古文辭之後。以與濟之次侯埒。故曰。中非爾力也。予與舍弟禮。執嘗揚摧焉。而予為論其才之尤難能者若此。

存視樓集卷八序

九

曹聲時文序

客問儲子曰世有徐存齋當復用第一人處之子曩序聲時曹子制義云爾辛卯曹子雋壬辰曹子試於禮部復雋第六何也儲子曰明之制義其才宜元試禮部序名又可以元而卒不元者如仲常蔡陽二愚泗山思白大士尤較著者也國朝鍾陵熊公序名第九視曹子為下鍾陵東客曰曾試宜元而不元屈於不知已殿試宜元而不元屈於知已曹子試京兆又試禮部主司知之不可謂不至試禮部第三題適符嘉靖癸丑人胥曰為之兆也曹子其元乎元三日復失之人又胥為曹子少惜雖然此非屈於知已也且科舉固有名不元而實元者夫序名之元不元又奚論邪然則嘉靖乙未吾不曰石城元而曰仲常元萬曆癸未不曰九我元而曰泗山元崇禎甲戌不曰太清元而曰大士元若已丑之役吾直曰鍾陵元而元雖無雋焉可也然則曹子之制義雖謂與仲常泗山大士鍾陵胥元焉可也抑聞之蔡陽不元而學蔡陽者多元泗山不元而學泗山者多元學蔡陽泗山者多元是即蔡陽元泗山元也予請論學曹子者曰夫曹子之制義雖謂與含齋公胥元焉可也客退書其語為曹子制義後序

存視樓集卷八序

三

王漢階時文序

有明季年予邑暨金沙人士列於朝者號極盛後寔凋落甚籍京朝官比年來海內士多用技進而常潤之能言者率不工趨走故雖以吾友雲衢之才其進京師又不可謂不久而卒不得志於有司屢從常調授邑西南數千里外此可為太息也雲衢家世儒學羣從多以文振如淵翔遵一輩皆有聲於時而予尤雅奇漢階漢階之文超然獨鶻脫去塵垢而實謹于尺度語曰節之欲其廉又曰簡而有法漢階之文之謂也雖雲衢未之能或先也噫雲衢今出而仕矣吾友靈臯氏曰科目中無雲衢而世競貴科目何也夫雲衢之以銓調進也當世之宜愛惜人才者既胥有過焉爾矣漢階年餘三十齒力初壯可出而為天下用頃以守禮再不試於有司而吾黨之士不得以漢階之不遇為有司罪也夫有司之幸也噫漢階文具在今行試矣予願世之有司一失雲衢無再失漢階而并令王氏羣從暨常潤人士之能言者不以其不工於趨走也而不才之又不以其工於趨走而并他不能言者而胥才之也此則予之拳拳以疾者也

存視樓集卷八序

三

峭勁

方文軒時文序

冬十月儲子夜坐聞有墜於凡者聲鏗以遠客曰嘻藤實也裂於霜而怒躍故其聲也鏗草木無聲而克聲其裂故遠儲子嘗登祝融會僊崖石膚土而松不克墜是根穴石也夫石之不可穴也審矣然而貫石者斬生也慤而神於變也制義易貴曰孟旋方氏孟旋制產也於順甫也則已肅於成甫也則已微故曰孟旋為貴古文辭易貴曰持正皇甫氏退之韓氏曰易奇而法予貴持正氏也曰法而奇卡制義之借古文辭胥貴也則文軒方氏王光而璞質者也儲子為論制義曰法而奇肅而微慤而變鏗而變是度越順甫成甫之孟旋也是繼退之之持正也聲草木無聲之聲而穴萬萬不可穴

存視樓集卷八序

三

奧必曉以

陳師洛時文序

陳氏之才高孔璋孔璋札張子綱曰此間率少文章易為雄霸子桓兄弟亦易之而當時實不盡其才溫飛卿詩曰霸才無主始憐君意貴要之士知而憐之者殊渺邪孔璋而後莫如伯玉伯玉市胡琴事殊俚然史嘗志其賢與輩千緡者台又嘗以仙人杖之疑於白棘也慨然賦觀玉篇曰丹青非異色輕重有殊倫感之如此其至也宋之才莫如無已同甫無已杜門寒餓嘗賦詩曰不惜捲簾通一顧怕昏看眼未分明然則當時之士非曾蘇二公殆不足以通其顧而非甚瞭於鑒如二公抑詎能知而靳顧之邪同甫久不第嘗上書於朝謂科舉不憂不遇葉水心曰使同甫不及進士第則為狼疾人矣此殆耗於鑿而季年卒陷平原之黨而莫之能雪者繇此邪繇宋而後陳氏雅多才士近日吳中得季方大章彥瑜亦韓而吾友師洛制藝詞博氣雄雅類孔璋同甫尤以才名世然無伯玉之貴重有類於無已之寒餓其久而不第抑差類同甫而知而憐之者卒渺也夫師洛故雅不靳人憐如同甫又何嘗不第而世且有靳輕重於丹青之色者庸非惑邪伯玉序觀玉篇曰路傍一議二子羣疑夫闇沒錯攘亡可紀極吾願世之靳顧師洛者慎無仙人杖也而白棘之而顧之而鑒不甚瞭慎無舉才之雄霸於不易為雄霸之時者而胥狼疾之也

存視樓集卷八序

三

梅穎先生制義後序

大文少偕叔梅穎先生學先君子清源公時詣塾語在陸先生曰大弟文埒山人木客蕭然物外在陸深領之擬諸流水清鑿蓋忽忽逮今六十有餘歲矣在陸口授微言叔日鈔而鏡之木嗣主草堂席指授於在陸手植雙圍梅之側者今復四十年爰以署號年八十把尊談前後輩制義得失必殫其曲折變衍秒忽不少爽漏此所謂有味乎言之者邪昔予宗寶門文懿公嘗賦詩曰堂前喬木百年陰門外桑麻十里溪莫道時人重王謝故家人物說臧林蓋絲在陸先生暨叔以次傳曰虞弟而臧林豐義單門一姓絲唐宋而還寔倅磨泮之文且衣被環海寓矣叔構文最敏日草十數義不勸邑少

存硯樓二集卷六序

焉

存硯樓二集卷之八

存硯樓二集卷之八

存硯樓二集卷之九

宜興儲大文六雅著

門人

丹徒吳載颺

序

吳載颺時文序

艾東鄉論湯宣城謂宦後作文鮮能如其初者而歎宣城可以無愧又論楊歸善制義謂多宦後習不如曩日之思深而詞慤而陳深陽亦曰文非諸生時不工皆誠格言也深陽在內閣嘗令熊漢陽擬十元墨今盛行於世視漢陽他文尤蒼渾豈東鄉深陽之說有時而不甚售歟抑漢陽於此雅自一道而當精以覈之歟歟載陽吳子自十四五歲時從予遊肆經析理日夕不輟尤勤於制義不為纖媚之詞而質自軼出雅以蒼渾為宗予喜其克造峻嶮符漢陽擬十元墨之工也輒言以引之漢陽讀書禪寺背負大別山東南面江漢交流沈涵浸蓄所造尤深今出山第一藝詞極振耀不可掩遇有出山第一藝之振耀然後有擬十元墨之蒼渾夫惟其蒼渾而未嘗不能振耀也用此名一家而遂為七八十年制義之甲今載颺萍厲尤力制義且日以振耀矣願益昂之俾詣之峻極者精而覈諸莫之掩遏之域果獲上符十元墨宣城歸善焉而異時操紙筆間作予又知其非東鄉深陽之訾也

存硯樓二集卷九序

吳觀揚時文序

予曩書熊鍾陵學士嘗肄業大別山暨擬十元作以序觀揚制義今觀揚成進士學爾精進予觀歙州先正如松雪潘氏子駿金氏文胥深于禪復借禪以喻曰鎮州臨濟嘗示衆有時奪人不奪境有時奪境不奪人有時人境俱奪有時人境俱不奪今觀揚制義典實詳覈此所謂人境俱不奪者也臨濟又示衆有時先照後用有時先用後照有時照用同時有時照用不同時今觀揚制義精彩晃朗此所謂照用同時者也臨濟宗汝州廣教嘗上堂有時句到意不到有時意到句不到有時意句俱到有時意句俱不到今觀揚制義典實詳覈之工而臻精彩晃朗之詣此所謂意句俱到者也其生松

存硯樓集卷九序

二

雪子駿之鄉而果克武鍾陵學士也行最之矣抑古歙制義繇潘金二氏外予尤高許文穆公今涇縣傳文穆讀書臺從游山寺士胥雋而主已丑禮部試銓擇尤精然當時館中有謠曰做不得問小李記不得問老許則人境俱不奪固承學士之所宜先務也

洪時懋時文序

時懋洪子嘗借弟鑄先妹倩冠山吳子從子講學於白沙子摧次其課義數矣頃時懋成進士將刊以質世而予爲之言曰夫舉古人語暨詩律以論制義不如舉先正之論制義爲映徹而易曉也子擇明人書制義後語尤肖時懋文者曰如葉脫木如水赴壑此言機也又曰玩其提點散落之妙非動乎天機御以成法安能以寸管作梨花槍也此言機法並敏而要而歸于機也曰氣如流雲此畸言氣也又曰氣恬而韻逸嗅之如有馮香此言氣韻並勝而要而歸於韻也又曰其徵實也不輕下一活字其傳神也不輕下一呆字此言虛寔互參去留互用而要而歸于趙冗文節題槁文靈也凡此

存硯樓集卷九序

三

者胥曲肖時懋文而至其健峭贍朗爲外間人士所胥曉者尙未暇悉數也頃時懋試禮部長安嫻文律士獲見三義副藁者胥曰是必雋既而果雋子廼知唐宋人所謂有司尺度近世甲令所謂中式暨先正論制義所謂探驪珠若丹頭者雅不少爽矣雖然時懋髫髻研丸經今且出而從政尙蘄益湛深經術弁博考歷代源流本末條分縷析以通達治體而俾宋鄱陽丹陽於潛洪氏世學不墜且借鑄先益振迺祖太常公之光烈峻節乎

月槎二集序

吾師檢討張公授大文以制義二集曰子盍一言大文受而肅誦作而歎曰仙哉斯文乎客曰請究厥指大文曰神仙事如迂誕今試以海寓胥曉者喻之蓋先生制義其機捷其証微則劉元英之還金張平叔之悟真石得之之還元薛道源之復命丹隨陳翠虛之妙悟葛長庚之九鼎紫霄而匪若正一太乙滯於象真大混於俗又無埃類咸陽寧海樓霞諸公辛勤鍛鍊而後成也其色麗其質古則晨精冠交泰裳羅紋綬玉榜金文之幢金榜朱文之幡丹榜素文之節暨龍虎鸞鶴獅子辟邪諧騎也其境靈其區邃則三十六靖廬七十二福地三百六十名山暨陽平雲臺二十四治玉陽開化七十餘府靖也綜斯眾美集於毫楮故曰仙也客曰願舉其要大文曰偽道養形真道養神然則文成易驗曰元張上卿傳不云爾乎神仙宰相也客退爰為序以復於公

在朝樓集卷九序

四

文亦有軌、若仙之概

洪鑄先時文字序

宋范文正公偉節震動而集中明堂諸賦十四夜歸雁諸詩暨雜文樂府多輕迅婉倩雅令人吟誦不輟蓋長山醴泉寺之功致為沉邃矣揚文公文最號富贍而結體殊圓嘗賦詩曰思遲多苦似相如志其朔也白沙鑄先洪子從子講學制義以富贍為宗材裕而格密比者思益深體益圓文正公山寺之功儻可前睹乎釋藏長阿含經曰忉利天衣重六銖炎摩天重三銖兜率天重二銖半化樂天重一銖他化自在天重半銖鑄先制義殆類披六銖衣比且被三銖二銖有半矣若覃思化樂天他化自在天并化其思而超詣一銖半銖之界如文公年十一召對旋賜進士殆難為典例而文正公嘗師百世矣抑豈直舉南省裁題一第云爾哉鑄先高祖明太常公神嘉朝直節臣史藁皆列傳尚其益思克紹之

在朝樓集卷九序

五

閩賓張氏制義序

子郡工文士宜書高才不遇賦者曰梁溪瞻迴尤氏暨陽太
質繆氏瞻迴富明世穆時最號高才生今世傳滄溟李公故
太王篇椒山楊公王勃然篇胥其筆也馬文肅公瞻迴里人
故知之尤稔而世又傳海若湯公語東鄉艾氏者殊譎舛蓋
海若雅工對待句而工而克變則又宜察之秒忽圭撮之間
也太質當楚望郝公謫令時試第一推藝者謂才在西溪上
然西溪晚遇而太質訖不克遇也它若暨陽錫余黃氏毘陵
道生憚氏子邑九臯金氏古蒙陳氏孚齋王氏安隱鄧氏子
族高祖忝鞠公族曾祖翼子公先祖文林公清聞吳氏西山
楊氏暨近日天綏周氏仲雯吳氏任遠張氏才胥穎出寔班

存鶴樓集卷九序

六

文長房仲恭茂齊大復思曠伯譽平叔士雲世溥眉生次
尾吉士麟士子常印持勒卣玠右維城憲吉邦士舒章雲季
之列天綏先生偕予世父井陘公號荆南二虎將而礎芹周
先生子從祖在陸先生胥日肆課義不幸而偕仲雯先生胥
不獲列序貢籍任遠先生亦裁序貢而子尤太息于虞庠闈
賓張君之齒曾不獲少埃序貢也君產邑東南陲而名播吳
越其文曲而克秀腴而克貴不作劍拔弩張態而清雄之氣
四達埏埴以視瞻迴太質有過之無不及也昔君偕紹濂周
君申錫吳君嘗鏡荆南三子藝申錫以辛丑雋禮部試紹濂
亦以甲辰雋府丞試君早不祿并不獲見二君中雋時此豈
大樽陳氏悼勒卣所謂縱使不堪朱紫貴何妨白髮老諸生

者邪而猶幸君有子茂才璨英之克續其學而君且行爲仲
雯先生也璨英斬復鏡君彙自下相歸謁予請一言予爰書
其才遇牴牾之畧若此邑觀水范子者亦產東南陲武君而
號高才生者也其齒亦復差埒予并書以附房仲思曠吉士
雲李郡邑諸先喆制義暨唐選舉志宋太平御覽詳錄舉場
遺事之後

存鶴樓集卷九序

七

申錫吳君制義序

予同年申錫吳君少工制義。蓋其美滋衆矣。獨予嘗觀海內士推文。其時時授述古語者。輒曰：惟陳言之務去。又曰：謝朝華而啓夕秀。吳君制義。可謂盡刊陳言者也。可謂華未披而秀已啓者也。昔東萊先生著古文關鍵。其論學。韓吏部者曰：學韓簡古而不學其法度。則朴而不文。吳君於有明制義法度。胥克融之。此其所以無朴而不文之失也。其論學。歐陽參政者曰：學歐平澹而不學其淵源。則委靡不振。吳君於有明制義淵源。胥克貫之。此其所以無委靡不振之失也。吳氏子邑甲族。世以制義鳴。可先先生最遠。元衡先生最贍。吳君寔克綜之。雖有明制義極盛如豫章萊陽諸名家。亦奚讓焉。吳君詰嗣文解子肯。上舍觀讓。復饒君制義以行世。而謂序於予。惜乎其文傳而其人不可復作矣。爲之把紙諷誦者良久。

存硯樓集卷九

八

紹濂周子時文序

山海經書丹穴之山。丹水出焉。有鳥如雞。五采而文。名鳳凰。首文曰德。翼文曰義。背文曰禮。膺文曰仁。腹文曰信。飲食自然。自歌自舞。見則天下安寧。又書南禺之山。佐水出焉。有鳳凰。雛又書軒轅。鸞鳥自歌。鳳鳥自舞。近世制義。尤粹者曰：以仁義之質。標古雅之神。予邑比日。工言士。如舍弟可權。師軾徐子銑。萬子松齡。范子瀾。輩多用是爲宗。而紹濂周君所得尤粹。其於鳳凰背文之禮。腹文之信。尤克契印焉。予知薛大夫許吏部。蔣集賢。前輩風尚雅。可復振。君山國山。且爲丹穴南禺。軒轅。邱而荆溪。且爲丹水佐水也。君之門人。將刊君制義以質於世。予輒言其概。而并書予邑文。其雅合於作者之尺度。而雅有以肇自然。歌舞之符者。若此。

存硯樓集卷九

九

吳冠山時文序

唐左臺公長安中擢進士第官晉陽借武功富嘉謨魏郡谷倚號北京三傑時天下文章尚徐庾浮艷獨公文本經術雅厚維造人競慕之子紫微公詩復綺而雅由是歛郡言文章宗吳氏冠山吳子年十一補博士弟子十二歲試序名第一餼於庠後試輒冠其曹為欽高才生且十年比詔選郡邑士入國子學冠山復衷然首選江南北人士競誦其試草而予蔽之以二言曰雅曰厚左臺紫微之文倘復振乎冠山高尚書公明神宗已丑進士行臺都省雅著風裁冠山昂哉尚靳懋紹曩烈益砥經學以節其才而縱之京輦故多傑士度不難分鑣合駕而特未識世之為嘉謨倚者果何如也予與其叔覲揚從兄又舉次擇之而為言其概如此

存視樓集卷九序

十

蔡方山時文序

春秋時晉固桑有言鴻鵠高飛冲天恃六翮耳腹下之毳背上之毛增去一把飛不為高下夫文亦然為六翮決不為腹背毳暨陽方山蔡子以制義問業于子子見其縝密華潤周折規矩而生趣盎然始為鴻鵠六翮而決不為腹下之毳背上之毛增一把而飛不為高去一把而飛不為下其塵搖高翔一舉冲天無疑也彼操有司之尺度者智慎無出船人固桑下也

存視樓集卷九序

十一

周旭之時文序

唐張燕公曰國有核家有塾。祿位以勸。風雅猶存。然千數百年羣心相尚者鮮。才難不其然乎。又曰飛黃虛騁。百轡遺路。鷗鵬天運。萬翼無階。文士擅名垂聲。亦云才力之絕。眾故爾。今江左人士書制義試會城。而予逮知者有八九子焉。殆克遺百轡軼萬翼者也。若吳江旭之周子。借賢昆漢。荀代興藝苑。其文典朗。縝潤。夔則秩如。所謂靈臺雲秀。雅韻天成。殊無疾於繩墨之宰。金石之師。允矣哉。飛黃騁而鷗鵬運也。雖然君家恭肅公嘗疏浦東表浦青村場暨下砂三場餘鹽。詞約利溥。又論虛糧均糧暨會計徵收盈數正數利弊。殊綜析而忠毅公指斥要倖詞尤深痛。夫經世碩畫。命世鴻章。胥以風節為之本。士必巒拔石確。森峭埏垓。而後錄溪色之紺寒。誦風雲之變態。迺匪緣飾徑竇者埒也。此子三復燕公語。重慨才難。復蘄操簡士晉晞古六館三學風節。而特發諸周子制義者。以君家純忠世傳。而松陵休復先聲也。

存覽彙卷九序

士

學坡弟時文序

予宗繇潤州莊城徒邑臧林。又徒豐義。其載於姓苑類編者胥言世業文。茲不具詳。國朝順治丙戌。族祖後巷令元公爰雋承宣司試。公經義雜文。胥為邑承學士肇宗。而從祖在陸先生世父井陘公先君子清源公武之。在陸先生彙漢唐宋諸家濃研摩而運諸宋熙寧後經義體。晚歲獲雋。功候滋遠。世父十齡草八賦。宿學髦俊。率不曉為何字。經義雄鉅。排突陳黃。在陸先生嘗語人曰。長能吾師也。先君子髫時。族黨借禮執弟。惟不克祇承焉。是懼而今克武禮執者。學坡弟也。學坡試輒冠其曹。顧蔡陽具區了凡。樗岡侗初諸先正。推藝訣演繹罔斃。又予宗借檢討陳其年先生世敦潘楊之威。童稚多肄新野東海體。而學坡儷句詩樂府胥工。顧不以餘力蕪經義。焚膏矻矻。惟是宋君舉陳氏明與謙錢氏成甫胡氏西江四雋四家西安二家誦數罔少輟也。昔予宗後巷綠楸公元至正丁亥。雋江潮行省解元。越百三十有七年為明成化癸卯。而寶門文懿公雋南畿試第一。又百八十有四年為國朝康熙丙午。而先君子復雋承宣試第一。綠楸公工詩樂府。文懿公尤熟金元掌故。李空峒先生嘗贈詩曰。文雅于今是我師。先君子古文辭號大家。而經義胥為致極。錄丙午迄今。又七十有餘年矣。武之者其在學坡乎。顧今且隸業東膠也。意者其果武禮執弟也。予無似。數典奚敢忘其祖。而抑惟

存覽彙卷九序

士

學坡訖克祗承焉是望

存視樓集卷九序

十四

冠伯張子時文序

予邑明邵半江先生嘗賦詩曰江流如白龍金焦雙角短當
 時傳爲警句宋陳文毅公上書論京峴北固間形勝曰如虎
 之出峽而非峽之藏虎也蓋京口人士胚胎英粹暨僑居其
 地而耳目日濡染者如馬權諸君子文辭率淳鬯而典鉅而
 無寒窳砒藪之態國朝肇舉制科學政張公首膺懋選而
 文貞公纘之父子昆弟胥以經義名當代冠伯張子文貞公
 曾孫學士公孫而承宣君蒞嗣也既生金焦北固之鄉間讀
 書毘陵又得城北青山精舍實分妙高角觥之秀嵐光林彩
 展牖煙雲卽其文奚得而不工既專且工卽奚得而不速售
 也而要其文律之淳鬯典鉅則實以權文公張文貞公爲準

曩予嘗授經艾衲亭文貞公從容言予流傳海寓經義稿率
 順治己亥庚子暨辛丑初春三年作諄復不翅再三後予移
 館焦山寺文貞公過訪復申言之蓋古之君子其文章蘄以
 年爲度率如此也今冠伯子之年適類文貞公成經義藁時
 又獲斯夕覃精緒緝成編然則其克纘文貞公暨學政編修
 學士公也雅可拭目而俟矣若繇此彌遠之雖昌黎韓氏所
 謂高山鉅谷龍虎變化者亦復奚以越此

存視樓集卷九序

十五

曹及三時文序

金沙及三曹子視子十義。始若文章郁郁。惠日照而茂彩。花
蘼蓬蓬。晴風搖而不散。此崔鳳閣之所悚躍也。又若仙鶴翔
集。雲鳥杲曜。發祥于俛仰之間。舒彩於折旋之際。此李中令
之所發揮而光翼也。吾見若勢騰晴空。光映秋水者矣。吾又
見若交映榮光。曲成轉蓋者矣。此孫刑部常門下所謂五色
之相輝而萬物之皆覩也。吾知其輪囷紛郁為藝苑卿雲。而
從編修公玉署之後也。行有日矣。故為之一言。

存視樓集卷九序

去

楊符蒼制義序

武進前輩之文尤深於古者。荆川唐氏樸菴陶氏今符蒼楊
子工制義。理慈氣栗質。尤醇貴蓋駸駸古作者之域矣。此殆
可以琦樸菴而後荆川而興者也。予嘗愛西江前輩論文曰
以仁義之質標古雅之神。夫神不古雅。雖有仁義之質。弟顯
也。然神必待質而標。譬之月質其明也。神其光也。未有明不
生而光克耀者也。譬之樹質其幹也。神其華也。未有幹不立
而華克滋者也。楊子制義。質尤醇矣。所謂仁義藹如者。非耶
夫子尾之器。子文之鼎。史傳爛然。業已多銷蝕。而南仲山
甫題勒。雖間得欸識。世又以其神之不全也。而疑之。今楊子
制義。其雅可寶貴者。亡疑也。予願世之擇言者。慎無驚南仲
仲山甫欸識。而加諸子尾之器。子文之鼎之上也。

存視樓集卷九序

去

純仁任子時文序

經義正宗首尊守溪鶴灘。荆州得之鶴灘。昆湖獨得之守溪。而西江鄧文潔公又得之昆湖。胥以清淡靜悟為宗。以通傳至西山鄒氏文止羅氏。今觀東鄉艾氏定待評推語。暨大士陳氏文止經義序。所謂以仁義之質標古雅之神品尤尊而可貴者。蓋以其為瞿鄧正宗而彌尊之也。當西江以豫章社鳴時。吳郡復社西銘受先二張氏復庵楊氏吉士錢氏文胥敦雅。故婁東之派。獨為豫章雲間金沙萊陽五派正宗。而復社實始於松陵。予嘗舟過蘇秀。輒誦垂虹秋色滿東南句。而於松陵震澤間重靳之。震澤純仁任子經義尤敦雅。不涉麤莽習實克符於文止經義序所標指者。然則松陵婁東諸先

存視樓集卷九

六

宋東府兩制胥宗鄱陽三洪氏體。而奉使公之辭表激壯而彌婉。業已先之。是故明時西江之制義。易驚人而功實淺。宋時西江之古文辭。易導人而功實深。此汪浮溪周平園羅春伯世所尊為臺閣體。而楊誠齋之詩律。最削文律。獨和者。夫陽三洪氏實有以倡率而翊贊之也。歛說菴洪君工制義。業協奉使公辭表之體。復協三洪氏東。鴻才玉堂鉅筆之臺閣體。以暨古歛唐吳體之整遼。五代汪體之勁警。明篁墩大猷之較勝。鈔評諸偽體。而許文穆制義之純密。潘松雪之靜融。金子駿之豪變。亦罔不蘄協焉。然則遠而奉使公三洪氏之遺集。近而奉常玉芝之正議。夫且胥本諸朔也。予謨

存視樓集卷九

九

序不敢舉典而忘其祖也

桂林洪君制義序

正體裁。暨守溪鶴灘。啓蒙探奧之玉鑰。胥可再得也。參同契曰。煌煌靈芝。一年三秀。任子為坦齋先生曾孫。先生嘗交朱孝介。文肅徐昭法諸公。而繇孝介以上溯衡山文氏。實為吳郡風雅正宗。故先生楷書獨得衡山之精。交今殆其三秀時也。然則文孫之尤尊而可貴者。且匪直經義也。

向若編序

西昌力堂周先生簡視閣學政其推文也不名一家不膠一
說凡閩中前輩如惇大惇懋虛齋微督紫峯明拔錦泉閣蔚
孩如博宥中台紆婉龍湖英辨紫溪疎邁九我清圓表一瞻
整端和儻煜鐘斗豪達石齋精闢太稗警麗子野蕭遠弗人
蒸變宜伯韶芬暨閩地所產可以武行周大年深甫子中之
席者業已族收而駢錄矣而又以西江前輩如吉水解學士
之制義開天手新建鄧文潔公之竟日默坐文清潔雅如其
人萬氏峭削亦如之臨川湯氏之號謫仙陳羅之巨刃摩天
揚若文止之月窟舞霓裳大力之附柳州號東鄉艾氏之潛
學宛陵瑞金楊氏之竟日陟譙山并四雋豫章社諸公以迄

存視樓集卷九序

三

國朝已丑之清江劉公鍾陵熊公臨川支系之壬辰李公庚
戌徐公而瀾峻其格擴其氣以克昌之而又以繇江嶠而東
如嘉定之肄誦史籍青浦之斯夕八巨反史籍太倉之七錄
赤壁淥口之三日一藝宛陵之舉場熟寢松陵之日擊芙蓉
磬涇溪之自摧文狂萬峯之盡攬千里湖山勝萊峯之縱送
浦濤鬱岡之文率再易藤溪之靜對卉木泉石五牧之篋藏
震澤二十藝龍池之吐喻朝雲莊渠之心通造化鶴灘之午
夜行炊洞庭震澤之日肄左邱氏傳大雅而彌克粹之而又
以河津淳安三原瓊山茶陵餘姚會稽增城歸安德清秀水
西安麻城萊陽千彙萬狀之文而胥克光贊之以擬象官井
而南浚嶼而北涇洞騰窈盡納東南滙之鉅湧而斬復

聖世文章於經雅之盛此向若所以名編而海內人士誦之
者之不翹望洋而歎也昔前輩汪棣園先生提舉七閩學舍
弟禮執嘗獲仗佐而先叔祖在陸先生為銓次應繩錄今四
十年矣閩人士猶篤信其說向若宗經師古實埒應繩而灑
廓森變又當度越之亦以見文章之光氣其積之久而迅發
鼓盪且倍蓰於曩日者之訖未有涯極也暨陽芳三蔡子嘗
仗佐揚榘歸持是編視予予為序其指以質於先生暨當世
之知言君子

存視樓集卷九序

三



冠伯張子墨卷選序

儀禮士相見之禮冬用雉夏用鶩高密鄭氏注曰君子見於所尊敬必執贄以將其厚意也士贄用雉者取其耿介交有時別有倫也士贄於卿大夫胥還之而君不還贄者嘉其厚意也近世士暨卿大夫禮不設贄而士獨以墨卷為執雉之贄以當因緣見君之義則宜於雉有取焉夫雉象文明雖不克逮王畿卿大夫之贄見於君也羔鴈胥飾以繒而禮必崇文則以贄始升之詞非雅不可也雉性耿介則以贄始升之詞非肅不可也不雅而俚不肅而冗焉非文也即非贄也非君子所以將其厚意也此冠伯張子之揚摧墨義必秉於雅必範於肅而俚且冗者胥斥之凡得文二百篇有奇蓋即古

存硯樓集卷九序

五

所謂有司之尺度而令所謂中式者是也冠伯曾祖文貞公經義最雅肅冠伯克宗之又以餘力銓次墨義予爰舉士相見士見卿大夫以上及於見君之禮析其源流而并以告夫世之職秩宜受贄而不敢妄還贄於門外者

說研堂會業序

有明摧覈經義莫盛於工文五牧經正道南崑宣杭越暨季年五宗而經正道南尤嚴是時馬庶子吳禮部試輒首其伍而後胥以節著是故海內人士尤重之不若後此同風大雅之多寬假也然而扶獎纓綬廣勵廡舍則承學士均有賴焉歛說研洪先生演教於東海標表之山嘗萃吳郡雲間毘陵京口茂苑經義銓次甲乙圭毫不爽此可以上埒道南崑宣而探原於工文五牧矣昔元時會業摧覈尤嚴宴賚亦極腆縟是故明月樓羅剎江諸帙迄今猶盛傳之今江左雅望士其詩古文詞入集者摧覈之嚴一經義此并可以埒唐京兆東都同華諸州之文解行卷温卷宋永嘉東萊門徒一時科

存硯樓集卷九序

五

舉學如川涌而絲組暨金元之流傳銓次諸編矣然則嗣此以往經義其武明定陵乙酉而上詩古文詞其武元延祐金明昌宋乾淳而上乎爰深嘉而為之序

存園課業序

曩在陸諸子刊草堂旬課業以折衷世之君子蓋壬癸之交距今十四五年矣是時監察豹文暨應子寧蒼三吳君省漕牧庭汪君胥肄業草堂尤嗜爲文今海內人士多能誦習之歲乙未從弟越漁客授揚之存園借監察子次侯暨寧蒼諸子復修草堂故事越漁從祖在陸先生冢孫雅嗜學而次侯尤克世其業絕可喜也予別寧蒼久比見者胥曰健于文月胥得數十首載颺寧蒼弟嘗借其伯兄之子又舉從子學家胥嘗嗜學尤懋冠山寧蒼弟子載颺兄子齒尤少禮北汪子省漕宗嘗借次侯從扶溝郁君學位山程子監察姻鑄先洪子其甥也今歲借兄時懋學於越漁時往還存園者也品山

存現樓集卷九序

西

位山兄監察館甥嘗借位山從舍弟沅雲學尤工文不幸蚤卒諸子泫然曰奚忍俾品山子無傳邪并刊之來斷予言予歎曰甚哉存園諸子之敏又克敦雅誼也不隕其聲不遺其舊蓋無忘草堂遺矩矣藝胥駿整式符尺屐不亦宜乎

自訂臨場藝序

予少承庭塾誨日誦經史秦漢唐宋文間治科舉文字年十三差有省十五學殖差進二十又差有省時時捉筆書課藝成輒擲藁今借刊他氏大槩可二百餘篇亦久不復省憶矣予於世味雅澹泊又嗜默坐日步城堞側溪干竟日面水危坐用此得疝疾而竟不能釋去容來款語多舉昆湖居山定宇鍵關三年鍾斗坐海島五年又舉因之萬曆辛卯寓子邑君山南芙蓉寺日擊鑿魚木數月後聲寢輟語人曰吾行卷神解借敲擊聲胥化矣今所傳八藝是也予得無闡因之別傳乎予笑應曰學術異流道術異門何至作帖括豚望客亦率適爾而去然苦試事未竣又家人饋糜不克繼時出授生

存現樓集卷九序

蓋

徒復理髮業蓋於有明諸先正大家考索差遍間摹大士正希又摹文止又摹孟旋若士復所後摹熙甫順甫旋胥臧皮去課藝亦什九散佚而日檢四部書誦之少暇輒歛膝坐其息意科舉久矣歲壬午館京口焦山寺日昃時步削石湍潮間倏悟曰朱子不云爾乎百步外較射唯顏子能中紅心而夷惠不與焉夫守溪荆川亦經義中射侯之業也每據案展訖釋編而文輒成凡得數十篇亦旋棄擲敝篋中今強半亡失矣予雅蘄獨往名山棲遲澗壑而婚嫁紛萃生徒亦浸益勢不得遽祛朱墨又亟出應直省司衡請歲壬辰復館淮陰夏四月七日夜漏下二十刻再悟曰經義參古文詞而神業岐而二有明作者守溪其至矣曩子於焦山得之矣而神未

全也。今而後夫殆得全者幾矣。自此識始畫一而齒行五十。重憚捉筆。殊不願朋諸少年試。知舊時來慰最。又時舉曩溪。千默坐。日客語牽率一行。似有天幸。雖間被摧挫。亦輒作溫辭。獎厲不少。鐫賜。以此知京口悟。淮陰再悟。而文輒再進。雅為射中紅心之準。其於論瑣純耗寔了無所用。而或擬諸識途之馬。警夜之鶴。儻亦堅志場屋士之所宜無忽也。昔荆川啓薛仲常篋錄手註二十篇。而始得守溪之神。具區丁丑試前。文必五易。藁乃成。石簣辰厲三年。太青矜束三日。它如文襄之鑿嶮峒。文莊之鑿鶴灘。漢穎之鑿霍林。具區之鑿君一仲常。紫溪吧瞻之任提舉。鑿別不少。差秋忽。以暨唐張說。孫述元。積策。錢起。盧肇詩。宋范仲淹。陳傅良。諸公賦論。凡關涉

存視樓二集卷之九

天

科舉者。遺事遺文。今具在。鐙續印符。畫然可據。其於學術道術之微指。以暨史乘紀載形勢。織曲經制。沿襲前後。本末源流。雅不能無所。而徵事則流傳千載。權文則模楷羣英。用以滿。敲昇平。并以飲佐海內。振衿束帶。士藻繪羔雁之藉。抑亦禮例之所無。能廢也。曩藝多代刊。今歲夏復刊於蘇。當已庚之寓京邸也。嘗書數十篇。首春亦嗣有作。雅不願靜坐。讀書外。雜鶯旁營。以分日力。而神動法隨。辭輒竟紙。視因之八。藝。羸差益。生徒請嗣刊。因稍決擇。附以甲午五藝。而序其畧。以諭當世治科舉之士。其進此者。且徐埃之。辛丑冬十一月十七日

存視樓二集卷之九

存視樓二集卷之十

宜興儲大文六雅著

門人 丹徒張 冕冠伯 崑山徐柱臣題客 編

記

荆溪惠賑記

乾隆三年夏。予邑旱。山亭金泉八區彌甚。其他田不為蓄者。得什之六。而蓄民亦訖得無轉死。季夏蝗蝻生而訖不為蓄。昔徽國朱文公釋詩。小雅螟螣蝻賊。姚崇遣使捕蝗。引此為證。夜中設火。火邊掘坑。且焚且壅。蓋古之遺法如此。今邑濱湖溪。荻葦地。周山蝻潛生。宰亟驟隻駒。問走舫。貯錢盈篋。募貧民當夜漏行。闔蝻翅濡露而不克舉之時。亟殲其族。凡浹

存視樓二集卷之十

一

旬。伺且撲不少懈。而蝗蝻訖滅。此所謂除惡務盡者。蓋唐紫微令姚文獻公之遺法。而徽國文公之集詩傳以成經者也。宋皇祐元年。河北京東。洧大水。民流就食青州。時富文忠公弼知州。兼安撫使。宋五朝史曰。弼勸所部民出粟。益以官廩。得公私廬舍十餘萬區。散處其人。以便薪水。官吏自前資待缺。寄居者。皆給其祿。使即民所聚。選老弱病瘠者廩之。仍書其勞。約他日為奏。請受賞。率五日輒遣人持酒肉飯糗慰藉。出於至誠。人人為盡力。山林陂澤之利。可資以生者。聽民擅取。死者為大塚葬之。目曰叢冢。及麥大熟。民各以遠近受糴。而歸。凡活五十餘萬人。募為兵者萬計。前此救蓄者。皆聚民城郭中為粥食之。蒸為疾疫。及相踏藉。或待哺數日不得粥。

而仙名爲救之而實殺之自弼立法簡便周盡天下傳以爲式今邑西南冶金煉石炭東南埴土爲器而東西巡司胥市果薪竹木龍池磬山海會暨芙蓉善卷南嶽大湖暨天申院緇黃展謁賈旅輻輳萃義鄉長城綏火桐汭平陵永世南蘭陵暨陽晉陵暨蘇潤揚楚昇宣歙湖之衆而胥環食之且寢類宋青州之壤接河北京東而克析主客戶覈浮冒擇腴貲幹辦士分厥董司給米粥糜務起冬十有二月訖明年夏四月止俾叢山迥野羸氓殍丐胥得食於厥訖爲青州之遠近受糧以歸不煩叢冢其狡悍者亦且帖息不至煩稼軒辛氏之安撫江西大書閉糶者籍強糶者斬八字以示軍民一境始無事而有志經世之士且尊爲千古救荒奇策也宋熙

寧八年夏吳越大旱時趙清獻公抃知越州曾文定公諤救

二

苗記曰九月公前民之朱飢爲書問屬縣苗所被者幾鄉民能自食者有幾當廩於官者幾人溝防構築可備民使治之者幾所庫錢倉粟可發者幾何富人可募出粟者幾家僧道士食之羨粟書於籍者其幾具存使各書以對而謹其備州縣吏錄民之孤老疾弱不能自食者二萬一千九百餘人以告故事歲廩窮人當給粟三千石而止公敏富人輸及僧道士食之羨者得粟四萬八千餘石佐其費使自十月朔人受粟日一升幼小半之憂其衆相躁也使受粟者男女異日而人受二日之食憂其且流亡也於城市郊野爲給粟之所凡五十有七使各以便受之而告以去其家者勿給計官爲

者有是具也能自食者爲之告富人無得閉糶又爲之出官粟得五萬二千餘石平其價與民爲糶粟之所凡十有八使糶者自便如受粟又僦民完城四千一百丈爲工三萬八千計其傭與錢又與粟再倍之民取息錢者告富人縱與之而待熟官爲責其償棄男女者使人得收養之明年春大疫爲病坊處疾病之無歸者募僧二人屬以視醫藥飲食令無失所時凡使者使在處隨收瘞之法廩窮人盡三月當止是歲盡五月止而事有非便文者公一以自任不以煩其屬有上請者或便宜多輒行公於此時早夜盡心力不少懈事鉅細必躬親給病者藥食多出私錢民不幸罹早疫得免于轉死雖死得無失斂埋皆公力也今邑給賑之所雖無庸埒越州

存視樓集卷三

三

之五十有七而開厥一十有四又增厥二析厥四曰城南之顯親寺凡賑山亭清泉十圖有奇其迤西南者曰潼渚之靈山殿曰縮石炭市祝陵之善權寺曰創設煙山之綠普菴曰談渚之郵塘菴曰西洋渚又特析距渚差遠之篠里地最僻左之虞山曰東霞埠之義樹菴曰張渚鎮之土地廟曰新設踰張渚二十里界長城桐汭平陵直宜歙四安走山道之新設橋亭凡賑山亭清泉從一從四永豐金泉七十一圖有奇其迤東南者曰張澤橋南岸之龍化菴曰蜀山之東坡書院又特析縮陶缶市之下山縮東山循震澤湖濱香蘭山走長城四安道縮循甌山麓走城南道之川埠曰山溪之順慶菴曰湖汶鎮縮市茶道之金沙寺凡賑清泉均山上下四十一

圖有奇。而耆民間附賑焉。雖不克逮。越州粟五萬二千餘石。又三千石。而出秩俸養廉資。帥之。又詳諭曲導實計。收支米一千六十二石。有奇。銀三百二十有二兩。又市薪銀三百兩。有奇。雖不克逮。青州活五十餘萬人。而綜紀區八圖一百三十有二戶三千一百十有奇。雅不減越州之二萬一千九百餘人。給米起十二月朔。明年春正月止。鬻糜起正月訖。夏四月晦。楚麥胥熟。止。而泉必甘。火必齊。盜必盈。杓必鈞。無或蹈藉。暨待哺者。流移氓甸。胥歸復業。而并不煩越州之病坊。其遠以師周官之荒政十二。而近以斟酌調劑于明次崖林氏。比日水叔魏氏之救荒諸規。議者也。文定記又曰。經營緩輯。先後始終之際。委曲纖悉。無不備。若推公之所已。

存碑樓集卷一

四

試其科條。可不待頌。而其予故詳書富文忠青州之式。趙清獻越州之科條。而前繫以姚文獻捕蝗之遺法。暨予邑試之。而既效者。俾後有考焉。

歙稠墅汪氏萃英文會記

今海內世閥繇成。周時名卿大夫士外。惟程氏方氏吳氏汪氏。載於史春秋禮。而汪氏為周文公之裔。生而有文在手。曰汪。因以為氏。其彬雅蓋天性也。宋僕射明右相。胥用詞學。位台宰。玉山殿試第一。階徽國。朱文公胥號禮樂宗。往返問答。書載在大全集者。雅可攷。其後海陽南沙上甲嗣興。弋陽禮部試第一。茂苑武之。宅若魁。承宣司郡州邑者。所在多有。而古歙十六族。肄業所之尤敦敏也。則稠墅最著。歙俗胥萃子弟。明倫課義。不遷其地。故能良曰文會。猶周鄉學之庠序。校義門之門側塾也。肅迓名宿士主之。習司馬文正公家儀。文公家禮。申講倫敘。肄經義。傍治詩古文詞。審其才器。胥俾克

存碑樓集卷十

五

成。而評曲直者。亦於是折衷焉。猶古之嵩陽睢陽白鹿洞。嶽麓石鼓書院。江州陳氏浦江鄭氏之家訓也。而稠墅肄業所。爰顏曰萃英。稠墅之萃族而居也。今蓋十世。代有聞人。始建文會。規址未廣。族望交如。君倡義擴之。弟載南。學山。天孚。素安。君叶義。語嗣。令聞。君恪共承志。選材鳩工。而稠墅族胥贊厥成。爰步郵右。毓珍山之麓。獲隙地焉。喬木干霄。漢松柏盤地。浸百尺。下有池。廣輪袤。以畝計者。蓋二十。濼匯邨中。溪地。謚景秀。載堵載甍。榮阿靜滄。丹堊絢耀。肅祀文昌。六星後。秦梓潼神奎。宿星於閣。漢關壯繆。侯宋崇寧。尊神於殿。築園藝卉。濬池壘山。遙對黃羅天馬仙姑諸峰。以收軒轅握竒造字。魁傑磅礴氣。而帥子弟肄業焉。凡簿發朱提二十四銖計者。

羸巨萬有奇。浹三歲。迺蒞事。蓋制將江南北。書院精舍。而壯麗實甲之矣。吾知今而後者。碩豫游。英雋震發。蓋舉台符之文。記雄咩。浮溪之儷體。婉發。六安之格力。橫驚水雲之律韻。淒清。秦郵右相之詞。冠高徐。青湖給諫之藝。齋錢重。大函司馬之奔走。埏埴。黃梅督撫之支厲。中晚。下。暨書麟記。鰲以藻彩。名載籍者。胥克兼綜之。而玉山吏部。弋陽宗伯。其析支。越國。又胥舉揭。勝唱臚。載在選舉志。科名盛事者。繼繼繩繩。胥克續之。則交如君。令聞君之睦宗。收族。不振文教。且并伊洛淵源。錄漢賢良策。唐吳富體。而胥克宣焉。其有功於越國暨十六族甚隆也。爰記萃英文會。俟博史採擇焉。

此篇分四段

存視樓集卷一記

六

重修荆州府學記代

荆州府學。明季毀於兵燹。順治十年。知府事王君始建之。滇黔告警。學日就圯。康熙二十六年。分巡荆南道祖君復修之。越今十有七年。而復圯。棟垣頽兮。丹堊剝落。吏茲土者。胥用震惕。予蒞試。日謁孔子廟。訖。咨知府事清源黃君。君肅容曰。某敢不力。予首出俸。料諸生暨童子之有事於試者。胥欣助之。君合僚屬勤歲厥事。不替月而工告成。以書達辰。請予為記。予竊惟荆州於九州地最鉅。自漢晉以來。始析為江。旋析為湘。又析為雍。郢。而江陵常號督府。西朝人士。其彪炳史册者。幾與江左埒。隋唐後。風氣少偏。隸郡縣日削。至宋而唐鄧襄。皆為不耕之士。荆北接襄。沙海沮洳。士之以學名世者。自一二偉人外。率不如閩蜀。故永嘉慨然太息。常欲用荆襄剽果之風。以起吳蜀。閩。荆。脆弱之習。而惜其說之不果用也。夫永康名學卓犖英偉。然補苴罅漏。要與霸者為近。今誠用永康振厲之旨。以造崇安醇。怒淵粹之學。則其進於聖人之道。不難也。由元明及今。合荆南歸峽為一郡。風氣漸完。勲業文章。蓋視宋有加。而國朝尤盛。今

存視樓集卷一記

七

天子鴻恩沛。泱文教純。熙凡萃。按邊城。胥欲導之詩書。荆為江廣要防。諸君子受寄茲任者。亦唯教化為兢兢。吾知荆之學者。益自淬厲。而以度越漢晉唐宋之士之行。有日也。嗚呼。曷哉。黃君家世名儒。典郡之始。卽以修學為亟。且欲改營壤址。雖卒不克展。而其志之勇有可嘉也。予并書之以告後

之人尚其有鑒

存硯樓集卷十

八

仰蘇樓記

仰蘇樓蓋虎邱東南隅。蓋展牖而龍角之所。肇水犀之所。肆闔扉望齊之所。列雉靈胥子之所。環浦者胥瞭然得之。自明郡守天水胡公。纘宗偕大吳軒。並建今二百年有奇矣。其署仰蘇者。樓傳宋端明殿學士蘇文忠公。址。晞賢也。循樓級而南。不數武。為小吳軒。蓋元祕書少監黃文獻公。記所謂燕休之平遠堂。游眺之小吳軒者也。昔陳張光祿。士苗嘗東沈中丞。初明曰。襟帶城傍。獨超眾嶺。控繞川澤。顧絕羣岑。而初明荅曰。三江五湖。洞庭巨壑。寫長洲之茂苑。登九曲之層臺。其中秀異。實虎邱之靈阜焉。詞旨蕭雅。蓋猶軼顧序王記上。而二書標指殊景。惟仰蘇暨小吳軒。為能窺其樞要。而發其神

存硯樓集卷十

九

解顧以數百年。憑虛寶構。矗立於削崖鳥道。飈霧滂滴之中。則夫撐柱而俾承。永無或歆。仆者尚猶有埃。昔文忠公嘗謂至蘓州。不游虎邱。為欠事。而闡其說者。又謂過蘓而不登虎邱。俗也。登虎邱而不登小吳軒。亦俗也。然則徘徊軒上下。盡得茲山之勝。而後文忠公之所謂看盡湖西山者。適可仰而晞乎。予比過蘓。僑仰蘇。日展小吳檻。蓋聊以祛俗。而抑蘄海內大雅君子。克武文忠公暨天水胡公者之聞。予言而迨然。徐理策展也。

臥雪閣記

臥雪閣也。而署樓隘辭也。今僅隸胥閣之。爰書曰青山莊。臥雪閣。莊畫古南蘭陵縣東北。閣前陵後梁。左右澗激。升閣而望。則表堤斜巨。華林駢宕。環梅蹙柏。疊玉叢碧。而支川迤注之。閣繇梁而迤北。則雲間思白。董氏書積翠於堂。茂苑伯起。張氏書竹事版四於堂之北。榮焜耀閣左。昔梁尚書令休文。沈氏東郊構閣齋。左丞劉士深。杏呈二贊。休文遽命工書者。書於壁。報杳書曰。結宇東郊。匪云止息。政復頗寄夙心。時得休偃。又曰。君愛素情多。惠以二贊。辭采妍富。事義並舉。句韻之間。光影相照。便覺此地自然十倍。輒當置之閣上。坐臥嗟覽。吾知武伯起思白之襟素。而從梁劉左丞例。鑿壁者行。

存硯樓集卷十

十

有埃也。昔葛氏西京雜記載。公孫丞相開東閣而列書翹材諸節。今閣左偏京口冠伯。張子玉峯題客徐子肄誦焉。意者其東閣之系而翹材之祥乎。蓋古南蘭陵地平曠。類列屏南距山百里有奇。閣并不埃北臨江渚。而朝飛暮捲之勝業。單具實克甲。秣陵廣陵梁溪茂苑諸園亭。而行書北江紀。乘以乘之奕。禮昔昭明蕭氏秀於南蘭陵者也。嘗草簡曰。不出戶庭。觸地邱壑。天游不能隱山林。在目。又曰。吾靜然終日披古為事。汎觀六籍。雜玩文史。人師益友。森然在目。吾知誦肄。閣偏者。雋機神賞。以適然長對於西山南浦之間。而文詠且克。武葛氏蕭氏沈氏也。宜乎魚隸之胥閣之也。稔而莊且曰。青山。

日涉園記

以日涉書園恒辭爾。而萊天文江二張子園。崇水秀巒。曲檻時撥。識天趣者自解之。然園為桑民懌先生讀書地。民懌年十有九。而中承宣試式。洎二十有四。書籍者誤以二為六。迺銓注訓泰和後三原王端毅公長吏部。始獲郡倅之擢。今萊天文江才望鬱起。且益恢西銘受先二先生緒。而園亦偕七錄齋對峙。彙天年二十有八。文江年二十有五。其視西銘庚辛之役。且不淹再葺。則二子嗜古類民懌。而當不以甲第奇才發枋國政者之慨。他日春明華省班合三山。予恐雖欲日涉茲園焉。而不得也。聊書數言以復雅指。

存硯樓集卷十

十

重修寶蓮閣東綠雪菴記

抵焦山東南隅。捨舟西行不十數武。得寶蓮閣。閣之址分而三。西曰香林菴。東曰綠雪菴。庵之前為門。覆以屋。室分而五。楹二十有二。棟若承棟六。極若楹以室計者七。門之次為廡。庖。福具焉。廡之次為鸞雲堂。楹十有六。棟若承棟四。極若楹十有八。前合垂甍為軒。加楹四。楹十有二焉。堂之次為樓。樓之下室分而三。左右室又分而二。樓分左室如樓之下。左右室。然楹以十計者倍之。棟若承棟四。極若楹十有八。前合楹為平軒。加楹四。楹十有二。其制視覆門之室。凡加三之一。堂加四之一焉。平軒之前植梧一樓。之次植竹百花藥雜。而垣四周。循門訖樓。既以竹承之。蓋距山麓立石不十武焉。

存南樓三集卷十記

三

先是閣創於宋。至今

天子康熙元年而閣重修。主閣者之系分而四。旋合而三。而茲菴得田以畝計者二十有五。蕩以畝計者二十有奇。堂室以次計者三。至今

天子三十有三年六月二十有二日。而邑蔣氏以先太常卿寅嘗肄業是焉。而菴重修。凡用水以本計者百。用磚若瓦以積計者百。他雜物稱是。用匠以工者千。用銀以銖二十四計者五百有奇。而僧韞石實職是役焉。又三年為三十有六年六月歲事落成。而僧行載題曰綠雪。又四年而邑前河南學使者張仕可以韞石之勤於乞言也。為重修寶蓮閣東綠雪菴記。

重修普濟菴記

起武進縣北以里計者三十之為奔牛鎮。鎮之東里三之為普濟菴。又東為故凌霄亭。菴之址以畝計者十有三。以分計者八。隸菴之田僅存者畝六十有奇。而徭賦準此焉。先是菴久不得入。殿壞不支。像黜駁且墜地。田苦荒坵。賦之逋以銀二十四銖計者且百焉。僧大因歲丙寅逸去。鄉之司里者。而隣並者。議曰。盍售田乎。上之縣。縣上之府。於是縣之有列於朝者。籍校者。胥議曰。是難卒棄。僧開宜辦此。既而閱開之耄也。復曰。盍迎開弟子純一來。於是胥迎以來。而召眾。而具材五殿。而殿廡而廡寮而寮。像佛若侍佛者而佛而侍佛者。前後左右面背之。而門而庖福。而垣且甃。而鐘鼓磬鈸。幡

存觀樓集卷十記

三

幢香華供。而鋤鎌筥笠以壤。以蕃胥以是歲訖事焉。蓋菴肇建維宋寶祐元年癸丑。越二百年有奇。為明景泰七年丙子。而菴再修。又越二百三十年為今。

天子二十五年丙寅而浸廢。廢而僧純一復修之。實克用慧。慧辦銀二十四銖計者百之。之通請無稅菴之址。而俾畝六十有奇。若十有三分八之者。獲廬且食。其徒永勿墜。又越十有三年為三十八年己卯。而其鄉張君軼。千書事起。止來請。記軼千好古君子也。言宜敷不妄。為記之。若其法之本末。與夫得之彼而失之此者。前賢論之詳矣。記不具。

焦山敏修禪師賑荒記

五宗禪學。惟臨濟曹洞傳法最久。曹洞禪律甚詳。而約其樞要。曰虛中實。曰實中虛。曰賓中主。曰主中賓。焦山世傳洞中法。今敏公之以給孤慈恩。舉常平荒政。而賑飢京口也。其地曰育嬰堂。曰新豐鎮。曰蒜山。曰鎮西倉。曰西南二糜廠。其廣袤輪所暨。東界南蘭陵。南界西阿良。常西界江乘。北止大江之浮玉山。萬壽圍。凡為區十有七。而諸郵聚隸之。坊二十有三里。二百有四十。胥有奇。其歲月曰潦於戊午。鄉賑肇於己未。二月之戊寅。朔歲於三月之己酉。坊賑肇於三月之壬戌。歲於四月之戊寅。而綜壬子乙卯二賑計之。凡三底厥庸焉。其數實。賑米曰育嬰堂八百石。曰揚州義捐萬四千八百石。又五千石。胥有奇。而朱提五百兩。暨運米散米諸費。胥具焉。其數實。戶口曰鄉賑戶七萬。口二十有一萬。賑米萬二千二百石。又賑糜二千石。坊賑五千石。胥有奇。而祿赤襟素罔。或有遺。七里塾石梁亦克。厥厥工焉。其書賑籍。姓氏曰大章汪君漢炎吳君秋王馬君雲存江君而魏笏洪君總紀之。董賑司賑亦胥著厥勞焉。至其肇賑。歲賑濟江募賑之權。實賂用胥備也。始議賑。公激然曰。攜人以就粟。不若攜粟以就人。迺裁留糜廠二。而諸郵聚胥泣。數焉。則騰踐無虞。疾疫無患矣。稽實而予之粟。晝期而予之米。則點不許。愚強不凌弱矣。泊夫獲米而運之。舟劣達江。瀕亟令運蒜山高阜山房。俾受賑者人以郵序。口以票發。則無可化為有。遠可化為近。雖變不失

存福樓二集卷十七


齒

常雖繁不擾約矣。此實協符於富文忠公之賑青州。載諸蘇

文忠公碑。趙清獻公之賑越州。載諸曾文定公記者也。然則南究非卽南徐賓中之主。而潤州非卽瑞州虛中之實乎。夫洞中禪學。繇宗鏡錄五燈會元後。惟元雲中海雲禪師大振宗風。克翊宣政。而湛然居士耶律文正公龍岡劉太保實導揚之。用是洞宗之禪。絲晚唐迄明定陵時獨盛。今敏公荒政。實海雲之龍象也。然則徑山不限於孤雲。而睢陽彌衍於佛定矣。予曩偕訥夫階平蔭三學。衡張子讀書茲山。文貞衡永杭州三公來談藝。因獲交於碩公。今敏公為碩公高弟。夢得治統二子。又時稱功行。爰是竊聞其略。而記之。宋永康陳文毅公曰。洞山之燈。忍令其遂無所承耶。書訖為之慨焉。三嘆

存福樓二集卷十七

齒



遊西山莊記

已酉又七月二十有三日予偕呂氏容周正也二子暨紹殷靜文旭臨元起步於定六子之西山莊坐竹陰背龍母尖峰而正山環錯免牌洋白雲齋諸峰間談明熊甘二督學御史遺事又談西江羅章艾三家文輒憶東鄉天備子集中載歷試卷序述小試泣寒解衣裸腹赤踈烈暑擁立夾坐蒸熏腥雜勺漿不入口暨無敢麗立伸久腰脊拘困又坐席不能舒左右肱而疾書試卷草胥出於勤苦憂患驚怖束縛之中其詞可謂絕痛然東鄉年十有七以童子試受知於李養白督學又七年而駱台晉督學激賞其文食餼二十人中又十有九年而丁天行編修主甲子江西試中式第四抑猶為不甚摧挫比自有司之尺度不審而嘗賄滋以易溷雖殖學數十年視鮮肥裁握管子弟殊無所差等故雖以正也棲巖諸呂子之文其小試之苦與東鄉所指述埒而雖蘄俛行以次至督學几案前聽而受教噤不敢發聲所為拘牽文法以困折其氣者而曾不克獲即奚論餼於二十人中暨中傳承宣司使試此宜其肯有坎壈佗僚之思而予以鯨悴之餘步諸英遊後坐談榛樾夕嵐半陰木葉微脫雖列醴焚鱸而曾莫之少甘也是日不克至者棲囀璋與二子又明暉以旅鷓茲附記於後

存觀樓集卷十記

六

九日登古墓記

淵明云春秋多佳日今歲秋之季月風物尤清美此過江諸公藉卉之辰而唐人讌曲江穿韋杜曲之所尊也九日子偕二子選登城南故將軍墓蓋是墓之絕人游也數十年矣當明思宗時有力者實有之環為別墅而予今顧得與二三子假此以登也哉爰迺據盤石蔭高樹循長堤濯清泉發澹言於折磴列盈坐於廣除崇山在南蒼波無極此又登臨之勝也矧復迴廊別館傑閣雕軒雖規址歸然而北望蔣陵南懷蒙詔故家蔓草何其多蕪沒也噫嘻悲哉秋之為氣乃如是夫或問別墅於儲子曰新與故孰勝儲子曰故者勝何為其然也儲子曰子亦知山川之日光乎麗日正中山不浮輝川不揚采及其就沒丹翠紋疊於是觀者徘徊徙倚既怵焉驚又悄焉思子盍觀是墅乎此丹翠紋疊之時也若墓之崇而毀毀而夷為田與其不毀而牢籠為臺榭則自漢魏以來歷日出沒數矣噫嘻二三子聞茲言也意有變色離席而驚且思於壁鏡家刻之辭者乎

存觀樓集卷十記

七

三月四日記遊

歲之三月予斷以三日作郊外遊。早食後遽聞催稅人至。遂弗果。竊嘆賦役之不聊而至無以為令節者。可悲也。蓋及越日始得偕二三子飲於曹氏之一峰軒。又沿溪行。坐僧舍者久之而後返。昔震川先生嘗過南皮。誦翔鳧戲清泚之句。而嘆當時之士有以自樂如此。然予未嘗不嘆先生之不自知其樂也。蓋三十年來士不為當世用。世亦絕無意於士。而於是士之嗜古者。自催稅外。凡井窰米鹽最號瑣細。而皆有以束縛而催折之之絕。可悲也。間能自振厲。少放古者息游之義。如吾與二三子今日比。則雖前人勝集雅不相及。猶將附且續焉。以補亡繼絕。而抑以見士之於今無能棄無以自樂之日也。蓋視震川時為烈也。夫蘓文忠曰。菊花開處即重陽。涼天佳節即中秋。談者以為曠達之極致。由今日觀之。則雖牢愁楚激萬不能堪者。無以復過。而予幸甘自放廢。獲見及此。即安得默爾而已。使二三子之遊之後於古也。是故推震川之旨。聊為言之。并著予弗果遊者於其端。以見自樂之尤難。而因以備展三日故事焉。

存視樓集卷十記

六

紀行

乙亥春正月癸酉予舟適澄江。同行者為叔孟。五采吳子。又葵任子。緯仙朱子。錫山。西抵河橋。宿是日雨。遂雪。甲戌午抵陽山。雪甚不克行。遂宿邨中。乙亥雪止。抵南閩。宿雨。丙子辰至澄江。寓進賢橋側民家。酉雨霽。蓋自癸亥朔至是雨雪。凡十有四日矣。丁丑望夕。觀鐙於關壯繆廟。又觀於張忠真源廟。戊寅夕。又觀於邑城隍廟。鐙屏風二頗奇麗。已卯遊萬壽寺。觀趙承旨碑。又遊玄妙觀。越六日。乙酉舍弟禮執至寓。凡同寓者七人。午遊韓氏園。園多梅花。一二發矣。丁亥復遊。有歌吹於園者。歷後園六。跌坐久之而返。戊子雨。已丑又雨。不克遊。庚寅雨止。遊朱氏園。偃梅絕可觀。然梅不及韓氏百之一。辛卯復遊於韓氏。壬辰晦復遊焉。率先後園。後前園當花盛所。輒坐久之。易地輒如初。可謂盡其變者也。蓋予自辛酉夏始有事於澄江。今十有二至矣。其歷茲園也。無慮百十。唯丁卯春一及花時遊。而花不及發。今盡發矣。而一再日來。差不為陰候所阻。故幸獲濟焉。及二月癸巳朔甚雨。至於戊戌。而予歸矣。時同歸者五人。惟又葵禮執在寓。雨甚前一日。予適據盤石倚樹而坐。而旁有不知誰氏者。已復詆訾之。以此見物不能自振。而無以發其荒寂深澹之奇者。可勝道哉。夫世之重崖絕島。仙靈棲息之區。既不易至。而力所可至者。又率得毀於不知已者之口。此古之騷人逸士所為深歎息也。而况士之無所遭。其可為感惻有倍。徒什伯于此者。故予

存視樓集卷十記

九

於紀行及之。以見士不遭其時。則雖殊尤勝絕。如茲園之梅。之比。且不能自振。而亦使世之君子無失其本心哉。

存視樓集卷十

二十

記思嗜臺引

載籍文辭。如白樂天王元之羅圭峯諸公。以竹名者衆矣。獨蘇端明文。與可畫篔簹谷偃竹記。超絕埃壙。蓋端明文至黃州而一變。子由所謂黃州後如川之甫至。而輒瞠乎其後者也。至惠州昌化軍。而又一變。而茲記清竊倏幻。成於元豐二年七月七日。時在湖洲。不踰月。旋北行。遂開赤壁石鐘巖志。林諸卷帙之先。而坡仙文。迄擅海外。定安距宋昌化軍不數舍。地雅多竹。筠菴莫先生嘗築舍東小邱。為讀書燕息之所。環藝以竹。署曰筠酣別墅。今喆嗣孝廉中洲君復闢邱東隙地。十丈。繚以垣。而中臺之。藝竹滋益密。署曰思嗜臺。其從弟予同年友印山君。斷予言以引。予謂筠菴嗜竹。夫匪直竹也。充其嗜之之極。雖樂天元之圭峯諸公。摹畫蒼翠。恐未足以慊厥嗜也。世尠不嗜竹。而克嗜之者實少。矧思其所嗜者乎。筠菴奚獨嗜之而不厭。中洲奚獨思之而不釋。噫。嗜予知之矣。此非端明之所謂執筆熟視。振筆直遂。而異於節節葉葉。而為之累之者乎。故曰。用志不分。乃凝於神。又曰。彼自立彼。不思而得。癸卯春三月十有四日。

存視樓集卷十

三

存硯樓二集卷之十一

宜興儲大文六雅著

門人 丹徒張 冕冠伯 崑山徐柱臣題客 編

傳

慈谿沈氏二忠傳

丙戌夏 王師濟淞 明魯王奔台州入海六月二十四日

知甌寧縣沈履祥死之庚寅破舟山城明行人沈宸荃以魯

王奔閩粵壬辰春正月二日颶風作死之寧波之慈谿族望

沈師橋履祥系宸荃從兄天啓丁卯舉於鄉崇禎丁丑進士

而宸荃鄉舉已卯成庚辰進士官行人壬午同考順天諒得

劉數仁譚貞良梁清遠姜圖南旋遣祭部臣蔡思充於漳浦

存硯樓二集卷一傳

喜語人曰少詹事黃公邑人也吾今得師矣甲申歲使事而

三月十九日變聞福王署山西道監察御史巡視中城疏言

歸汝青海死守紳士土民團結塞堡宜差授官以收拾河北

又言當今大勢宜居重江陵扼險夷陵如陸遜之拒漢以遏

川蜀九封潼武戍守大河西如東魏之拒西魏北如宋之拒

遼以為第一重藩籬其次自襄樊斬黃東徹宿楚如南宋之

守淮東西以為第二重門戶而江楚運軍江北北上班軍胥

練以實伍又今歲入銀六百餘萬兩淮徐四鎮暨督師餉業

二百四十萬楚一藩四鎮二督一撫江一督二撫三鎮圍營

操江守陵浦口京口費復不減淮徐國初下金陵康茂才充

營田使今宜酌舉屯政又箴王問關河北備嘗艱苦願無忘

蕪羹麥飯至敘功濫而將領胥橫金曳玉監紀多而破甑膏

崇階顯秩請乞贈賡盛而羽林曹監無駐足地類割恩裁靴

又請趣黃道周泣部尚書正詹事任而并薦詞臣徐汧吳偉

業吳太冲劉同升葛世振沈延嘉又以歲久旱覈陳五行變

診之應中言今有好作威福多指欺炫謀猶回適營心貪黷

者胥不合天心最後乃直劾署大學士馬士英蠱罔誤國狀

福王怒議碎之給事中御史交章救乙酉轉蘇松兵備道而

五月二日變旋聞亟詣越魯王署兵部左侍郎兼副都御史

令偕諸將畫江守轄滙海所壘三江黃家堰間御軍整屢閉

亡銖毫擾瓜漚人德之比瀕江戍潰亟南見玉慟曰事迫矣

昔宋高宗繇大浹口出海仍引而南展轉牡蠣灘金鼇聞請

存硯樓二集卷一傳

循剡山詣海門庶天獲悔禍復協金鼇吉識乃定趨台而是

時履祥亦以太僕寺少卿轉台餉同走海門宸荃與兵部尚

書張國維護王航定海中中左所而履祥執於李氏遂不屈

先是履祥銓知侯官縣復知甌寧胥有惠政福王時咨行取

吏部魯王署監察御史晉太僕銜比走海門或曰盍逃乎履

祥泣曰死吾分也且按冊索捕吾父若何乃賦六詩以訣而

揮女弟夫童其之蘄借死者曰亟去若奚庸爾遂就執帥議

還職往撫問謝曰文信國有言吾不能捍父母而反教人叛

父母乎然則且薙髮曰頭可斷髮不可薙也引頸就刃旁睨

者胥掩涕當是時福建繼潰道周殉故都宸荃設位翁山螺

峰間合履祥哭酌之而日偕國維暨邑壬午舉人張煌言練

舟山水師修募千戶成許指揮友所築城新譚尚書繪增築敵樓列巨舶東南水門外又聯絡玉環金塘沈家門以儲穀積蘄固犄角勢晉東閣大學士兼兵部尚書凡抗守六年而破國維赴水宸荃護王航閩之風櫃南日山學之屯虎頭峽厓寨五門間繇龍州泗城走黔時永明王衆已潰且竄哀牢朱波鬱咽復走海望浪白外洋歎曰此吾一片乾淨土也遂以舶殉嗚呼明之亡忠烈士衆矣即如崇禎丁丑庚辰榜浙東西進士凡九十人錢太倉肅樂陸行人培吳長安從義金臨清堡孫職方嘉績胥用節顯獨履祥偕庚辰特奏名應安定昌士奮髯殊脰死國尤烈且度越諸公而埒邑先正劉鄩陵振之宸荃班行後進士遂克撐關礪洲崖山於距威遠二

存碑樓集卷十一

三

百六十餘里之近洋以對峙張兵部此其胥繼少詹而死也兵部類陸丞相宸荃類張樞密雅偕信國號大忠而宸荃并合君社稷而胥重之嗚呼使天無違用殄絕颶不作舟不壞吾又未知陸真臘大古喇之洲巖門島其經畫且奚似也昔宋二王海外事以鄧光薦亡故元至正修史多漏略正統時張毅齋亦勾章人殉土木難後百餘年至晉江道思王氏始克表之今宸荃書明史草而蹟渺詳覈履祥并不書省志然則當世之爲晉江王氏者庸得不蘄有以光闡之乎當履祥殉台時兄穀祥往求齒不獲越二月間止逆旅市飲者遽詫涕曰督餉官真忠臣亟覈之具獲就刃狀暨尸面如生蓋猶賈啼麟哀鳳悲吟激嘯之志云爾宸荃工文疏議法宋葉文

定公家藏草十六篇蓋蹈海後八年而煌言亦引決於江皖之間訖以波臣殉

存碑樓集卷十一

四

宣鞠毛公傳

武進宣鞠毛公名協恭字端甫高祖憲仕至刑科給事中以理學顯父應曾公少而卓犖七歲喪母吳哀毀羸瘠年十八始受書半載而日成制藝三塾師駭曰吾不足為爾師乃師張清惠公數年清惠公從容語曰子不當在吾弟子列盡從吾師遊乃復師孫文介公公以崇禎庚午舉於鄉庚辰成進士授寧德知縣改侯官福玉立授陝西道監察御史晉一階唐王立提督福建學政順治丙戌八月大軍入閩丁亥七月十一日公死之先是癸未春京師戒嚴巡撫張公肯堂舉兵勤王眾不盈萬公募二千人隸以往師還得溫綸張公進貳樞部公行取未代而張獻忠別將陷袁吉且攻贛以窺閩

存碑樓二集卷二傳

五

張公憂甚公議曰江閩喉要在杉關關若破則全閩震動今宜厚集兵勢以守關固賊必不能越郤武而南也會城內地兵民可互用守禦之事職請任之於是區畫軍興比隊伍夜宿筓輿中凡兩閱月獻忠趨蜀兵少解而李自成陷畿右詔勤王公以邵武兵難遽撤復與張公建彙召義勇甫及境變聞公既悼國難繼聞陪京政亂居常鬱鬱念天下事必不可為且畏鄭氏逼與張公相對泣下戒守關勿出而召命亦不及以此淹久於南不復歸及閩嶠之降附也公適試士訖繇興化至洪塘聞之痛哭躍入水救而止乃轉側泉州建寧間亡何土寇破建公力疾適崇安舟至萬石灘女夫劉元趙縛斯前行會大軍南下不屈死公神色怡然顧夫人周曰

而曹宜死夫人遽抱幼子躍水死二女亦死公行躍而兩卒突入舟持之併二子置沙上公數大呼曰速殺我時土寇勢張甚帥誘公却之公厲聲曰若亦知毛提學乎尚奚道帥遣兩卒持刀下欲犯而止者三公麾二子問道走而手招兩卒曰速殺我速殺我乃被殺投湍水中時年四十有七翼日二子上下難求之不獲建人士聞者皆雪涕焉公學主敬靜著擇言藁澹齋藁今藏於家其知寧德縣也除庫役里長之害高貴尸以安禁令畫一盜萌芽不得發上官以為能攝侯官兼攝羅源事胥辦其改侯官也治如寧德其提督學政也南北諸貴人駢集札亡慮日數十公率不啟至解印綬上之乃止鄭氏嘗薦童子十公對使裂書芝龍大怒公繇洪塘趨海

存碑樓二集卷二傳

六

將赴永明王於廣凡八晝夜不克達復之泉亦坐鄭氏云公死時僕鄒良王大郎皆死僕王秀妻亦抱幼子躍水偕夫人死王秀者公嘗命轄二千人以衛京師者也讚曰明亡諸臣軼事如史參贊王協理輩傳記多舛異公實死於節而明季遺聞書憂憤卒此吳越人傳聞之詞非其實也予考諸建士大夫又得公子滋錫行略爰著於篇公雅善黃少詹馬洗馬吳儀部洗馬死於燕少詹死於金陵儀部後死於廣而公不克達天也然流躓嶠南卒以家殉嗚呼烈哉

戶部右侍郎李公家傳

李公名仙根字子靜潼川州人父如石公前癸未進士知長洲縣有惠政民德之蜀亂僑吳訖殯焉從吳人請也母呂氏公八歲善屬文工書補博士弟子號高才生從外祖督東川公嘗曰子靜氣甚別終成吾家宅相深器之國朝甲午中鄉試式復中辛丑禮部試殿試一甲第二授文院編修甲辰分考得士十有一丙午地震求言疏五事條畫蜀情形甚悉旋擢司業晉秘書院侍讀戊申安南黎維禧據莫氏高平地莫元清奔寓南寧詔擇部院官往飭諭廷臣交舉公命充正使而兵部郎武昌楊公貳之公疏維禧遵諭還土元清謹取其覆疏復命第恐蠻性貪黷離隙已深厚利難捨復

存碑樓文集卷一傳

七

具狡辯本意應否收接作何進止詔許便宜從事賜正一品麟蟒服以行冬十二月發鎮南關已酉正月抵安南至都統司門維禧不出遣諭十餘返乃出迎宣讀如禮既而交人議多梗公草書一通首言皇上如上天好生視交民猶內地不忍以元清故而輒加兵先遣使宣諭開兩國悔咎之路為黎氏非為莫氏也中復數其臣誤國十罪移諭輔國鄭穩且曰爾家系世勳慎無俾黎氏覆祀是時維禧幼政柄胥穩持之得書咋舌曰大使語是而龍編浪泊間雷震數擊舉國懼伏乃請畫結領元清擇便地處之公堅不許曰自明萬曆壬辰莫茂洽敗莫氏支屬屯諒山高平海東新安州乙未兩廣總督遣偵問莫敬恭報願居高平諒山海東地旋失乃

保高平一郡而黎氏後二年丁酉始進金人乞款今七十年餘矣高平固莫氏故地也又奚庸擇便地往返閱三月交人詞屈議始合卒令維禧盡還高平地暨戶口一如救書指又諭元清謹守疆無再啟費負國恩交南大定乃偕楊公度關歸途纂使事紀略會問祭酒命詣闕疏進

聖祖仁皇帝御弘德殿召問慰勞良久命內院繙譯留覽旋遷公侍讀學士充日講官公體癯而修幹吐音如鶯鶴善敷講嘗講畢傳翼日入禁庭公譏聖學頌并跋書綾以進跋尾言古有起居注記言記事而禮科因請設左右史官得俞旨此國朝起居注所繇助也公首充職庚戌總裁武會試癸丑充世祖實錄副總裁旋協理翰林院事京察詳允都御

存碑樓文集卷一傳

八

史缺內傳李仙根有骨氣可用以例不符止旋擢內閣學士善持議毗贊廟謨為多甲寅特差協理大兵糧餉兼驛傳撫民事務駐荊州昕夕擘畫經費用充以緣累鐫調倘祥吳中久之已未補鴻臚寺卿逾月特擢左副都御史言事率持大體朝審覆奏堂議參遺漏公曰譬之大朝糾失儀他官何與裁奪二人俸而止河督請別項銀左都御史疏非是公曰異日以糧艘為辭若之何且河工不覆地里疏駁亡益也奏上聖諭給銀如公言旋充明史纂修官庚申擢戶部右侍郎督理錢法仍充經筵講官部例權關位任日收銅限八月解庫公時寬逾限曰題參題覆無滋擾也且關有遠近奈何以例限之滇黔定案公力請分別族系省查解釋亡

率它如四川增茶鹽引解銅經錄地秤驗具結潼關稅務增
部員肯力言不可。至改折河南漕米。減臨清關銅價萬兩。給
靈寶控壘糧。公力主畫題胥獲允。壬戌以議錢法投劾去。戊
辰補光祿寺少卿。庚午春正月九日。祈穀。例代卿捧胙。公時
業病。胃腕弱。捧槃少。卑以失儀。鐫級。晏如也。日書徑二尺字。
觀者驚為神。三月二日卒。年七十。有游野浮生集奏議碑雜
文胥藏於家。公通曉世務。慮沉畫密。在翰林曰。蜀招民羸三
百例。卽陞。公禮省藩。曰。目前虛名。轉瞬實課。恐病民。并病官
矣。齊豫耿賈。二撫復車鑿也。部議又准關東例。招百家以知
縣用。公曰。關東招圈田失業民。充應募數。旋以多捏報而止。
今陝楚州縣胥用丁口考最。此斬招民。彼甘棄民乎。惟勤撫

存覽樓三集卷十

九

子遺。則民且不埃。招而集。後竟無應例者。在內閣時。議興化
公曰。崇實為要。不然是適滋擾也。德音免蘇松明歲半稅。或
疏并免佃租半。公議曰。隸農雖貧。亡科索之擾。業田者輸正
供。辦雜徭。累負滋甚。至佃租率。緣旱。免。奚事。脇之。且政宜
杜漸。半租令下。恐不至全通。不止。訴訟自此滋繁矣。高陽李
文勤公得公議入告。乃寢。及庚辰之。翦滅滇孽也。安南奏貢
期例三年。自三叛連衡。思明欽州蒙自貢道胥阻。綿歷六年。
今天威遐播。逆豎削平。請遵貢期如夔典。內索使事紀略覽
之曰。畢竟是向來措置得宜。令彼一心嚮服。欽惟
聖祖天縱神睿。識洞埏垓。而倦倦交南事若此。然則公雖旋
起旋挫。不究厥用。而才諳焯著。所以券主知而膺天眷者。業

以深矣。故迄今追數。景陵初內外大臣偉略雄辯絕出者。
輒曰李侍郎。公四子。奕振。奕據。奕登。奕撰。奕據。通判武昌府。
論曰。予與李公同州藉。公雖留殞吳。而嘗從公於朝。獲聞行
事。今敘其略。彌企典型。豈東山涪江秀傑蟠積之氣。雅有獨
鍾者邪。昔明平交趾。設府十五。直隸州五。黎利判盡割界之。
後都力士莫登庸篡其國。而黎氏裁保清華。竄居漆馬江側。
至維潭再振。鄭檢子松輔之。而莫氏走高平。崎嶇龍州羅佐。
南裁克存立。蓋莫氏之高平。猶黎氏之清華。漆馬江也。雖敬
寬間敗走入山。而旋牢據一片土。終明世不復失。國朝統
寓。二姓胥班外藩。及元清失土奔慙。仁皇帝憫弱扶危。馳
使鑄諭。而公宣威振辦。卒俾殊類懾志。累氓載遷。迄今上下

存覽樓三集卷十

十

凍七源感化。間復為莫氏世上。且五十餘年。嗚呼孔子所謂
專對而不辱君命者。其李公之謂與。

晉陶吳君傳

吳君名榮字玉濤景柴桑栗里之風一字晉陶嗜茗別號唐
貢山樵讀書堂東載月軒前列丹石一號載月翁祖諭德公
國華前甲戌殿試第二父茂才公母楊孺人修撰靜山公按
察九博論德芝田公其外氏也君少警慧年十有三司理淄
川舉公試列第三深器之年十有七籍於校工經義暨詩古
文辭暇輒畫蘭竹偕弟上舍玉溪君聯吟不少較年二十有
八有精姑布子卿術者相君曰無鬱鬱久居此行獲奇遇矣
君重感其言而茂才公復敦趣北遊廼擔囊入都舅諭德公
留邸舍細論詩律時鑣晉陶時文諭德公手點定之辛未游
秦裴裏太乙龍首之勝時謝司馬子占宰長安延誨詰嗣少

字佩樓三集卷十

十一

司空侶桐偕君投契甚頃之辭歸司馬敦勸曰先生瑤樹盈
階祀武諭德公緒何患無才先生縱不理三徑資盍試絃歌
化乎迺受職秩兩子銓注丞東粵之三水日下知舊如南蘭
陵錢侍講綱菴唐大司寇益功莊編修敦復中表揚講學農
先編修鹿田龍眠姚諭德綏仲海昌陳石阡祇文邑陳司訓
求夏徐明經天璧周上舍文在胥出祖道賤素駢疊書畫積
麗而予從祖在陸先生舍弟沅雲暨江左諸者彥又胥以序
說五七律古長短句遙餞之君迺策鏡一集焉洎泚三水尋
署冢邑務香株然就理尤慎於刑目不忍見箠楚耳不忍聞
號槍其載於東莞文邑侯序言者尤慙而有微嘗偕南海梁
檢討蕪亭陳徵君元孝作東西樵英石端溪遊爰鏡百花詩

話燕友樓集而東粵多詞人亦胥歎君不啻藍田松克徧栽

河陽之花也比聞茂才公計亟歸哀毀甚盡推析產不受肅
誨子孫曰孝友萬禳格言族黨雲圍尤宜拯卹閨闈宜相莊
如賓臧獲亦人子也不可鞭朴而予少誦四子書尤覺見得
思義不報無道兩言受用不盡若曹識之月糾族系才曠課
延陵社義蓋北魏涿道盧氏宋壽州呂氏之宗範也君晚尤
嗜吟年七十鑣龍池紀遊詩年八十又鑣四時禱咏它吟藁
盈篋衍埃鏡日坐載月軒撒紙磔絹尤殫極蘭竹變態昔宋
蘇端明嘗畫竹石以供賈耘老酒林明王舍人孟端偕張學
士益胥工詩暨畫竹後遇於秦淮舍人知詩訖不能勝學士
學士亦知畫竹訖不能勝舍人廼胥輟筆不為今君既工詩

存祝樓集卷十

十二

又工肖蘭竹業亡輟筆思又不以書一文二詩三畫四作英
雄欺人語而請丐屬至亦不止遺一賈耘老其風韻蕭遠殆
有軼於蕪沉水香鬻顧渚山茗之外者也君足不履兩邑署
宰趙公簡鄉飲大賓訖不往獨訂求夏陳君董州倅蓉僊路
茂才水星暨玉溪君為五老會昔宋西洛續唐會者英詩曰
制舉省元推二相龍頭昔日屬宣猷人間盛事真堪紀一席
幾盈九百壽以司馬文正公之碩德而猶和詩曰此遇吾當
續清秋宴席陳今龍頭省元君家自有昆季胥工詩尤宜號
花萼集董君以儒飾吏事路君世望銓漕求夏君武檢討迦
陵先生緒筆札尤傳藝苑而月一雅集且不止清秋宴席其
風儀諧澹實為予邑明憲孝時東城社後所屢見此宜列衣

冠盛事以附宋西洛明留都之志紀者也君體素彊無疾年八十有七戊午冬十二月十有一日飯訖啜茗一甌偷然坐逝此又類雲間陸文定董文敏之遺事而幾於逍遙齋物者與子三士傑埃銓知縣事士家士果胥籍六館孫六曾孫七胥克世其家

贊曰吳君娶於湯謝少司空營書八十齊眉區儻所謂仙侶者邪嘉魚宰補菴君湯孺人弟也時時召予兄弟芥亭吳君暨君飲君雅多肝膈要言蓋其克請於姑布之學者精矣昔董文敏之秩宮保二載也坐書仙字浸半而逝君墨灑蘭竹不廢釐務而絳宮彌鞏殆尤得羅浮逸韻云

存碑樓集卷一傳

七

歙篤行子聞胡先生傳

歙胡氏始祖明經公昌翼系出唐昭宗精易學舉後唐同光乙酉明經科隱婺源之考水子孫烏奕號明經胡氏今猶存朱源橋遺蹟又明洪武時中都李韓公善長軼事其源流蓋符婺流寓志云明經公房以十千序凡職秩華顯者不具論八世孫宋紹聖四年進士辟雍司業伸名埒浮溪汪學士時人語曰胡伸汪藻江南二寶今存彙二十萬言明永樂時纂五經大全所頒新安胡氏者也十二世玉齋先生方平承紫陽門人饒盤澗董氏之傳著易本義啓蒙通釋又著外易易餘間記諸書十三世孝善先生斗元門人俞洪等百十五人用文中貞曜例肅加褒謚咸淳戊辰進士迪功郎梅巖先生次焱從學數百人集十卷景定甲子鄉解雙湖先生一桂玉齋祠也著易本義附錄纂疏本義啓蒙翼傳又著詩傳附錄纂疏史纂事鑿編年諸書明纂四書大全所謂雙湖胡氏也十四世蘭溪州學正雪峰先生炳文孝善祠也著易本義啓蒙五贊暨性理三書通釋四書通暨辨疑大學指掌圖詩書集解五經會意純正蒙求又著韻語筆記講義暨集二十卷大全所謂雲峰胡氏也十五世石邱先生默承雲峰之傳以節顯錄司業至石邱學者胥高之號曰胡氏七賢而明經公丙派宋知歙州文明錄婺源遷歙紫陽為歙始遷祖十六世庭芳元江陵路總管十八世昌齡明洪武乙丑進士監察御史有直聲二十一世觀文學焯著序貢成均廼子聞先生五

存碑樓集卷十一傳

七

世祖也。觀生繼壽高才生。繼壽生一相。字韓圃。性篤孝。髫亂母病。侍湯藥。惟謹。肅禱於神。斬滅年以益。母算。母獲瘳。後母病復劇。亟剖股和羹以進。母復瘳。巡撫巡按胥匾旌。事書歛縣志。後崇祀孝子祠。一相生文海。識鑒精諳。里黨胥欽之。國朝銓授迪功郎。文海生應焯。才而早卒。應焯生子聞。先生名士偉。子聞其字。既早孤。事世父應輝如父。潔饌馨醴。雖艱。妻無俾。世父知。應輝獲善。養三十餘年。里人胥曰。此翁無子。而有子。又亟稱先生曰。可謂無愧乃祖韓圃公矣。比應輝卒。命弟士傑後之。先生肅時祭。痛父不克逮。養。輒哭失聲。人胥謂克孝。嘗書文公家禮以示子孫。著家訓。藏於家。子正鼎。正蒙胥以才著。正履。惇行。緯文。善治易。試輒前其曹。獲餼以養。

存視樓叢卷十一 傳

十五

康熙庚子中承宣司式。知徽州府沈公一葵。舉賢良。簡知山西高平縣。著廉能聲。孫對揚。工文詞。人又胥謂先生善庭誨。俾後克有立。是雅得司業玉齋梅巖雙湖雲峰著述之精旨。慈義而行。埒孝善石邱也。語曰。經明行修。必行修而後經明。今歛胡氏望號明經。而先生以篤行踐其名。大雅曰。無念爾祖。聿修厥德。此之謂也。子爰撰傳。而特書其首曰。歛篤行子聞胡先生。抑考氏族志。姓苑。胡氏系出舜後。陳胡公。其一。出春秋胡國。漢晉迄唐。杜陵華容。江陵朔方。河中胥有聞人。而後魏暨北齊。安定。望最華顯。至宋而才詰尤盛。知制誥學士籍潁川。樞密武平公。父子籍毘陵。天章閣待制直講籍如皋。且推本世系於秦。故號安定先生。康侯致堂五峰籍溪諸名。

賢籍閩崇安。今五夫里梨洲諸山麓。其故居也。故號武夷胡氏。而澹菴先生亦籍廬陵。故稱廬陵三忠。子胥不敢附錄。獨載明經公顛末於前。蓋以尊其祖之所自出也。且附唐書宗室世系表暨陸氏馬氏南唐書後辨宗之義也。詳載七賢元史暨先儒姓氏胥書曰。新安曰。葵源曰。歛從實錄也。爰俾後之君子。漸徵歛郡文獻者。庸有考焉。

存視樓二集卷十一 傳

十六

汪龍家傳

汪龍字時六歙嚴鎮里人曾祖應元暨祖父胥娶於程曾祖
母年二十六而薨止小樓餘二十年祖客死蘇樞頓就舍父
之鳳漸往逝獨采石時龍母年二十七龍六歲哀慟如成人
宗黨奇之母借祖母止一室龍日夕侍無違禮比少長詳祖
樞頓奇狀慟絕起拜祖母母階下徧訣家人奮曰龍不奉祖
樞誓決不還徑裝之蘇會巡撫禁淹柩令無主者趣焚之龍
索柩不獲訪就舍鄰右叵知者泣歸邸面鐙坐忽忽繙卷帙
遽見徑寸字二曰以京以京者龍祖名也龍驚起諦視輒隱
既而復見者再悟曰神其以銘旌兆乎復往推訪倏一灌園
叟前告曰吾隸是役也吾知之為言徙柩顛末差悉龍遽往

存視樓集卷十一傳

七

見柩山積縱橫錯置陰風激毛髮入索祖柩不獲燭之又
獲泣語曰叟欺我神詎欺我乎乃匝諸室柩左右前後視又
側臥地仰視最後室倚牆叢柩中斜隱陷漆字七龍諦審祖
名良是摩娑慟絕出拜叟奉柩以還并葬父暨先世未歸葬
者一邑里胥呼汪孝子龍祖母發居餘四十年母五十九年
年八十五卒龍葬祭背以禮奉母柩耐父墓龍老矣鬚髮盡
白號慟步從數十里見者哀之龍徙家江都善審事成敗為
人謀尤愨直年六十八卒子士知籍國子監士珩士璜胥籍
於學

儲子曰宋周益公曰銘墓三代已有之古者範銅精巧鏤以
為器生死皆用白漢銅禁嚴於是陶土堅緻與鐵石等東漢

銘墓初猶用甄久始刻石又曰自銅易甄自甄斷石愈久愈
簡便矣然則推為人子者之心雖斷石以鐫誌銘猶為儉其
親也近世以來自士大夫家葬其祖父間用夸侈為名高不
聞鐫石納壙以虞千百年後川谷之毀泐雖乞諛誌銘亦寥
濶類晨星蓋大率多漫滅矣又况羈頓暴露轉徙失次之餘
使非槩如龍之遇灌園叟其化為虛燹殘燐者可勝道哉嗚
呼龍可謂孝感矣當龍之獲祖柩也限叢柩不可出議毀牆
是夕雷雨大作牆外崩柩出蘇人胥驚異之龍女二歸閱本
憲吳兆熊胥以節著宜附書

存視樓集卷十一傳

六

冲扶吳子傳

冲扶吳子名崇雅有超識。予年十八九時。晡輒偕陟西城。俯溪指畫。洲渚颯楫。後迺坐西溪。率至日。隱山而不斬。歸也。文非檀莊。列屈司馬不談。制義非鄭艾陳三氏。銓次者不寓目。而冲扶尤嗜王濟之顧升伯金子駿三家文。旨殊別。能以妙悟調燮。而鉤闡之。經歲不作制義。間艸一義。次寥負。曹輩多指笑。而冲扶尋補博士弟子。宛平高公雅激賞其文。雋丙子承宣試第四。在陸先生嘗擢次是科。文曰。四甥筆性。故自不猶人。蓋世之談歲科試卷墨裁者。曾不能少難也。冲扶嗜繙虞初書。樂府率窮日夕。至其銓綜金元雜劇而下。搯脉擢髓。時吐妙義。雖宋南渡後。杭鄞士叢談。明藩府工詩文。

存視樓三集卷十一傳

九

士暨二百年來之揚。推元大都實甫漢卿。明武功山陰玉茗堂。粲花樓諸編者。雅不能少度越也。冲扶嘗館燕邸。遽以疾卒。時康熙辛巳之夏也。年才四十。子雅奇其識。而惜其業之不逮大成。時欲讓傳而不果。今予年七十有一矣。迴憶曩遊。忽忽如前日事。爰草此以授其弟之子。懷清俾謹識之。系嗣詳譜不具書。

茂才昇初許君傳

周禮大司徒職鄉三物。二曰六行。孝友睦婣任恤。白茫潭少來許君。狀其宗叔昇初君行以眠子。且曰不敢妄瀝一字。蓋重有符於大司徒所索者。子爰讓傳曰。許君名延煊。字賓日。昇初其號。後漢二孝廉公系。其家居白茫潭之涯也。蓋十有三世矣。父弱濤公。母蔣孺人。君雅克先意。後志洎弱濤公卒。毀甚。事蔣孺人復二十年。有奇。餐膳必祝。湯藥必嘗。抱持卧起。無間斯夕。沍蒸創營祠。祖禰釐宗祠。雅克武厥世緒。而彌閱衍之。鄭氏注周禮曰。善於父母曰孝。善於兄弟曰友。賈氏疏釋曰。凡孝友非直甘殺先奉。昏定晨省而已。謂若祭義先意。承志。諭父母於道。國人稱之曰孝哉。有子若是。乃為父母

存視樓三集卷十一傳

十

兄弟所善。今覈狀。此之謂善於父母也。君寡兄弟。推其孝。以友羣從。此之謂善於兄弟也。君遇羣從。暨闔宗。弱者植之。忝者嗣之。間有犯者。卒迫爾而受之。族且萬指。胥斬其成立。而寔於貲者。有假必畀。不克償。輒請復。再至三四。至不少倦。或訖不償者。不問也。鄭氏注曰。睦。親於九族。釋曰。九族者。上至高祖。下至元孫。傍及總麻之內親也。今君且遠逮十有三世矣。此之謂親於九族也。君祖母黨。寔而得末疾。輒畱養。浹數旬。臧獲胥不克嚮。君保持無難色。鄭氏注曰。姻。親於外親也。釋曰。外親者。則妻族母族是也。今覈狀。此之謂親於外親也。抑疏又曰。此姻對睦。施於外親。若不對睦。亦施於內親。今觀君厚祖母黨。而其克友睦羣。從暨闔宗者。滋覈也。君族兄虞

庠一清君邑里雅推耆望。肅誨子暨孫。且不翅避舍避席。洎武一清君主宗祠。帥初不少變。而今白茫潭之文藝視邑諸邨聚為盛。鄭氏注曰。任信於友道。釋曰。謂朋友有道德。則任信之。此又君之信於友道而睦。暨任胥符也。君嗜賑農。先期告之。傾困倒廩。繇六斗至二斗有差。雖蒸暑汗浹背不少淹。嘗輸漕數十斛。越倉橋而覆於鄰舟。刺舟者。宰怒拘諸廨。會君飲中表家。割鮮浮白。輒出力請釋之。鄭氏注曰。恤振憂貧者。釋曰。恤刻憂振刻救也。此又賈氏之所謂振憂貧也。君補博士弟子。以文名膠核。卒於雍正之乙卯年。七十有五。配駱孺人有婦德。子七。啓封六。館生光陞。調陞借啓封胥。先卒心陞。正陞。颺陞。承陞。孫十有一。錫仁。錫智。錫三。錫印。鳴鑾。錫祚。來復。增福。天全。天福。借僧六。館生任佑。基。茂。才。李。朝。柱。胥以行業聞。子按許氏於前漢。王柱陵。後漢望穎川。然論者或謂穎川之三相。不逮平與之三龍。洎魏晉而高陽後將軍。系特盛。其徙抗新城者。高陽系也。宋閩縣襄陵平陽。明寧陽靈寶。欵同安。胥號望族。而覈其實。則金侍御元左丞暨白雲處士。明吏曹為滋盛。然繇杜陵後。惟子邑陽羨。許氏實載於後漢書列傳。而白茫潭系孝廉二公。得姓最古。洎君暨一清君。迺彌彬彬多文學選矣。

贊曰。子數少來君狀。爰次周禮。注釋而誤傳。若漢太尉劉夫。人墓磚辭。容宜附書也。抑狀又曰。君購甲乙丙丁部書數百種。夕輒蒸燭。緝閱。恪齋吳君壽言曰。盤餐樽酒。咄嗟立辨。而

存硯樓集卷十一傳

三

平川蔣君曰。此容可參諸郡邑志暨沈氏荆溪外紀也。爰并書焉。

存硯樓集卷十一傳

三

節婦王孺人家傳代

孺人濱州王子翰女。少有禮法。族姻見者胥重之。年十四適張箴。箴補郡弟子員。以文名。年二十一卒。是時孺人年十九。子永祚年四歲。而舅以哭子尋卒。姑之姑曹老且病。姑胡性嚴切。張氏族豪者復環起魚肉之。孺人佐姑營葬畢。盡屏棄諸洗粧具不復御。日長齋禮佛前。而保攜永祚泣語曰。張氏三世不絕如綫。幸兒在耳。兒異日能自立。未亾人猶有望也。孺人性至孝。箴亾後。事兩世姑尤謹。曹病且卒。泣告孺人曰。新婦孝極矣。我無以報。願若後日得賢婦如若事我也。侍胡久而不懈。以虔。胡嘗病瘍。蓋衣不解帶者兩越月。胡甚宜之。卒無間言也。孺人治家勤而寬。不喜作女子夸侈若私貯橐

存碑樓集卷十一傳

五

事性尤質直。族姻女有辭不以情者。輒面訶之。無少假。以故女黨尤嚴。憚之。孺人蓋老張氏者五十餘年。年七十八卒。前卒十餘歲。學使者書節勝松筠扁旌焉。居無何。詔表節孝里中士大夫復舉之。州上於郡。郡上於藩臬。學使者潘臬學使者上於臺。於是撫山東都御史徐旭齡以聞。禮部核議王氏貞節可嘉。合予旌表。賜銀三十兩。准其自行建坊。制曰。可。於是輦石立貞節坊。工畢。州人士聚觀太息。至有泣下者焉。永祚高才生。孫寅康熙己未進士。知鳳陽縣。有政聲。孺人之卒也。蓋於鳳陽官舍。

論曰。予猶子若愚。鳳陽君癸酉分校所得士也。今年秋自鳳陽歸。持君述孺人行卷一冊。授予請立傳。予為掇其大節及

事尤炳耀者著於篇。孺人嘗泣語君曰。吾十四歲歸汝家。十九歲哭汝大父。二十歲哭汝曾大父。二十三歲哭汝高大母。四十二歲哭汝曾大母。今六十四歲矣。又哭汝父。嗚呼。可悲也。然濱故齊魯文學之鄉。如孺人所立者。殊當不乏。孺人獨幸得賢子孫。以聞於當事。至上邀國家烏頭棹楔之典。而於以俾人震動。俊革尤易也哉。

存碑樓集卷十一傳

五

節婦趙母李夫人傳

翳維古列女劉向皇甫謐蔡母遂劉熙項宗魏徵之傳暨趙母之傳七卷也。劉歆曹植之傳頌暨孫夫人之傳序讚也。杜預之列女記諸葛亮之貞潔記也。曹大家之劉向傳注暨女誠并薛蒙妻韋夫人續大家女訓王搏妻楊夫人女誠也。辛德源王劭之內訓徐湛之之婦人訓解集暨女訓也。唐長孫后之女則要錄暨宋尚宮之女論語也。凡編四庫書日以暨崇文總目尤氏西齋書目後諸編并近世大一統志行中書省志承宣司志府州軍監縣衛營志其克垂諸圖史勒諸金石者滋眾矣。而今易川節婦趙母李夫人實克皆書焉。夫人生保定府深澤縣亦世名閥。祖光宸吏科給事中。父介石雋

存觀樓二集卷一傳

三五

府丞試式。夫人年十有四歸易州趙氏是為州茂才。公之室。已酉雋府丞試允涵甲午雋府丞試允澍州博士弟子允濟允溶之母。壬子雋府丞試士果州虞庠士正士機之祖母。而夫人歸趙氏十有五年而茂才。時夫人年二十有八。泊夫人卒時年八十有奇。蓋稱趙氏未亾人者凡五十年。實克秉節立四子十孫暨曾孫而俾閭里訖獲環觀烏頭克楔之褒旌以胥泣下也。爰是比事起義謹書曰節婦趙母李夫人。抑按允澍狀夫人行為女則孝于父母以上逮祖母也。為婦則孝于舅姑以上逮姑之舅也。而且推孝舅姑之義以孝父母。推父母之義以孝繼母也。推夫兄弟之義以友夫之兄弟姊妹暨奴婢也。慈子而肅誨之而又推慈子

之義以暨夫兄弟姊妹之子暨女并夫兄之女之倩也。而且推孝姑之義以慈姑兄弟之孫暨曾孫。推孝夫之祖母之義以暨夫之祖母之兄弟裔孫也。而夫人事茂才。公克相夫子為淑配。克奉所天為節婦。而又克推其節以暨它懿行。至于縷分件繫而不勝紀者。胥准此。抑狀又曰。夫人自廟見後五十年有奇。凡經畫舅喪夫之祖喪夫喪姑喪夫之庶母喪。而且下而經畫家婦喪者三介婦喪者再。以暨夫兄弟之子喪孫喪孫之婦喪者亦胥再。泊其耄也。又經畫嫂喪焉。夫實戚借禮胥盡而泣盡而胥繼之以泣血也。若此者雅宜書古列女傳。惜趙母書宋後寢散佚。若以古天水趙母之七卷而書今易州趙母之行。雖該載七卷焉可也。

存觀樓二集卷一傳

三五

贊曰。允澍狀。又稱夫人。生教齡祖父母口授女訓。唐詩暨大學中庸諸書。後誨子暨孫。猶成誦。且克通其大義而不作字。子考古女子通經者。濟南伏生女口授掌故。晁錯尚書。齊魯間音與潁川異。故今文尚書多難曉。後世女子著書。惟四庫書目女訓類如子前指列者。宜編冊府。而鳳樓新誠諸編不與也。子諤夫人傳獲二義焉。一曰不學無術。女子尤甚。尚釋之一曰不言躬行。女子尤貴。尚勗之。予借允澍雋府丞試肄業。王子貽荅。又授夫人孫經。允澍不遠數千里。介以謁文。爰覈實而書厥行。至允澍狀尤詳且愴咽。宜并覈。

存觀樓二集卷之十一

潘二存先生敘傳論

潘氏嘗顯於春秋。漢魏後榮陽尤系望。而左丞騎省太常胥以文著。嗣是聞人代不絕。宋初勳閥尤顯。而齊安金華以學著於淮。明司憲司徒司馬宗伯諸公多載志錄。而予邑後齋先生位裁終令長。學行實著毅肅朝。國家文教單敷。當景陵初。邑吳墟二存先生日課一義。最有聲。邑學試輒前其曹。前後提舉雅為獎挹。潘氏宗從。繇是籍庠校者日盛。隸銓儀籍亦復益。道中丞先生解南省。入史館。提舉楚學。後以閣學士出撫偏沅。其文辭清肅華貴。雅號名家。而非先生啓之。宗從且無繇響附。譬諸元學士昂霄之述黃河。先生其界九渡。赤貧間。而繇貴德積石以下之。噲吟而灑滌者。且未有極也。

存硯樓集卷十一 傳


壬

先生嘗贊修學宮。浹再葺而殿廡胥成。歲饑賑米。張王廟傲富鄭公。知青州賑河北流民法。區畫不少舛。又借教論賑湖汶鎮。會石灰山氓趨劫。罔尸米。如濤如蟻。肅袂往慰讓。數語立定。衆旋解。此其事胥可書。而以弼中彪外之指推之。苟非學雅有得。決不克辦。務赴機敏。暇若此。夫水惟善下。而始有九里之潤。世多警儒士為勘裨政樞者。謬也。先生名起字斐英。明己丑進士。戶部郎直軒公會孫。銓注台州通府景純公孫。以存公伯子。署號二存。志感也。後序貢于廷。埃銓司。訃子五多。籍吏禮曹。先生晏攝二十年。年八十卒。明經聖遊徐君先生宗從。孝廉魯觀君誤傳。辭胥工。予復冊敘厥畧。并推論其指。以見予邑潘氏武後齋先生而稱學者當首先先生。實克

系榮陽望。俾邑吳墟彌衍齊安金華之藝業。而附元學士文章體例。後且以見其學之雅。克措諸用。而惜不克用以卒。尚俾後之纂志乘者行有考焉。

存硯樓集卷十一 傳

壬




存硯樓二集卷之十二

宜興儲大文六雅著

門人

書

復沈子大



曩者鳳簪高楫雁渚聯書抽思則瀛海三山推藝則韓陵片石遂減景陽之價祇遲叔寶之談歲月云徂物候遞變顧譚蹤杳計劭音遙過碧蓬之池館跌宕吟詩繞白菊之塔墀淒涼把酒而年老先生初膺始安之秩旋為稷下之遊一區緣鍾阜范僕射寧悵望于東臯數畝帶秦淮蕭司徒自招延於西邸既編蒲而緝柳亦樹蕙而滋蘭正恐華頂霞蒸祖洲風度殊非四學精舍之所得而繼并非八詠飛樓之所得而淹也弟才闕三長扶甘五短矧在同譜詎假異辭雖青衫射策雅疎董氏之閒園白首傳經兼做汲家之卧閣笑而自默樂此忘疲書匪盡辭言豈足志不宣

存硯樓二集卷之十二

與陳季方

序絕工宋賢纂本尤雅肅歎企無已若夫體警警者友朋相愛之情也僕欲使千百世之君子以樂育人才為任者胥無失其是非羞惡之心而豈嘗警是懼哉宋司馬文正公變新法人勸為後日計文正公舉手曰天若祚宋必無此事僕亦曰天適昌斯文萬萬無此事也暑甚惟為道自愛

存硯樓二集卷之十二

復王中安年兄

亟承華翰蓬藿中奚以得此敬用拜緘承問弟荒言羸病之
餘舊藁多放失檢篋中先得二首謹上呈杜子美詩曰藥裏
關心詩總廢匪身歷之不知其辭之工也比且藁直四通遂
以闕食并輟之親串中有間惠斗米者問子曩奚不言飢弟
應之曰男子儲六雅不飢詎肯言飢苟匪其人抑詎肯以飢
乞哀也陶元亮詩飢來驅我去而今無可去抑或飢力驅之
而形格勢禁而訖不克去此其所以長飢也雖然海寓士胥
遙望就飢徑術却走惟恐不疾而弟獨甘蹈溝中瘠地至日
爲圍隸流丐訕笑而曾不少悔抑斬以少緩譽尤也惟高明
裁誨之若惠語交舊胥代計其可以緩溝壑者儻無俾訖爲
黔婁羊角之續不然峩眉天半雖鑠石流金曾不聞沍雪之
少釋巔巒也爰抒愚悃祇達崇轅不宜

存硯樓集卷二

三

與張良御

客秋尊騎出國門弟業已病今歲二月抵舍二十日而癩疝
大作浸尋五月無食無葠藥比幸差愈殆似餘生弟自壬辰
冬杪入都迄今十有二年不附麗一貴要門其取怨怒滋衆
客歲適予三字外緣飾機辭不知此適天之所以矜不能者
而重佚之也曩幸壬交刊臨塲四十藝竊謂科舉文雅不足
道然縫工梓人尚有法度其學斷無能易此茲緣貴州俞兄
歸棹附上一冊謹正於公郎世兄餘不盡

存硯樓集卷五

四

復郁峻升

弟於里中最名狂惑。兄顧辱賜書。盛加推引。此雖昌歎之嗜。抑非所以幸教弟也。然兄齒先於弟。又甚志古道而無憚。下問以斬講明唐宋諸君子所為文之尺度。弟何敢默爾而已。凡兄所勤勤尺度者。豈非尤急法哉。而古之人商榷文藝。未嘗不合道與法而一之。如第聲牙其詞。作不類世俗語之句。讀而無與於道。至畔棄規矩而不自知。蓋古之人所斥也。然就唐宋諸君子論之。文工而道不至者。豈少也哉。世輒用此為詆訾。至盡斥諸君子之言。與其所守尺度於道之外。而考其弊。故近懲嗜廢食。以甚便世之妄庸者也。弟嘗竊論云。柳州品最後。然言率依倚於道。不爾。請永州員外置司馬。後諸序

存碩樓集卷十一

五

記決無能靜而適。遣人神釋。然則世所用詆訾柳州弟執其官御史禮部時。少年喜事之習。輒謂言與道槩不符。而不知其始悍厲瑰瑋。以造於靜而適之尤深者。蓋思日以孤鬱發感咽而後幾此也。然則柳州且如此。而况韓歐陽諸公磊落天壤。本無所用詆訾。又况求諸公之言於其無抵悟道之尺度。而苟無能得思所措注者。以自離於法之宗。此其去畔棄規矩也。豈有間哉。弟習於兄久矣。兄性故沉甚。絕無少年喜事之習。度異日無易此。而又時有所感慨。能自別於世之俯仰者。此近唐宋諸君子之道也。若又得其思所措注。自成一本末。了然於心。以具風雨煙雲起變寂滅之勝。而又間規撫近世歸氏魏氏之法。逡巡唐宋諸君子堂奧。而一旦坐卧之。

然則其書之於冊。合於尺度。而為有道者之言。以傳世行後。無疑也。風雅道喪久矣。幸得其人。幾於古之道與法者。又無苦乏志。然且泪沒沉溺。度兄必無能忍此。此又弟之拳拳以告者也。弟不自審其狂惑。無以與知言之次。而敢勤懇言之。蓋以適於情。至而事不從之。非抑斬兄之明。幸卒教我。不盡

存碩樓集卷十一

六

與曹諤庭

去歲八月十有五日夕秦淮橋上談莫秋水遺事。豈遂成識邪。尊札至。偶及之。然首春札尚屬浮湛也。存真集中誤登二。藝所謂學考卷而未成者。詎足入議邪。王漢兄歲試第一。文差貶。當事亦不必盡知之。然下視茫茫。尚尠其儔。如弟本荒落。勉強捉筆。雅不為主文所喜。發遣之日。司衡署以孤高。曉以有司尺度之。不工。且曰多買胭脂。此言良是。夫世有學畫者。技不能貌人物。因輟不為。而見者輒曰。此清閨一病。得無類是邪。既以自笑。又嘆南轅北轍。信不在攝枋者。而在士之急。斲人知也。師洛兄頃成晤否。未審比日何如。純愚哀辭。以漢若曹子行急。不果寫。或寄聲王范兄也。魏季子文不具。

存硯樓集卷三

七

論。蓋先就崑繩輩商量。再及毗瞻。庶異同之論可盡也。然古今文字宜揚擢者不止此。長兄軼才迅發。又甚專而勤。人事凌雜。意當為弟輩箴邪。不然是置株積外也。誤述定益清深。乞示數首。陸錫兄暨諸同學。斲意欲談者無既。書不盡言。此亦節之欲其廉之義也。不識長兄之所聞於吳郡諸君子者。視此何如也。

與任緯仙

緯仙足下。秋初江上歸卒。未及而嗣聞足下得疴疾。足不履閭外。二三子間過從。竊疑左右懣甚也。會足下店愈。雅事靜攝。又胥為左右喜。而僕獨訝足下數月卒不出。以重疑。三子也。望後一日。魯觀峻升。輩皆集于九峯樓。時家叔在席。遽談足下以食乳故疾復發。色少成黧。僕聞之。惘然不意。足下聰明工文字。而一遇纖芥疾。振怖倉皇。汨沒洩。乃至此極也。魯觀曰。僕行函而令叔業相為言。子盍再作書以曉之。僕因索筆。續述二三子之意。以告足下。凡足下所為振怖倉皇。汨沒洩。豈有他哉。畏疾也。而僕竊獨知足下無疾。足下之疾。在振怖倉皇。汨沒洩。而已矣。僕習足下起居久。

存硯樓集卷三

八

請以近事質之。乙亥夏。嘗偕足下赴郡。應制院檄試。足下甫入。輒愁鬱。爪頰抑膚。謂風疾且作。曉夕喟噓。同行者皆來敦勸。始強步郡堂。而適當事有辱士之役。足下感憤躍出。數四。夙若頓失。是年冬。又嘗偕足下。上聽學使者激閱。曠日彌久。足下飲食不怡。謂疾且不日作。及牙脾甫示期。而飲饌兼人。欣躍數倍。若是者何哉。足下本無疾。其愁鬱不怡者。如也。疴於百疾。最名無害。愈又已數月。而足下不一見賓徒。朋舊乃至。偃仆食乳。作嬰兒狀。就令乳果能愈疾。愈果不復發。而用前二者例之。此直檄試之郡堂。激閱之牙脾也。夫足下盍思曰。吾所苦雅不始今日邪。足下聰明工文字。如前所陳。當不踈辨說。而卒無能去其悵怖。倉皇汨沒洩之態。

者僕度足下左右若阿保輩必曰怵足下曰是不可出又不
可無理疾以此足下戒于心重越閭一步也噫阿保者之効
也足下則信然矣而足下殊惑足下盍思吾黨中齒差長又
與足下姻無若魯觀少狎足下無若又蔡暨家叔他如峻升
聖基文煥及舍弟輩要為愛足下者每一過從而胥不謂足
下宜爾也夫魯觀諸子豈智不若阿保邪是嘗讀書識道理
不邪舍弟來肅前苦氣疾其振怖倉皇泪沒澳忍頗類足下
近乃少悟將假僧廬而放意焉夫來肅則病者也足下盍思
之其嘗諄以為惑焉不邪今乘遠賓徒朋舊日傳阿保手而
以此勸疾之無至疾至而愈愈而疾無復至是來肅前感而
足下今智也傳曰三大夫兆憂憂能無至乎今足下則既兆
疾矣甚損于疾之乳及藥裹中物度又雜試矣而未知所變
計且僕不識足下之為左右怵與左右之怵足下則何為者
也足下誠一日憬悟央知無疾盡去其振怖倉皇泪沒澳忍
之態命僮使治一室出召賓朋清談竟日暇則茗爐圍棋僕
知不待却掃之畢而足下今所大苦霍然盡釋雖俞跗診指
扁鵲操針良不是過不然迷錮嬰綿長此安極是來肅比者
少悟信為明識而二三子拳拳至意雖日間左右無益也夫
足下其果以制院檄誦學使激閱之故事為可嘗俾邪書不
盡言無能復益伏惟足下收家叔之深言棄舍弟之覆轍慎
關阿保口而俾九峯雅集無獨讓功俞扁焉

存硯樓集卷十一書

九

與方靈草

去歲在會城竟未成晤人事錯迕豈勝太息伏惟孝履醇確
歲月益深惟為道自重是禱金壇曹聲階兄近刊四書文弟
與若霖王子嘗為論次龍光雲衢及舍弟禮執皆引之以言
斷得大序一首以寵茲集士習曰下雖制藝且絕口不談况
其深於此者乎刻意繕性辭理合轍此有道而文者所宜奉
拳也楚中張豈石鄒端木殊卷各二冊煩轉致際飛諸公當
為存之春秋遂成書否胡襲兄比日何如靳伸意貴邑及會
城後來之秀能畱神斯道否人才實難前後輩如溢水遺山
師弟如道園廉夫已厭人意獨不喜挾持浮說處枋榆而議
天池目財見輿薪而輒眇離婁子之甚聞也欲談者無既恨
艱於會不盡

存硯樓集卷十二書

十

李華西年伯

去歲遊齊菴蒙老年伯照以春風飶之醇耐高情古道敦薄
矜囂彼子子為名者奚啻霄壤也距今浹期此懷耿耿惟慚
特膺峻擢令王元之韓稚圭之遺風餘韻復獲震耀區宇而
未榜雖落落如晨星且將令海內士指數達官貴士繼桐城
平原而三之此則祇承譜誼者之私願也家兄右文謁選吏
部得安陸之京山敢緣徑道進謁階前度楚之土風吏治暨
循良之績效可以模楷諸郡縣者懇懇告之無復晉秘也吳
楚間濶肅侯未期展紙拜書邈企何已

復方文輈

前賜大藁佳絕復承華札未獲裁答悚仄悚仄令甥兩兄辱
顧伏審起居清勝為慰比來謾述當益富石峽書院唵誦當
益振矣弟以顛愚不能附門戶復苦氣疾已牒乞身明歲春
秋半當南遊杭曩嗜蘇端明山水絕處往往有坡題字語儻
天教看湖西山復獲祇承清誨邪令郎才雋當不翅皇甫松
并候餘不宣

與友人

此道路有所得雅無敢信而輒以陳於侍御者之前似聞某得過用直五十緡立遣之果爾竊爲惜此舉措也語云犬馬有勞於人猶加幃蓋之報而况僕使乎小不稱顏雖子弟不免而以概責之僕使此勢不行也且侍御者之明其以某儂便機巧能勝後進諸使邪意萬不敵邪此又不得以不稱顏罪也大文竊意某今日少有違忤當示優容就令別致疎虞亦合加誦護使無失所今約券既成償值追還庶符不遠之復而如以事無中變爲辭竊懼惟蓋雅意終不爲得也昔年辱館午食前恒苦飢每日轉采愚某輒手酒五合法製雞卵一器來倚壁泗垂頤埃食訖乃收器退間問家事輒噤甚不一

存碑樓集卷十一

三

與友人

大文之疎闊何敢以言聞於左右而無忘一言此知天下能言者之衆也若拒而不納則雖尤疎闊者且不知其可而况識慮明審善於効忠者乎竊獨懼左右無以來効忠之士也故敢獻其狂愚願少垂聽焉夫君子於世惟其強弱和介之所在不可以不擇而後天下之士乃得窺其間而入之強之不同於弱介之不同於和也此天下所知也而古之人有老氏者以其類委放廢之學泊然自得而天下之曉曉皦皦者皆敞罔遷徙而無敢出其上蓋西漢諸君子嘗善用之以爲自固之術而亦無能禁後世識微者不爲一旦破之則以弱者之失其弱而和者之失其和也乃若左右者異日可謂強矣介矣而不能由其道而致壹焉則何怪乎甫與計偕而邑里惑者之滋多也孟賁之勇也使天下復有孟賁焉則按劍而起矣若猶未免目攝之而屢號於人曰彼惡敢當我然則龍泉太阿必擬三尺童子而後止也夫浮屠圍人此與于三尺童子之尤者也今既少眩矣乃若左右者日從之遊而又不必在士大夫之列則豈非孟賁遇之而目攝者與然則左右之所以擇強弱和介者無乃舉未之審與近世侯氏嘗著策刺武陵相曰強者四而弱者一焉介者一而和者二焉所謂強者強於盜柄強於飾罪強於拒忠言強於護私局弱者則弱於守道格君而已所謂介者介於接天下之賢人君子而和者則和於羣小和於天子左右而已蓋事與今絕不類而

存碑樓集卷十一

四

獨武陵之有以杜天下之間也。左右今日其可無熟慮而深戒之與。率爾而談。誠足收采。幸畢覽之以解邑里之惑。而來天下之言。此亦左右之所宜無能自止者也。漸熟望爲道自愛。

存碑樓集卷十一

五

與友人

大文驚廢無所用於世。然辱交遊之末。不可謂不久。而自比歲以來。未嘗敢操疎外之言。自通左右者。蓋以丙秋至今積月淹時。足下於天下之勢。出處進退之義。習之當益熟。慮之當益精。其獲侍者。又必能日夕言之。以俾邑里人士。復見前世賢士大夫之遺風傑韻。而卒未有聞也。何哉。意左右者。莫之言與。無乃實言之而折之。以盛氣亂之。以繆悠之。談使不得卒其詞而去也。然則疎外之言。又何望焉。而不然者。請畧陳固陋。願少垂聽之。夫今之士。自侍從臺掖監司守貳而上。此出而日以進者也。自博士弟子而下。此處而日以退者也。獨嘗與計偕者。出而未離乎處。進而未離乎退。然異日之

存碑樓集卷十二

六

侍從臺掖監司守貳。故不必不收錄。此就令無收錄。而大官宴矣。棹模樹矣。艸廬故事。豈足爲法。此之不可不審也。蘇文忠曰。先定其規模。而後從事。夫侍從臺掖監司守貳之規模。自與計偕始也。又曰。始進以正。尚以不正繼之。况以不正進者乎。大文竊參之。勢度之義。願爲左右先正其規模。抑無敢作漫不省事之言。以取辨頰舌。而獨願左右者之無忘於慎游從。而惜威重也。昔者明之季世。士大夫最名驕縱。一籍於禮部。則雖鄉之富且尤豪者。舉惴惴焉。斂武下氣。而莫之敢爭。然其訖潰也。亦卒錄之。廟堂主議者。以士大夫驕縱甚不利國。而國之無賴於士大夫也。乃一切禁之。外至郡縣吏。希合風旨。破壞前例。非止籍於禮部者而已。雖侍從臺掖皆然。

蓋唐薛邕自尚書左丞貶歙州刺史家人皆恨其降之晚而宋楊大年爲翰林學士表乞郡云虛作甘泉之從臣幾爲莫敖之餒鬼向每閱此竊疑虛語然至今日而轉厲已悲夫蓋天下之勢自此盡歸豪右矣獨不虞士大夫之從風而靡也夫今世士大夫衣服飲食器用孰與明季頤指如意又孰與明季就其深居扼腕亦嘗太息天下事皆此曹子壞之豈真甘局促人後哉直以開口假貸未能少望而又世之達官之所有事也岸焉謝去則懼無以假寵而自納於不敏之誚是以若此默默也足下盍思之其委而未之是耶嘗有緣技術把持縣中公事者足下談此奮袂抵几不啻寇讐其必不以爲是也今此曹紛紛籍籍無慮十數而不聞左右不

存視樓集卷十二

七

宜之豈今之士大夫則信能模楷一世人者耶抑奮袂抵几向直非耶自左右來有傳譽邑豪詞者雖未識果否而左右其信能無意昵之耶否也里中豪右本多好壽今既執利權并其可以出氣力舉手上下人者而概假之雖素號疆直且不能正又從而代爲之辭則信乎氣焰之光顯也而唯是左右者之自爲計無乃左乎昔宋治平中有王平者除御史故事入臺滿百日不言事者有罰百日平劄子上朝臣羣目之謂且如陽亢宗之裂麻也及章下乃彈御膳中髮一時闕然且夫不平之氣惟其有所發之而發之者折而之正也不然則雖俛首塞默而卒無能以自忍長安諸貴人足下畧遊之矣亦嘗獲聞緒論否耶無所放其意輒擇一二胸縮者指瑕

索癩露章布櫛蓋今世所指崖異之行率此類也足下盍熟思之其果是耶非耶乃若左右者之多所齟齬也蓋有之矣自秋抄來月有所得竊獨爲訝也邑校士前一日後三日有傳浮屠圍人事者愚默然乃益無敢復信何則此彈御膳中髮之類而威重以滅也愚不曉暢事請以明季士大夫尤賢者例之昔楊忠烈公漣爭移宮劫逆璫至死而不摧挫可謂賢矣而官應山歸者嘗告曰應山人至今云爾金文毅公聲工文字卒以忠死可謂賢矣而休寧人士來遊者嘗告曰里父老云爾愚聞之撫然良悼誹俊疑傑久而不免而尤惜二公之不堪幸而生可以驕縱之時也况今日事勢萬不類二公時而二公起家禁近雅望亦未易及以無能蓋人之望當

存視樓集卷十二

六

掩蝕沮慄無以自振之時雖力擊之且不勝就令必勝而左右者其信以爲武與函牛之鼎在前逡巡遷徙熟睨而不敢舉而厘引一綫絲裂之曰非我莫勝也不識烏獲緩步過之能無輒然笑乎然則左右者之武意少近是乎大文非敢遠離賓席好逆尊指但以足下平日雅爲聰明識氣節其於前所陳可否得失併無俟熟慮而知若自今以後慎重愛惜則雖異日出而進於侍從臺掖監司守貳之列或不啻過之而規模殊自了了又有深於此者非愚之所得言要不少助也若必矜勝護前雖不至折以盛氣而或假玄遠之旨文謬悠之談則是孟子所謂拒人千里者也而欲左右者異日忸阿澳忍之士以熒惑視聽豈不難哉大文誠無忍遽自疎

外忘二十年相知之雅而亦自此不敢復談矣。狂率之罪。伏惟亮之。篋中乏箋。又鄙詞頗冗。未易一二。既并亮。

披肝露膽。雅合忠告。善道之旨。其久筆與。行則先生之長技也。

與曹漢若

僕愚戇。親知多濶。足下獨辱惠顧。昨日走謁。又獲觴諸君子。未若詔啓以嗜古之詞。而勤勤懇懇。重勸僕亟遊者。僕誠不自揆。直知亾益左右也。雖然。辱足下盛意。不敢不強言之。蓋昔韓子論作文。深戒令一世人不好者。歐陽子亦曰。莫如順時。此皆感慨致極之言。計無所復之。而反其辭以告。故亾足為足下道。然曾子固嘗曰。詞不類俗。迂之小者耳。僕少簡忽。制藝不棄。日力流雜。書率坐據境。尤蕭寂者。雖無能索解。而馳雲涌山鳴。海立之勝。未嘗不了。然于心。今齒行長矣。間遊達術。復多怪愕。遂爾意所欲言。無獲自止。然坐此百事都廢。以歷飢悴拂逆。曾因尋不悔。而宜其為邑里之所共憫且笑者也。傳曰。蘭根與白芷。漸之滌中。足下承詩書世業。清才標映。奚啻蘭芷。而蘄與甚蒙者遊。以取滲中之誚。曾何利焉。然將求古人之詞。于其所從生之指。則僕仍無敢易前說。以進。蓋自知五尺之軀。直無所用。猶強以浮游。而卒不忍談。不龜手藥之可以封。此尤蒙者亾一通曉之證。左惟足下決擇焉。不盡。

書示洪時懋

丙申丁酉洪子時懋問業於予。予覽其文而愛之。謂落葉
多。殊有人中先生丰骨而漸其學之彌進也。人中年二十一
抗辨東鄉二十三而雋。時懋今年二十矣。更三年復何如邪。
昔彭燕又諸子夜或燕奕而人就鐙下手一卷書不少輟。
其名迥出啓徵朝有以也。時懋雅嗜吟詩。人申詩曰。願厭人
間枯稿句。裁雲剪月畫三秋。此則時懋所自知。無埃子言也。
十二月十八日

存硯樓集卷十二書

三

荅呂旭臨

十月十七日字并禮物二種俱收到。士當自命千古一吟。
第何足數也。英萃堂制義此時亦宜刊。但須多選佳文及寫
大字稿易看耳。每人多或刊二十篇少或十篇大約以十五
篇為率。如予已九峰樓及近日雲間諸子例也。尊翁及俊友
諸子并正也。諸子俱申意。芮棗以多致為佳。予嘗欲作一譜
附羣芳譜末而未克就也。千萬勤囑一言以蔽之。曰多讀書
不一

存硯樓集卷十二書

三

與韓續古

孤立何懼。論語曰：德不孤，易曰：敬義立而德不孤。中庸曰：中立而不倚，文章亦然。韓文公曰：能自樹立，孫可之曰：孤進患心不苦，此皆有道而文者之格言也。僕見不能樹立者，文雅不工亦多，不售所謂兩失也。其能樹立者，文工則售，不售者外也。究亦何嘗不售，所謂兩得也。蘇文忠公曰：文章如精金美玉，自有定價。令祖宗伯先生序進呈藁曰：向之詆毀者，或從而譽之，過其實。子第融煉之，砥琢之，韞為精金美玉，雖不韞人譽可也。矧譽所詆毀者之雅不遠哉。然則子唯不精金美玉，是懼孤立，非所懼也。相去遠，聊書此以廣厥聞。

字之要石作文九品五品目節以此

存視樓集卷十一書

三

荅蔡芳三

接來翰暨陳君文歎企無既。試卷未逮，網展自當佳致。但同學論定，故須精擇。若敝邑則既知之矣。客歲序吳江旭之周子文畧發其端，未暇詳論也。且比者蘇江以北士多患媮阿而壁立萬仞，獨在吳會數郡，海寓瞻仰尤當與高贊華胄枿鑿耳。凡僕所以廢寢食耐飢凍，焦形疲神而不少釋者，非為一身安享之富貴，乃為川嶽萃靈吐秀之人才也。若幸而有濟，獲與唐韓李二文公埒，此則天也。豈人力所能與哉。山妻病歿，至無以為歛。小兒輩昏迷，未得書字。僕當出游以紓悶懷，再達音問也。不一。

存視樓集卷十一書

十四

荅蔡芳三

兩接來札甚喜藝苑望此久矣至前所備陳者殊迂遠恐未克有補矧寒暄之望與海寓之議業伸則唐之兩都同華解宋之開封解直分內事匪止唾手拾芥也又奚事捨其業而驚瘁吾不訾之體乎哉惟是墨義揣摩不可不細論曩嘗悟此訣又覈唐張文成青錢萬選集迺克無譌舛頃選明墨透宗以闡發文成要訣不可視為班生平平語而忽之見同業士亦宜以此告此所謂金針慈航也若有所疑當俟再札不

荅蔡芳三

荅東昌札業首舉矣然聞游學甚艱得無訖為竅談耶張子曰三川周室天下之市朝也恐五嶺以南之類乘車入穴也抑蒙意不止此楊機部先生有言詩曰蒹葭蒼蒼白露為霜言物慎所染故可為天下用也夫材不受變則不克成彼熱署迅筆之為白露也渺矣而所染且滋烈當是時追憶指授主徒殆類馬文淵浪泊間卧念少游生平時語也魯論曰夫我則不暇此尤肝膈要指裁之餘俟復

與瞿雲堦

時憶舊遊長兄先生題名勝羅隱李咸亨李山甫而聲望埒之館閣頭銜亦奚足重我輩哉承賜華翰推為一代韓歐不敢當然不可不使海內人士知此古誼也老病侵尋復理舊業生徒雅多傑雋士而京口張冕為甲姓氏胥具書別紙斷覽之餘惟為藝林自愛為吾黨之落落晨星者自重不盡

存硯樓三集卷十二書

毛

書貽王立夫

西湖詩白林蘇三家尤著和靖詩曰往往鳴榔與橫笛斜風細雨不堪聽又曰閒過黃公酒舍歸又曰湖上憑闌日漸長又曰長空如淡鳥橫飛雅得靜中深趣若樂天詩就中難別是湖邊一半勾留是此湖此所謂非其有而惟恐失之者邪至東坡詩作詩火急迫亾述清景一失後難摹此不惟官務匆卒抑亦看盡湖西山牢籠延袤志不專而神不凝蓋為學者之所深戒也予業以自警命兒思淳書之以遺立夫王子暨姚朱諸子用亨趙子時寓吳山右面西湖并以示之

存硯樓三集卷十一書

天

遺湛斯曹君新書道德經

孟夏二十有四日湛斯曹君舟訪于青山莊。偕冠伯張子坐小齋。說宣州紙二埃歸書道德經。因問談古法帖。而冠伯曰：換鸞乃道德經。匪黃庭經。此雅肆於法帖。辨誤諸書者也。案大令鸞羣帖曰：獻之等再拜。不審海鹽諸舍上下動靜。比復常憂之。妙告無它事。崇虛劉道士鸞羣竝復歸也。獻之等當須向彼謝之。獻之等再拜。而大令又有鸞還帖曰：鸞還慰妙意。又曰：鸞差不甚懸心。宋黃長膚東觀餘論曰：鸞者王氏子。姓之小字耳。猶袁羊顧虎之類。或以此鸞即逸少所愛之鸞。甚可鄙笑。又帖云：崇虛劉道士鸞羣竝復歸也。獻之等須向彼謝之。亦非當時尺牘體。蓋以大令父逸少嘗書道德經。換

存視樓二集卷十一

无

書貽張思孝

魏文帝與吳監書曰：中國珍果甚多。且復為說蒲桃當其未夏。涉秋尚有餘暑。醉酒宿醒。掩露而食甘而不銷。脆而不酸。冷而不寒。味長汁多。除煩解倦。又釀以為酒。甘於麴蘖。善醉而易醒。道之因以流漾。咽啜况親食之。邪。南方有橘。酢正裂人牙。時有甜耳。即遠方之果。寧有匹者乎。吳曆云：吳王饋魏文帝。楠文帝詔羣臣。其辭畧同。又太平御覽詔羣臣曰：南方龍眼荔枝。寧比西國蒲桃。石蜜乎。醉且不如中國。凡棗味莫若安邑。御棗也。又詔曰：南方有龍眼荔枝。寧比西國蒲桃。石蜜乎。今以荔枝賜將吏。啖之則知其味薄矣。嵇含南方艸木狀亦載文帝詔曰：南方果之珍異者。有龍眼荔枝。令歲貢焉。

存視樓二集卷十一

三

存視樓二集卷之十二

鷲。而山陰曇瑗邨道士舉羣贈之。故以此事傳會作是帖耳。案崇虛館乃宋明帝泰始四年建。子敬晉人何得已稱之。又案魏收釋老志。太和十五年詔立道家寺宇於桑乾之陰。名崇虛寺。去晉愈遠矣。其辨業已朗哲。君故工書。宜胥書八十章。俾荒齋獲附曇瑗邨例。而冠伯且倣張懷瓘之書。斷張彥遠之法書要錄。彌研證伯思用修諸書。瑛君再熾舟清談。庸當爾也。抑賜書堂愛鸞帖曰：謝光祿鸞在山下懸情可愛。不書崇虛館。然則鸞羣詎必曇瑗邨。而今戴山下戒珠寺。故晉永嘉以後王謝氏之冠蓋里也。瑛子足差良行。當偕君暨冠伯往訪之。

宜興儲大文六雅著

門人 丹徒張 冕冠伯 崑山徐柱臣題客 編

論頌贊啓

吳季子讓國論

吳季子讓國自唐獨孤氏始駁之。至宋胡氏復詳其說於釋經。而古今之論者未知所折衷也。嘗爲之說曰：季子賢者也。壽夢卒而諸樊不立。則於制不得立。諸樊立而餘祭夷昧以次卒。則季子無復立理。夫季子卒讓國不立。情之至也。而世皆之以啓僚光之爭者。過也。昔者春秋之世。唯不知讓也。故子魚子臧以顯。而攻奪爭殺者且籍籍而未有止。此雖魯

存硯樓二集卷之三 論

衛齊晉不免也。吳僻陋之國也。其去泰伯之風遠矣。其與上國競而以力經營者亦無他。可紀而諸樊以下三君能奉先君之志。致諸季弟。至飲食必祝而無憚。門於巢之穢闢之戕。以速其弟之立。嗚呼。可不謂尤上者乎。夫兄不難以死讓。而我覲然受之。兄以義始。我以利終。儼然據其臣妾而不復憶飲食之祝之。甚可憫也。此在里巷細民。有不忍爲。嗚呼。而謂季子之賢而爲之乎。論者曰：季子賢。其觀樂也。能察列國之興亡於數百年之後。苟有吳國。豈惟使僚光無爭。吳必興。與吳以安先君。不尤悌之大者乎。夫假此說以爲其利國之辭。亦何之不可。且度是時。吳能必興乎。西與強楚讎。而於越之孽又密邇。而伺其後。且微論吳也。季子其能自必乎。季子

之救陳也。請退以爲子期。名乃引師還。然則季子之不欲有事也。蓋可知矣。縱令有事於吳。吳縱興。其能加於子產之相鄭乎。季子唯不欲爲子產叔向。而其情又有所大不忍於此。以此絕意。不爲以急謝其兄。而又何暇知僚光之爭以卒。治吳國哉。夫吳之強而輒亡也。天也。自讓國時度之。縱不大興。苟得中主。可以百年無失。而救陳在哀十年。去吳亡十三年耳。季子曾不能使吳之無治也。夫勢不行於夫差。獨能行於僚光乎。而世有以正名定位責之者。亦已過也。且光不難忍於僚。獨難於季子乎。然則季子讓國考之制。揆之情。度之時。與勢。舉無可疑者。而且令無讓。是將不爲忍人乎哉。太史公贊季子曰：見微而知清濁。夫讓國卒不立。知清濁之效也。而論者顧將清汨之也哉。

存硯樓二集卷之三 論

二

斛律光論

斛律光繼其父金爵女為後主后當時寵貴無二然能以功名自顯每戰必克周人憚懼造謠言布之鄴而祖珽穆提婆因共譖殺之儲子曰光不反明矣即嬖幸如韓長鸞輩亦謂無此理後主卒加戮焉哀哉顧吾於光獨自有感也夫古之君子惟其有以杜人之間也然後君乃安之不然而且以喜事變而趨富貴之習將復施於我也故大難之端君子有所不輕與而與此者之卒以名疑焉已矣說者謂祖珽之構光也光府佐封士讓密表云光前西討時軍逼帝京將圖不軌適與帝疑光者合以此光遽被禍然而帝之萌殺機也久矣豈待駐軍紫陌乃始畏逼哉夫關西勅敵帝之所深憚也

存碑樓集卷三

三

自河清天統以後元勳宿將蓋略盡矣所恃者獨光在耳而光又屬后父此嬖幸之所以重發而帝之所以猶豫而未決也且光信以為功名之地為能自結於主矣乎光兩女如皇太子而后既無寵間一生女帝至詐以生男赦天下此非重疑光而然乎夫固以光之為人英勇有心膽緩急可仗而苟不以恩結之懼其不為我用也豈惟不為我用且有從而奔走之者矣然則雖結之以恩而又何足恃哉當孝昭執楊愔燕于獻時金為左丞相至同人雲龍門而光且追子獻而殺之濟南繇是遂廢不識神武文宣曾何所負於金與光也然則祖珽之譖士讓之表祇以速光禍焉而帝之疑要不知此矣且使光幸而不甚寵貴也而卒以臣節終度光能自必之

乎光之聞和士開被殺也撫掌笑曰龍子作事固自不似凡人夫士開淫亂誠為罪首然當是時帝之不為濟南之續者蓋無幾矣光雖徐定禍亂而不能不以權勢之參差也幸其敗而忘國家之戚倘所謂江湖之人狎風波而不懼者非耶而帝亦卒以此疑之與

存碑樓集卷三

四

盧多遜

盧多遜力強敏給任數有謀略太祖好讀書每取書史館預戒吏令白已輒通夕閱覽及太祖問書中事多遜應答無滯同列皆服焉予聞孫文介公里居鄭鄭略其僮約所翫書潛以告輒夜閱晨詣文介問近讀何書因悉舉頭末無遺文介歎激以此鄭文章聞天下此與多遜事頗類然多遜交結爭權斥死不復而鄭得禍尤烈悲哉世之為多遜者衆矣即日懸崖州圖莫之知懼也意者其鑒鄭乎

包拯

包拯性峭直疾惡尤甚而率推以仁恕嘗惡按察使苛察多撫細故劾官吏奏請罷之平居無私書故人親嘗比自絕而少為劉筠所口筠自大名徙盧子卒產沒官嘗奏其族子為後又請還所沒田廬以贖之然則士著合肥人與父老之來勸勉赴調者又當何如也意其所絕或間如楊察輩之顯仕於朝者而使察輩有細故又豈得撫劾哉嗚呼此拯之能不持一端州視以歸者也

魏敏果公頌 并序

國家受天明命薄海內外罔不祗服洎三孽弗靖實江南鄙
繕甲轉餽董飭吏士令

天子文洽武冠肆底昇平時則有若魏敏果公翊贊匡益長
憲西臺正色立朝嚴肅奮於是百司震懾向之互為囊橐
者爭自濯磨斬以廉白自顯一時清望名臣若工部湯公清
端于公皆繇公薦達升大僚光史冊以迄於今三十餘年直
省號多良吏而考其原實自公發之語曰一人善射百夫決
拾信乎應龍族雲各以類感而為于舉世不為之時於以表
率風勵功尤鉅也詩曰維嶽降神太史公曰人貌榮名豈有
既乎公稟箕尾之星精鍾雲代之勁氣當 國家奠鼎首入

存魏敏果公頌

七

三院給事掖垣直道自信退而隱者二十年海寓翹首日夕
以埃乃復籍臺端陟卿貳

天子知公可大用擢掌都察院事恩禮視前後憲臣有加晉
秩尚書真拜刑部出巡畿甸遇事直繩權貴斂手窮荒絕徼
兒童走卒無不識其姓名以年得請薨於里第而

天子咨嘆遺直眷念不置至今英彥者碩指列海內正人君
子必以公為首嗚呼偉矣昔汲長孺侍禁中淮南寢謀包孝
肅既沒西人降附願以包為姓是故戰勝於疆場者介冑之
士也戰勝於朝廷者介節之臣也 國家景命昭鑠有開必
先公以戊午總院事及岳陽撤戍實在己未正月滇黔貢道
遂通天人徵召信若節璽而議者乃以兩階干羽為不更事

之談豈通論哉大文閒居無用竊不自揆嘗慨古文真訣比
日中絕鼓舞鏗鏘願垂金石幸聞公盛德駿烈久而彌耀謹
撰頌一篇凡四章三十二言以附于雲頌營平伯階頌江夏
之後其辭曰

泰山巖巖其德不爽峻極于天休有烈光展矣君子金玉其
相正是四國萬民所望一泰山巖巖河水洋洋朝宗於海其
流湯湯展矣君子如圭如璋對揚休命揉此萬邦二邦之司
直以謹無良曾是培克宜侯多藏其繩則直率由舊章萬邦
為憲四國是皇

天子自若惠我無疆以似以續降福穰穰展矣君子長發其
祥秩秩德音德音不忘

存魏敏果公頌

八

頌張夫人節 閩安溪李氏對捍母

夫望清河父望清溪倚與清源中有白石之體儼兮曷其暨
曷其暨曷其殫是謂泉山之高高與雲齊兮而莫之或梯

存硯樓集卷三 頌

九

土喇河頌

土喇河潛有多魚今也食無魚河神詔曰若夤新賜糜邪河
岸龜圻河草焦燔其不埃馬而渡者丈以丈計焉尺以尺計
焉是且無河匪直無魚也若天誅之不恤而又奚暇噫嗚乎
土喇河之魚土喇克魯倫河之魚

存硯樓集卷三 頌

十

車渠頂頌

國家加恩海內耆壽凡年逮八十者胥賜官秩視郡錄縣倅朝服崇錫車渠頂此古誥授縣令刺史之典例也從叔瀨津公年宜應詔魯國莊城族胥幸之公嘗講宗祠石室西夾室同室異室諸禮辨之至哲會今歲日南至豐義祠晉十代主公伯子佩瑣業以高才生饒于校仲子佩南綜畫庶務雅肄練而祧禮尤謹焉此克闡古萃神於主安主於祐之精義也公嘗講永樂天台栖霞訣大文爰獻車渠頂頌以待百年侑詞而併協古天長地久曲

郭爾羅斯三馬贊

康熙三十五年夏四月三十日
上駐察罕布喇克郭爾羅斯台吉獻馬百內名馬三曰烏蘭海青曰納墨扈曰得百爾扈諭台吉業伙助軍前馬族至都給賞此以徵
聖祖之聖德神功而郭爾羅斯之恪遵藩職不敢愛其寶馬為可嘉也謹贊三馬式昭盛事兼資博聞贊曰
郭爾羅斯恭獻名馬思斯噶斯才斯徂斯作思告爾西服尚視天馴監飛龍廐思

哈薩克圖馬贊

康熙三十五年冬十二月十有五日

駕發天城乘馬先行顧扈從文臣文華殿大學士臣某曰此

鳴薩克圖所產準噶爾獲之敗後歸於我軍乘試之汗色如

血漢書紀大宛汗血馬當此類邪奏曰史稱大宛馬謂之天

馬言其鬐赤汗躡浮雲以為嘉瑞登之樂歌臣等未經目觀

曩以為誕詞今茲馬汗色適符誠神駒也

天符

天威靡遠不屆臣等無任欣躍之至是日駐北舊場東距宣

化府甚邇謹贊曰

宛王毋寡奚敢匿善馬而况使者妄言椎金馬

存魂樓集卷三 啟

吉

得勒素贊

得勒素顧圖爾布喇克匝地胥得勒素可冠可染馬膺紫覆
美哉得勒素都哉得勒素

存魂樓集卷三 啟

吉

敖漢蓮花贊

敖漢芙蓉卉葉胥浮初日麗采綠雙湖流三吳百越少克儷
晴秀鍾北極實顯匪幽爰讚僊種以譜以謳

存硯樓集卷三 贊

五

洪閩九閩門小像贊

斯圖也夫匪直王氏之龍虎謝氏之鳳毛前驅韋杜驟駕崔
盧而直可為東榮西序一勺兩壺大戴第十小戴暨別錄第
四鄉飲酒禮之圖也故小雅楚茨篇曰子子孫孫勿替引之
為公鄉世祿之盛而冠禮三加亦曰兄弟具在以成厥德酌
醴曰兄弟具來孝友時格蓋所以晉篚筭而祝韃弧也夫湘
晚殊芳不錯菰蘆荆璞殊珍不禱砭砭而鄱陽丹陽錢塘南
安諸貴閩籍紛綸勳望彪炳迺胥鍾諸天都峯軒轅臺間
勢俯羅列之山光燭環流之湖然則斯圖也雖謂即于官雁
行侍中正笏之圖焉可也

存硯樓集卷三 贊

六

掖水劉公贊并序

劉允浩字集生掖縣人崇禎癸未進士建昌府推官乙酉南京破與巡道夏公萬亨湖東道王公養正奉益王八月二十一日殉節武昌

明陪京之降也魯王監國於湖東唐王立於閩互為水火卒俱擒滅江西建昌郡掖縣劉公與王夏二公同奉益王監國不踰月輒敗其事至微淺然文山社稷為重君為輕之義於是益明予讀江楚諸君子志傳憫其窮而哀其志謹為贊以授公會孫汝訓其詞曰

宗子維城於國南鄉未堪家多難至於已斯亡死喪之威君子陽陽斧以斯之武夫沈沈無貳爾心于公先王亦孔之哀亦孔之將所謂伊人那家之光遡洄從之江漢湯湯

存硯樓集卷三 贊

七

季翁小像雙贊

先生胸中不點一物肅容整坐繹經顛訖維氣洶穆維格嘯吻爰艾爰耆匪歆匪佛篤生才子令問芬弗行膺褒錫封而加紱如彼泉源曾是屬沸先生迨然了不充詘誰克相之孟放慈孺人借坐席西有疑

存硯樓集卷三 贊

六

洪廷佐小像贊

人在鏡中心在月中花在指中春在手中

存碑樓集卷三 贊

九

劉祝蔣君像贊

天闕之競獻滄山之交橫大小容之胥集法象之虎匪真虎也而機易之亟賓孟密之恒通大小套之永謚司馬之武廼孔武也故曰塵無庸揮杖無庸舞泣馴焉而姁姁泣魘焉而俛俛爰以列植樂安之賜戟而疊膺期思之錫組者也

存碑樓集卷三 贊

二十

宗芷湘像贊

撫琴動操。衆山欲響。大匪直圖。術嶽志匡。廬松蹊竹。嶠之雅
供清賞。南陽望猗。旋朏林邑。勳猗指掌。予知嗜音者。以磬壑
為律准。渴士者。以巖洞為弋網。而禮而羅之。磐石之間也。且
曰君盍攜琴而往。

存硯樓集卷三 贊

三

天台菴僧大圓像贊

謂有聲耶。隱隱隆隆。汝觀明月。在我指中。謂有象耶。顯顯漾
漾。汝觀明月。在我指上。謂有機邪。熠熠絲絲。汝觀明月。在我
指端。人自西天。月自東偏。手非玉如意。衣非金蓮環。非中非
上非端。即中即上即端。非中非上非端。非即中即上即端。
此之謂性之圓。此之謂悟之圓。此之謂禪之大圓。

存硯樓集卷三 贊

三

生辰謝友人啓

蕭清即舍在再歲時忽焉已至文舉行自悲也未名為老武
平殆欺予哉九尺鬚眉當世誰山東張鎬三年涕淚此日即
海上王祥敢知誤管之非矧服糾觴之政華緘謹壁高誼銘
金

乞人參啓

大文頓首大文以二月二十一日歸頽窗少旭缺竈寡烟歸
二十日癩痂大作清水潰注比且疋羸弱甚展轉詎支桐君
既未肯結廬長桑亦何緣造闕擬公幹於漳濱匪敢云也晞
士安於涼土竊有請焉伏惟當代仁人君子施德於不報之
地措功於可救之時晒其艱窶憫其綿悒九萬里長風大力
總噓枯苑四十載舊雨它務一聽浮湛量助人參彙奇傲邑
但使修徑分餘便是上黨五尺重羸銖累奚翅挹吉萬駝矣
雖語多荒蹇難附於盧照鄰丐藥直之辭而情殊蒼涼實迫
於顏清臣乞米券之札無任冒瀆幸賜寬容

求藥直啓

大文頓首夫不能療寔而靳療疾吾知其難也雖然疾勢嬰綿藉資請巧以擬開黎半鉢之藏龍山人片券之養鶴占之名賢曠士亦多行之憶十數年前管啓乞人稜日雖語多蹇澁難附於盧參軍藥直之辭而情殊蒼涼實迫於顏魯公乞米之帖忽忽迨今精力彌耗費用彌空蓋視曩日援引所謂挹吉萬駝上黨五葉者雅不翅稷下閭辨郢中大言但使資料粗供膏鑑罔缺庶幾墻東廢地藜杖婆娑窗隙餘光藤屨舒卷而亦可以編張仲景活人之書讚韋慈藏藥王之號矣雖然吾寧請巧以療疾决不請巧以療寔而疾雖訖不獲療而不少悔也此則可信諸邑里親知而并可質諸日下高議之

存硯樓集卷三

孟

華班海內清修之著錄者也單到新故互洽哀益隨宜載展鄙悰幸書台甫

謝問疾啓

晉國名宿雅推傳青主畢頡雲吳天章二先生今予疾百有六日而太原思孝張子學殖該綜青主頡雲之流亞也不遠數千里來視疾平陽涓瑣喬子風調諸暢天章之儔匹也不遠數百里來視疾其比世說煎藥真長之高誼復何減焉謹草此以志謝

存硯樓二集卷之十三

存硯樓集卷三

孟

存硯樓二集卷之十四

宜興儲大文六雅著 門人 丹徒張 冕冠伯 崑山徐柱臣題客 編

碑誌

分巡寧夏按察司副使陳公德政去思碑代

寧夏古朔方郡夏州靈州雄州興州應理州地明設寧夏前左右衛又設中衛 國家改衛為府隸四縣一州而分巡副使道總監督之洎是職者滋眾矣未有敏而克肅果而克惠深得憲司威重臣體如商邱陳公者也公擢峻科陟望郎特簡巡寧夏要邊今公去而吾儕小人思其德政不能忘爰書概畧於左寧夏濱黃河渠堰之利甲天下渠尤著者曰大清渠曰漢延渠曰唐來渠曰美利渠曰缸子渠曰棗園渠而大小壩渠口堡諸堰蓄洩之渠側胥有引河引黃河之水以溉田沙性易淤歲資疏濬以田計夫以夫計艸胥操畚鍤而趨役清明月始浹月止號為渠工而中飽叢奸府州縣衛紳士又例免問其數則夫一萬九千名有奇艸二十四萬束有奇覈其實則虛冒者十之四五而牒報渠工之裁為具文也歲滋久渠胥建閘閉閘以畜水啓閘以注大渠之水於引河典司官胥加封識而或強有力者則先予之水而且多否則故緩之而且不足典司者又患之用石炭灰印印諸樞要密藏印以防私啓而黠者又以鐵釜覆印上用塗泥窒其隙沙環壅之放水訖而揭釜印如故巡視官輒喜曰是奚能欺我

存硯樓二集卷十四碑誌

一

而不知其欺之滋甚也雍正丙午二月公車蒞境首飭府州縣曰時屆渠工殫乃心力無忝厥職又集紳士曲諭曰以分言紳士豈可與齊民伍以情言貨產鈞也丁糧鈞也則徭役亦宜鈞也各遣乃夫各供乃艸概勿免典司官奉符檄惟謹紳士亦恪遵之夫以任疏築艸以實堤堰稽核必覈啓閉必慎情者踊躍黠者懼伏田罔不獲水農罔不力田眾大和會歲用有秋此公渠工德政克武漢虞詡魏刁雍蹟而遠以埒史起鄭白沃野之澤近以埒賈魯劉潘河平之績者也寧夏例收雜色糧夏曰麥曰豌豆秋曰稷曰青豆曰黑豆人戶運至倉先買無印申請縣覈司倉吏斗夫胥齟齬而強索之曰紙筆錢曰飯食錢而斗有長徒尤眾必饜其欲迺止否則旬日置不問追呼如故洎縣幕暨僕從出涖倉覈糧覈串而串側陰識加耗數眾莫能辨也洎啓斛而斗夫之子婦耄稚先環斛正糧加耗糧高浮斛面以尺計不勝高而紛墜地暨狼戾於地則婦稚競掃之若疇糧則注諸斗而報曰穀急撒斗人戶糧不足則勢必買所掃糧益之有餘則席捲而去迺復持串詣縣署覈而給發印申之淹速又懸殊矣公慨然歎曰糧戶贏千萬且收雜色故疇糧多而奸易萌用斛斗置升不用亦弊政也揭示通衢令一堡中三五戶彙集而總輪先用升次斗以量疇糧然後用斛屆期較斛類漢制銅斛次較斗升胥準復時遣人倏巡倉司倉吏斗夫胥惴惴索錢弊始絕糧到輒收糧齊斛輒給印串而婦稚亦罔敢履倉垣此公冷

存硯樓二集卷十四碑誌

一

而不知其欺之滋甚也雍正丙午二月公車蒞境首飭府州縣曰時屆渠工殫乃心力無忝厥職又集紳士曲諭曰以分言紳士豈可與齊民伍以情言貨產鈞也丁糧鈞也則徭役亦宜鈞也各遣乃夫各供乃艸概勿免典司官奉符檄惟謹紳士亦恪遵之夫以任疏築艸以實堤堰稽核必覈啓閉必慎情者踊躍黠者懼伏田罔不獲水農罔不力田眾大和會歲用有秋此公渠工德政克武漢虞詡魏刁雍蹟而遠以埒史起鄭白沃野之澤近以埒賈魯劉潘河平之績者也寧夏例收雜色糧夏曰麥曰豌豆秋曰稷曰青豆曰黑豆人戶運至倉先買無印申請縣覈司倉吏斗夫胥齟齬而強索之曰紙筆錢曰飯食錢而斗有長徒尤眾必饜其欲迺止否則旬日置不問追呼如故洎縣幕暨僕從出涖倉覈糧覈串而串側陰識加耗數眾莫能辨也洎啓斛而斗夫之子婦耄稚先環斛正糧加耗糧高浮斛面以尺計不勝高而紛墜地暨狼戾於地則婦稚競掃之若疇糧則注諸斗而報曰穀急撒斗人戶糧不足則勢必買所掃糧益之有餘則席捲而去迺復持串詣縣署覈而給發印申之淹速又懸殊矣公慨然歎曰糧戶贏千萬且收雜色故疇糧多而奸易萌用斛斗置升不用亦弊政也揭示通衢令一堡中三五戶彙集而總輪先用升次斗以量疇糧然後用斛屆期較斛類漢制銅斛次較斗升胥準復時遣人倏巡倉司倉吏斗夫胥惴惴索錢弊始絕糧到輒收糧齊斛輒給印串而婦稚亦罔敢履倉垣此公冷

行於兩稅以垂司倉司漕司屯之政者也。寧夏土著氓尤飲恨者曰大磨坊。坊齋數十。列肆晉人。貲厚而設巨磨。磨石之時坊中者又座相錯也。日屑麩麩百十石。寧夏地廣人稠。資麩以食。麩以飼牛馬。贏驢者滋眾。窮氓戶置磨。日屑一二斗。鬻諸市。輒可餬口。而今大磨坊胥攘之。又坊日貯朱提一錢。歲闕贏三十有六兩。而綜計則不翅千兩有奇。窮氓恚而請禁。長倖多忽之。間示禁而坊如故。黠悍者雖力抵之。訖不克敵。朱提之力彌巨也。公稔知其害。符司堡偕里正鄰右具姓名上。朱書署門曰。大磨坊徙業者聽。改小坊者聽。陽奉陰違。鄰堡罪鈞。大磨坊計窮。多遁去。間徙而業他。窮氓胥舉手加額曰。我輩今日獲生矣。此又公密察里閭確確之利以成

存硯樓三集卷十四 碑誌

三

鉏疆扶弱之肅政者也。新例嚴賭博以清盜賊之源。大哉。王言敢不凜遵。晉人張酒肆藏博。進杖懲枷示檄。寧夏縣勒回。而晉人之戀小江南也滋甚。特厚賞餉夫已氏。關說免解。公謂違例則不恪。令反則不信。力拒之。雖夫已氏交構於督府而屹不奪也。周誥嚴羣飲。寧夏俗嗜豪飲。有夜漏盡而闕者。聲撼戟門。則酒之流禍也。杖懲枷示視賭博少差。既遏其流。復清其源。諭酒肆日中爲市。晡後止。來飲閉不納。強索。扭稟。徇情杖斃。繇是飲酒無叫號之響。而梟雉罷擲。葉子息戲矣。此又公之肅政以謹新例而符周誥者也。西陲饒回部。而寧夏種類尤繁。渠魁曰大脚馬。五菜瓜頭馬。二武斷鄉曲。橫行罔忌。公稔知其惡。檄堡長月朔具結。埃勒戟門。猛贊揚息。

羌番嚮風。此又公鉏疆肅政外以杜摩尼默德那之教而內以固臨河橫城紅山鎮北鎮朔平羌諸堡。紅木勝金諸關。質蘭打磴。汝箕滾鐘。觀音諸口之防也。刑一成而不可變。五聽惟艱。公平其心以鞠之。研其要以決之。雪寧朔諸生任濟。寬復學籍。士林頌焉。寧夏僕隸馮元爪表三寸。驕縱宜懲。不麗大辟律而矜憫而曲全之者之尤多。所齟齬也。不爲威惕。不爲利疚。惟公有焉。此又惟良折獄之惠政也。寧夏號產米而裁充境內食。公始視事。督府飛檄帑金九千採買稻米九千石。限日繳。否則軍法從事。米價騰貴。衆憂甚。公慰諭無恐。符州縣姑徐埃副使任咎。而亟詳民間匱乏狀。且時值渠工。必不能兼運事。遂寢。衆始安枕。此公爲民請命而可以永除和

存硯樓三集卷十四 碑誌

四

羅博羅折糴結糴害民之政也。寧夏黃河上流之口在青銅峽。下流之口在黑山石麓。黑鹽池則在黃峽邊外。紅鹽池則在麥塚山邊外。青白二鹽池則又在花馬池左。黑水北環鐵柱。南浦二渠經流大河三面。而寧夏百二雄藩金城天府城內。做三條九陌之制。周道如砥。縱衡曲直。左右夾溝。繇溝而達支渠。繇支渠而達引河。繇引河而達渠。以入河。此所以宣其滯。流其惡。通大河鹽池水脈。而夏秋雨潦。車不至濡。軌馬不至陷蹄也。歲久而泥沙瓦礫滋積。故址胥失。公爰下令。匝戶開濬。俾克如故址。不率者予巨杖。浹月而工竣。此左衛高三丈六尺厚二丈廣四十里城之都。會所以樹鹽塲蘆溝下馬鎮遠間廣袤輪千里有奇之儀表。爲國家西陲要扞而行

旅經廣遠委巷不至借曩日城不漫四尺水深八尺胥尤河伯而嗟雨師者實公惠政也它若胥吏作奸有禁司捕役不嚴緝盜賊有禁起滅詞訟有禁賾賈戶圍米有禁列肆賒貸兵民厚責其直有禁而凡以肅政成惠政者雖涓滴之管不能盡書武都之粉不能悉識也廼公以二月八日來尋以十月十有二日去俾吾儕小入不及碑德政而遽碑去思其爲愴咽奚可名言昔玉溪李氏詩曰漢江遠接西江水羊祜草丹俱有碑襄陽募羊祜於寺壁碑號墮淚韋丹去江西四十年詔紫微舍人杜牧文其碑此去思碑之權輿也若獨孤及碑頌張公德政則張鎬時以同平章事帥洪州曾鞏碑記浙東救菑則趙抃時以資政大學士典越州公去寧夏十有五

存碑樓集卷十四碑誌

五

年甫踰五十行起而出擁旄節入學釣衡而寧夏且復覃公政也吾儕小人竊晞獨孤氏杜氏曾氏之文以上附國風九罇甘棠之義指爰額曰分巡寧夏副使陳公德政去思碑

趙總憲入嶽麓書院碑記代

白鹿洞睢陽石鼓嶽麓南唐宋後號四大書院而隸河南者二石鼓祠七賢嶽麓列祠宋諸儒廣漢張宣公爲之宗今天子御極四十有二年予郡武進趙公移湘江節巡撫偏沅劾墨警鰥起瘠蘇困邦之耄稚式詎且舞四十有九年公入長御史臺予適代公衡人士請碑公石鼓書院予符報如牒長沙人士曰潭會省也請肅公主入嶽麓書院予又報如牒且偕省諸大吏以俸飲之而爲碑其事曰公撫偏沅善政未易更僕數其大者曰均徭曰細耗曰恤解曰飭漕曰謹量曰通澁曰禁礦他若設義塾以誨疏學規以肄平鎮草苗辰不知兵營南嶽祠衡不知役予之承命來代也胥謹守之罔敢

存碑樓集卷十四碑誌

六

替以漸少迨於警昔漢平陽侯代鄼侯相守其法弗失天下歌曰載其清靜民以寧壹故楊子曰蕭規曹隨宋包孝肅公尹開封名籍甚歐陽文忠公代以簡易而亦無廢事今公風裁峭整既類孝肅綜理審密復類鄼侯余不敏於公無能爲役然不敢不勤其官以漸少副

聖天子撫綏湖湘之指而俾三道七郡二州獲躋清靜簡易之治者良以平陽代鄼侯文忠代孝肅漢宋二史炳如也昔公劾軍帥獲許而平於岳湖南之民競禱南嶽之神以祈公直或走岳持升粟合酒以獻賴

天子聖明辨旋獲直今公去且四載而衡民肅頌於石鼓潭民虔祝於嶽麓三代直道猶在荒江疊壁榛莽篁竹間此公

所以從南軒之列而予所以勒北海之碑也公名申喬字慎旃號松伍康熙庚戌進士今方便學鎮撫兵民云

存祝樓二集卷十四 碑誌

七

贈光祿大夫兵刑兩部尚書署理直隸總督唐公神

道碑

國家恭膺明命式叙海濶欽惟

聖祖仁皇帝久道化成重熙絜洽

世宗憲皇帝宵旰勵精百度咸秩一時翊贊大臣環拱璇極

埒於惇庸奮庸而綱紀之司兵刑之筭行臺行省之樞會其

裁機釐務實克俾吏帖民恬威輝德溢銘彝貞而紀旂常殊

匪散散賈銜之所克逮者時則有若薊門唐公謹按狀公名

執玉字益功薊門其號世以國氏至晉陽晉昌而望彌顯元

季伯成公繇高郵徙武進公八世祖貴戶科給事中遞傳永

州知府寶右僉都御史提督軍務巡撫淮揚順之理學文章

存祝樓二集卷十四 碑誌

八

政事為一代名臣學者稱荆川先生特典全賜祭葬崇諡襄

文太常寺少卿鶴徵翰林院庶吉士傲純胥為學者宗峻科

世續經籍紛綸所傳江南第一家也公曾祖獻可籍六館書

法米海嶽畫法董北苑倪蕭閑著詩文七集祖字全序貢工

書壽父于相胥贈光祿大夫兵刑兩部尚書曾祖妣某氏祖

妣某氏妣某氏胥贈一品夫人公少穎異目五行下祖指示

父曰大吾宗者是兒也九歲工文十三而父歿十九僑畿輦

補大興博士弟子尋食餼滇南孫學使邀衡文其母間窺屏

外客獨曰公當大貴時嘗有狐祇獨不敢溷公慕眾胥異之

康熙三十八年己卯中府丞試式

御試五名癸未成進士庚寅銓注知潮之德清縣德清多貴

官又浮濼。前令率以逋賦。譴公先飭貴游子弟。無得憑勢通
謁。迺受事。減耗五之一。時漕耗至三十。多饋貴官。餘率飽吏
藁。公設監收。揭示斛輸。耗二升。借僚屬者。正封識。圭撮無得
持出。吏憚。而貴官家亦罔敢異議。公座主姜公。邑少宗伯
徐公。門下士也。徐族子逋賦。又坐它事。公捕之急。斬走。區公
手印。詣宗伯第。抗言有官守者。不得其官。今日請棄官歸宗
伯。亟誠族子出。予巨杖。迺止。邑胥曰。公於徐氏。且爾。它豈肯
融法哉。民訟。率五日。歲訊。無少淹。編審。吏密啟前例。里斂銀
五千兩。官擇吏分局。書故冊。貯銀什八。它瑣細。勿與知。公曰。
是又以前令。餌我也。按里。徧名糧戶。序立堂下。覈有田無糧
者。准自首。無田有糧者。覈結。免。浹四十晝夜。冊胥具。犁然罔

存硯樓集卷十四 碑誌

九

杪忽譎舛。邑東蠡山。茅山麓。水激田陷。糧如故。公做均賦。均
徭法。概免之。邑胥頌曰。百年來。令君不愛錢者。間有之。未見
有明決無毫芒滯。實克便民。如唐公者。而公之政。聲遂。縣。鄉。
劫。邑起矣。壬辰六月。陟主事。有嫗。偕數千人。走。送。獨伏桑下。
慟不輟。迺嘗訟婦。而婦被公諄戒。訖以孝聞者也。甲午二月。
銓注工部屯田司。辦西師。裘帽。暨輓糧。駝鞍。屨工。輒集。監督
兩密。免商肆。囊。悞。浚溝。又免官基。增稅。乙未。分考禮部。試中
式。十有七人。偕辛卯。測分考。晉稱允。是年十月。遷選戶科。給
事中。丙申。站班。賜松花硯。丁酉。堂登。聞鼓。尋陟掌印。甄別。選
郎等五人。時議開馬。例。戶曹。缺主。勢張甚。山西司沈天生。偕
竣。銓知縣。向珣。謀。珣。糾黨。呈請。捐胥。囊。人子。譴言。家畜。馬。羸。

甚富而有力者。反被劫。羸珣。欲。迺許。改馬。又必珣。辦。迺收。評
價一匹。至銀七十五兩。駝倍之。而珣。輸馬。價。實未克。逮。什二
三也。已亥三月。珣。憚。公。居。言。路。遣。客。乘。間。利。昭。公。正。色。叱
之。會。河南。司。金。秀。章。潛。詣。山西。司。署。攘。捐。馬。檔。案。公。偕。珣。天
生。等。疊。疏。參。胥。論。如。律。巨。猾。震。懾。而。公。之。整。齊。憲。紀。董。督。軍
民。遂。繇。此。基。矣。是。秋。九。月。求。謁。回。鑾。溫。旨。慰。勗。甚。至。尋
特。旨。內。陞。辛。丑。春。授。鴻。臚。卿。創。教。習。序。班。廳。鏡。碑。以。紀。壬。寅
六月。轉。奉。天。府。丞。學。政。克。飭。疏。增。滿。州。蒙。古。額。四。名。漢。軍。二
名。十二。月。

聖祖上賓向闕哀慟嗣

世宗御極十二月陟大理寺少卿雍正元年癸卯二月遷涖

存硯樓集卷十四 碑誌

十

寺公初知縣事。雅諳刑律。至是。彌。研。釋。例。比。覈。漢。廷。尉。決。事
駁。事。唐。式。本。統。類。之。精。義。條。奏。胥。發。律。例。館。多。議。行。甲。辰。二
月。
命。從。耕。籍。田。尋。以。奏。事。賜。文。貂。二。鏡。墨。二。又。以。奏。事。賜。荔。支。
而。公。之。祇。承。殊。眷。獲。班。八。座。大。臣。右。者。始。此。矣。七。月。陟。太。僕
寺。卿。寺。址。隘。不。容。駟。疏。請。移。署。又。主。簿。裁。缺。文。案。罔。轄。請。授
筆。帖。式。為。主。簿。庶。馬。政。掌。故。無。至。放。失。是。日。獲。命。旨。旋。撥
玉。河。橋。東。城。官。屋。改。建。寺。署。焉。乙。巳。九。月。陟。宗。人。府。丞。丙。午
正月。命。偕。選。司。馬。公。運。通。州。倉。米。七。萬。五。千。石。請。津。門
賑。濟。五。月。又。命。往。盛。京。偕。少。宰。查。公。讞。副。都。御史。永。福。部
私。獲。暨。那。丹。珠。案。色。聽。辭。析。律。擬。有。差。是。時。察。典。自。陳。獲。供。

職命洎九月九日傲柏梁體聯句用續

聖祖壬戌極盛事而以公之不列班行也 特命大學士張

公代賦焉十月陟禮部左侍郎 特賜乘馬入朝是日奏移

經版庫獲允除日賜福字暨鹿島鯉嘉蔬丁未二月知貢舉

十月總裁武會試合校內外場藝中式百有八人時川撫請

都江堰口二郎神封號公議并及其父李冰獲允廷臣議帽

頂式十月七日公彙奏召進面承 俞旨并賜內府緞二十

二月遂拜都察院左都御史保舉李君紹膺東粵試用借丁

未葉君洪韜試縣事繆君興選館職胥允公初官戶垣鋒稜

矧發洎長南臺總持憲綱繇特疏糾參外它非囂頑不可洗

濯者雅不欲以摺據恣彈射而百察稔公威望亦胥不禁而

存現樓集卷十四 碑誌

十一

肅嘗言正已率物吾所聞於端肅馬公忠介鄒公者憲臣之

道宜爾也儻雷霆日擊則魑魅訖不可窮而威不已衰乎識

者謂公真得副相體已酉六月以足疾寢劇不良於行疏乞

歸奉 旨署直隸總督印務并賜人獲二觔公雅負朝堂望

而尤請吏事至輒迎刃解縷析節節凡山陬海澨堪疾苦

胥鈎校悉之而賑州縣災傷尤近牒未上先覈酌勤血繕摺

立奏雖不成災亦必率僚屬捐貲給糧附報秋成摺彙奏它

若雨雪陰霽斂獲贏歉或河流衝激地多積水亦必纖悉奏

聞以故惠賑亟頒而窮氓無至失業者胥公力也隆平縣藉

田產瑞禾三十三本公停進獻飭貯先農壇踈八月秋成摺

附奏 殊批曰深慰朕懷并賜鮮荔支一盞賚到乃十有五

日也爰分給文武僚屬俾胥識嶠南珍珠焉公雅習勞勩事

巨細擘畫不少輟九月二十九日摺奏直隸墩汛 殊批曰

好又奉 殊批曰昨張燦到京備奏朕深為惻然於衷卿自

履任以來一切事辦理公勤凡有奏對甚屬誠敬明悉朕甚

嘉之但當節無益之勞精神不必施於瑣屑案件當就綱領

辦理朕因不得其人用卿與此繁任今特遣冀棟來商酌藥

餌可加意養攝以慰朕念 尋 特賜次子少游舉人借試禮

部十月九日宗丞冀公至宣 諭并賚賜人獲二觔公伏讀

感泣不能起謝摺上 又 殊批曰覽卿奏謝矣遵旨竭力擗

節調攝可也洎冀公歸摺謝賜三奉 殊批曰覽卿奏謝矣

遵前旨愛養精神量力辦理事務加意調攝若有用冀棟樹

存現樓集卷十四 碑誌

十二

酌方藥處即便奏聞保定咫尺可再命來也此雖家人父子

尚不克護息丁寧若此而實符於古之所謂明良相遇千載

一時者也永平理事同知明亮啓熱河稅務辭及司憲三公

命公密覈并覈同知陳肇奎公覆奏曰此項稅銀向牌頭陳

國瑞等私收侵餉經前任同知葛森始請設立牙行酌定稅

課暨接任洪通明亮等俱解銀一千六百五十一兩有奇至

陳肇奎請以四千兩為定額又給八溝街等七所帖以五百

兩為贏餘今明亮奏稱若熱河稅銀儘收儘解實可收銀五

六千兩又稱若榜什營三岔等一并征收可婉張家口二萬

兩然商稅原無一定如年歲豐稔糧食絡繹進口則四千五

百兩外實有贏餘如遇歉收則債物稀少正額尚恐不足故

止以四千五百兩為折中定額其所稱榜什營即巴克什營也是往來出入之區原貿易地况距熱河止一百八十餘里熱河既已收其落地稅而榜什營又抽其進路鈔銀恐商賈裹足不前或致正稅缺額非經久計也至所稱牙行陳金玉即私侵稅務陳國瑞改名充認向為陳肇奎斥革恐被逐不故飾張大之辭以遂報復之計但熱河旂民雜處商賈貿易俱為蒙古往來陳肇奎閩人于蒙古語清字文茫然不解人地實不相宜熱河稅務似應仍徵四千五百兩調陳肇奎歸內地遴選滿州誠實人員令儘收儘解俟一二年內權其多寡以為定額 硃批甚為得當稅不增而司憲事亦寢歲杪懇請陛見 硃批允初春御園候 旨尋復賜福字庚戌

存視樓集卷十四碑誌

十四

正月三日 特遣提塘迎公十三日公接 駕圓明園外蒙垂問仍給二小內侍扶進官門賜坐慰問良久奏對胥稱 旨至十七日始歸京邸回密雲城外白河夏秋水漲猝逼西城昔築石子裘廣堤以護城復築土堤沙堤木壩以護石堤而河流湍駛衝刷寔盡知縣事吳君瑛詳請修築前霸昌道張公慶會議曰築壩堵河非一勞永逸計請於河西蘇李家莊至師家莊別疏新河一道蘇北口直趨南口水勢獲洩可無泛濫奉 諭古壩支河不可畸廢令公覈奏公檄霸昌道李公如梓知大名府章公培基往勘詳曰李家莊師家莊地勢高河身三丈有奇若開挖新河重費工力更須多築堤壩堵塞舊河東口方可引順流之水歸入新河而應築堤壩

地又直迎正衝勢難豎立即舊築土堤沙堤木壩俱橫攔急湍山水奔騰直下與壩相激旋築旋衝徒糜厚費詳察河形上有土嘴以迎水性下有堤壩以遏水勢是以泛濫瀾漫驟難洩瀉議請挑去土嘴寬讓河身使水暢流直趨南下并請貼近河身別築堅厚土堤一道以帮石堤堤根用榆圍載石以固基址務使石堤堅好則城垣鞏固近歲被衝堤壩亦無庸更議修築矣公曰順水之性事易功倍如梓德基議是也具奏上 硃批甚屬協當且令水發前歲工檀城獲完而順媽儒易間役不告勞焉公又以密雲城浸塌令如梓確佑并奏亦獲 俞旨公少罹閔凶雅習襄文公耐清苦訓嘗曰輟木扉作榻寒不附熱暑不揮箑雨不張蓋此襄文公之遺範也勤儉則能節用節用則不妄取此襄文公羣從雞澤公之遺訓也是歲四月例給養廉銀二萬兩公會計公用暨院署羸服糶食費少支券它番貯承宣庫先後摺報凡一萬五千兩有奇七月詣易州周閱泰寧山天平峪尋晉秩兵部尚書漳永定漳沱滏洛諸河時積雨猝漲數澤胥溢公檄諸屬亟相地勢堵捍議疏鑿而先給銀勤郵苗氓摺上 命刑部侍郎牧公可登等四人齎帑并發倉穀賑賑口給三月糧公覈諸州縣有論及而水業寢消者有開載不克盡而田廬實溼者請救賑使勘實通辦又慮愚氓飢則亟食飽則恣費至沮寒且無所稱貸酌先給其半餘俟冬春散給摺胥允行九月十五日部檄 畿輔暨齊晉豫雇贏五百斛肅州晚軍糧公

存視樓集卷十四碑誌

十四

數雇費厚。酌議不若買贏五百。擇幹辦人。循塗收養。解詣肅。其費既減於雇。而淹速惟我。肅回肅。即雷光巴爾坤輪輓。用。又可不需購買。後訖從公議。十二月賜柑橘。上諭直隸寄。莊寄糧之弊。公奏曰。任土作貢。必須按地征糧。則經界可清。而賦役始無淆混。使地居此處。糧寄彼處。則相隔既遠。稽察誠難。今查除宣化府屬之懷安宣化萬全順天府屬之寶坻豐潤三河等縣。寄莊寄糧業已欽奉。上諭指示外。它如晉州之武邱邨孔目莊趙州之馬圈邨有地畝坐落晉趙二州。而完糧俱在真定府贊皇縣。又宣化蔚縣之夾道溝細賢莊有地畝坐落蔚縣。而完糧仍在宣化縣。又宣化縣之井頭莊地畝坐落宣化。而完糧乃在西寧。官有追呼之勞。民多跋涉。

存視樓集卷十四

五

之苦。所當欽遵。諭旨亟為更除改正。復細體。上諭推廣。思維。國朝定鼎之初。將畿輔五百里內民地。圈給從龍將士。而撥別邑地畝補給被圈之民。每年被圈州縣將該戶應完之糧。應收之租。造冊關送受撥州縣催徵移解。散給戶民完糧贍家。名曰代徵。其始非不甚善。迨因收租不便。有將地畝轉賣與原撥州縣者。亦有移居就耕者。其被圈州縣固已難於催徵。即地畝未賣。地戶未移。糧額在圈地之區。而佃租戶在撥補之境。拘比則隔屬不便。關催則往返徒勞。積欠未清。官民交累。是亦地寄此處。糧寄彼處。均宜亟為釐剔。請將遵奉。上諭州縣。及現今查出州縣。並通飭各屬詳查。續有查出凡地在此處。而糧寄他處者。均飭令地畝坐落州縣。

照其應納之糧。編入本邑。此增彼除。務令糧隨產轉。不使彼此交錯。其代徵地畝。除被圈士民已將撥補之地。賣與原撥州縣并移居就耕。則是人地皆不在於本境。虛懸戶糧。征比為難。今將此項糧額。悉編入撥地州縣。此收彼除。無庸復存代徵之名。其有地未賣出。并不移居。就耕者。查近今地方多有入官田畝。應請飭令各州縣按租銀多寡。如數撥補被圈之民。令其就近耕佃。收租完糧。如無入官田畝。及雖有而不。足抵給者。應將現田抵給。埃復有入官地畝。陸續抵補。惟是未經抵補以前。征糧者有路遠之難。寄地者有抗頑之弊。被圈地方官以催征未免忝處。情實屈抑。應請先將此項錢糧。竟歸撥地州縣編入糧額。就近征租。扣除完糧外。餘則移解。

存視樓集卷十四

六

受補州縣。散給本戶。埃有入官地畝抵補。再行改額。則責成既專。催征亦易。但恐州縣或以餘租。非比糧銀。不復上緊征解。則受補士民不沾實惠。相應照依地丁錢糧之法。考核奏銷。儻有怠征。照例處分。再民間饒裕之家。每有置買別邑地畝。亦屬寄莊。此則地糧俱在一處。無庸更正改額。請嗣後令經征州縣於開征之始。將此等寄莊人戶開明地糧確額。移送現居州縣。出示催輸。或有抗欠。該州縣移提查比。儻狗庇不發。許經征州縣詳報。該管上司轉揭嚴緝。如此。則經界各正田賦悉清。舉凡寄莊寄糧之弊。可以剔除矣。時部檄嚴直省議久未上。公以代徵緣圈地直隸官民積年繁滋甚。辛亥二月三日奏上。亟牒咨先議行。而部未覆。此公寢病危懼之。

所尤拳拳者也。直隸驛站馬額設雜支歲開銷銀以錢計以兩計有差大率浮多至十兩蓋驛站衝儼前後殊勢而奸胥占恣故額不肯改公懲詭辭吏覈實疏請馬一匹歲銷雜支銀三兩六錢著經制額諸屬協濟馬康熙癸酉撥餉遞馬百二十四協濟昌平延慶宣化至乙未正站中又設腰站撥餉遞馬八百一十四分隸正站腰站牧養費不克騰胥檄責轄驛遞州縣公請改隸昌平延慶宣化新增馬令受協州縣牧養又覈雍正丙午裁汰夫馬工料暨裁僻遞馬工料缺凡二千八十兩有奇以償協濟費俾受協者無至誤差出協者無至賠墊部覆獲允直隸耗羨至雍正乙巳籍公用而癸卯甲辰耗羨州縣亟請免院司嘗批抵批免後多勒賠至庚戌著

存視樓集卷四 碑誌

七

例查奏無敢上請者公疏請獲宥先是疏具藁衆多難之公曰此甚易曉清查嚴限批免著賠胥在查奏恩旨前况批免追賠直隸事也查奏且匪直省今請追者在直言直斷恩出自上爾果獲如公言直隸民貸米穀霸州文安七州縣通米二萬一千六百九十五石有奇穀一萬六千四百三石有奇三十載不克償公曰此人產胥絕者也若按限參處承追官恐多株連况實民欠非侵那虧空也若按急征律勒追賠則數百家子孫胥當羈比矣疏請豁獲予免徵二月二十日欽賜御書恪恭首收區恭設聽事紀鎮定范陽盧龍橫海山後數千里會府恩榮而自書鑲石於左隅以識警勗焉是時亟承褒錫而體日益羸固乞骸骨奉旨以兵部尚書

京養病九月杪謝事壬子正月扶服入見賜歸第調攝二月復諭冀公棟勸視疾七月疾少瘳賜鮮荔一盃八月二日特旨曰刑部尚書事著唐執玉管理伊步履維艱不必勉強入朝或在衙門或在寓所悉心看養指示司官務期刑名妥協欽此會秋審公力疾視事又奉旨於本衙門定案凡大臣意見異同欲商確者令司官送閱不必至端門會審此惟古之師傅元臣暨平章軍國重事者間獲優賢佚老命而公繇始迄終之恩遇何其盛也公時業病劇猶日味爽詣署脯始歸或昏暮手疑難巨案歸燃燭研定而迄冬臘十一日遂不克復詣署矣癸丑正月命再署督篆協辦顧公送題奏藁巨案目猶數行下間奉旨詰問顧公暨承宣王公初不

存視樓集卷四 碑誌

六

逮公也公感咤兩泣九叩寢榻謝而病繇此彌棘矣遺命治棺無越三十金喪葬胥從儉薄而泣敘少孤寡迫狀口授仲子少游書之又口授遺本錄藁釋定以殫垂歿無忘忠敬之義又命無受賻至三月十六日卯薨於位距生康熙己酉三月十三日年六十五顧公借僚屬入冢檢篋無一物曰是且日葬於陽湖黃塘祖塋側之阡蓋嘗謂戶版至廣職員繁賜祭葬復允支承宣庫銀乃克治窀穸具以甲寅二月十二日葬於陽湖黃塘祖塋側之阡蓋嘗謂戶版至廣職員繁惟公裁機釐務傑才邁軼以前代名臣論則馬中令之會文切里岑中令之籌不費手戴參預之律意豪析姚紫微之須臾裁決以唐氏系牒論則唐民部之才優符檄唐吏部之囚

不言冤。唐質肅之奏劄鯁峭。唐文襄之執正大。獮公實克兼具之。而膺畢公大名之封。綜蘇公南陽之秩。以建牧作伯。首列藩維。威重臣良。有以也。公克順父母。指事兄無間言。收族戚。俾散而復克聚。病且革。諄命襄文公。賜坐。擴飲福楹。字而語不少及私。昔襄文泛黃田海。汎渡劉河口。抵蛟門外洋。一晝夜。且行千里。病革。猶巡行瀕海。執管放賑。然則武選署考工。署司諫。署工文。禹門之所講肄。固非專在文章。太常公輔世編亦克闡文武。左右儒稗編。維公上纘祖武。以樹偉望。于泰交極盛世。異數曠典。超越今古。議者恆推公翊贊首庸。而彌以頌。

存碑樓三集卷十四碑誌

九

聖祖世宗知人善任之明也。公官大理。誥授中憲大夫。洎以兵刑尚書署直督。晉秩。紀錄。二。特贈光祿大夫。配楊氏。有婦德。歸公一歲。生子孝本而歿。贈恭人。埃馳贈一品夫人。子三。孝本。庚子舉人。知福建同安縣。擢同知漳州府事。轄南勝。克纘公政績。少游已酉。欽賜舉人。埃銓知縣事。扶公匱以毀卒於德州。行健早卒。女三。埃銓同知州事。黃多錫。六館生。莊模正其僭也。孫敦。懋。敦仁。敦化。敦裕。曾孫超。曾。昔漢陽內閣學士張公嘗狀公行。予爰文其神道之麗。牲碑而系之以銘曰。
顯允唐公。百僚之則。銓宰澗右。祖訓是式。屯曹迺陟。左掖迺升。臚句迺掌。留轄迺膺。棘寺迺飲。同寺迺試。宗正迺倅。宗伯迺貳。

帝曰俞哉。南臺汝諧。帝曰俞哉。畿輔汝諧。迺晉司馬。載枋邦政。迺兼司寇。載典邦禁。再泣畿輔。載綏兆民。墓道載懷。二聖克明。

存碑樓三集卷十四碑誌

二十

江西提刑按察使司分巡贛南道人也章公墓誌銘

越州山水清勝古號為競秀爭流而磊瑛琦之士鍾毓滋
衍蓋繇朱育會稽記虞預會稽典錄謝承會稽先賢傳暨賀
氏先賢傳像讚鍾離岫會稽後賢傳其著錄滋詳而趙楊皇
甫氏之吳越春秋削繁傳記暨吳越國寶大以後諸編不與
焉 國家淳化覃敷英彥奮起東南之美固匪直竹箭而會
稽道墟章氏才雋滋繁若予所聞江西提刑按察使司分巡
贛南道副使人也章公此其為磊瑛琦士而雅宜詳書於
朱虞謝賀鍾離氏之編者乎公名履成字慧臣人也其號姓
苑系太公之裔封于鄆遂氏焉五代閩時大傅公仔鈞刺建
州二將後期當斬夫人練氏請釋之公卒二將從南唐軍破

存碑樓三集卷十四碑誌

主

建寧斬穢城時夫人畱城中遺之旅植門以免夫人返其旂
曰將軍知報德當宥此一城民不爾吾不忍獨生二將從之
迄今號全城太傅子十有五人多秩宰執侍從而家浦城者
尤顯九傳而至學士公練甲科第一仕至戶部員外郎陝西
都轉運使龍圖閣學士始徙越山陰蘭亭街又七傳至添十
九公彥武復徙會稽王港來孫損巷公元至正間避吳國江
南行省徵洎明太祖繇寧越過其地歎曰此有道之墟也迄
今聚族羸萬邑里胥號道墟章氏公五世祖美中嘉靖辛丑
進士工部都水司郎中推蕪湖關稅先期額贏輒罷權者匝
四月曾祖光祖知江寧縣有惠政祖明達瑛銓注同知州事
顯考程以厚德聞邑里贈中憲大夫雲南元江知府復贈奉

直大夫戶部陝西清吏司郎中妣某氏封太恭人公少有巨

人志中憲公暨太恭人深器之性抗慨名動公卿間其仕也
蓋繇康熙庚申後始銓注知四川雅州榮經縣外艱闋復知
河南開封府太康縣尋擢知山東濟南府泰安州覃恩封奉
直大夫晉級一擢知江南徽州府內艱闋復知雲南大理府
調元江晉封中憲大夫復晉級一擢直隸道承道副使尋改
大名道胥不逮蒞職戊戌改江西贛南道蓋勲秩籍於吏部
南曹者且寢四十年而遽以雪冤獄罷公之始蒞榮經也嘗
吳逆初熸望胥荆榛公昕夕撫凋瘵不少輟而滇黔遺孽尚
厯伏朝命勇畧將軍趙公良棟奮威將軍王公進保分道進
討奮威將軍繇建昌入北距雅州百里有奇勇畧將軍繇威

存碑樓三集卷十四碑誌

主

寧入取道雅州時將軍久駐陝之徽州期它部兵會發亟檄
雅州備軍食而經歲不至州牧徂于前牒不少待積一日倏
引滿漢兵六萬至督糧使暨州牧胥駭避中丞杭公亦勿遽
甚廉公才亟檄攝州篆許以從宜將軍雅與中丞隙又詎知
蜀廩匱斷用乏軍興坐之乃大張戈纛甲士羅庭箭檄公詣
帳詰其實公對曰謹如檄將軍怒曰若見吾敕書乎文官三
品以下得軍法從事若不畏死耶勒促艸軍食狀公立書呈
之將軍視左右而嘻內斬威攝公會斬犯令兩卒輒昇公持
出和門以御公如令入覆色不少變將軍復顧左右咋舌曰
文吏中迺得此人內奇之而稔知雅州廩尤匱遽令牙將持
糧牒萬紙至期一晝夜集州署媼黨胥環泣公麾去亟帥州

錄事夜貸于鄉度訖不克卒給而川南道待奮威將軍糧差可淹一二日廼疾馳百里外義乞之培鎖廓門畢運載諸役順流下至期而集州民驩呼將軍大喜曰君信克欣佐吾辦賊師遂發命隨營南行百里坐帳下而勞之食泊歸則奮威將軍糧亦胥集杭公暨承宣劉公頓首謝特疏舉任建昌道雖格于部議而公繇此才諳懋著寢達中朝免太和殿肇工購材于蜀公以幹才遴借朝使往度密箚巉壁不少憚顧金圍業難符格而驅萬牛且莫克達泣請于中丞中丞奏免獲允時議令四蜀度地徵賦公從容言蜀民新脫兵燹瘡痍未起宜少紓其力今若急股之以賦恐所傷滋多議獲寢蓋公涖蜀凡七年其知泰安也州當南北之衝盜多以藥薰商

存記樓二集卷十四碑誌

三

旅顛越而取其貨公批根痛治之廼息州為旗人逋逃藪事發多株連公許自首以寬窩主鄰右之罪逃人廼絕故事州民漕運米東平水次津費溢于正賦車輓勤甚公改官運著為令審丁痛革賣富差貧弊里書束手丁丑戊寅州薦飢公白中丞請賑不許廼倣齊黔教法為食於路以待飢者益發米千石以濟新泰長清萊蕪蒙陰諸隣封就食氓全活者數十萬御史陽城張公泰交使過其地而嘉之遂以災荒入告朝廷遣官散賑中丞大恚艸疏誣劾公甫就而中丞譴罷民胥以手加額稱快事蓋公涖泰安且越十年其知徽州府也甫三月而事胥理至其知大理簡節踈目疆以戎索歲飢米石錢四千發粟減直全活者數萬知元江地南錯交趾多蠻

殺公曲諭之麼些蒙蒲俗寢革除民塘兵役關道減直售米監金銀銅錫鑛攝糧儲道驛鹽道篆事胥理蓋公涖滇再任凡十有三年而勳秩日晉尤克以靜鎮物中朝胥以制撫鈞樞斬之洎其移贛南道也故事循明軍門控制蠻越例不親民事公歎曰銜署分巡之謂何時民有冤獄眾環聚而譟于門公力申雪而守吏懼臯逮已深文致之公竟罪而獄訖不克直公家狀曰寧棄官以全民毋充位以誣民有味哉其言之也此所謂磊瑯瑰琦士而雅宜詳書于會稽典錄傳記之諸編者乎公性孝友太恭人色少不愉輒長跪榻前達旦內外艱毀甚仲弟文鑽光祿鴻臚寺少卿嘗病公泣禱斬減年以益弟叔弟文鉞埃銓注通府先卒撫弟子如子遇族黨雅

存記樓二集卷十四碑誌

三

有恩意環道墟數十里邨聚胥擬唐章全益氏此亦宜並書公配唐氏繼邵氏胥封恭人又娶祝氏封宜人胥有婦德子二伯廷珪邵出知山西平陽府事仲廷堦祝出前福建汀漳道今署汀州府事胥克纘武以彌展公雅志女二茂才龔祖嘉文學陳昉其胥也胥唐出孫七長應煌六館生次應燧應焯應燮應煥應輝應耀胥以才著孫女四曾孫一正梧而平陽汀漳二公暨孫娶若聘女暨孫女適若字胥冠蓋甲族也公卒于雍正甲辰夏六月九日距生順治乙酉年八十某月日窆于其縣某之阡子謹按章氏孫奉陳後至太傅公而望彌華顯宋三平章副樞叅政之勳階衡援暨學士公之高科望之表民之遂學雄詞侍御之峻節明中丞大理少宗伯大

宗伯之勳閎清標。孟山仲山大刀峩山之文藝。冊帙不勝。至繇建安徙越。則都水公暨都諫公清德尤焯著。而公用雋才偉畧武之。世望彌以克振。昔宋浦城楊文公祖妣實出駕部章氏。嘗賦疊律贈平章文簡公宰歸化。曰于公陰德知終。大萬石家風喜不衰。又曰執手勉君勤素業。歸來更直鳳凰池。今平陽汀漳二公當益纘平章樞密武。而文簡公繇學士陟東府侍御。望埒永嘉崇安。明大宗伯文懿公尤以醇儒稱。此胥公文孫所憲法。請以楊文公律爲石匱鑑水之寶符可也。予謹誌公墓。并爲之銘。其辭曰。

維原每每。維川訂訂。維顧南公。允文允武。言儀威鳳。言馴贊虎。以藩以宣。無斃無射。言歲窳窳。于茲吉土。子孫宜之。克昌克舉。爰銘庸勳。式昭終古。以炳苗山。秀靈之府。

存視樓二集卷一四碑誌

五

諭德魏一齋先生墓誌銘

康熙乙卯先君子銓知山西清源縣。同考布政司試。得肆禮士四。高平澉洋牛先生。介休李先生。清源王先生。其一蔚州諭德魏一齋先生。刑部尚書敏果公家子也。敏果公時任戶部侍郎。清望蓋天下。洎先生來謁縣署。丰格玉燭。雅談紛屬。先君子喜甚。命大文日侑餐。而亟駕語同官曰。僕雅不謬知人。已未澉洋先生中禮部試。先君子謝博學鴻儒試。秋引疾歸。壬戌先生年二十有六。繼中式成進士。癸亥先君子卽世。先生爲位暨文而哭之慟。是冬試內閣辦事中書舍人。甲子侍敏果公歸里。日宿寒松堂。佐緝儒宗錄。知言錄。庸言凡數十卷。不復有赴銓意。洎癸未。

存視樓二集卷十四碑誌

五

天子西巡。先生例迎道左。詔改翰林院檢討。旋晉詹事府右春坊右諭德。兼翰林院修撰。是時李先生正代州學。澉洋先生銓知廣西灌陽縣。王先生繼知山東臨淄。無何澉洋先生卒於灌陽。李先生卒于代。王先生亦以耄疾罷。獨先生里居。十有四年。至是而年猶未耆。家世清嚴。班行屬目。旋總裁歷朝詩館。勤其業。乙酉主貴州布政司試。甫復命。詔提督江南學政。丙戌禮部試復特命同考。偕黔省胥稱得士。復詔充端敬講官。當是時。先生四年侍從。三命司衡。而寒松之思。雅未嘗一日少釋也。洎涖江南。振淹滯。蒐才畧。斯夕無停晷。又三年而鬚髮胥白。大文倦游歸。間用諸生禮謁。把卮道歲。月暨牛李于三先生遊從之雅。條已三十四年矣。輒爲慨然。

者久之已丑先生以劉太宜人憂歸壬辰冬大文入都時先生需次於李氏園復獲祇謁乙未春歸亟詣園別先生曰僕業決歸休計恐不復把晤是秋寄示魏家泉記憶泉詩暨十對詞蓋年五十有九歲矣戊戌大文復入都再謁先生而先生歸歸而久不復至都庚子先生次子繹中布政司試式辛未來試禮部而大文遽聞先生病病而繹遠歸而先生病業以革且不復寤矣嗟乎五十年師友相知之誼一旦捨訣而先生子董煊暨繹專使新誌先生墓大文奚忍辭謹按狀先生諱學誠字無偽號一齋世居蔚州之邢家莊後徙於城會祖祖胥誥贈資德大夫刑部尚書考象樞敏果公也順治丙戌進士事真國史妣李氏封夫人生母劉氏封太宜人先生

存視樓集卷四碑誌

毛

生而警穎七歲工詩博覽強識誨弟學讓學謙學謚學誦胥有師法學讓學謚胥中布政司使式學謚知貴池縣學誦佩於州學娶賈氏甲午舉人知渭南縣時泰女卒贈宜人繼封宜人賈氏即前宜人妹也副室門氏盧氏子五人董煊子學謙子而序諸長繹中鄉試式者也素大同府學生潔附附學生綏女一人適府附學生李若霖孫六人松封松濤松筠松年松林松貞先生生順治乙酉九月二十六日卒今辛丑二月十一日年六十五歲以五月十二日葬於州南逢駕嶺敏果公賜塋之左前宜人合祔焉先生勇于義好拯人之急嘗請蔚州廣昌改本色為折色獲允力拒弁丁園田土事獲釋倡堤環郭壺流河而水不為暴里人胥德焉其事敏果公也

當公掌西臺百僚震悚先生實飲之公晉大司寇日研獄詞誦案牘以埃公之裁折故先生雖用文儒進而雅諳吏才公巡按直隸先生策衛以從時啓委巷間情偽嘗直知柏鄉縣邵公嗣堯於獄其事尤偉公出或袖金玉器玩突排戶置案上直累千金先生亟擲戶外曰而何人敢玷吾家案語尤聞士大夫間嘗語董煊素曰敏果公奏疏雖祇溫室之戒然藁木胥出吾手當時有科不抄部不知而閱機務尤鉅者他日當為而曹語然則先生之所以推大議剖大疑以飲公汲宋之列而益章

存視樓集卷四碑誌

毛

聖天子臣隣弼直之義於千萬禩者其識益遠矣大文既次先君子知先生之顛末而復述先生之所以飲敏果公者并系以銘辭曰

黃瓜之堆未雀之臺壺流載涌逢駕載聳若有人兮震披颺擬水曲山支以昌其詩

聚微張君墓誌銘

滇自元中葉劉宣撫賽典赤平章分符行省文教寔興至明而楊敷學李中丞傅司馬偉人嗣起而石屏古句町地雅標乾陽仙洞異龍曲島之勝山川清淑詰彥尤號林立檢討張公嘗狀其世父候選訓導聚微先生行命子誌之謹按先生姓張氏名德宿聚微其字也一字賢聚號青在上世蜀巴縣人元季明威將軍均德始家滇之石坪明收石坪為石屏州隸臨安府遂為州人均德生天與天與生璣璣生普普生壽官本本子五長歲貢生大純季大綺大綺生雲雲生雲生鄉飲賓汝橋汝橋生某某生歲貢生煜然訓導江西分宜縣學先生曾祖也煜然生一甲崇禎庚辰進士積官至太僕寺少

存記樓三集卷十四碑誌

无

卿先生祖也一甲子三長皇朝歲貢生良佐訓導曲靖府南寧縣學先生父也先是大僕宦燕時同年通州魏殿學書五世一堂以賀比歸而先生生速鄉飲賓存滇人士胥傳衣冠家盛事先生少篤懃嗜讀書太僕奇愛之而分宜誨子孫曾孫三世尤肅學胥有成癸卯先生籍州博士弟子員尋食祿比歲癸未而序貢埃銓注訓導時年五十有九矣先是大僕仲叔子繼卒先生贊南寧力紀家政凡四十餘年戊寅偕二弟應序貢試而南寧卒二弟繼卒先生勤撫諸子弟以誨以郵胥無替南寧命繇是檢討公克成進士入翰林檢討子中熊舉于鄉先生長子策亦籍州博士弟子員張氏今號滇南甲族而太僕緒業且寢墜而復以不振先生力也昔漢

葉榆張叔始受經於司馬相如歸教其鄉子弟唐張志成始傳六詔書法明張孝廉含詩尤清麗雅與中夏麾壘相當今先生又以文而克肅紀政于一家而上纘太僕下開檢討何滇張氏之多賢也吾且過石坪三島而問之先生娶楊氏繼史氏子三策葬羅女適歲貢生楊漢卒于庚子十月三日年七十有六策等將以某月日殯於州之原楊孺人耐銘曰倚與先生恢太僕之業行明威之裔子嘗肅誦檢討公狀曰微府君家且不續而某亦無以嗣其系慨然大息謹銘淳行尚俾秀山通海肆禮士過而以式以勵而抑以大僕萬子孫之引而勿替

存記樓三集卷十四碑誌

三

存硯樓二集卷之十五

宜興儲大文六雅著

門人



碑誌 墓表

武菴楊君墓誌銘

楊子曰人取四重重言重行重貌重好言重則有法行重則有德貌重則有威好重則有觀又曰陽氣勉矜物咸若其心而總其事敷人倫者恒準焉休寧州司馬武菴楊君之為人少而警穎熟義英邁世父虞庠實先君器之而繼母金安人重懼其質之清羸也俾從業虞庠君愀然曰汝重違母命就不入試慎毋廢學君不獲已從業而尤嗜學熟史乘時議

存硯樓二集卷之十五 碑誌

畫古今成敗興替機要雖專門名史學者無以難之此所謂言重則有法者也君生四歲而母方安人卒九歲而父文學堅正公卒咷踊寢絕金安人勤撫之是歲饒寇滋擾奔竄榛箐不少離迺免君長而事金安人尤謹安人有疾嗜潔織曲護攝膳服必恪嘗鳩材築室落成而安人疾卒不克遷慟瘠骨立時語及輒涕不止會 詔旌節孝力達司存迺獲膺烏頭棹楔之典此其事後母殆不後薛苞王祥而金安人匪直不為苞祥母以視古列女傳所書慈母駸駸度越故君子業賢君而尤賢金安人之克為後母儀矩也君祖大賓公齒尤高君克孝養膳茗匪嘗嚙不敢進大賓公嘗曰儀祖達大體推事輒符吾指吾獲稱逸老矣大賓公出入匪君扶侍左

右不嫌泊彌留訣曰汝善承吾指略不較釐秒絲髮吾聞約

己者有後汝其當之君承大賓命析貲產辭多受少辭敬受惡時損已以益它子姓嘗庭誨曰吾見竭蹶為子孫計今多墟矣人詎必富而多財惟勤儉忠厚迺克長世若輩志之君不克養文學公而肖慕尤擊庚子夏疾歎曰吾不痛死而痛先人大事之不獲辦也尋差力戴窀穸事又請馳司馬封焚黃慕道甲辰冬卜大賓公暨金安人之吉而疾不克歲事泊棘猶執指重痛之君器量逾常人嘗買宅券業書矣有斷據者輒讓之尤嗜施賑外家邑方氏產落多所欲借事外祖母尤恪遇金安人家亦類之妻父朱君岐夔早卒妻母余繁守力贊承祧畫又贊請旌於司存獲表宅里遇臧獲有恩不受

存硯樓二集卷之十五 碑誌

直而遺歸者三故君歿而族婦里黨暨行道人多哭失聲此所謂行重則有德者也君侍大賓公肅立終日無惰容居家食不羸器衣不呈采尤勤戒子弟毋倣輕薄子美衣媮食態里中少年胥以色莊見憚里有公事推為鄉祭酒元族黨訟許暨它務輒轉難剖者眾多媿媿君正色欵覈黑白不少滯米鹽閱評聞君片語出輒帖服曰公有言吾屬不妄發矣此所謂貌重則有威者也君之尤嗜讀書也夜漏下二十餘刻率焚鐙哦咀意有微解嗒焉若喪肅賓師尤謹築館於堂之北時月有課見曹輩講學肄文輒喜弟暨兄弟之子試而獲雋輒指數前輩卑羈績學後復弁承宣禮部試暨策試者以勤丁酉伯子日光列博士弟子壬寅叔子日春復籍郡校君

徐誨曰士詎以科名重然科名不甘下人始雅符當仁不讓指若輩勗之此所謂好重則有觀者也揚子又曰經則有南有北緯則有西有東天地經緯人實師焉而君尤揭其靈關自虞庠之卒金陵試也迺不復事科舉承大賓公命涉吳制締畫予邑暨金陵宛陵青弋江瀨水間權羸虛時消息晚而宿業於姑熟所至率與名彥頌德游英譽颺起而大賓暨昆季族姓諸務輻輳歸君綜析不少謬誤以彌鞏芳溪板橋之望此所謂陽氣勉務實經緯天地之宜以俾物咸若其心而克總其事者也君名儀祖字子文晚而號忒菴嘗籍國子監為六館高才生 敕授儒林郎候選州同知生於丙午九月四日之寅卒於乙巳正月二十有二日配湖村朱婦職母儀

存碑樓三集卷五 碑誌

三

克殫厥懿 敕贈安人生於丁未三月十有八日之己卒於丁酉九月五日君暨安人卒時胥同生子五日光休寧縣學生娶溪口汪繼娶迴溪洪日長娶和村吳日秀徽州府學增廣生娶石田汪日春娶花橋吳繼娶溪口汪胥朱安人出日勉娶渠口汪副室其出孫六懋言懋元懋良懋衡懋功懋槐女四二適和村花橋之吳胥朱安人出二適溪口之吳暨汪副室出孫女六楊氏自宋初徙休寧之芳溪代有聞人覈族望者競高芳溪楊氏予嘗志虞庠墓不復書君曾祖士顯縣縣學生籍國學祖祀年卽大賓公也嘗詔頒粟帛徽郡守肅鄉飲大賓父堅正以懋學著銘曰

聿維吉壤問政之西天都之陽維司馬君是安是藏子孫其昌

來倩郭君墓誌銘

康熙甲申乙酉予遊湖南北日夕過從暨達音問者漢陽則有寧友許君尊三勞君孝感則有淳洋陳君長沙則有元朗李君玉友張君長沙之湘潭則有豈石崑石二張君衡陽則有虎止王君席雲宋君邵陽則有能愚王君補占車君桂陽則有來倩郭君迄今十四五年之間而淳洋年最少才最雄出最先卒玉友困諸生侷僚卒郭君辛卯舉於鄉壬辰癸巳會試連報罷客潞涿以卒寧友能愚補占比聞老且病虎止尚健飯豈石戊子舉於鄉元朗以癸巳尊三以丁酉今歲戊戌胥報罷崑石丁酉中副車偕席雲尚斬應諸生試而郭君之卒倏又已五年矣悲夫悲夫當癸巳之會試也聞超然張

存碑樓三集卷五 碑誌

四

君亦報罷時號二遠朋遊勸君盍再奮爰有涿州之行甲午春正月君復至都予訪君宣武外門客邸坐談匝二時迺別別而君復至涿遂病病而就醫藥於都予以邸舍遠闊不復相聞比聞而君已卒時七月之某日也君子思齊等奔喪泣斷予銘歸而以某年某月某日葬君縣之某原君門人朱君能復來速銘君姓郭氏父某母某氏年十六籍於庠二十食餼四十有七而循次貢五十有二而為歲辛卯卒年五十有五娶某氏思齊弟某孫八人君性剛而嗜義嘗以縣籍禮部小學取士隘力請儒學提舉予鄉潘公公聞諸朝報可改中學又請寬徭役於令鹿君暨繕治學胥克有成君嘗語人曰此三者予雅快意事也君少嗜讀書工詩古文辭制義多

至二千餘首應提舉歲科試暨院司州縣試胥第一撫偏沅鄭公專使走千里迓至署談詠彌月潘公嘗歎曰五嶺之秀盡在子矣後君忤令誣案之公咨撫偏沅趙公事卒白君善誘後進弟遠遜胥籍於庠思齊與君同食餼餘胥工文生徒業成者百餘人朱君繼君舉於鄉蓋速子諤銘凡四年君號青來學者稱青來先生來倩其字名遠癸巳會試後都人士所稱二遠者也銘曰

昔君之論文日下也曰小心行以灑氣精理緯以名言欲誦君文文在其中而君復舉元亮陶氏詩以博文之趣曰春水滿四澤夏雲多奇峰嗚呼蓋君所得良深矣子聿書之并附甲乙間遊從諸公爰以志人才之雅難得而重太息於江漢

湘嶠磅礴鬱積之氣之凌空

存視樓集卷五 碑誌

五

戶部郎中地封監察御史碧巢汪君暨配黃宜人墓誌銘

汪氏始析支於姬姓魯成公之仲子生而巢左右手文曰汪爰以命名賜采平陽卒葬潁川城南實晉陳郡陽夏之靖仁里故世諱書潁川侯汪孫誦爰以王父名別為汪氏誦子鏡實載於禮經其裔孫代仕晉周秦漢徙洛又徙長安至三十一世龍驤將軍文和以建安二年南渡江家會稽當吳中郎將賀齊之平山越也開新都郡治始新廼復家始新後五世道獻當晉永昌二年令於歙廼家歙後八世華當唐武德四年籍歙宣杭睦婺饒地以歸於朝授總管六州諸軍事歙州刺史封越國公其勳庸實載於唐史後間徙涇婺源至六十

存視樓集卷五 碑誌

六

一世接當宋初復繇婺源回嶺徙休寧邑治之西後四世迪功郎漢生七子胥有聞於世而平陽系望乃彌高西門汪氏柳塘先生莘嘗上書於朱子繇潭赴講筵之時而朱子深器其言定齋先生一龍嘗佐淮東李制置幕於德祐時者西門裔也至七十八世憲明天順七年恩貢試第一銓判眉州憲孫新南昌衛指揮僉事新生應亨贈承德郎應天府通判應亨生麟萊州府經歷 皇朝贈中大夫麟英生可鎮明季游梧溪鳳凰里愛其風土廼復繇休寧徙潮今嘉興之桐鄉郡延鄉飲大窟行義載嘉興志可鎮生淇行詳嘉興府休寧志兩世胥以碧巢君暨君仲兄紫微貴贈徵仕郎晉贈中憲大夫妣金氏封太孺人晉贈太恭人生子四伯高州通府名衛

紫微舍人名文桂。季司城名文柏。胥以才望顯。而碧巢君叔子也。蓋錄穎川侯迄君。凡八十有五世矣。君名森。字晉賢。碧巢其號。少而警穎。尤嗜學。借紫微司城昕夕。曷曷年十七。丁中憲艱。慟寢絕。而出侍大賓公。強為慰解。壬子年二十。貢入國子監。崑山殿學徐公時任祭酒。激賞季試卷。拔第一。京輦名藉甚。而適歸侍大賓公疾。其卒也。毀瘠彌甚。君嘗承金太恭人誨曰。學宜精進。志宜遠大。迺營碧巢書屋。築棗杼樓。度書萬卷。部次校勘。不輟。出而請益於曹倦圃。王邁人曹顧菴三先生。胥印可。時劇論文章源流利弊。傾倒無遺。繇是君之學日進。聲馳響附。丹霞澹歸大師黃梨洲王玠右朱長孺竹垞潘稼堂呂晚村暨汪鈍翁諸先生。月輒緘札。推藝業。朱黃

存復樓二集卷十五 碑誌

七

甲乙羸篋。玠右先生卒前十日。猶賦詩并札訣別。期以歲寒。俞右吉鹿牀。犀月徐臞菴。周管谷沈藍。邱浦樗岡。率館浮溪。去而亟返。西江彭躬菴。魏冰叔粵。屈翁山。陳元孝。閻余澹。心趙雙白。江南北。宗定九。鄧孝威。肯堂賀拓菴。王惟夏。葉星期。董蒼水。顧迂。各俠君張日容。何仲雲。澗陸冰。修毛稚。黃大可。會侯姜西溟。黃晦求。徐野君。吳孟舉。欽孫。無言。吳蘭次。畢兩稼。汪蛟門。尤悔庵。叔定東山。暨海寓諸名宿士。詩札往復。歲無曠。郵。其造訪華及堂者。趾日疊至。清談雅咏。賤翰紛綸。雖元顧氏玉山草堂倪氏蕭閒。不是過。而桐炳帶水橋。視他壯縣滋盛。君且斬恢衍於范由黃奉。肉里之間。營小方壺。益羅放佚書。借紫微君暨它雋賞士。覈奇鈞輿。不少怠。曰。吾以祇母

誨也。先是通府君性爽邁。署高州。代僚屬償逋數千金。丁卯秋卒。君挈猶子司馬君耀。走嶺瀧六千里。達高興。輒遣司馬君護厥車先歸。而獨留粵。綜畫受代諸務。訖迺歸。金太恭人哀差解。癸酉。選注判桂林府司糧兌。君念紫微君業戀太恭人。養不就銓。命黃恭人并留養。而急裝以行。秋八月。涖任。立償興安修解舍。臨桂供器料費。坊里始紓。是時糧厥圯。捐貲營葺。中建平衡亭。立出納規條十二則。簡而易曉。密而難犯。糧三萬石。輒先期辦。院憲才之。凡滯牘胥檄。訊又檄攝臨桂。永福陽朔象三邑胥理。永福種羅扶養出入率以甲士。從君畫策。勦捕迺鼠竄。又建聞嘯亭於鳳巢山。外示游眺。而陰以備斥堠。烽燧之警。氓始安堵。陽朔歲歉。中丞宛平王公檄啟

存復樓二集卷五 碑誌

八

廣儲倉人賑斗米。一日率發數千石。中丞撥銀糴補什之三。其餘則君捐貲以贏益之。而陽朔氓始不饑。是時衡靖盜竄於苗。詔楚黔粵會剿。制撫檄隨營監紀。君偵渠馬奇三等百餘人。繇靖奔北。復遁生苗。楊灣波浪地。提士卒兼程進。越牛岡丁嶺。伶仃雞心諸峻隘。涉龍勝。鷲灘。徑逼龍坪寨。督永寧營參將李君桂戰且合圍。賊多俘而半逸。山峒迺息。士都乃遣隸密偵。至三冲。見箐茅中。鎗微熒。曰。此賊爪探。可用也。飭令馳報苗頭。而塘報營卒胥備械石。以搗巢。馬三奇勢迫出戰。中石斃。餘胥就縛。君走筆草凱牒。并蠻邦盾墨。以上制撫郊勞。曰。武弁擁鐵騎千百。建功迺屬文士邪。已卯。又檄攝桂林府。府轄東江門。永濟浮橋稅。盡汰耗。以惠商。全州官

道松亘三百里。時多緣颶風。論民補植。而運仆松材新橋。暨五十三橫艘。以抒鹽埠例修之困。商民胥頌。先是桂林多才詰。君建義學。延經師以誨之。雋者滋眾。是秋佐承宣試。遇上尤厚。桂林舊無府志。君延翁山元孝二先生於東粵。勸備靖江掌故。既而不果。迺輯粵西統載一書。紀風土人物。暨耳目親記之。荒杳瑣雋者。以廣鑒錄。虞衡志焉。庚辰遷判太平府。司糧捕。君禁苞苴。斥耗羨。鋟強培弱。鎮南上石間。風采赫然。檄兼攝思明。壬午春。又攝太平府。土司承襲。舊淹三四。君以需賂。君飭吏無少稽。不贏六旬。而茗盈羅陽。羅白之系。牒胥定。二月擢知鄭州。君官西粵十年。前後獲代。民胥環輪。櫂不聽去。比達桂。而金太恭人訃遽至。泣血行喪。闕起補刑。

存碑樓三集卷五 碑誌

九

部山西司員外。詳覈職牘。而要之以矜恕。監督舊太倉。重恤漕卒輦戶。尊擢戶部江西司郎中。癸巳恭遇。覃恩獲贈兩世如其官。而君以積歲勞。神慮浸耗。又雅念華及游集諸君子。知止知足之訓。迺亟乞身以歸。時年六十有一矣。君性敦恪。誨猶子暨詰嗣。給事君肅而有節。嗜賑施。休寧整宗祠。首書若干緡。以倡迺克歲工。桐鄉歲歉議賑。眾胥協復發家困。二百石。迺克贍。當留高州時。守王公業擢督豫學。而六州縣遭糧萬石有奇。君胥代償。民幸脫追呼。守亦以獲代去。桐令蜀劉君卒。子無以飯。母君遺上田三十畝。省大吏胥義之。昭慶戒壇火。飲宜潔律師二百緡。以護四公之學。鹿牀先生卒。君偕紫微君設位於華及堂。聚以詩。復走支。劓治窳。窳訖乃歸。

嘗鈔穎仲黃君文。可大師詩刊之。他工撰述。而無力以刊者。多代為開雕。又刊汪氏先賢方壺水雲詞。方壺柳塘先生樂府也。君手鈔經籍數百卷。雅嗜古鏡。碣摹帖。數體象。尤朗析。聞元明書畫暨古器云回。歛輒詣藏。弄家敬觀。而退。君嘗輯蟲天志名家詞話。又輯粵西詩載文載叢載。其偕友銓次者。鹿牀唐詩正。臞菴國朝詩風。竹垞詞綜。而克牢籠而激滌。之以扶古作者之奧。故所詣尤邃。始刊桐谿三子集。滄歸大師黎州鈍翁序。後有華及堂彙。長孺水修序。續彙。西溟序。其它詩稿吟稿外稿。日紀胥有序。晚而合為小方壺存稿十卷。竹垞序。桐扣詞。菌次序。今稿存。合詩詞十八卷。嗚呼。昔汪氏文辭。尤高鳥聊片石。至宋顯謨學士公文定公水雲先生。元文節公。明則高郵右相弋陽宗伯山陰給事歛縣司馬。胥以文傳世。而國朝南竟東吳望實滋懋。至君拔起。浙右晉而與海寓才士角。其辭淳泐演漾。不為歛石窳蕩之音。而味炙而愈出。吾知近日詩。繇南海新城樂府。繇鹽官荆溪以外。實克力闢一家言。以上躋於浮溪學士大洪司馬之列。而彌永平陽系望。而俎豆之也。當君乞身歸。不預戶外事。築知足軒。獨偕紫微司城君從容談咏。問對客奕。落子聲鏗然。比司城卒。根觸滋感。雍正丙午四月。得末疾。而劇。是日軒前風拔木。五月三日卒。距順治癸巳正月二十九日生。年七十有四。娶居安黃氏。上舍贈石埭教諭振家女。穎仲君妹。始上舍。僑濡須。君就婚。匝月乃偕歸。大賓公歎其賢。洎金太恭人之。

存碑樓三集卷五 碑誌

十

嘗鈔穎仲黃君文。可大師詩刊之。他工撰述。而無力以刊者。多代為開雕。又刊汪氏先賢方壺水雲詞。方壺柳塘先生樂府也。君手鈔經籍數百卷。雅嗜古鏡。碣摹帖。數體象。尤朗析。聞元明書畫暨古器云回。歛輒詣藏。弄家敬觀。而退。君嘗輯蟲天志名家詞話。又輯粵西詩載文載叢載。其偕友銓次者。鹿牀唐詩正。臞菴國朝詩風。竹垞詞綜。而克牢籠而激滌。之以扶古作者之奧。故所詣尤邃。始刊桐谿三子集。滄歸大師黎州鈍翁序。後有華及堂彙。長孺水修序。續彙。西溟序。其它詩稿吟稿外稿。日紀胥有序。晚而合為小方壺存稿十卷。竹垞序。桐扣詞。菌次序。今稿存。合詩詞十八卷。嗚呼。昔汪氏文辭。尤高鳥聊片石。至宋顯謨學士公文定公水雲先生。元文節公。明則高郵右相弋陽宗伯山陰給事歛縣司馬。胥以文傳世。而國朝南竟東吳望實滋懋。至君拔起。浙右晉而與海寓才士角。其辭淳泐演漾。不為歛石窳蕩之音。而味炙而愈出。吾知近日詩。繇南海新城樂府。繇鹽官荆溪以外。實克力闢一家言。以上躋於浮溪學士大洪司馬之列。而彌永平陽系望。而俎豆之也。當君乞身歸。不預戶外事。築知足軒。獨偕紫微司城君從容談咏。問對客奕。落子聲鏗然。比司城卒。根觸滋感。雍正丙午四月。得末疾。而劇。是日軒前風拔木。五月三日卒。距順治癸巳正月二十九日生。年七十有四。娶居安黃氏。上舍贈石埭教諭振家女。穎仲君妹。始上舍。僑濡須。君就婚。匝月乃偕歸。大賓公歎其賢。洎金太恭人之。

慟中憲也。手湯茗侍左右。雖日迄下春。夜迄雞鳴。不敢離太
 恭人苦痰嗽。晚彌劇。扶掖撫摩尤謹。碧巢君聞客刺至。輒倒
 屣出。恭人立辨醴茗。營畫水陸供具。移日浹旬不少倦。而中
 歲輒長齋終身。雅不御綺繡。嘗以君歿於嗣。最娶副室陳厚
 遇之。又娶劉吳徐。慈育所生。不翅已出。劉生子元煒。四歲而
 殤於桂。聞之慟甚。恭人年二十五。卽撫紫微君仲子給事爲
 子。慈而善誨。丙午碧巢君捐館舍。哀慟甚。以十一月八日卒。
 距癸巳十月二十七日生。生卒胥偕君同歲。而雍正五年丁
 未六月二十有四日。復合葬於海寧縣破石鎮之紫微山陽。
 君 誥授中憲大夫。晉三級。封監察御史。黃恭人。膺 誥
 封地。封宜人。子一。卽給事君名。繼燦。戊子舉於鄉。今任掌河
 南道監察御史。改吏科給事中。晉三級。以清慎著。娶張氏。封
 宜人。孫六。廷英。上埏。上培。廷萼。上培。上埏。胥工。文。曾孫九。錯
 紆。鈞。銀。銓。銅。鈔。鎔。鍊。女四。長適朱。八。甥胥工。文。次字吳。次字
 李。又次字陳。胥望族。孫女三。胥適士族。曾孫女五。嗚呼。昔許
 文穆公嘗志指揮公墓。宗伯本寧。李公傳承德。司寇王公狀
 萊州行。寧都冰叔先生。譔大賓公傳。而秀水大宗伯杜公實
 誌其墓。且爲之銘。吳江南牀先生。又嘗傳中憲而贊之。今予
 承給事命。誌碧巢君黃恭人墓。而推本於西門世系。暨君師
 友淵源。所以著平陽之望。繇宗彥。思明比部二公而起。雋科
 班曹司。至給事而班臺掖。當益振宋明僕射元樞。端明冢宰
 業。而碧巢表孖之學。實克流傳海內。以焜耀於無窮。今孫曾

存現樓三集卷十五 碑誌

十一

胥秀出。且錫羨承休而莫之少女也。銘曰
 維梧桐鄉。實翔鳳凰。碧巢是叶。其鳴鏘鏘。出而試政。厥聲載
 揚。懿彼壺則。展鞠琚璜。今胥逝矣。馳章煒煌。詰嗣始雋。文山
 芝芳。爰登會省。爰秩望郎。南臺左掖。司邦之綱。炎微載巡。荒
 澹水泮。聞遠而歸。孝思不忘。卜壤筮吉。紫微山陽。天崇黃都。
 水象漸江。爰以寧神。實閱寶藏。爰兆幽窳。永永克昌。以貽休
 陽。系望之光。曰維平陽。長發厥祥。

存現樓三集卷十五 碑誌

十一

梧峯楊君偕配汪宜人墓誌銘

自科目制行。曲謝期集題名。闕試規儀振耀。人至詫為一品。白衫。而拔解等第。其斷序名者亦滋眾。於是讀個。擬標暨諸。精切輩。多幸得之。而高才而訖不遇。唐有干隱。宋有洵。廡。明。有文長。元長。君烈。勒。直。若夫晞前。詰之風尚。勵志尤篤。至專。苦勤瘁。而踐舉場。以歿。如歛郡。梧峰楊君。此其可重慨者也。君名名正。字實先。世家休寧。西板橋。梧山之麓。故自號梧峰。當宋建隆初。同州刺史。受避地。松蘿天保山。尊徙板橋。至淳熙時。王宮教授。俸起家進士。偕徽國朱文公。闡明理學。六傳而至。琢。明初以學行起。任邑教諭。著道園天藻集。心遠文集。今彙刊存稿行世。又四傳而至。奎。博學。文尤高。嘗序貢於廷。

存倪樓二集卷十五 碑誌

三

肅宗大署其卷。曰楊奎第一。後任潯州府推官。以卒。著舍藏。寓存藁七卷。奎生通儒。通儒生士顯。胥縣邑學生籍國子監。君曾祖祖也。士顯生祀年。鄉飲大賓。君父也。君幼篤孝。事大賓公暨母汪安人。謹甚。後事繼母胡安人。罔敢少懈。胡卒。哀毀符禮。友於昆弟。季弟早卒。撫弟之子。尤有恩。誨掖罔少缺。遇宗黨恂恂。而義有宜。抗辨者。率無所挫。縮楊氏鉅族。有思齊會。以課子弟。有親仁會。以講義。少輟。輒力倡復之。而君之嗜學尤勤甚。君性沉敏。經籍不事朗誦。繙閱訖。率整容坐。大賓時詣學舍。問對輒盡數十紙。罔少稽滯。旁觀者胥驚歎。曰。安世默記。賈遠闇誦。蔑以尚茲矣。叔明經叔吉君。尤器之。曰。昌吾宗者。此子也。君文法先正。詞必衷理。養氣以輔理。經度。

以節氣。而不尚艱棘。纖詭之習。雅嗜漢陽熊學士。樞楷罔輟。歲丙午。補郡博士弟子。不決。甚而餼於庠。自是試。輒前其曹。伍。而大賓以齒寢高。又潯州公芳溪書院。有步雲橋。文昌臺。且楊氏世產之。雅標傳賢也。尤重。斬之。當庚癸後。文日振。少司農。涵齋汪公。學博敏。齋汪君。胥以文名於歛郡。時偕君課業。輒歎曰。且當讓楊君。着鞭。乙卯。學博中副車。丁巳。已未。少司農。聯雋。君斬酬大賓望。簡練揣摩。其於唐宰相常衮所判。通宵絕筆。恨即有餘者。胥覃精融洗之。甲子。讀書白嶽。至廢。殮寢者累月。泊抵金陵。而神業懋。強入試。七藝甫脫。葉而力。不克少支。遂以疾出。逾月。竟歿於秦淮之寓舍。嗚呼。昔唐羅隱詩曰。日開十二門。自此無歸計。唐人弔賈島曰。片月已能。

存倪樓二集卷十五 碑誌

古

臨勝。照。遙。天。何。益。抱。墳。書。至。明。雲。間。人。士。哭。周。太。學。勒。卣。則。曰。縱。使。不。堪。朱。紫。貴。何。妨。白。髮。老。諸。生。才。雋。沉。躡。曠。古。同。嘯。君。懷。昭。諫。歸。計。之。艱。絕。閩。仙。抱。墳。之。壁。而。不。屑。偕。白。髮。諸。生。伍。又。楊。氏。世。業。芳。溪。環。山。數。十。里。土。厚。材。茂。其。勢。可。以。徙。業。而。不。屑。它。徙。以。斬。少。酬。大。賓。公。暨。芳。溪。公。登。雲。躍。龍。傳。賢。聚。英。之。望。而。遂。訖。以。試。事。殉。此。所。謂。勵。志。尤。篤。者。也。當。是。時。君。仲。兄。松。溪。君。聞。君。歿。夜。疾。走。詣。金。陵。不。三。日。而。鬚。畢。白。時。年。裁。四。十。有。奇。見。者。胥。驚。異。焉。初。君。娶。於。商。山。之。吳。早。卒。繼。娶。於。金。城。之。汪。親。迎。訖。會。胡。安。人。病。劇。夕。不。入。內。寢。喪。闋。始。講。合。昏。禮。而。汪。宜。人。潔。蘋。蕡。治。醴。菹。內。政。秩。如。故。君。益。得。以。肆。力。於。學。洎。君。歿。子。仲。祖。裁。五。歲。倏。二。歲。宜。人。年。二。十。有。九。慟。

絕始蘇屏漿水。斬殉舅暨宗黨。宵曲喻撫孤義。乃截髮毀容。以泣喪次焉。嗚呼。昔唐公乘億久不第。人傳其死。妻縷服走二千里迎喪。會億送客。遇之。不旬日而登第。明沈君烈七試不遇卒。無子。妻薄少君賦。截句數十悼之。亦旋卒。科目顛沛。蓄逮閨幃。而宜人幸有二藐孤。孤又幸克成立。勤誨罔少怠。舅耄且疾。瞻養襄殯。將樂廖侍郎嘗宰休寧。書坤正垂裕。海寧許尚書督學政。書栢勁松筠扁。以旌之。洎伸祖中式。倭序貢癸巳。恩詔舉節婦。闔庠暨鄉約保呈報縣府司覈詳制。撫赫公梁公學政胡公合題請旌表。壬辰禮部疏給銀三十兩。聽其建坊。獲俞旨。繇是烏頭棹楔標揭門閭。郡邑紳士。以至邨氓里婦環觀者千餘人。胥泣數行下。伸祖旋僉闔衛。

存現樓集卷五

碑誌

五

又獲遇。覃恩誥贈君暨贈封二宜人如令甲。倭奉伸祖命。將卜葬丹山之陽。而走予邑乞誌銘。予雅嘉君蓄學潛德。汪宜人苦節。於史法宜書。且重有嘵於科目之制。所以羅才而司衡者。不可不少加之意也。爰誌其略。曰。楊君徽州府學廩膳生。誥贈武德將軍。生於前癸未十月十有一日。卒於康熙甲子十月三日。年四十有二。娶吳氏。誥贈宜人。繼汪氏。恭遇覃恩。給銀建坊旌表節婦。誥封宜人。卒於康熙戊戌某月。日。年六十有三。子伸祖。壬午科舉於鄉。山東東昌衛都司僉事。倭歲貢生。孫國棟。日章國裕。胥籍於庠。日東日華。日和日暄。日蕃。日藻。日標。日攀。曾孫懋官。懋懋。修懋。學其合葬。君暨二宜人於丹山之阡也。以雍正某年月日。銘曰。

昔關西楊氏。繇漢歷唐。七百年而世居闕鄉。嗣是而繇宋建隆迄今。近八百年而聚族環居者。爰有海陽蟠桃谷之楊。猗與楊君。清才標舉。而金城宜人實克以苦節配之。其於北華山而南肥水也。宗姓有望。譜牒有光。爰迺龍輪鸞軸。焜耀丹山。遠且燭天梯。齊雲而邇。則俯石鳧。瞰雁山以交輝。互為芳溪。涯北之鳳皇。猗與鬱鬱乎。洋洋乎。尚其固藏而永昌。

存現樓集卷五

碑誌

六

鮑太安人墓誌銘

常熟編修陶君遣弟國子君以母鮑太安人狀來請曰曩癸巳覃恩幸贈先昌化府君翰林院庶吉士且加一級繇文林郎晉承德太安人亦由孺人晉封寵綸褒救照耀里閨貞一遽乞身歸漸少展一日之養而天降之罰太安人不幸卽世今窀穸有期惟是銘墓之辭所以勒幽隙而代樂石者敢固以請予曰敬諾謹按狀太安人世家徽之休寧父茂山公母薛孺人茂山公僑家常熟嘗行遇昌化於塾門目送之曰遠器也太安人爰歸昌化昌化世稱子師先生云太安人事舅文林公姑葉人孺人謹甚服食器無敢不飭歲飢文林憂甚太安人請齋析居空廼胥給昌化旅京師太安人日夕理筐

存現樓集卷五

碑誌

七

軸有田三十畷既而十之迨昌化成進士歸文林卒請盡鬻田迺克襄事太安人既勗昌化有成而昌化之勤其官也佐之以儉粵人傳束韭長官云迨昌化卒匱返邑郭門或謂例無入室入室不祥太安人曰夫是先君之室也奚不祥為且例雅宜符此既而有司報符例卒入殯昌化負金六百責家胥無意督償太安人盡用賙賻立償之曰今而後庶使死者不愧編修請曰卧褥奚不釋布也太安人泣曰而父前卒一日命蓋卧具輒揮去繒綈而藉練布以歿吾以志痛也編修泣左右胥泣太安人誨子女若孫肅而有法遇臧獲有恩生順治乙酉十二月十六日卒康熙乙未四月十九日年七十一十二月十日附葬大河之阡昌化之墓于二貞一編修貞

靖國子也皆有文女二歸知泰安縣魏士升同知廬州府陳範皆先卒孫四承安承謙承桓承魯狀又曰太安人北歸艤舟湖口關亟貸舟人金償稅而督之曰不踰時行用是賞不則罰舟遠徙既而風大作關口艤舟胥覆嗚呼太安人順而勤慤而明是雅宜銘銘曰

南沙眉州也海陽青神也文林朝奉也承德太師也而孺人太安人青神兩縣郡君也然而青神不渡海南眉州再渡海北夫昌化玉局也顧塘也匪昌化軍也而大河之原小峩眉也以藏以固以利後昆胥禮部秩而斜川文也

存現樓集卷五

碑誌

大

高淑人墓誌銘

外命婦尊三品翟衣七等七釵七鈿白銅飾犢車通德而非偏憾國家舉行公桑禮則偕國夫人重行異位胥有事於五條七條九條之鈞筐近制恭人以下稱勅封至淑人始得稱誥而儀章之擬象展衣翟車者亦滋以華行若高淑人之欣贊通政陳君其令德徽行尤可誌而銘也淑人榆林人祖振乾浙江按察使父某母某氏按察公樂商邱風土爰徙家焉會子邑計部陳公亦徙商邱相得歡甚申之以婚姻淑人年十有九而歸通政君省侍惟勤潔滌瀟芴蘋繁雅克承計部公唐太淑人志歲已亥通政伯兄寧夏君為郎工部嫂其恭人偕行計部公復命通政往省而計部公遽不祿淑人獨侍

存視樓集卷十五

神誌

九

唐太淑人綜治喪務易哀兼盡繇復斂訖虞罔不準禮遠近來唁者胥嘆企之此非閑肆於曹大家之女訓一章宋尚宮之女論語十章薛王二夫人之士綜女訓女誠暨宋宣文君禮學者不克逮也乙巳通政埃銓注於京邸行有期矣而唐太淑人條寢疾不食者浹日或勸無俾通政過知淑人曰吾聞棄官而養親未聞以得官而遺親者也亟潛遣捷足奔告通政發霖雨中并程十日以太淑人顧而色喜疾行瘳吾嘗歎棄官二語為千古名言不意其出自閨闈此尤宜書乙庫女訓類者也洎通政以才請簡視營田水利時寧夏君擢分巡奉唐太淑人版輿西行淑人理通政資裝遣送不少淹凡供賦役睦族姻館賓從暨家人諸凌襍務胥井井有紀淑人恒

念通政未舉子而唐太淑人之蘄孫尤亟也為通政置副室李通政尋拜文選郎庚戌遂偕侍太淑人以北癸丑舉子法太淑人為日加一餐淑人撫育尤勤懇殆逾已出為聘刑部福建司副郎許君宣女而副室張亦舉女淑人撫育惟均此尤樛木蠡斯鳩鳩七子之風而可以警海內女子之編虞通之如記王石泉續紀者也通政涖官恪守少保公計部公遺訓屏絕饋遺淑人喜曰吾志也比歲久而通政猶佩之此又宜附書選簿選譜御史臺記門下省遷除文昌損益以彌擴中壘侍中之列女傳者也淑人性慈儉雅自貶損承諸姑伯似不少譽禮善視妾媵馭臧獲以恩欣贊通政釋忿勗勤爰克有成繇選曹改西臺刑垣特晉納言位班卿尹淑人亦先

存視樓集卷十五

神誌

三

衰封宜人而曾不少以自侈盡斥紈綺飾澹如也唐太淑人尤愛之歲甲寅八月條寢疾九日遽卒距生丙子正月十七日年裁三十有九里閨聞之多哭失聲太淑人繇此邑邑不樂疾遂以滋劇訖不克瘳然則淑人之令德徽行概可睹矣通政將以某年月日殯於商邱某之阡而書來請銘昔檢討迦陵先生配予姑孺人偕侯太淑人唐太淑人號南北鍾郝而淑人復克續之此彌以彰少保公定生先生之風徽被諸家垂諸後而渤海氏亦永光世閭也惜其年之不克永殊類潘騎省楊夫人梅都官謝夫人而品秩之崇標軸輿服之盛雅不翅遠越之然則淑人衰贈名暨實相準而後嗣之易奕蕃熾而未有艾者是宜銘也銘曰

辰火司野是惟宋州土曠壤衍通南北郵淑氣并集宛邱太
邱爰卜窀穸式安式道宜爾子孫似續春秋栢府望峻銀臺
秩優九命揆衡三錫伯侯聿維淑人奕載承休

存碑樓集卷五 碑誌

五

周孺人墓誌銘

蔣君豈潛今歲常辱遊予家三月望後予不見君決旬遽來
告曰吾妻以二十日暴疾越明日晡死矣今兒甫七月乳潼
無所哺燥溼保抱無所司語訖泣下予竊重悲君之窮也秋
七月君夜留宿從容告予曰吾妻歸予也近予又用窆故至
無以自振而吾妻安之無倦色嗚呼今死矣維葬具不備聿
淹窀穸幸吾子先假之言志其生卒以埃異日之有聞庶死
者少亡恨乎予重違君意乃誌曰孺人姓周氏上世溧陽人
後徙邑之離羣父望溪母褚氏生十六年歸君歸君不盈三
朞卒年十九矣子一橘生七月失孺人者也嗚呼可悲也已
銘曰

存碑樓集卷五 碑誌

五

已未誕生卒丁丑反乎復兮無何有有子也才不啻壽我用
作銘祛速朽禮亦宜之匪曰否以寫君思以兆墓上聲是啓是
藏慎無久

徐煥文碣銘

徐氏之望祖偃王朱弓朱矢兆靈昌鄉暨太末名晉唐汎流
環轉清溪陽含精運樞鈞軸張爰開邑聚中書堂吁嗟乎君
彌有光增規彌圓益矩方矧超埃埏天際翔不寶瑞鎮寶文
章厥子惟五金聲揚銑也鐸也立負牆敬最亮直秉五常僕
射載傳南史詳鼎臣楚金昆弟行英英克紹漢偉長克探厥
奧淬厥銛北海東海匪望洋聿收會稽玉研祥吁嗟乎君爲
不亡

存視樓集卷五 碑誌

五

兵馬司指揮使贈翰林院檢討洛山朱公墓表

晉太冲左氏蜀都賦曰江漢炳靈世載其英繁古瑰瑋卓犖
之士多產於坤維 國家聲教遐宣才彥淬發時則有若遂
寧張文端公以訐謨亮節翊贊淳熙爰暨大司空李公之質
貌偉量少司馬李公之華貫膚使胥號兩川四路望迺若用
循良懋績克配卿宰而可以編列華陽之志成都之正續丙
丁古今載記者爲嘉定南城兵馬司指揮使待贈太常寺少
卿洛山朱公公以康熙己卯卒於邯鄲之旅舍窆嘉定已山
之阡又十有五年癸巳而喆嗣知彭澤縣映孫今太常寺少
卿曙蓀胥舉於鄉曙蓀雋第一遂成進士入翰林又十有八
年而曙蓀以侍讀遷奉常督山西學政瑩域神道彙典聿宜

存視樓集卷五 墓表

五

爰考次公行狀暨予鄉漢瞻張君誤傳謹表於墓以歿當世
宗工傑士之碑神道者曰公諱軫裔字三瞻洛山其自號四
川嘉定州人也先世居楚麻城按明升庵楊先生祖繇麻城
徙蜀今張文端公祖亦由麻城徙猶之漢揚子雲祖揚侯偃
於晉六卿而南徙巫山江陽暨卽也高祖九華宦子鄉華亭
縣曾祖夢麒宦雲南蒙自縣偕兄宦醴泉縣夢祥同時致政
歸祖茂州學生養繼母孝事兄華陰尹官恪甚號漢嘉宿望
儒父祚遠明崇正壬午舉於鄉 國朝以公貴贈文林郎景
寧知縣母徐氏贈太孺人文林公性至孝父茂才公病嘗糞
而味甜背人悲泣至地是時公生甫數歲謹識之比茂才公
卒文林公哀毀病且棘闔室惶駭公時年九歲泣撫徐太孺

人手曰大人疾富無恙兒嘗糞殊不甜也家人胥奇其早慧而又嘉其至行夙成此傳所謂齊庚黔婁嘗泄利之孝也先是華陰公子祚增崇正庚辰馬進士司理襄陽府比文林服闋而病愈壬午試復雋將以計偕道省之而是歲十二月賊張獻忠陷襄陽司理公自刎死妻宋孺人暨二子綉紘蹈井死文林北行蘄請郵猝被賊執脅授偽官復大罵不屈死此則唐顏氏從昆弟常山平原之忠也公年十二補博士弟子員十三餽於庠而是歲文林計至明年獻忠自襄陽陷湖南遂入蜀按籍來徵兄綸漸代公死公固不肯以頭觸地曰請先死綸佯許之而給公往迎外祖樞比歸綸業行三日矣此則漢孔氏褒融兄弟爭死之義也公追綸不克逮斬自引決

在說樓集卷五 墓表

五

以謝兄家人胥督過曰是無益且若獨不開伍子胥事乎公業無可奈何迺易姓名走匿父友所潛棲東坡書院且讀書且哭父友亦相對哭而稚弟復失走山箐虎豺窟九月始遇之遂借道於大邑之霧中山 國家平巴蜀獻忠伏誅鹽亭公乃出試復補博士弟子康熙己酉舉於鄉甲寅滇逆警按摺紳籍授偽官公復遁霧中窮崖間無可蹤趾乃獲免因著采苓詩謠以見志此又蜀先正漢費貽謙元之節也公性慈恕而才殊敏練甲子銓注浙江處州府之景寧縣景寧僻左由閩耿逆蹂躪後蒿萊盈城戶不越五百逋賦例令族隣代輸公收爲官圖復業者受田應餉餘胥召墾俾輸租於官而官自輸正賦景寧民始蘇公蒞事恒經月不管一人會

行取期制撫首議及公而縣有大辟案二置諸法始克符例公疑而不忍遽報曰吾終不草菅民命以速陞遷也歲祿請出常平粟上官允出三存七公盡散以貸民比後謝縣事代更者用此難之民間爭出粟還倉而贏二百七十石有奇以繕學宮公嘗同考甲子浙江試號得人尤加意景寧士啓聖祠明倫堂文昌閣捐修閱壯景寧士民胥懷之歲癸酉大稔嘉禾同穗者連畝上官趣上其事公聽民刈之而牘報曰治民在德不在異上官有不悅公者猝至縣勘倉庫虛實耗羨多寡既知其額不缺而廉有餘乃大愧服去公蒞景寧嘗喟然歎曰治民如良醫之治病去客邪易而復元氣難比十有五年墾荒墾數百頃郊塗來歸者數千戶城中戶且盈千而

在說樓集卷五 墓表

五

景寧之元氣始復戊寅南城 命下民遮道攀車不克前久之乃獲發此則史乘諸賢所爲傳循吏而錄名臣者而公以治縣譜克綜之以焜耀於先正王溫縣嚴長安之後故曰循良懋績也公在南城蒞民如在景寧時甫三月輒引年御史臺固留之訖不克奪先是公走邯鄲道嘗題呂公祠曰合與仙翁緣不受世網縛比歸至邯鄲無疾輒名二子屬曰必葬我嘉定且曰棺勿求美衣勿求備所以志吾痛也遂卒年七十說者謂符詩識叶道機云公以康熙二十七年 覃恩膺封贈如葬典以六十一年 今上御極 覃恩晉贈儒林郎翰林院檢討雍正元年復以聖祖仁皇帝升祔 覃恩晉贈大夫今待贈中憲大夫太常

寺少卿配余氏贈孺人晉太孺人又晉恭人繼周氏封孺人
晉贈太孺人又晉恭人胥有婦德子二映孫暉孫也餘詳家
狀嗚呼蜀西南奧區漢嘉襟帶二江九頂四峰烏尤青衣實
偕三峨互峙其磅礴鬱積之氣今朱氏業盡鍾之而公嘗棲
江源霧山復沐浴噓喻於青霞嶂明月池海馬石之奇秀故
其毓質也彌粹而其爲時宣力以克配名世之卿宰也遇彌
艱政績亦彌粹勤以懋若彭澤世傳清白奉常始踐詞苑纂
升庵少海之文繼以內職監榆塞恢余青神張銅梁之略旣
復班講讀司禮樂造士覈典以晉而上紹劉文簡楊文忠席
文襄趙文肅陳文端文憲之烈偕并研遂寧二相參列爲三
而錫羨揚休奕葉且未之有艾吾知當益推本於公謂岷江
墓而俾文麗牲之石者尚有考焉

存祝樓集卷五 墓表

三

張黃石墓表
昔周謹司徒樂正之教以醇謠俗漢後廣勵學宮亦克設博
士諭三老而季漢俗尤懋蓋永元永初以後迄於江左顯
忠孝子友悌義烈高逸止足全德隱德先儒文士以暨學堂
圖朝堂書讚雅克編諸簡冊垂之奕世而先賢耆舊則州郡
胥有紀載焉雖遠至於益部零陵廣州交州而不少况闕滇
南北隸益東南鄰廣交蘇元咸陽王明西平侯再關疆慈煦
肅詢其秀民寔埒於吳越風化之美寔埒於鄒魯而可以勒
金石而被箎絃者相望也若石屏張黃石先生蓋雅類季漢
諸君子而克植人倫之標表者歟先生名良互字葆孺黃石
其號曾祖其祖某世載厥德父一甲前庚辰進士由禮部郎
中出整飭敘馬瀘兵備僉事陟太僕寺卿克忠克孝其詳諸
傳括蒼王仲山黃石齋九烟金道隱諸先正之褒嘉者不具
錄參同契有言煌煌靈芝一年三秀此以徵芝草之雅非無
根也謹按先生孫檢討公狀先生行略曰府君太僕公冢子
篤學不克雋康熙二年序貢埃銓博士癸丑逆藩變它郡邑
士走利祿如鷲府君兩徵學官不起強迫之則辭曰母王淑
人老矣請侍養訖不肯起諸子胥餽於庠俾無試五年而淑
人卒顯忠褒孝獲全焉里人私謚貞醇先生大學士鄂公總
制滇黔追表其閭曰忠孝一生心蓋埃旌也府君生前甲子
卒於康熙戊寅年七十有五配祖妣許孺人有婦德年八十
有七子五其三胥序貢府君以不肖獲仕於朝 敕贈翰林

存祝樓集卷五 墓表

三

院檢討孫十有二曾孫十有一狀又曰府君嗜學如饑渴多所誤著性恬默接族屬恂恂如孺子足不履州署而績先緒啓後人實胥府君力也丙寅詔廷賜以足疾辭比銓注南寧訓導卒且五年矣而少司農新安呂公嘗誌先生墓且爲之銘其詞指尤覈此所謂類後漢諸君子以標表人倫不式遐徼者也昔廣川董氏墓過者必拜號下馬陵彥昇任氏嘗誤立劉獻館啓曰賤珪璧於光陰竟松筠于歲晚貧不隕穫其心窮不二三其操而其銘劉先生夫人墓也曰蕪沒鄭鄉寂寥楊塚又曰夫貴妻尊匪爵而寵今先生學範雅宗董劉神道刊碑尚宜少俟而過墓前者或滋冒昧至興鄭鄉楊塚之慨此亦吾黨之責也爰按檢討公狀參以鄂公表閭句呂公

存祝樓二集卷五 墓表

无

誌銘以闡參同義指而謹表諸阡用附陳壽益部耆舊傳劉芳廣州先賢傳范瑗交州先賢傳後俾負戴樵蘇而經行者雖燠燮蒲蒙亦知肅拜且俾千百禳胥有考焉

鄒果成墓表

鄒以國氏周漢嘗顯於齊至魏左將軍軌生晉侍中湛著集四卷湛生散騎侍郎捷世家南陽新野故譜鄒氏者望南陽唐呂溫茶宴序所謂南陽鄒子高陽許侯是也近世譜鄒望范陽范蓋南之訛今按世譜本而次之曰鄒氏由范陽徙杭之錢塘後五代時飛熊將軍實始見於譜又三世而至宋朝奉郎守尚書都官郎中知鼎州霖始徙常州晉陵縣之趙墅里又二世而至兵部侍郎贈寶文閣直學士忠公浩爲元符建中靖國諫臣事具宋史忠公父廣濟軍錄事參軍戩墓於林莊權發遣梓州轉運判官孫公諤實篆誌銘蓋是時孫公未除左正言也洎忠公卒而母安康郡太君張氏誌實陳忠

存祝樓二集卷三 墓表

三

肅公諤并書楊文靖公題額忠肅公不書權給事中書前宣德郎是時并未復承事郎也而文靖公亦裁提點均州明道觀謫籍祠官燭映楸檟嗚呼夫名位之雅不足以鼎自厥辭而仁人孝子斷壽其親而億萬禩之者要必有道矣武進果成鄒先生忠公二十二世孫也按公孫文學萃榮述縣忠公九世而至仁嘗卻和林辟著雲深居士集又七世而至明封中憲大夫之謫嗜易著易惺中憲父大化大化父庚胥以義著而中憲娶封太恭人毛氏生子五長嘉生山西按察司廉使次嘉穀崇禎癸酉舉於鄉次嘉禾嘉植先生勗幼名嘉祉果成其字也少工文著漱玉齋稿督學御史倪公元珙試武進學第一署籍饒倪公尸部尚書文正公元璐弟也已卯先

生年二十八副雋應天試勝貢國子監又六年而輟試時廉使子延玠著奇節借暨陽黃氏胥號介祉先生而先生鍵戶益讀書旁貫京管姑布郭楊氏之術尤工書事太恭人謹誨子弟肅理家嚴而不缺而遇橫逆絕不校蓋怒焉茹讓者二十餘年以康熙庚戌卒娶無錫秦氏知湯溪縣延默孫文文學重甲女婦道柔明寬以飲巖後先生七年卒年六十六子五延琇延英延琚延璠延璋孫六萃榮萃亨振宗敬宗壽宗和宗曾孫光濤書濤安濤正濤四世孫伯虎多籍國子郡縣學而光濤舉甲午順天試蓋世著儒學焉述又曰初合殯縣之白鶴溪甲戌遷池亭邨而以兆域之不克叶也至丁丑春而始正焉儻假之言俾有以不朽其祖幸甚昔宋張忠獻公

存硯樓集卷五 墓表

三

語楊文節公曰元符貴人多矣惟鄒志完陳瑩中姓氏與日月爭光予少而喜誦其辭按忠肅公謨安康誌志書至而史乘胥書志古蓋互用元符貴人一作狀元及第蓋元符之訛而其有以訕名位而涕唾棄之者指尤焯著也嗚呼鄒氏由周距今二千餘年齊南陽晉陵繼望近世如臨安吉水安福麻城鄆內江胥有聞人由晉陵析者如蘇之岳橋餘姚之樣山無錫松江徽胥克譜其族而武進由邨尤著明工部郎之麟文埭韓修撰敬 國朝戊戌進士祇謨工詩樂府當時語曰毘陵則推鄒董南北則重彭王洎介祉先生以節著而先生清修篤學從容夷惠蓋實綜梁苑峴山之藻韻拱北知恩之風義而上借雪深汗簡對峙千古以視浮湛名位掇巍科

班華秩而訖無所褒述於世其羸詘果何如也雖然為善必有後而萃榮光濤文且續晉侍中散騎父子克顯鄒氏一家學則天之所以久而昌忠公之緒而恢闕而振耀之者其又可涯也與歲庚子予謹次萃榮所述又參以先賢謝氏思賢錄萃榮續錄暨它志傳謀記而并揭張忠獻公語以表於龍虎之原池亭之阡尙俾過者知有所式

存硯樓二集卷之十五

存硯樓集卷五 墓表

墓表

三

宜興儲大文六雅著

門人

丹徒張冕冠伯
崑山徐柱臣題客

墓表 行狀 祭文

楊松溪墓表

休寧歛南境古多文行卓犖士世遠不具論近世如克勤仲權松圓程氏景元蘇氏非熊吳氏子駿金氏胥以詩古文詞焯著于白榆青溪竟陵豫章諸社之間而其克敦行誼又雅嫻文律克武朱學士趙都事後者則芳溪楊氏代表厥賢儒林松溪楊君楷正字公式世居休寧之芳溪溪有橋里人稱芳溪板橋楊氏君別號松溪志地也自先世祖偉舉宋紹興

存硯樓二集卷十六 墓表

十九年王佐勝進士與徽國朱文公同年載宋登科錄翰簡載朱子大全集數傳而至琢杜門講學工詩明初起教諭休寧縣即朱學士所薦也又數傳而至奎嘉靖間序貢各籍甚廷試第一授潯州府推官以廉幹著是為君高祖奎生通儒通儒生士顯胥籍于校陟國學士顯生祀年郡鄉飲大賓齒九十有三生子四君其仲也出嗣世父儒林郎州司馬祚年君少穎慧嗜讀書以司馬齒寔高多疾侍左右不少離視藥餌唯謹里黨謂君事司馬公大賓公胥殫極孝恪芳溪有愛日亭國學公建迄今百年有奇業畝仄漫漶君繼祖志復整之所以志愛日之義也祖坐宗祠密基綉采行旅過者胥指羨之君事伯兄謹甚兄弟齒胥高衣冠殊偉有夏縣溫公伯

仲之風二弟天子幼撫誨胥克有成從弟仲祖舉于鄉守

東昌衛俾軍民胥頌德政者遵君誨也而君庭誨子尤肅君性和以摯見長者禮恭甚其幼者輒與言孝悌里黨姻舊率勗以詩書嗜賑貧乏不少倦事無巨細率排解訖迺止歛人士胥企歎曰敦行誼嫻文律二者克兼夫松溪楊君是也君籍辟雍銓注州同知階儒林郎宣歙士又稱儒林楊公云君生前已卯卒于康熙辛卯年七十有三娶玉田汪氏仲禮女從儒林階則安人也生前辛巳卒于康熙庚申年四十繼山培吳氏承德女生順治己亥卒于雍正丁未年六十有九二安人胥淑慎克相君成業誨子胥以才著子六仁祖州同知郡復避鄉飲大賓似祖籍于校陟辟雍籍歲貢生佐祖州同

存硯樓二集卷十六 墓表

知俊祖籍于校胥汪安人出侯祖傳祖胥籍太學生吳安人出歛人士胥曰古有六十近有六許芳溪其符卜許之望乎仁祖等以其年月日葬君橫坑之陽二安人祖嗚呼昔徽國文公嘗剖辭江南東路提刑曰臣祖貫婺源其流風餘韻之存于歛者當宋元之際雙湖雲峯胡氏師山鄭氏環谷汪氏胥力守寒溪竹林說不少變若休寧則朱學士號紫陽正傳樞密都事東山趙先生尤長于春秋說者謂當為明儒林第一景元蘇氏得東山之傳厥後克勤仲權非熊松圓子駿諸賢文而不夸而芳溪楊氏承宋紹興時世業教諭公復振之司理公彌擴而闡衍之國學大賓三公胥崇文砥行而松溪君尤蘊不言躬行之誥宜乎歛人士之胥稱儒林楊公也子爰

表其阡并以勵問政齊雲間之雋彥焉。

楊仲嘗墓表

孝友睦嫻任卹先王之所以風厲斯民者後世唯宋藍田呂氏大忠嘗誤鄉約一書雅得其遺意而江州陳氏元明浦江鄭氏爰以義門焯著膺上旌褒或召見其家長親賜章服以寵異之閭里觀者多泣下是故宗法之行其為教也切而化之覃被委巷也為甚神距徽郡休寧三十里壤沃林鬱古名芳溪楊氏世萃族而居自甲寅乙卯民安其生耄稚植木藝禾胥知禮讓而訖二十年無逋訟者維仲嘗楊先生實序宗長爰克董督而淬礪之也先生名祀年仲嘗其字上世當晉漢時繇合肥徙海陽事詳五代史世家暨郡邑志曾祖奎明嘉靖時貢士廷試肅宗親擢第一銓注潯州府推官潯人德

存視樓三集卷十六 墓表

三

存視樓三集卷十六 墓表

四

之祖通儒父士顯胥以高才生籍上舍先生孝事父母志力胥竭罔敢少懈嗜讀書博綜經史而雅不蘄仕進視津要泊如也先生兄弟五友愛甚讓田分宅緩急必身先不少委縮泊年七十雁行胥前卒食指寢贏二千而約諸禮律不少軼出納維鈞內外肅然此中丞苻洲汪公志先生墓所謂時號浦江鄭義門者也歲己巳 恩詔賜壽耆粟帛先生首書於籍知徽郡事謝君行鄉飲敦請為大賓禮成園頰水而觀聽者且萬人泊年九十神彌朗肅祀祖祠不少怠肅客不少簡儀節整衣冠坐堂上時誨蒙稚句讀不少倦海寓宗工宿儒欽其風尚胥以頌辭餉今訂正九裘贈言詩文彙二卷藏弄於篋藝林競請傳觀之先生丈夫子四日誨以惇行次立言

次揣摩當世務四子遵行維謹仲名正饒於庠以文名江左而羣從爾位儀邦宰宜山新津胥勤其官孫伸祖舉於鄉僉書東昌閩雅克符周易容民畜衆之指餘亦多循循雅飭綜練庶務徽人士推家法第一焉大雅篤公劉之詩曰君之宗之呂成公謂上則各統於君下則各統於宗自周之衰先王之法蕩然泯絕洎魏晉置大中正以譜法維宗法開陽陽夏東武城道涿諸甲族率重婚姻飭名檢差有古者睦宗收族之風洎五代梁唐以後譜法又亾迄明且七八百年而行義如陳氏鄭氏之焯著於史乘者多不越數十家其它率鳥翔獸逸了不可鍵扼雖守令驅之刑法不能禁庶幾宗得一人焉傲藍田鄉約而力行之糾隱勗燧廼克少靳逴於魯如芳

存硯樓二集卷十六 墓表

五

溪之尊仲嘗先生是也然則漢之華陰唐之靖恭坊新昌里楊氏雅號烏奕意者其復徵蟠桃谷鳳凰山間乎先生生於前戊申卒於康熙庚辰年九十有三配汪安人端淑嫺禮時號女宗前卒子子潛郡復舉鄉飲賓次公式儒林郎次名正徽郡學廩膳生早卒此予嘗誌其墓所謂勵志尤篤而踐舉塲以歿比於明之勒貞君烈者也今 詔贈五品勲階次子固儒林郎孫十三曾元孫百人多籍國學郡邑學十世衣冠千年宗祏中丞公所謂昌後嗣而綏後祿者雅未有艾哉先生卒之二十有六年雍正乙巳十二月二十一日葬邑三十都周克之陽汪安人耐中丞業誌其墓且爲之銘而先生孫明經倅倅子茂才御龍篤孝思工文藝復斬子饒表爰附有

道之碑以揭董相之墓云

存硯樓二集卷十六 墓表

六

特舉孝廉方正張鳧襄先生行狀

昔太倉宮保大司空張公當有明釜山晉州之役力糾桐岡宋司馬蔚山之役力駁蘭溪殿學京山給諫議班行中號有深識正位孤卿得大臣體而羣從西銘先生七錄齋手繭疊鈔之書其有司錄上備秘府乙覽者多至三千卷有奇由是江左曩清望者高太倉張氏大司空公名輔之生洪秩訓導司訓公生凝道倅尹慶都胥以行業著倅尹公生元薦國朝教諭儀真雅具人倫鑒銓推制義馳海寓里中雋禮部試有聲者多出其門司諭公德配孺人生塔畫英文學籍甚州郡德配孺人克欣緒燉而生特舉孝廉方正鳧襄張先生先生名聞鳧襄其字性至孝齒六歲誦古孝行諸書輒索縷

存倪樓三集卷十六 行狀

七

解齒十有三從文學公飲歸夜業牛文學公醉如廁先生不敢寢心修動亟持燭趨往迎聞淵池水聲亟視之則文學公溺焉亟趨水負且左右抱闔戶驚號而先生暨文學公訖獲全此借諸暨趙紳之奮身下救墜水父山陰陸尚質之躍江濤挽父舟胥為死孝而先生于齒十有三時行之尤可驚傳也文學公攻苦早卒先生號踊絕移時少蘇司諭公亟諄語尚顧吾二老人而先生迺以不克永事文學公武孺人者斯夕潛泣斬代厥職而彌祇事司諭公王孺人司諭公晚患痰先生左右扶持不少離湯藥必嘗必手進雖溽暑沍寒不命寢不敢寢者蓋訖十有三年其事王孺人也如事司諭公司諭公卒慟寢絕不寢暨食者再浹日夜族戚敦勸不應王孺

人諄命無滅性迺少進一溢米而號踊不輟其執王孺人喪也如執司諭公之喪經畫窵窵神體勤瘁歲時祀司諭文學公暨二孺人輒雪泣蓋迄寢毫而不少替先生性廉不義不少取戚發而二孫胥縱汰驅匪人娶不獲已以貲潛寄先生篋後發修卒先生召其二孫懇戒之旋出曩寄物封識具存二人請獻其半先生正色曰此爾家物也爾祖母懼爾曹汰費故寄于篋爾兄弟尚慎守此無辜爾祖母望二人遂訖為善士此則春秋寄帑寄祭漢賜名君子濟之曩烈也先生睦族戚敦姻黨不克贈活者則食且衣之不克婚暨葬者則視家所有飲佐之斷讀書而勤力者則筆札膏油備給焉族從孤先生代營畫俾獲成立外兄弟周氏疾且廢館于室者

存倪樓三集卷十六 行狀

八

二十年病有醫歿有殯先生尤篤交舊鄰友窶甚貸以貲最營什一息既而曰饒裕倍償貴先生不受而以築梁于七都之摩羅塘通孔道比歲工復大書鐫勒曰此友人某氏所建也鄰故士族鬻女于吳趨先生聞之夜促舟贖歸謹畜別室擇所適後女夫償贖金先生正色曰子誤矣奚有是其不伐善率此類也先生誨子尤肅伯瞻淇序貢上舍海內所稱茂苑蓼天子也且寢埒西銘先生選士游日下時仲瞻洛蜚聲六節藝林號張氏二難先生性慈靜杜門惟繙誦經籍非公事未嘗履州邑署而眾議嗷還輒侃鑿不少憚懼凡州邑施粥施棉施藥施棺立義塚修普濟堂諸公務率殫貲倡率釐書曲論綜緯匪密析紀而不紊植基而不仆維茲輿衆實利

賴之然則史傳所紀典則所頒旌孝子旌順孫授義官義士
義民秩號署義門署第一家署孝義家署孝義之門惟先生
實克應茲選而宋藍田呂氏鄉約宋元明浦江鄭氏家範暨
明鄭氏損益家範一百六十八則抑惟先生實克楷模之而
無或少歟也 國家重熙累洽九服蒸蒸雍正乙卯儒學嘗
牒先生行于州州上于承宣司制撫二院比乾隆丁巳部議
銓敘州判式標敦化而太倉直隸州又以先生應孝廉方正
詔戊午夏四月五日撫院楊公特檄徵嘉勞行具劄章迺甫
越二日先生以微疾卒矣齒六十有三州邑人士暨旅行于
塗其慟哭失聲者且計什之二此又古行者不歌春者不相
之風也然則先生行誼彌克振大司空公世望而偕太倉州
衛掌故之旌孝子王在復詔徵七錄齋遺書其焜耀閭里實
鈞也予爰狀先生概畧俾采風者擇焉

存規樓集卷十六 行狀

九

祭徐座師文

嗚呼維夫子少治詩鄉舉第一成進士列侍從爲六館師復
陟端尹之貳褒贈貽封胥如銓典而世譜輝映有伯叔兩孝
廉司論上舍以爲之子文學諸英彥以爲之孫清班素業始
終無少憾凡海內士之工哀諫者自克詳舉惟是甲午順天
試某等不敏實蒙鑑擢爰是會爰而少陳之嗚呼曩夫子雅
嗜吟詩某少時嘗誦唐盧子善五言曰險覓天應悶狂搜海
亦枯竊以爲明憲世穆神朝科舉文之雋第一者實多符其
奧秘而夫子嘗誨孝廉以靜專夫它人之貌爲吉祥語暨號
深密義諦胥鱗爪也若夫子所標靜專之旨迺繫領珠也子
善嘗難求名之苦過於食蓼而不知惟司衡暨衡諸有司

存規樓集卷十六 祭文

十

者多不克靜且專以詣險覓狂搜之境迺使苦吟如子善所
賦反類食蓼而閱三年一闈科率不逮夫子之識監之微以
慙也王德輦七言曰二百一十四門生又曰擲金換得天邊
桂海內謂甲午賓興宴率乏殮糗而載寶前者無所用胥復
收質庫券息子錢以去夫士以士之擲金不顧者爲寶載寶
而前以復收質庫券息子錢爲寶是兩獲其寶也不然卽如
高安詩人尤傳唐沈吏部今誦其納省卷篇曰却爲文皇再
讀書蓋千禩而下且胥酸鼻而比迺有力斬摧翦以尤便於
牢籠天下士所唾擲之金者是獨何心哉德輦又曰哀翁漸
老兒孫小異日知誰畧有情今孝廉司論上舍暨文學尤工
科舉文始將有得於夫子靜專之奧秘而符明之雋第一者

此殊不類德輦指唯是哲人不祿嗚呼曾未及衰而燕諱矣吾黨二百九十五人視德輦門生滋眾實無以少佐於儉閣之奠顧夫子曩日惟以公義收之今亦惟以公義報之而重爲天下惜此所以序立列拜胥哭失聲而不能止也嗚呼夫子曩少暇輒借二三子商推停雲齋集今某等不敏不敢擬海內諸君子哀誄之詞而惟說詩以爲芻酒先庶夫子其降歆之

存觀樓二集卷十六 祭文

十一

祭沈閣學文

嗚呼江以南湖以西獨吳興沈氏望甲千七百祀蓋錄劉宋太尉車騎梁中軍宋僕射樞密而降崇勲華閹業以埒陸顧而越姚錢及公之稟靈卞蒼而研杜何范氏學也夫又類西省羽林之世習周官長史之裁禮律常侍之定樂府而祭酒之議禘郊而配圓邱郊祖宗而配五天故其鸞鸞于南省鵠峙于西清也蓋借中允公監察公猶子編修公實克振二僕射三中丞暨近世殿學司空少司寇少司馬之系謀班聯而公且內允駁啓侍左諷諭右中護掌典書坊而畫日左中護掌門下坊而畫諾端尹之貳總二坊桂坊而集議都省胥勤厥職而公且典綸問之鉅筆參鈞衡之化權爰迺輿圖是訂紀傳是刊彙類是纂講義是宣謨訓是載日歷是編以暨應制押宴從容賦咏舉典詳而克覈敷文閱而克朗夫又類侍中之句高一座中軍之史綜四代表通武帳詩秀篋中而諫議北受韓門學且馳驟睦皇甫氏而差肩爰迺魁前是符天機是象省試楚試克明克公急才惜士而克無憚勢無憚咎以暨泣七閩總五教夫且清風亮節壯壓九龍而借襄敏而肅祀者蓋晨謠夕頌于龍山之麓烏石之巔及其釋組而歸而猶以城齊痛謝之役勤遣宿直臣也海內人士胥引領曰竹墩東圃其爲東田東山乎而孰意歲之不少淹也嗚呼哀哉曾未復丈城畧趾命而條捐華夢兮層樓違賜研兮崇軒維公曩日足跡半寰宇尤嗜黃山三十六峯然則公之神公且度

存觀樓二集卷十六 祭文

十一

今且度接引梁陸授龍杖以日望黃海起沒而參逐于軒轅之雲會陽都八真之颺駕鴻川也。某等不敏雅景令嗣兩孝廉君且辱附次君世譜爰迺鑿焉潛焉涕而上考沈亭旁稽博陸以少陳詞于心事黃山功名閩海器華鑿鑿炯炯而晨晴載格之靈筵。閩學戊子成律功名閩海三秋月心事黃山一片雲

存硯樓集卷六 祭文

十三

原缺第十四、十五葉

祭孔博士文代

嗚呼恭惟至聖首出生民雖唐有王勃楊炯韓愈皮日休宋有李觀曾鞏等碑鉅筆曾筆曾不足以測乾坤之大而闕日明爰乃衰成衰聖晉而衍聖侯晉而公而五經博士之職一設於充再設於衢蓋將俾繹書傳續正義易盲而繁炬易聾而震霆嗚呼維朝議君以至聖為上世祖以太傅公為祖以少保公為父以少師公為兄而君內列侍於寢外隨侍於堂愉愉如也抑復祇祇秩秩如也抑復詵詵爰迺詩禮堂有講幸魯有典博士為蟒衣有副總裁賜匾額有賜遠而述聖專祠有俞旨格帝心膺

存硯樓集卷六 祭文

十六

天眷以迓清蹕以班闕廷爰迺矻矻窮年循循計日於周左氏則嗜內外傳於梁彥和氏則嗜離龍於宋伯恭氏則嗜博議而研露有集麗則有集蕉露有集拾葦有帙零門有賦蓋胥克採材於孔叢探輿於孔壁以上符御書遠秀之指而抑匪止標詞苑而闢藝林此系牒所以彌振而親知所以彌欽也嗚呼吾實無似藐茲弱女幸歸高門以祇事君舅君姑肆內則之董萱誦國風之蘩蘋而內外胥無祿吾女早逝君嗣茂才繼逝曾不獲卒薦膳醢以重貽君戚歲丙申君配任恭人逝歲壬寅季秋君又繼逝孀孀承重屬在孤甥而少師公導之君詰嗣省漕君左右之裁克卜先遠治窀穸然則姻戚之末衰髦之餘如予者即奚得禁噫喟之咽而復吐涕洟

之輟而復生也嗚呼儀匪克腆彼匪克馨維賢辭兮往薦饗
明靈兮降歆

存視樓集卷十六 祭文

七

祭大醇吳君文

嗚呼昔君昆仲之惠講世譜也歲已卯秋始識君於潤州之南堰君時留飲座客多雄辨而君獨沈默少言大文亦蹇澁不能辭翼日輒再握手而別嗣亟見君於廣陵詞約而理勢胥叶寢稔君才又聞君僑宛陵之灣沚朋交響附大文鹿鹿走荆宛間久不克通音問而聞君伯兄諸臣先生之不祿也輒泫然者久之丙丁之交授經白沙君嗣冠山在列而君仲兄霖蒼先生季弟覲揚會胥寓廣陵時時過訪談文藝又亟從廷佐洪君獲君音問洪君性雋邁借遊來白沙者率談君才不少輟迺彌稔君曩日之沈默少言其蓄誠厚而其識誠遠也庚子覲揚籍賢書冠山望亦日高且寢類震川先生

存視樓集卷十六 祭文

六

集中語所謂貢於成均薦於京兆者竊爲君家子姓喜而聞諸臣先生嗣又舉遠至不祿又聞霖蒼先生之尋厥代也輒哽泣而草辭以酌之戊巳間大文旅宜州隸邑君時惠箬嶺北音問謂盍過訪我已酉冬孟始得循涇溪青弋江而北艤舟灣沚是時君業裝返歛復留欸語三十年來離合死生升沈之迹暨科舉文之尺度而終慨僑居非久計幸能訪篁墩弁溪間否其一時景緒大率類前賢所謂我未捨駕子已迴輿中飲相顧悵然動色者而大文不敏抑獨內訝君之齒未衰而遽斲釋頰也庚戌覲揚冠山成進士覲揚司起部冠山簡入詞院館試亟前其曹輩大文時遊晉冀重爲君喜比癸丑歸尋聞冠山業請告斬省侍而傳聞異辭竊疑其決

不爾而不虞徽郡函牋之復易籤題也嗚呼以君撥劇之才
經遠之識解推之惠然詰之信謂雅宜上壽而借伯仲二昆
胥不克遐躋耄耄此士友之所羣疑氓稚之所同戚然詰嗣
酒獲先幾緒感親奉訣辭以無訾名教而并獲逾明季館中
前輩五載不請假輒蒙躁進之訾意唐左臺公明司徒公之
世望且有繇此以克恢闕而振耀之者而君抑庸可無憾也
大文以地遠不克躬奠又不克具牲醴裁草辭以薦而抑不
敢侈瑯曼之辭以寢掩其質惟君鑒之嗚呼哀哉

存硯樓集卷夫

祭文

九

祭曹莆田文

嗚呼先生雋茂午爲名孝廉合莆田爲循吏今齒踰六十而
又有謬廷以爲之子然則先生殆可無憾維是謬廷遊京師
名籍甚聞先生病而歸歸而先生卒而某羈於此不獲躬奠
尊其庸得無一言以道情至而事不從之訾昔明嘉靖庚戌
歸熙甫誦禮部試主文茶陵相深用爲恨邑邑數月卒熙甫
王夫人泣曰世無知君者矣雖然茶陵公負君耳已未熙甫
又試卷格於外廉熙甫著解惑援河南廳壁事曰是皆杯中
之影類也嗚呼世固不少杯中影而影復生影卽相責豈有
窮哉維是謬廷齒行長矣前二歲陸夫人卒曾不獲如王夫
人之慰藉與知其知謬廷而負謬廷者得無微有憾邪且今
而後其誰爲太倉鄭二相之果知熙甫與鄭相之知而卒不
負之者邪而要知而負之與負之而絕不知者是皆杯中之
影也然則先生良可無憾也禮曰四十曰強而仕孔子曰四
十而不惑孟子曰我四十不動心今江南人士齒未四十而
制藝名天下惟漢階謬廷耳齒不及謬廷未有果能名世者
也齒不及謬廷而斬名世胥矣也計謬廷免喪齒適四十然
則先生之望雖少淹而意者其行合於禮乎某等蓋卜今而
後知謬廷者當益衆而卒亡負之者而杯中之影與影之所
生者盡亡也白居易詩曰孟子心不動吾今其庶幾然則所
以卒釋先生之憾意者今其庶幾乎某等雖不獲躬奠尊而
先生聞是言當以爲何如也嗚呼哀哉意者不啻奠尊乎嗚

存硯樓二集卷夫

祭文

三

呼哀哉

存觀樓集卷六祭文

五

祭任緯仙文

嗚呼自乙亥季春予十人始集於九峯樓魯觀最長家叔五
 承暨峻升次之次又葵次予舍弟來肅次聖幾舍弟禮執暨
 文煥兄最少而其文且如川之始至奔肆羨溢而不自制也
 是年秋益山立明年益舍弟九崧山立亡何官京師來肅僑
 家毘陵魯觀家溪之東南聖幾文煥日坐客館授生徒獨家
 叔子兄弟暨又葵於兄過從尤數兄不再日輒至九峯樓予
 亦時飲兄家從容談文藝及前輩諸公得失竟日夕不倦是
 年冬同遊暨陽間一歲丁丑夏復遊焉而歸歸而復遊而不
 虞兄之遽病也是年又葵貢於成均明年益起潛舍弟汜雲
 凡十四人又明年魯觀峻升豈潛舉於鄉又明年山立歿於
 京邸吾黨之士奔走四出又或牽於他事卒無須臾間得
 復如向時會集之盛而兄病而小愈愈而一再至九峯樓復
 大病以至日羸削焉而遂以沒嗚呼八年之間十四人之中而
 其升沉壽夭之不可究詰而殫知者且如此也魯觀峻升暨
 家叔長兄十二歲又葵十一歲予十歲齒最少如汜雲且百
 有餘日而兄才尤開美文日進而未有止顧與予兄弟同汨
 沒諸生中而兄并不得以諸生老此則吾黨十二人之尤痛
 咽涕洟者也君有子十一歲聘魯觀之女意天所以報兄而
 成兄志而振耀之者其在斯乎予是以哀君之終而少用此
 慰焉嗚呼哀哉

存觀樓集卷六祭文

五

祭張相公母何太夫人文

粵我 朝乙酉師定東南先銓部贈大學士公實以是歲首
解南省爰是合子編史先生對大庭前多士恭惟大學士公
聿用清忠粹亮弼謨日月師楷百僚越詹簿學使計曹明經
諸公子暨孫曾數十人後先登朝曷奕彪炳為當代世臣家
第一而太夫人寔佐銓部公敬之嗚呼維太夫人御家之恪
女訓之貞守器襄事之敏字畫圖史之工以匡以整是篤是
培此雖彤管譔次穎徽墨鏤豈復能具載瑣細哉嗚呼而今
其逝矣某等莊誦行冊竊嘆有國家者唯世臣是賴我 朝
統一寓內六合清謐頃以重憫邊氓期門三駕大學士公實
慮從焉時太夫人故家養足不窺闕外迺能百叩首露禱祈

存祝樓三集卷六 雜著

三

早滅賊而公遂獲日夕幕次贊機籌餉指蹤以報成功然而
紀拖林輓粟之語展耶律見月之章某等敬在下風未嘗不
嗚咽徘徊浪然雪涕也公去歲懇假奉 御書金剛經以歸
太夫人跪誦惟恪手摹十數行結體道楷弗懈益虔此又世
臣忠謹之效也蓋壺行尤暴著云云經帙如新而昊天不弔沒
於邸寓矣嗚呼哀哉維太夫人少育望族妻道母道胥正罔
缺安尊壽考終始哀榮窳窳行啟良可無憾顧諸公子方底
力清時一旦哀奪而大學士公再秉鈞樞抑無能無三年淹
焉以重為海內缺望昔宋范文正公服中上書云豈可以一
身之戚而忘天下之憂公獨能無意乎某等幸生數百里內
誼屬世講敬薦牲醪侑之以言雖極知不腆抑古之人所謂

上為天下慟者而下以少布其譜末之私焉嗚呼哀哉

存祝樓三集卷六 雜著

三

祭張天門學士文

嗚呼維公華資世望在晉范陽在唐猗氏實借臨沂陽夏埒而文貞公以斗宿德精之鍾萃再冠台司勳載史乘聲被筦絃茲未易殫數維公東序瓌英西清雋選於庭誨得文貞之蘊於塾誨得昌化之機遂廼擢峻科簡詞苑而當時大臣偉議嘗以不歷郡邑不陟省臺古制也錄是出涖民務凡羊腸孟門榭林正梯之所環繞麥積黑谷三都武峯之所輻輳者麗叟稚童罔不階側扶鳩道周策馬家人煦嫗考課實爲秦晉最廼復入班館閣祇事編摩中經聿采總目式序李肇蘇易簡前志載錫之光爰是有讀學之命官制則咸平建職院直則秘閣築廬浦城資高清江譽振廼復宣訓頒條典

存硯樓集卷六 祭文

五

祭百歲汪太孺人文

嗚呼禮就見百年漢唐常遣所在長吏量加存問又例賜帛帛五段粟五碩而唐開元十三年東封太山詔侍老百歲以上版受下州刺史婦人版受郡君太和三年詔百姓婦人年九十以上各賜米五碩絹兩疋綿一屯羊酒有差版受刺史郡君禮尤崇渥國朝會典婦人壽百歲給銀三十兩建坊旌爲貞壽之門而歲已亥太安人壽贏百獨克被特恩御書期頤衍慶四字雙鈎摹於養心殿額匾以賜此其生極榮而沒尤可傳者也維新安程氏系上程廣平之謀承安西武毅之緒碩士懿媛志不絕書而今復鍾純祐於太安人齡贏百有一孫臚唱甲科第一維汪氏自唐越國公武德四年使持節欽宣杭睦婺饒六州諸軍事碑記曰感天人知已瞻玉闕言懷薨於貞觀二十三年廟食烏聊之東峯南阜裔姓最號碩衍今析徙吳之虞山絲庚辰距今二十年再題及第第一維茂才公博綜墳籍著續皇極經世書立誠書七音類集又著雪中集述梅圃山人集纂誤不淹晷而太安人區畫米鹽以依佐而俾公益以專其日力泊年餘九十語姑黃太安人暨茂才公輒哽涕性好施醴糲粉資餉餉族黨肅誨子若孫文學公儒林公今胥以耆碩魁磊著而殿撰先生遂用高文雄藻侍從清禁入直南書房參受宣押宴之班其於宋明以還發源學士玉山尚書之訓辭義疏僕射右相之崇階華秩行兼武之它孫若曾亦雅號惇敏而汪氏之闕閔且日峻

存硯樓集卷六 祭文

五

疎而莫之涯極胥太安人佑啟之也抑禮問百年匪直歲時存問而已昔歲庚申當 國家奉集底績鳳凰柔遠之時景命昭鑠而太安人實叶運而生洎乙丙隸籍 聖政遐宣多所諳悉蓋借大家之續漢史宣文之傳周禮胥可備千禩掌故而巳亥 特恩亦可編通典冊府文獻諸書然則今之蛻而遊於真也蓋當借鳥聊碑記胥圖所以永永不朽者而楚些韻咽無庸上薦某等獲附殿撰先生謹謹奠牢醴陳質辭以蕪鑿格

存視樓集卷六 祭文

元

祭吳豹文母汪淑人文

嗚呼粵自歲乙亥侍御君暨紫微汪君始遊敝邑侍在陸先生講學而邑人士始獲紀遊侍御君暨三君雄才瞻學皆恨相見之晚蓋嘗縱步天藜閣對君山俯荆溪慷慨論文意氣逸上直欲隘四海而渺九州旣而聞通議公恢宏朗達暨太淑人之賢哲迺知少室必本太室少華必本太華而天所爲顯母儀表禮宗者果兆之丙子之秋嗣是在陸先生駕言遊揚於我乎館尤忠且敬而敝邑人士往來南北過訪存園未嘗不啟少傳之泉石潔左丞之尊羞間行園中高臺平陂佳卉芳樹妍秀妥貼無一不當人意迺益知通議公經綸卷舒餘智猶足辨此而太淑人仗助而逸之者以整以暇內政優優夫識高則規遠神定則慮周宜其逸少視汪君仲容視諸臣寧蒼兩君而凡事君姑睦族嫺慈妾媵肆圖史豐碑不能盡述形管不能盡褒夫乃自天降祥寢昌寢熾侍御繇甲第歷戶部曹郎籌國裕民考課書最

存視樓集卷六 祭文

元

天子寵嘉之 簡任西臺凡十五曹二院故事知無不言言無不盡意者師門所學獲施於用而庶幾古者埋輪請劍之儔矧乃有孫嶄然蜚聲藝苑而曾孫復再舉矣四世一堂馳封三品年躋七十冠珮優游休哉此一時盛事而度越江南北十數軍州者邪嗚呼奚爲不百齡而疾遽莫之有瘳也廼俾侍御君請告不逮徒眺奔喪少淹鈞軸蓋不惟里巷聞者罷杵泣下而海內賢人君子皆爲歎息而私憂矧敝邑人士

附世譜交譜頃緣在陸周喪每過草堂輒爲腹痛迴復聞侍御君遠丁內艱諂臣不祿因思天藜之高談追存園之清讌其惻愴尤相什伯也能無考行誅德而涕泗滂流生芻一束古有其義矣敢做是行之當敝詞兮髣髴倘欲格兮夸猶哀哉

存碑樓二集卷六 祭文

无

祭趙母錢宜人文

嗚呼維學政公以南宮雋選銓注廣南西路僻左邑而循聲懋著號廉吏第一昔恭毅公嘗語客吾弟作縣雅勝於予夫恭毅公之清海寓胥企之而其辭云爾則夫學政公之紀譜而考最者實宜特書曰極清也。今夫懸魚留犢匪內助不成故宋曾文定公刻女傳序嘗重慨嘆於士大夫之以家爲累者粵維夫人紀家秉則井臼恒撝肅官署則筐篋悉屏獨克無少滋累以符宋范忠宣公惟儉可以佐廉之訓然則謂夫人借學政公同清焉此亦恭毅公友睦之惇誼而激揚之覈評也。泊學政公改陟 禁林司衡齊魯復號公明第一蓋錄宋設提舉明升提督以來克舉纖翳片滓而胥絕之數百年

存碑樓二集卷六 祭文

三

也。矧夫以事舅姑之禮肅事其妯若姑以收族郵嫻之仁惠逮其家人而尤克以勗學政公之聿砥厥成者勤誨其子若孫茂才君業蜚英夔校號高才生。而倅轄君文學政事卓越倫等行武恭毅公學政公迅陟制撫鈞樞以闕衍資德公之世緒上舍君復以詞藝高六館而文孫盈十琮璜圭璧焜耀庭階曾孫亦蘭英苗茂繼承滋永夫且胥武侍讀公以彌振平涼益都內江蘭溪之姓苑姓林也。大文等幸附媼戚嘗謂夫人齒躋耄耄履履清華翟衣鸞軸彞典有赫此業已錫臨安世系之光矣而其尤難能而可貴宜特書古天水趙母列女傳之七卷者雖班昭集注之所疏釋不足殫厥懿徽而薛

蒙王博妻女訓女誠之所肄誦不足播厥德馨也今竈窠戒
期廡車告設樓鸞名社實協佳城深慙祇薦不腆殊不克少
擬生芻抑或於學政公暨夫人之清修庶有符焉而輒敢陳
辭以仰慚高霞芬飈之來格而來歆也

存視樓集卷六 祭文

三

祭吳母孫孺人文

嗚呼昔先侍御公偕歛溪南尚書公肇聯世譜某等曩日又
獲從上舍諮臣君文學霖蒼君昆季游而知夫人之德寔克
行於家也恭惟夫人爰依佐司訓公克成名儒序薦於北闕
埃銓於南曹而夫人飭滌瀦虔絜祭睦媢胥無譽禮此其
可亟歎而重嘉者也丈夫子六敕專肄誦而孫曾奕奕承承
亦胥嗜學今司訓公裔籍於郡邑校暨成均餼於齋上舍於
堂登賢書於宗伯升選士於司成聯羔疊鵠焜耀冠蓋唐左
臺明尚書之系日益衍焉然則夫人之飲贊警誨以克履於
延陵氏者殆未之有涯也稽壺範輯女誠其型肅於矩矱其
應符於桴鼓文學君字汪氏女正守且二十年而其它亦胥
歸士族允協女士至若樛木之逮下葛覃之孝親此又與相
舟二章胥可金石勒而筦絃諧也履禮蹈道不行贖禱不斬
齋儼而齒眉大耋景福駢臻今紫標翠翟之褒錫在指顧間
其視圖史所錄馮勤之母虞潭之親蓋無不及而有加者也
此某等今日以哀奠兼哀誄以誄辭兼頌辭而匪類力而相
者之凄輟駢而從者之咽笳也恭惟夫人庶克格止以鑿不
敏之辭以款不腆之奠以揚靈飈而升景華也

存視樓集卷六 祭文

三

祭王太恭人文

嗚呼粵惟太夫人有三絕德焉參閻公以勳力奮詰嗣參藩公以猷畧顯於時理河漕轄東南吳州南充芬華地而太夫人帥家人以儉俾無敢侈統綺習一也參閻公逝太夫人正盛年而疑然不少撼稱太原氏未亡人者浸六十年二也文孫洲若成進士秩望郎樹百亦以才有聞曾孫二難蜚英日下號高才生倩續古韓子號南省禮部試望士羣甥亦蜚英吳會而曾不聞太夫人少有溢色也夫其無溢色若此則其雅不少挫縮者又可知矣三也或曰崑崙之玉藝七日而不熱信乎曰信今夫洲若子其才請該綜暨實克有神於世用者是崑崙之玉也今亦既焚七日矣而起而備琮琥瓊瑀之用此固理之宜而斯用洲若子者之雅克為海內愛惜人才焉審也故大文誤太夫人誄如祇以哀辭大懼貶損其葆真履和者而直以頌辭蘄辭以追紆其闕恢之雅志

存規樓二集卷六 祭文

重

祭趙淑人文

嗚呼維延陵氏系於唐右史析於丹溪西南維天水氏肇寶符衍仙源暨夫人之懿德熒行茲未易縷數綬綬嘗客吳竊聞西臺夫子之中鄉試式也海內人士翕然宗之而夫子治經程業彌蘄其用志不分而凝於神也南棹絕江數百里徧陽羨城南古墅前對君山近對漢許太尉墓林木森鬱右瞰內外溪蓋舉綬鄉先正文公所咏荆溪兩岸春者胥吐納而發之於文每墅左側氓丑漏起輒聞朗誦聲迄歲除日不少輟若是者凡三年而夫人專紀家枋奉烝祭事通議太夫子汪太淑人饋族姻率無違禮洎夫子之成進士司戶部曹也時今冢宰張公為尚書洩署尤早每黜棒至扉榻寂然夫子業前起居鉗文書尾覈可不若是者六浹月張公賢而疏薦延陟西臺國風女曰鷄鳴鄭箋曰夫婦相警覺以夙興也明星爛爛然早於別色時毛傳謂將翔將翔間於政事而孔正義早朝於君君事又早終箋又曰說德士大夫賓客有德者贈送也與異國賓客燕而正義謂外來賓客夫異國賓客可外來士大夫亦可謂異國錄此二者觀之則夫人之雅相警覺而曷夫子以勤職屬業概可見矣洎夫子之讀禮而歸也夫人益承汪太淑人志修存園闢賓師館力趣世譜孝廉君學而旋以賢書薦夫妻道母道前後一揆然則女曰鷄鳴之三章抑又可賦矣嗚呼今女宗已亡德音猶在唯斷夫子善調寢興復為蒼生起而孝廉君且入玉署直左掖以益承夫

存規樓二集卷六 祭文

重

人之雅志此綏借秀鍾岳大文潛等百七十有二人所爲北面而肅侍南瞻而祇拜者也嗚呼牲醪不克躬薦紼娶不克躬親撤質辭而叙哀庶淑靈之降格

存視樓二集卷六 祭文

三

祭劉太夫人文

自歲乙卯先君子分校山西試首得官諭先生卷嘉歎不輟訖事來謁知爲敏果公之冢子敏果公教之於外太夫人教之於內故官諭先生雖少年而已具公輔器則太夫人之賢概可識也敏果公厥歷內臺總司紀綱官至大司寇太夫人實克佐之故公廉直聲振天下先君子嘗遊燕進謁邸第雅聞其家法歸爲右文輩述之曰此中朝第一家也先君子卒敏果公實誌其墓且爲之銘及公引年致政典冊褒崇官諭先生時官鳳池禕褕翟芾太夫人備受朝典士族多羨之天不憖遺敏果公薨於里第官諭先生哀毀尤至既免喪重違慈養蒸蒸左右不赴南曹者餘二十年迺蒙非常之眷升華

存視樓二集卷六 祭文

三

法從主文於縣分校於禮部復膺簡在視學江南版輿迎養日訓以大義故南省清望彌著六飛時巡 御賜臨壽霑榮匾天下士邀聽者知官諭先生有壽母益侈述之右文等或宦於楚或旅於燕齊江右又以部氓不敢通謁戊子冬十一月試事告蒞太夫人年八十大文郁文雄文進拜於階下竊聞耳目聰明有逾少壯退而見其諸孫英秀卓犖既而又始舉曾孫一門四世環侍上壽深歎爲衣冠家盛事而執意太夫人之遽疾疾而遂以不祿也嗚呼年躋大耋抑可謂壽榮兼夫子至錫宸翰抑可謂貴而右文輩猶有愴者蓋以官諭先生屏居苦次少淹鈞軸既當與天下引領以望而重念數十年雅誼之篤思敏果公暨太夫人之清德懿行稔知官諭

先生之至孝乃益歛歎太息至於涕泗沆瀾而不能已也式
陳薄奠聊展微忱弁佐以言以託於禮宗女師之誄頌嗚呼
哀哉

存硯樓集卷六祭文

七

祭阮母姜太君文

代

嗚呼昔海州公與靖五公同任樞筦宣力淮楚某與行人公
又同籍更曹而兒子復獲從文學長公次公游故太夫人媿德
懿行知之蓋詳當太夫人之振家緒膺國綸也人胥已榮
今以耄壽終人胥已戚輒太息泣下矧迺三世雅誼兩家系
譜能無氣淒咽而涕洟浪嗚呼哀哉維太夫人聿生望族實
號姬姜自其聞庭誨肆壺則又肅承兄西臺公之訓以歸靖
五公也順而克敏和而克莊爰乃孝於舅姑睦於娣姒篤於
夫之女弟暨所自出惠於夫之族屬慈且飭於臧獲仁於塗
之人窮而無所告者而時風雨霜雪輒中夜撫枕而徬徨其
飲靖五公以有成也實克俾中雋於丙午又雋於壬戌遂迺

存硯樓集卷六祭文

美

擁旄秉鉞出奠蠻徽爲國家威重臣其訓行人公也實克
俾績厥緒勤厥職爲清班法從之臣其訓長公次公也績學
織文畫英騰實而其訓女婦暨女孫也曰整爾爾泉曰潔爾
醕漿爰乃得上舍徐君諮議張君比部王君司諫朱君以爲
女之夫得上舍錢君以爲女孫之夫內外姻戚胥號華貴而
太夫人禕翟展鞠崇封一品駕三馬之交路采九條之公桑
矧迺康寧壽考耳目聰明綜理審密雖以某無似而丁亥
詣闕嘗命行人公辱觴焉禮成而去敬識無忘而某與
長公次公暨錢君會藝於兼三堂又於凝園從容文譙談義
互起太夫人尤喜是役也召見命坐列耦隨行今歲某復
歸燕將再以諸孫禮見而孰意太夫人之遽厭世也嗚呼哀

哉曷不百年永觀壽昌迺俾行人公之養不克久摧裂深墨
少淹臺省而長公次公暨錢君雄詞鉅筆亦且仰贊尊戚考
喪禮之闕而補南陔之亡聞靖五公航海入淞時見異徵前
一歲家人夢神與曾孫果乳孫竊卜三君不泆再暮且借籍
南省入承明而阮氏之慶太夫人之褒贈胥無疆也爰撰斯
辭實用獻尊直以職限將漕末繇跪奠而命某肅代以兆符
祉而薦苾香嗚呼哀哉

存視樓集卷六 祭文

三

公祭王室顧恭人文

嗚呼維夫人以閣學公爲父以檢討公爲兄以榮祿公爲舅
以參議公爲夫以鳳池上舍君爲子而復以長洲韓君爲婿
孝而克敏肅而克寬此當世之司風論者暨族姻宜能道之
無俟詳說維是參議公少而雋邁紛綸文史跌宕觴詠舍後
表凝園古槐六曩苞九蘇先生子師陶先生胥館槐陰室漢
瞻曾君季開陳君甘來邵君暨份鈞士鉉焯日輒再過從大
宗伯大司寇韓翁二公季野萬先生崑繩王先生暨名世等
亦時遊憩焉洎參議公出宣力河漕持淮揚蘇松節而葆光
大文繼館於園旣而鳳池君蜚聲藝苑詠一士汝暉等時獲
遊從鳳池君旋登中京兆禮部試甲午韓君復試京兆萬炳

存視樓集卷六 祭文

甲

毅武登恒廷鏢等月輒味爽詣園三課制義比今歲庚子而
韓君居太學推祭酒復偕鳳池僑華州陳君暨兆豐京願學
洋辰等勤肄曩業焉益自四十年來勝流文譙率在凝園且
不啻漢洛陽建春門東之白社里唐長安之葡萄杏園韋曲
朱陂莊六槐下趾交錯且不啻梓澤沙棠禊亭竹故其間夫
人之行也稔而今遽聞夫人疾疾而年未羸四十而卒凡譙
詠茲園暨雅審交者之子若族姓胥重爲參議公鳳池上
舍君悲而凄然歎泫然泣之滋以甚也參議公述夫人行終
詳韓君試報罷不怡久之曰族姻胥說脩文高海內盍圖逐
時好乎比疾寢草不少輟然則夫人之通曉經義識大體凡
所以祇閣學公訓飲參議公而廸鳳池上舍君者嗚呼蓋并

無蒞涉疑園摩娑六槐而聞其地覈其時而胥稔之矣分等
辱附雅契輒質言概畧用薦牲醪而抑喟吾黨士有以少解
其悲者之滋渺也嗚呼哀哉

存硯樓二集卷六 祭文

聖


關潭些辭

乾隆戊午秋八月二十有四日昧爽嚮疏舟艤潭陽十人競
陟舟運蔬舟覆胥溺焉周子曰吉凶悔吝生乎動吉一而已
動可不慎乎十人者以動凶而人事未嘗廢動也國語曰民
生在勤勤則不匱十人者以勤殞而人道未可廢勤也此其
視畏死者有殊矣爰賦些辭以哀之辭曰關之哀些潭之黜
些驚埃職而廩聖猷些尚無說些

存硯樓二集卷之十六

存硯樓二集卷六 祭文

聖



存硯樓二集卷之十七

宜興儲大文六雅著

門人

雜著

策問



問古者治水之法疏濬而已。蘇湮洪水不效，春秋戰國稍祖其說而隄防起焉。然猶未定為不易之策，不磨之論也。至明總理河道潘季馴著河防一覽書，其說曰：黃河力專則能刷，濁沙力分則勢散，緩惟作護，河堤束水堤于兩岸，以夾逼之。則河流駛急而沙自不至壅積，于是以清刷黃，遂為治水者之規矩律度。一百六七十年来守之不敢變，縷堤遙堤隔堤。

存硯樓二集卷十七 雜著

一

截河刺水堤日以滋益，其遵是書也。殆不啻買讓治河三策。歐陽圭齋河平碑矣，然當是時且猶可行之于高家堰歸仁集堤，以東逮崔鎮而不可盡行之于上流之銅瓦廂，其果克行諸萬世而無弊歟？抑亦有當詳議者歟？中河之開漕艘暨高旅利之然，宿遷駱馬湖受蒙沂諸山之水，周百五十餘里，宿遷縣西二里有陳溝口，又西二十里有董溝口，胥可通大河，以刷沙而今繇湖口至攔馬湖堤壩列峙，石礮竹絡交鑱，固閉若惟恐湖水稍淺而運道遂無以贍者，則清水敵黃南，北對刷之力恐寢微矣。其亦有當詳議者歟？毛城鋪減水壩，蓋欲束蕭縣上流諸水，西由礪山之小神湖以東入睢河也。而今并議開毛城河矣，當明神宗初潘季馴于宿遷縣河南

岸十六里築歸仁堤以制蕭之，永固姬村靈璧之孟山睢寧之白馬莊諸湖，暨它水使不得全注于淮，又束睢水湖水胥由小河入黃河以護高家堰，而小河暨白洋河胥故睢水也。本東入洪澤湖，然則開毛城河之為利害于歸仁堤以下逮高家堰周橋者，可不熟籌而詳議之歟？昔人有言曰：東去尚宜開海口，西來切莫放周橋。蓋恐周橋或潰，則東越運河而注于秦郵八寶以下，逮海陵南連汜光白馬，甓社諸湖，而并包都梁，越大儀以衍溢石梁老鸛河也。今高堰古溝，卽周橋左右諸溝，雖私艘越渡百餘年來，其弊久絕，而東疏清口下至廟灣雲梯關百六十里黃河奔騰入海之道，南道芒稻河珠金沙河灣頭河柴墟鎮河泰興周橋河三江會口河虹泗

存硯樓二集卷十七 雜著

二

上流則道毛城鋪周家口龍溝諸水入昭陽微山湖，以又黃道湖水睢水并經理泗州，以又淮而保歸仁三十九里堤之涵洞三閘老堤二閘，以固高堰者，可不詳察而早籌之歟？諸生居室距清口高堰不遠，而宋胡翼之先生教學者，以經義治事，嘗立治河齋，與治兵並重，此亦有志當世士之所宜留意也。其詳言之毋隱。

策問

問宋自南渡後而有呂東萊陳止齋陳同甫薛士隆葉水心之學胥以經世為宗故語曰浙東事功明白萬曆已未後而孫愷陽劉念臺李閻六蔡公虞諸先正號為理學碩儒亦鈞研經世學不少輟今其槩略可得聞與宣州前輩如沈少典修撰湯霍林祭酒胥有志於經世少典與江陵相齟齬不甚合而江陵終始竒之故霍林嘗曰臨軒策試之外即江陵亦不可謂不知先生然則江陵固未易訾議與霍林三分校當時臺掖如周永春輩疏力攻之然永春後開府不能全瀕海四衛訖為辱國之臣則其言固不足信而霍林之所雅企於鄉先正胡梅林沈少典者其直文士托之空言已耶抑亦識

存覽樓集卷十七 雜著

三

較度越而第為李王諸秦黨摧抑而不克振與梅林總制浙閩於辨說則用蔣東洲於文翰則用沈嘉則徐文長胥浙東諸生文長出飲酒至夜半啟和門以埃之時多疑優獎文士之過而梅林之所以訖成明秀功者抑獨何與僕聞宣州世闕如梅氏吳氏劉氏多流傳經世書此諸君子出而致用之藉也願并書其槩略

策問

問唐承隋設進士科知貢舉官先覽行卷溫卷乃試帖經著文詩賦書勝歲不過三十人而是時才雋士大率收錄宋承唐設糊名制又設易書制或問歲一舉或三歲一舉分五甲書勝多或至千三四百人少亦不下六七百人而所得才雋遠不逮唐如石曼卿孫明復蘇老泉程伊川李濟南諸賢遺供滋衆楊大年穆伯長羅豫章陳北溪諸公或賜進士或垂老特奏名其由一舉至六七舉未易殫數唐取士少而得人多宋取士多而得人少此其故何與明分設鄉會場改鄉貢為府尹承宣司試屆期巡按御史布政使幣聘直省宿學士考校墨義雖布衣得與其銓擇去取則巡按提學暨外簾官

存覽樓集卷十七 雜著

四

為政多收錄宿望士是故成弘正嘉前墨義率純雅克備會試之選而是時主司亦少以私賄聞洎萬曆乙酉直省典試胥例差京朝官外簾官之權盡移於內簾科場議益以密而私賄益甚墨義暨行書文益衰會不足以備會試之銓簡而會試且復踵其轍宿望士寢少於是文學彙社如陳眉公管席之王房仲逸季宇春張元長瞿元初邵茂齊繆太質費學卿徐思曠韓千秋曾大奇無擇沈君烈眉生吳次尾周勒由易曠侯劉士雲楊子常顧麟士嚴印持李舒章王玠右傳平叔沈憲吉張爾公蒞熾伊邛邦士郭水容黃錫余章雲李諸子暨經正豫章幾復諸社文乃遂四出而不可禁有司雖禁之以名而海寓承學士且尊之以實於是茗溪程番金斗

三山諸臣。至欲并其文而胥湮塞之。而益非所以示至公也。然則唐行卷溫卷暨明初外簾官參議去取之制。意亦未可盡廢。而其克俾私賄之訖不行者。又將何道與。昔宋范文正公少以天下爲己任。主管南都學。其所賞拔士。遂開宋七十年太平之基。諸君子未可廢此志也。願斟酌唐宋明制而擇其克無失一魁傑士者以續文正之志。

存視樓集卷十七 雜著

五

策問

問漢文帝十五年詔諸侯王公卿郡守舉賢良能直言極諫者。後世修之而晁董公孫得人爲盛。自隋大業三年始建進士科。唐襲其制。其科之目尤雜。而天子自詔曰。制舉以待非常之材。宋修之。更其名曰制科。凡籍南曹者及山林隱逸之士。皆得舉於朝。而富鄭公張安道二蘇公之徒。名臣輩出。今其制可備。聞與自明洪宣後。畸中進士士之屈首受書者。非制藝無以自達其業者。亦日以工然。王文恪公最爲秀出。而震澤長語謂宜兼行制科。崑山歸熙甫先生亦時致意焉。豈其知制藝之卒不可以傳世行遠而漸有所更章與。今天子歲在戊午。嘗詔舉博學鴻儒識者。以爲有唐制舉宋制科之遺意。而五六十年來之治詩古文詞者。亦多出於其途。然是時司銓及侍從之臣。嫉之如讐。今寔三十年矣。其當卒罷與抑亦倣漢唐宋而載之。令甲與二三子講明古義久矣。其悉書得失以對。

存視樓集卷十七 雜著

六

書鄒縣志後

康熙二十年五經博士孔毓埏請做顏曾孟三賢祀典立述聖專廟於闕里孔廟西北隅禮部議子思子從祀孔子廟自宋大觀二年始至端平初升入十哲從祀於堂上咸淳初同曾子升入顏孟之列是為四配而顏子廟初建於堯在唐開元二十七年祠建於曲阜在元泰定三年孟子廟建於鄒縣在宋景祐四年曾子廟建於嘉祥縣志稱創始無考至明正統以後屢經修葺惟子思子向未建有專廟元元貞初因鄒縣舊有子思講堂遂建子思祠後改稱書院明正德元年始以衍聖公次子世襲五經博士奉鄒縣書院祀事而曲阜之廟祀闕焉應如所請做顏曾孟三廟規制建立子思子廟

存硯樓集卷七

雜著

七

春秋致祭載諸祀典獲允是鄒縣曲阜胥宜祀述聖也

書上邪曲後

漢鼓吹鏡歌十八曲上邪曲第十五曲也又曰漢十二曲上邪魏十二曲太和晉十二曲大晉承運期也辭云上邪我欲與君相知長命無絕衰山無陵江水為竭冬雷震震夏雨雪天地合乃敢與君絕子愛其辭荒忽勤懇絕勝乘車戴笠語李白遠別離云蒼梧山崩湖水絕竹上之淚乃可滅其抽思同也又按邪字當讀如晉鞞舞歌邪正不並存邪正各異律之邪晉鐸舞歌聖人制禮樂篇昔皇文武邪近帝武武邪邪巾舞歌以邪宋鼓吹鏡歌詞艾張曲武子邪淮南子伐木之聲邪許讀皆同何承天宋十二曲上邪篇云上邪下難正衆枉不可矯此其音也又曰今吳音多呼耶當讀如耶也吾何

存硯樓集卷十七

雜著

八

嬰幾令吾吾讀如魚也

書宋皇祐詳定大樂詔書後

宋仁宗皇祐二年冬閏十一月詔曰朕聞古者作樂本以薦上帝配祖考三五之盛不相沿襲然必太平始克明備周武受命至成王時始大合樂漢初亦沿舊樂至武帝時始定泰一后土樂詩光武中興至明帝時始改大予之名唐高祖造邦至太宗時孝孫文收始定鐘律明皇方成唐樂是知經啓善述禮樂重事須三四世聲文乃定國初亦循用王朴竇儼所定周樂太祖患其聲高遂令和峴減一律真宗始議隨月轉律之法屢加按覈然念樂經久墜學者罕專歷古研覃亦未完緒頃雖博加訪求終未有知聲知經可信之人嘗爲改更未適茲意中書門下其集兩制及太常禮樂官以天地五

存視樓集卷十七 雜著

九

皇祐三年春二月詔兩制及禮官參稽典制以定國朝大樂名中書門下審加詳閱以聞秋七月丁巳兩制禮官王堯臣等言按太常天地宗廟四時之祀樂章凡八十九曲自景安而下七十五章率以安名曲豈特本道德政教嘉靖之美亦緣神靈祖考安樂之故臣等謹上議國朝樂宜名大安詔曰朕惟古先格王隨代之樂亦既制作必有稱謂緣名以討義繇義以知德蓋名者德之所載而行遠垂久之致焉故韶以紹堯夏以承舜漢以救民武以象伐傳之不朽用此道也國家舉陸正失典章交備獨斯體大而有司莫敢易言之朕憫然念茲大懼列聖之休未能昭揭于天下之聽是用申救執事遠求博講而考定其衷今禮官學士迫三有事之臣同寅一辭以大安之議來復且謂藝祖之戡暴亂也安天下之未安其功大二宗之致太平也安天下之既安其德盛泊朕之承聖烈也安祖宗之安其仁厚祇覽所議熟復于懷恭惟聖德之造基神功之配武章聖恢清淨之治冲人蒙成定之業雖因世之迹各異而靖民之道同歸以之播鐘球文羽籥用諸郊廟告於神明曰大且安誠得其正溫雅婉則當爲宋詔第一爰錄於帙以揭宋文之續漢而軼唐者焉

存視樓集卷十七 雜著

十

書宋治平遺事後

治平三年秋九月壬子朔日食上謂中書曰水潦為災言事者多言不進賢何也參知政事歐陽修曰近年進賢路狹往時進士五人以上皆得試館職第一人及第十年即至輔相今第一人兩任方得試而第二人以下無復得試往時大臣薦舉即召試今止令上簿候闕人乃試惟有因差遺例除者半是年勞老病之人此所謂進賢路狹也上嘉納之因命同平章事韓琦等四人舉士得二十人皆令召試館職琦等以人多難之上曰苟賢豈患多也乃先召試十人餘須後試時士人以登臺閣陞禁從為顯官而不以官之遲速為榮滯故為之語曰寧登瀛不為卿寧抱槩不為監此宜與唐書倪

存現樓集卷十七 雜著

十一

若水薛邕傳明曾榮張溥遺事互覈典制

書張仲景書後 附王叔和

志乘諸書紀漢仲景張氏事蹟胥多照晦按仲景名機棘陽人學醫於同郡張伯祖盡得其傳靈帝時舉孝廉官至長沙太守少時與同郡何顛客遊洛陽顛謂人曰仲景之術精於伯祖嘗見侍中王仲宣曰君年至四十當有疾鬚眉脫落當預服五石湯仲宣時年二十餘歲雖受方而不飲居數日復見仲景乃佯曰五石湯已飲之矣仲景曰氣色非飲藥之徵何輕命欺人若此仲宣後二十年果鬚眉脫落而死仲景著傷寒論十卷行世華陀讀而喜曰此真活人書也又著金匱玉函三卷胥推醫中亞聖云

存現樓集卷十七 雜著

十二

王叔和高平人為晉太醫令晉亂僑襄陽本黃帝素問秦越人八十一難經暨張仲景華元化書撰脉經九十七篇榮如指掌目難經後闡明脉指殆無餘蘊自叙曰在心易了入指難明又纂次仲景傷寒論為二十六卷行於世今墓在峴山下

書江文通與交友論隱書後

子嘗觀古之文人逸士以太白之傑放而其所為歌詩絕多
自愴離讌集登遐有壯麗宏杳之思而其所為始卒榮悴感
鬱無聊者未嘗不時見於其間蓋深疑之及讀文通論隱書
云嘗感子路之言不拜官而仕無青組紫紱龜紐虎符之志
但欲史曆巫卜為世俗賤事耳而影然十載竟不免衣食之
敗然後知士之於此蓋有不能無愴者雖以太白之名高歲
至費金三十餘萬差免衣食之敗而史曆巫卜政史遷之所
謂倡優畜之者雖肆力其技以名當時而傳後世且不足以
為古人之重而况乎其技不盡者哉自頃以來士之有文而
逸者蓋寡有之世亦不復議而其困於衣食者則率睢盱促
慄根蔓險巖以自乞於達者之前而其甚者至無所乞蓋技
之有以自盡者益寡矣不知文通太白處此其愴又何如然
則今之士未可以古之士律之也適讀文通書偶志此有刻
於律士而不知所以養之者尚以此告焉庶其少知所本

存硯樓集卷七

七

書朱公叔絕交論

文士傳朱穆與劉伯宗絕交書曰昔我為豐令足下不遭母
憂乎親解纓經來入豐寺及我為侍書御史足下親來入臺
足下今為二千石我下為郎乃反因計吏以謁相與足下豈
丞尉之徒我豈足下部民欲以此謁為榮寵乎咄劉伯宗於
仁義道何其薄哉賦詩曰北山有鳴不潔其翼飛不正向寢
不定息饑則木攬飽則泥伏饕餮貪汚臭腐是食填腸滿嗉
嗜欲無極長鳴呼鳳謂鳳無德鳳之所趣與子異域永從此
訣各自努力此公叔所以著絕交論也及梁劉孝標以到溉
薄任昉子西華復著廣絕交論後世多知溉而鈔知劉伯宗
爰書之以警纓綬之徒故人詣謁而有如伯宗之因計吏而
以謁相與者

存硯樓集卷七

雜著

六

書宋贈焦光明應公敕後

右宋贈焦光明應公敕硬黃紙寫前有慶元中觀文殿學士陳瓚書御書之寶四大字後別行云祥符六年二月四日下加寶焉寶左微闕敕亦間闕三數字要為朗畫可閱誦凡焦先焦光異同及宋托夢神仙以續天書之妄前輩辨之詳矣不具論抑予獨有感也自宋祥符歷二百年而至慶元又五百餘年而至今中間兵燹不可勝數其彰灼者若元木之再渡明之興劉六劉七之擾鄭鴻遠之奔以及王師之渡江海寇之亂或傍山或否要其搶攘固已多矣而元阿木至親登南岸石公山指授諸軍又遣將登焦山南麓遂與宋沿江制置使趙潛樞密都承旨張世傑知泰州孫虎臣大戰於山之

存硯樓二集卷十七

雜著

五

北明人書碑後所謂南北兵船門首交戰者也當時寺院碑石焚掃無遺矧其他哉又自宋訖明磨崖諸刻其堅且確不啻萬劫焉今無不泐蝕難辨者而救獨至今不毀又不甚漫漶幸哉寺僧其尚永寶藏之無斁

題曾南豐集後

朱文公論南豐文云公之文高矣自孟韓以來未有能臻此者此為蘇氏發也南豐少受知於歐陽文忠熙寧元豐間與王荆公並號大家而卒不能不少揜於蘇氏及至近世而知好之者鮮矣南豐文初入其中不甚可喜然後之能言者宗之率有師法如宋之陳無已明之王道思唐應德歸熙甫其尤著者也道思為南豐學應德初不然其說既而深好之故其文雖不如南豐之峻絕而安雅踈宕深有合於古作者之旨非跳蕩無制者比也明季之文頗宗蘇氏然不得其清美既為無取而其變也又以浮韻亂之及至近日始復理道思熙甫之緒以折衷曾氏善述西京而不樂成人之美者又率指為萎蕭子懼夫文之變而失其真而道將散也是以推文公之旨而著其源流如此

存硯樓二集卷十七

雜著

六

山谷少游文潛皆遊於蘇氏然考其文不及後山之峻絕也後山文宗南豐故其詞疎而深致有嚴氣秦黃亡論雖文潛之朗拔有不能及也史稱南豐文斟酌於司馬遷韓愈體固別矣如應德熙甫善學南豐而其造於精微也往往變而之龍門此亦斟酌之工者然其詞峻絕要不及後山後山思澹而熙甫傑然天放矣

書考亭先生宜興縣學記後

右考亭先生宜興縣學記蓋宋紹熙中知縣事承議郎括蒼高商老新修學學之師生廸功郎孫庭詢貢士邵機等疏其事往告而先生爲記之者也文具集中不繕寫按記曰縣貧不能遽給費籍間田五千畝以豐其廩斥長橋僦金歲入七十餘萬附益之長橋數十仞地何遽僦七十餘萬又橋非可僦者蓋僦橋旁舍如今民間寄戶屋稅比而稅又不必隸官然則稅主蠲之決也康熙丙子邑中議修學將收屋稅佐費此其說正與紹熙事合以豪富者之甚不便之也肆詈言巧斥議旋格而於是堂涂門廡象設禮器之屬盡廢不講矣予三復先生記未嘗不喟然太息也記又曰商老日往遊躬爲

存硯樓集卷十七 雜著

十七

講論里居士大夫亦攜子弟來聽席下退而相與出捐金齋以佐其役此又見當時士大夫之賢而俛仰邑令者之非是不前也今乃遣豪富者主郡邑事行止唯所欲士大夫雖間輒感以力不能俛仰邑令故聽意旨唯謹雖修學舍諸鉅議亦且有以關其口而奪之氣也悲夫子爲書先生記後深歎高公之賢尚俾今之吏少有所激而又以見學舍之藉於僦金雖考亭先生曾不能以是而少訾之也

制有社學所以教童子之肄小學者也宜興社學故在邑西南隅歲久不治墻廡頽缺僅以供卒之舍於其旁者積焉糞又地差平敞爲歲時優人演伎之所而已可勝嘆哉康熙丁丑當事檄修社學時有暨陽令虧上供銀者責藩府償之

計非屋稅不濟而深幸社學之有以爲名也又以屋數楹不能費千餘緡俱無以塗人耳目乃并責修學之議以上而向之肆詈言巧斥者唯唯受命無敢異同或首姓氏於牒焉顏觸曰生王之頭不若死士之壘今以夫子在天之靈曾不敵衆所疾苦之守以聳激之而捐金齋懼不及也悲夫子是以太息流涕而再書之

存硯樓集卷十七 雜著

十八

書曹公器物

陸士雲與兄平原書述曹公器物曰琉璃筆一枚所希聞景
初三年七月劉媯好折之見此期復使人悵然有感處子邑
晉平西將軍周孝侯著風土記曰案魏武帝於漢為相不得
有媯好又景初是魏明帝年如此則文帝物也與曹公器玩
同處故知舛雜矣此以徵曹公之儉魏文帝之奢而孝侯之
識鑒覈確為不可及也

士雲書臺上諸竒變無方嘗欲問曹公使賊得上臺而公但
以變譎因旋避之若焚臺當云何此公似亦不能止又書一
日上三臺曹公藏石墨數十萬片云燒此消復可用然烟中
人不知兄頗見之否今送二螺又書省曹公遺事天下多意

存硯樓集卷十七

雜著

九

長才乃當爾作弊屋向百年於今正平夷塘乃不可得壞便
以斧斫之耳爾定以知吏稱其職民安其業也蓋天下清宴
惟漢魏季年唐貞觀中為極不可不覈其所繇而輒附會宋
人無稽語俾解事者之百鈔一二也

書蒲元傳

蒲元別傳君為丞相諸葛亮西曹掾亮欲北伐忠糧難運君
上牋曰元等輒率雅意作一木牛廉仰雙轅人行六尺牛行
四步人載一歲之糧也按忠武集木牛法牛仰雙轅人行六
尺牛行四步載一歲糧日行二十里而人不大勞是即用元
法也別傳又云君性多巧思得之天然異類之事若出神手
嘗為諸葛亮鑄刀三千口稱絕當世此彌徵忠武集眾思廣
羣益之忠悃而豈直自矜巧思如世所詫木牛流馬而已哉

存硯樓集卷十七

雜著

二十

書東都事畧後

宋孝宗時承議郎權知龍州軍州兼管內勸農事管界沿邊都巡檢使借紫賜緋魚袋褒授直秘閣王稱撰東都事畧其列傳九十六曰中庸之書孔氏之心學也自孟軻死不得其傳焉宋興洪儒間出以經術名世者蓋多矣至二程氏乃始推原正心誠意之旨以續千古之絕學其有功於聖人之道者耶使學者能探蹟索隱以窺其奧斯盡善矣而乃不求其本而循其末言性理則蕩而為浮虛慕誠敬則流而為矯僞聖人心學之妙豈有是哉今之學者欲探程氏之秘而求所謂正心誠意者當以是而思之按洪邁請褒錄龔敦頤王稱劄子曰稱之父賞在紹興中亦為實錄修撰稱承其緒餘刻

存硯樓集卷十七

雜著

主

意史學斷自太祖至于欽宗上下九朝為東都事畧一百三十卷其非國史所載而得之於旁搜者居十之一皆信而有證可以據依臣之成書實於二者有賴其所謂二者蓋和州布衣龔敦頤以元祐黨籍建中上書邪等人凡二籍三百五人共成列傳譜述一百卷暨王稱東都事畧一百二十卷也邁領四朝史稱書成于淳熙時邁以二年三月上之而其論學程氏之學者若此

書徐霖疏後

宋淳祐四年夏六月乙亥賜進士及第出身時徐霖舉禮部第一人亦同是科登第霖因右丞相鄧史嵩之挾邊功要君植黨顯國上疏歷言其奸深之狀以為其先也奪陛下之心其次奪士大夫之心而其甚也奪豪傑之心今日之士大夫嵩之皆變化其心而收攝之矣且其變化之術甚深非章章然號于人使之為小人也常於善類擇其質柔氣弱易以奪之者親任一二其或稍有異已則潛棄而擯違之以風其餘彼柔弱者始雖欲為君子終以名節之尊不足以易富貴之願而義利之辨亦終暗于妻妾宮室之私則亦從之而已此嵩之變化士大夫之術舉朝皆受其聾瞽鮮有不為其所欺

存硯樓集卷七

雜著

主

也於凡善則歸已過則歸君入以告于陛下者惟窺測上情承順風旨出以語於人則曰某事吾所調停也某人吾所幹全也是嵩之要譽於下而陛下叢怨於上也古人所謂斯謀斯猷惟我后之德者嵩之曷嘗有哉疏奏見者吐舌為霖危之夫劾章眾矣而霖所謂變化其心而收攝之者此萬禩之至戒也士大夫雖欲附善類慎無令人指目而鄙夷之曰此質柔氣弱士哉

書文信國上元張燈記後

文信公年三十七而致仕咸淳九年起湖南提刑十年移江西記曰為親懷歸得郡且行蓋初聞贛州命時也湖南刑倉治衛記述衛之百戲爛斑俚野與婦孺之環觀而保攜者詞可謂煩而不殺而卒之以益州元夕之悲蓋當是時蜀破襄樊初失公殆有不釋然者明年改元德祐正月戊子賈似道出師則是十有五日丁亥留行都也北兵渡江鄂黃蘄江南康繼降而主兵者猶酣歌嘯傲若此又明年正月十有五日辛巳祠太乙宮禳解越三日而臯亭駐師矣然則記所謂可愛可愕之狀俛仰蹉跌忽不可復追者蓋歷二年而一時讌遊雜記直卜筮而符讖之也公起兵贛州盡刮去豪侈習以

存碑樓集卷十七

雜著

五

賈佐軍興後師出吉贛趙叅議時賞歎曰兵行如春遊其能濟乎此時賞誚讓同列之語又出元人傳致不可以是并累信公甲申正月望閱燈歸讀公記書其後

書饒右丞介之軼事後

弇州王氏曰勝國時法網寬大人不必仕宦制中每歲有詩社聘一二名宿如楊廉夫董主之晏賞最厚饒介之分守吳中自號醉樵延諸文士作歌張仲簡詩擅場居首坐贈黃金一餅高季迪白金三斤楊孟載一鎰後承平久張洪修撰為人作一文得五百錢蓋介之號華蓋山樵亦曰醉翁淮張特承制淮南行省參政家采蓮涇上日以觴詠為事吳張簡仲簡氏賦醉樵歌曰自言華蓋峯頭住足跡踏遍人間路又曰管樂本是王霸才松喬自有烟霞具手持崑岡白玉斧曾向月裏砍桂樹又曰淋漓醉墨落人間夜夜風雷起光怪此介之所以喜賞而厚酬之也相城姚榮靖少師曰介之為人儻

存碑樓集卷十七

雜著

五

儻豪放一時俊流如陳庶子姜羽儀宋仲溫高季迪陳惟寅惟允楊孟載輩皆與交衍亦與焉書似懷素詩似李白氣焰光芒亦亦逼人然其志大才疎而無所成為可恤也而長洲虞堪勝伯氏嘗讀介之遺徐允中書曰介之善張旭懷素書妙一時人往往爭得之以為奇玩而徐所蓄尤多裝輯成卷脉若名言世寶然皆誇張矜滿之辭略無一語能及國及民如云當年僕過吳陵時知有諸豪傑今日乃得為刎頸交又云允中人傑肯與僕領此風志矣噫觀夫此得不為果亡必敗之識耶今此卷散落民間使人一展覽便殊不滿此胥考明初掌故者所宜繙覈而弇州氏語尤可以為元暨張太尉猶克崇文而初明殊不嗜文之証

張簡號白羊山樵師張伯雨明初召修元史饒介存

介之臨川人自翰林應奉出劍江浙廉訪司事張氏入吳杜
門不出士誠慕其名自往造請遂承制焉吳公俘至金陵辟
季迪兩先生則高楊皆介之客也

存硯樓集卷七

雜著

三五

偶書

元至正辛巳江潮行省鄉試出羅剎江賦鎖院三千人皆不
知錢塘江為曲江錢塘錢惟善思復氏據枚乘七發引用因
此得名遂號曲江居士予嘗遊白沙益司試淮陽士命曲江
辨題金陵先遷甫先生亦引枚乘賦證之其視長安韶吉業
為覈核矣而究未叶淮揚命題之指也

存硯樓集卷七

雜著

三五

書犁眉公集後

錢受之曰犁眉公集者故誠意伯劉文成公庚子二月應聘以後入國朝佐命垂老之作也予考公事畧合觀覆瓿犁眉二集竊窺其所為歌詩悲惋衰頹先後異致其深衷托寄有非國史家狀所能表其微者每盡然傷之近讀永新劉定之呆齋集撰其鄉人王子讓詩集序云子讓當元時舉於鄉從藩省辟佐主帥全普菴戡定江湖間志弗遂歸隱麟原終其身弗仕予讀其詩文深惜永歎嗟乎子讓其奇氣硯胸臆猶若佐全普菴時以未裸將周京故也有與子讓同出元科目佐石抹主帥定婺越幕府唱和其氣亦將掣碧海弋蒼昊後扳附龍鳳自擬留文成然有作噫喑鬱伊捫舌駢顏曩

存硯樓集卷七雜著

毛

昔氣漸滅無餘矣呆齋之論其所以責備文成者亦已苛矣雖然史家鋪張佐命論蹙項之殊勲永新留連幕府惜為韓之雅志其事固不容相掩其義亦各有攸當也誦犁眉之詩而推見其心事安知不以永新為後世之子雲乎謹誤定犁眉公詩居國朝甲集之首而子若孫之詩附見焉予按劉文安公說與高忠憲公青田之錯錯在仕元二說其義胥舛聊兩書之以備互考

書明歸化城封貢事後

自婁敬建和親議漢武帝行其策於烏孫而長羅侯護昆莫兵至馘獲五萬明妃之出其子女胥詳著於史周千金公主之適突厥也踰年而宇文氏亡可汗曰我何以見可敦繇是為隋患苦者寢十年雖主卒被詭謀以死而我本皇家子之章蓋至今猶悲之大業北巡非義成公主告變則其禍不在江都而先在雁門唐文成金城宜芬小寧國以暨毗伽崇徽之屬不具論迺若寧國咸安親帝女出降毳帳寧國至莠面從其俗咸安至歷四可汗國體業以褻辱而香積新店河朔之勝謂非回鶻力不可雖一時深計竭忠士如李泌李絳率謂結婚為長策而累牘陳之蓋至太和不辰悲啼眷慕之餘

硯樓集卷七

雜著

天

重之以國部顛覆而武宗猶賜詔曰先朝割愛降婚義寧家國迨至輶車迎入而猶謝和親無狀則又未嘗不深悲之戎昱詩曰社稷依明主安危託婦人陳陶曰自從貴主和親後一半胡風似漢家蓋不惟結好息邊而聲息易通風氣易染我因得多方以運其漸摩闔關之機而早為之備此則韜鈴之秘畧表餌之精言而未可以風雲月露辭而胥忽之也後唐廢帝欲和契丹呂琦請厚賜金帛妻之以女以薛文遇誦戎昱詩而止及陽武峪報至帝曰我見文遇肉顛遽欲抽刃刺之宋富弼使遼遼人議結婚弼曰本朝長公主出降不過十萬緡豈若歲幣無窮之利乎當時尤善其專對然不迨百年十九帝姬率偕赴青城以北而柔德至改適習女國王是

又出寧國咸安下也明遣通事使瓦剌詭許結婚也先進馬
納聘朝賀不知而却之遂有己巳之禍然宋明盛時卒無人
敢議出降事而明吳環洲鄭範溪諸公遂陰祖其策以資忠
順而柔順義自隆慶己巳以後迤萬曆乙卯以前五十餘年
邊徼之耄倪亦獲免於塗炭則又安危託婦人之變也宋歐
陽修詠崇徽公主曰玉顏自古爲身累肉食何人與國謀而
古今號工於謀國者亦惟玉顏是藉悲哉是故黃鵠辭屏風
詩李文饒賜太和公主詔馬致遠漢宮秋樂府胥宜入經世
編而復質以孟堅胥怒之論

存硯樓集卷七 雜著

完

書顧華玉軼事後

列朝詩選曰金陵傳華玉二事一在浙物色孫太初不可得
稍間輒道衣幅巾放舟湖上幾行求得之月夜有舟泊斷橋
下一僧一鶴一童子煮茗笑曰此必太初也移舟就之遂往
還無間一在楚欲見王稚欽稚欽固不肯見稚欽有狎客二人
日共鬪雞走狗不去左右使人劫之曰若朝夕與王公游而
王公固不見撫公若兩人死無日矣兩人大恐曰敢不如命
雖然必以計掩之可也候稚欽狎游時趣報華玉華玉疾趨
而至稚欽遑遽將走匿一人夾持之不聽去乃強留具寶主
自是遂定交前輩之風流好士良可書也予謂此在爾時爲
勝事傳之久遠直可以垂廉頑立懦

存硯樓集卷七 雜著


三

書康德涵王敬夫軼事後

劉瑾欲超拜德涵為吏部侍郎力辭之乃寢母喪歸後二年坐瑾黨蜀楊侍郎廷儀嘗過澣西留飲甚歡自起彈琵琶勸酒廷儀言家兄在內閣殊相念何不以尺書通問德涵怒擲琵琶撞之廷儀走追而罵曰吾豈效王維假作伶人借琵琶討官做耶歸田三十餘年訖以山人巾服殮敬夫繇檢討調吏部不數月長文選後坐璫餘黨敬夫之再謫以及永錮皆茶陵相秉政時也乃作歌詠及杜甫春遊雜劇力詆西涯流傳騰湧關隴士雜然和之嘉靖初纂修實錄議起敬夫有言於朝者曰游春記李林甫固指西涯楊國忠得非石齋賈婆婆得非南塢耶吏部聞之縮舌而止此可備明史二則

存硯樓集卷七 雜著

三



書楊復菴遺事

楊復菴先生庚午得解謁王文姜公燕及公進之喜甚且曰毘陵楊侍御某省試師也其人自陷別途今無可說雖然以吾故必往投刺慎無忘也復菴歸至毘陵如言投刺楊久絕新貴人問得刺喜甚急整衣出候而復菴已逸去矣姜公後聞之竟無言也嗚呼復菴之烈也有以夫明季士大夫當其始進尤飭門生禮而復菴曾不少假於師之師也此蓋自力於塗炭衣冠之戒而豈矯枉過正之指也哉然愚獨怪其能嚴於師而往來馳騁曾不能自禁能以其身殉國而門戶異同之見曾不能視輩流少息也此又何哉語曰尺有所短寸有所長然而尺不必不累寸長不必不賴短夫復菴之嚴於其師之師也此門戶異同之見尤不易化者也而復菴之力護門戶黨同伐異也此所以馳騁於聲華文藝之末而役役不自禁也然殉國之烈生於此矣嗚呼是豈可以一概之辭論之也哉彼役役馳騁與復菴同卒之身敗名滅至反出其師之師下者豈少也哉而復菴諸公曾不能先辨則又黨同之失也

存硯樓集卷七 雜著

三

存硯樓二集卷之十七

存硯樓二集卷之十八

宜興儲大文六雅著 門人 丹徒張 冕冠伯 崑山徐柱臣題客 編

雜著

書沈文端公張太岳集序後

予嘗欲撰張文忠公論間考諸家擬傳暨明季諸公推覈語惟歸德沈文端公張太岳集序其論最先出亦最平最核爰書之曰太岳張公集數十卷即公之相業也當時主上以冲齡踐祚舉天下大政一一委公公亦感上恩遇直以身任之思欲一切修明祖宗之法而綜覈名實信賞必罰嫌怨不避毀譽利害不恤中外用是凜凜蓋無不奉法之吏而朝廷亦

存硯樓二集卷六 雜著

無格焉而不行之法十餘年間海宇清宴蠻裔賓服不可謂非公之功也惟是人情憚檢束而樂因循積玩既久一旦以法繩之若見以為苛而公持之益堅爭之益力以是遂與世齟齬而又一二非常之事有眾人未易測識者其迹不無似復似少容似專權似純任霸術似與金革變禮終未盡合上一時雖優容實已不能無疑比公既謝世言者益譁張其詞上眷寵始移而公家之禍於是不可解矣至今觀場者猶多煩言願其先法後情先國事後身家任勞任怨以襄成萬曆十年太平之理我明相業指固未易多屈也藉令後人循其已定之規模而但稍濟以寬緩亦自可以收拾人心保固元氣顧乃不深維其終而但畏多口遂盡反其所為以取悅一

時卒使紀綱陵遲浸淫以至今日幾無法矣世道人心識者有隱憂焉誰階之厲豈非公之罪人哉公生平不屑為文人然其制作實亦非文人所能為濡毫伸腕悉經世大猷自奏對代言在天子左右蘭臺石室外遭禍後藁多散逸無存即存亦秘滅無傳者迨今二十餘年而厥嗣殿元君始蒐求遺藁僅得什一于舊書刻之嗟乎斯亦禁鼎一爨嘗者可以知其味已予往守翰林公與新鄭時同在政府其初謀斷相資

豪傑自命即丙魏房杜固未肯多讓也無奈宵人從中構之遂爾隙未以致人言紛紛而上之恩遇亦因以不終焉世遂兩訐之其實兩公者皆社稷重臣未可輕訾也近新鄭公論大業已蒙恩追卹而海內亦漸多思公功有形之章奏者可見直道在人心不容泯是非未有久而不定者况皇上無私如天地踣碑立碑斷非有成心昭雪表章是在主持世教之君子旦夕林泉之人固不足為公重要之公功業在天壤間亦非待人重者特因殿元君遠來謁序聊書此以歸之噫釋文端此序則張文忠公論亦雅可無庸譏矣而予尤高其先出於定陵癸甲之前也

存硯樓二集卷六 雜著

王啓茂詩半生憂國眉猶鎖 一詔旌忠骨已寒詞殊工

書申汝默小傳後

錢受之申少師汝默傳曰予爲書生好譚國政大廷對策極
訟江陵受遺寄命尊主強國之功而後人紹述者盡襲其綜
覈之政一切爲頽隳姑息以取悅於天下紀綱不振議論日
煩職此之故也登朝後以詞林後輩謁少師於里第少師語
次從容謂曰政有政體閣有閣體禁近之臣職在密勿論思
委曲調劑非可以悻悻建白取名高而已也王山陰諍留一
諫官挂冠而去以一閣老易一諫官朝廷安得有許多閣老
名則高矣曾何益於國家閣臣委任重責望深每事措手不
易公他日當事應自知之方謂老夫之言不謬也德音琅琅
不聳不茹實爲予制策狂言而發迄今猶可思也又傳戚武

存硯樓集卷六 雜著

三

毅而系古北游擊季立陳氏之語曰連江陳第者少保之部
將也少保旣歿扼腕疆事作塞外燒荒行其序曰薊自嘉靖
庚戌鹵大舉入犯至隆慶丁卯一十八年歲苦蹂躪總兵凡
十五易自隆慶戊辰南塘戚公實來薊時總督者二華譚公
也至萬曆壬午一十五年湖塵不聳民享生全極矣乃論戚
者謂不宜於北竟徙嶺南嗟夫宜與不宜豈難辨哉作燒荒
行以寄於悵嗚呼江陵枋國譚戚在邊邊防修舉北鹵帖服
此何時也江陵歿譚戚敗邊防隳廢日甚一日而國勢亦從
之魚爛瓦解馴致今日繼江陵而爲政者豈能不任其責乎
第詩有云譚今已死戚復南邊境危疑慮叵測論者不引今
昔觀紛紛搜摘臣滋惑第徒慨歎於搜摘之多口而未及循

本於政地殆亦知之而不敢言也嗚呼怖矣夫繼江陵而爲
政者蒲州張文毅鳳磐居位不久此亦指汝默言也姚文毅
現聞諸生時嘗於虎邱遇汝默手拍其肩曰而爲伴食宰相
奈何汝默急拱手揖曰謹受教後督學使奉指格外微懲之
蓋是時吳會人士聲勢猶未翕合故多以氣樂語著聞而受
之現聞宦亦未嘗不達抑以見汝默之猶克有容也

存硯樓集卷六 雜著

四

書壬申文選後

文章起江南號多通儒松郡為尤著平原清河揚鏞於前曲江鐵崖振響於後要皆嶺秀峯泐為雲間文獻之徵也有明神宗時創雲間十八子社唐文恪董文敏兩公其卓然傑出者道熹宗懷宗之際四方文社紛然若江北之南社江右之則社崑陽之雲簪社山左濟南之席社大社湖西武林之聞社讀書社指不勝屈然莫如婁東復社葺城幾社切劘砥礪文行交修更超越一時也幾社始於陳黃門夏考功維時黨綱方嚴遜卒傷午兩君以厨俊負清流之重望與同郡諸賢日為文酒之會一字之易金懸通市一文之成紙貴鍊都斌斌乎四傑七子以來亦綦盛矣集中著作幾至充棟壬申歲

存視樓集卷八 雜著

五

同郡杜麒徵徐鳳彩盛翼進彙選錢板問世至今傳為美談張天如之序曰壬申文選二十卷讀之體不一名折衷者廣大都賦本相如騷原屈子樂府古歌繇漢魏五七律斷由三唐贊序班范誅銘張蔡論學韓愈記彷彿宗元至時事著策經義敷說別為一書自夫四海之大百歲之久不能有也杜仁趾亦云彘仲擅議論之長勒卣通雅修之度閻公邁沈博之倫偉南盛瑋麗之觀宋遠赴幽險之節默公娟秀大宋垣通燕又隱賢而擷藻小宋敏構而繁昌舒章雄高而傑盼臥子恢肆而神人文之美具於是矣嗟乎社會之興本以鼓吹文治抒發性靈迺諸君子身丁阨運志激頽風人忌其才天限之數則鄧林一枝荆山片玉固宜寶護而愛惜之以期垂

久而行遠也且當日陳夏諸公所以主持壇坫振興風雅者夫豈徒以風雲月露之詞相矜尚哉間觀其選明詩序畧云一篇之中互為諷咏一韻之疑互相推論攬其色矣必準繩以觀其體符其格矣必吟誦以求其音協其調矣必淵思以研其旨務使聞其音而知其德省其辭而推其志可謂知所本矣乃東鄉艾千子謂其學前後七子之詩文而貽書相誚不知是時公安之派復廣竟陵之焰頗與好異者譁張為關中文太清倡堅偽離道之言致刪改三百篇之章句山陰王季重寄詭浪笑傲之體幾不免繡衣蒼鶻之儀容賴陳夏力追正始一時宗尚遂使蔚起與弘正比隆則壬申文選之起衰式靡其功誠不可泯也千子譏評近于門戶之談可慨也夫

存視樓集卷八 雜著

六

書姜凌遠筵

明定科場制去取之權在外廉惟宏洪甲子嘉靖戊子辛卯直省胥京朝官主試旋以言者罷至萬曆乙酉迺盡差京朝官而內廉之權始重去取浸謬其制至於今不改當嘉靖時丹陽姜鳳阿宗伯提舉福建學嘗議文場曰監臨擇有司之以文行著稱者取以為閱卷官而別設外簾閱卷所屬置之令不與受卷彌封事兩騰硃卷令內外簾胥校閱內外廉所取卷迭兩司精校閱監臨又於兩司所取卷重覆校閱所取或不中式則嚴搜其卷視內外簾閱卷之當否即定擬有司當官殿最自無不竭其明不公其去取者矣噫誠師鳳阿宗伯之說而少變通以行之則碩學夙望之士當易入彀

存硯樓集卷六

雜著

七

誦明人詩記有感而書此

明自成祖北遷兩京對建士大夫之宦於南者雖號為吏隱而山水亭館絲竹吟詠之娛視北加盛焉及鼎革後仍建省會而昔日之勝事蓋無復見矣予三至金陵率牽於事不克遊然昔人所記如桃葉渡歌院多在道旁間得零落處然則遊其地者蓋無事謁鍾阜坐采石而江山之慨深矣明人雜記載金陵文物至穆神時尤盛後數十年及烈皇帝申酉間雖邊警屢作秦晉民卒爭聚為盜然南都固清宴初不失承平勝事也而頃誦陳黃門逸周太學勤貞詩云當時輕薄跨官體此度淒清滿石頭然則當日詩人已不能無慨而況於兩京繼陷江烽四起之後其以發騷人遺士之悲思而噫咽無聊者又當何如哉予聞諸友人嘗有江右人士造金陵潛賦詩云冠蓋從容半舊鄉蓋又痛激矣中山靖王云悲者不可為累歎思者不可為太息明季士大夫多好吟詠及其亡也雖負盛名侍從京輦者亦不過徘徊故宮累歎太息以自託於子山遺山之迹即何以激旁觀者之悲思哉而爭光日月如黃門公等又先仗節死不獲見其衰廢獨草澤之士間得深悲慷慨然數十年來亦累盡矣嗚呼澄心客散聚景園蕪問籍志紀何代蔑有而予獨有慨於勝事之無復可問也

存硯樓集卷八

雜著

八

書明小品後

丁丑會元馮夢徵以庶吉士告歸既滿入京時浙中庶常凡四人沈自邠陸可教楊德政皆已習館故事一省未有盡習者馮當補別署其座師蒲州張閣學鳳磐憂之蓋首輔張江陵方恣睢其子居二甲馮遇之初無加禮張怒言于父曰彼特會元決留館故爾因盡留三人將以抑馮并示諸詞臣意指也蒲州計無所出命馮且駐郊外伺江陵有家慶過拜恭甚而微作邑狀江陵憐問故且曰有心事所不足邪蒲州蹙額曰為馮子館事江陵憐之曰是會元還他編修蒲州悅飲盡權方出次日入朝補館職此與于文定公筆塵所述陸平泉留館亦藉座主張龍湖頗相似要之分宜雖貪江陵雖

存視樓集卷八 雜著

九

復決不令會元入館復為他官彼視一編修只是本等官世蕃素松綾之說亦未必真渠眼孔儘大希罕窮措大一絲龍湖具銀幣之說尤贅林既留安用此且不用於先而今乃作謝儀耶此出明小品秀水沈國元亦嘗書於崇信錄可備館中故事當入詞林記

乙未會試前一日有舉子夜夢冕服一人坐殿上召之入試試目一紙有晉元帝恭默思道七字翻飛不定與易水生爭逐之為彼先得及入會場第一題是司馬牛問仁章所謂晉元帝者晉姓司馬元帝牛金所生合為司馬牛恭默思道是訛言其年會元湯賓尹則易水生也大物固是天定信哉此亦出小品可並入詞林記

書庸言後代

先君子敏果公嘗從孫鍾元辛復元徐雲門諸先生遊而鍾元先生問答尤數其學以躬行心得為本臨事謹察公私倥偬未嘗少忽間有所感觸輒用徑寸小紙書一二十言其上命某肅坐繕寫登諸卷帙開篋衍藏之讀書欣然有得亦輒鉤其要友朋議論往來簡札下及家人孺子起居應對之辭偶有得當於道者亦必登載不使遺忘歲月益久某所錄益以多乃復芟削十去八九擇其尤切要者百有餘則名曰庸言禮記云庸言之謹朱子述庸義云不易之為庸先君子世肄禮而以庸命齋故名之曰庸言也昔橫渠先生中夜精思乃成正蒙和靖先生壁間書格言朝夕觀省朱子以為造道

存視樓集卷八 雜著

十

之勤于此可見先君子篤信斯道須臾罔輟不異橫渠和靖二先生其誤是書也命名正體有符中說若淵源正而箴戒切抑似過之信足以衍蘇門之傳立河汾之統豈惟屬在子孫勤思世德永藏無斁而凡有志於成人有事於蒞官皆宜家置一通勒之座右者也某少而誦數未窺旨趣年益長頗蒐獵古人之書更變漸多日手是編反覆演繹粗若有得而瞻望松楸則已蒼然成列矣欲復如曩者執筆肅書次第登載時何可得哉何可得哉撫卷流涕跪書其後而刊之以貽當世之君子俾共傳焉

書阮太冲詩後

明季少識畧士蔡公虞臥子諸賢出始知談經濟而其學未克成惟中牟阮太冲習兵家學今觀其通懋截句詩百首曰雄兵隨地置嚴關便作長蛇斷往還自合秦州遮四窟雲屯先據雒西山又曰險峻無如御寨寬腥風時送虎踪寒枯禪三蔑愁封磴縱有樵人隔歲看又曰塞南更有三皇頂一線蝸涎壁立關縱使移家先占却也應化作首陽山又曰三川無麥即無年愁見黃埃暮紫煙一笑天公兩無奈雪深河北怕水堅詩註曰河北慮雪而冰賊可北渡又曰望雪年年似撒珠今雖小晚亦勻鋪且須七尺封山路人馬同饑草稗枯詩註曰賊每冬穴雒西山中詞旨胥深合機宜又曰九天

存硯樓集卷十八 雜著

十一

為正舊勞臣鐵嶺江陵被濯新千古幾多功罪事重輕疑處剖須真語尤具遠識

列朝詩選曰阮徵士漢聞字太冲浙人家於京師積學嗜音習心當世之務落落無所遇與西亭王孫交好遂依西亭居汴西亭歿以尉氏阮舊土也遂徙家焉太冲博覽墳素篤志古業天中之士翕然師之四方造門者戶屢恒滿家貧親剪韭以供客間出遊山水門弟子爭肩籃輿以從賦詩論道斷斷如也上有詔徵遺逸卒不起太冲習兵家之學上窮握機下通鳥卜著尉繚子解詰戎踐墨諸集萬曆甲午我師敗績於碧蹄太冲年二十餘跣注渡遼北弔黃隆東馳鴨綠從退弁老卒牧圍堆人訪問全遼利病倭鹵情狀慨然有請纓鳴

劍之志會東事解嚴挾策而返崇禎末流寇躡鞏洛太冲料賊形勢川谷阨塞圖其畧上當事刈寇以干計病臥據牀猶畫地指陳方畧寇掠尉氏必欲生致太冲太冲諠不忍舍城去寇粹至諸弟子強輿負太冲走為賊所得大罵而死年七十餘門人張昌祚抱其遺集避寇遇盜發其篋昌祚涕泣固請乃得免浚儀周亮工為之敘刻於廣陵

存硯樓集卷十六 雜著

十一


書邵二泉詩後

邵文莊公賦憶文正公嘗欲卜居宜興詩曰幾年卜築欲江東陽羨溪山罨畫中千里有情春草遍一罇無地暮雲空相州未得歸韓老汝穎猶堪葬長公會說近遊須館我吾亭今合號涯翁詩注曰初公欲卜居宜興吳禮侍克溫實任其事寶亦與聞焉寶嘗謂公無錫須置一莊公曰國賢卽我莊也又莊何爲此宜附西涯東坡書院記之後

存硯樓集卷八

雜著

三



偶書

王伯穀繼文待詔之席噓枯吹生且二十年閩粵人過吳門者雖賈胡窮子必踏門求見乞其片縑尺素然後去申文定以元相里居晚年頗交相推重軒車造門賓從填咽兩家巷陌殊不相下後惟陳徵君繼之予邑容雲禪師幻有和尚住持禹門海內參訪者舟泊張渚埠至十里時士夫侯周建極舟泊邑城外亦十里

存硯樓集卷九

雜著

十四



書楊君謙詩

吳縣楊循吉君謙氏詩文總自定為松壽堂集會萃諸總類
書曰奚囊手鏡多人間未見之書最為該博劉子威王元美
分得其藁錢受之曰今散佚不存可惜也君謙嘗賦鈔書詩
曰沈疾已在躬嗜書尤不廢每聞有奇籍多方必圖致手錄
畏辛勤數紙還投棄賢人供所好恒輟衣食費往來繞案行
點畫勞指示成編亦艱難把玩自珍貴家人怪何用推却從
散離亦蒙朋友笑既官安用是自知身有病不作長久計偏
好固莫捐聊爾從吾意有子雖二人未知誰可遺我但要披
閱豈復思後世逢愚聚亦散賢必能添置區區慮遠心何其
錯為地不如供目前一卷有真味又題書厨上曰吾憲本市
人南濠居百年自我始為士家無一簡編辛勤一十載購求
心頗專小者雖未備大者亦畧全經史及子集無非前古傳
一一紅紙裱辛苦手自穿當怒讀則喜當病讀則痊恃此用
為命縱橫堆滿前當時作書者非聖必大賢豈待開卷看撫
弄亦欣然奈何家人愚心惟財貨先墜地不肯拾爛壞無與
憐盡吾一生已死不留一篇朋友有讀者悉當相奉捐勝遇
不肖子持去將鬻錢

存硯樓集卷六 雜著

五

書董崇相詩後

閩董工侍應舉詩送王戶部督餉延綏曰米珠草桂駱駝城
一線魚河百萬兵不信受降終隔鹵可能綏德更移旌黃沙
漠漠笳聲壯朔氣淒淒鐵騎鳴誰繼舊事崔少保直將輪輓
作長纓詩注曰延綏舊在綏德控制河套為易今在榆林失
險矣此議關中邊塞者所宜籌及也

存硯樓集卷八 雜著

六

書陸子傳詩後

玉女潭古有瓊枝著於唐獨孤常州李庶子權文公之詩文
明陸寶歸道子傳遊玉女潭題贈史吏部恭甫曰琪樹挺
瓊枝獨木藁惟十幽洞府木三株原自一今亡久矣宜補
入荆溪外紀

雜著

七

書王薑齋九招後

西江論文者曰爵祿不能誘刑罰不能懼此至言也必規規
焉舉格律而肖之此豈復有文乎而况離騷乎漢人以下擬
騷者非騷也子山之賦太白之遠別離子美之秋興義山之
無題詩以及韓致堯徐鼎臣元裕之諸咏是真騷也不寧惟
是雖李重光辛稼軒樂府亦騷也而志與時符者尤莫若臯
羽之記所南之史蓋騷於是備矣世之人不以騷之真者為
騷而以似騷而非騷者為騷此騷之所以亡而予讀薑齋先
生九招之書輒為累欷統涕者也爰識數語授先生之嗣虎
止俾附簡末令後世傷心者覽之尚獲神解

存規樓集卷六 雜著

六

書汪杜林雪鴻集後

龍川桂枝香詞曰向他秋晚喚回春意幾曾幽獨又曰芙蓉
只解添愁思况東籬淒涼黃菊入時太淺背時太遠愛尋高
躡予嘗商榷春籬桃入時太淺梅背時太遠惟杏華而不艷
清而不寒風度標格將秋仲丹黃桂而班玉樹紫微之上月
十九日夜凝園灌木風雨中獨坐亭子展頴川殿撰雪鴻集
森麗融怡層蘄頰燭乃全喚回春意矣誰謂橋輓片咏軒陛
萬言果且有異乎哉

存硯樓集卷六 雜著

五

書百一齡蕭母陳太安人壽章後

禮就見百年漢唐常遣長史存問又例賜綿帛五段粟五碩
而唐開元十三年東封泰山詔侍老百歲以上版受下州刺
史婦人版受郡君太和三年詔百姓婦人年九十以上冬賜
米五碩絹兩匹綿一屯羊酒有差版受刺史郡君禮尤崇渥
國朝會典婦人壽百歲給銀三十兩建坊旌為貞壽之門今
龍集辛丑粵孝廉善從蕭公配陳太安人年百又一歲子姓
滋衍凡九十又六人多籍於南曹治常用仲子銜貤封業以
度越唐制婦人年九十版受縣君而寢將開元東封詔太和
詔今又給銀建坊如會典符唐烏頭棹楔之制孝廉猶子檢
討公誤引漸侑尊辭所謂淑萃仙花之嶂秀敏王壽之山者
女宗人瑞雅可模楷海內宗工傑士胥詩以張之而予敬序
其後爰以附於西河卜氏東海衛氏之詩小序焉

存硯樓集卷六 雜著

五

書贈孔起占詩後

高淳起占孔君雅喜從海內名士遊諸名士恐未有以相爲而起占往來不少倦覽是編聊代紀事昔諸葛孔明恒拜許文休嘗啓先主曰靖之虛聲流播海內夫名士云者豈胥文休曹輩邪孔明號漢南名士故王景興與文休書劾及孔明彼蓋徒知孔明之爲名士而不知孔明也嗚呼比日名士視漢南果何如而聊執是編以當德操之桑德公之牀覽者幸寶之無忽

存硯樓集卷六 雜著

三

書潘陶倡和卷後

艾圃陶君予鄉前輩也其制義工于說理丁戊間海內爲科舉學者未窺洛闈諸書而君獨先好之嘗知澤州得元學士郝陵川集手之不輟月積銀二十四銖斷刊之而病其費之甚繁也垂歿猶用爲恨君晚歲喜爲詩顧多藏藁癸巳秋於就亭倡和卷見之就亭海內詩人之宗獨亟稱君詩爲工君既歿語及之輒懇懇志曰不知其人視其友予固知君者而亦用此益知君之賢其垂歿而手陵川集不輟有以哉玉度蔣君亦予鄉前輩也予久不見之卷中亦有詩附及

存硯樓集卷八 雜著

三

書觀德亭記後

唐末以來知登州者唯蘇文忠公尤著然歷五月而去故未及有所營築如密之超然臺徐之黃樓杭之西湖葑田堤六井而發爲文章怪石海市亦多游戲滑稽雖間有書表然不如他郡之尤光偉也錢塘王君爲登州會饑歲後例積常平米君剝和豐倉以貯之又于其中建亭曰觀德暇而習躬井爲之記其言登風土荒确瘠詳矣辨海市尤悉而終及文忠歌詩謂詞殊失實然則君之憂民誠密以遠而世有好奇者慎無嗜重樓翠阜追辭之工後至舉其實而胥忘之也文忠以元豐八年冬受登州事遽有禮部之命旋擢起居歷掌內外制拜端明殿學士爲元祐侍從第一而其謫而復起也

存硯樓集卷六 雜著

重

實自登始故公理登雖未久其繫於元祐之治爲甚鉅今君蒞職近三年業已知民疾苦安於其族若弗懈益慎吾知異日功名震耀當不後文忠而斯文傳之永久且與公守郡典藩諸章劄俾理民者胥有考焉豈直以休暇之娛肆躬之地備東牟故事邪予校登士君以記并圖示予予嘉君之有志斯民也爰書記後而歸其圖於君

書崇實振雅二軒壁記後

昔漢太守立校舍修黌宇凡二百四十房千八百五十室唐貞觀時闢學舍千二百區國子太學四門暨天寶時置廣文館胥別有門有庭有堂蓋甚廣矣宋國子監仍周營天福普利禪院址財二百楹僅容釋奠齋庖而生徒無所容慶歷四年假錫慶院廡數十區立太學生徒越二百人輒無所駐趾歐陽文忠公誌胡翼之先生爲直講學者自遠而至太學不能容至取旁官署以爲學舍而太學國子監之湫隘而無以容生徒者則沒而不書也及熙寧四年始賜錫慶院改太學而三舍址葉以隘矣明營六堂今規制尚在蓋財培宋而遠不逮漢唐 國家文治熙融度越前代比年加意學宮擇詞

存硯樓集卷八 雜著

重

臣之清望尤炳焯者以司授數論說之任戊戌春蔚州李公再蒞監習葉館暨肄堂士蒸蒸嚮風競趨校試公念屬思少淹者之無以展藝也冬十月營二軒於藝倫堂後東序之左右東曰崇實西曰振雅廓牖設寢幾幕胥具而講藝而逮肝映者且胥釋門鑰慮矣以視漢之鞠爲蔬而牧兒蕘豎薪刈其下唐之化爲圃而博士助教鋤犁其中宋之仍普利禪院址假錫慶院廡而臣僚上言三司使且以窘經費而不克從者其遼絕何如也然則公之再蒞監抑將胥振晉咸寧四年後列寺判館之職業而於南齊王文憲公唐孔憲公韓文公宋楊文靖公元許耶律二文正公明李文忠公陳文定公邱文莊公之遺風傑韻夫且昭宣而恢衍之乎諸君子既賦詩

以頌而大文附書於後尚俾三雍七學勒爲故事而吾黨之
靳祛淨而實砭俗而雅彌自淬厲云

存硯樓集卷八 雜著

三五

書同門集後

昔泗山鄒氏壬辰同考會試而劉喜聞李端和胥雋霍林湯
氏丁未同考會試而李能始孫子齋胥雋庚戌又同考而韓
求仲邱毛伯王永啓胥雋青瑛沈氏丁卯同考江西試而黎
左巖羅文止胥雋藝苑傳爲科目盛事吾師石屏張先生丁
酉嘗同考順天試辛丑同考會試得士號最盛且不啻泗山
之得喜聞端和霍林之得能始子齋又得求仲毛伯永啓以
暨青瑛之得左巖文止輩埒也用此覈文者胥陶梁補關梅
直講助鑒於先生先生嘗展同門諸子文擇其尤者凡得如
千首爲同門集而大文獲附編後又以世譜騶仁子丁酉常
舉於鄉時與諸子上下共議論而文有以參翔前輩作者之
林也附課義若干首以誌一時紀游之雅昔明季大家唐襄
文嗣有奉常薛學憲有藩伯瞿文懿有少叅王文肅有
歸太僕有孝廉胥以文名世今先生經義業探襄文學憲文
懿文肅太僕壹與而騶仁子文安雅類奉常超軼類藩伯圓
悟類少叅清貴類編修至合成一家言又有拔奇于前詁外
以樞衡今古而秉諸道者季思別調殆無庸參之伯仲之列
也爰跋集後以志其盛

存硯樓集卷八 雜著

三五

書張良御戊戌歸情五章後

秦州良御張子賦戊戌歸情五章別郎舍諸子其第三章曰
殊曠憑誇屢上大誰知城火慣流殃下注曰時落箱者號枉
死城而泰和仙來梁子和其第四章曰也知萬選多青眼慚
愧難工姪女錢噫嘻張子厘工瑋卓怪逸之辭而不工數錢
懼囊橐且將羣獻諂乃曾不自責而漫書枉死城卽納黜卷
之箱夫又奚罪而枉之也噫嘻張子過矣昔宋咸平中王欽
若與洪湛同知貢舉任懿以銀二百五十兩賂欽若登第是
宋之進士財價銀二百五十兩也後事覺真宗顧欽若厚懿
懼遂指湛湛坐流儋州夫贖貨鬻第財獲銀二百五十兩又
或財獲什之八且下而至什之四卽少贏者亦僅及什之二
上而至于倍之而貲鉅萬者極而至於什之暨什之而又倍
焉輒自喜價莫善此矣而業陷于不可追之誅及其事覺也
幸而爲欽若不幸而爲湛又或不幸而罪且不啻過於湛身
敗名滅前後一揆噫嘻夫乃誠死矣匪枉也卽其輩賈句勢
而萬有一幸無死者是適爲工數錢之姪女而僂辱且不啻
於死也若夫鴻章雅義嶢峩高華光貫斗極夫直亘億萬禩
不死而又奚其枉故曰張子之辭也過五章語胥愴咽和詩
九蕭逸目昔少闕者自別之予可無論

存視樓集卷六 雜著

毛

書同年范陽先生選次詩後

近世齊風尤高臨清茂秦謝氏淮陰人士頌曰當年海內稱
才子並駕山東起布衣此實錄也顧茂秦嘗有句曰白衣閱
世吾多感黑髮爲郎爾壯遊雲間人士以爲搖落之辭而當
時詩律滄溟李氏名最高實不能屈茂秦雖不必類牧齋錢
氏之畸辭而趙潞請府遺風猶激滄溟亦嘗賦詩貽之曰文
章千載一知已交結何須鍾子期而復爲微言以闡之曰此
物有神兼有分蓋論詩至是而精胥具矣若夫有其神又有
其分而神暨分借壯遊且實不啻度越之則夫詮詩而雅類
鍾子期暨詩之受銓而知已且不埃千載始遇者固何如也
爰書諸後以跋

存視樓集卷六 雜著

天

書虞山十二咏後

漢陽性門勞子工制義嗜吟歲丁未侍磊卿先生于昭文之署而盡賦虞山諸勝凡得律十有二其辭曠而有密裁慤而有遠致清思新緒駢生疊出是殆以黃岡王氏之穎逸行公安袁氏之絢麗而先生且展之而滋喜也雖然勞子亦嘗聞夫詩禪之說乎曲徑禪房山光潭影說詩者謂得止觀之別宗匪誦誦尋章搜句者埒而勞子業賦維摩中峯矣近世如維摩之通容中峯之法藏機尤迅疾是禪之中有詩而詩之中亦有禪也勞子盍并賦之元一峯黃氏雅精北苑畫理嘗圖富春山往返江淞抽思三四年而後成橫幅二丈是畫之中有禪而畫之外亦有詩也勞子盍繇小山石梁靜賦之明

存硯樓集卷八 雜著

无

師道瞿氏嘗讀書藤谿過山中礪石卉木動會天機而制義遂以高一世自提舉歲科試布政司禮部試策試大率首瞿故曰文實不同而遇因之是于文為正法眼藏于禪為心空及第而即滄浪之所謂詩必貴悟西江派之所為別是禪宗也勞子盍繇秦坡山峯間靜賦之昔漢陽鍾陵熊學士亦嘗讀書大別今文彙中出山第一藝精采殊勝而其遇亦幾與師道埒勞子誠以通容法藏之禪一峯之畫而通於師道之制藝則請以藤谿為大別直武鍾陵學士詩亦當繇公安黃岡而益晉以別悟禪宗而至其推而通于葆真變元之說也凡尚湖丹井霞光煜耀時髣髴于金來還性初之指要而胥無所不參同雖賦詩以為磊卿先生壽可也此之謂善養志

爰書其後以勗

存硯樓集卷八 雜著

三

書子慕沈君近詩後

詩暨樂府義指滋繁而莫朗析于元立夫吳氏之說立夫與田居子黃明曰古者樂府之說樂家未必專取其辭特以其聲為主聲之徐者為本疾者為解解者何樂之將微聲必疾猶今所謂闕也又曰今之言樂府者得無類越人之歌而楚人之說乎昔者鄂君子哲之泛舟新波之中也枋枻越人歌之曰濫兮欸草濫予昌楫澤予昌州州饑州焉乎秦胥胥縵予乎昭澶秦踰慘嵬隨河湖鄂君子哲曰吾不知越歌子試為我楚說之乃名越譯而楚說之曰今夕何夕兮舉中洲流今日何日兮得與王子同舟蒙羞被好兮不訾詭恥心幾頑而不絕兮知得王子山有木兮木有枝心說君兮君不知其聲則越其辭則楚此胥樂府之精解也長城子慕沈君雅工詩允深于古樂府嘗編唐人樂府探窈索奧新闢蹊隧而尤恐其編之不易歲也蕪檢枋枻越人歌徐繹之立夫氏又曰唐史臣吳兢樂府解題列敘古樂而復引吳均輩新曲均卽長城先正也而明宋文憲公亦嘗誤立夫傳曰先生謂古今樂府不同郭茂倩不當但取標題無時世先後就其所次辨其時代使各成家各樂府類編蘄沈君并演繹之君編唐樂府以太原白文公為宗曰其辭也達齒今七十有四而賦詩彌健關中辛浦鮑居深知之君 隔韻一章以敘源流又自敘詩後而於編唐樂府三致意焉間以示予予為之慨然嘆者良久却君於文公詩尤嗜一半句留之句文公蓋

存硯樓集卷八 雜著

三

為抗明聖湖賦也長城距杭不二百里君往來嘯咏當有如宋龍洲劉氏樂府所謂向雨峯日日買花簪帽者而匿止類近世震川歸先生令長輿裁步輿至湖雨中一望而已此則文公句留之實漢魏晉五代暨宋金元樂府之突窳而唐人用今體為古體如世所傳梨園之伎胥絃歌李供奉行樂辭小秦王詞又以歌王右丞陽關辭者其精解亦不越此矣此或君暨君之所宜熟繹也

存硯樓集卷八 雜著

三

書嶽遊草後

不習爲吏視已成事巧不過習之門而談山水尤莫審於習
近日少宗伯景公家登封故誤說嵩予同治詩彭子家衡山
故記望日臺水簾洞方廣寺細鑑縷髮情狀躍出不然朱張
長磴道滑不暇論如近世竟陵譚氏僕僕遊嶽記差奇而嶽
苟少不類祝 峯頂雲記且無以點綴竊幻蓋金屑着目而
目之神其去也久矣彭子古近體詩亦殊不後鍾譚氏子書
嶽遊草左送彭子歸并靳示同年譚子嶽麓朗軒李子家皆
近崑石張子豈石崑石二張而尤以備異日習已成事者之
鑒

存硯樓集卷十八 雜著

重

存硯樓集卷之十八



存硯樓二集卷之十九

宜興儲大文六雅著

門人



雜著

書後山小放歌後贈蔣亦厚

當年不悔惜娉婷傳白施朱作後生說與痴人須早計隨宜
梳洗莫傾城予以不能早計竟不遇三復此詩未嘗不太息
也世之人早計而遇者有矣雖早計而不遇者有矣而求其
計之不早與夫不早計而靳一遇者未之有也蔣君亦厚生
當可以早計之年又值可以計之之勢 詞彙絕俗尚肆力
古憶傾城矣其獲隨宜焉否耶若曰雖早

存硯樓集卷十九 雜著

隨宜而不忍上之早也則予不

此予之愚世人月日惟笑又不敢以不告也况如君勢
胥可以早計而計之已不爲甚早者邪予故書後山小放歌
且系之以子瞻詩曰故知倚市無傾城以相發明并坡君之
決擇

書王玉書目下吟後

有句而無章非詩也有辭而無詰非詩也有情而無性非詩
也有宋金而無漢唐有東川摩詰而無伯玉必簡胥非詩也
太倉玉書王子目下吟抑克晞於古之句而章辭而詰情而
性而不汨於宋金不侈於漢唐者乎詩哉詩哉而世又有有
章而無句有詰而無辭有性而無情漢唐之夸衍而偽彌甚
於宋金伯玉必簡之裁束而偽彌甚於東川摩詰者玉書當
能析之它埃它俟

存規

書栗本馬子演連珠箴後

連珠肇演體符象象內外交合虛實互融斯盡其妙矣陸士
衡魏晉傑才排突山海而辨亡五等才不為多連珠五十首
才不為少此史所以贊百代文宗也江都栗本馬子記瞻采
儻間演連珠箴窮探邃而援士衡語以誤序所謂傾瀝液
漱芳潤詠虛無叩寂寞者尤為曲肖然士衡任尚書郎嘗策
紀瞻曰今有溫泉而無寒火其語雅類連珠而酷暑嚴冬馬
子標舉彌別若繇此引伸觸類則辨亡五等宏麗恢肆諸鉅
篇且將放之而準而隋唐設科專試策暨後加文若賦又加
大經帖而後試策三道并宋禮部試後試策王詹事陳翕判
文右相諸名世篇其操縱閎闊交合互融之機實鈞也夫馬
子豈直思過半也

存規 集卷九 雜著

三

書寧德兄陳子次山輓詞後

五月十三日予肅拜陳氏姊匱訖歸展寧德兄存詩得陳子次山輓詞序曰壬申六月陳子次山歿於燕邸今恰十載矣每欲作輓詞忽忽未就近於裏煙敗楮中拾得繭紙一幅視之則書原巽次山十絕也今春蔣子開泰以新刻尊公東舍集見示亦載巽次山十絕皆向所未覩因為依數補和焉其一曰蒼茫萬事憑誰說零落山邱忽十年其二曰敗楮燒餘太史句新梨印就郡丞詩胥卽事也其三曰鼓鏡崩堅汝最能剡心鉢腎目光凝相如縱遜枚臯速雲氣飄飄實可凌此為以巽吳子言之蓋自康熙乙卯以吳肄業予叔祖在陸先生先兄暨次山就學吳氏丙辰在陸先生移館予家而以巽次山暨書原潘先生胥來就學是時館中號多才雋邑里有陳吳潘儲之目以巽筆最敏而次山文思格尤沈懇驚健在陸先生借礎芹周先生每嘆曰此當今克猷先兄紀事乃精舍實錄也其四曰少日攤書頗懶祭後來落筆恣鯨吞評君諸體誰稱首一卷詩餘楚客魂此言次山之尤工樂府雅不減吳越齊秦諸前輩也其七曰武子能傳名士易總持真似外家才先兄自註曰次山乃迦陵之姪程邛之甥此言其克武程邛武進鄒進士次山從叔迦陵檢討也而輓詞之五曰一領青衫爾許難雨風倥傯送長安其六曰書生豪舉大難事錯把才名絆絡鞵其九曰那看驥子復長埋庾嶺荒江裏斷骸才人罹百六此惟親串稔知之而其十之所謂塵幻無

存硯樓集卷九 雜著

四

從叩杳冥者也當賦輓辭時為歲壬午今又三十年有奇歲甲寅四月而陳氏姊卒先兄輓詞之八曰中表朋遊每接茵門榴姻好更重申淒涼賜第堂前樹隻手支撐有幾人其自註曰謂予姊也然則姊之賢淑雖予殫筆力摹畫訖不克逮先兄二語俾展誦者迸泉泪咽也爰節書詞句示甥致和并致和詣子藏弄之

存硯樓集卷九 雜著

五

書東標周子聯卷後

歲丙午春寒甚二月杪梅始放而雨不克止樓居聽雨間對垣外古梅展雲藹東標周子詩卷又展經義時周子蘇江上試歸謝遣生徒益名它師者滋衆予輒題放翁句於聯映右曰志士淒涼閑處老名花零落雨中看

存碑樓三集卷十九 雜著

六

書全室外集後

臨海釋宗泐字季潭俗姓周氏工詞章精隸古著全室外集十卷元虞文靖黃文獻張潞公胥重之明洪武十一年命領徒三十餘人往西域求遺佚佛書十五年還上莊嚴寶王文殊等經清教錄僧智聰詞供宗泐往西域說土番是遊滇蜀塞外且五年也全室集雪嶺詩曰華夷分壤處雪嶺白嵯峨蓋始出蜀疆作旣而登靈鷲山曰茲山如鷲形昂狀欲奮翥又曰山中數招提窗戶散烟霧又曰下有王舍城民俗尚淳古所嗟給孤園民俗已非故抵雞足山曰石崖開復合人天護幽扁煌煌率堵波白日輝觚稜魔來不得毀斧跡尚縱橫鷲峯北指秀道樹當前青是雞足近鷲峯非滇大理之雞足

子規樓集卷十九 雜著

七

鷲峯亦疑非中天竺鷲峯也又賦宜八里國王遣使至館所慰問曰璽布纏頭潤檀膏點額繁比其還也又賦仲春宜八里國道中曰芭蕉葉開大如席石榴花發紅滿枝子規何似苦題血正是行客東還時又賦重到別利迦竹國舊館曰到此已三月重來如故居門臨外道院壁有中華書又曰國君欲畱住不省意何如比還至崑崙山賦望河源曰積雪覆崇岡冬夏常一色羣峯讓獨雄神君所栖宅傳聞嶰谷篁造律諧金石草木尚不生竹產疑非的漢使窮河源要領殊未得遂令西戎子千古笑中國老客此經過望之長太息立馬北風寒回首孤雲白詩註曰河出自抹必力赤巴番人呼黃河為抹處羗牛河為必力處赤巴者分界也其

山西南所出之水則流入鼇牛河東北之水是爲河源予西還宿山中嘗飲其水番人戲相謂曰漢人今飲漢水矣其源東抵崑崙可七八百里今所涉處尚三百餘里下與崑崙之水合流中國相傳以爲源自崑崙非也崑崙名麻琿刺其山最高大四時常雪有神居之番書載其境內祭祀之山有九此其一也并記之此視元潘昂霄記差覈還至河州復賦曰自發烏君國於今數月過雪中臨黑水水上渡黃河又曰玉關生得入定遠喜偏多此胥可考西遊概畧

八

書朝鮮詩選後序後

明萬曆中會稽吳明濟子魚氏以客從宋司馬贊畫東征有朝鮮詩選朝鮮人江陵許筠撰後序曰朝鮮承太師之教椰椰文學稱於中土逮唐始通賢科崔致遠崔光裕輩咸游學中華接踵舉進士顯於當時宋元修之不替高皇帝握符乘運聖澤旁流光澤八表維我東方首修厥貢嘉獎猶內服狀若金濤輩猶赴闕試及進士第洪武中以洪倫金義之亂而中止旣而循之不與釐正此小國之至寃也崔致遠金濤輩獨何幸與或以是編之盛觀者憐而更張之三韓之士拜賜厚矣筠與二兄筠箴以文鳴東海筠筠皆舉狀元筠敏捷書一覽不忘許景樊蘭雪氏之兄也家江陵卽古溟州在五臺

九

九

九

三章有十二洞入此爲第二洞天筠次子魚南莊歸興韻所謂松關竹徑帶晴烟家住溟州第二天也子魚戊戌春從軍義州經坎馬之役及抵朝鮮王京館於許氏筠爲誦東詩數百首已亥子魚類書新羅至明朝鮮詩撰序筠撰後序其述崔致遠金濤輩榮遇詞尤勤懇子魚又覈東國史譔高麗世紀一卷

書曾萬樓十三經源流後

唐白居易代書詩策目穿如禮注曰時與微之結集策畧之目其數至百十今樂天集存者可考蓋借六帖胥應用書也詩又曰並受夔龍薦齊登鼂董詞又曰取第爭無敵專場戰不疲予覽湘潭萬樓曾子十三經源流竊謂是可爭無敵而戰不疲也爰書此遺之曾子自敘讀迴瀾史論瞭如指掌史既如此經亦宜狀又曰採五金之精以鑄劍集千狐之腋以成裘予謂策目如此制義表判亦狀并斬曾子繹之至如宋人經解什之祖西安劉牧九為河圖十為洛書說匪止楊鼎卿唐仲友又今五歲童率讀論語孟子而有至斑白目不涉子朱予集註書齊論問王知道篇目暨孟子外書性善辨文說孝經為三曰者曾子析舉覈辨源流井井它率多類此雅可風勵庠校尤匪史論策目莪莪應用書埒斬海內士胥繹之

書坦中胡子圖書說後

宋人解易多從西安劉牧說八卦九章指殊譌舛夫牧暨李挺之胥祖毫希夸陳氏希夸傳种明逸明逸傳穆伯長伯長傳李之才即挺之也之才傳康節邵先生今為易學正宗希夸龍圖序曰始龍圖之未合也惟五十五數上二十五天數也中貫三五九外包之十五盡天三天五天九并十五之用後形一六無位又顯二十四之為用也而自註其下曰上位去一下位去六序又曰下三十地數也亦分五位皆明五之用也十分而為六形坤之象也六分而幾四象地六不配在上則一不用形二十四在下則六不用亦形二十四而自註其下曰上位形五下位形六又曰中央六一分在南六幾少陽七二分在東二幾少陰八三分在西六幾老陽九惟在北六成老陰又曰上位中心去其一見二十四下位中心去其六亦見二十四以一歲三百六旬周於二十四氣也故陰陽進退皆用二十四此胥言其未合也序又曰後既合也天一居上為道之宗地六居下為氣之本天三幹地二地四為之用而自註其下曰一六運四十九之數為造化之用又曰天三統地二地四幾九為乾元之用九幹五行幾數四十是為大衍之數五十其用四十有九也此言其既合也而序又曰若在陽則避孤陰在陰則避寡陽又自註其下曰孤陰四二是也寡陽七九是也三皆不處之夫希夸所謂三者一三五胥陽位也苟無以為變而合則孤陰寡陽陽位若避之矣彼

劉牧無論周元公嘗著太極圖說曰陽變陰合而坦中胡子
圖書說曰陰變陽合以書解圖義當互發蓋其講肆於希存
康節之學也深矣若徽國朱文公曰陽不可易而陰可易此
又合河圖洛書生數成數而以變易顯其交易實胥易說也
昔周公繫易爻辭而指南車亦制器尚象之事今青囊家星
盤卽指南車遺制故海行計更者動視盤惟謹文公少精其
學嘗極論阜陵墳宮說果驗而墓父韋齋先生於崇安之寂
歷山墓母祝夫人於建陽之寒泉林胥號吉壤文公後徙居
建考亭墓九峯山之大林谷而朱氏亦環居建硯山之芹溪
坦中旁通青囊家學蓋亦微寓厥指云

子思子集卷七 雜著

七

書白蒲書屋圖後

如臯姜子自芸世居邑東南之白蒲築屋以誦書史錢塘徐
子中斗嘗造焉爲淳安文輅方子狀其地之清麗而文輅以
札於予戊戌春自芸視予書屋圖又視予制義暨詩而胥系
曰白蒲志世業也予誦訖展圖而歎曰昔唐張文獻公序荔
支賦謂南海郡味特甘滋百果無一可比諸公莫之知而未
之信又曰物以不知而輕味以無比而疑士無深知與彼亦
何異也空職方序優鉢羅花歌謂交河小吏得之天山之南
不生中土僻在遐裔使牡丹價重芙蓉譽高又曰亦何異懷
才之士擯於林藪邪蓋嘗二復其語而悲之自芸天才英犖
制義質迅而格逸綜明神毅兩朝之美詩尤卓詭傑出高者

子思子集卷九 雜著

七

輝玉川黜絳衣亦殊近弄卿致堯工八分書工畫分其才
藝度可給十數人此殆果之荔支花之優鉢羅也乃年今逾
四十尚困諸生試雖譽盈冠蓋卒無有深知而亟薦之者而
甚或以滋忌嫉者之疑且將舉江淮之交輪權時通之地如
茲圖所摹畫而胥南海交河之此可爲之長太息也荔支賦
序又曰舍人劉侯一聞斯談倍復嘉歎優鉢羅序曰此花不
遭小吏終委山谷夫人才實難而摧抑而毀敗之甚易彼不
恤其難而蘄逞志焉者縱不能爲劉舍人豈識盡出交河小
吏下邪吾知自今以往知自芸而薦之者且寢衆制義暨詩
且益流布海內人士之願遊書屋如中斗比者且趾相錯而
白蒲之卉樹且胥與荔支優鉢羅花埒也爰爲書其概畧系

書蔣韋人傳後

右韋人先生傳。先生族孫錫震。筆勢凌厲。至今讀者可以見其擺落埃壘。揮斥埏垓之概。先生為不亡矣。然予獨怪以先生才大節又極炳耀。去今不三十年。而郡邑志皆不為立傳。何與。宋人摘班孟堅以建武大司空張純。故怨張湯。又以張氏怨杜周。而陳承祚不傳。二丁談者云。其家斬千斛米也。夫今世之於名高遠矣。然聞比者修明史。此弊不改。而志郡邑尤濫焉。又無俟大司空祖若父比。且愚不識邑里凋敝。今之能饋千斛米者誰與。何佳傳之多也。而先生遂以此湮沒不聞矣。惜哉。然使先生家果貴盛。能饋千斛米。屬志郡邑者。豈潛

存觀集卷九 雜著

夫

既傳先生。又將收輯其遺文以傳於後。太史公曰。人貌榮名。豈有既乎。夫屬非其人。則志士不樂傳。豈潛傳先生。此先生待以傳者也。雖遺文亦然。然而世之以人貌望起潛者多矣。則夫先生之不幸。而不得列於郡邑志也。直無足怪。而明奉士大夫附國本二案。以名曾不一書者。蓋尤宜哉。

書吳夫人傳後

吳夫人武進董君玉蒼之繼室也。吳江丹陽諸君子。既為作傳。而予書其後曰。女子不幸而才。非才之不幸。而才而不幸者之絕可悲也。且天下之不得其平者。豈直詞人志士哉。唯女子尤甚。世所號士女。寵解飲糜食肉。輒衣袷翟衣。署封號。又有品未離臧獲。而傾動省會及郡邑。何可勝數。夫人生而才。內外家又多華貴。而歸董君一月。而君出遊燕。未至燕而病。病而歸。歸不數月。旋卒。遺一女。又卒。遺一子。歲十有二。而遺椽若啟。以棲蓋而贈活之者。蓋渺也。悲夫。悲夫。以少盛之年。當無以自存之地。又迫之以萬無能自止之勢。而萃家之人。胥飲食教誨之。以至禮葬其夫。若舅而封而樹。若碑誄無

存觀集卷九 雜著

七

違者。而又無廢少所嗜之史。若詩以卒。俾孤有立也。故傳者以夫人為難。予觀古之女子。有形管之書。有女史之紀。懿嫺且才也。度無不知而傳。而其傳之也。蓋信。後世風化缺微。實不至而名過者。女子殆有甚焉。故雖以明之中葉。若吳蜀諸媛。而予嘗三復其詩。而疑之。今夫人之才。如傳所謂詩格清。新幽遠者。良覈不妄。及甚不幸。又克有以自振。而自親姻外。顧諟知之。此雖未亡人志哉。而亦可以慨天下事之類多不得其平者。於是為之兆焉爾也。予與夫人弟某及子九徵。素相識。知夫人事差悉。茲不具論。而獨著其絕可悲者。無俾當世無聞焉。

知縣事箴

知縣事之設。厥制自古。蓋職甚暱。民為民父母。維里不誨。維吏不驚。民迺蓬蓬。甘寢歲時。鼓舞昔者。有明多命。進士第。狂釋不更事。率受吏給。然其得者。畏清議而重氣類。曷俾一變。崇長貨賄。惟四海狙黠貪。憚工於箕歛之人。是以為有正。不以仁帥。而以賄帥。故民用不靖。日呻創痛。勿徠勿慰。夫尹鐸大夫陪隸。克作民保障。厥後襄子被圍。卒賴其力。以保晉陽。程純公之道。上蹈回軻。匪卓魯望。且日書凡右。曰吾甚媿視民。如傷矧銓諸南曹。最以循良。厥任孔劇。厥材曷越尋常。無曰位卑。而甘自狀。無曰威專。而喜自亢。尚其監此。庶幾吾儕。小人。不於城市。逢不若之魍魎。罔兩。而察今所由失。循古所由得。要宜唐史是習。陽九宗刺。州是式。蔽厥單辭。催科政拙。尹臣司民。敢告執秩。

存視集卷九 雜著

六

銘呂生旭臨琴

將鼓十二操耶。而水仙襄陵。匪漢蔡邕。唐韓愈所收也。將鼓九引耶。而義隸男子者。裁得霹靂走馬琴。暨龍邱也。將鼓五曲耶。而漢魏以降。裁存鹿鳴粵。若伐檀騶虞。鵲巢白駒。聲暨辭。匪克廣搜也。然則呂生旭臨之琴。厥旨曷衷。厥思曷抽。耶。曰海水汨沒。羣鳥悲鳴。粵惟成連。是求而生。且志在山之高。而水之流也。

存視集卷九 雜著

五

題汪西京乘槎圖

騶氏厥次曼倩氏諸書類迂誕難信而近世萬國全圖區畫
部洲廣輪尤遠其徒率詭為測畧記里準雅無埃詳考予聞
黃山麓羣真渡海石甚怪而虞山北眺五狼東眺三沙彌望
無涯際西京汪君世家附黃山比家虞山為文貽張君之甥
制義絕雅正秒忽不少嗟舛廼命工博圖乘槎若斬肆志於
無何有之鄉不可究詰之霄寓者何哉予聞繇三沙東南距
花繞陳錢不甚遠而高句驪全羅道如人伸舌突出東海中
地適西對蘇松二郡此視葉壁邪馬為差近尚宜乘槎往考
昔蘇端明繇徐聞渡海賦詩曰茲游奇絕冠平生後文信國
繇海門出海行大澗江蛟門外諸島嶼中蒼翠萬疊亦朗吟
存觀樓集卷九 雜著 干

存觀樓集卷九 雜著

干

端明句廼下帆江心寺而入永嘉今西京文以醇為肆而圖
以奇為正尙其亟乘八月槎以窮覽遐思於丹霧條開綠魚
交飛惚恍杳變之景而後接混茫薄顯清摩娑支機石不遠
也予且連君平而詳問之丁未二月二十有九日

為郭鑑倫題清溪垂釣圖

先生偕客於溪之澗談匪乘塵書匪緘度其樂伊何衆山迤
邐清溪縈之千丈見底有魴有鯉爰眎爰指薄言釣之匪施
厥餌玉璜勳高羊裘名嫩伊古暨今滔滔皆是我何有哉命
彼童子先生頽然踞石肘几問客樂乎客對曰唯

存觀樓集卷九 雜著

圭

題王亦清乘槎圖

綠魚其躍耶未蘭其葉耶銀潢瀆洞乘槎直去又奚知其幾
萬里耶蓋瀛滄仙令卽壺嶠仙班也然則逍遙遊之所謂九
節之郡而又奚俟乎成都垂簾之肆耶

存視樓集卷九 雜著

三

題蔣豈潛按劍圖

握鐔坐訖君盍躍駟陟萬仞山峻崖半墜千丈下垂白猿展
臂跳一寸光晃耀天地
維劍有銜什九肅闕手鐔而坐壺尊右次以酌以吟了不甚
異一旦炯光晃朗天地瞻言百里魑魅潛類彼一寸鉞雅宜
牢閉故曰合有所不施威有所不制君容之毅君才之駛行
以駿馬羣駢爲直詎以駭犀中斷爲利請爲誦易曰不戒以
孚又曰不行而至

存視樓集卷九 雜著

三

題顧禮園洗硯圖

翰牋寶器維硯最堅洗之彌晶光沁流泉匪值借松而胥不老抑且借鶴而胥仙也先生自題曰青松似我不請以端溪知老野鶴隨人亦自仙龍尾之遺譜卜瀛洲圓嶠之大年

存視樓集卷九 雜著

五

題馬宛來杏林春燕圖

宛來足下承視杏林春燕圖日邊紅杏諸彫麗說茲不具論僕謂仍當錄制義覈之今足下制義業以鼓吹寰宇僕曩推定程墨透宗書其前數則雅不欲太炫洩以足下為甘苦中人謹書用印准不宜大文頓首

爰挹清文敬儀眸貌藝苑長語玉卮胥掃淺言藝則曰不疾不徐精言道則曰禮陶樂淑其在策試也則為王詹陳判經世之條其在省試也則為歐政參陳中舍程世之錄用以叶琴檄而淬矢鏃是曰文之張員張檠八制舉皆為甲科四銓試策判皆最員半千謂其文為青錢萬是曰圖之顧陸顧陸妙境只在神解

存視樓集卷九 雜著

五

題永城貞媛蔣松姐

維彼貞媛爰獲死所其名也松其節也松實維永城蔣氏之女

存視樓集卷九 雜著

偶題

倚與先生其人天下之士其學古之儒其發為文詞盡力於義者之言而退之永叔之徒此宜其丰采所激可以廉頑夫而立懦夫然窮於世久矣呼乃至食不能飽幾於曼倩之於金馬史雲之於萊蕪然先生之志益振以崇尚風節砥礪廉隅曰九死不悔吾命也夫曾不能突梯滑稽同於質販而混於市屠高山巖巖我車載驅流水洋洋我舟載徂夫先生豈不知此而終不忍以嶮嶮瑩徹之節被厥泥塗匪俗斯通匪躬斯圖夫實俾天下後世灼知日月之光草木之朽峻軌而同模此其所持者大而亦未嘗力為己甚以破道之中至流於醉而號啾者之窟且其文學如此丰采如此宜當世之柄用人吾徒之志友士者如漁問漁如獵問虞而曷為羣譏眾詆籍籍於途抑氓之蚩蚩厥智實殊而曷為國有神著士有辰樞曾不是之太息流涕乃建厥號曰吾將以和展氏之介而智甯子之愚則先生之窮不亦宜乎

存視樓集卷九 雜著

毛

跋幹年劉君遊龍門太華記

繇崑崙至大積石山千七百四十里舊唐書李靖傳所謂吐谷渾退保天非谷靖深入踰積石山侯君集傳所謂轉戰過星宿川至於柏海北望積石山觀河源之所出者也繇大積石山至小積石山千二里有奇杜氏通典所謂積石山在今西平郡龍支縣南元和志所謂積石軍西臨大澗北據黃河者也繇小積石山至龍門上口四千二里有奇而尚書孔疏積石在龍支至龍門三千餘里西江幹年劉君之說蓋據孔疏也爾雅註鮪魚似鱸色青黑大者長七八尺岫居春始上而遊揚北入河西上龍門得過者化為龍周時尸佼亦亦曰龍門四傍有山莫能上大魚薄集龍門上則為龍俊晉

存視樓二集卷九 雜著

三

人其言倘可信故後漢稱李元禮曰登龍門而六朝王謝冠蓋族至有白雲在天龍門不見之慨此與揚子雲河東賦河靈攬踢掌華蹈襄匪謂汾旌必有座仙掌必有跡而河西以摘星辰猶之河東以躍霄漢蓋胥附青雲而聲施者怪偉縱軼之雋思也劉君西江望族嗜學纂文循石槽下口而沂河關陟三峯而東睇襄山西睇終南太白昂哉尚惟支系衍屬義

跋承恩榮遇錄

唐韓退之謨藍田縣廳壁記千百世下髮稚承學士胥知有哦松事至宋張文潛又謨咸平縣廳醑醑記曰庭有醑醑問之邑之老人則其為樞密府時所種也既老而益蕃延蔓庇覆占庭之大半其花特大於其類邑之醑醑皆出其下蓋其當時築室種植以待天子之所必有珍麗可喜之物而後敢陳是以獨秀於一邑而莫能及也咸平縣廳當真宗幸臺廟老子時實為樞密府故文潛辭殊侈大之矧 國家至治上續唐虞軼出唐宋萬萬而陽曲副尹袁君之際會雖宋咸平縣廳醑醑且不屑道矧唐藍田縣廳松哉然則琬琰之錄逢辰之錄抑亦可以一錄概之矣宋制樞密院使號西府班塔

存視樓二集卷九 雜著

三

同平章事蓋辛輔任也予爰書袁君錄後而并覈之以為異日南曹最陟之符券

存視樓二集卷之十九

存硯樓二集卷之二十

宜興儲大文六雅著

門人 丹徒張 冕冠伯 崑山徐柱臣題各編

雜著

跋坐虎圖

厚庵劉先生英標雋采焜耀南曹海內人士胥嘉企為繡虎之才彫虎之文而吏治精敏絕去稠人遠甚宰古臨汾書上考擢石艾牧不再浹月旋擢尹太原府為直省二千石之冠少司寇渤海公嘗圖坐虎以贈之而先生命予書其右昔後漢桓公劉氏為弘農郡守仁化大行虎皆負子北渡河光武聞而異之徵為光祿勳列于九 史書諸儒林傳而後世

復後傳其事今先生鎮撫并嵐政肅刑清民安物阜東越熊嶺西越飛鳶南越龍丹北越牛尾千里宵絕犬吠警迺至壤

表區錯如離石之骨集山樓煩之雌雄海以暨黑虎關之近附馬陵擲虎澗之遠隸蜚狐射虎川之縮轂龍泉白馬古今載籍雅號為遂複與咀者抑且悍馴贊伏而胥頌首敢志于會城師帥之憲令其視桓公守弘農虎皆負子渡河不殊也朕則司寇公贈圖倘以中陽故事庸取義於范史儒林之傳乎抑前漢士有言猛虎在山藜藿不採先生之曩纂古臨汾志也蓋嘗于汾陰蒙坑諸蹟三致意焉班政石艾又嘗周覽于淮陰栢井蔓水晉公葦澤寨之間則夫藜藿不採之義固業以雅稔而熟嫻之今 國家威德統馭億萬里而遙鏡吹

凱音歡騰郵傳當即以鑄圖象物識塔爾奇西擒昌開喜之蹟而先生行持節開府從容皐比以殫極夫中樞鈞衡之碩畫其視桓公光祿勳固不翅什伯度越之昔周易繫虎變而要其義于文炳吾知騶虞可叶射節白虎觀可通諸儒同異義崑崙閩風巔戴勝肅坐長生久視之術可以獻玉環而圖益地而海內宗工傑士其晉而胥賦頌文麟瑞鸞者蓋未之有艾也予謹書圖右以跋

存硯樓二集卷之二十 雜著

二

跋英德縣學青雲路碑記後

三晉古文詞繇馮斐王孫薛溫柳白而後近世唯宋河中
塗柳氏金秀容裕之元氏元陵川仲常郝氏尤著 國家文
治蔚興古文詞訣獨視前代為正傳青主畢頡雲諸先生胥
號深博今嶢山田先生以精詣浩氣力振於海內作者零落
磨泐之後且越仲塗仲常而追敬通鵬舉仲淹子厚而駸駸
參駕之矣誦碑記如覘鉅海中孤嶼可以得其涯麓

存續樓彙卷下 雜著

三

跋姜自芸古印章冊

秦八體三日刻符五日摹印既豐六書五日繆篆以摹印唐
載初制謂秦刻符兼於大篆模印逮於及書兩漢因之九千
餘字蓋字簡而功專故其肆之也易精魏晉後結造新字日
以繁布而八體六書浸失傳工刻符摹印者亦浸少如摹姜
子自芸榻古印數百章如軍假司馬騎督等既多魏晉時官
而以校秦漢端整蒼鬱之氣源流胥合此其可摩娑而傳玩
者也姜子文做漢魏尤工詩樂府篆八分亦涉蔡邕蘇建之
奧若繇此冊博而考兩漢所謂九千餘字者其功殊易就姜
子勉之抑邨鄆淳之古文鄭冲之古文尚書衛恒嘗有言魏
文好古世傳邱墳歷代莫發真偽靡分鑿殊懸而微而正始
三字石經效科斗之形體尤鄙饒章雅不可不辨爰書冊而
附於後

存續樓彙卷下 雜著

四

跋靜文呂子畫

呂生靜文畫一弓二仙對奕又二仙旁觀森動沉奧名筆也
狀謂對奕為鐘離呂宜覈予按洞賓呂氏得仙訣於雲房鍾
離氏世傳鍾呂傳道錄是也洞賓傳海蟾劉氏以通傳紫陽
杏林道廣尼丸玉蟾五葉仙真此之謂南宗洞賓又傳重陽
王氏重陽傳邱劉譚馬郝王以暨丹陽馬氏妻孫氏不二號
一花開七葉世傳為崑崙正派此之謂北宗蓋南北二宗皆
本之洞賓洞賓又本之雲房鍾離呂奚暇對奕觀奕又奚氏
宜詳覈抑重陽傳七真而是時山東孟宗獻中四元亦為重
陽弟子重陽雅歎有仙骨此自靜文事子當訪觀奕客旁觀
旌蓋且未暇談羣真手談

存視樓集卷十 雜著

五



蜀山書院公呈

呈為先賢講舍闔邑名區懇恩給示勒碑以禁砍伐樹木事
宋端明殿學士贈太師蘇文忠公籍傳岷蜀倚寓荆溪倅杭
而早費經營徙惠而時形篇咏遂於買田勝地永存書院遺
蹤百步基分雙行木合頃以頽胥侵蠹行道採樵林先秋以
半枯山當曉其如楮雖築亭縹緲本留種橋之空言而歸市
蒼涼長負落花之好語摧殘已甚風教何觀恭遇太宗師一
代鴻才七州制帥域中雄秀人望眉山海外流傳書藏元祐
昔者西江移節綠飛五字之華今當東閣開扉青度萬年之
樹伏乞俯垂下邑仰護先賢給示通知勒碑永禁庶使衣冠
挺發對此婆娑川嶽菁英無忘封植刈溪頭之稻米兼收樹
影於雲房點陽羨之茶芽閒指棠陰於雪苑其為感暨曷可
酬量

存視樓集卷十 雜著

六



明墨選透宗

中篇

聞之學琴者第一指輒叶中聲而後可以成音墨義亦賦詩賦鼓聲曰淵淵又曰闐闐孟子曰射於百步之外其至爾力其中非爾力胥言中也先儒釋中義曰有未發之中有用中之中未發謂之中者無少偏無少倚也凡執厥中者無畸過無畸不及也墨義克無少偏倚無畸過不及而後可以語中其系于內而叶未發之中者曰神其系于外而叶允執之中者曰度曰機曰格曰力曰韻曰詞而系于內外之介者曰識曰思曰氣曰骨氣暨骨發未發鈞體也識暨思發而未發神氣繇此以顯骨格繇此以成度力韻詞繇此以運者也夫中

存疑樓集卷三 雜著

七

有權焉輕重懸諸秒忽而偏倚過不及之弊輒滋矣故義析則克權權而克當義不析則不克權權而不克當古之學射者懸虱于牖而靜視之埃其形類車輪迺可以命中啓牖靜視者養也而必形類車輪始不至秒忽少爽者識也墨裁固九重識哉周易言中正程子謂中重于正世益有履道之正而不克中者矣夫中者內也而中重于內世益有得文之內而不克中者矣參同契曰真人潛深淵浮游守規中太元經中首曰陽氣潛萌於黃宮信無不在乎中次五曰日正于天利以其辰作主蓄黃宮潛萌之中則占日正于天之利當場屋屈辰深潛浮游克豫養其無少偏倚者而後遣意宣文迺可以無畸過無畸不及也噫精識士九重蓄神哉選中篇大

中為上因悖厥中為中

內篇

中者內也而內不克胥中也雖狀斬叶厥中其必繇內乎是故肄義者重內而輕外釋義者先內而後外選內篇曰上曰中

夫中有權焉惟中為克權權而克當內篇氣骨度格力胥巖而神韻詘識贏而差詘克中矩不克中規克中規而不克中萬規矩譬之大射張三候設三乏司旌并夾備具而槩有定位雖矢矢連屬不離故所匪必滿且后羿之巧也若夫懸虱貫輪則又奚定槩之有昔南唐賈堅彎弓餘三石烈租取牛置百步上名堅曰能中乎堅曰少壯時能令不中今正可中

存疑樓集卷三 雜著

八

之發一矢拂脊再矢摩腹胥附膚落毛上下如一故中厥上或中厥丁或中厥前後左右無贏詘吾權者而識餘於中雋之中氣餘於中雋之外神光煜熠雖欲不雋暨雋且前其曹而不可得也此中篇內篇之別也

正篇

中篇之上可元內篇之上可程

雋篇

正篇可中可內雖狀抑可贍篇也抑可次篇也失其幾殆莫之隔銖髮也吾寧謹錄焉選正篇曰上中下

是篇也其以中雋也雖狀內不足而去中也遠選雋篇曰上中下

瞻篇

文固有才調行發而不得謂之內體格端亮而不得謂之雋律式整博而不得謂之外景象光瑋而不得謂之次者無可隸復立瞻篇以統之繇正嘉萬曆季年以暨崇徵其鏗鏘可誦宏妍可睇者大率胥瞻篇也夫固繇正篇而演析之者也豈真天崇時彌甚而仲常錦泉成甫葵陽孟常諸公業已矚機揚采焉蓋一代世運之升降形乎其間矣選瞻篇曰上中下

次篇

次篇者神識思氣骨度詘而機格力韻詞差羸墨視他義難工殆不翅倍蕪君子有怨辭焉雖狀中篇十紀四十舉不獲一內篇四紀四舉不獲一雋篇瞻篇三載不獲一而次篇之中雋也差博錄選曰中曰下中篇內篇無下次篇無上

外篇

外篇時疑羸內篇不惟羸內篇而已抑疑羸中篇雖狀道外之文章而倣詭艷冶靡迤潰洞其弊且日葉而莫之克遏高者恢孟賁之目卑者舉司馬之肥又其甚者以競病為饒粟以耕父野仲為被繡戴鵝而經義之式滋裂是故君子慎之選外篇曰上中下

湯霍林曰物不世見命曰奇物事不數經號曰奇事有一無兩奇之至也嘗謂一目之立必有一義破止一破承只一承此名為奇若復可另架一局另鑄一意另匠一詞此名為偏

存視樓集卷三 雜著

九

不名為奇曾言為曾思言為思孔言為孔孟言為孟各不相

借此名為奇若復學義似庸論義似孟此名為通不名為奇而况無局無意無詞不得已作斷續拘戾之體偏不成偏學庸論義胥似孟通不成通者乎錢吉士曰近文無眼目無線索節取其詞反可多着圈點蓋晒之也而况無眼目線索詞又無可節取者乎書此二說以正文體之極弊

蓋選外篇而幾為瞻篇危之雖狀猶幸瞻篇之未遠於正篇也

別篇

有類內篇而別者有類外篇而別者胥可喜別而類瞻篇間獲一二別而次者不如其已而吾亦不欲參擬于雋篇崇上品也雖狀別裁無上選別篇

存視樓集卷三 雜著

十

繇中篇至別篇其重識鈞也其重蓄神鈞也或曰正篇瞻篇次篇外篇詎必識胥精乎曰識不足則假蓄神以充之蓄神者神在外叶未發之中者神在內內外雖殊而不得謂內之不假於外也

海淀 紀游

麻城劉氏帝京景物畧曰水所聚曰淀高粱橋西北十里平地出泉為十餘莫潞北曰北海淀南曰南海淀或曰巴溝水也巴溝自青龍橋東南入於淀淀南五里巴陵泝泝南陂者六達白石橋與高粱水併泝而西廣可舟矣武清侯李皇親園之方十里中挹海堂堂北亭署清雅二字明肅太后手書也亭胥牡丹石暨芍藥間之瀕水則已飛橋而汀橋下金鯽長五尺汀北胥芙蓉望盡而山劍鉞螺蟲假山抑真山也山水際起高樓樓上臺衡香山俯玉泉園中水程十里有奇舟胥達嶼石百座檻胥周靈壁太湖錦川百喬木千竹萬花億萬陰胥接園東西相直米太僕勺園百畝耳望之等深步等

存視樓 彙卷二十 雜著

十一

遠始入道柳數行亂石數塚道南陂焉陂上橋高於屋橋下望園一方胥水也水胥蓮蓮胥白樓臺亭榭八九進得四覆者胥柳肅者胥松列者胥槐荀者胥石暨竹水之俾無得逕也棧而閣道之俾無得舟也堂室無通戶左右無兼徑階必渠取道必渠之外其取道也板而檻七之樹本槎枒二之砌上下折一之客陟橋上瞭如也下橋而北園始門焉入門客復愜意適窮目目適窮趾朝光在樹疑中暨夕最後一堂倏啓北牖稻畦頃千幸日迺未曛福清萊公臺山過海淀曰李園壯麗米園曲折米園不俗李園不酸西園之北有橋曰婁兜橋一曰西勺予癸巳冬十月始至海淀後凡六至焉蓋視都人士暨海內人士遊京輦者輪蹄為最妙而紫雲環繞碧

樹參差雖古潘岳宋敏求王稱所紀暨南宋劉過樂府所謂神仙路近蓬萊島者曾不足鋪張場屬區區武清之十里太僕之百畝又奚庸覆舉而予必書景物景於簡端者蓋恐人士不知其地暨事之本末且近於傭兒販婦日處冰玉之中而不少覺而抑以識上林給札豹尾周衛之勝也

存視樓 彙卷二十 雜著

十一

尚書古今文考

秦時濟南伏勝壁藏書漢興求之亡數十篇獨得二十九篇以教於齊魯之間孝文帝詔掌故鼂錯往受之勝老令女口授齊頴川語多異錯所不知略以其意屬讀今文尚書是也孔子八世孫子襄壁藏其家書至魯共王壞孔子宅於壁中得所藏古文虞夏商周之書及傳論語孝經皆科斗文字子襄曾孫安國以所聞勝書考論文義定其可知者為隸古定更以竹簡寫之古文尚書是也勝所傳實二十八篇孝武帝末民有得偽泰誓以獻博士起傳故司馬遷總論為二十九或曰孝宣帝時河內女子得之而勝以舜典合於堯典益稷合於臬陶謨盤庚三篇合為一康王之誥合於顧命為今本

存魏樓集卷下 雜考

古

三十四篇安國書泰誓與孝武時民所獻異而自大禹謨至同命增多二十五篇并序一故尚書序曰凡五十九篇又以同序者同卷異序者異卷為四十六卷而歷代經籍志有安國古文尚書十三卷鄭康成古文尚書九卷三字石經尚書古篆一卷小學有古文尚書一卷又有安國今字尚書十四卷或曰十三卷今字石經康成尚書一卷今字石經尚書本五卷一字石經尚書六卷三字石經尚書九卷又有徐邈古文尚書音一卷顧彪今文尚書音一卷其他為章句傳注義疏者未易更僕數然大率祖安國康成云初勝作傳四十一篇授張生張生授歐陽生於是尚書有歐陽之學張生又授夏侯始昌於是又衍為大小夏侯之學安國傳都尉朝朝傳

庸生為尚書古文之學而未列於學官孝成帝時張霸偽造

百兩篇以中本校之非是劉向嘗以中古文校經文孝哀帝時劉歆嘗請立古文尚書東漢孔僖世傳古文尚書杜林傳古文尚書賈逵訓馬融傳康成註解由是古文遂顯康成尤好之然自向歆暨東漢魏晉初諸儒皆不見古文全書僖世傳又不顯世財傳三十三篇其增益書二十四篇蓋參伏孔氏學暨霸偽書而竝存之歆三統曆論引泰誓武成逵奏尚書疏云流為烏融書序云泰誓無此文康成註典寶引伊訓曰載孚在亳胥與古文尚書異至魏王肅註合孔氏晉太保鄭冲始以古文授蘇愉愉授梁柳柳皇甫謐外弟也故正義序曰謐獨得其書載於帝紀蓋自司馬遷後立言之士惟謐

存魏樓集卷下 雜考

古

為識古文矣柳授臧曹曹授梅賾東晉初為豫章內史始上其書然已亡舜典一篇而歐陽大小夏侯之學亦以永嘉亂盡亡於是安國書始行齊明帝時吳興姚興方於大桁市得舜典奏上比馬鄭注多曰若稽云二十八字於是始列學官後孔鄭學互為盛衰至唐孔穎達正義始定從安國傳云開元時明皇不喜古文易以今文時去隸書既遠所用今文多違古義又康成註嘗書囁夸為囁鐵賜谷為柳谷時營州柳城郡蓋緣經得名云尚書五十八篇亡四十二篇又有周書七十一篇顏師古曰蓋孔子所論百篇之餘也宋存四十五篇近世有箕子朝鮮本徐市倭國本皆偽書不可信或曰歐陽修詩徐市行時書未焚逸書百篇今尚存蓋歎舉世之士

無人識古文云朱子嘗疑今文艱澁古文平易又疑安國序不類西漢文嘗整齊武成註堯典舜典大禹皋陶謨後命九峯蔡氏傳之今世學官所列是也其分畫古今文有無視正義尤朗析謹考

存碑樓集卷下 雜著

圭

六宗考

尚書舜典曰禋於六宗九峯蔡氏傳曰精意以享謂之禮宗尊也其所尊祭者有六而引禮記祭法以釋有其數而無其名之疑案家語宰我問六宗孔子曰所宗者六埋少牢於大昭祭時相近於坎壇祭寒暑王宮祭日夜明祭月幽榮祭星雩榮祭水旱此祭法所本也至漢武帝即位甘泉汾陰嘗用事焉時孔安國傳尚書從家語說而儒者多疑之成帝時匡衡議南北郊遂奏立六宗祠而莫盛於元始之制後漢初輟而復建於安帝元初之六年魏明帝詔令王肅議六宗肅復舉家語說以對遂以釋經至晉太安中罷六宗祠尋復而訖以不振宋徽國朱文公註尚書定從祭法而蔡氏恪遵之案

存碑樓集卷下 雜著

圭

祭法曰埋少牢於泰昭祭時也高密鄭氏註曰昭明也壇之言坦謂壇也時四時亦謂陰陽之神也埋之者陰陽出入於地中也衡水孔氏正義曰泰昭壇名也昭亦取明也春夏為陽秋冬為陰若祈陰則埋牲祈陽則不應埋之今總云埋者氣胥出入於地中而以享陰陽為義也用少牢者降於泰壇之燔柴泰折之瘞埋而用騂犢也先儒竝云不薦孰唯殺牲埋之也此所謂祭時也祭法曰相近於坎壇祭寒暑也鄭氏註曰相近當為禳祈聲之誤也禳猶卻也祈求也寒暑不時則或禳之或祈之寒於坎暑於壇正義曰寒暑之氣應退而不退則祭禳卻之令退也寒暑之氣應至而不至則祭求之令至也寒則於坎寒陰也暑則於壇暑陽也又曰周禮大宗

伯備列諸祀而不見祭四時寒暑水旱宗伯依常祀歲時恒祭此經謂四時乘序寒暑僭逆水旱不時祈禱非關正禮故不列於宗伯而康成六宗之義亦不以此神爲尊也又繇此以下皆如泰昭用少牢王祭無不用牛用少牢亦謂祈禱之祭而不如王肅之讀相近爲祖迎爲克備其正義也此所謂祭寒暑也祭法曰王宮祭日也鄭氏註曰王宮日壇王君也日稱君宮壇營域也正義曰宮亦壇也營域如宮也日神尊故其壇曰君宮也案郊特牲曰郊之祭大報天而主日也兆於南郊就陽位也鄭氏註曰天之神日爲尊日太陽之精也正義曰祭諸神之時日居諸神之首凡祭日月禮崔氏云一歲有四迎氣時祭日於東祭月於西故小宗伯云兆五帝於

存禮樓集卷二十 雜著

七

四郊四望四類亦如之一也春分朝日秋分夕月二也此二祭胥各爲壇而祭所謂王宮祭日夜明祭月皆爲燔柴也夏正郊天而主日配以月三也孟冬大蜡時月令云祈來年於天宗四也此二祭胥共祭則祭日於壇祭月於坎壇則實柴坎則壅埋也其牲胥用犢而用少牢者祈禱也皇氏以爲合祭時用犢分祭時用少牢非也又觀禮諸侯覲於天子爲宮方三百步四門壇十有二尋深四尺加方明於其上殷見亦爲壇於國外帥諸侯而祀方明方明日也是且合四祭而不翹五而鄭氏且謂王之盟主日則上公盟庸王月也又案賈公彥釋周禮曰鄭氏註天宗日月星辰星辰入天宗又入六宗日月入天宗即不入六宗之數也以其日月尊故不得入

宗也衡水孔氏天宗正義曰尙書六宗文承肆類上帝之下凡郊天時日月從祀祭以日月配以日月在類上帝之中故六宗不得復有日月此不云六宗而云天宗與彼別也又莊二十六年六月日食公羊傳以朱絲繫社或曰脅之或曰爲闢恐人犯之故營之何休膏肓遂引感精符而譏左氏用牲非常之說於義爲短鄭氏箴曰讖說正陽朱絲鳴鼓豈說用牲也朕則從天災有幣無牲義例犢與少牢胥不宜用而鄭氏彙釋祈禳之義之究難通也朕而繇諸說釋之則天之神日爲尊厥旨固維鈞也此所謂祭日也祭法曰夜明祭月也鄭氏註曰夜明亦謂月壇也正義曰夜明祭月壇名月明於夜故謂其壇爲夜明也案蔡邕曰日爲陽宗月爲陰宗北辰爲

存禮樓集卷二十 雜著

六

星宗雖吁當時經說而實繇清臺雜候并北辰耀魄寶位暨巨辰二而參定之是月星之偕日胥尊焉宜也此所謂祭月也祭法曰幽宗祭星也正義曰宗皆當爲崇字之誤也幽崇亦謂星壇也星以昏始見崇之言營也正義曰幽宗祭星壇名幽闇也崇壇域也星至夜而出故曰幽也爲營域而祭之故曰幽崇也此所謂祭星也祭法曰雩宗祭水旱也正義曰雩崇亦謂水旱壇也雩之言吁嗟也正義曰雩宗亦祭水旱壇名雩吁嗟也水旱爲人所吁嗟崇亦營域也爲營域而祭之故曰雩崇也雩崇而謂之宗雲漢之詩曰靡神不宗又曰靡愛斯牲夫亦災沴用牲之徵而於鄭氏說尤叶也此所謂祭水旱也蓋繇秦漢以來羣言淆錯而六宗之義肇於家語

著於祭法孔安國既世守其家學王肅又豎議於朝至徽國文公註尚書未成而蔡氏猶得因其典謨遺註以釋之學宮令甲奚庸滋議若夫伏生說以天地四時爲六宗馬融同之則其義既恢廓而無當且與類上帝復今尚書歐陽氏夏侯氏說六宗者上不及天下不及地傷不及四時居中央恍惚無有神助陰陽變化有益於人故郊祭之泊元始建武六宗制亟變安帝元初六年司空李郃奏請復立六宗祠曰尚書禮於六宗六宗者上不及天下不及地傷不及四方在六合之中助陰陽以化成萬物漢初甘泉汾陰祀天地亦禮六宗故匡衡請立六宗之祠後遭王莽之亂易爲六子今宜復其舊制制下公卿議五官博士行宏等三十一人議以元始中

存祝禮彙卷二十 雜著 九

以六宗爲六子之氣屬日月雷風山澤者非是乃更立六宗於洛陽亥地禮比大社所謂亥地貴神也而劉昭嘗論祭祀曰言天地者莫大於易易無六宗在中之象若信爲天地四方所宗是至大也而比於大社又爲失所矣衡水孔氏亦嘗曰宗實一而有六名實不相應也而經說之行則既訖漢世矣劉歆孔晁則以六宗爲易六子之尊氣水火雷風山澤也元始中王莽遂立六宗祠泊光武卽位於鄗采用元始故事六宗羣神胥從祀於壇尋建都洛陽制辭不道祭故六宗祠遂廢後魏明帝嘗疑六子之說問王肅肅雖從家語亦不以歆說爲非故六宗祠得至晉無廢晉太安時荀顛言新祀六宗之神義出不經司馬彪等表奏皇朝憲章虞夏而六宗獨

從新禮繆惑殊甚遂罷六宗祠而歆晁說之行且寢逮三百年矣後漢賈逵又以爲天宗三日月星地宗三河海岱也故古尚書說天宗日月北辰地宗岱河海日月爲陰陽宗北辰爲星宗岱爲山宗河爲水宗海爲澤宗祀天則天文從祀祀地則地理從祀是謂星衆而宗巨辰山衆而宗岱宗也又春秋郊祭三望說郊天日月星河海山川凡六宗魯下天子不祭日月星但祭其分野星暨山川故言三望六宗蓋與古尚書說同許慎異義亦謹案其制而闡明之而高密鄭氏駁曰類也禮也望也徧也所祭之神各異六宗言禮山川言望則六宗無山川明矣周禮大宗伯禮祀實柴燎燎所祭皆天神也郊特牲祭義皆言郊祭主日配以月則郊祭并祭日月可知

存祝禮彙卷二十 雜著 十

其餘星也辰也司中司命風師雨師此之謂六宗亦自明矣案周禮大宗伯以實柴祀日月星辰以禋燎祀司中司命風師雨師鄭司農云司中三能三階也司命文昌宮星風師箕也兩師畢也鄭氏註又曰星謂五緯辰謂日月所會十二次司中司命文昌第五第四星或曰中能上能也賈氏釋曰五緯卽五星東方歲星南方熒惑西方太白北方辰星中央鎮星言緯者二十八宿隨天左轉爲經五星右旋爲緯也其所謂辰案昭七年左氏傳晉伯瑕曰日月之會是謂辰但二十八星面有七不當日月之會直謂之星若日月所會則謂之宿謂之辰謂之次亦謂之房也故辰雖據日月會時而言卽二十八星也其司中司命案漢武陵太守星傳曰三台一名

天柱上台司命爲太尉中台司中爲司徒下台司祿爲司空
又曰文昌宮第四曰司命第五曰司中二文胥有司中司命
故兩載之而以鄭司農之分隸爲非也若夫風師則春秋緯
月離於箕風揚沙是也兩師則小雅月離於畢俾滂沱矣是
也此高密鄭氏所謂六宗宋張融後裴駰張守節司馬貞等
胥同之嘗駁南郊感生帝是且駁六天獨謂六宗從鄭則於
義爲允而賈氏以爲如鄭此言六宗稱禮則天神也日月也
在郊祀之中又類於上帝之內故以其餘爲六宗衡水孔氏
疏天宗又微駁之謂天之衆神如司中司命不稱宗故天宗
惟日月星而緯星既有五經星又有二十八廼彙爲一宗曾
不如北辰耀魄寶之孤居尊位曰辰之以適庶位起紫宮節

字禮禮集卷三十 雜著

三

度也又周禮小宗伯四類鄭氏註謂日月星辰運行無常以
氣類爲之位兆日於東郊兆月與風師於西郊兆司中司命
於南郊兆雨師於北郊若既舉四類并風師於月并司命於
司中則天子巡守復奚庸析爲六而特尊稱之曰宗肆師大
祀次祀小祀鄭司農云次祀日月星辰小祀司命已下鄭氏
亦謂小祀又有司中風師雨師山川百物奚以小祀而稱宗
且五緯三台箕畢胥星也十二次二十八宿亦星也是裁舉
幽崇一宗無六宗也若魏秦靖說國之六神爲六宗兩師風
伯靈星先農社稷則靈星尊業不逮北辰而實主稷借先農
社稷且寔爲一也晉張髦說又以三昭三穆爲六宗而宋羣
儒多從之東坡蘇氏曰受終之初既有事於文祖其勢必及

餘廟五峯胡氏曰國有大事既告諸祖廟狀後告於天地以
及羣神禮之常也故晉張髦以六宗爲三昭三穆之宗學者
多從其說蓋聖人名必當物祀上帝而謂之類者本乎上者
咸在其中也况四時寒暑水旱日月星辰之運即天神之與
豈可分裂各爲神乎古者大旱雩於上帝不曰雩於旱神可
見矣至明瓊山坤氏復申其說曰帝舜受堯之禪以有天下
受終文祖之後類於上帝類者日月星辰后土社稷合聚而
祭告之也其先但告於受命之一廟類上帝之後乃精意以
享夫三昭三穆之宗焉既禮祀矣遂望祀天下之山川徧及
羣神焉註家謂四時寒暑日月星水旱爲尊祭之六則后土
社稷比之六者更尊也胡獨遺之乎故言類上帝而凡天神

存禮禮集卷三十 雜著

三

俱併其中矣况寒暑即四時之候水旱乃雨暘之變既祭四
時則寒暑在其中矣水乃雨之滂旱乃陽之亢不常有也古
因旱潦而祀故云吁嗟而祭謂之雩也攝告之際未嘗水旱
而預祭之無此理孔註謂文祖爲堯文德之祖廟有祖斯有
宗合三昭三穆而七所謂七世之廟可以觀德也蓋其辨既
詳而駁蔡氏義者亦滋甚矣朕而信斯言也則既違虞夏五
廟之制而帝顓頊至瞽瞍凡六世尙在三昭三穆內奚以明
堂祖顓頊而復不宗顓頊而宗堯且堯既尊號神宗配五天
帝五人帝典復宗堯迺以豐昵別宗窮蟬敬康勾芒螭牛瞽
瞍匪宗有德義抑匪有虞氏尙德而不較氏族先後之義也
髦生魏晉之間罕與中朝士接而別爲一說蓋日甚矣青龍

廷議之滋紛也是不如其已也而曾不虛泥其說者之彌從而紛錯之也後秘書監摯虞又諸復六宗祠曰六宗非山川之神周禮肆師職曰用牲於社宗黨正職曰春秋崇亦如之肆師之宗與社並列則班與社同也黨正之宗又不繫社則神與社異也周之命祀莫重郊社宗同於社則貴神明矣宜定新禮復祀六宗詔可其奏朕而肆師之宗實謂遷主故文繫師甸下而黨正且書崇不宗也虞又嘗爲說曰六宗非上帝之神亦非山川之靈周禮肆師之宗與社並重月令孟冬祈穀於天宗天宗卽六宗之神也小司馬嘗說天宗曰天宗日月星辰寒暑之屬也地宗社稷五祀之屬也四方之宗四時五行之屬也虞復同之然信斯言也是且寔徧於羣

存禮樓二集卷下 雜著

五

神匪禮六宗也蓋六宗之祠至虞而復顧其義彌支而後之議六宗者亦淺輟矣及至劉劭又以太極中和爲六氣之宗孔氏曰當時司馬彪輩蓋多異說夫宜借家語祭法暨孔蔡氏傳註胥參考者也至禮祖義國語既謂精意以享孔安國釋洛誥柅二旨明禮又謂芬芳之祭其義適相叶而與鄭氏註周禮禮祀昊天上帝所謂禮之言烟賈氏釋所謂郊特牲宗廟用烟此文天神用烟者虞周禮既殊義亦別也抑六宗匪六天而禮祀實與祀天神通大宗伯以禮祀祀昊天上帝鄭司農云昊天上帝也上帝元天也高密鄭氏謂昊天上帝冬至於圓卯所祀天皇大帝易緯元命包云紫微宮爲大帝又云天生大列爲中宮太極星其一明者太一帝居傍兩星

巨辰子位故爲北辰以起節度亦爲紫微宮紫之言中也天神圖法陰陽開閉皆在宮中春秋釋文耀鉤云中宮大帝其北極星下一明者爲大一之先合元氣以斗布常爾雅云北極謂之北辰鄭註天皇北辰耀魄寶又名昊天上帝又各大一帝君以其尊大故有數名也此北魏孝文帝所謂句陳口中一星加於五帝之上者乃天皇大帝之號也大司樂奏黃鐘歌大呂舞雲門以祀天神鄭氏註天神謂五帝及日月星辰也文耀鉤云春起青受制其名靈威仰夏起赤受制其名赤熛怒秋起白受制其名白招拒冬起黑受制其名叶光紀季夏六月火受制其名含樞紐元命包云大微爲天庭五帝以合時春秋緯運斗樞云太微宮有五帝座星此五帝之號

存禮樓二集卷下 雜著

五

也鄭氏註又曰王者各以夏正月祀其所受命之帝於南郊尊之也孝經說曰祭天南郊就陽位是也賈氏釋易緯乾鑿度云三王之郊一用夏正郊特牲云兆日於南郊就位大傳云王者禘其祖之所自出以其祖配之若周郊東方靈威之等也又釋圓卯方澤謂王者以建寅之月郊所感生帝還以感王祖配之郊之禘以后稷配圓卯之禘以響配而圓卯方澤實言禘匪專言郊也此又感生帝之典制也大宗伯以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方鄭氏註此禮天以冬至謂天皇大帝在北極者也禮地以夏至謂神在崑崙者也禮東方以立春謂蒼精之帝而太昊白芒食焉禮南方以立夏謂赤精

之帝而炎帝祝融食焉禮西方以立秋謂白精之帝而少昊
蓐收食焉禮北方以立冬謂黑精之帝而顓頊元冥食焉賈
氏釋迎氣四郊迎五天帝而皆以人帝人神配告朔於明堂
告五人帝五人神而配以文王武王至秋又總享五帝於明
堂又鄭註四郊黃帝亦於南郊此胥周郊制也漢初立甘泉
泰畤紫壇八觚宣通象八方五帝壇周環其下又有羣神壇
成帝郊祀上帝青赤黃白黑帝畢陳壇上四望從天山川從
地四望日月星海也洎匡衡奏復南北郊復立六宗之祠元
始郊祀圖上帝壇圍八觚徑五丈高九尺竹宮徑三百步為
周道郊營之外廣九步為營六甘泉北辰於南門之外日月
海東門之外河北門之外岱宗西門之外此漢制也唐有貞

存禮樓集卷千 雜著

五

觀禮顯慶禮開元通禮貞元時有曲臺新禮郊祀錄大祀為
天地宗廟五帝中祀為社稷日月星辰岳鎮海瀆小祀為司
中司命司人司祿風師雨師靈星山林川澤冬至圖即祭昊
天上帝五帝日月列壇第一等席胥以稊秸五星十二辰河
漢暨內官北辰等五十有五為第二等二十八宿暨中官五
十有九為第三等席胥以莞夏至方止祭地祇五嶽四鎮四
海神胥從而四時又祭風師雨師靈星司中司命司人司祿
焉此唐制也宋南北郊爭分祭合祭者久不決開寶通禮圖
正祀昊天并配帝五方帝日月五星中官外官眾星凡六百
八十有七位方止祭地祇并配帝神州岳鎮海瀆凡七十有
一位嘉祐郊儀春祀青帝以太昊氏配句芒氏歲星三辰七

宿從祀立夏祀赤帝以神農氏配祝融氏熒惑三辰七宿從
祀季夏祀黃帝以黃帝氏配后土鎮星從祀立秋祀白帝以
帝少昊氏配蓐收太白三辰七宿從祀立冬祀黑帝以帝高
陽氏配子冥辰星三辰七宿從祀蓋六天說猶未掃也此宋
制也明會典冬至南郊祀天於圓丘皇天上帝南向騂犢一
蒼壁禮三獻樂九奏舞八佾太祖西向配騂犢一從祀四壇
東西相向東大明騂牛一西夜明騂牛一次東二十八宿木
火土金水星周天星辰牛一羊一豕一次西雲師雨師風師
雷師牛一羊一豕一夏至北郊祀地於方澤皇地祇北向騂
牛一黃琮禮三獻樂九奏舞八佾太祖西向配騂牛一從祀
四壇東西相向牛羊豕胥一東中嶽東嶽南嶽西嶽北嶽基
運山翊聖山神烈山西中鎮東鎮南鎮西鎮北鎮天壽山純
德山次東東海南海西海北海次西大江大淮大河大濟此
明制也而列代準是矣此胥與六宗義相出入者附考

存禮樓集卷千 雜著

五

九河考

禹貢紀兗州曰九河既道孔安國傳河水分爲九道紀導河曰又北播爲九河孔傳北分爲九河以殺其溢也爾雅釋水九河徒駭一太史二馬頰三覆釜四胡蘇五簡六絜七鉤盤八鬲津九李巡曰徒駭禹以徒衆起也太史大使徒衆通水道也馬頰河上廣下狹如馬頰也覆釜水中多渚如覆釜也胡蘇其水下流胡言下蘇言流也簡言大水深而大也絜言苦水多山石治之苦絜也鉤盤曲如鉤屈折如盤也鬲津水狹小可鬲爲津也孫炎又曰徒駭用功雖廣衆懼不成胡蘇水流多散胡蘇狀也而其餘同李巡郭璞注爾雅疏覆釜同巡而其餘胥云未詳孔頴達書正義徒駭河之本道東出分

存疑樓集卷二十 雜著

三

爲八枝至宋蔡沈書集傳又合簡絜爲一列徒駭於八河之數而推釋之曰其一則河經流也孔安國傳在兗州界平原以北是正義曰冀州大陸北敷爲九河河從大陸東畔北行而東北入海盡冀州之東境至河西畔水分大河東爲九道在兗州界平原以北也郭璞云徒駭今在成平東光縣今有胡蘇亭漢書溝洫志河隄都尉許商上古記九河有徒駭胡蘇鬲津今見在成平東光鬲縣界中其間相去三百餘里正義徒駭最北鬲津最南釋許商言徒駭當在成平胡蘇當在東光鬲津當在鬲縣而爾雅九河之次自北而南太史馬頰覆釜當在東光北成平南簡絜鉤盤當在東光南鬲縣土也蔡集傳又曰大陸四無山阜曠狀平地當在趙深一州鄭

康成曰齊桓公塞八河同爲一河今河間弓高以東至平原鬲津往往有其遺蹟而春秋緯寶乾圖曰移河爲界在齊呂墳闕八流以自廣正義曰闕流拓境塞東流入枝并歸於徒駭也繇先儒諸說暨趙深州界覈之又考後漢書河間郡有弓高有成平註曰故屬勃海郡有東光註曰有胡蘇亭平原郡有平原註曰有篤馬河又有高侯國樂陵縣次考五代志渤海郡滄州樂陵縣隋嘗分置鬲津平原郡德州安樂縣有後魏鬲縣隋又置東光弓高胡蘇九河故道當屬山東德州平原縣北直隸河間府景滄諸州縣近是蔡集傳又曰洛汭而上河行於山地皆可考大伾而下垠岸高於平地決齧流移水陸變遷洊水大陸九河逆河皆難指實此爲得之

存疑樓集卷二十 雜著

天

而通志郡縣志強分州縣界近鑿至漢王橫謂天東北風海水齧地數百里北平郡驪城縣西南海口碣石山今在海中而後世遂疑九河胥淪於海則九河既道之文恐當繫諸冀州而不當繫諸兗州也

星有好風星有好雨說

大宗伯以燹燎祀司中司命風師雨師鄭司農云風師箕也雨師畢也賈氏釋云春秋緯月離於箕風揚沙詩月離於畢俾滂沱矣是也若左氏傳云天有六氣降生五味五味即五行之味也是陰陽風雨晦明六氣下生金木水火土之五行鄭義大陽不變陰為金雨為木風為土明為火晦為水若從妻所好言之則洪範鄭註云箕星好風畢星好雨是土十為木八妻木八為金九妻故東方箕星好風西方畢星好雨以此推之則北宮好燠南宮好暘中央四季好寒也皆是所尅為妻從妻所好之義也又大司徒以土圭之灋測土深正日景日東則景夕多風日西則景朝多陰賈氏釋云解洪範之義依五行傳風屬中央雨屬東方今西方云多陰東方云多風者土為木妻木為金妻從妻所好故月離於箕風揚沙月離於畢俾滂沱此亦東方多風西方多陰陰即雨也二則胥可備好風好雨一說又大宗伯鬯辜鄭氏註披磔牲以祭若今時磔狗祭以止風賈氏釋云此舉漢法以况鬯辜為磔之義必磔狗止風者狗屬西方金制東方木之風故用狗止風也此亦可參考

存視樓二集卷下 雜著

元

存視樓二集卷之二十

存視樓二集卷之二十一

宜興儲大文六雅著

門人

丹徒張 冕冠伯 崑山徐柱臣題客 編

雜著

詩大小序得失辨

詩大序舊說子夏作小序舊說子夏毛公合作或曰東海衛敬仲作也正義謂序止是關雎之序總論詩之綱領無大小之異朱子集傳曰頌者宗廟之樂歌大序所謂美盛德之形容以其成功告於神明者也又曰小序曰關雎麟趾之化王者之風故繫之周公南言化自北而南也鵲巢騶虞之德諸侯之風也先王之所以教故繫之召公斯言得之矣舊說自

存視樓二集卷下 雜著

一

后妃之德至用之邦國焉名關雎序謂之小序自風風也訖未名大序而美盛德暨關雎麟趾諸語皆在大序朱子既謂之大序又謂之小序然則總論綱領無大小之異其說是也大序中如雅之為正頌之為容暨發乎情止乎禮義楊氏說泉水詩嘗引其語而集傳亦嘗采之蓋得者滋眾失者亦以甚矣至若序說則用之鄉人用之邦國既登於詩傳序而葛覃后妃之本麟趾關雎之應騶虞鵲巢之應暨東山四牡皇華諸詩集傳多從其說其餘穿鑿支離如小宛諸詩暨時世之不可信或不知所據又不合於儀禮論語胥詳覈而是正之得失蓋可觀矣邠風柏舟篇集傳從列女傳以為婦人不得於夫之詩而詩序謂衛頃公時仁人不遇小人在位朱子

註孟子憂心悄悄慍於羣小乃從序說然則序雖不能無失
要勝韓嬰匡衡劉向諸說朱子尚擇嬰衡向說之善者登於
集傳况詩序邪又况關雎大小序說尤粹懇而可與偽子貢
詩傳申培詩傳胥度置不一寓目邪精思而約取之蓋在不
言之辨哉

朱陸異同辨

宋崇安朱文公金谿陸文安公皆以學名嘗會白鹿洞文安
講君子喻義章文公謂深中學者隱微深錮之病此其同也
鵝湖寺之辨此其異也而論太極三書尤甚此天下所共傳
三尺童子所習聞也同與異固若是易辨邪文安講畢不契
門人請著書文安正色曰朱晦菴如泰山喬嶽詎願卒異邪
而文公不得已且曰我日斯邁而月斯征無可望於必同也
是所以望其同也文公嘗一出而遇唐仲友再出而遇林黃
中三出而遇吳禹圭今世之士於仲友黃中禹圭曾不少忿
甚或舉其姓氏至與胡絃沈繼祖輩胥忘之而獨文安是讐
若必甘心焉而後逞者豈何其不知類之甚也夫今世之士
所以尤讐文安者蓋緣江門姚江而姚江尤甚姚江立身本
未少可訾議則舉龍溪之關說心隱溫陵之破裂軌範以為
之證佐而若姚江直無以自解夫三子者吾不謂其胥善也
然而天下之為李斯者多矣其果可以罪荀卿否也浸淫不
已甚至襲崇仁之說科臣崇祀之餘議曰無君曰宣淫是踵
絃繼祖而為宸濠暨桶岡剝頭諸賊報讐也矧讐近日姚江
之講學者以及姚江又讐姚江以及文安展轉變遷皆非本
指而謂有事於學者可無加察邪且近日以學名者容城為
甚士大夫以學名雖州為甚蘇門學統或列之姚江之徒矣
平湖尊朱而雖州遺書告以務為其實者然則二子之學前
知也今世之士名尊朱學又不必盡如平湖大率事干謁談

文字無所取重則揭揭然號於天下曰此文公之學也吾不知文公之學其果若是焉否也且使仲友紘繼祖而生於今詎敢曰吾不尊文公邪夫仲友詎非工於文者邪曰然則朱陸可無辨乎曰今有兩人於此其一曰石崇富也其一曰王愷富也而問其家則不名一錢者也夫不名一錢而欲辨崇愷之孰富卽果辨之奚用也吾謂士苟志學必誠有事於文公之訓所謂敬及致知者而後朱陸異若同乃可置辨

曲江濤辨

枚乘七發曰觀濤乎廣陵之曲江今爲辨曰世傳廣陵濤難辨者七乘謂疾雷聞百里聲如雷鼓又謂始起若白鷺少進如素車白馬此殆類湘江潮今揚子江濤胥無之一也乘謂八月之望此亦類指湘江今揚子江四時濤差類二也漢書地理志武帝元狩三年始封廣陵國時乘前卒不識秦李召平徇廣陵卽元狩後廣陵國否二也乘謂弭節伍子之山通厲骨母之塲今揚州無伍子山此類湘江吳淞江胥江儀真雖近棠邑襍傳子胥遺蹟志亦不書伍子山四也乘謂凌赤岸山謙之南徐州記謂春秋分朔輒有大濤至江乘比激赤岸此差可據而赤沙赤壁赤岸濱江地恒號且乘書謂朱汜或圍青篋檀桓暨藉藉之口五臣胥未詳奚獨詳赤岸邪五也揚子江西胥大江乘謂平夷西畔西安得畔而平夷之此亦類指瀾西六也廣陵蓋類中陵大陵曲江蓋類河曲漢曲汾一曲文人摘詞詎可穿鑿五臣謂文勢似在遠方非廣陵也此殆得之七也故曰廣陵濤難辨也或曰今揚城門外官河側石書廣陵濤何邪曰唐宋時揚子橋外胥江江距城不十餘里當伊婁未闢埭江尤廣疑濤可至揚城門夫廣陵業難辨則濤於揚子江濤於官河又奚辨邪或曰長安曲江涸於隋唐神龍時寢廣天寶初明皇命寶澤流以濟之爰有三載二月之變樊鑄檄水伯曰自此之後俱爾同失神之海至貞元己巳歐陽詹記曰飄風暴振洪濤噴射夫長安曲江池

也島流波耗殊不類曲江縣瀧夫且奚濤即濤且奚洪邪曲
江池可濤濤可洪即揚子江濤業壯矣奚不曲江而廣陵之
曲江又奚不今揚州邪嗚呼此不辨之辨也

錢法議

自伏羲氏制棘幣黃帝氏有金刀九棘陶唐氏有泉至周設
九府圜法垂諸歷代而法莫善於 國家何則古今鑄錢輕
重殊等榆莢驚眼諸錢不具論如漢五銖錢代屢變制而旋
復謂得行貨之宜而梁五銖錢直百女錢雉錢對文輕重不
一北魏武定時齊文襄以五銖名須稱實百錢重一斤四兩
二十銖乃聽用卒不克行隋開皇五銖千錢裁重四斤二兩
唐高祖武德四年鑄開元通寶徑八分重二銖有奇積十錢
重二兩論者又謂得輕重大小之中至宋初宋元通寶重准
開元明初洪武通寶小錢亦裁重一錢惟萬曆初錢式錢百
文重十三兩視唐開元重三分而弱而銅旋匱乏鼓鑄不贍

國家開寶泉寶源局月立三卯限比復增卯鑄造制錢率
贏一錢三分有奇准萬曆式而重逾之內好周郭必整必厚
滿漢文必朗畫他如二當一錢湖湘諸省司錢亦皆嚴禁薄
惡深符南齊孔覲不惜銅愛工盜鑄自息宋伊川程氏鐵錢
重為大利之指一也周景王嘗鑄大錢文曰寶貨楚莊王亦
鑄大錢漢元鼎赤側一當五賦元始後大錢直五十與錯刀
契刀偕行蜀鑄直百錢吳鑄當五百當千大錢宋元嘉鑄當
兩錢梁亦有直百五銖陳五銖當驚眼之十大貨六銖當五
銖之十周布泉當五五行大布永通萬國錢當十唐乾封泉
寶錢當十至乾元變法徑寸當十寸二分當五十後裁詔重
寶當二重輪錢當二宋慶曆大錢當十後詔大銅錢一當小

錢三河東小鐵錢三當一又詔陝西大銅鐵錢皆一當一而折二錢盛行至崇寧當十大錢裁重二錢四釐七毫一貫重十四斤七兩隆興又鑄當二小平錢元大元通寶准至大錢十至正時杭城又鑄兩當十大錢明洪武當十錢重一兩當五當三折二重胥如其當之數詔與小錢借行嘉靖通寶又詔工部依洪武折當式將以權虛實劑輕重而民間折閱已多故宋張商英謂當十錢唐以來爲害甚明明王禕在元著泉貨議亦謂鑄錢必以漢五銖唐開元宋大觀金大定及今至正小錢爲則大錢更不復鑄胥篤論也 國家經緯萬貨鑄造行使惟用制錢爲母二當一錢暨湖湘諸省司錢爲子不籌直當以滋矯僞二也梁自破嶺東八十爲百名東錢江

鄧以上七十爲百名西錢京師九十爲百名長錢後遂以三十五爲百唐建中時除陌每緡留錢五十元和時民間墊陌七十五至季年京師遂用八百五十爲貫陌裁八十五文後五代錢出入皆以八十爲陌漢隱帝時王章令入者八十出者七十七謂之省陌宋范仲淹義莊支錢貫胥七十七陌明嘉靖通寶七十文准銀一錢支放亡論新舊美惡胥折除三十市易亦折實七十文民甚苦之 國家通變極數一符自然賈以千陌以百出入胥用爲准絕除陌墊陌之弊二也歷代鼓鑄恒患乏銅故時申載銅越海之禁北周禁五行大布不得出入四關貨泉聽入而不聽出唐楊於陵亦議限邊裔之出宋范仲淹言火山岢嵐保德軍商旅糴北界斛斗入倉中

糴日出銅錢數百貫河東錢且盡宜急支絹博糴故四川陝西兩河號行鐵錢地河東又以鐵錢闌出造兵犀利改鑄夾錫鐵錢行之及崇寧當十錢罷惟京師陝西兩河許行又嘗以藥化鐵與銅雜鑄銅三分有奇鐵六分有奇而月裁鑄萬錢又以膽水浸鐵浸化銅質號膽水銅明歛黃銅銷器毀成價日騰躍多焊點紅銅成黃而用之 國家規制審密威德覃被劉家招寶梅花諸海口暨他產銅地歲收四百四十餘萬斤斤價銀一錢三分上不糜帑下不病商自民間積銅敗器暨東西洋銅胥爲二局用而欽州營高州順德亦南通交趾驩愛銅至滇銅價一錢有奇蜀買銅百斤銀八兩費視東南逾減約銅溢而錢工錢工而用利四也若夫卿貳總錢法制撫筭銅斤而關庫官無敢旁掣焉則宋紹興罷提點鑄錢司專委漕司之職制也京局外藩錢文各署其地則唐李紳請以州名鑄錢京師爲京錢之條劄也磨錢銷錢慮周江海則晉太元嚴禁廣州夷人毀比輪錢爲銅鼓之詔令也湖南滇黔缺錢地商旅聽以穀賦市而直省錢兼權鉛鐵則北魏任城王澄便方俗依鄉價之區畫也此皆歷代之所間合而 國家之所備綜故曰自羲黃陶唐而後圖法未有善於是者也至若銅利廣博制防貴周漢賈誼曰收銅勿令布則民不鑄錢唐劉秩曰銅爲兵不如鐵爲器不如漆禁之無害誠重銅禁則銅無他用而錢之用給又銅不布下則盜鑄無因陸贄亦請峻用銅爲器之禁北齊文襄文宣屢收州鎮銅

更鑄唐儀鳳時江船載銅錫鐵過百斤者籍其貨大曆禁鑄銅器元和復禁用銅器大和詔鑑盤釘銀鈕得用銅餘胥禁而江淮嶺南率銷爲器售數倍李珣請加爐鑄錢遂申禁銅器而官市之夫銅本赤金總貫利樞自宋南渡後礦脈踈薄地產多絕如禹鑄歷山金湯鑄壯山金漢吳鄧錢鑄章山嚴道銅南齊南廣郡蒙山銅坑劉俊放掘則得銅其利無極北魏承平時弘農郡銅青谷銅鑛計一斗得銅五兩四銖葦池谷得五兩鸞帳山得四兩河內郡王屋山得八兩至唐而銅坑五十歲猶采銅二十六萬六千斤天下歲產六十五萬五千斤北宋產銅二十五場一務以輸九十九爐二十六監之用既非金源元而後人力之所能逮而魏文明朝罷錢用穀

帛北魏太和五年前絕不鑄錢而用帛鍾繇議爲濕毅薄絹任城王澄議爲單絲疎縷至宋金楮幣興用楮而不用錢元惟至大鑄錢行用不二年旋罷至正京師鑄新錢亦尋廢餘絕不知有錢而楮之弊歲滋甚以迄於明一罷而訖不可復然則錢安得不急銅安得不禁今雖募海洋銅凡民間器自鑑衡鈕外尚宜悉禁蓄銅俾無得逾十斤商旅橐銅三十斤無得輒越關津又申越海入溪峒禁而滇蜀秦晉暨伊吾豐州緣邊多鑄夾錫鐵錢行之以防闕出則銅不洩而鼓鑄足此或制防之宜議者也又若流通泉貨貴審輕重自周單穆公有母權子子權母重爲母輕爲子之說而圓法議始立至漢賈誼謂錢輕則以術歛之重則以術散之唐劉秩又曰物

重則錢輕錢輕由于物多多則作法收之使少少則重重則作法布之使輕陸贄曰錢重則加鑄使輕錢輕則作法使重達才議事先後一揆莫不劑輕重之機權虛實之變是故漢募豪民田健爲牂牁南入粟縣官而內受錢於都內宋設開中法募商輸粟於邊而內受錢貨茶鹽香貨鈔引就都輸鈔價而後受引支給皆與圓法相表裏匪止大錢爲母小錢爲子輒號善鄧輕重而已夫大錢直當自唐第五琦宋蔡京行之則爲害自蜀劉巴行之則爲利史稱巴勸鑄直百錢平諸物價令吏爲官市旬月之間府庫充實可爲達權而未可爲經制至宋金元交鈔一時才臣皆以稱提鈔法顯雖後率化爲敗楮而猶足以應軍旅倉卒支移轉辦之需明洪武通行

寶鈔一貫折錢千文銀一兩而千貫實爲銀百兩什而裁直其一永樂時又減爲十二兩至弘治而三千貫裁爲銀四兩其勢不得不廢格而遂專以錢佐銀以迄季年饋輓無策三餉興而訖莫之能救夫鈔法旣難驟復直當又不可常行若欲輕重相馭虛實相資惟唐憲宗時飛錢商賈至京師委錢諸道進奏院暨諸軍諸使富家以輕裝趨四方合券取錢初議千錢增給百錢旋許敵貫而易之北宋便錢務許商入錢左藏庫而飛諸州錢償之南宋軍屯於婺造關子付州召商入中以給軍商執關子請推貨務請錢願得茶鹽香藥雜貨者聽合簡而易信制便而易趨今可畧倣其意行諸邊城駐軍地凡芻粟食物商賈詣邊會哨零計錢錢計銀執券

而內受銀於官暨給茶木諸引勅有司無得滯留商不輸錢邊城凡貨總持萬貨之平者無得給引轉鬻要使內地之貨子所以不可行者以大鈔爲母以贏十文小鈔爲子至於釐鈔決難製造則大小鈔胥滯而不三五年楮輒敗是之謂以虛運虛而必窮飛錢便錢鹽茶鈔引所以可行者以錢暨鹽茶諸貨爲母以券爲子商受實直官受實錢而足以省轉運之費收折估之利是之謂以實運虛而可久大錢直當以輕重爲虛實飛錢便錢以虛實爲輕重而抑匪如虛陌虛佑暨唐乾元後之虛實錢也世儻有請復五銖錢類漢馬援入朝乘馬常見錢流地上類唐劉晏者乎其克詳審之也久矣此


或輕重之宜議者也夫 國家道協義黃化侔陶唐而國法彌擴九府所未及如前指陳迹可參稽幾或深隱聊以備末議云爾它若鑄車宜復置鑪匠宜分隸監冶鎔鍊銅六鈔四宜精揀而無俾質劑之近於粗官吏俸給銀七錢三宜兼支而無俾縉貫之流於滯興利祛弊未易悉舉名賢在列奚庸瀆焉謹議

積貯議

議積貯者自管賈而降論綦繁矣而其實莫善於李愷之平糴大饑則發大熟之所斂中饑則發中熟之所斂足國足民後世胥不能易也漢耿壽昌常平倉穀賤則增價而糴穀貴則減價而糴蓋亦本李愷之遺意而隋長孫平義倉每歲豐令民出穀麥一石貯之社司而不領於郡縣議者謂視唐之義倉於民尤有利故宋朱子社倉請官米六百石後遂積至三千石乃復以官米還官凡領支者盡指息米止取耗米二升而崇安一鄉遂無饑饉之患此豈直社司出納之計算哉凡國計胥可通焉自漢趙充國請耿中丞糴米百萬石廣貯金城壽昌雖不能行而後世皆用其策以爲足餉之經畫宋

張方平言汴梁地平衍以兵立國積貯尤急當時宰執謂非尋常奏議比至殿上肅容而誦之故自唐以降碩輔計臣籌及軍國凡和糴博糴依糴結糴約糴括糴折糴諸令其名不一其規例亦日以滋繁而唐河西歲收米二十六萬石則瓜沙統此矣隴右歲收米四十萬石則鄯疊統此矣韓重華營田振武天德歲博易屯伍二十萬石以贍軍則豐勝統此矣此或營糴屯糴之當議者也唐太原集津諸倉置於沿河元亦集乃在甘肅比且猶置屯曲尤在瓜肅間且猶置倉明初沿會通河臨清德州胥置倉此或厥膺之當議者也宋李沆制置六路發運合荆湖南北江西路運上供米至白沙者易舟而載鹽以歸夫米艘至白沙既可載鹽則鹽艘至荆湖江西

亦可載米而沿江諸網船准此矣此或轉運之當議者也
國家制用符禮記委積合周禮宇內之積貯既至足矣而復
遣清望官收諸省米以裕儲蓄則平糴和糴之制又奚事煩
辭或亦曰使有菽粟如水火焉已矣謹議



封建

孟子論周室班爵祿之等差曰天子

一位子男同一位凡五等趙岐註曰公諸侯九命及三王

後也孫奭正義曰周禮典命職云上公九命為伯鄭氏云上

公是也自天子之三公有德者加命為二伯二王之後亦為上

尊卑之位凡五等也孫奭疏曰父天母地而為之子者天

子也爵位盛大以無私為德者公也斥堠於外以君人為德

者侯也體仁足以長人者伯也子字也字養也而其德足以

養人者故曰子也男任也任安也而其德足以安人者故曰

男也自天子至於子男皆有君道故尊卑之位凡有五等然

公侯伯子男皆臣乎天子而爵位之列自天子始所以與天

子同其班孟子又曰君一位卿一位大夫一位上士一位中

士一位下士一位凡六等趙岐註曰諸侯法天子臣名亦有

此六等從君下至於士孫奭疏曰出命足以正眾者君也知

進退而其道上達者卿也智足以帥人者大夫也才足以事

人者士也自君以下至於士皆有臣道焉故尊卑之位凡六

等然卿大夫士皆臣乎國君而爵位之列自國君始所以與

國君同其班孟子曰天子之制地方千里公侯皆方百里伯

七十里子男五十里凡四等不能五十里不達於天子附於

諸侯曰附庸趙岐註曰凡此四等土地之等差也天子封畿

千里諸侯方百里象雷震也小者不能特達於天子因大國

以名通曰附庸也孫奭疏曰天子尊於公侯故制地方廣千

里蓋不方千里則無以待天下之諸侯故也公侯卑於天子

不言田而言地者蓋祿以田爲主王制主於分地以制祿蓋
子主於制地以分國而國以地爲主此所以有田地之異也
王制云天子之三公田視公侯天子之卿視伯天子之大夫
視子男天子之元士視附庸而孟子則言天子之卿受地視
侯元士受地視子男其視不同者亦以周制與夏商之制不
同也孟子所以不言天子之公受地視侯而特言其卿者蓋
卿與公同其所受是所謂舉卑以見尊之意也正義又曰王
制云天子之縣內方百里之國九七十之國二十有一五
十里之國六十有二此蓋殷未變時采地之數周末聞矣而
正義復論之曰王制云天子之三公之田視公侯天子之
卿視伯天子之大夫視子男天子之元士視附庸鄭註云視
猶比也元善也善士謂命士也此殷所因夏爵二等之制也
殷有鬼侯梅伯春秋變周之文從殷之質合伯子男以爲一
則殷爵三等者公侯伯也其畿內謂之子周武王初定天下
更立五等之爵增以子男而猶因殷之地以九州之界尚狹
也周公攝政致太平斥大九州之界制禮成武王之意封王
者之後爲公及有功之諸侯大者地方五百里其次侯四百
里其次伯三百里其次子二百里其次男百里所因殷之諸
侯亦以功黜陟之其不合者皆益之地爲百里焉是有周世
有爵尊而國小爵卑而國大者惟天子畿內不用以祿羣臣
不主爲治民也周禮大司徒職云以土圭之法求地中以建
王國制其畿方千里諸公之地封疆方五百里其食者半諸

侯之地封疆方四百里其食者參之一諸伯之地封疆方三
百里其食者叁之一諸子之地封疆方二百里其食者四之
一諸男之地封疆方百里其食者四之一是又鄭註本此而
言也又極論大國次國小國曰王制云凡四海之內九州州
方千里建百里之國三十七十里之國六十五十里之國百
有二十凡二百一十國名山大澤不以封其餘以爲附庸閒
田八州州二百一十國鄭氏云立大國三十三公也立次
國六十六小國也立小國百二十二少卿也名山大澤不
以封與民同財不得障管亦賦稅矣此大界方三千里三三
而九方千里者九也其一爲縣內餘八各立一州此殷禮也
周公制禮九州大界方七十里七七四十九方千里者四十
九也其一爲畿內餘四十八州各有方千里者六設法一
州封地方五百里者不過四謂之大國又封方四百里者不
過六又封方三百里者不過十二謂之次國又封方二百里
者不過二十五及餘方百里者謂之小國盈上四等之數并
四十六一州二百一十國則餘方百里者百六十四也凡處
地方千里者五方百里者五十九其餘方百里者四十一附
庸地也又云大國三卿皆命於天子下大夫五人上士二十
七人次國三卿二卿命於天子一卿命於其君下大夫五人
上士二十七人小國二卿皆命於其君下大夫五人上士二
十七人然而先王之制列爵惟五分土惟三此所以有公侯
伯子男而又有大國次國小國之殊制爾故三十里之遂二

十里之郊九里之城三里之宮是大國之制如此也自二十里之遂九里之郊三里之城一里之宮是次國之制如此也自九里之遂三里之郊一里之城以城爲宮是小國之制如此也蓋其說綦詳矣而岐註諸侯去籍又曰諸侯欲恣行憎惡其法度妨害已之所爲故減去典籍今周禮司祿之官無其職是則諸侯皆去之故使不復存也夷正義曰齊魯之始時齊方百里者十魯方百里者五此諸侯所以惡其籍害已而去司祿之職也此胥宜合司馬法參覈之廼克審漢十三州晉十九州魏隋行臺總管唐採訪節度使暨道路省司離合類末

司馬法曰六尺爲步步百爲畝畝百爲夫夫三爲屋屋三爲井井十爲通通十爲成成方十里成十爲終終十爲同同方

百里同十爲封封十爲畿畿方千里有稅有賦稅以足食賦以足兵一同百里提封萬井定出賦六千四百井戎馬四百匹兵車百乘此卿大夫采地之大者也是爲百乘之家一封三百一十六里提封十萬井定出賦六萬四千井戎馬四千匹兵車千乘此諸侯之大者也是謂千乘之國天子畿方千里提封百萬井定出賦六十四萬井戎馬四萬匹兵車萬乘故稱萬乘之主漢志書此語

附錄

慎子章 孫奭正義曰案周禮上公之地五百里齊魯是爲上公之封則百里實封之五百里兼附庸之地也今魯方百里者五非兼附庸也自廣而已禮記曰周公封於曲阜百里

史記云周封伯禽於魯四百里太公於齊兼五侯地是皆臆說不足取信也 趙岐註曰諸侯當來朝聘故言守宗廟典籍謂先祖常籍法度之文也周公太公地尚不能滿百里儉而不足也附錄什一知什一則可以知百乘千乘萬乘矣。而籍以行禮故以此爲道。孫奭正義曰公羊傳曰古者什一而籍古者爲什一而籍什一者天下之中正也多乎什一而籍天下之強也少乎什一而籍天下之弱也

其制度之費稅薄穀梁云古者什一而籍孟子曰夏后氏五十而貢殷人七十而助周人百畝而徹比書傳云什一者衆矣杜預曰古者公田之法十取其一謂十畝內取一舊法既廢十畝取一矣春秋魯宣公十五年初稅畝又履其餘畝更復以十畝取一乃是什取其二故魯哀公問有若曰二吾猶不足如之何其微也周禮載師云比任地近郊十一遠郊二十而三甸稍縣都皆取過十二漆林之征二十而五彼謂王畿之內所共多故賦稅重諸書所言之什一皆謂畿外之國故鄭玄曰云什一而稅謂之徹徹通也爲天下之通法言天下皆什一耳不言畿內亦什一也孟子云方百里爲井井九百畝

其制度之費稅薄穀梁云古者什一而籍孟子曰夏后氏五十而貢殷人七十而助周人百畝而徹比書傳云什一者衆矣杜預曰古者公田之法十取其一謂十畝內取一舊法既廢十畝取一矣春秋魯宣公十五年初稅畝又履其餘畝更復以十畝取一乃是什取其二故魯哀公問有若曰二吾猶不足如之何其微也周禮載師云比任地近郊十一遠郊二十而三甸稍縣都皆取過十二漆林之征二十而五彼謂王畿之內所共多故賦稅重諸書所言之什一皆謂畿外之國故鄭玄曰云什一而稅謂之徹徹通也爲天下之通法言天下皆什一耳不言畿內亦什一也孟子云方百里爲井井九百畝

差故可坐而定也。九一者井田以九頭為數而供什一。野之賦也。助者駸家稅名也。周亦用之。龍子所謂莫善於助也。時諸侯不行助法。國中什一者周禮園壓二十而稅一。時行重法。賦責之什一也。而如也。孟子欲請使野人如古者。卿以下至於士。皆受圭田五十畝。所以供祭也。土田故謂之圭田。所謂惟士無田。則亦不祭。言細士無祭田也。井田之民。養公田者。受百畝。圭田半之。故五十畝。餘夫者。一家一人。受田其餘。老少有餘力者。受二十畝。半於圭田。謂之如也。夫也。受田者。田萊多。少有上中下。周禮曰。圭田皆不徵。賦也。賦。時無圭田。餘夫。圭田。無征。謂餘夫圭田。皆不徵也。亦如上中下等。田。王制曰。夫圭田。無征。謂餘夫圭田。皆不徵也。當征。賦也。時無圭田。餘夫。圭田。無征。謂餘夫圭田。皆不徵也。百畝。同共。養其二畝。半之。苗稼。公田。八十畝。其。一井。八家。各私。得野人之事。所以別於土伍者也。孫奭疏曰。夏后氏之時。民耕七十畝。其助公家。則七畝。而已。五畝。而己。殷人之時。民耕七十畝。其助公家。則七畝。而已。五畝。而己。周人之時。民耕七十畝。其助公家。則七畝。而已。五畝。而己。使貢自賦。以九一而助。在公田。為之賦。皆什一之賦也。野人。耕七十畝。其助公家。則七畝。而已。五畝。而己。周人之時。民耕七十畝。其助公家。則七畝。而已。五畝。而己。地為之井。田九百畝。以其十中取一也。方里而井。以其中為公田。

石磧禮集卷三

井四井為邑。四邑為邱。四邱為甸。四甸為縣。四縣為都。以任役萬民。使營地事。而貢軍賦。出車徒。又萊地之中。每一井之於官也。故口九一也。

石磧禮集卷三

制用

今按明經費洪武二十六年田土官民凡八百五十萬七千頃有奇夏稅米麥四百七十萬石有奇錢鈔三萬九千錠有奇秋糧米二千四百七十二萬石有奇錢鈔五千錠有奇弘治時田土官民凡六百二十二萬頃有奇夏稅米麥四百六十二萬石有奇本色鈔萬七千七百錠有奇租鈔二萬二千五百錠有奇稅鈔六千五百錠有奇秋糧米二千二百六十六萬六千石有奇租鈔萬八千八百錠有奇萬曆時田土官民凡七百一萬三千頃有奇夏稅米麥凡四百六十萬五千石有奇起運百九十一萬三千石有奇餘胥存留鈔萬七千六百錠有奇租鈔二萬三千五百錠有奇稅鈔七千六百錠有奇

奇秋糧米凡二千二百三萬三千石有奇起運千三百二十六萬二千石有奇餘胥存留租鈔萬八千八百錠有奇屯田地六十五萬頃有奇暨花園倉基千九百所有奇通徵糧四百五十八萬四千石有奇地畝糧草折銀八萬五千兩有奇而其歲入之數內承運庫慈寧慈慶乾清三宮子粒銀四萬九千兩有奇金花銀一百一萬二千兩有奇廣惠庫河西務七鈔關本色鈔二千九百二十八萬貫有奇折色錢五千九百七十七萬文有奇京衛屯鈔五萬六千貫有奇天財庫正陽九門本色鈔六十六萬五千貫有奇折色錢一百四十三萬文有奇京通二倉暨薊密諸鎮漕糧四百萬石太倉銀庫南北直隸浙江江西山東河南瀛刺麥米折銀二十五萬七

千兩有奇絲綿稅絲農桑絹折銀九萬兩有奇棉布苧布折銀三萬八千兩有奇府部諸司祿俸米折銀二萬六千兩有奇馬草折銀三十五萬三千兩有奇兩京五草塲草折銀六萬三千兩有奇各馬房倉麥豆草折銀二十萬兩有奇戶口鹽鈔折銀四萬六千兩有奇薊密永遼昌易六鎮民運改解銀八十五萬三千兩有奇各鹽運提舉餘鹽鹽課鹽稅銀一百萬三千兩有奇黃白蠟折銀六萬八千兩有奇備邊暨新墾地畝銀四萬五千兩有奇京衛屯牧地增銀萬八千兩有奇崇文門商稅萬六千兩有奇張家灣商稅二千兩有奇諸鈔關折銀十六萬兩有奇贓罰銀十七萬兩有奇商稅魚課富戶曆日民壯弓兵暨屯折改折月糧色項銀十四萬兩有奇

奇各邊鎮北直隸山東河南麥米豆草鹽鈔折銀繇改解太倉轉發外實銀八十四萬二千兩有奇此胥起運京邊額也凡銀四百四十萬兩有奇鈔三千萬貫有奇錢六千三百萬文有奇糧四百萬石而存留暨瑣雜條目不與焉其取於民抑不可謂不密矣然而國用恒患不足者兵弱而餉滋繁也今按歲出之數公侯駙馬伯祿米折銀萬六千兩有奇官吏監生俸米四萬石有奇官員折俸絹布銀四萬兩有奇錢三百三十四萬錦衣等七十八衛所官吏旗校軍士匠役本色米二百一萬八千石有奇折色銀二十一萬六千兩有奇官員折俸絹布銀二十六萬八千兩有奇軍士冬衣布折銀八萬二千兩有奇出征防守官軍每年防秋三月口糧四萬二

千石有奇京營巡補營錦衣騰驤諸衛馬料草折銀十四萬
 兩有奇中都留守司山東河南二都司班軍行糧暨工作鹽
 糧折銀五萬兩有奇御馬三倉象馬等房商價十四萬八千
 兩有奇凡銀百一萬兩有奇米二百十萬石有奇此業以大
 半耗於軍費矣迺若諸邊暨近京鎮兵餉宣府主兵屯糧折
 銀二萬二千兩有奇民運折色銀七十八萬七千兩有奇淮
 蘆河東鹽引銀十三萬四千兩有奇京運年例銀十二萬五
 千兩客兵淮蘆鹽引銀三萬六千兩有奇京運年例銀十七
 萬二千兩凡銀百二十四萬兩有奇大同主兵屯糧本折十
 二萬六千石有奇民運糧五十八萬六千石有奇荒草銀二
 萬一千兩有奇淮蘆鹽四萬三千引有奇京運年例銀二十
 六萬九千兩有奇客兵京運銀十八萬二千兩淮蘆鹽七萬
 引凡銀四十七萬兩有奇糧七十一萬石有奇鹽十一萬引
 有奇山西主兵屯糧本色二萬八千石有奇折色銀一千兩
 有奇民運本色米豆二萬一千石有奇折色銀三十六萬二
 千兩有奇淮浙山東鹽引銀五萬七千兩有奇河東鹽課銀
 六萬四千兩有奇京運銀十三萬三千兩有奇客兵京運銀
 七萬三千兩凡銀六十九萬兩有奇本色四萬九千石有奇
 蓋偏保尚寧亭鄣不越三四百里而其費若此延緩主兵屯
 糧料五萬六千石有奇民運糧料九萬七千石有奇折色銀
 十九萬七千兩有奇淮浙鹽引銀六萬七千兩有奇京運年
 例銀三十五萬七千兩有奇客兵淮浙鹽引銀二萬有奇京

運年例銀二萬兩有奇凡銀六十七萬兩有奇糧料十五萬
 石有奇寧夏主兵屯糧料十四萬八千石有奇民運本色糧
 千石有奇折色糧草銀十萬八千兩有奇淮浙鹽引銀萬一
 千兩有奇京運年例銀二萬五千里客兵京運年例銀萬兩
 凡銀十五萬四千兩有奇糧料如右甘肅屯糧料二十三萬
 二千石有奇民運糧布折銀二十九萬四千兩有奇京運銀
 五萬二千兩有奇淮浙鹽引銀十萬二千兩有奇凡銀四十
 四萬六千兩有奇糧料如右固原屯糧料本色三十一萬九
 千石有奇折色糧料草銀四萬一千兩有奇民運本色糧料
 四萬五千石有奇折色糧料草布花銀二十七萬九千兩有
 奇淮浙鹽引銀二萬五千兩有奇京運銀六萬三千兩有奇
 凡銀四十萬六千兩有奇糧料三十六萬四千石有奇是靖
 遠一衛軍費且不貲也遼東主兵屯糧料二十七萬九千石
 有奇民運銀十五萬九千兩有奇鹽引銀三萬九千兩有奇
 京運年例銀三十萬七千兩有奇客兵京運年例銀十二萬
 三千兩有奇凡銀六十萬八千兩有奇糧料如右蘇州主兵
 民運銀九千兩有奇漕糧五萬石京運年例銀二十一萬六
 千兩有奇客兵屯糧料五萬三千石有奇折色地畝馬草銀
 萬六千兩有奇民運銀萬八千兩有奇山東民兵工食銀五
 萬六千兩遵化營民壯工食銀四千兩有奇鹽引銀萬三千
 兩有奇京運年例銀三十萬八千兩有奇撫寇銀萬五千兩
 賞軍銀萬三千兩有奇凡銀六十六萬六千兩有奇糧料十

萬三千石有奇而遵化營固不翅一鎮也永平主兵屯糧料三萬三千石有奇民運糧料二萬七千石有奇折色銀二萬八千兩有奇民壯工食銀萬二千兩有奇京運年例銀十二萬三千兩有奇客兵京運銀十一萬九千兩有奇凡銀二十八萬兩有奇糧料六萬石有奇密雲主屯兵糧料六千石有奇民運銀萬兩有奇漕糧十萬四千石有奇京運年例銀十六萬兩有奇客兵民運銀萬六千兩有奇漕糧五萬石京運銀二十三萬三千兩有奇凡銀四十一萬九千兩有奇糧十六萬石有奇昌平主兵屯糧折色銀二千兩有奇民運銀二萬兩有奇漕糧十八萬九千石有奇京運年例銀九萬六千兩有奇客兵京運年例銀四萬七千兩有奇凡銀十七萬五千兩有奇糧如右易州主兵屯糧料二萬三千石有奇民運銀三十二萬七千兩有奇客兵京運銀五萬九千兩凡銀三十八萬六千兩有奇糧料如右井陘主兵屯糧萬四千石有奇民運本色萬七千石有奇折色銀四萬八千兩有奇客兵京運年例銀三千兩有奇凡銀五萬兩有奇糧三萬石有奇而蘇保又益龍泉固關戍固不翅折爲六鎮矣綜而計之凡銀七百七十七萬兩有奇本色糧料四百八十一萬石有奇淮浙長蘆河東鹽引大率開中給餉而留都五府暨諸行省營汛不與焉然則大司農之經費安得而不竭民力安得不日朘而重之以季年之增賦又安得不相挺而羣起爲盜乎語曰竭澤而漁明歲無魚萬曆四十六年邊事棘戶部尙書

存穰集卷三 雜著

完

李汝華援倭播例畝加三釐五毫增賦二百萬兩有奇明年復加三釐五毫又明年以戶工二部請復加二釐綜前後計凡九釐增五百二十萬兩此所謂遼餉也而畿內八府暨貴州猶不與也崇正三年盜起兵部尙書梁廷棟請增賦戶部尙書畢自嚴於九釐外畝復徵三釐惟順天永平不與他六府畝徵六釐綜計凡增賦百六十五萬四千兩有奇此所謂新餉而附於遼餉者也後五年時議宦戶暨糧十兩以上增賦十一既而部檄胥徵計兩益一錢各助餉又二年復行均輸法計糧輸餉畝計米六合石折銀八錢綜計又畝增賦一分四釐九絲又二年楊嗣昌督師畝加練餉銀一分御史郝普言萬曆末年合九邊餉止二百八十萬今加派遼餉至九百萬勦餉三百三十萬業以停罷旋加練餉七百三十萬有奇嗚呼此所謂竭澤而漁者也而普九邊費二百八十萬之說蓋專以京運年例言其曰遼餉九百萬則是爾時寧錦費殆并溢於汝華自嚴額增之外也易曰窮則變變則通通則久明之計臣匪直無耿壽昌高頴李巽張承業高郁嚴可求周庠陳恕李壽椿楊宏中之才抑且無彘弘羊宇文融孔謙蔡京桑哥之才而其勢極而窮也業以其如前志矣夫蕭何蕭綽劉宴趙開耶律楚材才卽不世出又安得不廣咨博攷而漸少有以變通之也予爰書其略而并載嘉靖時戶部尙書梁材萬曆時楊俊民經費疏於左以覈其尺籍伍符轉輸歲益之數俾司計者有考

存穰集卷三 雜著

完

石經

董道廣川書跋曰秘書郎黃符以石經尙書示予爲考而識之蔡邕以經籍去聖久遠文字多謬俗儒穿鑿疑誤後學熹平四年奏求正六經文字邕乃自書於碑大屋覆藏立太學門外號鴻都石經屋覆四面欄障開門於南河南郡設吏卒視之昔宋沛河東太守守中書侍郎朱超石與兄雍州刺史朱伯兒齡石書云石經文都其碑高一丈許廣四尺駢羅相挨太學在南明門外講堂長十丈廣三尺堂前石經四部本碑四十六枚元魏時西行尙書公羊傳十六碑存十三碑毀南行禮記十五碑悉崩壞東行論語三碑毀禮記但存諫議大夫馬日磾議郎蔡邕各當是時尙有十八蓋春秋尙書作

存禮樓二集卷五 雜著

三

篆隸科斗復有周易尙書公羊禮記四部陽銜之曰石經尙書公羊爲四部又謂春秋尙書二部書有二經當是古文已出銜之出北齊謂得四十八碑誤也洛陽昔得石經尙書段殘破不屬蓋盤庚洪範無逸多士方總二百三十六字其文與今尙書盡同間有異者纔十餘然則知古文尙書蓋已見於此或曰魏亦作石經安知此爲漢所書哉予謂魏一字漢爲三字此其得相亂邪

秦璽

後周廣順三年春二月癸丑以玉作傳國寶受命寶宋氏白續通典曰時內司製二寶詔太常具制度以聞有司言唐六典符寶郎掌天子八璽其一曰神寶其二曰受命寶其神寶方六寸高四寸六分厚一寸七分螭龍紐文與傳國璽同傳國璽秦皇以藍田玉刻之李斯篆方四寸而文曰受命於天既壽永昌細盤五龍二寶歷代相傳以爲神器別有六寶一曰皇帝行璽二曰皇帝之璽三曰皇帝信璽四曰天子行璽五曰天子之璽六曰天子信璽此六璽因文爲名並白玉螭虎紐歷代傳受或亡失則補之北朝鑄之以金貞觀十六年別製元璽一座文曰皇天景命有德者昌白玉螭虎紐同光

存禮樓二集卷五 雜著

三

中製寶一座文曰皇帝受命之寶天福四年製寶一座文曰皇帝神寶其同光天福二寶內司製造不見細篆分寸製度勅令製國寶兩座其一宜以皇帝承天受命之寶爲文其一以皇帝神寶爲文命中書令馮道書寶議者曰國以玉璽爲傳授神器邃古無聞運斗樞曰舜禹天子黃龍負璽世本曰魯昭公作璽秦兼六國稱皇帝禮取藍田之玉玉工孫壽刻之方四寸李斯爲大篆書之形制如龍魚鳳鳥之狀希世之至寶也秦亡子嬰以璽降漢漢世世傳寶之王莽之篡求璽于元后后投之於堦一角微缺莽誅歸之更始更始敗歸之盆子及熊耳之敗盆子以璽降光武漢末黃巾亂投璽於井孫堅入洛見井有五色氣取得之以歸袁術術敗荊州刺史徐

璆得之詣許以進獻帝魏受漢禪得之以傳於晉洛陽之陷
劉曜得之後曜爲石勒所禽璆歸于鄴石氏之亂冉閔得之
閔敗晉將戴施入鄴得之送江東傳之宋齊梁臺城之破侯
景得之景敗其將侯子鑿以璆走爲追兵所迫投於栖霞寺
井中僧承杼得而匿之陳永定二年承杼弟子普智以璆上
陳文帝隋平陳始得秦真傳國璆煬帝江都之禍宇文化及
得之化及敗璆歸竇建德建德敗其妻曹氏以璆獻於唐唐
禪楊涉送寶于大梁莊宗滅梁得之同光末內難作寶爲火
灼文字訛缺明宗得之清泰敗以寶隨身自焚而死寶遂亡
失其神寶者方六寸厚一寸七分高四寸六分螭龍隱起文
與秦璆同但玉色不及形製高大耳不知何代製造東晉孝

存疑彙卷五 雜著

三

武十九年雍州刺史和恢得之慕容永送于金陵傳之宋齊
梁臺城之破侯景得之景敗侍中趙思齊攜走江北獻之齊
文宣帝宇文滅齊得之宇文亡入隋隋文帝改號傳國璆又
改爲受命璆及平陳始得秦真傳國璆仍以秦璆後出得于
亡陳以北朝所傳神璆爲第一秦璆次之隋亡竇建德妻與
神璆俱獻長安唐末不知所在而李氏心傳又曰秦璆者李
斯之虫魚篆也其圓四寸按玉璆圖以此璆爲越壁所刻璧
本卞和所獻之璞藺相如所奪者是也予嘗以禮制考之璧
五寸而有好則不得復刻爲璆此說謬矣秦璆至漢謂之傳
國璆自是迄於漢帝所寶用者秦璆也子嬰所封元后所投
王憲所得赤眉所上皆是物也董卓之亂失之吳書謂孫堅

得之洛陽甄官井中復爲袁術所奪徐璆得而上之殆不然
也若然則魏氏何不寶用而自刻璆乎厥後歷世皆用其名
永嘉之亂沒於劉石永和之世復歸江左者晉璆也魏氏有
國刻傳國璆如秦之文但秦璆讀自右魏璆讀自左耳晉有
天下又自刻璆其文曰受命於天皇帝壽昌本書輿服志乃
以爲漢所傳秦璆實甚誤矣此璆更劉聰石勒逮石祗死其
臣蔣幹求援於謝尚乃以璆送江南王彪之辨之亦不云秦
璆也太元之末得自西燕更涉六朝至於隋代者慕容璆
也晉孝武太元十九年西燕主永求救于和恢并獻玉璆一
紐方潤六寸高四寸六分文如秦璆自是歷宋齊梁皆寶之
侯景既死北齊辛術得之廣陵獻之高氏後歷周隋皆誤指

存疑彙卷五 雜著

三

爲秦璆後平江南知其非是乃更謂之神璆焉劉裕北伐得
之關中歷晉洎陳復爲隋有者姚秦璆也晉義熙十三年劉
裕入關得傳國璆上之大四寸文與秦同然隱起而不深刻
隋滅陳得此指爲真璆遂以宇文所傳神璆爲非是識者又
謂古璆深刻以印泥後人隱起以印紙則隱起者非秦璆也
姚氏取其文作之耳開運之亂沒于耶律女真獲之以爲大
寶者石晉璆也唐太宗貞觀十六年刻受命璆文曰皇帝景
命有德者昌後歸朱全忠及從珂自焚璆亦隨失德光入汴
重貴以璆上之云先帝所刻蓋指敬瑭也蓋在唐時皆誤以
爲秦璆而秦璆之亡則久矣又王氏溥五代會要曰時製寶
兩座用白玉方六寸螭虎紐馮道書寶文其一以皇帝承天

受命之寶爲文其一以皇帝神寶爲文蓋顯德季押寶歷宋
洎金而宋人不云金源得之而以爲大寶也當晉未歸璽時
北人率薄南朝爲白版天子故後晉天福初逸主以傳國寶
自隨至三年秋七月辛酉敕作受命寶時中書門下奏准敕
製皇帝受命寶今按貞觀十六年太宗文皇帝刻之玄璽白
玉爲螭頭其文曰皇帝受命有德者昌勅以受天明命惟德
允昌爲文唐六典曰受命寶天子修封禪禮神祇則用之此
開運末遣皇子延煦延寶獻遼主國寶一金印二此卽天祥
奔西京遺於桑乾水而漁人網得之者也明太祖成祖以傳
國寶未歸凡遣將北征親征蓋涉上都應昌金山和林旺忽
察都捕魚兒海土喇河諸地面而訖不丁得

存視樓二集卷二十一

雜著

音

存視樓二集卷二十一



存視樓二集卷之二十二

宜興儲大文六雅著

門人

雜著

石鼓 紀述

石鼓其質石其形鼓其高二尺廣徑一尺有奇其數十其文
籀其辭誦天子之田初潛陳倉野中唐鄭餘慶取置鳳翔之
夫子廟而亡其一宋皇祐四年向傳師得之民間十數乃合
大觀二年自京兆移汴梁初置辟雍後保和殿嵌金其字陰
錯錯然靖康二年金人輦至燕剔取其金置鼓王且撫家復
移大興府學元大德十一年虞集爲大都教授得之泥草中

存視樓二集卷二十一

雜著

始移國學大成門內左右列石鼓自秦漢無傳者郟邑志唐
貞觀中吏部侍郎蘇勉紀其事曰虞褚歐陽共稱亡妙蓋始
顯聞於唐初繇是表章代有唐自虞褚歐陽外則有蘇昂李
嗣真張懷瓘寶泉徐浩杜甫韋應物韓愈宋則有薛尚功楊
文昇歐陽修梅堯臣蘇軾黃庭堅張思正王順伯王應麟趙
明誠鄭樵元則有楊桓熊朋來吾衍潘迪虞集周伯溫而明
揚修誤慎以爲鼓發聞已先晉王羲之唐章懷太子嘗言之
至其源流本末言人人殊謂周宣王之鼓韓愈張懷瓘寶泉
也謂周文王之鼓至宣王刻詩焉韋應物也謂秦氏之文宋
鄭樵也謂宣王而疑之歐陽修也謂宣王而信之趙明誠也
謂周成王之鼓程琳董道也謂宇文周時作者馬子卿也鼓



文今剝漫而可計數其方要當六百五十七言先所存無考
在宋治平中存字四百六十有五元至元中存字三百八十
有六楊慎乃曰正德中存字僅三十餘據今榻本則甲鼓字
六十一乙鼓字四十七丙鼓字六十五丁鼓字四十七戊鼓
字一十二己鼓字四十一庚鼓字八壬鼓字三十九癸鼓字
六共三百二十五字存惟辛鼓字無存者按昌黎石鼓歌種
包席裏可立致十鼓祇載數橐駝則鄭餘慶置鳳翔夫子廟
之時一鼓當未亡故韋應物歌亦謂石如鼓形數止十風雨
缺謫苔蘚滿也至宋梅堯臣詩傳至我朝一鼓亡九鼓缺剝
文失行近人偶見安碓牀亡鼓作曰剝中央心喜篆猶在
傍以曰易曰庸何傷以石補空恐春梁神竹曾合居一方是

存觀樓集卷三 雜著

二

宋初亡一鼓而至皇祐四年始得之碓牀之下也元揭傒斯
律野老偷爲曰居人打賣錢嗚呼凡物之號爲瑰奇絕特者
遇不遇亦奚以異哉予草紀游聊以扶馬定國吾衍潘迪諸
君子癖古之思也

雜記

以正治國以奇用兵以無事取天下老子呂尚也故子宗爲
魏將列子著書莊子書後曰冷然善也雖然猶有待也
老子著書五千言授閔尹喜且誠曰子強我著書人又強子
著書是相強無已時也喜曰謹受教老子去喜隱於閔卒不
著書

屈原弟子宋玉唐勒景差皆祖原之雍容辭令玉作九辨差
作大招勒無言治騷者問曰子忘夫子之道乎奚獨無言勒
曰此騷也曰騷奚無言曰子知無言爲騷則於夫子之道也幾
矣

存觀樓集卷三 雜著

三

守械

公輸般為楚王造雲梯之械以攻宋墨子聞之往詣楚裂裳裹足七日七夜至見般面問之般不可以已乃設攻城之械九變而墨子九非之般之攻城械盡而墨子守有餘般曰吾知所以攻子矣吾不言墨子曰吾知子所以攻我我不言王問其故墨子曰般之意不過欲殺臣謂宋莫能守耳然臣之弟子禽滑釐等三百人早已操臣守禦之器在宋城上而待楚寇矣雖殺臣不能絕也楚乃止不復攻宋然則墨翟之言盈天下匪直崇兼愛夫亦禽滑釐諸子用材力自奮而克有以伙佐之也

堂蓑

文選注馮敬通與鄧禹書曰行以為寫神輸意則聊城之說碧雞之辯不足難也此借奏記經畫并州選賢能簡精銳視選注與禹書左平山東右匡社稷制屯田習戰射其旨差懸然敬通集與禹賤曰今日裘與蓑孰急見雨則裘不用上堂則蓑不御此更為適者也今敬通逢堂蓑之不御也信哉然寧俾蓑不御無俾見雨而裘不用也

釋疾

汝南先賢傳茂陵長水校尉竇伯向章以寧陵葛元龔之久疾也移書曰過矯仲彥論昇仙之道從蘇博文談超世之高適馬季長講墳典之妙所謂喬松可與馳騫何細疾之足患耶矯仲彥慎也少慕松喬導引之術隱遯山谷與馬融蘇章鄉里並時然二人自謂遠不及也章字幼文一字博文平陵人後漢書所載并州刺史也元甫答書曰見斯衆賢足以忘疾釋愁予謂枚乘七發不逮竇章數言元甫嘗為蕩隱臨汾令善其職豈馳騫喬松力耶

存樓集卷三 雜著

六

更書

公孫瓚徙鎮易京為袁紹攻困遣行人文則齋書告子續曰袁氏之攻狀若神鬼鼓角鳴於地中梯衝舞吾樓上日窮月蹙無所聊賴汝當碎首於張燕速致輕騎到者當起烽火於北吾當從內出不然吾亡之後天下雖廣汝欲求安足之地其可得乎此載典畧者也袁紹偵者得之使陳琳更其辭曰昔周末喪亂僵尸蔽地以意而推猶為否也不圖今日親當其鋒袁氏之攻狀若鬼神梯衝舞吾樓上鼓角鳴於地中日窮月急不遑啟處烏旯歸人滴水陵高汝當碎首於張燕馳驟以告急父子天性不言而動且屬五千鐵騎於北隰之中起火為應吾當自內出奮揚威武決命於斯不然吾亡之後天下雖廣不容汝足矣此載後漢書者也續如期舉火瓚以為救兵至遂出戰紹大破滅之按琳更書關鍵當在烏旯歸人滴水陵高旣北隰之中諸語也

存樓集卷三 雜著

七

治道

吳大帝謚諸葛子瑜瑾曰近得伯言表以為曹丕已死毒亂之民當望旌瓦解而更靜然聞皆選用忠良寬刑罰布恩惠薄賦省役以悅民心其患更深於操時孤以為不然操之所行其惟殺伐小為過差及離間人骨肉以為酷耳至於御將自古少有丕之於操萬不及也今敵之不如丕猶丕之不如操也其所以務崇小惠必以其父新死自度衰微恐困苦之民一朝崩沮故彊屈曲以求民心欲以自安住耳寧是興隆之漸耶聞任陳長文曹子丹輩或文人諸生或宗室戚臣寧能御雄才虎將以制天下乎夫威柄不專則其事乖錯如昔張耳陳餘非不敦睦至於乘勢自還相賊乃事理使然也又

存續樓臺卷三

雜著

八

長文之徒昔所以能守善者以操笮其頭畏操威嚴故竭心盡意不敢為非耳逮至繼業年已長大承操之後以恩情加之用能感義今敵切弱隨人東西此曹等輩必當因此弄巧行態阿黨比周各助所附如此之曰奸讒並起更相陷害轉成嫌貳一爾已往羣下爭利主幼不御其為敗也焉得久乎所以知其然者自古至今安有四五人把持刑柄而不離刺轉相蹄鬻者也彊當陵弱弱當求援此亂之道也子瑜卿當側耳聽之伯言常長於計校恐此一事稍短也裴松之曰魏明帝一時明主政自己出權此論竟為無徵史載之者將以主幼國疑威柄不一亂亡之形有如權言宜其存錄以為鑒戒或以為雖失之於明帝而事著於齊王可不謂明驗乎宋

孝武帝親覽朝政常慮權移臣下大明二年下詔吏部尚書

可依即分置并詳省閒曹又別詔太宰江夏王義恭曰分選詔旦出在朝論者亦有同異誠知循常甚易改舊生疑但吏部尚書由來與錄共選良以一人之識不辨洽通兼與奪威權不宜專一故也前述宜先旨敬從來奏省錄作則永貽後昆自此選舉之要唯由元凱一人若通塞乖衷而訴達者數且違令與物理至隔闕前王盛主猶或難之況在寡聞尤見其短又選官裁病即嗟謫滿道人之四體會有盈虛旬日之間便至怨讐况實有假託不由寢頓者邪一請不前貧苦交困則兩邊致患互不相體校之以實竝有可哀若職置二人則無此弊兼選曹樞要歷代斯重人經此職便成貴塗已心

存續樓臺卷三

雜著

九

外議咸不自限故范亦魯爽舉兵滅門以此言之實由榮厚勢驅殷繁所至設可議擬此授唯有數人本積歲月稍加引進而理無前期多生慮表或嬰艱抱疾事至回移官人之任決不可闕一來一去向人已周非有黜責已貴艱賤既成妨長真之無所盛衰遞襲便是一段世臣相處之方臣主生疑所以彌覺此職宜在降階監令端右足處時望無人則闕異於九流今但直銓選部有減前資物情好猜橫立別解本旨向意終不外宣唯有從郎分置視聽自改選既輕先民情已變有堪其任大展遷回兼常之宜以時稍進本職非復重官可得不得帶帖數過居之盡無詭怪自中分荆揚于時便有

會何偃致故。應有親人。故近因此施行。本意詔文不得委悉。故復紙墨具陳。於是置吏部尚書二人。省五兵尚書。此繇孔明告後主言推之。胥有補治道者也。

夏侯泰初

中護軍夏侯泰初。予以太傅司馬懿之問時事也。議審官擇人除重官禮鄉間本行懿答除重官大善。泰時無刺史。但有郡守。長吏漢家雖有刺史。奉六條而已。故刺史稱傳車。其吏言從事。居無常治。吏不成。臣其後轉更爲官司耳。此懿未殲曹爽而憚王凌。毋邱儉諸葛誕之外。任刺史者。瑞業見矣。泰初雖荷重望。若使枋國。恐未克弼魏室也。

晉太宗集

建元中褚哀薦殷浩徵為建武將軍揚州刺史浩陳讓并致
踐會稽王王答踐曰屬當厄運危弊理盡誠賴時有其才不
復遠求版築足下沈識淹長思綜通練起而明之足以經濟
若復深存挹退苟遂本懷吾恐天下之事於此去矣今竊領
不振晉網不綱願蹈東海復可得耶繇此言之足下去就即
是時之廢興時之廢興則家國不異足下宏思之靜算之亦
將有以深鑒可否望必廢本懷率羣情也浩自三月至七月
乃受拜焉其所謂淹長通練者亦未克訖如所言而辭則極
工油然而幽中蘊憂國討謨并非直清談差勝也及恒溫請
除武陵王晞帝手答曰所不忍言况過於言溫重表又答曰

存禮彙卷五十一 雜著

十一

若晉室靈長明公便宜奉行此詔如大事去矣請避賢路溫
手戰汗流迺止則溫雖謫暴猶不能無憚其辭之工也及寢
疾與溫書曰吾遂委篤足下便入冀得相見不謂疾患遂至
於此今者惓然勢不復久且雖有詔豈復相及慨恨兼深如
何可言天下艱難而昌明幼冲眇然非阿衡輔導之訓當何
以寧濟也國事家計一托於公其辭亦工而或出後魏書之潤
飾晉書手詔曰吾遂委篤足下便入冀得相見速來速來此
似真本辭蹙而味如生故吾以晉太宗諸書為王侯之巨擘

母后詔

晉康帝褚皇后名蒜子河南陽翟人太傅哀女穆帝尊為皇
太后簡文帝尊為崇德太后前後稱制凡四十年穆帝之幼
冲也領司徒蔡謨等奏請臨朝攝政詔答曰帝幼冲當賴羣
公卿士將順匡救以副先帝禮賢之意且是舊德世濟之美
則莫重之命不墜祖宗之基有奉是其所所以欲正位於內而
已所奏懇到形於翰墨報省未究以悲以懼先后允恭謙抑
思順坤道所以不距羣情固為國計豈敢執守冲闇以違先
旨輒敬從所奏及其既冠而退居崇德也手詔群公曰昔以
皇帝幼冲從群后之議既以闇弱又頻丁極艱御恤歷祀沈
憂在疚司徒親尊德重訓救其弊土室之不壞實公是憑帝

存禮彙卷五十一 雜著

十三

既備茲冠禮而四海未一五胡叛逆豺狼當路費役日興百
性困苦願諸君子思量遠算戮力一心輔翼幼主匡救不逮
未亡人永歸別宮以終餘齒仰惟家國故以一言託懷辭胥
工婉而歸政詔尤愴咽百代絕構也哀帝海西公時太后復
稱制及桓溫廢海西公甫在佛屋焚香覽奏數行輒索筆答
曰未亡人罹此百憂感念存歿心焉如割悲哉簡文篡位后
歸崇德比孝武帝之踐阼也群臣復啓請詔答曰王室不幸
仍有艱屯覽省啓事感增悲歎內外諸臣並以主上春秋冲
富加蒸蒸之慕未能親覽號令宜有所由苟可安社稷利天
下亦豈有所執輒敬從所啓但聞昧之闕望盡弼諧之道盍
其事彌變而辭亦彌遜矣帝既冠旋詔曰皇帝婚冠禮備退

邇它心宜當陽親覽緝熙惟始今歸政事率由舊章於是復稱崇德太后焉若後世克續者惟朱建炎初隆祐孟太后敷告多方借可俾六軍萬民雪泣中野也而褚后之手詔尚矣

心喪

杜氏通典晉武帝泰始十年楊皇后崩舊制既葬帝及羣臣除喪卽吉傅士張靖等議以皇太子亦宜從制釋服陳達等議以皇太子無國自宜終服尚書魏舒等奏以皇太子從曰撫軍守曰監國不無事也揆孝景卽吉於未央薄后續后必不得齋斬於別宮至於大臣亦奪其制昔翟方進以身爲漢相居喪三十六日不敢踰國典而况皇太子邪宜如前除服諒陰終制杜預亦謂古者天子諸侯三年之喪始同齋斬既葬除喪服諒闇以居心喪終制不與士庶同禮長安摯仲洽虞時爲吳王友答預書曰僕以爲除服誠合事宜附古則意有未安五服之制成於周室周室以前仰迄上古雖有在喪之哀未有行喪之制故堯稱過密殷曰諒闇各舉其事而言非未葬除之名也禮有定制孝景之卽吉方進之從宜皆未足爲准蓋聖人之於禮識其失而通其變今皇太子未就東宮猶在殿省之內故不得伸其哀情以宜奪制何必附之於古欽以舊義哉蓋實從預議也於時外內卒聞之多謂預違禮以合時預使博士段暢撰探典籍以爲定證而舉世莫審其謬者蓋千四五百年矣粵迄今日而始霧微電掃也又晉書載虞書曰唐虞過密殷云諒闇各舉事以爲名非既葬有殊降周室以來謂之喪服喪服者以服表喪今帝者一日萬機皇太子監撫之重以宜奪禮葬訖除服變制通理再典將來何必附之於古使老儒致爭哉其辭較顯并錄

晉王豹賤

晉有八王之禍而封建制實未行也五等子男僅列其名著論者亦差多而於實事無與也惟齊王冏拜大司馬以豫州別駕順陽王豹為主簿豹與冏賤曰豹聞王臣蹇蹇匪躬之故將以安主定時保存社稷者也是以爲人臣而欺其君者刑罰不足以爲誅爲人主而逆其諫者靈厲不足以爲諱伏惟明公虛心下士開懷納善款誠以著而逆耳之言未入於聽約伏思晉政漸缺始自元康以來宰相在位未有一人獲終乃事勢使然未爲輒有不善也今公克平禍亂安國定家故復因前傾敗之法尋中間覆車之軌欲冀長存非所敢聞今河間樹根於關右成都盤桓於舊魏新野穴封於江漢三

存禮集卷五

雜著

六

面貴王各以方剛彊盛並典戎馬處險害之地且明公興義討逆功蓋天下聖德光茂名震當世今以難賞之功挾震主之威獨據京都專執大權進則亢龍有悔退則蒺藜生庭冀此求安未知其福敢以淺見陳寫愚情昔武王代紂封建諸侯爲二伯自陝以東周公主之自陝以西召公主之及至其末霸國之世不過數州之地四海彊兵不敢入闕九鼎所以然者天下習於所奉故也今誠能專用周法以成都爲北州伯統河北之王侯明公爲南州伯以攝南土之官長各因本職出居其方樹德於外盡忠於內歲終率所領而貢於朝簡良才命賢備以爲天子百官則四海長寧萬國幸甚明公之德當與周召同其至美危敗路塞社稷可保願明公思高祖

納婁敬之策悟張良履足之謀遠臨深之危保泰山之安若合聖意宛許可都也蓋營畫河間王頤成都王穎新野王歆俾尾大不掉者自就戢讞而以二伯分封釋洛邑專朝之患罔不能用久無報豹重與冏賤曰豹書御已來十有二日而聖旨高遠未垂探察不賜一字之令不勅可否之宜蓋霸王之神寶安危之秘術不可須臾而忽者也伏思明公挾大功抱大名懷大德執大權此四大者域中所不能容賢聖所以戰戰兢兢日昃不暇食雖休勿休者也昔周公以武王爲兄成王爲君伐紂有功以親輔政執德宏深聖思博遠至忠至仁至孝至敬而攝事之日四國流言離主出奔居東三年賴風雷之變成王感悟若不遭皇天之應神人之察恐公且之

存禮集卷五

雜著

七

禍未知所限也至於執政猶與召公分陝爲伯今明公自視功德孰如周公且元康已來宰相之患危機竊發不及容思密禍潛起輒在呼籲豈復宴然得全生計前鑒不遠公所親見也君子不有遠慮必有近憂憂至乃悟悔無所及也今若從豹此策皆遣王侯之國比與成都分河爲伯成都在新明公都宛寬方千里以與圻內侯伯子男小大相率結好要盟同獎皇家貢御之法一如周典若合聖規可先旨與成都共論雖以小才願備行人昔廝養燕趙之微者耳百里奚秦楚之商人也一開其說兩國以寧况豹雖陋大州之綱紀加明公起事險難之主簿也故身雖輕其言未必否也冏報曰得前後白事具意輒別思量也蓋豹之營畫實非鄭方孫惠所克

逮也。而長沙王又將圖問。謂問曰：小子離間骨肉，何不銅駝下打殺。問乃奏豹殺之。豹行死曰：懸吾頭大司馬門。見兵之攻齊也。俄而問敗而晉事訖不可為矣。故吾以士衡五等諸侯論為久安長治之策。而豹賤雖未克，即轉危為安，易亡為存。如所謂神寶秘術者，抑亦宜熟慮亟圖，以為倉卒應變之策。

前燕書牋

晉車騎將軍平州牧慕容廆致牋太尉陶侃，使沒海。廆更寫前牋，并東夷校尉封抽行遼東相韓矯等三十餘人，疏上太尉府。廆牋曰：明公使君轂下，振德曜威，撫寧方夏，勞心文武，士馬無恙，欽高仰止。注情彌久，王塗嶮遠，隔以燕越，每瞻江涘，延首遐外，天降艱難，禍害屢臻，舊都不守，奄為虜庭，使皇輿遷幸，假勢吳楚，大晉啓基，祚流萬世，天命未改，玄象著明，是以義烈之士，深懷憤踊，猥以功薄，受國殊寵，上不能掃除羣羯，下不能身赴國難，仍縱賊臣，屢逼京輦，王敦唱禍於前，蕪峻肆毒於後，凶暴過於董卓，惡逆甚於崔汜，普天率土，誰不同忿，深怪文武之士，過荷朝榮，不能滅中原之寇，刷天下

之恥。君侯植根江陽，發曜荆衡，杖葉公之權，有包胥之志，而今白公伍員，殆得極其暴，竊為邱明恥之。區區楚國子重之徒，猶恥君弱羣臣不及先大夫，厲已戒眾，以服陳鄭，越之種蠡尚能弼佐，句踐取威黃池，况今吳土英賢比肩，而不輔翼聖主，陵江北伐，以義聲之直，討逆暴之羯，檄命舊都之士，招懷存本之人，豈不若因風振落，頓坂走輪哉。且孫氏之初，以長沙之衆，摧破董卓，志匡漢室，雖中遇寇害，雅志不遂，原其誠心，乃忽身命，及權據揚越，外仗周張，內憑顧陸，距魏赤璧，尅取襄陽，自茲以降，世主相襲，咸能侵逼，徐豫，合魏朝肝食，不知今之江表為賢，倘匿智藏其勇，畧邪將呂蒙，凌統，高蹤曠世哉。况今凶羯虐暴，中州人士，逼迫勢促，其顛沛之危，甚

於累卵假託之疆。眾心所去。敵有釁矣。易可震蕩。王郎袁術。雖自詐偽。皆其淺根。微禍不旋踵。此皆君侯之所聞見者矣。王司徒清虛寡欲。善於全己。昔曹參亦崇此道。著畫一之稱也。庾公居元舅之尊。處中伯之任。超然高蹈。明智之權。處於寇難之際。受大晉累世之恩。自恨絕域。無益聖朝。徒繫心萬里。望風懷憤。今海內之望。足為楚漢輕重者。惟在君侯。若戮力盡心。悉五州之眾。據兗豫之郊。使向義之士。倒戈釋甲。則羯寇必滅。國恥必雪。虜在一方。敢不竭命。孤軍輕進。不足使勅畏首畏尾。則懷舊之士。欲為內應。無絲自發故也。故遠陳寫言不盡意。封抽韓矯等疏曰。自古有國有家。鮮不極盛而衰。自大晉龍興。剋平崕會。神武之略。邁蹤前史。惠皇之末。后

存續漢書卷三

雜著

干

黨構難禍。結京畿。釁成公族。遂使羯寇乘虛。傾覆諸夏。舊都淪滅。山陵毀掘。人神悲悼。幽明發憤。昔獫狁之疆。匈奴之盛。未有如今日。羯寇之暴。跨躡華裔。盛稱尊號者也。天祚有晉。挺授英傑。車騎將軍慕容廆。自弱冠蒞國。忠於王室。明允恭肅。志在立勳。屬海內分崩。皇輿遷幸。元皇中興。初唱大業。肅祖繼統。蕩平江外。鹿雖限以山海。隔以羯寇。翹首引領。繫心京師。常假寤寐。欲憂國忘身。貢篚相尋。運舟載路。戎不稅駕。動成義舉。今羯寇滔天。怙其醜類。樹基趙魏。跨略燕齊。鹿雖率義眾。誅討大逆。然管仲相齊。猶曰。龍不足以御下。况鹿輔翼王室。有匡霸之功。而位卑爵輕。九命未加。非所以寵異藩翰。敦獎殊勳者也。今詔命隔絕。王路嶮遠。貢使往來。動彌年

載。今燕之舊壤。北周沙漠。東盡樂浪。西暨代山。南極冀方。而悉為虜庭。非復國家之有。將佐等以為宜遠遵周室。近準漢初。進封廆為燕王。行大將軍事。上以總統諸部。下以割損賊境。使冀州之人。望風而化。廆得祇承詔命。率合諸國。奉辭夷逆。以成桓文之功。苟利社稷。專之可也。而廆固執謙光守節。彌高。每詔所加。讓動積年。非將佐等所能敦逼。今區區所陳。不欲苟相崇重。而愚情至心。實為國計。侃報抽等書曰。車騎將軍憂國忘身。貢篚載路。羯賊求和。執使送之。西討段國。北伐塞外。遠綏索頭。荒服以獻。惟北部未賓。屢遣征伐。又知東方官號。高下齊班。進無統攝之權。退無等差之降。欲進車騎為燕王。一二具之。夫功成進爵。古之成制也。車騎雖不能為

存續漢書卷三

雜著

干

官摧勒。然忠義竭誠。今騰牋上請。可不遲速。當任天臺也。朝議未定。而廆卒。子皝襲位。破石虎。平段遼。自稱燕王。遣使獻掛於建康。中述權假之指。又與庾冰書曰。君以椒房之親。舅氏之昵。總據樞機。出內王命。兼擁列將州司之任。昆弟網羅。顯布畿甸。自秦漢以來。隆赫之極。豈有若此者乎。以吾觀之。若功就事舉。必享申伯之名。如或不立。將不免梁竇之迹矣。每觀史傳。未嘗不寵恣母族。使執權亂朝。先有殊世之榮。尋有負乘之累。所謂愛之適足以為害。吾嘗思歷代之主。不盡防萌。終寵之術。何不業以一土之封。今藩國相承。如周之齊陳。如此則永保南面之尊。復何黜辱之憂乎。竇武何進。好善虛已。賢士歸心。雖為閹豎所危。天下嗟痛。猶有能履以不驕

圖國忘身故也。方今四海有倒懸之惡，中夏通僭逆之寇，家有漉血之怨，人有復讐之憾。寧得安枕逍遙，雅談卒歲邪？吾雖寡德，過蒙先帝列將之授，以數郡之人，尚欲并吞疆虜，是以自頃至今，交鋒接刃，一時務農，三時用武，而猶師徒不頓，倉有餘粟，敵人日畏。我境日廣，况乃王者之威，堂堂之勢，豈可同年而語哉？冰遂奏聽，號稱王。此薛氏元經之所紀載文。中子之所講肄，其志雖訖，不可曉測，而其辭參於春秋，尤與左氏傳列國辭命有神契之指。東晉人士，反不克逮也。項誦明季高句驪鴉鵲關奏草，暨明入復輪，輒喟然歎曰：迺令此輩掌綸宣制，宜乎有此中無人之誦也。

景略書牋

涼張天錫攻隴西李儼，敗儼於葵谷。儼退守枹罕，請救於秦。秦使前將軍楊安、建威將軍王撫、會王猛救儼。天錫遣楊邁逆戰於枹罕，東猛大破之。遺天錫書曰：吾受詔救儼，不令與涼州戰。今當深壁高壘，以聽後詔。曠日持久，恐二家俱弊，非良算也。若將軍退舍，吾執儼而東，將軍徙民西旋，不亦可乎？天錫亦語諸將曰：吾本來伐叛，不來與秦戰。遂引兵歸。是役也，獲其將燉煌陰據及甲士，秦使著作郎梁殊、閭負送還涼州。命猛草書遺天錫曰：昔貴先公稱藩，劉石者惟審於疆弱也。今論涼土之力，則損於往；特語大秦之德，則非二趙之匹。而將軍翻然自絕，無乃非宗廟之福也。歟！以秦之威，旁振無

外可以回弱水，使東流返江河，使西注關東。既平，將移兵河右，恐非六郡士民所能抗也。劉表謂漢南可保，將軍謂西河可全，吉凶在身，元龜不遠，宜深算妙慮，自求多福，無使六世之業一旦而墜地也。天錫遂遣使謝罪，及其攻燕洛陽也，遺燕荊州刺史武威王筑書曰：國家今已塞成臯之險，杜盟津之路，大駕虎旅百萬，自軹關取鄴，都金墉，窮戍外無救援，城下之師，將軍所鑑，豈三百弊卒所能支也。筑遂以洛陽降。蓋書辭重有機權，而外以款實運之，此其所以無往不濟也。至其始伐燕，輒請以晉主為尚書，左僕射謝安為吏部尚書，桓冲為侍中，胥立第待之，移晉書曰：已為晉君於長安，建廣廈之室，今故大舉渡江，相迎，尅日入宅也。此殆非景畧辭宜微覈

後趙疏

趙張敬張賓及司馬張屈六程選等上尊號疏曰請依劉備在蜀魏王在鄴故事以河內魏汲頓邱平原清河鉅鹿常山中山長樂樂平十一郡并前趙國廣平陽平章武渤海河間上黨定襄范陽漁陽武邑燕國樂陵十三郡合二十四郡戶二十九萬為趙國封內依舊改為內史準禹貢魏武復冀州之境南至盟津西達龍門東至於河北至於塞垣以大單于鎮撫百蠻罷并朔司三州通置部司以監之是後趙未并關中之先據河為固也而所謂準禹貢魏武復冀州之舊罷并朔司三州者輿圖尤不可不考

存樓集卷三 雜著

三

停年格

魏清河崔敬儒亮遷吏部尚書時羽林新害張彞靈太后令依資入選官員既少應選者多前尚書李韶循常擢人大為嗟怨亮乃奏為格制不問賢愚專以停解日月為斷雖復官須此人停日後者終於不得庸才下品年月久者灼然先用沈滯者皆稱其能亮外甥司空諮議劉景安書規亮曰殷周以鄉塾貢士兩漢繇州郡薦才魏晉因循又置中正諦觀在昔莫不審舉雖未盡美足應十收六七而朝廷貢才止求其文不取其理察孝廉惟論章句不及治道立中正不考人才行業空辨氏姓高下至於取士之途不溥沙汰之理未精而舅屬當銓衡宜須改張易調如何反為停年格以限之天下

存樓集卷三 雜著

三

士子誰復修厲各行哉亮答曰汝所言乃有深致吾乘時微倖得為吏部尚書當其壯也尚不如人况今朽老而居帝難之任常思同升舉直以報明主之恩盡忠竭力不為貽厥之累昨為此格有繇而然今已為汝所恠千載之後誰知我哉可靜念吾言當為汝論之吾兼正六為吏部郎王為尚書銓衡所宜頗知之矣但古今不同時宜須異何者昔有中正品其才第上之尚書尚書據狀量人授職此乃與天下羣賢共爵人也吾謂當爾之時無遺才無濫舉矣而汝猶云十收六七况今日之選專歸尚書以一人之鑒照察天下劉毅所云一吏部兩郎中而欲究竟人物何異以管闕天而求其博哉今勲人甚多又羽林入選武夫崛起不解書計惟可曠登前

驅指蹤捕噬而已忽令垂組乘軒求其烹鮮之效未曾操刀而使專割又武人至多官員至少不可周溥設令十人共一官猶無官可授况一人望一官何繇可不怨哉吾近面執不宜使武人入選請賜其爵厚其祿既不宜從是以權立此格限以停年耳昔子產鑄刑書以救弊叔向譏之以正法何異汝以古禮難權宜哉仲尼云德我者春秋罪我者亦春秋吾之此指其猶是也但今當來君子知吾意焉而停年格遂為令甲矣其後甄琛元修義城陽王徽為吏部利其便已踵而行之魏之失才繇亮始也噫千百禩之失才抑亦繇亮始也

清省

陸士衡與兄平原書雲再拜往日論文先辭而後情尚絮而不取悅澤嘗憶兄道張公父子論文實欲自得今日便欲宗其言兄文章之高遠絕異不可復稱言然猶皆欲微多但清新相接不以此為病耳若復令小省恐其妙欲不見可復稱極不審兄由以為爾不茂曹碑皆是蔡氏碑之上者比視蔡氏數十碑殊多不及言亦自清美愚以無疑不存三祖贊不可聞武帝贊如欲管管流澤有以常相稱美如不史願更視之小跋幾而悅奕為盡理雲今意視文乃好清省欲無以尚意之至此乃出自然張公在者必罷必復以此見調不知九慙不多不當小減九悲九愁連日鈔除所去甚多才本不精正自極此願兄小為之定一字兩字出之便欲得遲望不言謹啓此文貴清省之旨也又與士衡書二祖頌極高偉然意故復謂之微多民不輟歎一句謂可省武烈未得有吳說桓王之事而云建其孤恐太祖不得為桓王之孫又書文賦甚有辭綺語頗多文適多體便欲不清不審兄呼爾不又書先欲作講武賦才不便作大文得少許家語不知此可出大文難作庶可以為關雎之見微又書文中有於是爾乃於轉句誠佳然得不用之益快有故不如無又於文句中自可不用之便少亦常云四言轉句以四句為佳又書雲再拜嘗聞湯仲歎九歌嘗讀楚辭意不大愛之頃日視之實是清絕滔滔故自是識者古今來為如此種文此為宗矣視九章時

有善語大類是穢文不難舉意視九歌便自歸謝絕思兄常欲其作詩文獨未作此曹語若消息小佳願兄可試作之兄復不作者恐此文獨單行千載間嘗謂此曹語不好視九歌正自可歎息王褒作九懷亦極佳恐猶自絕真玄盛稱九辯意甚不愛又書登臺賦音楚願兄便定之兄音與獻彥之屬皆願仲宣須賦獻與服繁張公語雲云兄文故自楚須作文爲思昔所識文乃視兄作誄又令結使說音耳又書兄文方當日多但文實無貴於爲多多而如兄文者人不厭其多也屢視諸故時文皆有恨文體成爾然新聲故自難復過兄作大賦必好意精願兄作數大文又書雲再拜蔡氏所長惟銘願耳銘之善者亦復數篇其餘平平爾兄詩賦自與絕域不

存視樓集卷三十一 雜著

天

當相與比校張公昔亦云兄新聲多之不同也典當故爲未及彥藏亦云爾又古今兄文所未得與校者亦惟兄所道數都賦耳其餘雖有小勝負大都自皆爲雄耳張公父子亦語雲兄文過子安子安諸賦兄復不皆過其便可可不與供論雲謂兄作二京必傳無疑又勸兄爲耳又思三都世人已作是語觸類長之能事可見幽通賓戲之徒自難作賓戲客語可爲耳答之甚未易東方士所不得全其高名頗有答極謹啓又書不知雲論文何以當與兄意作如此異以兄文雲猶時有所能得言又書雲再拜誨前二賦佳視之行已復不如初昔文自無可成藏之甚密而爲復漏顯世欲爲益者豈有謂之不善而不爲懷云成意想兄已得懷之耳有作文惟

尚多而家多猪羊之徒作蟬賦二千餘言隱士賦三千餘言既無藻偉體都自不似事文章實自不當多古今之能爲新聲絕曲者無又過兄兄往日文雖多瑰鑠至於文體實不如今日間在洛有所視已當報而比更隆以今意觀文見此真更以爲不盡善文熊云故日向人歎兄文人終來同殆以此爲病張公文無他異正自清省無煩長作文正爾自復佳兄文章已顯一世亦不足復多自困苦適欲白兄可因今清靜盡定昔日文但當鉤除差易爲功力誨已定敬長誄意當闡與兄合雲久絕音於文章由前日見敦之後而作文解愁聊復作數篇爲復欲有所爲以忘憂貧家佳物便欲盡但有錢穀復羞出之而體中殊不可以思慮腹立滿背便熱亦誠可

存視樓集卷三十一 雜著

天

悲間視大荒傳欲作大荒賦既自難工又是大賦恐交自困絕異往經比干墓悵然欲弔之無又卽意又事業又書兄丞相箴小多不如女史清約耳恐兄無緣思於此意猶云何而兄乃有高論更復無意又書雲少作吳書至今不能令成日見其不易前數卷爲時有佳語近來意亦殊已莫猶當一定之恐不全此七卷無意復望增欲作文章六七紙卷十分可令皆如今所作輩爲復差徒爾文章誠不用多苟卷必佳便謂此爲足今見已向四卷比五十可得成又書雲再拜一日視伯喈祖德頌亦以述作宜褒揚祖考爲先聊復作此頌今送之願兄爲損益之欲令省而正自輒多欲無可如省碑文通大悅愉有似賦愚謂小復質之爲佳前作此頌書之行欲

遣信以白兄昨聞有賊消息愁憤無賴既冀又然又已成書聊以付信耳尋得李寵勸封禪草信自有才頗多煩長耳令送問人又有張公所作已令寫別送臨紙罔罔不知所言謹啓又書雲再拜君苗文天才中亦少爾然自復能作文雲惟見其登臺賦及詩頌作愁霖賦極佳頗做雲雲所如多恐故當在二人後然未究見其文見兄文輒云欲焚筆硯以爲此故不喜出之曹志苗之婦公其婦及兒皆能作文頃借其釋詢二十七卷當欲百餘紙寫之不知兄盡有不李氏云雪與列韻曹便復不用人亦復云曹不可用者音自難得正謹啓又書雲再拜令送君苗登臺賦爲佳手筆云復更定復勝此不知能愈之不其人推能兄文不可言作文百餘卷不肯出

存視樓集卷三

雜著

三

之視仲宣賦集初述征登樓前耶甚佳其餘平平不得言情處此賢文正自欲不茂不審兄呼爾不真玄亦云兄文當作宣輩宣得此巍巍耳愁霖喜霽殊自委頓恐此都自易勝謹啓又書雲再拜誨頌兄意乃以爲佳甚以自慰今易上韻不知差前不佳者願兄小爲損益令定下云靈旆電揮因兄見許意遂不格不知可作蔡氏祖德頌比不景猷有蔡氏文四十餘卷小者六七紙大者數十紙文章亦足爲多然其可貴者故復是常所文耳雲頃不佳思慮胸腹如鼓夜不便眠了不可又以有意兄不佳文章已足垂不朽不足又多謹啓又書雲再拜頃哀思更力成歲暮賦適且畢猶未大定自呼前後所未有是雲文之絕無又憶兄常云文後成者恒謂之程

貞小爾恐數自後轉不如今且欲寄之既未大定又恐此信至兄已發當因著洛謹啓又書雲再拜兄前表甚有深情遠旨可耽味高文也兄文雖復自相爲作多少然無不爲高體中不快不足復以自勞役耳前集兄文爲二十 適訖一十當黃之書不工紙又惡恨不精謹啓此胥可參 清省以闡明張茂先人之爲文常患才少子患其多之旨也然士衡天才秀逸辭藻宏麗所謂玄圖積玉無非夜光者實爲百代文宗昔周公國僑莊周蘇秦李斯賈誼司馬相如遷揚雄班固蔡邕文未嘗不多而清省之味自苞孕于中而不少洩則亦奚病乎多哉聊識一隅用資四達

存視樓集卷三

雜著

三

存硯樓二集卷之二十三

宜興儲大文六雅著

門人

丹徒張 冕冠伯 崑山徐柱臣題客 編

雜著

文體

南齊永明中文士王融謝朓沈約文章始用四聲以為新變至梁轉拘聲韻彌向麗靡簡文帝為晉安王新野庾肩吾與東海徐摛吳郡陸杲彭城劉遵劉孝儀孝威同被賞接及居東宮又開文德省置學士肩吾子信攜子陵吳郡張長公北地傅弘東海鮑至等充其選嘗與湘東王繹論文曰吾輩亦無所遊賞止事披閱性既好文時復短詠雖是庸音不能闕

存硯樓集卷三

雜著

筆有慙伎癢更同故態比見京師文體儒鈍殊常競學浮疎爭為闡緩玄冬修夜思所不得既殊比興正背風騷若夫六典三禮所施則有地吉凶嘉賓用之則有所未聞吟詠情性反擬內則之篇操筆寫志更摹酒誥之作遲遲春日翻學歸藏湛湛江水遂同大傳吾既拙於為文不敢輕有倚撫但以當世之作歷方古之才人遠則揚馬曹王近則潘陸顏謝而觀其遣辭用心了不相似若以今文為是則古文為非若謂昔賢可稱則今體宜棄俱為盡各則未之敢許又時有效謝康樂裴鴻臚文者亦頗有惑焉何者謝客吐言天拔出於自狀時有不拘是其糟粕裴氏乃是良史之才了無篇什之美是為學謝則不屆其精華但得其冗長師表則覆絕其所長

惟得其所短謝故巧不可階裴亦質不宜慕故胸馳臆斷之

侶好名志實之類方分肉於仁獸逞卻克於邯鄲入鮑志臭

効尤致禍決羽謝生豈三千之可及伏膺裴氏懼兩唐之不

傳故玉徽金鏡反為拙目所嗤巴人下里更合郢中之聽陽

春高而不和妙聲絕而不尋竟不精討錙銖數量文質有異

巧心終愧妍手是以握瑜懷玉之士瞻鄭邦而知其章甫翠

履之人望閩鄉而歎息詩既若此筆又如之徒以烟墨不言

受其驅染紙札無情任其搖襞甚矣哉文之橫流一至於此

至如近世謝朓沈約之詩任助陸倕之筆斯實文章之冠冕

述作之楷模張士簡之賦周升逸之辯亦成佳手難可復遇

文章未墜必有英絕領袖之者非弟而誰每欲論之無可與

存硯樓集卷三

雜著

語思吾子建一其商推辯茲清濁使如涇渭論茲月日類彼

汝南朱丹既定雌黃有別使夫懷鼠知慙濫竿自耻譬斯衰

絡畏見子將同彼盜牛遙羞王烈相思不見我勞如何右簡

文論文精且慙矣朕則臺城被圍非文體新麗之應乃文體

儒鈍之應也宋宣和靖康時學者亦朕蘇端明曰彌望皆黃

茅白葦此則王氏之同也其說可互相發朕而人豈知宋宣

靖黃茅白葦之害又焉知梁太清儒鈍之害哉至才人克以

新麗名且不幸而代受其訾而僵立者實匪李也雅為歎息

論畫

宋王景弼微工畫王智深宋紀嘗誤王微別傳微作叙畫一篇其畧曰屏顏光祿書以圖畫非止藝行成當與易象同體而工篆隸者自以書巧為高欲其並辯藻繪覈其攸同夫言繪畫者竟求容勢而已且古人之作畫也非以案城域辨方州標鎮阜劃漫流本乎形者融靈而動變者心也靈無所見故所託不動目有所極故所見不周於是乎以一管之筆擬太虛之體以判軀之狀畫寸眸之明曲以為高高趣以為方丈以反之畫齊乎太華枉之點表夫隆準眉額頰輔若宴笑兮孤嶺鬱秀若吐雲兮橫變縱化故動生焉前矩彼方出焉朕後宮觀舟車器以類聚犬馬禽魚物以狀分此畫之致也

存疑樓集卷五 雜著

三

望秋雲神飛揚臨春風思浩蕩雖有金石之樂圭璋之琛豈能髣髴之哉披圖按碑効異山海綠林揚風白水激澗嗚呼豈獨運諸指掌亦以明神降之此畫之情也微嘗與何偃書曰性知畫繪蓋亦鳴鶴識夜之機盤紆糾紛或記心目故兼山水之愛一往跡求皆仿像也南齊謝赫古畫品曰史道碩與王微並師荀衛王得其意史得其似夫知畫之意乃知畫之情而要以心之動變為候此所謂易象同體也

任昉陸倕之筆

簡文帝曰謝朓沈約之詩任昉陸倕之筆今人不知任彥升又安知陸佑公也何則不知筆也陸佑公倕吳郡吳人嘗為國子博士守太常卿今書其遷吏部郎啓曰臣器均濩落材同擁腫效非積山勤垂附地自叨榮秩列裁移氣序而坐延曲私遂被洪造自非割蚌識珠觀石知玉寧可以獲名理俗見操就教蓋倕嘗解鴻臚卿入為吏部郎參選事乃出為尋陽太守也謝勅使行江州事啓曰封壤遐曠塵井與實陸海神臯偏屬茲境兼以茂親明德維翰作鎮宣述條教匡贊盛猷自非問望兼宏寧可擢膺嘉舉又為息績謝賜朝服啓曰

存疑樓集卷五 雜著

四

幸冕素帶出自禁財朱紱青綈降於皇府輝燭鄉黨震耀街衢姻族移聽明儕改矚非臣瑣弱所能陳報蓋倕第四子纘早慧十歲通經為童子奉車即而卒也為張侍中謝啓曰陳力就列不能者止實欲強飯據鞍自窮心力濡足摩頂少報洪私徒課虛無空延鐘箭不悟爰降曲慈復叨清顯職司近切任掌總綸魏選異才漢求高德官次恪居鮮非民譽仰瞻內省無一可階而其為吏部郎也與僕射徐勉薦武康沈士嵩峻書曰五經博士庾季達須換計公家必欲詳擇其人凡聖賢可講之書必以周官立義則周官一書實為羣經源本此學不傳多歷年世北人孫詳蔣顯亦經聽習而音革楚夏故學徒不至惟助教沈峻特精此書比日時聞講肄郡儒劉齒沈宏沈熊之徒並執經下坐北面受業莫不歎服人無間

言第謂宜卽用此人命其專此一學周而復始使聖人正典廢而更興累世絕業傳於學者蓋峻博通五經尤長三禮歷侍郎兼國子助教勉得書乃奏兼五經博士也

存硯樓集卷三 雜著

五

偶書

韓退之曰高山鉅谷龍虎變化柳子厚曰舟行若窮忽又無際歐陽永叔曰風霜冰雪刻露清秀蘇子瞻曰空濛寂歷烟雨滅沒文章之妙盡於息矣

存硯樓集卷三 雜著

六

文行

王稱東都事畧穆修傳曰初丁謂與修有布衣舊修每輕之謂既顯官而修尚未仕相遇於漢上一揖而去謂衛之真宗嘗問侍臣穆修有文公卿何以不薦謂對曰修行不建文乃已丁公言乃詆諆穆伯長行異哉又曰尹源與其弟洙始從之學古文又傳其春秋學此亦宜補宋史之闕

存魂樓集卷三 雜著

七

評劉晦菴

列朝詩選曰朱升之舉進士年才二十三時顧華玉徐昌穀劉元瑞稱江南三才子升之後出遂與齊名執政多北人忌其名曰此賣平天冠者於是凡號文學士率不得列清銜升之恃才傲忽卒坎壈投荒以老何元朗曰崆峒作朱菱溪志其言是賣平天冠者與詩至李杜亦一酒徒此劉晦菴語也晦菴北人朴直不喜文士故有此語同時惟西涯長於詩文以主張風雅為已任後進有文者如邵二泉錢鶴灘顧東江儲柴墟汪石潭何燕泉輩皆出其門而李何康徐及菱溪輩自立門戶不為其所牢籠諸人在仕路亦偃蹇不達予謂劉晦菴語固失中道而李西涯之不援引李康徐王亦非休休有容之量

存魂樓集卷三 雜著

八

耶穌堂

同人劉氏曰天主堂在宣武門內東城隅大西洋奉耶穌教者利瑪竇萬曆辛巳自歐羅巴國航海九萬里入中國神宗命給廩賜第北邸即左建天主堂製狹長上如覆幔傍綺疏疏繪詭異其國藻也上供耶穌像像也而頰塑貌三十許人左手把渾天圖右又指若方論說次指所說者鬚眉監者如怒揚者如喜耳隆其輪鼻隆其準曰容有矚口容有聲中國畫績事所不逮香燈蓋幃修潔異狀右聖母堂母貌少女手一兒耶穌也衣非縫製自頂被體供具如左按耶穌釋畧曰耶穌譯言救世者尊主徒斯降生後之名也徒斯造天地萬物無始終形際因人始亞當以阿襪言不奉徒斯徒斯降

存禮樓集卷五

雜著

九

世拔諸罪過人漢哀帝二年庚申誕於如德亞國童女瑪利亞身而以耶穌稱居世三十三年般雀比刺多以國法死之死三日生三日昇去死者明人也復生而昇者明天也其教耶穌曰契利斯篤法王曰俾斯玻傳法者曰撒責而鐸德如利瑪竇等是也奉教者曰契利斯當如邱良厚等是也祭徒斯以七日曰米撒於耶穌降生昇天等曰曰大米撒刻有天學實義等書行世其國俗工奇器若簡平儀有天盤有地盤有極線有赤道線黃道圈本名範天圖為測驗根本龍尾車下水可用以上取義龍尾象水之尾尾上升也其物有六曰軸曰墻曰圍曰樞曰輪曰架潑以出水旱以人力資風水力與人牛等沙漏狀鵝卵實沙其中顛倒漏之沙盡則時盡

沙之銖兩準於時也以候時遠鏡狀如尺許竹筍抽而出出五尺許節節玻璃眼光過此則視大小視遠近候鐘應時自擊有節天琴鐵絲絃所按音調如譜是也瑪竇其友龐廸我龍華民輩代主其教教法友而不師師耶穌也中國有學焉者奉其阨格勒西亞七式又曰利瑪竇始到肇慶劉司憲待以賓禮持其貢表達闕庭貢耶穌像萬國圖自鳴鐘鐵絲琴等上啓視嘉歎命馮宗伯琦叩所學惟嚴事天主謹事國法勤事器算耳瑪竇紫髯碧眼面色如朝華既入中國襲衣冠譯語言躬揖拜皆習越庚戌卒詔以陪臣禮葬阜成門外二里嘉興觀之右其坎封下方而上圓方若臺圮圓若斷木後虛堂六角供縱橫十字文後垣不瑠琢而旋紋春紋螭之

存禮樓集卷五

雜著

十

岐其尾肩紋蝶之矯其鬚旁紋象之卷其鼻也垣之四隅石也杵若塔若焉附左而葬者其友鄧玉函玉函善醫言其國劑草木不以質咀而蒸取其露所論治人精微每嘗中國草根測知葉形花色莖實香味將遍嘗而露取之以驗成書未成也卒於崇正三年四月二日蓋西學之本末若此而劉氏又論之曰西賓之學大要近墨爾尊天謂無鬼神也非命無祿祥也稱天主而父傳教者也器械精攻守悉也墨也墨迺近禹今其徒畧以識日日以識務畫分不足夜分取之其惜寸陰之遺與慕前堂二重祀其國之聖賢堂前磨石銘曰美日寸影勿爾空過所見萬品與時併流温陵卓吾李氏嘗贈利西泰律曰驛驛標名姓山山紀水程景陵友夏譚氏過利

西秦墓律曰斫地呼天心自若拔山趨海事非難私將禮樂
攻人短別有聰明用物殘此胥得其聚窳若夫西學始入明
徐光啓李之藻業已篤嗜其書光啓遂用以定曆而迄今循
而不克改者且百有餘年益都薛鳳翔著天末真源一書殆
萃龐龍熊鄧湯南之奧而宣城梅鼎三角算外間亦推精要
則其教未始不傳於中土也予嘗謂明嘉靖以後人士實可
參七國時諸子者惟戚繼光利瑪竇其次則唐順之王鳴鶴
李贄熊廷弼袁崇煥釋幻有又其次則劉宗周高攀龍阮漢
間彭士望而顧憲成馮從吾蔡懋德黃道周輩不與焉何則
學未充且其要用也學未充而名玉寶石吾寧取水晶瑪瑙
也

存稿樓集卷三 雜著

十一

梓潼廟

北夢瑣言梓潼縣張惡子神乃五丁殺蛇之所也或云鶴州
張生所養之蛇因而立祠時人謂之張惡子其神甚靈方輿
勝覽張惡子廟卽梓潼廟在梓潼縣北八里七曲山圖志神
姓張諱亞子其先越雋人也因報母仇遂陷縣邑後居是山
其墓在隆慶府梓潼縣東二十里梓潼七十五化書晉建興
末作儒生稱謝艾爲張軌主簿張重華嗣位石季龍使將麻
秋侵寇命艾以千人擊之秋單騎宵遁繼而往關中與姚萇
爲友狀厭處凡世思歸蜀峯約萇曰苟富貴無相忘後萇以
龍驤將軍使蜀至鳳山訪予予禮待之假以鐵如意祝之曰
麾之可致兵萇疑予予爲之一麾戈盾戎馬萬餘列之平坡
今試兵堪是也後萇以苻堅死卽帝位因號秦焉卽其地祝
之廟先號九曲蓋梓潼來朝九折而去後號七曲迨至隋唐
其靈尤著加封至八字王廟號靈應云李義山張惡子廟截
句下馬捧椒漿迎神白玉堂如何鐵如意獨自與姚萇

存稿樓集卷三 雜著

十一

碧霞元君廟

稗史碧霞元君漢時東嶽齊天仁聖帝前有石琢金童玉女至五代殿北石像仆至唐童泐盡女淪於池至宋真宗封泰山還次御帳滌手池內一石人浮出水面出而滌之玉女也命有司建小祠安奉號為聖帝之女封天仙玉女碧霞元君後祠日加廣香火自鄒魯齊秦以至晉冀而祠在北京者稱泰山頂上天仙聖母麥莊橋北曰西頂草橋曰中頂東直門外曰東頂安定門外曰北頂最盛為左安門東四十里宏仁橋此景物畧中語也予按海寓香火輻輳者晉則五臺晉祠豫則濟源秦則太白蜀則灌口峨嵋楚則武當江南則茅山九華西江則鐵柱上清瀾則落迦靈隱西域則烏思藏受戒

存碑樓集卷三 雜著

三

西寧銀塔甘州先密寺而泰山宋時香稅業至二萬四千緡載於國史當為海寓之冠

護國寺

景物畧曰大隆善護國寺始元至元都人稱崇國寺中殿三傍殿八最後景命殿殿旁佛舍利塔二寺為脫脫丞相故宅千佛殿旁立一老髯幘頭朱衣一嫗鳳冠朱裳脫脫夫婦也僧錄司右為姚少師廣孝影堂廣孝侑享太廟嘉靖九年以中允廖道南請罷侑享移祀大興隆寺俄寺災移此堂一像一主主題推忠報國協謀宣力文臣特進榮祿大夫上柱國榮國公姚廣孝像精峭滿月面目炯炯露頂袈裟趺坐有題偈曰看破芭蕉拄杖子等閒徹骨露風流有時搖動龜毛佛直得虛空笑點頭後署獨菴老人自題獨菴廣孝號也廣孝釋名道衍字斯道蘇州長洲之相城里人葬房山縣東北四十里聖岡塔成祖御製神道碑夫廣孝之主暨影不安於大興隆而訖移於大隆善蓋偕脫脫英犖士靈爽間斷相聚則侑享正無庸罷也

存碑樓集卷三 雜著

西

東嶽廟

景物畧曰東嶽廟在朝陽門外二里元延祐中建帝像魏魏狀有帝王之度其侍從像乃若憂深思遠者相傳元昭文館學士藝元手製也元寶坻人初為黃冠師事青州把道錄得其望土範金搏換像法搏換者漫帛土偶上而髹之已而去其土髹帛儼成像焉始元欲作侍臣像久之未措手適閱秘書圖書見唐魏徵像狀曰得之矣非若此莫稱為相臣遠走廟中為之即日成今禮像者仰瞻周視一一歎異焉元仁宗嘗勅元非有旨不許為人造他神像也殿前有趙孟頫及其弟世延楷書碑又有虞集隸書碑明正統中乃彌拓厥宇焉子歲癸卯四月宿廟中而觀於東嶽天齊仁聖帝暨侍臣像輒慨狀者久之

存視樓集卷三

雜著

五



潭柘寺

潭柘寺為唐華嚴禪師道場東南距都九十里大士殿中瓦磚元妙嚴公主蹟也妙嚴持觀音文禮大士拜痕入磚浸欲穿額手足五體胥印歲久磚壞而足痕存明萬曆壬辰孝定太后匣取入覽後遂匣藏之吳江釋紫栢大師真可繫以贊像四立大士前辨髮戴笠左前世祖像右前弘吉刺后左次真金太子右次妙嚴也妙嚴祝髮於是老於是塔潭柘山下真可贊曰以踵磨磚磚漸易磚易精進猶未止磚穿大地承足底地穿有時人不見我獨了了無所疑因之耿耿生悲泣肆詩禪者多傳之若元至正間賜雪礪酒皇姊致膳此殆不足書也明少師榮國公姚廣孝終於潭柘寺而潭柘望彌尊諺曰未有幽州先有潭柘嗚呼潭柘先幽州建千百禩無益也安得華嚴暨妙嚴再度少師復生哉予復書少師秋遊潭柘山禮塔七言古詩曰早悟人生如寄爾不計流行與坎止只緣山水窟中人此心未肯負山水策蹇看山朝出城葛衣已怯秋風清白雲橫谷微有影黃葉墮澗寒無聲乍登峻嶒寧知倦古寺重經心戀戀潭龍蟄水逾千丈空鳥去天纒一線老禪寂滅何處尋孤塔如鶴棲喬林巖巒障開豁耳目嵐霧翠滴濡衣襟燕山如此越物表下視羣峯一拳小何時乞地息餘年不學鳥窠居木杪以識地勝而人彌勝者不圓恒律刹那胥現天龍像之真諦且為乞地息餘年者導

存視樓集卷三

雜著

六

燈市

漢祀太乙張燈自昏至明僧史謂西域臘月晦日名大神變張燈表佛面漢明帝因之梁簡文有列燈賦陳後主有山燈詩迨唐睿宗景雲二年正月望日胡人婆陀請燃千燈帝御安福門縱觀而上元始張燈矣予宗正月十五前後二夜金吾弛禁開市燃燈永爲式而上元有三夜燈矣至宋乾德五年太祖詔曰朝廷無事年穀屢豐上元可增十七十八兩夜而上元復有六夜燈矣理宗淳祐三年請預放元宵自十三日起巷陌橋道皆編竹張燈而復廣爲六夜燈矣至明太祖初建南都盛爲綵樓招徠天下富商放燈十日而後亦不克常行永樂七年令元宵節賜百官假十日而後亦裁賜假五日

存續樓集卷三

雜著

七

曰若北都燈在東華門東亘二里凡珍異骨董服用物胥集衢三行市四列所謂九市開場也市樓南北相向夕一楹或賃至數百緡市起初八迄十三而盛至十七乃罷蓋循太祖十日燈舊式焉予壬辰冬十二月至都癸巳間往觀市在正陽門外隙地編席以棲燈而它長物錯其間者無有也丙辰秋八月聊書此以志

已公巖

歲癸未登衡山雅嗜已公巖水石幽麗衡山誌載杜子美已公茅屋篇非也黃山谷跋僧齊已益陽胡氏子工詩初學禪于大瀉山高季興據荊州延居龍興寺給月俸賦渚宮莫問十五篇遂作荊州僧正以老益陽大瀉山皆近衡山已公巖當屬齊已後十七年庚子六月十八日書

存續樓集卷三

雜著

六

臨濟

虞山紫柏傳曰予嘗問慈山大師紫柏何如人也師曰悲願利生宏護三寶是名應身大士其見地直截穩密足可遠追臨濟上接大慧狀則以紫柏繼臨濟一燈可乎師曰師固不忝為轉輪真子以前無師派未敢妄推也臨濟一派流布寰區五十年來獅絃絕響正眼未明邪魔亂法妄自尊稱臨濟幾十幾代如紫柏者嗣法不嗣派可也二老既沒法幢日倒魔民師于妄稱臨濟兒孫互相尊奉果如慈老之云予竊取春秋黜僭王之法一筆抹撥庶不負吾海印老人記荊付囑之意亦庸以上報佛恩云爾予按虞山傳慈山紫柏蓮池皆謂參徧融笑巖臨濟一宗至笑巖而隻立幻有親承笑巖宗

存續稟卷三

雜著

十九

後乃大振笑巖幻有暨天童天應雪嶠皆工詩而列朝詩選不錄蓋其識解多蔽所以有秣陵再起讐視東林之訾也元紀青竺遠氏籍閩藏典力掃宗門雖天童亦所不與而竺遠嘗入天台國清寺投雪堂為僧後不耐寂寞冠巾歸則宗門反齒冷矣竺遠詩人洪鍾伯紫氏之父也

雜說

吾邑才非不眾也其講于道與法非不慤也往再因尋途用無就語曰學者如牛毛成者如麟角嗚呼吾直未見麟之有角也業以麟矣獨奈何雜之九牛之毛而曾不得名一角乎孫樵曰孤進患心不苦及其苦知者何人以人之胥不知也而進而不果進且哺柏啜醢焉此所以迄於無就也吳公之於賈誼張說之於房瑄周葵之於陳亮愛其才也曹操之於楊修李林甫之于李邕李定之於蘇軾忌其才也若雅不愛惜又似無所忌之者狀而澹焉漠焉視其貴賤生死如秦人視越人之肥瘠則才之泯沒也亾日矣此與於忌之之甚者也夫曹操李林甫李定勞而斯人佚也噫

存續稟卷三

雜著

二十

李翱答昌黎書曰鄙人無位于朝阨推于時恹恹惶惶奔走耻辱求食不暇自一千年來賢士屈阨未見有如此者尚汲汲孜孜引見賢俊如朝饑求飧如久曠思通如見妖麗而不得狀若使之有位于朝或如兄儕得志於時則天下當無屈人矣又曰士所貴人知者謂名未達則道之家之貧則恤之身之賤則進之故也又曰身當位得志于時慎閉口不可以言知人予嘗喜誦之以當几杖之銘韋弦之傲而豈直代擊鞀而歌焉已邪

天寶二載判入等者六十四人張奭第一御史中丞倚之子也及覆實中裁十一二奭持紙終日筆不下人謂之曳白帝大怒貶倚淮陽太守吏部侍郎苗晉卿安康太守宋遙武當

太守是時李林甫專政帝尚能爾世之為張奭者多矣中丞吏侍竟何如也

崔倭性介潔矜已之清視賦負者若讐及為戶部侍郎判度支田宏正徙鎮以魏兵二千行請度支給歲糧倭固執不與宏正不得已遣還俄而鎮兵亂宏正遇害倭之罪可勝誅哉倭從兄植為宰相不知兵縱朱克融等北還倭吝財資賊皆幸不誅此史臣所深太息也倭不矜已之清或不固執世之自矜清望者多矣而資不適變吾懼其為崔倭也

左枕樓集卷三 雜著

三

書薔薇二則

齋右薔薇一華特穠冶宜賦詩昔宋王元之過商州賦海棠五言長律其詞繁匝鬱愴殊有苑卉禁樹之思予二十載前間熟茲律後時時誦之戊申游宣之麻城宿齋中且匝月華旒輒憶元之海棠律爰書花中第一仙句以代賦詩元之詩尤高匪直甲於揚錢劉李其視西崑後梅蘇諸公亦較綽綽有餘地文獨次大年而選格踰之蓋宋初工文士首王楊元之又節高天下而不能不為商州之行也三月晦書有情芍藥含春淚無力薔薇臥晚枝拈出退之山石句始知渠是女郎詩予謂賦薔薇雅宜尊少游句若不審品質妍媸輒書芭蕉葉大梔子肥此之謂揚惡隱善物有嫩而韜削以蔽之物有瑕而鏡挾以暴之其失也抑匪直梁簡文所謂遲遲春日翻學歸藏湛湛江水有同大傳者矣又書

左枕樓集卷三 雜著

三

宋頌并序

士大夫官於他境而當豐熙之日往往有以自樂令嶺海徼外士庶夷獠環觀而嗟歎之蓋其風抑已非古矣朕亦以見承平之盛事有不可廢者此士大夫所以自樂其身而下不為屬民上不為屬國也予讀宋人雜記以越資政之介特而其帥蜀也當熙寧時公使錢既削遂有巨人露臂之歎朕後知宋之君所以禮其臣者既久而一時士大夫習於夸侈嬉遊之習雖士之號為介特有不能不思其盛者而益以見承平之樂非漢唐之所及也夫南渡以後軍府搶攘幾非其國矣朕三舍之士益以激發而籍於朝者退而奉祠俸曾不議奪雖以晦庵之高而不能無俟於雲臺仙局之祿也此豈惟承平之盛不可及哉蓋流風餘韻歷數百年至於悲颯悽悴無能自振之時而所以禮其臣與士終以不漸滅猶能令後之觀其遺事者躍朕於千載之下而歎歎而不自止嗚呼是可頌也已閒居作宋頌以寫其鬱發之思辭曰國所與立惟大夫士聖亦有訓維敬維體自羸失道肇敷天叙君其龍乎抑臣似鼠猗與腥聞千祀有諸矧黠再變調之如狙載馳載驅以政以敵每懷趙宋我心則撫遼澗之儀不在此與臣也樂只士也燕胥周祿惟倍膝祿維世其勢同軌其道一致我作此頌以敦永禩

存視樓集卷三 雜著

五

書白貴遺事

白貴字楚珍族望天下多顯者而桂陽尤眾桂陽與殿中秘書國子並置監國子多貴族得無廢殿中併省秘書人多厭苦之皆廢久之桂陽監亦廢改下州隸縣曰古便言古置監時人饒益而便利之也用此稱貴者必須曰桂陽監白貴云貴居桂陽伏山之間不以膏自侈曉曉歸咄咄又好神仙黃白之術交趾太守光曰是勝我類河南富氏版名戶曾旋薦通進知臺事貴皆不應饒膽水生聞之思設奇以釣貴因造焉辭曰竊聞吾子之光耀敢獻不敏蓋唐虞禪讓善華既竭蹇裳去之昔黃氏祭天賜姓天下趨焉魏晉以降善華耗滅而子之族復代黃氏而興甚盛朕自天水南渡金源乾涸歷今六百年銷燼磨滅滋眾若子不出吾懼善華之再竭也貴曰有是哉居吾明告子蓋至治之世天不愛道地不愛寶國有道亾患竭矣昔貴之別族曰珩者有聲於晉先大夫王孫圉曰楚國無以為寶善以為寶曾參書之於傳為萬世訓貴不才願附先大夫之義以無貽楚國羞吾子置之膽水生曰子國寶也懷寶迷邦無厘言道且子一出利百倍可卜也貴曰昔唐宋盛時貴之族利盡四海而世寡爭者才博而俗厚也南渡以後用日急產日少明之中葉有繼殿中設監者實奉命以來搜山剔穴唯恐貴不出則責吾族以代獻當是時桂陽便室廬墳墓胥無敢保者徒以貴故也語有之福羽禍山貴之族既北而爭者禍滋烈殿監不遠貴今日夜灼心懼以

存視樓集卷三 雜著

五

不才重戚鄉里尚奚利生曰吾族著於元明曰鉉者九顯後
吾家膽水浸淫號膽水氏夫利何常之有且子族有同吾氏
者可用也子姑出請以吾族代置貴曰子務苟同又欲移吾
族非所望也傳曰非我族類其心必異又曰心之不同如其
面焉吾豈敢謂子面如吾面乎膽水生起立曰朕則子卒不
出邪今世乏才惜哉貴曰子奚惜富氏商氏夫商氏之先缺
者刻深人也後有字宏載者名九顯貴出是商氏爭斬弘載
也貴族姓陷其家者業難自拔若又念鄉里之禍出就俘馘
金玉也而直不越糞土子勉之貴敢告不能膽水生變色而
去貴卒不出野史氏曰白氏楚故族也春秋時曰勝曰善者
皆有聞後起為秦將坑長平卒四十萬至今以為大戚而不
知白氏之工於坑人者皆起類也獨貴隱山穴廉潔退讓有
足多者昔揚雄著太子而嘲者曰尚白子悲貴本白而世反
墨之也故載其軼事無令概誦讓焉

存魂樓集卷三 雜著

三五

虞祭 朱氏譜

親條離於一日禮尤急於三虞廟主未升重主已掩立虞主
而木用桑太祝肅焉安虞主而牲用豕有司視焉恒期必逮
日中變制非淹經宿剛曰柔日成周典也問曰後日盛唐禮
也素几瓦甒通于凶儀洗爵酌醴協於吉祀初獻亞獻終獻
饋享之節也裕事虞事成事祝嘏之辭也邇自高唐生以環
迄夫王仲邱而後宋臣家祭之式宋儒家禮之書以暨天監
增刪開元沿革大概主設於匱而啓之無虛日主復於寢而
藏之至洩期或徐行耐廟祭不行耐告祭而初不聞議廢虞
或徑行小祥祭不行卒哭祭而并不聞議減虞奠典雖遙宏
綱終舉朕而質文義異今古勢殊劉岳段顯客班慶氏張昭
寶儼復作叔孫朔望不及於薦新寒食普同於野祭履越杭
而營新宅競志攢敢過汙洛而徵故家本無寢廟徽國千秋
正學已煩菱舍之調停道園百代雄詞遂有墓亭之紀述豈
不重夫五祭蓋難萃諸一旬而况松栢成陰菽蒿改質茅蕘
大去石麟杳杳而奚從柳絮不歸金虎茫茫而莫問與其濶
絕於廣門羨道無寧加意於明器包牲今欲習俗可通古禮
無失以葬曰奠靈之祭為初虞以三日煖墓之祭為再虞以
匝月省墓之祭為三虞倘或哀雖有餘力殊不瞻焚指可以
代容衛設若可以代遣車要使一日罔離三虞無廢庶幾齊
齊勿勿雖未觀諸殯宮充充瞿瞿尚獲遇諸神道橋公墓畔
過者特感於隻雞董相陵邊行者永傳於下馬聿參前代式

存魂樓集卷三 雜著

三五

飲酒

飲酒以合歡。而今之飲者。凡睢盱側媚。笑梯滑稽之態。無不於是乎發之。狀則機械之變。莫飲酒若哉。匪飲酒時。眾弗聚也。又飲酒時。差久政。又近於世之習公事者。而睢盱側媚。笑梯滑稽者之發之也。尤易工。今且有豪富於此。則雖其素不相知之人。而輒翁翁狀以熱狀。則未同而言者之速於售復無出飲酒右哉。飲酒之禍。莫大乎疆醕人。漢郭解姊子與人飲。非其任。疆必灌之。人殺解姊子。解曰。公殺之固當。吾兒不直。此雖游俠。要譽違親之言。而抑可使灌非其任者。少為寒心也。或曰。勢劫理論。束縛而馳驟之。則雖非其任者。可疆必使醕。解姊子不工於馳驟之術。而厘以勢劫。此為拙於用勢者哉。子性不能飲。有飲子者。卒不飲。問對人飲。歸太息書此以識。

逸游

夫子弟逸游而甚至亾行檢。此特係其身之不比人數者。若謂侵敗風化。則風化廢久矣。故無埃此曹子出而後侵敗之也。就其等輩浮湛擲金錢不甚愴。若猶愈於世之孽孽為利者。而君子之深絕之也。蓋從末減乎。

曰苟如是。末減可也。朕而世趨此者。豈復自知不比人數哉。固以為薄海內外之所同嗜。策高足據要津之術所斷無能易而舍此。則雖槁項黃馘。末由自達。是以忘其身之辱且賤而為之也。今有指斥者曰。侵敗風化。而彼固笑而不受。豈惟不受而已。夫固以為吾所趨直風化之宗。人道應爾。而舍此則

存續樓集卷三 雜著

无

膏肓沉沒。雖盧扁無復能起也。不朕。豈其世事九通曉。而聞利若害至甘此甚辱且賤之名也哉。且所惡孽孽為利者。為其惟利之趨。不至病人不止也。朕而曾不聞以君子之惡之也。少為哀止。夫豈惟不哀止而已。曾見扼腕太息而無及君子之刺謬乎。雖天下之絕無與此者。間聞之亦必以為刺謬亾疑也。朕則孽孽為利。計故未左也。彼今之逸游亾行檢者。何以異此。曾見有自喜通曉而無斬病人者乎。就其等輩浮湛擲貨不愴。若天下易與者無復過剖分食之固當。而曾不旋踵。則雖其日夕語笑如韓子所謂肺肝相示者。又無埃臨小利害便戲下石極狙黠不啻豈少也哉。且吾非直斬戲也。夫所惡病人者。惟安忍為甚。今也以下石戲。而一旦且盡發

而正用之。朕則曩之浮沉擲貨者。適以為餌也。曾見虎狼噬蟻之伏而無意吞噬者乎。蓋昔明之嚴魏及阮懷寧等。比其得志也。舉善類空之。朕後已。而考其始。直飲酒亾賴游戲多巧思耳。世徒見明之亡於盜。而不知逸游亾行檢者安忍而樹之渠魁也。夫天下事勢即萬萬無慮此。朕而此曹子沾沾自喜。視明季尤甚。豈遠愚而闇於計哉。而不審其流毒。則何怪乎持末減議者之多也。

存續樓集卷三 雜著

无

无

屠販

予閒居無用。嘗思天下之事有絕相反者。就耳目間。嗜記不可勝舉。韓文公曰。物不得其平則鳴。雖瓦礫棄之。抑亦可以出候蟲之鳴。而擬於資施。芻蕘莫邪。鈔刀之義也。其畧如左。

屠販坐闌。闌指麾叱咤。而田農持斗米入市。不過易斤肉歸。少出聲則棄若涕唾。終已不顧。此食物貴賤之反也。邑里凋敝。鈔能名一錢。而屠販無行。衣食率侈於故。女子表裏服慮。無不纓肆。直尤高者。此貧無所芬華之反也。吏皂屠販為閒游。日以諧泆。不問歲旱潦熟。而農若士雖勞動終其身。又無值凶歲。率不免饑而死。此勤生之反也。少一業儒。輒仰無以

存視樓裏卷三 雜著

三

事俯無以畜。雖作一展轉支吾。不啻沉鐵網舉珊瑚之難。且久而豪於貲者。造請馳騫。財爭赴之。倍徙什伯千萬。無停滅時。此古今賢詰達觀于貧富之乘除者之尤反也。飲酒過從。若鬪最下品戲。雖擲數百金不甚恟。而義不可已。雖窶人子無斬捐橐者。問乞一錢。輒可以易死命。甚且鼓眾造蜚語。持之。此豪於貲者臨財之反也。是故郡邑有大議。斬以金錢。行率不敢責之。此曹子而唯士之索。嗚呼。鄭重於九牛之亡一毛。而疾視於千鈞之繫一綫。此主者歛財物之反也。士大夫著籍非用貲。聞若久宦郡邑。率饑欲死。此明定陵後紳士持權之反。而矯枉過其正也。屠販豪於貲者。遇郡邑大事。列坐堂除。倡嵬瑣朋。庶諸表說。甚且指瑕索瘢。不厭。而上大夫直

噫。咽而莫之敢與。蓋昔外戚藩鎮宦官橫于朝。外及會城。雄郡止。而其人又非平昔輩行者比。今乃遣此曹子錯擗四出。遽執外戚藩鎮宦官之權。以索親若故。若雅所嚴憚者。氣而關之口。此時勢之流之尤反于古也。儲子曰。異哉。夫度誠設而不可欺。以長短。權誠設而不可欺。以低昂。孟子有言。物皆狀心為甚。今之能為權術者多矣。狀如予指數者。壹何其昂之甚也。是故士大夫重足畏禍。又以饑故寸步不能致。率暱此曹子而柔下之。此驕諂之反。昔之奔走此曹門以苟且衣食者。嗚呼。今直喘絕汗浹。曾不得辱一飽也。此又古今諧賤者所遇之尤反。而剗圓全樸之機。意在是哉。

存視樓裏卷三 雜著

三

洗發達辭

予邑閭里俗臘月二十六日長幼胥浴曰洗福祿十七日復浴曰洗發達二十八日復浴曰洗嗽啣癸丑冬予有疾洎洗福祿期命家人具浴越一日復命浴訖問曰昨日而曹洗發達乎則移時漫應曰忘之矣此以見予之與稠衆無營與革行無競而頽廢庸至此也迺作洗發達辭補之曰
曰發曰達釋詰孔繁予不暇具書也誦七發倣八達羸疾者尚克晏如也夫庸以少補盤匱鏡辭之餘乎二三子前曰語有之其義足以發其詞足以達夫洗濯厥德俾新者罔不日耀俾故者罔不日除此君子所以視躬潔體振裳衣而鳴璜琚也

存視樓集卷三

雜著

三

燔野猪頭辭

予邑閭里俗臘月二十四日祀竈粉堅實穀米擇慧巧女鑊作豕首形熟之肅餉尊者貴者能者曰野猪頭蓋取其意而厚獲貲也噫非其意是非其義也天下有非其意而可獲貲者乎矧貲且厚哉迺燔之以備醫藥且辭告曰
餌爾是為美疾燔爾是為藥石不美疾爾而藥石爾則予之遇野猪頭也不薄矣爾無憾焚如也復答餉辭曰
美種維穀良藥維穀憫農實勤爰頌嘉穀

存視樓集卷三

雜著

三

紀夢 八比體

紀夢亦紀遊也。夫夜夢乃奇夢也。夢遊實壯遊也。故為學者微引之。曰天其覆乎。地其載乎。日月其運於東西乎。人生其旋於上下乎。此吾今日夜中之夢。噩夢也。而不啻吉夢也。今夜夢中之遊。倦遊也。而不啻天遊也。夫以一杯水載一杪木。以一葉帆轉萬斛舟。鉅細不妨互審。臧舟於怒。誰能負之。陳車於穴。誰能阻之。通塞實可參觀。是故膠河萊河。皆禁河也。夫固四瀆九川之一支一滙也。膠軍萊軍。皆禁軍也。夫固六師三帥之一伍一曲也。由是所循河而列者。由是所畫河而紀者。顯其六以常體。隱其二以支常用。二非能該六。狀安見二之不為一。又安見六之不為一乎。吾於此得二體焉。吾

存視樓二集卷三 雜著

三

於此并得一體焉。而奚至憐狀曰三猶不足。行其半以為真境。亡其半以為幻境。半非可語全。狀安見半之不為全。又安見妄之不為真乎。吾於此得半體焉。吾於此并得真體焉。而不覺憐狀曰半固有餘。勺水卷石。夜之所茫。狀而遊。即畫之所瞭。狀而遊也。何也。達觀則化機本鉤也。雖營蟻聚。夜所為夢寐之虛。即畫所為紛擾之日也。何也。慧解則天機自貫也。故曰善學者必乘其隙。工文者必披其虛。

是漆園妙筆却不同漆園見解。遠乎此者。可以入道矣。

存視樓二集卷之二十三



存視樓二集卷之二十四

宜興儲大文六雅著 門人

家傳

成軒公傳

與惟有媯之裔。啓國青兗而介弟爰疏采邑。實肇儲氏其相。齊國者趙岐註書齊人孟廟志復書亞聖弟子後迄漢居攝之豐。而以五百人拒大庾嶺者。時則有若富人老光武時使并州。令馮衍歸附。克以節著者。時則有若諫議大夫秦伯嗣。是儲氏遂望于河東。又寢百年載東觀漢紀者。時則有若騎都尉融。後迄唐而復望于魯國。其嘗遊武且載李翰林集者。

存視樓二集卷二十四 家傳

時則有若詩人豈太白詩詩傳謝朓清大曆八年開慶德湖水利。載曾文定公集者。時則有若鄆縣令僊舟嗣。是儲氏又南望于泉。大中十三年第進士。載唐登科記。暨八百家唐詩集者。時則有若詩人嗣宗寄秣陵知友詩云廬江城外柳堪攀而開元十有四年第進士。又第制舉。實惟御史公諱光義。嗣是儲氏繇魯國徙者。尤望于潤州之莊城。故顧華陽撰公集序謂嗣息曰。浴鳳毛駿骨而林寶元和姓纂又謂御史公生諱石石生諱燕客。燕客生諱調宗。使下校書。調宗生諱隱。檢校郎中寶書。凡十卷。偕唐玉牒百一十卷。胥藏史館。開成二年寶而五編皇唐玉牒而五世聯書于官本莊城之望。且克班崔盧蕭杜矣。至宋而多藏。弄古書墨迹。載李方叔姑溪題跋者。時則有若詩人子椿。姑溪

在今太平子橋 第崇寧五年特奏名進士載閩志者時則有

若泉望敦叙而杓暨用亦第淳熙閱暨國瑞亦胥有聞于時

偕徽國朱文公講肆載大全集者時則有若崇安宰柯力爭

邊徽薦禁真文忠公亟書清源儲公之克保民者時則有若

襄陽府帥行之著華谷祛疑說工樂府載宋元叢書暨周草

窗絕妙好詞選者時則有若上海高士泳今上海周浦有大

而當紹興時郎中公八世孫千十五公諱晏偕諸昆季千一

公千七公千十三公千十四公徙邑西北七十里臧林公卜

居村南巷頭嗣是儲氏復望于常州之宜興又七世而至昂

霄公諱原遠元季為漢征西司馬英武大元帥力摧萬眾黃

蓬之業遂大振其威名埒二張明初翦除茲將廼日哦詩而

存視樓集卷二十四 家傳

二

託仲子于豐義蔣氏至正辛亥進士傑即成軒公也公諱洪

字伯度行成四少嗜經籍惟德施是務蔣翁宋知樞密院魏

公之音後見公深器之妻以其女公後補博士弟子比昂霄

公卒廼定居焉會蔣氏緒寢微而公世系曰闕衍焉奕遂為

豐義始遷祖公卒永樂壬辰距生元至正甲午年七十有一

配蔣孺人年七十有五合葬馬家橋蓋公嘗遇道人謂此吉

壤宜子孫且指杖法孺人訖克如道人指云公生四子析首

分二分三分四分祖又三世而至隱莊公亦四子析東四分

西四分老三房老十房祖而東分祖素庵公西分祖質齋公

質齋公孫景仁公生伯子副憲公雋萬曆己丑進士仕至重

慶兵備道仲子廉使公雋萬曆丙辰進士仕至關南廉使嗣

是莊城儲氏復望于宜興之豐義蓋綜明歷代繇莊城徙丹

陽著講經筵修宣廟實錄督閩餉勞載獻徵錄者時則有若

南大司徒懋繇臧林寶門徙泰州中成化癸卯南畿試第一

又中甲辰禮部試第一清望文望載吾學編史料諸書者時

則有若南少宰贈大宗伯諡文懿公礪而猶子僉事洵從曾

孫知龍游縣堪胥成進士有聞于時繇宜興徙無錫忠義彪

炳載遜國紀諸書者時則有若隸燕山衛福宅若籍雲南洪

武中嘗賜特赦者時則有若金齒都指揮使傑籍銅鼓衛書

宜興人而載楚志者時則有若廣西左布政使顯載晉志名

宦者時則有若知吉州州俊巡按山西載晉志暨呂文簡公

集者時則有若御史良材襄陽人籍潁州著江西華林勦寇勞

存視樓集卷二十四 家傳

三

載明史諸藁者時則有若兵備僉事珊籍吳江顧端文公嘗

稱為文之狷者時則有若兵部員外郎純臣而當塗青陽太

平華亭丹徒武進亦時書名于榜若邑里諸支系暨載近世

萬姓統譜分省人物考諸編者不具書要之迄豐義標望而

臨沂王氏之烏衣班第一祁縣王氏之軒冕冠海內東武城

崔氏之祖神庶徵士南蘭陵蕭氏之祖左僕射開喜裴氏之

居洗馬川華陰楊氏之居靖恭坊廼實在瀟湖張河間而彬

彬文學且克班冠蓋里而軼上之矣今按宗譜凡舉人十有

二人進士十有三人中江南試第一又魁禮部試者一人中

禮部試第一者一人魁府丞承宣使試者五人入翰林四人

直南書房一人監察御史一人郎中三人員外郎一人主事

一人提刑按察司廉使一人承宣布政司參議二人知府知州胥一人知縣事六人郡教授二人州學正一人判州事一人主縣簿序臚句班司京縣諭司諭胥一人司訓四人地封奉直大夫文林郎胥一人封編修一人地封承德郎一人地封二人恩賜八品頂帶二人雋副車雋選士暨恩薦成均者胥一人歲薦成均四人籍郡縣學者百人有奇食餼者二十有七人籍六館者三十人有奇鄉飲賓二人婦膺誥封者十二人地封者六人女誥封一品夫人者一人班命婦者八人而書于圖錄至千人有奇其姪行峻節垂竹素而紀悼史又克焜燿奕葉以彌擴齊魯河東莊城臧林之望用俾有媿世澤錫羨流光永嗣厥服者實由公始大文謹贊曰維

存魂樓三集卷二十四家傳

四

雍正歲次甲寅宗之耆長胥命小子纂譜爰考古百家譜百官譜衣冠譜又考李利涉古命氏三卷賈執姓氏英賢譜百卷而謹撰公傳俾我宗系胥克念祖德焉

凡譜牒多不可信以其杜撰且誇張失實也小子不敏凡非載古書者不敢強入庶免誣祖之譏至若齊王夫人憲州刺史賜進士第統制雖載五代史宋史亦不敢入一以別真贋一以別清濁也

昔歸震川先生嘗見王氏譜而知其贋以宋莘縣王氏失考決之也千百襍而下有展吾族譜者無復為震川先生所笑則幸矣

副憲公傳贊

大文謹贊曰右在陸先生先大夫傳畧禁詳矣大文按公涖鄱陽循聲丕著三載為萬曆壬辰獲地封又三載甲午行取淮芝永豐諸藩胥賦詩贈之臨川大司寇繼峰舒公化誤玉墀奏最序曰鞠凋疲廸蓬管整廢蹶剔奸躅又曰頻歲告禱慙塵颺起迺悉甦瘳瘠捷應祈諸而淮王左長史松崖謝公教復繼序曰下車歲大葭時勢難為倍徒疇昔令君盤錯紛絲百不一爽歲早露禱扶病駿奔甘澍崇注輒復散錢穀以恤饑殍施方藥以蘇疫癘老稚流丐賴以全活者滋眾又曰摘發隱伏獄獄得情環邑氓胥戴父母頌神君又曰程庠序建積倉表忠節而又引言之曰予偕君講學于忠臣祠此公

存魂樓三集卷二十四家傳

五

鄱陽政畧宜借傳參覈者也又按松崖公序曰令君才敏練事至輒迎刀解吏抱牘受成事咋舌不敢吐一語而浦城縣志紀官績亦曰晨興坐堂上吏抱牘視不敢出一語片言剖斷姦猾戢心又曰學校多興作亦埒松崖公程庠序指江閩隔越數千里而油鉛竹素大指胥同此尤克徵實錄也縣志傳廉慎曰家食數十年足不入公庭敦睦里族人無間言此亦雅得其概畧并錄之抑大文聞諸虞庠少白叙曰公再宦貲產日減奉直公嘗入庫驚曰吾曩綜家計油率貯二三千石鉅缸且贏百今何甕之寡也又聞諸公甥寶臣史公曰公晚易金帶出謁客作十日宴所以謹佩君恩也抑公刊擊壤集嘗撰序曰今將遂初返服卜居金陵冀得林塘水竹一區

及素友如朱山人者三四輩相與往還今緣武定橋東吾家有油坊巷古宅文林公在陸先生井陘公清源公暨諸子姓承宣試多肄業其地倘卽公所謂安樂窩成者耶惜水竹無可復問且并逸朱山人名號也雖然序成于萬曆甲寅當水火交訖時而公廼書擊壤家言逍遙芒忽之辭又錯還爲躍冶景蔗諸說夫實以身喻國事也嗚呼恢恢之才確確之操超超之識翬翬之忱如公可謂兼之矣

孔規公傳贊

大文謹贊曰右在陸先生伯父傳公生明萬曆壬午是歲恭藩公雋于鄉比長繇邑校籍六館嗜賦詩虞庠翼子公嘗壽公八十曰傳經九十尋常事笑入新詩入錦囊詩註翁善詩而又曰座傾稽阮家集機雲蓋紀其實也公撫琴動操雅克令衆山胥響詩所謂名山遙應寶琴旁而詩註翁生平有少文之樂者是也公性尤嗜山水嘗營大礪園華亭董文敏公偕恭藩公同年來子邑率主園中園懸匾胥文敏書嘗品海寓華望曰風流公子惟陽羨儲孔規足以當之公撒珠巷宅營倚雲樓挹靄樓匾亦文敏書又建雲標閣貯樂部而倚雲高九十尺景尤勝雲韓史公嘗語大文曰此邑絕境惜子不逮見也公嘗書樓聯曰溪頭雲影催詩雨屋角晴巒補畫山大文問書聯南街宅樓而海內士愛公句之穎拔輒名畫山樓宣城沈徵君孫至繪畫山樓圖來贈并 以附公軼事焉

在陸先生傳

自孟荀董楊為斯文道法之宗至唐開元天寶後蕭李獨孤
梁氏作而識復正至貞元而體彌闊遠終唐世多克武之宋
繇穆柳逮晁陳其體胥演於貞元至乾淳間而君舉伯恭正
則同甫氏號古文中決科體元逮初明亦多作者又百餘年
至嘉靖而遵巖浚谷荆川鹿門震川氏胥用古文詞鳴唐茅
歸三公又號經義大家後復寢百年千子大樽二者差具體
而微它如朝宗勺庭工古文詞而科舉文鈔所傳述青峒子
駿文止大士蘊生暨代興諸誌彥經義多奧衍造極而鈔湛
深於古藝之至者不兩能其信然乎其信然乎若叔祖在陸
先生所謂兩能其藝之至而法胥與道合以克監海寓碩望

存觀樓集卷二十四 家傳

八

者與先生諱欣字同人嘗闢在陸草堂學者號在陸先生泰
籛公孫上舍醇菴公叔子也少有巨人相性篤學其嗜經籍
也若食之宜粟菽衣之宜布帛嚅嚅之提挈之而曾不知其
少倦也今按先生傳茂才君宜公曰順治丙戌至己丑怙恃
降割子與弟相依為命晝支撐內外侮夜理鐙雜誦寒甚則
擁衾背坐互覆所讀書未逮半而鄰雞胥鳴不解衣寢矣夢
寐中輒放聲長號又序礎芹周先生藁曰子年未二十偕舍
弟君宜羣從井陘清源萃友八人里中稱曰八俊既而廣之
為十二人約曰非聖賢之書勿視非其行勿繇不幸有過必
面責改然後止又約曰文之課月有三合而課者一為書之
藝七離而課者二書之藝五論表判策暨詩賦古文詞諸體

胥一後如約行之寒煖不少輟者凡七八年蓋先生真虞庠

翼子公文林公訓指嘗約礎芹天綬二周先生培生葉先生
仲文吳先生暨茂才公井陘公清源公為八士課又益以子
廷許先生亞卿亮生二周先生叔遠徐先生切劇經義繇是
子邑文獨闕沉雄闊遠體視明季尤盛其後遂衣被天下唐
書所謂殘膏剩馥沾丐後人者迄今窮海絕徼猶胥爾而紀
其源則寶繇先生之勤學慎交始也先生嘗札山陽明揚楊
氏曰某少好古書年二十凡先秦兩漢司馬氏班氏暨唐宋
諸大家之書雖不盡精曉然亦多成誦為文深入敢戰雖不
盡軌於正然有時言人所不能言此先生自道之詞而其實
則雖借古作者并轡而馳突以越此是故先生經義繇深入

存觀樓集卷二十四 家傳

九

敢戰之幹力以馴至奧衍造極之詣其美未易悉而尤符古
語者曰文章爾雅訓辭深厚曰氣盛則言之短長聲之高下
皆宜曰含英咀華曰窈渺密栗而彙而揚摧之曰若人之為
言固當如是至其苴蕪斥俚盡放黜莊列首楞嚴體諸子剽
駁體萬曆乙未後體雲間儷藻體金沙肥腴體并挾西江流
變溢盤體茂苑象偶體雖南宋決科參停今古嘉靖倣宋大
家而無以解免驚緩之營者猶將扶其窳奧而摧論之而先
生自運則鑄唐宋以探秦漢之精採天崇以化正嘉之貌才
高而繩削彌謹齒宿而詞意彌新實克於荆川震川孟旋子
駿大士後斷然自為經義大家而楷樞後學功尤鉅也先生
少治古文詞後交達州李念齋先生愛其文不蹈襲雪苑金

精派而詞指特鑠削因時借上下議論故所造尤深後清源公遊嘉善交慈谿姜西溟先生推論古文書在陸草堂記後曰自宋南渡此道浸絕今君家得兩人焉先生亦雅喜海內之有同解也陽曲傅公他富平李天生西曾庭聞三先生嘗時面清源公歎先生文了無頽爾氣而吳江葉星期先生亦懼訪草堂咨歎曰君文邁淨乃爾耶先生自喜古文詞推論甚悉嘗曰繇秦漢入則句不冗又曰古文極盛為西漢為晚唐晚唐實與西漢埒經緯集其巨擘也又曰宋大家老泉第一曰李泰伯力殊勝而雅有明一代則曰遵巖較勝至此日則獨高朝宗氏又曰筆必能飛始可語古文能走業不逮若盤跚勃窣斯下矣此所謂鑠入幹理之識也先生年二十有

存視樓集卷二十四 家傳

十

一學政李公大收常鎮士半日而七藝成補博士弟子望凌起而內外侮亦寢息尋食餼試輒弁其曹康熙庚午先生年六十安邑學士王公主試獲卷歎曰真古文真古文書名第四揭榜環觀者如牆胥歎得人幸未禮部試不入貴要門有來招者訖不往唯一謁西溟先生勝未揭輒歸繇是較計借役者終其身先生望焯著而摧科舉文利弊尤懇且悉札明揚氏曰未得手而厭生已改塗而復憶又曰三年之文若出數手一年之作亦分數體三折肱知為良醫精文律者以為名言而指授生徒筆硃圓整其祇承有司之尺度尤密先生傳翼子公曰說經書未嘗布席遶室周行或持杯酒且飲且說說一章豁全部而先生指授亦多繇杯酒間發之間稽遺

存視樓集卷二十四 家傳

十一

述錯引新說侍坐者倏天機呈豁灑然易容殆雅類蘇端明詩所謂無數心花發桃李者而它師窮年兀兀席或斷生徒一義之開明而不可得此殆繇神解未易以壽陵餘子而彊學之也蓋自康熙丁巳寧德兄雋戌午諭德楊公戶部吳公雋而楊公已未復聯雋辛酉臨川兄雋壬戌復聯雋甲子偏撫潘公雋江南第一戊辰復雋庚午先生中雋繇是時館於楊癸西南安公雋丙子侍御借先生甥兩吳君雋已卯慶雲蔣君南宮潘君曹司郁君借雋壬午曹司蔣君雋於北子廷先生嗣編修汪君杏聯君借雋於南癸未侍御君復借汪君雋乙酉孝廉蔣君雋於北丙戌郁君雋而是年先生遂夢兩楹矣戊子編修弟雋於北滁州兄借固始汪君雋於南己丑編修弟復借汪君聯雋辛巳汜雲弟借郡教蔣君雋於北雲南弟借侍御朱君雋於南癸巳戶部弟又陸姪雋甲午大文幸雋於北孝廉叔借徽州弟雋於南丁酉先生孫曰虞弟雋辛丑大文借徽州汜雲二弟雋洎雍正癸卯戶部弟借朱君蔣君復雋焉而它如上舍陳君名播京洛礎芹先生嗣茂才省齋君司諭吳君虞庠霖蒼應余二吳君少白公孟為公胥號江左宿儒以暨籍於校版於南曹若私淑艾而書名於榜者至不可殫記也然則先生經義雖原本古作者而未嘗不兼綜南宋決科之體也先生有史才嘗謾盧大司馬金翰林陳檢討傳暨臧林豐義家傳得司馬班氏法它文於韓柳氏尤深嘗傲非國語著曲臺疑八十篇有奇後為人持去裁存

與齡捷伯禽二辯序記銘說極佳者并多放失今茂才叔暨
曰虞弟先刊在陸草堂集六卷唐宋十家選類選亦附刊焉
嗚呼此所謂兩能其藝之至經義業雅武震川而古文詞法
又克越宋以武唐之開元貞元者也先生雅不事標榜而躬
行殊慙君宜公早卒慟寢絕誨二孤胥成立長卽孟爲公也
俞孺人兄文若先生號高才生以妻卒泣然曰於我殯復分
田宅贍窮娶再植厥嗣焉先生性甚和而不可非義干癸酉
館於離商或屬以黃絲毅然曰吾雅不識黃緣事拂衣歸先
生里居力蘄發潛德邑前輩安隱鄧氏質行王氏韋人蔣氏
王谷任氏燕侯楊氏胥文以表之交友尤澹而篤曩會業十
有二人晚強半凋落惟許葉二先生時時過從談笑有味嘗

存硯樓集卷二十四 家傳

五

語茂才叔曰吾交滿天下歲寒松柏而公耳小子識之先生
交海寓士久列壇坫右雖援寡多抵巇而克沉潛卷帙者恒
翼佐之卽侈張者婉導之或諷以闢精舍講輒愀然曰某得
爲真讀書人幸矣其硯執不少浮湛若此然則誦先生之文
可以推道矣故曰法與道胥合也先生卒康熙丙戌距生前
辛未年七十有六壬辰學政銅仁張公檄邑崇祀鄉賢祠子
茂才公偕孫曾孫胥克世其學大文謹贊曰當在陸草堂之
始成也徙居夕先生夢桃李葩盈園鉅者采彌綸文英俞先
生釋曰此公門桃李徵也今後學多傳之雖然心花與指義
發端明厥祥孔昭詎堦占夢夫繇安亭泊在陸且百三十年
有奇而古今文之道法始再合蓋天有以相之矣嗚呼豈偶

然哉豈偶然哉

存硯樓集卷二十四 家傳

五

井陘公傳

井陘公名善慶字長能文林公仲子公賦天殊稟穎磨邁絕
在陸先生嘗誤小傳曰離提抱輒嘿嘿呆坐召之食則食食
已復呆坐文林兄甚憂之比就塾塾師曰它生多馴獨此子
雖治不易馭兄問大喜憂頓釋曰吾知其不為木偶矣既而
日讀書十倍它生年十一援筆十藝補郡博士弟子又曰為
文水湍火燎疏之撲之遇漸平坦成童作八賦詞甚麗既而
焚之又序周礎芹先生藁曰十二子之課業也時豪於文者
為周兄天綏將鬚父手揮翰風飛狂者為長能睥目高吟聲
出如虎時公年二十有奇矣此豈疏之撲之候耶寶臣史公
嘗語大文曰井陘少作制義書成而同舍生胥不識羣譟之

存視樓集卷二十四 家傳

古

既而檢古書胥附如天書茂地書墜是也族黨迺驚異其才
而先君清源公嘗示誡曰吾與汝伯讀書夜率至四鼓足冷
如鐵夫以公絕異之資而勤學若此則信乎疏濼撲燎之精
詣尤艱以微而其偕與謙仲常熙甫大士較工拙於毫釐秒
忽間者思韜力驚神光騰躍此固雕龍之所不能揚摧而龍
筋鳳髓之所不能駢駕者也蓋公文沉博絕麗實類楊子雲
而士衡于元康子安于龍朔宏廓為晉唐二代冠亦雅似之
當時唯大士暨大樽才差匹埒而茂遠石霞雲李克猷不論
也至其推剪磨刮傲韓柳論文書而彌窮窈奧則學者胥不
能涯涘之故天綏礎芹二先生一時號經義驍將然公雅以
弟畜之而二先生亦若不敢班友譜列者在陸先生名蓋一

代又屬叔父行晚而時語及公輒曰長能吾師也曹子桓有

言後世誰相知定吾文者耶夫以千百彙知文士明鏡清樽
之所不克定者而一時才詰其俯首浸至地若此則信乎奕
秋布子贏誦莫之或少爽而公才衡最上寶克胥海寓埏垓
而平睨之也小傳又曰年二十五學政灤州石公申激賞之
拔冠其曹食餼三十七以初試五策魁同考房時康熙丙午
也明年成進士里居煥銓注文曰甲寅籤掣知井陘縣乙卯
蒞任以崇雉經卒而又申之曰天生長能竟何為哉賦才何
厚餘者何薄嗟乎嗟乎此古之君子所以寧游戲汗瀆而不
悔也宗譜曰時驛使威凌長吏以勞憤畢命蓋十有三年乙
卯夏五月十有三日也距生前庚午年四十有六而井陘士

存視樓集卷二十四 家傳

五

民則胥謂驛使杖馬筆筆民且詆于堂公顧左右曰持吾刀
來驛使歸驛亭而虎踞鳴張自若夜迺為民請命焉嗚呼以
公軼絕塵影之才而視前賢之戒挾摘雕鏤也曰長吉天東
野窮玉溪生官不掛朝籍而死其茶酷且不翅倍蓰之雖然
孰相者而不舉肥孰醉者而不啜醪孰服艾而不盈孰申椒
而不化而公迺滉漾寥窈而遊於軫石歲窺斷冰積雪之城
此海寓埏垓之所胥為噉噉詰詰而重是且非于天道者也
抑小傳又曰長能少時慷慨有大志以古王佐自許比焚八
賦曰雕虫小技楊子雲且不為著書一以司馬子長為的而
參諸韓退之氏誤述盈篋衍今盡失于井陘之署雖求一毫
苾之遺不可得嗚呼此則才人之不克少幸至此彌極而古

所志丁甲救取者雅未可以為荒幻而胥疑之也公子四名
列表可權借公婿陳昉文胥有公風大文謹贊曰小子不敏
竊考晉書陸士衡傳論文宗魏書溫鵬舉傳論詞人而謹讓
茲傳

存魏樓集卷二十四 家傳

夫


東小一原善公傳

東小一以父東大一學錄公而列行也名原福原善其字令
府縣志胥書儲原善云公性至孝元至正甲申學錄公卒哀
慟寢喪明公泣家肅雖海女亦俾通書史曉大義至正戊戌
紅巾賊掠臧林宅胥燬二女溺於河大母李安人年八十有
八悸卒公哀悼成疾越至正壬寅卒距生至大辛亥年五十
有二配姚孺人宋德祐中知常州殉城姚公嘗曾孫女有婦
德生女四長一娘歸蔣鵬字伯祥怡雲公婿丹陽教諭益
之孫也一娘生子三鵬卒歸侍母公俾甥蔣文憲持戶籍後
析產以半子弟諸子以半子文憲孫是蔣氏遂長子孫於臧
林次二娘歸袖山知文登縣蔣陶仁次三娘字平原薛執中
次四娘未字府縣志所謂二女也戊戌紅巾之擾道臧林縱
劫二女執焉胥殊色胥之荅曰此桑梓地義不爾辱越馬塘
渡惟命賊喜乃免馬塘渡去家不半里河深濶二女稔聞故
以此給賊業登舟出不意連袂躍于河以死賊退尸浮出如
生公偕姚孺人收葬焉塋渡之高阜孺人往哭必慟絕哭輒
有雙鳩繞側嗚呼相應和聲甚悲詎孺人卒明洪武甲戌凡
三十有七年族里異之封樹其墓墓側建祠胥顏曰雙鳩而
蕪野公河東廣記曰賊名借糧縱劫原善翁等胥往思志巷
團鄉兵二女不克避被執眾擁上馬西行至馬塘渡延頸就
戮賊復強之行迺號慟呼父母為訣相抱溺於河賊驚歎而
去成化常州府志亦曰賊猝至擁過馬塘渡口遂相抱而溺

存魏樓集卷二十四 家傳

七

王孚齋先生縣志曰漉尸而葬曰雙女墳鄉人美其貞烈改曰雙貞墳母姚嘗夢二女魂化鳩哭輒雙鳩集庭垂翅作悲泣狀哭已去續哭輒復來又曰賊行至二女度不能免私誓偕死蓋其鐵石腸早決矣迄今且浸四百年邨聚髻童鬢女胥傳奇節在陸先生嘗誤謚議曰不辱先孝也不辱身貞也不怵死烈也宜謚曰臧林二孝貞烈女儲氏大文爰附公傳後以徵公之教行於家者而復謹讚二烈女曰世有劉子政皇甫士安筆宜傳二女有劉子駿曹子建筆宜頌二女傳元史以十月成書又不逮詳覈至正二十八年事故視宋遼金史爲膚舛而烈女傳尤畧爰附書家牒以補浦江義烏之闕



蔡五公傳

蓋讀史至唐高仙芝封常清金板子訛可事未嘗不重悲之而有明若江都曾公太倉王公江夏熊公東莞袁公其冤酷尤甚矧夫以特磨之失儂智高輒議狄副樞磨旗之失楊妙真輒告完顏行省業匪平論而又重之以妖譎剽變之殊莫可究詰者哉此今追傳蔡五承宣公而猶不禁泣然而流涕也承宣公名挺字公裘號南坡德輝公仲子瞻學工文姿貌標雋見者胥曰此它日鈞樞器也年二十補郡博士弟子知常州府孫公用雅器之洪武二十三年以歲貢入國子監開游齊魯學益進太祖嘗視學見而奇之命講大誥稱旨尋令辦事於各廠二十五年授北平獻縣教諭考官黃僉事署課

曰教法嚴明處事有方宜任風憲建文元年峻擢廣東按察司僉事部多齷齪黎猿蛟兇狶突紛不可理公分刺以法胥克帖服泊考課晉階奉議大夫制曰明刑弼教惟按察爲專司設參置伍賴僉事爲佐理苟非通經之士鮮副明允之稱爾廣東提刑按察司僉事儲挺歷職先朝旣明試之有據洎茲劇任復考績之無愆子嘉乃勲宜錫褒寵茲特進爾階奉議大夫錫之誥命爾尚益勵乃心勤乃職夙夜匪懈俟朕後命欽哉四年又晉階奉政大夫修正庶尹而父母妻亦馳封如彝典公築西臬草堂奉德輝公族從工文辭者胥賦詠之德輝公爰以署號焉永樂二年坐失盤船舶番貨謫辦事官會戶部尚書相陰夏忠靖公原吉治水浙江言宜浚滌吳淞

諸浦港又言宜盡疏通舊河港胥獲命旨且命公從往而公故交惟忠靖公協營合辦殫慮勦力浚吳淞南北兩岸安定諸浦引太湖水繇劉家港入海白茆港注江工克歲什三四又浚松江府范家浜至南塲浦口上達大黃浦以達湖泖之水復禹貢三江入海遺蹟而瀕江海州縣舊河港亦以次就理公胥有成勞焉三年秋八月歲工六年叙用知陝西西安府階中順大夫寬而不弛猛而不厲政聲焯著監司胥才之而是時會家有伯兄公睦公苑馬寺之役公內愴而泣職彌勤八年丁內外艱十年服闋十一年又峻擢山東承宣布政使司右布政使階中奉大夫成祖面遣諭曰朕委卿方面以卿能馭吏撫民也卿自謂若何公祇對曰臣本寒微濫膺拔

存視樓二集卷二十四 家傳

二十

擢任大責重敢違廉白成祖頌之洎出祖夏忠靖公等胥賞酒以賀公謝曰禍福倚伏如環無端下官材質駑鈍承乏東藩可弔未可賀也洎會城例至兗州謁魯王王性驕逸盛威儀官寮見者多踧踖公容止不少變王異之問出身何途公具對王曰此歷練老成士也雅不忝方面官矣因問曰朝廷遇公不薄將何以報公謹對曰天恩罔極何敢言報惟期潔已少効涓埃王特留賜宴并出孔陵楷木杖賦截句以賚之曰古稱楷木世間稀先聖墳前獨有之恐汝老來筋力弱先分一幹為扶持同官胥榮之任職匝期政簡氓愉經畫東昌兗州定陶徙耕戶尤協厥宜左布政使張公海企公才事必咨而後行十二年成祖北征瓦剌公奉敕運糧時餽運法十

日程築一城又十日程又築一城公輒先期集而繇楊林至撒里哈兒又至土刺河凡大營前鋒中軍左右哨左右掖之餉蓋視八年行師軍士乏食至以御膳所儲糧鈔散給又令糧鈔多者許借貸回京倍酬其直二十年前後運至用驢三十四萬頭車十一萬七千五百餘輛挽車民二十三萬有奇者是運獨為贍捷成祖慰諭再四賜御營鞍馬以勞之十四年考功官署考曰布政山東屢有善譽運糧塞北特占初功夏忠靖公以書賀曰君且行枋銓樞矣公稟殿庭撫民訓首又感忠靖公知已彌勤職業而蒲臺縣妖婦唐賽兒之難作賽兒縣民林三妻也自稱佛母能知前後成敗事又能剪紙為人馬相戰鬪往來諸邑聚煽愚民董念杲劉俊賓鴻等胥

存視樓二集卷二十四 家傳

三

附之用紅白旗為號而據益都卸石棚寨以出沒十七年覆青州衛指揮高鳳軍遣招撫不從益蔓延卽墨莒州間廼命安遠侯柳升分兵勦之先是公薄游齊魯時距彌勒妖黨近匝地傳習公間通其訣暨破而殲之之要訣後泄山東妖習未殄懼嚴詰而適以激之亂間用溫顏撫綏之革舊習者滋衆而不虞蒲臺之瀕海而遠界北平也試遠以竊發洎十八年春安遠侯柳升至益都二月圍寨參謀等遣人乞降詐云力盡且寨中乏水公時參軍務語升取據東門外舊汲道夜二鼓賊復襲殺都指揮劉忠而不覺比明公聞之亟馳至大營趣升分兵追賊而用殲妖訣試之紙人馬胥墮地賊衆潰遂破卸石山寨獲賽兒暨劉俊等男婦百餘人賽兒坐檻

車語解者曰今死矣幸畀我一杯水以止渴護解者哀之不知其詐比水至而賽兒逃遁矣四索不復得濟南趙百戶廼許公縱賊成祖震怒詔逮公而安遠侯升亦下吏以勲臣幸獲宥而公遂就戮於西華門仰天歎曰死生命也趙百戶豈能構我哉清言疊疊了不作怖懾態時夏五月十有九日也距生元至正壬寅年五十有九邑醫士胡公宣收其骨而歸窆思敬菴坐焉夏忠靖公賦詩以輓曰憶惜長楊獻賦人定交傾蓋便相親又曰豈期註誤公麼予中夜長懷負伯仁蓋是時成祖稜威越再期猶盡逮北平山東尼暨天下婦女之出家者先後且羸萬人其酷濫莫可勝數故一時廷臣稔知公之冤而不敢營救而忠靖公亦裁以重負良友自悼也然

存視樓集卷二十四家傳

三

而益都首奮安邱鰲山繼破賊山東悉平此詎可謂非公之功而爰書業定忠靖公亦尋以餽運下吏繇是公之沉寃訖明季不克雪矣後宗助教友鹿公時亦潛賦輓章曰盛朝若道無寃結底事齊黃盡赤誅痛哉其言之也又嘗贊公像曰正笏垂紳聳立不倚其容肅然度合規矩其文炳然照映華黼抱古梅之清芬嗣箕裘于厥祖初馳聲於臬司旣揚烈於藩府方將拜手稽首對揚王庭振夔龍之步武孰謂寂焉嘿焉鞠躬盡瘁抱奇寃而不能吐嗚呼愷之穎毫人盡觀茂先腹笥誰能數如欲象賢將學補莫向畫圖空拜舞蓋斷其後之克振也而公裔世以籍南曹爲戒雖承宣司試督學御史試而不少踐門閥也迄神熹時猶謹遵之公配趙宜人叔範

女有婦德子三列表大文謹贊曰水遁事近誕然洪武時冷協律謙水至而入于瓶暨建文時楊鎮撫本登臺事載初明諸史編觀賽兒暨董彥泉等後多隱不復見則妖幻術庸或有之承宣公富饒著東宅石樓公嘗輯遺藁曰宦餘錄今胥佚公雅具經世才觀山東前後承宣使如俞景周石執中才胥不逮公顧公獨以才抵覺然則主之靳處於才不才之間雅非獲已也而或且以王凝之何桌擬公則又拙於論事矣

存視樓集卷二十四家傳

三

說書公傳

昔者程純公之御史襄行于熙寧初也嘗剖論修學校尊師
儒曰擇其學業大明德義可尊者為太學之師次以分教天
下之學始自藩府至于列郡又曰漸自太學及州郡之學擇
其道業之成可為人師者使教于縣之學如州郡之制又論
尊賢曰乞設延英院以待四方之賢程正公之元祐被薦也
召為秘書省校書郎及入對改崇政殿說書剖請選名儒入
侍勸講講罷留之分直以備訪問而其命看詳修定太學條
制也請置尊賢堂以延天下道德之士并置賓史師齋立觀
光法其後徽國朱文公學校貢舉諸議亦胥本之有明之初
詔天下業儒士胥專守程朱傳註而隸儒籍者惟吾宗愷六

存視樓二集卷二十四家傳

五

說書公獲救賜焉此固儒者之榮而抑以徵太學之師教州
郡之學縣之學暨勸講備訪問者之雅不可不擇名儒也愷
六公名惟德字希崇號西塾逸心公孫樗巢公季子少嗜學
率夜漏下二十刻有奇誦繹不少輟尤深于春秋壯而學殖
彌遠大文嘗聞諸先大夫清源公曰明太祖未踐吳王位前
時時微行四野絕無絃誦聲聞入臧林北夜業已宵分矣適
聞誦書聲遠趨詣門立聽久之扣扉而入曰秀才為誰對曰
儲惟德也既而公知為太祖亟頓首遂賜儒籍此出於一時
之特恩初非假異日青宮朱邸寵靈且必埃中書書制救而
後賜之也觀洪武十年丁巳吏部書公考滿語曰考到儲惟
德年五十七歲係常州府宜興縣儒籍公生元祐祐戊午丁

已實六十歲迺書五十七者蓋吏猶循甲寅考資歷也而儒
籍實在助教說書前此可覈公以儒名是時公卿暨海寓人
士胥聞之吏書詹公同疏薦五松公嘗書贈公詩前曰喜希

崇弟名在詹起居薦剡中恩寵未及故人沈以德推轂常州
府闈教以待銓除而泰軒公亦賦詩曰倉使書來報故知秦
風泮水薦芹時蓋詹公時以翰林注起居而沈公任倉使也
公以洪武庚戌涖常州府教授職凡八年闈郡學者競自泮
廟文教視宋元時且不翅度越之遂以啓數百年冠蓋纓綬
之盛是時武進謝公應芳號宿儒嘗賦西塾草堂雅號自署
門生其尊公名德若此公教授考滿語曰洪武三年四月除
充常州府學教授試職三年實受歷俸二十五月十年九月

存視樓二集卷二十四家傳

五

授國子助教將任佐郎又曰將任佐郎儲惟德奉敕如右而
署字考功監令則郭溥監承則李永吏部尚書則王敏貞
郎則王琚主事則談士奇也其行考語則十二月二十四日
也公授國子助教特賜敕曰古之設學京師曰太學其所教
者百官之子及民之俊秀君所以救教之者欲國之人材備
也故人繁業眾以其師者數人不能遍教特設助教焉若職
于此者必得頗通性理勤覽羣書方稱師職非若是而不可
常州府學教授儲惟德今授將任佐郎國子助教既承朕命
勿怠而署事承敕監令時闈監承則尹季端林常中書舍人
則盧熊御史臺御史則陳寧左丞相則胡惟庸右丞相則汪
廣洋也後書洪武十年十二月視考語差簡而列號則登字

四百二十六也夫六館分教至特賜敕以寵命之儒者之效
此爲著而考其實必曰頗通性理有以徵公之識正而慮謙
曰勤覽羣書有以徵公之質敏而業精蓋純公所謂太學之
師教州郡暨縣之學正公所謂設賓吏師齋立觀光法者其
議指實符此惜初明鋒燧甫息設施措注猶不克殫用儒之
實而抑亦少見造邦者之無敢以儒爲戲也公以丁巳冬涖
國子助教職凡三年肇開講肄生徒丕振晉階文林郎戊午
以助教兼東宮說書已未又兼諸王說書此雖不敢望正公
侍講崇政殿而說書職秩正同所謂入侍勸講分直者其義
亦實該此抑初明東宮諸王胥師浦江宋文憲公文憲請老
薦進名德士而偕公相得甚歡故撰樗巢公墓誌曰子男四

存觀樓集卷二十四家傳

美

人惟德仕同朝然則公之說書蓋亦文憲許與氣類以蘄符
設延英院置尊賢堂之議指惜其以老決引去又不幸而有
西蜀萬里之行而公亦尋卒於庚申年止六十有三不克藏
厥翊贊業也公配蔣孺人柚山世族有婦德子二列表大文
謹贊曰公之在郡學也嘗自書小像曰吾年五十有七顏色
稿矣玉泉子爲作小像若不類今日之所作噫老者其可復
少邪玉泉殆欲施春輝於枯槁朽株之上孰知其四時而不
凋者松栢歟而繫之以詩曰蒲柳望秋先寂寞松筠經雪更
精神時蓋甲寅上考歲也夫世未有氣節頹怯而克成名儒
者松柏後凋木之儒也若荀卿氏所謂賤儒則寢類蒲柳矣
枯槁砥雪儒哉儒哉大文謹書清源公語詳公賜儒籍顛末

并書教授考到語助教賜敕格式備初明掌故之闕而加以
埃分誤儒林傳者之覈擇焉

存觀樓集卷二十四家傳

毛

康甫先生傳

自宋楊文靖公僑梁溪後建道南祠至明萬曆而東林肄業士特盛當是時顧端文公倡之高忠憲公福建道御史起莘錢公一本和之一時從遊士惟吳素衣鄉經畝華鳳超馬素修吳麟稱諸先正雅為篤慤餘亦多以講學博名高若子邑則官林康甫先生時尊理學真儒其載於通志郡縣志暨洛閩源流錄諸書今可覈也先生名澈康甫其字一字剛父又別號恕行守耕公叔子少工制義展四書靜對有獨解輒疾書之頃刻就補郡博士弟子北渠大理少卿嚴所吳公亮學士復菴公子海寓士多從游家課率贏數百人胥一時髦雋先生試輒冠其曹嚴所公遂定賓主交郡倅祝公知武進縣

存碑樓集卷二十四家傳

壬

晏公以文名而祝公又繇臺垣左遷胥拔公第一會公佚科舉學政檄祝公推錄遺卷而晏公行聘府尹試同考投小簡於先生先生曰烈士豈緣人執哉遂不試後二公胥悵惜而彌重之起莘錢公講道毘陵尤精研易像象學聞先生名肅諸塾為諸子師互砥河南范陽郡崇安遺書之奧交先生遂輟科舉業不復講後數期念母吳孺人春秋高歸築室侍養且數十年吳孺人年九十有二廼卒而先生亦年六十矣居喪範禮三年不入內或憂先生嗣迄不克立而不少眩也先生學邃於易日懸先天圖靜對之有所筮輒驗尤深春秋抉微摘伏而不為啖趙氏之鑿著易疑春秋比事屬辭暨四書精義諸編先生嘗語人曰吾初從錢先生郡城嗜靜業會戚

屬訟劇擾數月予口雖不言心竊鄙之夜漏下率不克寐一日讀性理至天地混闢一氣太息條有悟而鬼壘胥釋繇是

覺人我無間處喧不亂矣梁溪素衣吳先生桂森東林前輩吏部員外郎鳳超華公允誠為高忠憲公入室弟子以節著時誥先生寓館輒靜坐互對無一語其間談經義者什率一二焉先生誨從游士禮甚肅會稽吏垣格非章公正宸嘗授經邑曹氏朝聞先生說夕即執弟子禮侍杖屨者終其身後格非公風節尤著蓋嘗劾中朝建極相者也先生授經郡城達者滋眾後率不復詣學政鄒公遊從尤久中式來謁拜坐受之亦竟不復見云先生晚而氣彌醇操彌峻鍵戶著書烈暑溽寒不少間非朔望拜宗祠率不出里黨望之胥加禮而

存碑樓集卷二十四家傳

壬

為不善者亦惟懼先生之或知也山陰安撫祁忠壯公彪佳偕格非章公同里雅肅風紀嘗以巡按御史蒞邑旌先生曰理學真儒且求見并著書先生以微疾力辭訖不往時崇徵甲戌也越二年丙子而先生遂易簣以卒矣距生隆慶己巳年六十有八先生再娶於宋武進新塘鄉世族胥有婦德先生訖無子以仲兄充宇公仲子仲和公嗣增廣廷璧公嘗傳先生曰當講學時邑人專精舉業從者不甚眾大文謹按邑宋元後先正以理學名各理學儒而克真者道通周先生孚齋王先生暨近日世調湯先生偕先生而四宜肅祀曰四賢祠而道南書院之克肅主暨否可罔覈大文謹贊曰史有儒林傳至宋史又有理學傳儒林理學析而為二蓋自元揭歐

陽諸公始也子郡素修繼得二先生尤研精科舉業而理學實真不然雖龍溪近溪諸學徒業多踰閑檢而明季之假靈靈螺江名以利宦途而執朝權者相屬也忠壯公旌先生曰理學又曰真儒其旨覈矣大文又按明理學之克真者多繇靜業雖近日容城蓋屋亦然故學必覈真偽而後於真者覈異同不然是匪儒也奚其覈

存硯樓二集卷二十四

家傳

存硯樓二集卷二十四

存硯樓二集卷之二十五

宜興儲大文六雅著

門人

丹徒張 冕冠伯

崑山徐柱臣題客 編

家傳

維則公傳

大文嘗譔茂才爾藝公傳雅不忍書不獲已而筆之於譜今復謹譔維則公傳則彌不忍復書此亦公之雅志也何也公長者也公名孝字爾思維則其號筆基公仲子性醇厚尤崇孝友生六歲喪母錢儒人事繼母戴儒人如實出已戴儒人耄恒食其餘以怡之慈伯兄爾康公子援其獄復畀之圃雖傷足而必族少宜於啓足之日也飲佐叔弟爾藝公俾獲有

存硯樓二集卷之二十五

家傳

成晚而復代營殲讎費其卒於畏也亟畀柩殯之丁亥勘旱之獄公弟子與焉畀朱提二百兩有奇迺獲寢解會雪往省潤州獄夕而蘄宿而塗之人才寢公門外也公嗜施故人子置歲畀米暨朱提飲之婚而故人子名若姓大文亦謹不復書也隸農唐天佑逋租二十餘石僕督之請鬻女以償公立召僕責曰天佑實貧爾母若迫里人負質請售田公曰若奚可無田其母償公嘗坐門外磐石婉誨族黨曰靈為弱母為強靈為人侮母侮人其行略乎類此故人胥稱為長者而至公雅志之所不忍書則靈闕之以無違春秋微辭暨前代史編一書再書而不復書之義例也公生前丁丑卒康熙甲午年七十有八子二列表仲子上舍元長公孫青啓以文名其述公

行者青啓也夫公雖不忍書而青啓之特書而不一書是亦春秋之義也

存碑樓集卷二五

家傳

二

子瞻公傳

上舍公名岫慶字子瞻易名夔明經贅庵公孫增廣修月公子生一歲而孤贅庵公勤撫之比長痛修月公之志斬顯親而遽不祿也發憤力學制義瑩潤有修月天玉二公風而亟誦童子試廼籍六館又亟試晚廼類古之所揭絕利一源者而勤誨二子公長子龍光雅穎慧公誨特嚴昕夕講誦不少間凡綜畫凌雜務胥公任之家人亦雅會公指無俾龍光知也龍光章光暨羣從試爲理簪囊賢邸舍薑蔽曰而曹第讀書我自樂此不爲疲也其專勤而力斲之若此公幸族黨以義可否不少假有銜嫉者不恤也公性孝幸龍光成進士章光餼於校斲獲懶顯親志而以薛儒人之濫逝而不少埃也

存碑樓集卷二五

家傳

三

驚悼成疾寢劇雍正甲辰繼卒距生康熙壬寅年六十有三曾不以禮載衰麻在身年相距不甚遠而少弛其易且戚也龍光今任戶部湖廣司員外郎公竣馳奉直階

駿坡公傳

邑里文學士自晉周孝侯後陳薛許馬三蔣諸先詰胥有譔著至有明而半江雙溪安隱三公爰以唐音著迺若振奇蕩采現仙遊神揖之怪巧於醫編靈簡之餘惟吾宗孝廉駿坡公奮起經生排突箱笈中耆俊其才力所詣蓋實埒民悍圭峯天池太青諸公而經義復綜豫章雲間之勝遂啓斯文雄關境以前祛積翳宿疇而盡刷廓之此固數百禳礪礪鬱積而始克生一雋才而匪一邑一鄉之士之所可齊鑣而揚策竝衡而比席者也孝廉公名方榮字令元駿坡其號企聖公仲子少具曠襟資敏甚童稚千百輩宵不敢望之年十有七聚星樓較藝公著善處篇曰有順處之以善其術者有逆處

存碑樓集卷三五

家傳

四

之以善其術者所以備晚世也善事無辱善使無傷善交無狎善愛無忌善養無肆善賜無不繼善譽無所利與正人俱之和易而有制從容而靜於義尚矣此之謂大順相忘於意不尋於氣若夫我順而彼不順我之於彼皆順而彼之於我不外順而內不順久而偶順此其心不可測矣彼以不測之心深自藏即以不測之心測我而我之心未必狀亦以為狀矣且以為常狀矣而我之名與行或為之壞而不得行我之心可勝惜哉狀正不難處矣與為不測者之所測而我墮其術無寧為不測者之所不測而我得立乎其上以善其術而彼反為之墮何哉以量為術術未有不也善揚獎之以遂其驕善灌沃之以賤其志善濃密之以外其交善信

奉唯諾之以息其計而荒其智則處之不酷而勝之有餘此其以順用逆而逆處之術之善者也亦有慮闇而才滯外不急恥而內能刺物者必其優柔觀伺乘其所可欺者而中之擇其所不足敬者而進而嘗之其人必畏威而違信避智而侮愚我則待以不可犯之威而不與之期事鑑以不可或逃之智而不許其私不許其私而使之如莫逃不與之期事而使之不敢犯此其以逆用順而逆處之術之善者也夫百勇不敵一義百詐不敵一正百驕不敵一虛百動不敵一靜百不止不敵一無求百下流不敵一高自命無他託之有地據之有物以空明之度臨汙匿之流豈在相持也或曰分有不可勝勢有不可拂情有不可御而其人又不與我相順於無

存碑樓集卷三五

家傳

五

事我即安得而逆處之曰我不與之逆而惟是順之使彼之無因以難我即所為以順用逆而特無遂其驕賤其志之見外其交息其計而荒其智之心故曰以順用逆者什之五以逆用順者什之三順而無逆者則什之一而遇耳夫順而無逆者所敘皆性所游皆道溫文莊敬長者之貌又何術之足徇哉曰今之盛古之安今之聖古之賢今之大順古之小康今固不及古之相遇不以術之風也故曰順逆各善其術所以備晚世也狀甚有術之人其設心必甚無術宿老胥驚以為王充酈炎之流也公又著直木曲木篇推文士亦謂思埒次山元氏惡圓惡曲篇而辭浸淫於漢魏者也是歲補博士弟子尋試第一食餼名籍甚肆經義者競斲師之迄明季而

列於選士一時有江東獨步之目而府尹試訖不克雋

國朝文治肇興順治丙戌公偕舊糧長系奉直公胥雋承宣司式尋登權內外艱服闋試禮部俯視海寓場屋士殆無足當意者而復亟不得志於有司遂武彘民憚吳崑麓李衷一章大力魏叔子諸公躅抑鬱以卒時順治己亥也距生前已未年才四十有一公詩才思凌厲藁藏皮勇力絕人戎器胥精練有荆川先生之風工書畫人多購之而雜著又暨經義尤拔出自公始變顏齋習邑里文視盛明晚明尤振天綏礎片二周先生在陸先生井陘公清源公胥嗣公而興至今衣被海內而贅庵公章人王谷其年蔣任陳三先生史編韻語儷語亦雅克焜燿藝林大文嘗謂宜祀祀元擣巢公綠板公明

存視樓集卷十五 家傳

六

說書公少宗伯公文懿公暨贅庵公駿坡公在陸先生井陘公清源公於唐御史公主左右而擇上已清明三日前後設脯醴茗餌以薦之以為子姓工文者勗公子五列表

伯兄素田行卷

府君名右文字雲章號素田先大夫清源公先妣徐太宜人長子少穎敏制義藻躍軒翔自合繩尺康熙丁巳年十九中順天式二十九名乙酉銓知湖廣京山縣京山楚古邑有三十一里四總賦有民屯更三則舊無魚鱗弓口字號冊而四止冊亦醫缺隱漏詭寄滋繁逋欠壓積復設里書代里排多至五六十人通飲民銀米錢布以供公用府君亟詳請斤歸農裁留數人司冊敢有立里費名擅科民一絲一粟者論如律勤石永禁又請緩征四十四年逋賦請賑鍾祥浪台觀堤決被水戶稽覈必核日行塗潦間散穀均濟民困始蘇次釐定冊籍復七十二團坐落土名清屯糧革十四百戶名附各

存視樓集卷十五 行畧

七

里末同征釐黑糧黑戶飭田多賦寡者限一年自首免隱漏罪而以黑糧三百八十兩均派之凡丁田並覈實戶嚴詭寄明充者析之花分者合之禁墨帖省耗羨革串費設單序催邨落間絕胥役迹而賦輒先期集凡七年無逋糧京山古新市地東北大洪大陽諸鉅山西南湖江盜易藪匿府君力行保甲法懸牌編戶門飭牌百率十甲十甲率十家輪二人夜擊柝巡偵獲盜給銀五兩獲竊四給之胥記功失事者荷校五日仍賠贖坐視倍懲故縱均罪其集場集主聯坐牛驢胥登簿奸匪帖息凡七年盜不掛吏贖京山山田苦旱湖田苦潦府君諭山蓄堰塘者濬令深濶無者開鑿一戶力不贖數戶均之一歲力不贖數歲成之至湖田垸子猶江南圩堰廣

東園基沔陽竟陵潛江諸州縣皆有皖京山獨無大堤一潰
闔境瀕洞飭田民挖皖外土培築皖基寧崇無庫寧濶無狹
合千頃或數百頃爲一皖其挖土卽闢深濠以泄水設四皖
長董脩著勞者勒皖勝夫多寡視田有差又誤俾歌勸之多
踴躍趨役梁李皖彭家灣揚家灣皖先成鍾祥水大至而不
害後諸里皖胥錯峙穀價視前減三之二集場創建百五十
有奇瘠縣寔爲樂土而酌修漢江堤利尤鉅舊例江堤歲一
報修四十二年京山修渡船口堤起夫二十九萬九千有奇
四十四年修黃付口諸堤又起三十二萬有奇府君蒞任嚴
飭十八坊堤長堤甲率烟戶防汛無敢懈水漲輒騎巡覈而
黃付工猶未竣承修尉詳憲加夫乃亟請停派是秋巡憲檄

存樓集卷五 行畧

八

修王家營楠梅廟以堤差固且鍾祥宜主修請停派又請京
山堤概停修駁檄下復力言江堤衝決例同南河處分况夫
出於民不出於官而不肖者甚至假堤以居利職縱不忍蹈
此亦何事堅持異議所以違例瀆詳者實緣京山薦歲堤工
民力匱竭而今歲復丁歉薄也願保固一年具甘罪結申費
乃獲停旣而浪台觀暨龔家廟堤潰檄協濟鍾祥工定夫十
七萬八千有奇力爭乃停協潛江修顏家皖亦攀喬王口江
家廟汛復力杜之丁亥樂豐皖王萬口堤址寔頽金港口堤
薄紳士議築月堤加幫府君指江水示眾革堤工暨報修查
堤過山完工散班諸費乃遵山一湖三例而爭訟始息飭里
民自赴堤掣竣工土票爲準無票者仍追應役且殊刊四語

於夫單以曉之而積歲豪猾囊橐折價之奸絕催夫首戶舊
例甲二戶酌增二戶伙佐之殊點者訖不改點而富戶巧避
密移之奸絕又檄丞駐堤監修就堤勘夫數以省夫暨里差
二百里赴縣往返之擾料簡均平綜理審密堂務少間輒騎
詣堤巡覈之分墻慰諭衆競趨役堤成而大堤鞏固倍舊凡
七年裁一報修計省夫二百餘萬有奇其後隣堤潰決京山
堤胥屹峙如鐵制憲郭公鄂公撫憲陳清恪公劉公暨藩臬
諸憲深器重之庚寅秋檄垣竟陵篆清附風二里三百六十
團民漁租餉冊寬排夫其它政胥如京山壬辰冬大計首舉
才守兼優鄂公劉公合題卓異冬代至京景窮鄉氓泣送迺
平靖閱者千餘人癸巳春入都三月十八日偕東西班官拜

存樓集卷五 行畧

九

賀 萬壽盛典所載適逢引見之期獲與拜稽之列如知縣
諸右文等是也 覃恩加一級洎引見符卓異應陞例以知
州用 欽賜蟒衣一襲會閱撫覺羅滿公疏才能官任海疆
三年照應陞銜陞用乃 特命以知州管福建寧德縣事寧
德瀕海北西南胥疊山田畝土瘠四坊三十七里坊里長暨
寺僧舊例承辦有涖任夫價賀儀五日八月望日除日始生
日儀有鄉征奏銷封解費考棚演春鄉飲諸襍費編審有小
冊傳局大冊開局大募書四坊募書殊價費府君胥禁華飭
里排敢假名科斂者論如律又飭禁胥役僉點諸規費民始
有生息望寧德當浙東溫處孔道舊有七士二社保祇應夫役
差撥尤劇府君嚴禁華凡勘合火牌暨襍差胥計站視里民

備貨價捐貲和僱凡六年不役一夫寧德坊里暨臣寺漁屯額賦兵米沿例私覈丁勻糧贏縮惟家長糧頭指編冊撒不符總戶不符田有祖名總戶有明姓戶有雁戶輸納有公戶暨析戶總串有它戶移抵串有合串經征吏有易各塗竄串有鴛鴦無根飛串又有墨帖收字歷欠至十年有奇官九易吏坐侵蝕訊追者案山積府君日夕勘核飭造實征額冊丁田書覈實戶名俾額符戶戶符戶總戶總遞符甲圖縣總設里書專司丁田冊又飭刊四聯串設總櫃四四里長司收賦季一易二吏司登記戶給一額單非積抗不僉差輸納訖輒給歸農牌裁省耗羨革陶鎔工繳衙隨解費又以東洋七里距城遠就周墩城成村征之鳳山金郡諸寺點僧多假夏稅

存禮樓集卷二十五 行畧

十

典田春夏胥停征而穀熟飭民先輸兵米力禁耗贈編審故丁必汰新丁必覈嚴飭馱丁戶其續生丁胥登滋生冊繇是山椒海濫寢知實征額冊之便民也家長糧頭勢自絀而坊里長史胥無敢侵蝕經征額賦兵米暨接征五年逋賦七年缺給兵米胥冊報全完無少愆誤焉寧德山田什九海塘田什一山胥確石府君諭多聯巨竹設浪青嶼霍童咸椰多樹桑瀕海潮陷塘壩賦多懸府君諭協工修築缺椿燬者伙佐之三都一塘五都五塘六都四塘胥竣工其官填畱嶼塘陷百餘年至是始創砌而和尚塘特蠲賞築之凡復田三千七百畝有奇懸賦盡復寧德地界泐政和松溪壽寧牙錯古福羅連麻嶺下又浦城衢州間道奸匪易透越菁客甯民雜處

府君力行保甲率如京山尤嚴覈烟戶冊令十家為甲十甲為保石室石洋富淇諸地飭鄉社聯絡弁支提碧支天峯諸寺設練總練目蠲徭犒酒歲霜降集周墩演肆之尤嚴禁違例械而革爐底深溪爐座費俾無敢私造立外渺入都水陸要塘盤驗之砌城垣暨五門砲臺增三亭要隘塘菁客設菁保畬民設畬老胥委牌稽覈懸暴帖息時古田有前墩流匪最號悍桀圖假道邑之莒州但不敢入訖以驚擾焉寧德東控官井洋港岐水道雜有流宇單雙桅商船有通宇漁船府君飭點驗責洩甲船主出入簿驗責鄉保又請印照鈐隸府隸州印弁列船主姓名以杜空白牌照之弊申嚴出洋失事同罪例以杜外籍租照借照舵水潛易諸弊寧德流通號船

存禮樓集卷二十五 行畧

十一

胥聯號易照漁船出洋十船聯一甲小舫多接匪無得近東冲汛而內洋港桁位採捕特寬之又定雙桅船走上海乍浦三月回灣單桅船走福羅諸地一月回灣間走溫台興廈倍之漁船十五日回灣携食米遞有差蠲整口岸柵崇衷黃土嶼墩臺址造砲房營房以內護邑城外瞰酒嶼又繪圖呈覽羅滿公言官井外有東冲山隸福寧山盡門濶十餘里對羅源濂灣門繇東冲門出為大洋官井匝三百餘里水甘中列山嶼上達福寧東鼓洋竹嶼福安白馬門下達羅源鑑江連江馬鼻諸地而寧德藍田大墩金鰲橋仙人筭漳灣雲淡門金埕支港胥可達官井尤難稽覈今東冲塘裁一哨船廳霧昏黑隔岸揚帆且不見寧德三都山屹峙海中諸塘汛胥在山側

總道內出入船可瞭望閩協洋汛宜酌增哨船二兵十覺羅
滿公亟撥三船協巡尋晉制院訖增三都山哨船二撥鎮標
弁目汛守而內港胥歸福協右營陸汛官井洋內始寧謐凡
六年盜不掛贖而外洋亦帖息覺羅滿公暨撫憲陳清端公
胥深器重之丁酉春合疏保題儲右文實心辦事矢守廉隅
目今山海恬靜地汛寧謐皆其實蹟今歷俸三年允符題陞
例而部議以前令齡空埃原籍完銷日再題二公悵惜久之
府君亦以積歲吏牘神慮凋耗戊戌九月請養疾以歸展卷灌
花迨欣自樂雍正丙午七月三日疾卒距生順治己亥十月
二十二日年六十有八矣府君善論事凡所規畫代者胥畫
一遵守上憲檄駁不能奪雖它郡邑務亦多咨之在京山嘗

存續樓叢卷五 行畧

士

言文移實封宜刊書日時道里暨舖司姓名庶無稽滯又言
漢江漁糧胥鍾祥潛江額賦舊例陸汛歸京山水汛歸鍾潛
而潛江蚌湖塘向設灝江今移內二里宜復舊址胥允行撫
憲議開操家口巡憲勘估又詳陳數千言大畧謂操口隸京
山而下流達竟陵漢川孝感諸邑始入於江自明季丙子操
口堤隕京山湖鄉湮沒十有五載且北岸無堤防則京景二
漢孝雲應七邑胥為魚鱉而竟陵風波湖舊編上下風波二
里寸土輪租漢川周陂鄉程選口禹家港上接風波湖絲線
河九十里乃達孝感牛湖五通口河狹決不能泄水是以前
川為壑也今勘操口五里至魯家潭又五里析東南二支胥
百里至竟陵魚新河界大半繫狹溝水深一二尺間具河形

水漲可通小舟水濶率絕流若開漢江第一支河照潛江估
通順河形面十丈底六丈深二丈凡百里起土二百八十八
萬箇估夫八百六十四萬工銀二十五萬九千二百兩兩岸
築大堤照楠梅廟月堤增估足三十弓頂六弓崇三丈凡百
里白起土築堤外兩岸胥需土一百九十八萬箇築堤夫五
百九十四萬工銀十七萬八千二百兩而起工築堤砥杵整
形照黃蓮河例又加夫六百六十二萬四千工銀十九萬八
千七百二十兩至開河築堤合挖壓民田五萬七千畝其景
漢諸邑另議乃罷估七邑民始安泊泄寧德制院令議社倉
陳擇人度地穀本穀息穀耗蓄儲防沮壞禁移抵八則盡採
入社倉條約中後三都山議上札諭借福鎮費公詣東冲相

存續樓叢卷五 行畧

士

度復言口內大勢西南則寧德東北則福寧北則福安而寧
德南界下為羅源鑑江鑑江下為虎尾銅盤二山遙對東冲
狀適類門其地多居民又有竈戶越此而南即濂灣門是鑑
江左胥通大洋也今東冲口白馬門三都山並增二哨船而
鑑江不設一哨恐姦民絲此透越况東冲隔虎尾銅盤口面
約二三十里尤宜南北設哨控扼門戶請港口增哨船一撥
兵巡駕又請福寧中營寧德右營以長腰山南青山北三官
礁為界福安左營以竈嶼東淺土桁位右營以竈嶼西官丈
桁位為界羅源右營以鷹山麓橫對青山尾為界此其指畫
雖不隸京山寧德境而實繫國計軍務之要樞胥宜載左右
編經世文編者也著敬義堂集四卷詩三卷文牒十卷其它

善政暨閭里間懿行嘉訓不具書府君階繇文林郎晉奉直大夫配莫氏辛丑進士刑科給事中莫公大勲女有婦德子開濬國子監生孫建樞此府君行實之略也至少宗伯荆門胡公贈序宜借考謹狀

存楓樓集卷五 行畧

丙

兄風崇傳

滁州公名高文字風崇文林公孫茂才捷飛公長子公少嗜學前賢時彥經義藁繇繇末胥誦數不少漏在陸先生恒歎曰吾閱生徒衆好學不倦未有逮風崇者也遂寧張文端公督學政補郡博士弟子冠其曹韓城張公歲試又冠其曹食餼康熙戊子今安撫王公時以知臨淮縣同考薦卷業盈額夜五鼓倏聞嘯聲驚起曰房中當有佳卷覆閱獲公卷歎曰此元也元卷業前二日定奈何至試府尹屠公少宗伯王公亦太息置第二王公嘗譔公文序紀其事甚詳公戊戌暨雍正甲辰試卷胥薦而不售迺改揀選班學職庚戌銓注滁州學正先是學正闕經年訓導夏玉龍司文牘萃羣不類

存楓樓集卷十五 家傳

五

恣行饕搏諸生指學宮為畏途公泣學首行月課拔嘉士復試之滁人始知讀書事凡家于鄉暨隸邑來安來學者胥寓署空舍唸誦聲達宮牆外會大計州註公三清字而夏註三平字憂甚時滁學忠義祠侵帑改土地祠為之祠甚甲狹窳設王一曰歷代忠義之神而不書姓氏公曰此大典豈容我輩兒戲亟飭改建祠又庠校訊曲直胥以理判率左夏指而夏不獲賄請黜者率直之夏營構陷學政王公直戶為夏彌愧憤會夏署全椒司諭挈印潛歸文牘率空自公具揭而司掾劉紫詔右夏喉令互仇揭公鬱憤獲瘖疾癸丑夏五月二十有九日卒距生康熙甲辰年七十滁諸生胥奔赴哭哭訖輒走訓導門唾罵州尹聞之親臨奠書匾于滁州書院曰蘇湖

遺範諸生私諡文清先生爲文以哭之而唾罵夏玉龍不輟
夏不獲已告歸公子二長燧雍正癸丑進士班刑部江西司
行走

存魂樓集卷五 家傳

夫

弟來肅傳

制義品尤貴者曰思曰筆史傳記沈思任筆杜子美詩安得
思如陶謝子蓋思暨筆之宜秘惜也尙矣舍思筆而言文幾
何其不爲驚駭也而無如拔出倫輩者之殊難也予宗世耕
讀子弟率傳制藝法而思筆尤拔出者則惟來肅弟爲甲
來肅世父井陘公之仲子少而世父暨先清源公竒愛之世
父偕清源公同舉進士程文高一世世父不祿清源公命來
肅讀書子家時誨曰凡書有坐讀有立讀有跪讀爾今真跪
讀時矣來肅承命惟謹偕予從叔祖在陸先生同盟冲扶吳
君筆最竒崛而思筆兼雋則惟來肅爲甲蓋真得徐子卿印
毛伯項水心王茂遠之筆而兼有青峒文止之思者也予嘗

存魂樓集卷五 家傳

七

詣來肅几守一編迺錄張文昌文也又嘗偕讀五代史來肅
舉激賞數言率人所未經道者蓋思筆實生于識而非雷同
西安體廣西江會稽派倫埒也予嘗偕冲扶來肅隴陝西城
望日入山曲後遊西溪洲渚藉草坐至明始歸率以爲常蓋
其思最幽遠故可參微言惟同遊之人而又筆克拔出海內
人士右來肅嘗隸武進校籍後出遊間著詩古文詞時時病
發久不獲試場屋比食餼讀書如少壯時不少輟還隸邑籍
以序貢遇恩詔獲恩貢宜銓司論時年且七十矣長子麟趾
成進士選翰林院庶吉士遇覃恩獲筮語北遊日下蘄以
舒其少時翱翔京洛之雅志客一歲有竒而病復發遽卒于
旅卽年七十有六嗟乎人琴一失此筆何存而又奚論其飄

渺英絕之思也哉來肅寔武進南門外陶孺人耐澤州牧自
悅女也陶公得婿來肅奇愛之喜告人曰此吾真法傳嗣也
陶公文師先正故來肅晚年文亦差類南宋文體云仲子某
叔子某宜益演并徑公之傳

存稿彙卷三十五 家傳

六

姪鼎泰傳

孝廉名鼎泰恒夫其字清源公孫侍直中子弟叔子少惇謹
不緣染子弟嬉游習歲壬子偕伯兄實夫仲兄寬夫雋承宜
司試座主交河王公尤激賞其文蓋大江南北繇明洪武甲
子京尹肇試惟萬曆壬子華亭張拱端履端軌端兄弟三人
偕雋實書于從信錄至崇禎丙子而子邑吳氏繼之 國朝
試承宣司且寔百年而恒夫偕兄獲嗣武焉雖不敢附科名
盛事抑以昭祖考世德于茲永也恒夫雅有痲疾雍正乙卯
授經五狼歸疾遂劇六月卒距生康熙辛巳年三十有五惜
哉惜哉而予彌以喟予宗之薄祐斬追世德者惟是詩書之
不可一日不肄服也恒夫子麟書龍書鳳書尚永佩之無

斲

存稿彙卷三十五 家傳

九

先母徐太孺人行述

自先君之棄諸孤十有七年而不孝某等誓學山積至重延
吾母太孺人以罹此鉅酷嗚呼痛哉太孺人姓徐氏世居邑
之洪溪明少師贈太師諡文靖謙齋公裔孫天啓壬戌進士
知成都府又生公女孫外王父蕨庵公以伯舅廉石公嘗知
山陰縣封文林郎入 國朝以仲舅解筠公知雒南縣再封
文林郎外王母任太孺人地封金如令典太孺人生而敏慧
綻紉組紉不學輒工四歲能誦孝經列女傳外王父王母奇
愛之擇所歸鮮當意者會外王父以博士弟子應科試江上
先王父文林公亦攜先君試童子學使者前先君甫八歲立
成八藝外王父大驚歸遂以太孺人字焉當是時曾王父太

存稿樓集卷五 行述

干

學公承高王父侍御公遺業食客滿坐讌疇絲吹日沸中堂
王父用高才宿學主東南壇坫奔走清流壬午定省元復失
抑置副車而伯舅仲舅年未冠並以是歲舉於鄉明年伯舅
成進士署選攜太孺人渡淞水抵山陰任旋擢主稽勳時淞
東剽斂充斥士族多轉側台蕩間太孺人有機畧贊外王父
伯舅一日數徙以此得無及難比歸仲舅復成進士家益振
而王父業經兵燹浸以落矣歲壬辰太孺人年十六來歸先
君事王父暨先王母潘太孺人孝且恪蚤夕肅食立案前王
母不命退不敢退也與先君相莊如賓奉世父母吳孺人暨
徐氏姑遂巡退避如事王母狀顧王母尤愛之如外王母也
每外家餉拒枚餅餌至盡分遺家人雖城獲無間王父嘗舉

似諸親故曰吾始意不及此此真吾兒婦也時曾王父老矣

尚善步亦時時撫問曰貴家女乃能爾耶先是邑人士多執
經王父門暨諸從祖世父並以文雄江左月約先君課集太
孺人治具唯謹王母笑曰若入我家不妄茹鹽豉乃斷斷腴
客饌耶歲時歸省諸從母家多豪盛鮮裝翠飾太孺人獨不
喜侈服潔裳衣就坐如常外王父時咨賞焉乙未王母疾太
孺人衣不解帶者六閱月王母卒不起擗踊盡禮戊戌王父
變復作勉襄墓事而覺侮疊叢累世之積掃地盡矣會外王
父家自成都公沒仲舅待尚書曹闕里居年三十二卒伯舅
未四十繼卒外王母繼哭仲舅伯舅卒外王父日以不怡太
孺人私居飲泣懼重傷父意乃寄器用溪干日詣寢省侍歸

存稿樓集卷五 行述

主

輒檢點菽麥治甘脆奉曾王父餐手度嫁時衣被裝遣周氏
史氏姑而益砥先君學僑居湫隘先君置笈紙鏡臺前太孺
人妝未成三藝已就率以為常間讀書山中輒走僮饋臚炙
一器無虛日以故先君得大肆其力于文渾涵迅決埒宋歐
陽蘇兩文忠旁及典制釐革河渠兵賦鉤錯疑舛諸說縷分
髮比無不貫穿訖成 皇朝一代通儒康熙丙午解南省第
一丁未中禮部試第三遂賜進士出身時世父井陘公族兄
庶子公並聯掇上選家少起復返居故時巷里而外王父疾
且革執太孺人手泣曰吾子若壻皆貴汝能侍藥復何憾太
孺人悲慟積時至晚歲命不孝等往奠諱日輒淚墜落也先
君待吏部選間客遊吳越家乘一付太孺人整綱綜紀僮指

秩如及曾王父舉九十尊舟車雜沓至者彌月訖備賓王禮焉甲寅先君奉部檄之清源任太孺人命右文守宗祠祠祭而勤孳累弱越江河上太行坂抵署計口增減量黍米而炊賓饌外不以口腹累市戶曰厚費必奢取吾以飾簞簋也陽曲傅青至先生友先君嘗遺畫蘭葉冊太孺人爲先君粉碧荳作養饋之先生報曰荳餅輕鬆大宜老馬蹄也其餉遺以禮如此先君洗手奉公無絲髮囊橐私嘗至歲除日餘銀十兩錄有奇授太孺人太孺人笑曰買牲酒薦君舅君姑足矣先君仕宦後產不加益而轉減耗負貸子錢踰數倍卒以廉名燕晉間者太孺人佐之也先君性峭直嫉惡或時下怒太孺人必曲爲解上官符下問非其職先君巡廢格不行要人

存稿集卷五 行述

三

傳尺蹠至者逕不啟封太孺人酌事理緩爭得當乃止丁巳先君倦於吏事曰官不止懼有後悔適中朝薦博學宏詞列名上而太孺人亦以曾王父之近不祿也乃駕而南每值嶺磴險窄輒止不孝大支等騎無疾行宿逆旅時追說瀾東山水芊綿秀麗狀悽咽者久之已未先君罷試謝病歸杜門卻掃益覃思史籍不及戶外事田園荒埔歲又繼不登太孺人帥家人啜糜菽不厭故卒能營葬曾王父如禮有言外王父地不吉者亦力改卜焉先是先君在官日聞井陘公以驛使指馬篋憤卒慟甚決計歸而世父茂才公卒及歸季父復卒喪不給太孺人急脫珠鳳釵質銀辦之先君意忽忽不樂癸亥春疾作太孺人泣進藥先君笑曰吾病豈藥石能愈哉雖

扁鵲奚益因指在文等曰以此累汝不再旬遂易簣焉時三月二十有九日也太孺人號裂辦喪事遂以是年冬禮墓先君下山之麓而支幹頓羸削髮亦浸以白矣季妹旋殤敝廬復燬于火樁柱回易買屋一區肅傅理婚歲無寧晷而春秋浸高矣顧日執家事無少懈不孝等時以爲言則曰君子能勞後世有繼古賢母訓也嘗衣疎布中衣設故衾幃指不孝等曰無遽爲吾少此此爾父未第時故家遺矩也伯姊仲姊早歲孀居調衛尤有條紀以故諸姊妹家子多勝衣任趨拜而不孝等極無似卒能長齒髮覲顏視息以至今日訖如先君癸亥三月遺指歲丙子太孺人齒六十聞姻實謀舉尊愀狀曰爾父松楸成列吾稱未亡人何乃重煩尊客爲先期

存稿集卷五 行述

三

右文帥子姓諸婦上壽燈張輒輟卮不御陳說內外兩家盛衰倚伏及所以艱難得之者而尤力舉世父先君雪夕讀書足僵擁絮狀顧諸孫敦覆再四曰謹識之此爾家遺事也嗚呼今慈音在耳而太孺人不復起矣嗚呼痛哉太孺人性嚴重每不孝等及諸姊妹侍肅如也訓飭家人必以禮當曾王父外王父盛時並畜女樂狀雅不嗜歌非大宴會不以箏笛溷耳也故家婢整盤皿中物水沃巾幕雅悉其法狀不甚措意也爰始在室迄晚歲中間冷煖萬端壹以鎮靜惇恕處之無幾微軒輊意族姻婚喪不辨者輒檢篋助之無愆色與季父母蔣孺人暨諸從嫂歡狀過從誨諸昆從尤諄懇禮遇叔季諸舅暨舅之子伯舅家孫元浩天輒哽愴廢累日餐也四

時饋奠必飭雖肉棄餘者無敢設祭品分賜諸婦諸孫暨執事者必均且速無敢淹夕太孺人以歲丙辰先君遇 册立

皇太子 覃恩勅封孺人生於前丁丑正月十五日卯時卒於康熙三十八年十一月初十日丑時享年六十有三卒之前數日諸孫環榻者分賜諸食物巨細多寡皆以次喉頰失音不能朗吐屬屬續頃時搖首顧不孝等問戲二指于枕神識殊了了不亂而不孝等冥悸竟不獲奉彌留指如先君治命也嗚呼痛哉嗚呼痛哉而今而後不孝等真已矣雖裂肝碎腦斬報高厚萬一豈有及哉太孺人子五長右文康熙丁巳順天舉人娶莫氏辛丑進士刑科給事中魯巖公女次不孝人文邑增生娶董氏陝西漢中知府訥庵公女次在文

卷五十五 行述

五

郡廩生娶曹氏文學星客公女次郁文國子監生娶吳氏文學鑑如公女次雄文國子監生娶蔣氏乙未進士浙江驛傳道參議芳萼公女四孫八俱幼嗚呼昔先君之下葬下山也蔚州魏敏果公實誌其墓且爲之銘不孝等今以十二月八日奉太孺人柩柩先君墓次倘邀惠當代大人君子錫以表誌傳誅用垂不朽是推敏果公樂道人善之志而大造不孝等俾獲起僵而肉體也爰及世世子孫實感作無極謹述

節婦薛孺人傳

豐義西四分節婦薛孺人武進村前世族父汝章前癸酉舉人汝襄其叔也少嫻禮則年十有七會增廣修月公喪楊孺人贅庵公閨孺人賢爲公聘焉迺來歸時姑姜孺人前卒贅庵公年越六十孺人斯夕視炬救臍體惟謹生子緘齋公甫晬而修月公以非辜羈會城獄事雪病業劇輒強語笑曰浸有差比病棘而公偕孺人且罔敢俾贅庵公知也蓋其篤孝若此修月公卒孺人年裁十有九勵浸絕顧贅菴公業痛子而又憐孫之孩哺而無以遽漸成立也不獲已強起治事曲意祇順公獲閱展史籍者復十年年越七十卒時緘齋公年裁十有一孺人隻立司家枋克儉且勤以無廢遺業族黨尤

卷五十五 家傳

五

難之孺人治家整室不聞語笑聲父汝章公間來省途迎胥不越閭而緘簡齋公尤肅公以文鳴後再越江試海陵半途疾歸三年不克與孺人泣然曰兒名未獲成且蒙露未亡人奚以家爲破產強半俾籍六館有識者尤高其志焉孺人誨孫龍光章光如誨緘齋公康熙癸巳年七十龍光獲傳承宣試越十年雍正癸卯孺人年八十龍光復傳禮部試而章光亦食餼郡學族黨來賀孺人曰今而後未亡人庶可以報夫子矣是年十二月疾浸劇緘齋公暨家人進藥揮去不肯飲曰死生命也且而祖贅庵公學蓋一代而訖抑鬱以終而父勤學而年裁二十有九吾今年八十復何求二十四日卒蓋代修月公殫子職者十年稱未亡人者六十有一年大

文謹贊曰贅庵公輯季漢書黜陳氏例王習氏義鈔紀傳編年二體又削唐永徽五年三月丙午制書嘗自題曰三生鏤子骨萬劫救人腸此其學識胥不朽何遇之簡也官渠薛君傳修月公曰有孺人而贅庵公固不死矣諒哉爰傳節婦以附劉氏皇甫氏書後并附諸葛忠武侯貞潔記一卷後焉

存視樓真卷三五 家傳

美

義女石氏阿奴傳

巷頭東二房義女石氏名阿奴少給役伯嘉公家公暨謝孺人胥善視之永樂十二年公以房屋違式之誣解行在阿奴泣請從十二月公鞠行部成隆慶衛阿奴擊登聞鼓懷公前書狀訴冤內批旨獎其義釋戍籍而十三年春正月八日公以未啟印不得直卒於獄阿奴慟寢絕幽公骨歸葬巷南墻公伯子安之公獲給引偕歸明時衛指揮雅利清勾後越五十年有奇迄憲廟中隆慶衛牒至縣里人沈仲能輩素狙黠朋謀綱公會孫永豐公永豐公斲復訴諸京而難其事時阿奴業老矣亟前曰此婢子再效命之秋也復從永豐公入京霜鬢引前伏訴奉天門成化十二年旨着縣據實查報縣報牘上獲永雪而阿奴疾卒京邸永豐公哀甚以鐵絲曲環其骨而歸葬於村左之螭螺墩後墩日侵削迄公十世孫召慶復築墓且饒石曰凡成一公子姓獲齒齊民世守視松楸者胥義女力也而墓墩頽削大懼違反本之義謹勒石以誌不忘大文謹贊曰譜系書義女表厥義也書石氏春秋書氏族之例也而復冠之曰巷頭東二房高其義之瑰瑋實克將諸節婦烈婦也

存視樓二集卷五 家傳

七

存視樓二集卷之二十五



書存研樓二集後

存研樓二集刊於常郡張氏籍張氏家時板亦入官閉藏有年矣癸酉歲宜邑侯黃公同上官檢査張氏所見是板狼藉塵土中惜其閉戶著書以老而文復不彰也遂言於上官掣以歸宜授其從孫球孫令補其殘缺者而其嫡孫濬德自都中歸曰此吾大父文集不可使從弟獨任其責遂共襄厥任閱月而工畢今夫人受天地之精英發而為文此日星河岳之氣所吐吸而成者也故立言為三不朽之一雖掩閉一時而必大顯於世昔袁中郎出徐渭文於塵煤黥駁中遂傳誦至今夫文長偏才也以視唐歸郝莒矣狀猶有不可磨滅者存而况畫山先生之文百倍於文長軼唐宋元明而上之其

跋一

隱而復顯缺而復完此蓋有鬼神焉雖扁鑄禁錮而有時雷震電掣莫之能掩遏也先生嘗曰古人惟屈原司馬遷楊雄三人為不可及彼不用前法律獨創一家故難能也又曰文至韓歐已造其極欲異其體惟學經而已矣故先生文本之周禮儀禮而出入於班馬二氏諸子百家之書不用韓歐法律獨創一體別成一家蓋胸羅萬卷胥能蒼萃而駁策之若大海之容納百川而鯁化鶴飛龍騰鯨擲莫不迴翔將泳於其中也若山岳之磅礴鬱積而奇花怪石炳鱗翠羽飛連於層巒疊嶂間也閱其文者終日尋繹而莫窮其奧蓋受者遂後而誹議之夫取螢光以擬日星據蹄涔蟻垤而傲山海此莊子逍遙遊所以致嘆於鷓燕也補刊時小子頗為校字

之助耶書數語於集後至上憲及黃公之德二孫誌之詳矣故不復贊云受業甥羅源洙謹識

跋二



ZW 2118188823824

伯祖書山公著述充棟已刊存研樓前集其二集千餘篇刊於常郡張氏未訖工而張氏掛吏議籍其家板亦封鏽沒於官我儲氏子孫囊溢一錢莫能湔拔之也壬申宜邑侯黃公奉上官檄按張氏所見是板堆積塵土中遂捐俸廉償其值挈之歸宜轉授小子令補其殘缺者甲戌夏始克鳩工鏤刻而從兄務成伯祖嫡孫也新自都中歸共襄斯役閱月工畢凡補六萬餘字而存研樓二集復完竊惟伯祖甫入翰苑逾年卽棄官歸里閉戶著書手不停披而以張氏之故沉埋不顯深可悲憫黃公尊賢重文不惜捐俸廉以取之如珠復還如劍復合雖伯祖精英所聚未能磨滅然非黃公之力其不至腐爛漸盡若歐陽之所歎者幾希矣凡我儲氏無不感佩

跋一

深恩若嗑枯而吹生也而通邑人士亦皆稱頌載道以爲王會稽之特啟論衡沈隱侯之表章文心雕龍無以異也集旣成聊書數語誌其顛末且以紀黃公之德云姪孫球孫謹跋